

古今濡削選章四十卷(二)

〔明〕李國祥輯

清華大學圖書館藏明萬曆刻本

附《四庫全書總目·古今濡削

選章四十卷》提要

古今四六濡削選章卷之三十

豫章李國祥休徵父選注

友人蔣賡明舜卿父校閱

王府

祥考太古顓蒙之民榛榛狉狉慮相妨害也就其能萃能群者而君之宗之成聚成邑成都成圻而封建昉焉人皇業分九區軒后復分州畫野並建萬國惟是唐虞以來執玉帛者萬國成周選建明德以爲藩屏封國數百而同姓五十有餘周公制禮綱維其體統浹洽其恩意而彌

古今濡削選章

卷之三十

縫其闕者綦備而至詳總之公侯伯子男爵凡五等而封疆有百里七十里五十里之殊耳周衰諸侯互相吞滅而列國漸耗其見于春秋經傳者僅百有七十國而五伯總其盟會時并兼焉陵夷至于戰國天下并而爲七合從連衡者數十百年終周之世號位已絕于天下而枝葉相持猶莫得居其虛位也秦并天下矧笑三代盪滅古法尊爲皇帝而子弟爲匹夫內無骨肉本根之輔外無尺土藩翼之衛譬及刈股肱獨任胷腹觀者寒心故周過其歷而秦不及期焉

漢興列土序二等之封功臣侯者百有餘邑尊  
王子弟大啟九國蓋天下甫定同姓者少不得  
不廣疆庶孽賴以承衛天子也其後諸侯王以  
連城數十地方千里緩則驕奢易爲淫亂忽則  
阻其疆而合從以逆京師以法割削則萌逆則  
首禍相乃詔諸侯王欲推私恩分子弟國邑爲  
之臨定其號名於是齊分爲七趙分爲六梁分  
爲五淮南分爲三及天子支庶子爲王王子侯  
百有餘焉大國不過十餘城小侯不過數十里  
而漢郡八九形錯諸侯間大牙相臨彊幹弱枝

之勢也故諸侯不擅土力大屈漢法又益峻深  
故哀平時諸侯皆繼體苗裔親屬疎遠王莽乘  
其中外殫微因母后之權不降階序而竊有天  
下分遣五威以班符命漢諸侯王崩角稽首上  
璽駭惟恐後甚至稱頌求容焉光武興復宗統  
封爵廣地後復去王稱公公支庶子爲侯疏者  
鄉侯亭侯祿給既不侈縱而復尊經受學鮮有  
禍敗且東平以將軍居巢以大尉子以司空並  
列三公親賢並建亦猶行古之道也魏疎骨肉  
爵王惟寄空名慶吊問遺一切禁之不知枝繁

者陰根條落者本孤而司馬氏竟代魏不知王  
色也晉懲魏建王公侯伯子男六等之封大國  
三軍五千人次國二軍三千人小國一軍千二  
百人其後猜嫌互起不安分局四夷乘亂爲變  
于外而晉祚不延矣宋齊梁陳以後代祚惟逞  
伎害子孫復各自相屠至乞爲奴緩頰史無死  
不可得也唐興廣封宗室以填天下封王宗子  
衆謂不便遂以服屬差次降郡公縣侯惟有功  
者數人得王已定制皇兄弟皇子皆封國曰親  
王世嗣王府各置官屬皇太子諸子封郡王親

王諸子功業特盛者亦封郡王次者國公次郡  
公又次縣公縣侯縣伯縣子縣男凡九等無官  
土加實封者則食其地以租調給宋本漢非劉  
氏不王之制皇之共親爲王其次屬近行尊者  
止封郡王而已若皇子出閣亦封郡王及納妃  
外第始封真王然皆無爵土之封郡王公獨空  
銜無足爲屏翰繫而祿賜彌不給且踵唐制不  
出閣聚京師睦親宅敦宗院並設焉靖康之難  
大宗之子孫在京師者畢北遷惟大祖子孫以  
散處得全完顏亮南侵宗室在北者畢殲無自



脫者而不出閤之禍極于此南渡後江寧江西  
揚泰高郵泉福等州各置外敦宗院尋又立教  
養選舉宗子之法終宋無分封用自承勅後至  
航海始議分一王于閩廣崎嶇以圖存不已晚  
乎我

太祖定天下之三年詔封皇子十人爲王諸儀衛  
規制下

天子一等歲祿多者至五萬石金冊金寶親王之  
子封郡王歲祿二千石塗金冊銀印俱嫡長襲  
郡王諸子爲鎮國將軍祿千石孫爲輔國將軍

東漢書卷之三

卷之三

四

祿八百石魯孫爲奉國將軍祿六百石代而降  
爲鎮國中尉輔國中尉奉國中尉郎屬籍最疎  
遠者皆得封奉國中尉祿二百石無不封與祿  
者然親王郡王祿給多寡出一時權制無常  
數封皇女公主尚附馬都尉而親王郡王  
將軍中尉女有郡主縣主郡君縣君鄉君之號  
尚儀賓從二品而遞降爲諸冊封及宮室婚姻  
喪葬諸鉅費咸仰給于縣官當是時

太子都金陵去塞垣遠且萬里近且數千里虜出沒  
塞下難制於是酌周漢啟諸王之封亘亘于二

垂

成祖王燕天險地利甲天下而北平以東歷漁陽盧  
龍出喜峰包大寧控在塞山戎爲寧王度渝關  
跨遼東竝海被朝鮮開原許通市東北夷爲遼  
王北平西接古北口瀕於雍河中更上谷雲中  
鞏居庸蔽雁門爲裕王沿雁門而南表裏山河  
大原其都會也爲晉王逾河而西歷延慶寧靈  
又逾河保寧夏倚賀蘭爲固爲慶王兼殺龍之  
險理周秦都圻牧圉之地直走金城爲秦王金  
城西渡河領張掖酒泉諸郡西屆嘉峪護西域

東漢書卷之三

卷之三

五

爲肅王九王者皆近塞皆備邊皆傳以元戾擁  
以宿將得專制其國中兵車城郭崇重擬

天子而周王封於開封齊王封于青州譚王封於長  
沙楚王封于武昌魯王封于兗州蜀王封于成  
都湘王封于荊州岷王封于寶慶韓王封于開  
原藩王封于潞州安王封于平涼唐王封于南  
陽郢王封于安陸伊王封于河南谷王封于宣  
德皆于並列內郡各專國擅兵蓋草昧利于建  
侯板蕩維于宗子亦其勢也譚王方之國趙王  
未之國皇子楠未得封但無子早卒而齊谷俱

爲庶人周以杭州改開封蕭以甘州徙蘭州邊  
以廣寧徙荊州慶以慶陽徙章州又徙寧夏寧  
以大寧徙南昌後除庶人岷以岷州徙雲南又  
徙武岡谷以宣德徙長沙韓以開原改平涼  
太祖所封除 懿文太子與

成祖靖難共二十四國而從孫靖江王封桂林者與  
焉 懿文太子子封慶王封吳王封衡王封徐  
王俱未之國建文太子少子俱未受封無子蚤  
卒惟少子號爲建庶人者幽中都廣安宮至  
英宗始出於鳳陽

哀痛制選章卷之三

六

成祖封漢王國雲南徙樂安州趙王國彰德因皇子  
未封而漢王除庶人

仁宗封鄭王國鳳翔改懷慶襄王國長沙改襄陽割  
王國建昌改蘄州淮王國韶州徙饒州斬趙王  
梁衛五王無子早卒

英宗封德王國濟南崇王國汝寧吉王國長沙徽王  
國禹州榮許秀忻四王無子蚤卒

憲宗封興王國安陸益王國建昌衡王國青州榮王  
國常德

世宗以興入承大統而岐雍涇申壽汝無子國除也

孝宗封蔚王早夭

世宗封景王國德安無子國除

穆宗封 路王國衛輝 國家十餘朝封建親王者

五十餘國而今存者三十餘國中尚有寧遠徽  
伊虛無王也郡王則四百有奇而將軍而中尉  
又不啻數萬計真土地稅入不能加多而宗室  
子孫日益繁衍則宗室之困日甚生民供億日  
難事勢有愈不可爲者大明會典一款親王子  
孫才堪出任宗人令具以名聞授任後俱如常  
選法轉調

哀痛制選章卷之三

七

太祖未嘗不許宗人出仕也宣德初漢庶人反當時  
大臣倡爲疎忌宗室之說廢出仕之令夫禁其  
出仕不得隨職受祿而仰食有司昔以一郡而  
供一王今以一郡而供數千百人矣惟是宗室  
重敝仰哺待永日眈眈焉而卒莫之與又爲厲  
禁俾不得從農商之業其賢者又不得偕寒士  
從有司之薦園之一城之內至併室而雉經者  
有之矣易名姓而爲所不可爲者有之矣故有  
司見宗室之困勢不能念民見民之苦勢又不  
復能念宗室二者交戰而技窮也爲今計無如



自將軍以下少裁其祿數而務實其惠中尉以下母賜爵祿而寬其禁使其賢者得與寒士角長而受任其不肖者從事于南畝以其力周其身而官弗與焉庶乎其猶可支也

賀定安王

宋馬騏

帝庭敷號王社疏恩褒功而勞使臣方進蓬山之首崇德以固宗子遂開涇水之封播告邇遐聳動觀聽竊以漢興中天二百載業既綿長周封同姓五十餘族方敦叙庸有維城之傑蔚爲祭酒之尊恭惟某官胄出神明任更師帥屏膏粱之習蕭然有寒士之風

東齊制選章

卷之三十一

八

一

極翰墨之工粹然得作者之體輟將使指襲守宗藩雖耳泉豹尾之遊少稽輿望而磐石大牙之任特簡淵衷佇備元戎十乘之容更視泰階六符之象某幸依洪庇歡聽新除非劉氏不王既承於顯冊以滕君爲長用壯于熙朝頌詠既勤拙訥難盡

賀景獻郎千秋

宋方岳

天潢毓秀宗祏流暉駕鶴而朝中元先校長生之籙牽牛而臨七夕已傳乞巧之文併借良辰誕彌厥月某官謙以自牧卓爾不羣鍾鼎神堯之子孫了無貴介冠冕宗周之族姓雅有好修蓋其稟間氣於長庚

固已得異書於太乙錫之難老儀我睦親某叨與講論竊深贊頌富貴莫如進德尚迪前人之光清淨可以延年是爲仁者之壽

賀景獻郎冬

宋方岳

一陽萌動緹室春浮萬象張開藩房天近有偉亨嘉之會聿開剛長之期某官自牧以謙不遠而復溫其趙日歛爲可愛之易和倬彼魯雲要是太平之瑞氣對天之佑與國同休某近別講臺遙瞻宗翰景長官壁喜添一卷之書暖入圭壺茂錫百朋之祉

賀嗣秀王元旦

宋方岳

斗擣龍角又頒羲仲之春雪滿兜門請賦梁王之壽恭惟某官宗藩明德政路崇班慶襲璿源默膺璿璣之運實分玉帶益調玉燭之和宜從桃華之辰丕介椿松之祉某愧無善頌可賀履端曳鄒陽之裾方規旅進授司馬之簡更佩謙光

賀魯王元旦千秋

明于慎行

伏以內三成泰弘開萬象之春得一爲元茂祝千齡之筭東風入律南極呈輝恭惟殿下地重親賢德隆藩輔州分海岱郊青帝以迎年國應奎婁轉旋儀而得歲丕膺純嘏懋對昌期將臨獻綵之辰適值懸弧

東齊制選章

卷之三十一

九

之誕日躔初度十二月成物以周天帝與仙齡八千  
歲爲春而始旦紀夏正而四時肇序考魯頌而三壽  
作朋某也幸列華封久依大厦望青陽之左个莫稱  
玉殿之觴慶紫府之長春願數瑤階之筴恪陳鄙頌  
仰祝蕃禧伏與睿慈俯垂電炤

賀藩王元旦

明李國祥

伏以斗柄回春韶景煜金枝千葉晝交開泰榮光浮  
玉水萬流豈來空翠于管絃實滿菁華于鉛槧輝添  
園月色改軒霞恭惟殿下卓爾不羣居然大雅感精  
太乙奪魄長庚上夜黎然秘學益深于醞藉元正椒

東瀛別選卷之三十

十

頌蕃釐載錫以駢臻仙李蟠根襲芳華于高桂水壺  
澈露淪煖氣于遥漢文章摠太白之瑰奇氣節凜朱  
虛之耿介詎見聞洽鴻寶之訣抑信厚得麟趾之祥  
此宜福與春偕而壽同日引者也某材原枯朽官復  
冰寒瞻芝蓋方興就煖拜瑤函倏載分甘洵有脚陽  
春施惟不擇乃無塵感印積而愈新傾寫消埃圖稱  
岳海伏願日華春色長爛晃于東蒙益祈桐葉雲仍  
永藩屏乎北薊

賀淮王壽

明支大綸

伏以謨貽燕翼傳青社于維翰之邦慶衍龍圖介繁

社于神明之胃靈符炳煥皇序延長瑞協天樞歡騰  
帝里恭惟 殿下瑤牒奇英僊宗領袖夙藉剪桐

之緒允承訓梓之規自訟名鄉遠追宣間之德以我  
有室近同宗會之賢惟日躔於大梁廼律回於姑洗  
桐華始發真葉三飛值初度之靈均協嘉名之正則  
陋謝椽擁旄之貴當宣尼不惑之年佳氣旋陽炯炯  
叶西庚之吉璇光貫月耿耿燭南極之芒行見花萼  
樓前茂本支於百世粉榆社內展寶玉於長春某謬  
縮金章偕陪珠履欣棠棣之華華爰祝松年見麟趾  
之詵詵永期鶴算惟與凝神樂善雅意親賢念一人

東瀛別選卷之三十

十一

水木之宗惟忠惟孝肇萬年磐石之固如岡如陵

賀淮王年

明支大綸

恭惟 殿下者伏以玉曆春回瑤圖日麗泰道應  
三陽之會履端迎百福之祥瞻兜死以馳神心深燕  
賀奉椒盤以獻歲術阻鳬趨肅將二簋之儀少效六  
符之祝

賀襄王午節

明馮時可

伏以金縷應晨長發之祥方茂絲絲表節太平之運  
綦隆五葉冀開映徽圖而並爛九畦蘭浴流翠幄而  
爭芳瑞繞非烟驪騰披霧恭惟 殿下學隆三聖



長篇樂事無窮良辰不盡其心切梁臺身鵲漢節巫  
山六六竟隨玉鏡同飛蓬島三三心與紫簫俱遠謹  
修薄獻併致離衆望望長堤神女之珠誰覓依依中  
峴楚王之對初成

賀襄王重九

明馮時可

伏以天成九數日月並應嘉名王享千秋乾坤適逢  
茂節丹楓如錦綠醕成醇朱邸之樂事無涯清江之  
秀色在望恭惟 殿下靜觀契道佳興同人忻逢  
無射之時不問未央之夜臺雄戲馬樂設六羽三金  
館駕凌翬侍有十眉雙帶氣盈瑞腦和爽氣以浮杯

東瀟別集卷之二十

十三

悽惻鯢絃隨金巖而布響佩囊誰客落帽何人某飲  
德不貲委心無量葉飛楚水思隨高鴈齊翻草折梁  
園身與寒花共瘦何當奉清遊而陪後乘聊且具薄  
獻以勞前驂伏望齊鶴算以重重協龍麟而九九黃  
鸞酒進不愁地老天荒白苧歌懽誰知雲悠風厲某  
不勝忻躍瞻仰之至

賀襄王年節

明馮時可

五木香浮喜逢元會之日七松藥薦欣瞻正始之朝  
召納千祥蠲除百疾恭惟 殿下配命求福養素  
孚神堯年之日舒以長優游雅樂魯侯之福昌而熾

氣備四時金聲夙振於青閣玉版久頒乎彤闕神遊  
姑射清心不夢巫山問道貝茨詞源直領漢水喜逢  
當年之節正值開甲之年鸞輿復以當陽虹旆儵其  
旭日惟城惟翰辟兵不假靈符爲龍爲光禳災無藉  
桃印龐祚占其彌固麟趾所以興歌時可夙慕圭璋  
新瞻斧藻望東平之鬚髯不啻爲靈之希沃若慕臨  
淄之詞翰真若潢汙之願朝宗敢薦蒲觴聊申芹獻  
日長十宅釐祝與渡歌俱喧天近五龍寵命齊沉碑  
不朽千里風雲之俗盡暢南薰三楚水陸之途咸瞻  
北斗

東瀟別集卷之二十

十三

賀襄王中秋

明馮時可

伏以白露迎寒佳期逢三五之夕金猊獻歲茂祉慶  
百千之秋漢江之草未衰洞庭之葉初下高風滌暑  
商氣清溫月滿桂輪萬里披開雲障星聯珠絡九霄  
架出瓊宮恭惟 殿下樂善自寧虛懷與虛宇同  
廓對時爲適素酌共素節相清當九秋之正中日遷  
行以改轡值午夜之方永閣延路以添更泮渙有怡  
淨胸懷而朗朗優游多暇益腰腹以便便露滴蟾蜍  
墨潤冰文之蘭涼生翡翠香消蠶字之魚若乃西園  
盡飛一時傾公子之雅興南皮席設四座寫騷客之

泮渙名園神水黃柑酒如洞庭春色葭灰金管氣若  
峴麓晴霞朱戶肅清不煩鑄金之鳥鴻基埴固吳取  
膠牙之餉方且賞七子之賦而逸暇無期自此服八  
公之方而胥樂有穀某荒城林守未能化鵠來朝一  
水魚傳竊爾貽椒成頌伏願歲歲鏤五色之土畢萬  
成書年年飛三素之雲則百應兆

賀益王冬至禮

明支大綸

伏以璿臺望氣知福履之頻添段管回陽美泰階之  
寢長德邁百福祥叶五雲恭惟 殿下倦宗大雅天  
統延禧允懷德以維寧信爲善而最樂當此書雲之  
東瀟制選章卷之三十一 十四  
佳序願修獻履之常儀況在中秋嘗叨蕃錫比對使  
緘詞既薄言而完璧乃委官誤入幾以暗而投珠珍  
覲久虛塵踪頓隔謹因亞歲之獻并歸西舍之封倘  
貫不恭實銘汪度遙瞻克死幽托魚鱗

賀鄧城王壽

明馮時可

伏以萬寶功成千秋筵啓紫萸進節邪之颯黃英舉  
難老之觴一國騰懽三峴生色恭惟 殿下錦腸繡  
腹玉色金聲鴈序克恭手賢兄烏哺隆養於詩母新  
調國色大協人情茲當同稼之時遂舉食菊之宴來座南山新賦鄒枚玉露無轉東風遙祝同綺不佞  
仰德有素應教未期謹具不腆之儀用致無疆之誦

謝竟陵王示扇

齊王融

竊以六翮風流五明氣重若此圓綃有兼玩寶輕踰  
雪羽繁竝霜文子淑賞其如觀班姬儷之明月豈直  
魏王九華漢臣百綺况復動製聖衷垂言炯戒載慕  
聽眎式範樞機

謝趙王賚犀帶金錢

梁庾信

某啓奉教垂賚犀裝帶錢十貫魏君寶帶特賜劉楨  
趙王國租偏資裴楷貫藏文馬如燒安息之銀帶插  
通犀似獵雲南之獸北郭騷之長貧是所甘慨南宮  
敬之載寶殊非念望花開四照唯見其榮懿戴三山  
東瀟制選章卷之三十一 十五  
深知其重昔沈義將盡逢司命而還生士燮行終值  
仙人而更活今日慈矜斯之謂矣馬前驅而導路或  
似識恩鷄未曉而開關容能報主

謝趙王賚絲布

梁庾信

某啓奉教垂賚雜色絲布三十段去冬凝閑今春嚴  
勁霞似瓊田凌始鹽浦張超之壁未足障風袁安之  
門無人開雪覆鳥毛而不暖然獸炭而逾寒遠降聖  
慈曲垂矜賑諭其蠶月始聲桑車津實秉 幾空織  
室遂令新市數錢息疑敗綵平陵月夜驚聞 倚衣妾  
遇新絲自然心伏妻聞裂帛方當含笑莊周車轍寶



有涸魚信陵鞭前元非窮鳥仰蒙經濟伏荷深慈

謝趙王齎馬并繖

梁庾信

某啓奉教垂資紫驕馬并銀鈇乘且紫紉繖一張上天降雨特垂深澤若水流光偏蒙私照迴茲翠蓋事重劉基之恩降此青驪榮深李忠之賜止部丹帷便須高捲西河竹馬卽已郊迎在命之輕鴻毛浮於弱水知恩之重龜背負於靈山况復驚鴻別水但見徘徊黃鶴去關雎知反顧棲戀之心事同於此

謝趙王齎米

梁庾信

某啓奉教垂資米十石丹鳥御稊既集西周黃雀隨

京肅制選章卷之三十一

十六

車還飛東市漬而爲種不無霜雪之精取以論兵卽有山川之勢某陋巷簞瓢柳風沐雨剥榆皮於秋塞掘蟄鷺於寒山仰費國租遂開塵甑非丹竈而流珠異荆臺而吹玉東方朔之捧米既息長饑西門豹之墾田方慙此資

謝趙王示新詩

梁庾信

某啓鄭叔至奉手教累紙并示新詩八體六文足驚毫翰四始六義實動性靈落落詞高飄飄意遠文異水而湧泉筆非秋而垂露藏之山巖可使雲霧鬱起濟之江浦必當蛟龍繞船首夏清和聖躬怡裕琉璃

彫管鵲顧鸞迴婉轉絲沉猿驚屬落下風傾首以日爲年健爲舍人實有誠願善爲主薄無由遂心寂寞荆扉踈無蘭徑驂駕來梁未期十日還騎到鄴希垂枉道

謝滕王集序

梁庾信

某啓伏覽制垂賜集序紫微懸映如傳闕里之書青鳥遙飛似送層城之壁若夫甘泉宮裏玉樹一叢玄武關前明珠六寸不得譬此光芒方斯照燭有節有度卽是能平八風愈昌愈高殆欲去天三尺殿下雄才蓋代逸氣橫雲濟北顏淵關西孔子譬其毫翰則

京肅制選章卷之三十一

十七

風雨爭飛論其文采則魚龍百變蒲桃繞館新開碣石之宮脩竹夾池始作睢陽之苑琉璃此酒鸚鵡承杯鳳穴歌聲鸞舞曲况復行雲逐雨迴雷隨風湖易之尉旣成爲善之因春陵之侯便是銷慶之地某本乏材用無多述作加以建鄴易九劣免儒礪江陵百六幾從士隴至如殘編落簡並入塵埃赤軸青箱多從灰燼比年痼恙彌留光陰視息桑榆已逼蒲析方衰不無秋氣之悲實有途窮之恨是以精采替亂頗同宋玉言辭蹇吃更甚楊雄一吟一咏其可知矣好事者不求知音者不用非有班超之志遂已棄筆

不見陸機之文久同燒硯至於凋零之後殘缺所餘  
又已雜用補袍隨時覆響聖慈憐愍遂垂存錄始知  
逾揚過差君子失辭比擬從橫小人迷惑荆吳抵鵠  
正恐輕用重寶龍淵削玉豈不徒勞聖聽匠石迴顧  
朽材變於彫梁孫易一言奔蹄成於駿馬故知假人  
延譽重於連城借人羽毛榮於尺璧溟池九萬里無  
踰此澤之深華山五千仞終愧斯恩之重即日金門  
細管未動春灰石壁輕雷尚藏冬蟄伏願聖躬與時  
納豫南陽寶雉幸足觀瞻鄜縣菊泉差能延壽伏遲  
至鄴可期從梁有日同杞子之盟會必欲瞻仰風塵  
末滿前選章卷之三十一十八

謝趙王賚白羅袍袴

梁庾信

某啓垂賚白羅袍袴一具程據上表空論雉頭王恭  
入雪虛稱鶴氅未有懸機巧綜變躡奇文鳳不去而  
恒飛花雖寒而不落披千金之暫賜棄百結之長裘  
永無黃葛之嗟方見青綾之重對天山之積雪尚  
開衿肩廣廈之長風猶當揮汗白龜報主終自無  
黃雀謝恩章知何日

謝賜曆日

梁庾信

凌渠所奏弦望既符鄧平之言錙銖皆合登臺視朔  
觀雲物之必書拂管驗灰識權衡之有度初開卷始  
暫謂春留未覽篇終便傷冬及徘徊厚渥比日爲年  
謝嗣秀王賜玉帶 宋李劉

謝益王

明黃鳳翔

末滿前選章卷之三十一十九

賓筵日啓頻承晉接之輝玄論風生謬竊師資之益  
豈惟樂善忘勢振古所稀抑亦博學多聞於今鮮儷  
飲醇自醉飫德特深獨慚瓦礫之材靡效瓊瑤之報  
乃厘尊使重錫多儀敬在末將永以爲好倘終徇乎  
微志是自絕於賢王握管躊躇焚香拜領飲河鼯鼠  
消沙之腹已充繫帛飛鴻耿耿之衷尚積端啓肅謝  
瀕發神馳

謝益王酒饌

明張文介

西澗尋花偶有斗槎之泛東園載酒忽驚仙使之來  
末由正席以先嘗固已醉心而飽德恩踰亟愧感切



素食茲蓋伏遇賢王殿下秀質稟至人之感德生知  
兼才子之多能好善忘勢近邁百王虛已憐才遠師  
千古如臣枯朽亦照陽和德匪穆生均叨設醴才慚  
李白并荷調羹受茲眷知何殊覆載臣敢不矢心夢  
寐圖補消埃報恩方去雖有愧乎雲長乘興重來永  
不忘乎雪夜少摘鉛刀獎帚之能用申一飯千金之  
義臣無任激切感戴之至

謝楚王

明黃鳳翔

楚醴賓賢不異緇衣之好采園授簡有慚作賦之才  
辱篚篚之駢蕃望遽廬而寵錫况承溫諭敢不拜嘉

東漢書

卷之三

十一

第桐葉分封乃帝室睦親之典而駢駢將事寔使臣  
分義之常倘或受餽而歸則以辱命爲罪是用兢惕  
罔敢即安謹領酒肴已浹醉飽餘容遵例返上伏祈  
俯賜鑒涵謹啓

謝榮王

明李國祥代

恭惟殿下蕭雲龍種冲斗麟英眉宇朗識天人凌雲  
颯氣綺漆文稱宗傑繡虎飛才丹起綠羅儼追西園  
飛蓋月輝紫苑凝望東館懸珠草聖草賢帛想書而  
後練飲玄飲醴室擬入而遠僊某服聞雋望于扶風  
昔也題才辱宴清交於魯穆今乎轉運聞得悉乎具

美宴得數而深心亟瞻汝陽之色映春晏於任城之  
音道雅豈曰渥賜實稱忘分還職藩司悵音徽之軌  
遠阻途湖渚慮問訊之爰疎此後春風弱楊柳花樹  
如侍夜游晨食秋月澄景對光濟似在長坂圓池不  
昧老此心無將者彼物亟圖後稱遲報先投伏願秀  
原月心鏡齊明偃淮桂情田並烈祚胤楚兮杞梓登  
壽椿矣春秋

謝鄭王

明吳國倫

恭惟殿下惓惓翊國恭儉宜家德表九宗文輝四曜  
雖河間之樂善未足齊賢豈鄴下之摘詞遂能媲美

東漢書

卷之三

十一

艱難將嘗於重耳切磋兼勵於武公彌劬清修誕膺  
光復其憾曳裾之尚晚漸授簡之非才設醴既顯絨  
書至再中嶽之靈孔邇南皮之感滋深無自稱觴徒  
懷獻獲茲覲一陽來復懸知百福是適顧勤使命瓶  
膏味旨於瓊無遠錫珍儀籠幣文工於火藻唱之則  
枯腸頓澤服之則弱體加溫河水盈盈私心戀戀  
謝襄王元夕惠燈菓酒菜

明馮時可

伏以月殿星橋峴山起高明之界銀花玉葉襄州開  
韶麗之天三爵行棲九龍不瞑恭惟殿下金枝羽  
運麟趾開祥孤月西園秀心鏡而齊明小山散儼嶠

田以並春惠徧寒門常普燭龍之照樂逢佳夕盛張  
火樹之輝控紫駟以驟驪人人樓李度清管以飄搖  
處處落梅其曳裾有緣應教自幸宮牆天遠誰能爪  
盡新聲庭燎雲連何日壁分餘照方欲借虹橋於殿  
角不意來鴈使於郎中燦爛雙燈侈分金羊之耀旨  
甘百菓多移瓊苑之珍酌新釀而色奪襄流壑初成  
而味過漢脯謹將尺素用謝深恩伏願福如七采之  
蓮重重爛熳壽似九微之火歲歲連綿

謝益王禮

明支大綸

伏以 益府賢王殿下瑞木分枝璇源列派博學凝

東甯則選章

卷之三十一

廿二

神於天祿大雅注春於甘泉魏闕懸心近邁中山之  
德妹邦明命遠符康叔之賢不獨繪藻拔雲風擅八  
軌雄賦亦且親賢樂善足稱千里名駒某荆南弱質  
叨從微省之介臣江右膺符預仰德宗之領袖顧守  
蟻封之分末申鴈見之忱敢辱隆施遠頒寵翰拜嘉  
顏甲銘載衷藏謹對使以抒忱容嗣音以申謝

答豫章王

隋崔 頤

理高象繫管輅思而不解事富山海郭璞注而未詳  
至於五色相宣八音繁會鳳鳴不足喻龍章莫之比  
吳札之論周頌詎盡榆揚郢客之奏易春誰堪赴節  
伏惟殿下稟潤天潢承輝日觀雅道貴於東平文藝  
高於北海漢則馬遷蕭望晉則裴楷張華鸚鵡騰聲  
鴻池播美望我清塵悠然路絕某燕南賁客河朔情  
遊本無意於希顏豈有心於慕爾未嘗聚螢映雪懸  
頭刺股讀論唯取一篇披莊不過盈尺復况桑榆漸  
暮黎藿屢空舉燭無成穿楊盡棄但以燕求馬首薛  
東甯則選章 卷之三十一 廿三

回榮邸冬

宋方 岳

日長宮壁已浮葭律之春天近蕃房有韓棣華之鄂  
哀時之對與國同休某有事紫壇未瞻翠水忽枉五  
雲之翰謙以先之又添一卷之書復其亨矣



回諸邸冬

宋方岳

倬彼魯雲必書爲瑞溫其趙日可愛如春維周宗盟  
自天弗祿某官土圭之正玉珩之和于嗟麟兮式時  
公姓衆維魚矣哀對天休福履綬之君子樂只其明  
農未遂介壽無繇節物崢嶸第驚老朽文章爾雅徒  
負褒榮不敏之辭何足以謝

辭隨王

齊謝朓

某聞潢汙之水願朝宗而每竭駑蹇之乘希沃若而  
中疲何則臯壤搖落對之惆悵岐路西東或以鳴悵  
況乃服義徒擁歸志莫從邈若墜西轡以秋蒨某實

哀蕭制選章卷之三

廿四

庸流行能無筭屬天地休明山川受納褒采一介拙  
揚小善故捨未場圃奉筆克園東亂三江西浮七澤  
契闊戎旃從容讌語長裾日曳後乘載脂榮立府庭  
恩加顏色沐髮晞陽末測涯涘撫臆論報早誓肌膚  
不悟滄溟未運波臣自蕩渤澥方春旅翮先謝清切  
藩房寂寥舊華輕舟反溯吊影獨留白雲在天龍門  
不見去德滋永思德滋浚唯待青江可望候歸鯉於  
春渚朱邸方開效蓬心于秋實如其簪履或存衽席  
無改雖復身填溝壑猶望妻子知歸攬涕告辭悲來  
橫集不任犬馬之誠

辭韓府銀幣

明唐文燦

竊惟簋樽整潔既開夏屋以招延銀幣輝煌重列公  
庭而錫貺施恩至渥感德良深但懷璧非匹夫之宜  
若受金實使者所忌終軍建節幸畢事於出關陸賈  
題裝敢效尤於入粵尊賜固難輕卻効儀斷不榮承  
惟針工枕具與夫絨褐繒茵量留其半自書價帕資  
至於銀壺寶騎悉返其全寸衷恐隔於王門尺牘  
通乎相府伏希鑒照特允收回外附俚謳上千清  
倘足助音於擊缶何庸較藝於吹竽

辭韓府送紗

明唐文燦

哀蕭制選章卷之三

廿六

竊惟膚資天挺早揚淇澳之風聲祇從聖馳初覩河  
間之禮樂恩特優於賓旅義尤重乎主人迎勞及郊  
設饗遂具顧臨就館授餐兼加適上介慙於採薪未  
獲趨時以從事致尊俎煩於繼粟徒縻累日而懷慙  
忽荷寵頒倍增踴躍矧彼玄纁之幣殊非素淡之儀  
廉慕布囊卽四布猶可受也侈嫌紗帳昔雙紗豈敢  
承哉迹雖涉於不恭性實拘於曲謹容候傳宣之暇  
展申謁謝之私再宿少留尚擬飲厭厭之盛宴一緘  
專達惟祈原懇懇之微衷



上右軍建平王

齊江淹

其乃庸人素非奇士既慙鄒魯儒生之德又謝  
狹落之節徒以結髮衛次暫聞仁義常欲永  
弋釣耿壑而身輕重復奉末光枉白璧  
貂之私因茲感激未能自反負金難於進  
於和楚竟不能曜丹腹騰其聲絕自雲負蒼  
知矣不謂咸池再暉理光重照開高天之慈布厚地  
之施承命既驚巡走且失未聞古人爲報常有意焉  
至通一說之效齊王動色一劍之感趙王解衣孤心  
迴樂有願自天

齊江淹

齊江淹

伏惟殿下列舉椒壁飛聲冲漢爰求儒雅  
前赤野之玉剪燕山之金至如某者東國之徒  
方歛影迴形匡坐編蓬之下遂遭  
光惟恩知泰變色薰心某聞齊石既無待  
唱檀臺已構寧俟不才之表某幼之鄉曲之  
其石書

上榮王

明熊宇奇

伏以紫潯啓耀爾龍種騰青路摘光冲斗麟英  
秀發後星增潤前並標恭惟殿下璇玑清流玉  
奇寶凌雲飄氣眉朗識天人縡虎飛才綺藻文  
宗傑桐珪奕煜參差沅水淪連羽蓋輝煌掩映武山  
紫翠擅詩西楚溫易惟寫性靈好禮北河清澹不營  
聲譽伐木東苑盡棟飛羅之雲追蓋西園珠簾引  
紫苑之月比登仙干人擬追娛于游臺河也業崇  
藩屏允矣功宣寅亮公謨塵造士與聞雋望于扶風  
濫竿衡又辱宴清交于魯穆是瞻汝陽之色映春爰

齊江淹

齊江淹

聆任城之音適雅魏徵未不自失玄平何稱以他  
長奈分參蜀西瞻慕音徽之漸遠且捧賀冀北問關  
問訊之愈難偶有親知曳裾輒爾臨寒榮翰曳裾者  
爲兗州府通判今陞貴國理正李某也才是鄒枚  
度非屈賈日華宵召授簡外被罰之長儒要略欲成  
綴文同堪游之士秀儲通系鯉之懇竊與屋烏之垂  
四壁立相如免狼狽以游僊八尺圖東獻副腰腹以  
褒嘉冒干威顏俯賜慈聽

上榮藩

明喻政

伏以夙慶裁梧常武割方乃社色新芳觀梓莊懷祚



胤啓宗英鬱爲盤石之冠茂成社稷之鎮宦游宇側  
薰沐波倫恭惟殿下植彩靈源揚芳華等瞻衡疑之  
駿起彷彿道風邇沆澧之鴻波依稀德潤幸隆負荷  
詎養神色愉之難忠篤藩屏寧言得事中之屢綴文  
綺麗人人艷命世之詞染翰翩飛世世神披雲之體  
行朝振添梁孝姬兔園之游生隱飛觴陳思慚雀臺  
之譙樂善彌高載籍飲玄書擬登僊某智拙烹鮮才  
疎製錦屬意退賓之館抄謄謬思千春華中心食采  
之封亟展蓬心千秋實故以人爲獻較盡物猶誠茲  
某生共維業親聯附肺爲審理某程其幹局已試囊  
京寓削草 卷之三 廿九

上益藩

明謝廷諒

伏以胤繞虹樞桂邸濯銀潢之秀系承麟圖桐珪分  
玉座之華洪緒氤氲貞期盼縹緲恭惟殿下英徽蚤  
茂德潛亨陶冶六虛碧月映冰壺之潤甄維八柱曜  
靈標銑樹之輝道契從風托靈襟於維浦祥符捧日  
暘闡澤於江藩渥惠湛恩蔚神而驛化清暉秘譽曄  
帝里以馳芬雖韜挹龍章未奉臺之對而輝煌鳳  
藻時披月窟之華命太乙於詞垣星分藜火召天吳  
於筆海雲駕芝英與會霞飛鄴水動朱華之色名流  
烟浦睢園窺玄扈之圖士飾膠庠歌楚詩而傳沛易  
京寓削草 卷之三 二

穎于行河徵以才情將露勃班于授簡收之藥籠豈  
不齊味敗茵登之金臺自外售駿朽骨感激憐才天  
性傳覽刻擊賞于官中歡忻式穀王孫聽留羈閑講  
于日後雖曰久淹東舍或可待卜地以室馬周寧知  
常嘆北門實不擇奔林下官弘度恐至晚索枯魚之  
肆必望蚤激活鮒之波千唾未落于講筵八口先沾  
于發廩孔及僕拜于 某鴻臚彈歌乎有與豈祥感  
結頌恩同響指席爲 卽某榮微推惠亦稱錙銖是  
圖庶官惟擇人固端 維翰之攸寄而曲爲好士尤規  
大雅之不群率爾 昧上祈伏惟慈明下允

宗室

賀王宗正

宋王 邁

東觀策勲西垣振武金枝光裏慶高九棘之班紅藥  
香中獨妙五花之誥朝廷盛選儒者至榮恭惟某官  
學根六經文起八代富貴倘來之物於我浮雲神明  
對越之心有如皦日萬事水流而不競孤標山立以  
難移天不虛生世寧多見方領羣仙於天上忽瞻一  
佛於人間對薇閣之黃昏挹銀河之清淺言足以動  
武夫感泣之志行足以平公子信厚之風一舉軒昂  
諸公辟易度玉墀而升金掌人謂回翔首龍榜而到  
東藩

卷之三

卅一

賀呂宗卿

宋方 岳

擢從島府董正麟宗上帝鑒觀四方獨系隆於我宋  
文王本支百世思獨叙於吾儒乃啓蹇蹇之王臣糾  
合振振之公姓是皆法從有偉名卿非熊非羆非虎  
公望久矣如圭如金如錫人快觀之式顯詔草之頻  
增我粉闥之重某喜於賀厦出則無車猶未免爲鄉  
人豈惟可太息者六耻獨爲君子所賴有達尊者三

敢不彈冠倚顏聽履

賀新南宗使

宋王 邁

鎮領房山司宗唯邸伯父心在王室自宜與國輔以  
通班天屬生值聖時愛與第一人而爲長潔獨吉積  
登進賀床某官學問得聖處之工夫文章有作者之  
風骨淳熙之末射策耿魁宿之苦寒嘉定而後還班  
屹靈光之獨在忠勤一節佐佑兩朝以經文緯武之  
長材任觀化宣風之重寄古稱巨鎮价藩揚六肅之  
威徽省華階跬步眠三台之秩聖化方新於調瑟宗  
盟尤重於維城欲信厚之風成宜訓齊之遴選時維

東藩

卅二

族老方堅懸關之心帝有恩言亟下建臺之命地位  
空則事權增重力量大則教令易平會見文昭武穆  
之英益習沛易楚詩之化惟是通國之望正在同姓  
之卿衛社稷則無如朱虛之精忠尊朝廷則孰過李  
勉之德量鉄鉞方欣於南下袞衣已趣於東歸天下  
尊尊有三師言允穆宗室爲相者九前軌可尋罔俾  
忠定之賢專美紹興之始伏念某癖性嗜古樣不入  
時對策廣廷徒有空臆盡言之直校文列陛乃罹疾  
聲大呼之讒來倚席以何顏嘆無羶而獨冷見聞甚  
淺易招雪日之朝驕貴與居凜有風霜之惧所幸者



英之至止庶幾晚末之有依教誨之以雅言提撕之以巨力一時遭際幾劫修來仙李蟠根固可使荷蘭之蕃茂小艸有志亦期附叢桂之芬芳

謝宗卿

唐李商隱

義叟啓伏奉秦署知表疏官伏奉前月二十八日勅旨授秘書省校書郎續奉今月五日勅改授河南府叅軍者某少實艱屯長無才術徒以與周同姓從魯諸儒託阮籍之竹林攀鄒誥之桂樹曲蒙題目猥蒙薦聞惟我大朝克崇宗祏叙文昭武穆之位敦紹克續禹之親豈以斯文失於能者况一蒙旌錄再忝恩榮班資將厠於郗超職業幾踰於孫楚感結所至生灰以之卽以今月某日發赴所職登門在近縮地是思惟勤肺肝恨無毛羽伏惟特賜恩察謹啓

通西外宗使

宋楊萬里

弭節西臺正仰長庚之次舍司文南邸獲分太乙之光輝敬飾墨卿晉于籤帥某官清凌沆瀣和毓均倪學問工夫窮伊洛橫渠儒先之秘出處氣節有慶曆元佑君子之風早從文屋以策勛旋歷宦途而恬退春風鳬鷁清閑鳴單父之琴夜雪貂裘慷慨辨太原之檄耻皇皇於人爵甘落落於權門徧試民庸不畱

朝蹟春陵監郡平分漢漢齊月之華炎嶺南川寄受石門貪泉之汙實政紀山林之野史陰功道路之口碑嘉名已錄於屏風褒詔分司於仙籍昔遠今近上方注意以用公內重外輕公亦何心於擇地然而風濤如此人物眇然衛社稷則無如朱虛之精忠尊朝廷則孰過李勉之德量所謂通國之望正在同姓之卿難兄法從之舊壇好爲出色宗相登庸之傳鉢重見調元伏念某樣不入時惟當古一第十六年之久歷官餘三考之書帝城風月之無邊方來贊諾宦海波濤之叵測噴有煩言然沒潤之由來皆踈狂之自取天子臨軒以策寒峻從臣簪筆以主文衡衆皆阿意以取容已獨執方而不變或校短論長於程尺之下未免有之謂大聲疾呼於廷陛之前亦何至此一歸蓬華三易葛裘肆求宗邸之冷官隨得翹材之化筆所謂寒儒活計者此耳其爲炎官熱屬者笑之學殖久荒冒犯爲師之戒心茅滋塞殊無事長之能頃襍被以東歸擬樞衣而止面久羈逆旅莫候前驅襟期雖企於門牆名實未孚於左右惟告戒之以藥其失而提撕之以玉于成敬熏心香願假鄰燭近而皇甫遠而居易旣次第以搜求北口石洪南口溫

生敢覲覲於羅致

通西外趙判宗

宋危昭德

屬尊麟趾率歸糾合之中郡界龍溪幸與照臨之側  
敬修辭命下通姓名恭惟某官毓慶璫源分輝寶葉  
氣和而守正學博而用闕文采宣明宛在劉向李邕  
之右議論濬發浚得晦庵濂溪之傳名殷殷以雷霆  
仕駸駸乎霄漢入司天憲民自謂於不究出綰邦符  
政復多於遺愛重以東平之善遂司西外之監盤石  
益強維城增重佇膺紫誥廻侍凝旒豈無他人熟右  
金枝之秀不有君子誰參玉鉉之崇其未習民庸猥  
承郡寄正自面墻於不學得無血指於旁觀尚推合  
治之心時賜免戾之教河潤十里豈無及晉之波厦  
廣萬間是亦屏周之意

回西外趙知宗

宋林豈塵

大君有命申攸寵渥之新伯臣司宗無越耆英之舊  
方屬籍視儀之始亦侯邦借潤之初某官冒出神明  
學通今古論議冠諸宗室夙擅白眉老成尚有典刑  
今推黃耆燕閒雖暇涵養益休鴻寶之方自奇謫仙  
之詩無敵矧年高而德邵且屬近而行尊與周室之  
宗盟宜薦司於麟趾為劉氏之祭酒行入對於龍光

某正爾依仁欣馬聞命敢謂別居之未久遽蒙染翰  
以相先一日有似於三秋悵阻置杯之教兩地匪遙  
於千里幸分隣燭之輝

代回西外趙知宗

宋李劉

疏詔東平展親西外王曰叔父立愛始於家邦汝作  
秩宗受祉施於孫子棣華韡韡瓜瓞綿綿恭惟某官  
大雅不羣為善最樂箴規磨琢蹈衛武之流風忠義  
輪囷絜劉向之封事庸專糾合之任助成睦族之仁  
周之宗盟誰若滕侯之長唐之宰相豈遺德裕之賢  
某側聽渙揚未遑旅賀名伯分治諒信如麟趾之詩

長卿倦游愧莫續兔園之賦

宋

代回西外趙知宗

宋劉克莊

小宰立班愧星辰之曳履大宗維翰貽月露之連編  
雖過乎情良感此意恭惟某官忱恂有守信厚不浮  
主天揖同姓之聯肅然糾合盡日宣三德之敬莫不  
浚明雖云為善之居家尤樂推賢而報國有華新渥  
猥及陳人某司臬亡庸共工甚忝虎拜稽首願觀蕃  
錫之榮龍作納言已懼曠官之辱



賀務本王孫元旦

明于慎行

伏以春回鳳曆天旋北斗之杓慶衍麟宮日永南山之筭不勝純嘏茂對昌辰恭惟門下經術醇儒神明華胄奎章寶畫名傳北海之書玉藻瑤華學掩河間之頌節臨上歲壽介大年璇源益茂於天潢紫綵新頒於帝闕麟書增筴紀王正月之春鶴髮凝禧邁衛武公之雅某也久依華屋倏轉青規聊瞻桂樹之叢敬獻椒花之頌衷丹有積楮素美殫伏與炤臨不勝欣忭

賀中立王孫元旦

明于慎行

寒瀾別集卷之三

詩七

伏以龍躔肇歲回淑氣於青陽鳳紀書元介蕃禧於紫殿地天錫美宗國同庥恭惟門下橋梓家聲珪璋士望窮經博古名高魯國之儒樂善右文客滿梁王之苑肆春回於寶曆欣慶集於銀潢正攝提於孟陬茂對內三之泰轉鴻鈞於一氣同欣吹萬之歡某也跼蹐伏窮山數更華簫獻椒盤而未遂望蘭坂以長思肅對昌辰恪陳善頌伏惟電鑑不任沐兢

賀鄖城諸王中秋

明馮時可

九秋方半星樓蕙帳涼生五夜初長風笛金天爽  
神女弄珠於漢上素娥懸鏡於天中梧葉蕭蕭驚

陰之染浪桂花皎皎覺香氣之侵衣十里亭雲綠有  
乖於命駕百年懷土興獨發手登臺遙望東海  
身在青煙幕裏緬懷南皮佳客跡寄紫蓋山頭歡逢  
擊鼓之晨慶值飲柘之節銀開天上明河萬斛炯炯  
玉作人間素秋千頃汪汪酒是宜斟方傾三雅官非  
騎省誰嘆二毛某慕濟洛之風神因醉心於錦瑟思  
臨淄之詞賦遂飛夢乎朱門謹獻薄儀用遠敬高天  
似水敢借明月爲將小山如人願呼雄風作伴謹啓

寒瀾別集卷之三

詩八

賀聶宮教

宋李 劉

疇庸軍討分教宮藩王事我獨賢勞恬然終歲仁人  
誼不謀利展也自今除目一傳滿口交慶共惟某官  
蓄學有裕琰材不貲人見其五方之精神孰窺其一  
劍之肝膽長沙射鵰神不足以回旋柳嶺割雞氣益  
高而磅礴南通班箭又宰盤根取美最以來朝紛交  
章之至闕諸公之登臺省盡息吾黥此士之落江湖  
真令人瘦爲州別駕去國期年皇帝曰嘻誰會廩人  
之出丞相言是莫如國士之追方當楮幣新舊之交  
承頗覺中外人情之訐阻公能調益民得懋遷茂丕  
奏肅創選章卷之三十一 卅九

奏肅創選章卷之三十一

卅九

古今四六濡創選章卷之三十一

豫章李國祥休徵父選注

友人徐懋功崇甫父校閱

各省布政司

祥考布政司古方伯爲一州之表率者方千堯  
之四岳舜之十有二牧禹之九州九牧之八  
命作牧也漢元封間置部刺史掌詔六條察州  
凡十二州焉部九歲舉爲守相綏和初又以  
刺史位下大夫臨二千石爲非宜更爲州牧真二  
千石位次九卿九卿缺以高第補建武間復爲

奏肅創選章卷之三十一

卷之三十一

一

刺史外十二州州一人其一州屬司隸校尉也  
漢刺史乘傳周行郡國無適所治中興所治有  
定處舊常以八月巡行所部錄囚徒考殿最初  
歲盡詣京都奏事中興但因計吏不復自詣京  
師雖父母之喪不得去職中平間改刺史爲州  
牧于時天下方亂豪傑各欲據有州郡而劉焉  
劉虞並自九卿出領州牧州牧之任自此重矣  
魏晉爲刺史庶姓爲州而無將軍者謂之單車  
刺史三年一人奏其晉制也後魏州置三刺史  
郡置三守縣置三令長北齊州分上中下三等



每等又上中下之差蓋九等也隋雍州置牧餘州並置刺史亦同北齊九等之制開皇間罷郡以州統縣自是刺史之名存而職廢大業初復罷州置郡爲司隸臺大夫一人巡察畿內其刺史十四人巡察畿外諸郡亦有六條之制從事四十人副刺史巡察每年二月乘輅巡郡縣丁月入奏唐武德初罷郡置州改太守爲刺史而雍州置牧神龍初分天下爲十道道置巡察使廉按郡縣而開元本改置採訪處置使治於所部之大郡其有戎旅之地卽爲節度使分

天下爲四十餘道大者十餘州小者二三州但令訪察善惡舉其大綱然兵甲財賦民俗之事無所不領權勢之重莫與京矣宋有轉運使副判官使之按察官吏又有提舉常平茶鹽司是唐之州縣不過一使臨之而宋則有帥漕憲倉四司故州縣之官極難承奉無亦唐制一道兵政屬之節度使民事屬之觀察使然節度多兼觀察而各道雖有度支營田招討經畧等使然亦多以節度使兼之蓋使名雖多而主其事者每道一人而已至宋則監司各自有建臺之所

每司專有長官專有祿以而號令之行于統屬者始煩矣元外道各置行中書省有左右丞丞政等諸官蓋魏晉以來已有之隋從所管之道置于外州謂之行臺尚書省唐貞觀以後廢行臺尚書省後請道置採訪等使兼制尚書事蓋行臺之遺制也

國初分天下爲十三省以爲行中書省已定爲承宣布政使司司設左右布政使左右丞左右叅議布政使掌一省之政令朝廷有德澤禁令承流宣播以下于有司凡僚屬文武官歲廉

其稱職不稱職者上下其考報撫按以達于吏部兵部都察院三年則率所屬府州縣正官及首領官朝覲于京師詳第其稱職不稱職于部院聽廢置十年會戶版以登民數三歲大比貢合省之士而提調之宗室官吏師生軍伍時班其祿俸廩糧祀典神祇恪謹其時祀水旱疾疫之災請免田租賑之民有孝弟行義貞節表著者疏請表揚鰥寡孤獨廢疾者收給養母失所凡貢賦役皆視府州縣土地豐瘠人民多寡均其數而下之民省有大政經畫定而請于撫

按若總督其 國慶 國哀遣僚貳 朝賀弔  
祭于京師

大子即位則左布政使來見而叅政叅議分筦清  
軍屯田水利撫民驛傳督糧邊備之事距省會  
遠分道守土首領官經歷典文移都事佐之照  
磨理卷宗檢校佐之理問典刑名辯疑請允副  
理問若提控案牘佐之庫大使副使主庫藏局  
大使副使主營繕隸焉則今之藩司實古之岳  
牧而漢謂之刺史胡元謂之行中書也唐宋改  
爲使致不一也乃于各省都院考中間載者唐

東瀛制選章

卷之三十一

四

宋官設于因事權時命名非一總之不出于刺  
史行中書也且唐宋諸使建節知軍理民上無  
統而制之者視今三司上有兩臺在者異矣故  
以諸使擬制府無臺非故爲昂擬藩岳臬憲亦  
非故爲低也又考唐有市舶使至廣德初設于  
廣州宋開寶間以同知蕪市舶使通判蕪市舶  
判官咸平間置于杭明元祐初置于泉然俱州  
郡兼領後提舉置罷與提刑兼領轉運提督皆  
無常胡元提舉偏置視宋不啻倍之

國初市舶提舉司設于大倉黃渡尋罷又設于福

浙廣提舉一掌海貢朝貢市易之事副提舉  
爲之貳辨其使人表文勘合之真偽禁通番  
征私貨開其出入而慎館穀之其屬吏目一  
典出納文移驛丞二寓夷使僕豐其食餼帳  
幕而上下其等必周防之

東瀛制選章

卷之三十一

五



賀張方伯

明謝廷諒

伏以周召匹奇勳屏翰猶倡九牧章平昭令緒節鉞  
爭看再臨履露重陰芳留棠樹思波累洽喜澈榆枌  
恭惟臺下華胄連天玄聰對日家傳七豹達人鍾炳  
曜之符佩引雙龍神物動干星之氣明徽載燦祚靈  
粹而濯清源熾景層暉映雲翹而標秀穎才雄九與  
望重八區顯允之閑安夙稱瑚璉台輔之深量便著  
綺紈射策登朝瞻藻天陶逸軌援經折獄平反日霽  
慈顏應班槐棘位儀同垂紳正笏帝眷豫章勞撫字  
露冕寒帷步麟趾於龍沙深仁決隨瞻鳳毛於牛斗

東瀟別業

卷之三十

六

賀黃方伯

明張文暉

伏以望重巖廊綸綍煥九天之北階崇岳牧屏翰壯  
五嶺之南民歡福星國倚長城恭惟某官先朝甲第  
英資特出八閩早歲才名宦績弘施兩紀中外之別

久君民之藉重殊深司文柄於浙邦快觀公

之桃李典銓衡於天府悉收帝室之參苓視裴俠尤  
水鑑無私擬伊且雖阿衡不媿向居臬長風播恩威  
今首藩僚大慰黔赤帝曰作朕股肱於外須簡耆舊  
之賢僉云惟公旬宣於南載錫維新之命用茲綱維  
平十郡賴以型範平諸司某蕪謏何能襲同鄉之雅  
誼么麼不齒叨世講之夙盟受先子一經頑羞題鳳  
挹明公萬里志切登龍三載濫竿莫挽素餐之懼一  
官司墨徒勤慎罰之衷祈覆育於穹壤藉輝光於日  
月衮衣至止遙瞻旌旆於城隅玉節甫臨未遑車輪  
於道左心逐薇堂之下忭蹈情深迹羈桂嶺之西趨  
踰禮缺敬三薰而脩牘仍八拜以獻緘俯切冰兢仰  
祈電矚

東瀟別業

卷之三十

七

賀陝西方伯

明張泰徵

伏惟鳳德休陽南國起斗山之重鴻猷顯被中州仰  
藩屏之光位正薇垣望崇左轄撫秦漢之故都山河  
增百二之勝環雍岐之沃壤人民擅陸海之風華岳  
峻嶒丰采迥符於壁立曲江佳麗深仁通沛於淵長  
首牧伯以荷新恩休聲遐暢奉旬宣而膺重寄國計  
兼權昔甫侯之翰周四國仰於藩之烈若召公之分

陝萬年推維翰之猷維是要樞匪老成其孰與曉茲  
明德始簡命之攸歸某忝臬臈方每勤登龍之念選  
聯寅末附申燕賀之私悃布篚篚懇款竿牘伏祈淵  
納倍任光榮

賀楊方伯

明王兆雲

伏以棠含覃恩方茂保釐之績微垣正位益崇屏翰  
之勛九重之綸渙鼎新三楚之屬負豫躍恭惟某官  
兩朝元老百代偉人醇忠勁節貫金石而通神明雅  
度冲衿涵日畿而包月蜃版曹虞部震郎署之聲華  
熊軾隼旗流東南之閭澤逮持文鐸益廣教猷麗日  
京濡訓導章卷之三十一

八

珪璋琢就明堂之器春風桃李培成上苑之材顧瞻  
江漢之間淪浹旬宣之澤光奉宸恩榮膺簡命三湘  
七澤長中書統轄之司鶴繡犀聲據百辟承流之上  
就熟道而駕輕車瞬息自騰於萬里遇盤根而別利  
器光芒立煥于層霄某備員屬吏涸跡簿書悵悵恩  
渥雖同雀舞而歡堂陞分懸未敢危趨而謁敬申竿  
牘用表芹莢仰冀海涵曷勝淵惕

賀胡方伯

明梅蕃祚代

伏以徽省名高一考著兩藩之績楓宸寵渥二品馳  
三代之褒故事重行在尚書會典尊旬宣方伯恩頒

清露光映福星恭惟某官靈鍾海岳德秉圭璋  
鎮浮見者能消鄙悵實心從政卽之若睹神明啟歷  
中外三十年真成百鍊逶迤省署五六載曾美一麾  
卓魯之名姓猶香激揚之威稜尚露帝心眷平全楚  
簡在至人天意厚於斯民期臻大造備司空之繕治  
真堪媲美良材襄邦計之輓輸允矣借籌善策幹旋  
妙用潛消既患於腹心濟度神功明潤稿枯以血肉  
兩階干羽已革苗心遍地桑麻足占民力宵衣可無  
南顧璽書會見西來漢水湘流望龍文而繞護衡雲  
荆雨待鳳詔以飛騰聲聞遠邇者惟玉音光被閭閻  
京濡訓導章卷之三十一

九

者有錫命某粉榆舊托桃李新栽遙矚台光每恨無  
方縮地遠濡德澤猶忻有幸戴天雖同雀喜於羣工  
莫罄鴻私於一已辭難達意茲緣至敬無文禮不成  
章所賴微忱可鑒

賀洪方伯

明梅蕃祚代

伏以新綸渙發龍文彰帝簡之明右轄晉登駿位樹  
人倫之表風雲翕然動地江漢倏爾澄波喜溢遐荒  
歡騰合屬恭惟某官山斗英聲羽儀碩望衣冠禮樂  
立倡率於八閩保障繭絲別石臧于三楚茂績著存  
綠直名留記瑣閣衡文乃一榜號曰得人駁奏則



滿朝爲之歛色工門驄步借丰采於五嶺之塘  
魚頭分旬宣于七澤之國作甘霖作膏雨億萬姓再  
沐來蘇爲福星爲德耀百五城重瞻臨照統兵權于  
各道徵調悉聽便宜督木政於列曹緩急全資敷劑  
人皆脉脉而霑澤物亦欣欣以向榮景仰高山已非  
一日欽承近庇幸在二天謹嚴出境之文莫效循牆  
之禮聊申雀賀代覲龍光

賀王左方伯

明李國祥代

伏以犀芾瓊章美譽四騰於觀察襲衣金帶至誠一  
本於承宣關中竹馬迓重來河內繪圖期再至萬殊

東瀛制選章卷之三十一

十

吐氣一道生春恭惟某官德望高衡文章奎璧馨香  
粉署華問播通籍之初珍重劇曹方正表改除之後  
一麾易出佐秦臬以寄祥刑萬姓騰歡衆雍藩而司  
豐衍天中鼓舞於澤沛振領提綱日下昭獎於治成  
升華分采寒帷露冕光照青牛白帝者無時曳履委  
珠秩晉三台八座者有日雲映微黃之詔雷喧借冠  
之情某末品樵螟下乘款段方欣解褐濫題鴈塔榮  
名復媿校書謬忝鹿車芳軌往者甄陶化日去思每  
寄於垂棠今也景仰卿雲遙戴獨深於陟怙虔托魚  
箋肅申燕賀

賀河南王方伯

以朝鮮監軍遷

明李國祥

伏以龍圖外攘淨漢四郡之海氛烏集內遷咨宋兩  
京之岳政驩見三臨民頌美傳猷坐家聲卿月載輝  
孤雲攸倚恭惟某官九波連井幾希門地鴻軒八柱  
凌霄彷彿才華駿起文彩奪天孫之巧錄冠璇魁技  
能成官潤之強擢司與馬青龍符綰頴脫牧御于三  
山朱雀門開障倒湍瀾于一柱僉舉是皇異域共推  
爲憲遠邦馬島列亭再鼓漢皇武力能津開府重標  
唐室威稜被甲彌呼類之魂漢江永無警候寒邪摩  
維衆之膽瀚海久不揚波朝鮮喧此我杜公非汝杜  
東瀛制選章卷之三十一

十一

賀胡方伯赴陝

明吳國倫

伏惟門下司存藩屏奠華嶽以固金城力寄股肱投  
河源而清土塞五鼎開道鏡中攬秦地山川雙隼拂

雲袞上置漢家民物甘雨以時爲澤德星所至蜚輝  
矧鳴和胡先生汾陽異產安定各家丰神煥彩於九  
苞文藻探奇於五緯珥白華於殿中早奪三狐之鬼  
鞭青驄於海上更存一鶴之風尋以懋勳累遷總憲  
按蕞非史威名振疊兩河洗桎梏冤民生氣昭蘇  
列郡殊稱青史中社稷之臣不負蒼生等公輔之望  
擁八閩之傳徒御騰歡握分陝之符儀章異品謝棘  
省以西馳輶底卧梁園父老登薇垣而北顧天邊懸  
魏闕星辰平生海內儒宗坐使荒壘一夫無菜色此  
去關西夫子行期義輪萬里見葵心

東瀛前選章

卷之三十一

十三

賀劉左轄晉川

明王兆雲

伏以楚都地重連七澤而控三湘岳牧位尊率群寮  
以貞百度新綸特簡舊屬騰惟恭惟某官百代偉人  
兩朝碩輔學究天人探濂洛閩閩之奧旨才優經濟  
同富歐韓范之計謀初依龍衮之光木天清肅嘗握  
螭頭之筆史職高華北門東觀既蜚卓犖之聲青瑣  
黃門載著直亮之譽振文鐸于越邦多士悉歸模楷  
若孝若倪與登祚席心定同于燕賀跡願阻于鳬  
湯沐重地五熊開道湖南湖北咸屬旬宣雙隼拂雲

趨敬將尺疏聊表寸虔八期南國棠陰日茂中台槐  
位荐登爲保障不爲蘭絲垂芳聲于楚甸作鹽梅又  
作舟楫應良弼于商家

賀張方伯

明孔天胤

伏以出車郊牧虔節鉞以專征開府邇都振旂常而  
亮采况取賢於四岳寔爲憲於萬邦恭惟某官鍾英  
海嶽奮翼天衢博綜墳典之華玄覽天人之奧士誠  
懋乎九德儒果通乎三才脩之於家孝友睦婣之行  
紆之於國文章禮樂之資故家聲鵲麟鳳之祥而國  
器重珪璋之美冲襟秋湛泰宇春融曳履上星辰垂  
紳依日月試公卿於郡縣化美茲歌咨岳牧於臬藩  
風清琴鶴四方馳譽五省蒙恩乃從中岳之司特拜  
內臺之長謂經營朔漠必須叔甫之才而安撫疆隅  
雅重范韓之侶簡書載錫車服爾庸公問命以趨踰  
衆臨岐而眷戀三司舊案共榮元老之行萬里殊勳  
擬上燕然之勒迺穆風而作頌慰今日之永懷豈曰  
不文願言孔武歌鏡虎帳酌羽鴻盤

東瀛前選章

卷之三十一

十三



賀陳右方伯

明李國祥

伏以戟架烏盈。白馬生離紫禁。節旄風舉。朱軒使牧。黃山福星雖入郡。長輝台斗則九天。煥彩微黃。倚侯借冠。喝頂。恭惟門下峰秀。學山淵清。筆海花封。屈驥雉金。馴於桑田。藻衛櫻龍。鳳孤鳴於瑣署。登車東省。按祥刑而民訟無冤。攬轡西秦。司豐衍而軍興不乏。仁風倏去。棠陰榮思於三年。惠雨重來。竹馬擁迎於八郡。中憲之春。有腳外臺之表。無虧於和氣。祥雲之中。有嚴霜烈日之意。善良吐氣。鄙暴革心。露冤褰帷。寧獨寵光於廉。錫劔曳履。倏將飾摧於文昌。環召東藩。前選華。卷之三十一

十四

有期。交歸式遄。其賤以緯簫。幸焉釋褐。復叨華貴。優游文士之清。乃企牧天。開啓頤蒙之德。用托魚素之便。聊申燕賀之誠。有恩聰明。不勝肝膽。

賀馬監司寶捧

明楊文舉

金商中律。九重當電繞之辰。玉帛交馳。萬國慶雲從之會。恭成鉅典。必藉名賢。也羽顯蕭於楓宸。微省永垂平棠蔭。山川動色。郡邑騰歡。恭惟某官。祥鍾禹績。王佐奇才。秀毓傳巖。帝弼明德。筆底珠璣。萬斛。派衍龍門。向來氣節千尋。名高虎觀。蚤魁錦里。香飄月殿。之華。繼燕瓊林。春滿曲江之句。花封初拜。卽是梁園。鳬舄雙飛。適當孔道。屬兩相之交惡。又百責之攸關。詎止錯節盤根。端試迴瀾砥柱。公不隨不亢。春風百里。自絃歌無黨。無偏秋月。一輪懸藻鑑。詔乘驄馬。凜東藩前選華。卷之三十一

十五

朔氣以橫秋。疏滿阜囊。挺精忠而貫日。道旁築舍。更羣言聚訟之時。正色立朝。有一語回天之力。會大河之遷徙。阨運道之咽喉。公持斧以巡臨。遂建策而踈決。四百萬之粟。艘呬尾如鱗。三千里之洪濤。安流若東。再移吳越。肅清海上。鯨鯢三案。魯齊必問。山中虎豹。金章紫綬。特晉參符。玉壘錦江。分藩益部。胡西陽之小醜。鼠穴山中。奈甲馬之遐征。狼驅塞外。十行細禮。安危獨炳乎先幾。三路倒戈。利鈍適奇於左驗。蓋公翫四夷於掌股。猶餘栢府風裁。羅萬卷於胸藏。不啻金城方略。茲者歲轉關數。月臨南呂。星流華渚。正

萬年天子誕降之期。桃薦瑤池。延四方諸侯來賀。日惟大德必得壽。迎祝吾皇。禮待人而後行。特煩使節登天。八月泛仙槎。就日長安。隱隱五雲瞻帝闕。曳珠履於玉筍之班。佳氣擁蓬萊。奉霞帔於黼宸之側。花明漢殿。虎拜惟恭。瑞遶堯樽。龍顏快覩。前席賜問。東川應何術以求寧。借箸獻籌。北面有嘉謨以入告。華封效祝。爰輸愛日之忱。湛露覃恩。益耀福星之彩。兼文武之申甫。萬里干城。富兵甲之范韓。八方鎖鑰。榮踰班節。寵冠康侯。某幸叨附驥。久快登龍。臺省交遊。金蘭雅契。頃從建牙之役。東瀟則選章卷之三十一十六

東瀟則選章卷之三十一

十六

十六

十六

十六

十六

十六

十六

十六

賀藩司賁捧

明連繼芳

伏以雲馳象輅。藩東抱萬里之丹心。星戴熊帷。冀北捧一輪之紅日。白玉階前。華渚爛星降虹。流黃金殿下。壽桃春天長地久。瞻龍飛之九五。趨虎拜於三千。環藩臬。懽忭南天。僉曰萬年聖算。獨車旂躬親北闕。詎云萬里君門。難送曉籌兩行劍履。來青鳥雀開壽扇。萬國珪璋。捧楮袍舞蹈。隨從豹與螭。偕羣仙醉玉皇之琥珀羽儀。幸接鸞兼。兩袖香寶鼎之龍涎。伏願進千秋之鑑。近倣唐齡賦九如之詩。遠宗周雅。

自此五百里侯五百里。年年為大庭氏而來。王八千歲春八千歲秋。在在繼華封人而祝壽。

賀藩司賁捧

明朱錦

伏以帝算延昌。北極豔虹流之會。皇華務切。南天覘星度之祥。祝聖祚於萬年。臣黎稽角。擁公車於千里。士庶攀轅。恭惟某官粹液凝華。玄黃孕彩。嘉聲野蒼威名。凜振於吳西。茂績川冲。灝氣肅嚴於江右。霜寒六月。露灑三天。喜茲繡節。遐飛蒼隼。北趨拜瞻仙仗。祝此八百。稷之春秋。伏謁君顏。猷彼三千年之花實。忠冠羣采。春渥重腫。某秉性匪靈。奉職無狀。荷化工之覆育。義切在三。沐盼矚之恩光。情啣寡二。歧望馳軺之發。莫罄懸瞻。肅抒兗管之懃。聊申下悃。伏乞台威俯垂昭鑒。

東瀟則選章卷之三十一

十七



送司道中秋

明朱 錦

伏以兕觥有曜遘端正之昌期金水相生觀澄清之  
勝景玉輪皎皎恍挹光儀銀界暉暉爭歌餘慶肅貢  
忱而將賞遙望彩以騰懼恭惟某官玄黃孕秀緝獄  
呈祥執矩司天乘兌振世法輪映几一方却侵蔽之  
虞智劍當空萬里淨妖氛之氣喜茲節屆素商人瞻  
皓魄八月三五夕古好攸同一歲十二廻今宵絕勝  
廣庭素練眩冷影於人間大樹霓裳噓輕颺於寓內  
高高臺上對銀闕而洗金觥何用酒移天柱盈盈色  
中羅清觴而飛素瑟豈須繩駕雲梯瓊筵樂飲不誇

古八音圖卷之三十一

十八

晏府之奇繡宇浩歌直拚庾樓之槩耀金餅於蔀屋  
實憑絃管之次開徧玉燭於寰瀛如逢拄杖之引去  
某姚水書生青田俗吏嚴明在望戴九極之星辰履  
澤深承沐三秋之風露鏤恩糜報但祝昇平發德懷  
思欣逢令節翹瞻四美之來并肅進一絲之下惴伏  
冀台尊俯垂鑒察

送司道九節

明朱 錦

伏以清秋肅景爛斑翠錦之期令節揚休綽約黃花  
之會登臨有慶翹引領以騰歡追賞偏宜喜彈冠而  
致頌恭惟某官靈光誕秀嶺岳凝華邇夷路之嘉積

抱神虛廓幹亨衢之泰運敷政優游露潤汪濞與庚  
辛而沛澤霜威栗冽應無射以麾符絲絮恩餘林總  
戴授衣之賜禾麻惠浹閭閻藉築圃之功喜茲屆重  
陽名宜長久酒濃菊蕊霑芳醴於四筵頭插茱萸簇  
華簪於一朶履危山而益勝誰云強興盡歡酌佳節  
以無虞還覺壯心倚醉疎風冷雨聆康翰之誤詞煥  
餌粉餐笑劉郎之閣筆笙歌堂上不誇戲馬之臺雲  
鴈樓邊詎數龍山之會闌綵旗之燁煜都人席庇於  
昇平競慘釘之參差比屋承波於覆幬某樗櫟散材  
蟪蛄末品仰二天之怙育欽德鏤衷遘九日之歲繼

古八音圖卷之三十一

十九

懷思動色羈紲簿而靡皇執事無違歸第之光貢  
酒而是用將芹敬效漢宮之祝伏冀台尊俯垂鑒察

謝山東沈方伯公

明李國卿

伏以秋肅紫微省映衫纈點代春熙鳴鑄節輝翠瀲  
浮瀛饑民歌復安居重客號爲獨座聞風洗過得蔭  
懷恩恭惟某官瓊嶺外標菁華中出青龍白鶴沛江  
吻縱波濤龜首羊腸峻嶸手摩霄漢校校風岵遠承  
仲達芳猷綽綽天才大著彥璋美譽金莖收駿水部  
攄龍升俊西秦侈袂共紆秩秩迪康南越輶軒特騁  
麟麟廉鎮金蹕鳴治碧鷄有象臬陳玉壘叶靈畫鳳  
多徵寒帷惠浹大東价藩作牧賜服德彰羣下方岳  
持綱豐茲杼柚其空汰彼鉞鼙載耻暫淹冕露促赴

東瀛制選章

卷之三十一

二十

來還入擁三旌固豔登仙卿月出持雙節亦榮開府  
儀台其智謝挈鉞才輸拆線波恬苦海无金故物荏  
山露覆畏塗竿濫新聯蘭署儻不關情鴈序胡肯加  
力鶯遷高薄雲天遡恩施于粉滌深臨淵谷矢報志  
以捐糜歲月如流念別葉增螢筭山川若聞瞻聽音  
託郵筒十部非賢八行是寶俛鳴摧謝仰對甄陶伏  
騏祥光比放薇垣六階初泰休盼重垂蔭萬

謝藩司方伯

明李國卿

伏以偏邑操鉛托幘幪於夏屋洪鈞鼓鐸扇發育  
以春風潤沃鯨波慙生鶯樹恭惟台臺人倫冠冕世  
道權衡藏疾匿瑕量共海涵天覆滋枯植朽德同露  
濡日暉飭綱紀以式羣察慈保釐而康庶績猗苓雞  
壘并儲參朮上笥垂臂鼠肝咸圖爲魚大化卽如謫  
太品亦荷特達之知延譽烏臺錫榮鸚鵡表駕乘進  
於驥園敢昧從來魚目附於珠倫豈由自致雀銜莫  
展簪戴徒殷勉立修名業已矢心後效肅陳下悃尚  
期賜策前驅

東瀛制選章

卷之三十一

廿一



謝劉晉川石轄

明樊 煒

清寧正位久蒙覆育之恩膏液遐沾忽拜解推之賜  
捫心知感揣分奚堪恭惟某官西華毓秀北斗齊名  
鳳池日麗敲金戛玉文章螭陛風高補衮批鱗事業  
文星臨兩浙鳳麟呈入殼之祥薇宿映三湘江漢起  
澄清之譽台衡望重吐握施勤下逮首宿之微濫與  
玖璫之錫某棲身林壑拭目雲霄長男承乏徒懷嚮  
往之私仲子何知復荷鈞陶之力感切由衷禮隆望  
外瑤緘寵錫方驚奎壁之光珍貺海加更增蓬蒿之  
色受恩曷既圖報末繇南園甘棠日頌旬宣之績中

東瀛前選草

卷之三十一

廿二

朝柱石矜看調燮之功

謝方伯陳一水公

明龐時雍

政洽湖湘千里濡藩侯甘雨化成江漢九重資牧伯  
陽春竹聞新寵方來可知故吏有幸恭惟閣下魚潭  
挺秀石室鍾奇學洞玄宗以聖賢爲可法心通靈秘  
惟性命之是安宏名早擅龍門上第捷題鴈塔取曹  
主計人推黼黻之工劇郡宣猷世讓經綸之手治平  
第一旣稱白馬文翁品藻無雙旋作碧雞行儉文風  
丕振範青衿起八代之衰士習克端樹赤幘定四方  
之極自昔作人惟衡鑑迄今用世多珪璋露湛

仁義互施於貴竹風披雷擊恩威並著於滇池沃潤  
溢江湖屏翰暫綿三楚湛恩沾廊廟旌旗卽耀九邊  
謹踰時應北斗之尊入襄王鉉不崇朝拜中台之峻  
永固金甌某謬屬馳驅罪狀宜於鼎鑊雅承灌溉化  
工不靳雲霄昨從鄂渚而東適國母仙綸宣布今仰  
京江而上思台臺福祉駢臻肺腑常懸自誓心堅戴  
德尺書久廢何辭跡類辜恩茲緘魚素以颺言祗候  
龍光而暴悃伏惟台鑒曷勝神馳

東瀛前選草

卷之三十一

廿三

謝左轄凝初梅公

子家子公

明瞿九思

伏念九思齟齬受書孩提問學指編摩爲歲月恨閉  
錮之難開用刪述作肝腸噴艱虞之莫克吞冤廢業  
寧無賢聖懷傷觸類投軀賴有兒郎慘切苦偷形於  
漏刻數委命於江濤南北公庭已涸盡呼天之血東  
西清夜總遙聞哭父之聲肺腑焦傷神情壞敗寧有  
心貪甲第復何意典文章蓋遠從丁戊之年已久廢  
詩書之籍幸此裏天鑒得日邊顯降絲綸度此事公  
知向往歲曾煩楮石何期壬午獲遇歐陽真不圖鬼  
錄之殘魂更得領賢書之上第半字瓊瑤之貴較天

東瀛遺草

卷之三

廿四

球石鼓全輕一言華衮之褒方周鼎商彝失重傷心  
歇痛拔淚回哀追惟落榜之秋仰記牽衣之歲吏來  
相迂泛彩鷁於城陵兒去何之傍明霞於斗極秋風  
堪鼓棹令追陪幕阜之清遊夜雨候題詩許放浪岳  
樓之爛醉牙盤膾鯉桂漿調鷗精微發鳥篆之蚪書  
要妙闡常編之漆簡譬之以洪鑪烹瑣鐵豈煩熏化  
日於三年擬之若時雨發枯楊旣已坐春風於一月  
言旋意割啓別思纏綿接鄉鄰咸怪非出門之孺子  
話談故舊共來看負笈之瞿生師門此教化何深色  
起飄渺斷條天路之光華在望情瞻北斗南雲耳目

展夢魂丘嶽肯抽毫而射策但戲綵以承歡  
事改人非七尺之浮生短命誰信災萌孽會百年之  
大阨彌天甲去父以何歸我呼兒而不答八口生纏  
涕淚十年血滌衣裳舉首天高雲霧苦掩告懇吞聲  
地厚山川不肯哀憐豈真緣家人父子之私情抑亦  
抱吾道綱常之隱痛當奎在近一水非遙既積想成  
深望斷天邊雲漢儻懸思不散結爲江上虹霓便瀕  
泛牛渚之波濤何必候羊城之節鉞顧殘骸剩殼但  
知藏頂踵於泥中已朽肺腑肝寧肯露形顏於世上  
以故潯陽溢浦片帆不敢張風可憐彭浪孤山短掉

東瀛遺草

卷之三

廿五

何能買渡慚來自笑愧起徒驚項聊爲汗漫之遊得  
伏觀旬宣之詔風傳報到海慶公來病後零骸不覺  
霍然謝藥愁邊殘夢忽驚喜處爲鄉齒共舌商心同  
意度久欲登龍獻謝謬攀爲貧賤之通家翻慚抵牾  
羞鳴難話及殤亡之孺子正憐騏驎恐前恩泣馬骨  
之空收終愧珉玖慮妙賞慘荆山之過慟昨祇向東  
官道跡偶乍來南海談經輾轉疑多感激與悲傷並  
戰輓轡念熟欬欣共悚懼平分故每告袁先生結勿  
道人今在粵更煩辭王侍御幸勿言生已談公得維  
舟申百叩而行請閉戶畢中庸乃出志齋念結贈繫



心學不謂感發秉彝竟露言於龐叔即冒蒙折節親  
枉駕於高軒况頂愛如山甚嘆賞徐公脩史之薦重  
推情若海亟誇稱兒曹阜斗之材慨十八年之桃李  
門墻春風似昔遡千百載之師生肉骨高誼維新豈  
徒地下當灑血以聞聲將使人間盡傳呼而隕涕久  
懷望見守定分於騶軻頃願奔趨候投忱於衛尉既  
不敢再延時日復豈當自引疑憊謹拜手摠衣條半  
生之宿抱幸解顏釋縛證千古之奇遭冒昧陳箋端  
虔謁座

上左方伯王積齋

明連繼芳

伏以碧海遶天南地闢中原良屏翰紫微龍嶺表藩  
開左閣美山河南面九十一城東領百千羣吏恭惟  
某官鍾鼎名賢珪璋巨望貫城星皎士師刑部有臯  
陶西嶺風清刺史端州成渤海分民社手粵楚試公  
輔於臬藩唯茲行省中書兼以承宣左席雙鸞飛白  
雲邊下主東嶽而拱北辰四牡乘黃海上來帶珠淵  
而襟鯨海操財賦之柄惻乎疴瘵吾身飭郡邑之司  
共念脂膏爾祿懲有斗有箕之困承流官有葵心惘  
窮山窮海之橫宣化民無菜色催科不廢撫字保障  
自無繭絲某側身末屬稽首崇臺媿非民牧之良辱  
叨國士之遇睹巡行南土起召伯於當年慶保隆東  
郊挹君陳於今日自此碩鼠屏跡鴻鴈飛鳴佐九職  
以生財坐底南風之臯運四方以賦政班聯北斗之  
尊

上諸監司

明張居仁

伏惟台臺望隆宇夏道伸稷卨登壇秉鐸多士嚮臻  
偶有才雋蔚爲時宗湛汨煩冤蔽纏靡白事關群望  
默不容緘敬冒清嚴投誠請乞竊見斬州儒學廩膳  
生員前黜革今改杖姜夔年三十一英標朗世抗跡  
孤鶩調叶蘭馨志懷霜雪元愷之明允篤誠三閭之  
廉潔正直方之其人殆無以過且才藻獨構雄冠一  
時胸翻二酉之藏文麗西京之筆捷方倚馬巧擅雕  
龍射策則漢庭晃董避其雋風作賦則晉室機雲爲  
之左辟譽蒸遠近器儷珪璋求之里閭寡有倫匹是

東瀛別選章

卷之三

廿

以邵中丞秦中丞邢參知馬參知借之西席若藩侯  
若臬伯若郡守若刺史獎以華聲京山太史稱其舉  
業古文擅名當代臨漳明府謂其敷經衍旨山海皆  
窮夫蛾眉見妬自昔則然維茲李王人文冠冕乃高  
相推許併口同欽由斯以談定可概見詎圖橫遭汚  
蟻蒙被惡聲不疑盜金顏淵竊飯令其瑣尾流離顛  
連迫窄家無擔石真同萊令之貧敗屋頽垣何有相  
如之壁稚子不厭夫糠覈婺母立死於饑寒此誠有  
識之所悼心智愚之所共痛者也聞者凶阨慘其既  
極鬼神泣其非辜牖發群衷爰生好德宗工匠伯之

屬薦紳簪紱之士皆唱風颺義不謀同辭奏記當塗  
幸蒙前白其詳具見訟寃書中顧前汚雖雪尚禿衣  
冠凡在矜憐不無想望卑職領視黃梅覽夔雄製厚  
加賞嘆備見詢咨夔乃以本月初三日自斬來謁見  
其規略超遠神情俊邁學窮溟渤理絕名言允騰騰  
貝葉之書石室蘭臺之秘漕渠禮樂邊海兵刑莫不  
併包胷中何異運觀掌上况當機立斷智同照燭之  
明騰駕才鋒敏若承凋之易匡調大手經緯宏才國  
有斯人豈容擯落伏念卑職散材弱質濫竿栽培縮  
邑參藩曾無補塞蚤夜惟忖其在于今可以報稱願

東瀛別選章

卷之三

廿九

造補緝近尤俯仰圖維惟茲盛舉是以謬託谷永救  
劉輔孔融薦禰衡之誼陳肝捧臆仰喙翹裏妄以才  
賢冒塵聰鑒仰冀台臺破拘攣之淺格馳域外之朗  
觀卑承群情還夔舊物是吳公之薦晉誼復興於漢  
姬旦之下白屋再起於今錫慶流光斷非細故方今  
時事動輒群疑鼎沸正需雄俊弘濟艱難若使夔備  
馳下駟勛力天家戡國端朝必多補益昔人有言不  
如一鶚職誠義心迫激非有它腸但使夔見甄拔爲  
願斯足不敢復貪榮勲已蜀蕩寇平蠻也今當遠離  
畧陳固陋拜箋惶惑無任顛隤



似張方伯

明劉觀文

伏以紫綬燦金章海國重藩臣之寄琅函緘玉簡  
天朝崇岳牧之司庶僚具瞻羣工倚毗恭惟某官  
八紘鉅望三楚雄才太微二十五星光搖江漢祝  
融九千餘丈節倚雲霄題鳳帟以登庸蚤酣曲江  
之笑話陟鸞臺而進御雅重瑣闥之風聲出典浙  
藩旋膺閩臬布德威于八郡冰霜蒞而含墨洗心  
賴全活者萬人雨露濡而蒼黎生色不可久勞于  
外固宜函召居中覆崔相於金甌行掌中書之令  
趣鄴侯於銀信暫顧右轄之司屬吏駿奔快覩維

東清別選章

卷之三十一

三十

新號令編民雀躍佇看元相風裁閩海恩流荆湖  
慶遠某徒縻職守莫遂趨承黃閣倚雲邊馳驅倍  
切丹心懸日下仰載何私

送鄭方伯入覲

明陳 濂

伏以三載冒期來肆朝之羣后九重魏闕賴有  
於一人睹劍佩之祥光瞻袞衣之日近恭惟某官  
文高山斗望重華嵩太微二十五星光搖雲漢帝  
城百千餘里望入雲霄任重藩垣沛八閩之膏雨  
意宣勤恤蕩薄海之仁風茲屆肆覲之期趨蹌載  
賸况值元春之首踞蹕主近天顏有喜為百僚  
具瞻某分屬下僚竊雲入遙庇職縻株守餘四十  
徒懸謹布驚私肅將燕喜俯垂末炤曷任光榮

送劉方伯進表

明應朝卿

東清別選章

卷之三十一

三十一

伏以龍飛金闕鬱葱瑞藹千門虎拜玉階率舞歡  
呼萬國動星使之曜彩睹文旆之祥光恭惟某官  
鼎鼐商說岳吐周申英風聳廬阜高標汪度凌顙  
江萬頃微垣重寄為庶寮具瞻岳牧嵩司乃羣生  
倚毗茲者千秋節屆天開舜筭之符五夜漏催臣  
頌堯天之祝朝家盛事海宇歡心某職守徒縻  
孝忠之未盡戀瞻曷極向山斗而徒懸肅展微忱  
仰干崇炤

請徐左轄念吾

明朱多燭

恭惟龍沙孕秀篤生間世之賢鳳渚鍾靈誕育匡時  
之彥鵬搏秋漢鰲湧春濤職部署而譽洽幽燕司藩  
臬而惠流滇粵澤從雲布聲與風翔大孝既殫于慈  
闈精忠復摠于魏闕屬戎虜明睥睨之逆慮正朝廷  
需文武之全才行將督撫三藩澄清六合展方召經  
綸奏獲誠執俘之捷運范韓兵甲收犁庭掃穴之功  
名覆金甌恩頒鐵券某等居同桑梓誼附薦羅平陽  
治應召之裝子厚載追送之俎寅詹初二申請再三  
榮戟俯臨少鑒一芹之獻瞻惟暫駐聊娛半日之閑

夏肅制選章

卷之三十一

卅二

賀大叅洞岩周公

明周弘祖

伏以義震仁懷道中存而時出文經武緯授外寄以  
威宜故鎮靜黃堂歸治行于吳公之第一澄清烏府  
數風力于部使之無雙南陽保障稱雄北門鎖鑰殊  
重福星懸郡隣封旁燭餘輝白日貫虹蜺嶼雷傳迅  
令八閩慶洽四野歡騰恭惟臺下雋拔洪都英蜚江  
右躬田碧玉采秋實于詞林領結明珠鼓春雷于墨  
霧景元聖之忠勤心存王室循素王之軌轍學卓儒  
紳聞徹宸衷業光郎署既而寵玉麟于鳳閣飛金馬  
于龍津五教範青衿如圭如璧九農歌綠野以豫以  
休學古推俎豆之周旋匡世壯猷謀于閭闔掃案牘  
之三千才頌吉甫羅甲兵之數萬志逐希文身任長  
城喙張小醜却撓槍于一怒馭貔貅而左轉天機運  
籌策于七擒驅犀象而右迴地軸青郊幟列橫五色  
之祥雲朱鳥翬飛掠千山之氛霧波恬海宇鱣鼉溟  
潮所謂振古之奇勛肆今之希覲將于是乎見也某  
扶桑短翮驚大樹之高標伏檻絛駒聳驃騎之遠驟  
慙羈的之御登龍之願既遙仰山斗之光托鯉之情  
已缺是用馳忱于左右未由躬賀于庭階菲儀輕冒  
威尊臨楮聿增慙悚

夏肅制選章

卷之三十一

卅三



賀梅大叅

明李國祥

伏以簪筆風裁留芳聲於法紀去帷日耀林大畏於  
威嚴司刑鞠茂草於園扉救救出福星於閭里諸路  
模範萬生瞻依恭惟門下浸池開源波衍龍門竹箭  
儀天聳構嶺峙鵠翅蓮花泛潘藻于花封繁虞思於  
柳館登車攬轡動搖山岳于振揚惜燭還珠坐嘯堂  
皇而保息副臬事于觀察晉地垂棠叅藩屏以承宣  
秦關安堵甘霖霰蘇乎黔首祥雲終放于紫垣倚俟  
徵黃依回借寇某才短折線器陋挈瓶媿無韋絕於  
木天恨失隊迎以竹馬恩庇門戶異鄉赤子傾心願

東瀛別選章

卷之三十一

廿四

披霧雲懸漢青天快觀是用托彼魚素聊以紆我鵠  
思

賀錢守道

明李國卿代

伏以徽省承流八聚共沾河潤籌帷攝鎮四郊復凜  
霜威自非才擅兼長曷任綬纁雙組恭惟台臺望崇  
北斗聲重南金屏翰襟海之鄉海波汎息保釐枕山  
之國山障煙銷萬里長城一方封鑰宵旰仰紆於五  
位儀刑丕著於百寮偉允武而允文優足兵而足食  
藩宣大政專資參酌機宜觀察分符并倚肅持書誥  
詎直部簪安堵還看丹服來庭某枝試鉛鋒庇微厦

星春回兩道軍民飽大造之仁照既六符  
光之被思鳧超而莫效懷燕賀以維虔不腆通陳用  
寫未將之赤汪汪益廣尚流昭鑒之青

賀興泉道轉太叅

明李國卿代

伏以風清鈴閣地南鎖鑰功高日麗薇垣天北保釐  
命重黃童白叟重蔭召棠末末下察再游蘇吳恭惟  
台臺精儲列緯秀毓兩儀妍署含香華問已洋於通  
籍蜀城贊臬祥刑尤繫乎去思烽燧銷煙蒼黔安堵  
偉允文而允武忱足食以足兵眷篤宸旒晉叅藩屏  
福曜雖更次舍卿雲猶庇全閭憫借寇於無言萬姓

東瀛別選章

卷之三十一

三十五

懽聲雷動竹微黃於轉盼十行寵札天來某幸則輿  
臺叨承銓鑄際此鶯遷之會曷勝雀井之私某等  
有常逼向龍門而稽首慨承顏無自敬披魚素以旌  
心伏乞慈原頤垂鑒在

賀李仲涵擢四川大叅啓

明魯光魯

伏以春瀾軫野生滿路之光輝雲霓天南餘九重之  
瑞氣長城繫望良幹騰歡仰惟臺下全德難名大才  
不器貫星炫耀披拂平陽蒲阪之仁風蘭省深嚴包  
羅彭蠡匡廬之勝槩嗣星沙坐鎮夜吹不驚迺衡岳  
藉靈物華頓改京師名震西蜀詔頒白鶴鳴紫垣聲  
聞午谷黃牛度春水氣壓劍門某傾情下乘稽首崇  
若臺臨桑梓之鄉視爲一體茲屬股肱之郡覆以萬  
夫間効涓埃空深啣結肅陳賀啓薄布遐悰

賀袁兵尊陞山東叅政啓

明樊燦

東瀟別業章卷之三十一

三

伏以金陵地重綏懷允賴于龍韜玉陛恩深寵渥特  
頒乎鳳詔矧在鑪錘之末益傾山斗之私恭惟臺下  
秀毓三湘名高八柱金聲擲地奧探禹穴之精彩筆  
驚人勢壓衡山之峻正色立朝端仲山補袞授鈇分  
閩外羊祜輕裘文武兼資恩威並著芳聲久震平華  
夷拜命新于齊魯琴鶴携來共迓薇垣春色旌旗  
奏擁猶聞御篆餘香幸孔孟之故里得借餘光盡海  
岱之名區咸欽德政某分叨轄屬誼竊粉榆白髮相  
以江左自嗟于留滯青雲可附河東有待于吹噓初  
聞邦報若失所天繼爲國謀終歸禁地悵仰彌切忤

舞非常板轅無計遙瞻仙嶺之浮贅積履有心竊  
附華堂之喜鵲

賀寶督學轉閩大叅

明王兆雲

伏以楚江持鐸方欣桃萼之盈蹊閩海寒帷行覩  
棠陰之載道士子瞻懸彌切屬員依戀維殷無計  
攀轅有懷託楮恭惟某官山斗鉅公衡重望包  
垓埏於度內遠超倚相之才涵品柔於胸中上比  
姬公之躅詞壇仰之爲玉佩瓊琚仕籍俟之爲帝  
師王佐蓋自秉荆楚之文衡久矣廣菁莪之教澤  
駉駉驕驕蒙顧盼而展騰驤之步梗楠杞梓經栽  
培而成梁棟之材楚土方賴陶埏閩嶠俟迎節鉞  
徽省風清共仰祥麟威鳳栢臺晝曉猶餘玉振金  
聲某幸叨屬吏深感莊維跡雖阻於趨鳬心實躍  
於躍省敬脩咫尺之牘用伸萬一之衷伏冀海茹  
曷勝冰惕

東瀟別業章卷之三十一

三十七



賀徐大叅壽

明連繼芳

伏以日行南陸人謳化日之長公鑰北門詩獻如山之壽佳氣浮乎玉帳賀尊啓於瑤池恭惟某官九德備躬百齡應運懋著聲華之峻結葱珮於朝行敬歷中外之猷耀金麾於旬服夏深曦赫赫離明之象盡舒宵霽魄團團豐沛之禧咸集用作霖雨是生朱緯之辰穆如清風盡解蒼生之愠威武屏封豕長蛇之跡此間卽是春臺旬宣無黃鳥碩鼠之歌何處更開壽域軍中人呼范老籙上仙有徐公某履露優承高崧引領喜眉鬚有如此老同

東瀛別選章卷之三十一

三八

龜鶴羨其長年所願神遊羲皇之前手探根窟之外八千歲爲春兮爲秋今莊周之言有驗五百里揆文也奮武也吉甫之憲無疆

賀陳大叅董漕北上

明喻世

伏以攬江淮之政邦計式崇提飛輓之權軍儲斯賴貌貅百萬方懷挾纘之恩獻畝十千遍詠甫田之什民距躍以爭赴公驅馳其何辭恭惟某官蘊謀王斷國之學負拯溺亨屯之才審輕重平以持衡晰利病洞若觀火聲震漢京跡追禹轍建議各曹開新河以避湖波之險任勞水使告成功而貽艘運之安遂來聖天子之寵頒果膺大叅岳之重寄蓋兩淮扼漕河之吭而董漕關軍國之需開府總戎專制於上諸司各摠分理于下然非有叅岳則何以承宣激揚非得我公則孰爲擔當共濟昔視草于中河迴狂障濫今抗節于淮泗就熟駕輕風生盡戟天屹長城舳艫相望士知宿飽之有期陳紅相因人調轉餉之不絕倘復周土宇而興師必張漢天威而決勝折衝樽俎之閭瓠觥旃裘之類以故誦言乎諸葛豈難比跡于蕭何某備數一同強顏三仕逢茲盛舉未嘗不歎曰江左之有夷吾遲之幾何將亦相戒以中國之相司馬惟抵掌而談天下之事敢折腰而及吾身之私其若翹瞻莫殫忻頌

東瀛別選章卷之三十一

卅九

迎朱大叅

明袁崇文

竊惟開榮岱右舊留芳聲于法紀灑澤江干新標  
巨畫于儲胥十川竹馬暨迎六郡繪圖期至念切  
編氓臥轍感深屬吏攀轅某昔刺魚丘已託萬間  
廣厦今更垂尾尤賴千仞長縷孤雲無依頓見南  
征而孺慕高微有耀常懸北石而休陰馳心亟切  
于寒暄傾耳快聆乎提命雖念德欲從折柳然守  
官每阻飛鳧三沐三薰專遣僕夫以代謁尺函尺  
幣特資篚篚以旌誠清風入懷寧以疆殊而替報  
垂露在手偏因時去而懸思

謝于東石大叅

明唐文燦

于定國望播帝廷及聞有素唐文編身淹郎署親見  
無由茲緣使陝之往還擬獲識荆於候謁適逢在告  
未能趨几榻以問安多荷記存乃復命與臺而傳惠  
書儀特貺翰札兼頒在鄙人分豈克堪但尊者義非  
可卻拜承禮物祇惟心切于鏤銘諷咏德音何必面  
承乎警欬聊獻繡章以奉答特披荒啓而代陳更祈  
保重勉留狗闕右士民之願望且俟褒崇寵召副朝  
稼哭聲交震於郊原途次偶經猶難越秦越之視岳  
司專泣得不軫閭閻之懷痼痼既已切身拯援必將  
引手尚改明農之初志益圖濟世之後功謹此瀆聞  
伏惟欣納



謝守巡兩道爲冢子建祠

明瞿九思

伏念九思氓受一廛之籍躬耕十畝歲輸倍石之租  
簑笠鋤犁雞豚桑柘群樵侶牧食煙雨以棲形鑿庸  
編門傍林塘而繫迹布裳皆百結鶉驚肩之上殘絲  
蔀屋僅三椽鹿狎山中之野夢閒餘擊壤慶河清海  
晏之朝病起濡毫寫歲稔民豐之句名姓固多惶愧  
頑顏於覆載之田間家門豈但凋荒強飯於貧窮之  
世外閉戶已十年而齒牙人弗問徒然賴竹樹之相  
知行年未五表而毛髮若爲欺遽爾罹雪霜之見妬  
死灰迹熄燼骨魂孤大造無私頒曆賜隱淪之號深

東瀛別業

卷之三

四三

仁靡際旌書蒙華衮之褒期淪骨以刊肌願蓋身而  
糜節久懷葵結莫罄蒲趨頃蒙設典垂恩收白草黃  
墟之孝懸條舉例造蒼生赤子之天采輿論於道旁  
愛之類加諸膝上合鄉評於月旦行之本出自胷中  
茂典崇新高恩浩蕩伏念九思長子甲有生不幸孩  
提遭門戶之多艱乃父無良奔走值形骸之苦病黃  
口初離襁褓泣上征鞍青天高望雲霓哀形奏牘走  
衡永辰沉未旣復騎衝驢背之風塵向齊梁幽薊長  
驅屢跪乞螭頭之雨露賤兒激切建章頭觸登聞天  
子聖明綸綍恩原謫發天門深萬里敢言通益下之

冤書世路險千岐惟有赴泉中之死骨幸殘骸未盡  
荷八年之明詔矜憐其剩死能生皆十歲之孱兒感  
格夢魂北拜父子南歸見墳墓丘園難信前時之耳  
目對賓朋舊故全驚此日之軀骸筋骨兒銷肝腸肉  
裂傷心以血把病筆而常自題書裏痛扶躡草蹻而  
仍懷伏闕既叨名領第從計吏以偕行乃觸事興哀  
謝春官而不試矢十年之勿用豈薄功名嗟一念之  
難知惟憑涕淚竟嘔血數十升而歿實含悲十四載  
而終此雖云子道之常情亦可謂人間之小孝死亡  
經歲月付哀憐於野水荒蓁步履隔門庭求面目於

東瀛別業

卷之三

四三

殘書斷札豈期特命錄兒童死孝之衷不謂殊頒起  
泉壤長枯之骨采風因而定論教人遂爾成規俎豆  
公恩許濫廁春秋二食志乘史筆令大書節孝斯人  
草木風行豚魚化洽聲布東西南北卽期共孝起於  
多方歡傳鄆郢郎襄不獨可風移於十郡舉一人而  
教成百代借半語而行闡千秋此事至榮何家匪法  
白楊碑揭地從今淚歇山前玄壤草生煙自此玉華  
地下死知有骨敢辭肉以啣床報憾無階但剔肝而  
飲血卽使草生蔓結皆終爲玄邈之空談願言子祝  
孫祠聊藉作涓埃之後報心如不信剖亦非難佛借

白蓮花願開作感恩之字水煩碧玉洞冀瀉成懷德  
之波用此告人賴茲傳世九思當畏糧西嚮天門磨  
日觀之峰買棹東浮鴈蕩洗龍湫之石求巖青石覓  
洞朱靈記今年此事之高恩豫蓄武夷健筆勒當代  
斯文之重託博求剡水長箋語謝雕文意尊嚙惠茲  
者舸車鎖岸欲投籤告南境之波人帆席乘風願仰  
喙叩東閣之候尉懼而未敢愧乃彌增謹分守明農  
向郭拜嚴堂之肅範敬箋題獻說叩頭于法座之明  
威

謝守道

明瞿九思

東瀛前選章 卷之三

四四

伏念九思罪溢江河漸增丘垤試陳往事不無肝膽  
猶酸遙記當年敢望髮膚無恙雷霆晝走波浪宵飛  
家何有乎屋廬隴詎知乎墳墓人皆淚墮眾共魂銷  
顧影傷身隨行側步草木起而飲恨星辰慘以無輝  
所幸生男寢當長髮伶仃去國亟呼號盆下之天哭  
泣排闥數過擊闕前之鼓煩冤吐字哀憤裁詩甚至  
以頸血濺裾或復以頭顱觸地候門涕泗指日心肝  
奔走累年凍餒殘而肉敗馳驅萬里霜露積以神焦  
食少脾乾哀多血涸卒致精銷營衛遂因病入膏肓  
百死分形九原歸命此不幸人倫之變亦非爲子道

之難旣白蓋棺想亦瞑目何鄉里之懷隱痛因口舌  
而出公心瀆冒臺門請求祠宇不意歎生名死孝賚  
以華言遂許方地義天經錫之異額旣許以齊驅李  
杜復旌爲並駕班楊樹數尺之懷題構十椽之戶牖  
光分日月榮戴山川禮芷淵蘭草樹從茲未毀匡廬  
破額土苴自此皆春深淺公恩死生帝澤仰窺德意  
實傷晚季之頽風深察淵衷欲反淳龐之古道陰陽  
感勸虛實箴規郡國同心負擔覩供美之米間閭革  
響彌郊生哭筭之林孝悌薰蒸家庭沐浴鴉巢當戶  
樹母老長依燕寢傍人門雛成不遠皆表立影從之

東瀛前選章 卷之三

四五

化屬風行草偃之功負虎驅蝗徒誇小政歌麟頌雀  
安比休聲瞿甲名註夜臺緩頰恩深十地九思生逢  
盛代啣環字滿千言真願同漢世之楊公自比作楊  
家之黃雀奕世金貂玉葉兩間鉄鉞形旂匡西北之  
未完贊參堯業補東南之不足脩飾禹功平地成天  
登樞秉軸九思惟逃潛下屋卧煙雨而着荷衣但瞻  
仰高天禮雲霞而瞻衮職含哺賄社賽鼓揚謳頃緣  
感激之相攻深愧披宣之莫旣每逢對雙峰南望一  
淚千秋更遠從三楚西攀合門百口焚香作樹敬獻  
聞天帝皇穹躡躋登途敢告語津人候吏鐫言奉紙



拜頽鳴庭願剝骨爲塵藉休風而颺之憲座仍磨心  
作汁附甘澍以浥此旌車浩浩江深百歲千秋比德  
巍巍嶽大千巖萬壑齊恩

侯山東徐儲道

明李國祥代

伏以鑄士金型海岱曾明太白奠方玉節雲霄通  
合中台無空杼柚二東有賴帡幪萬厦瓦全有地  
草結無階恭惟某官標秀敬亭濯靈苑水紫芝眉  
宇淘俗念以冰消白璧胸襟炯仙標而玉映筆端  
霧散豈絲錦繡肝腸吻底河懸蓋卷風雲樽俎三  
影飛聲麗句八采馳譽華篇燕中奪錦蚤年天上  
領春回汴曲牽絲大化社中歌日永銷萌帷幄無  
稽牒于七兵典和神人有秩宗于五禮流聲實於  
海畔熙矣春臺樹標準於岱宗卓乎玉筍褰帷風  
望猶然舊部旬宣建節霜飛復爾新儲豐衍憲文  
武而四海安危是定逝將相而一朝輕重攸關要  
地建牙咫尺天調鼎其託根榆社接葉杏園釋褐烹  
鮮旣莫自脩止謫庇雲結墨猶因引重藏愆職討  
兩溺無苛官擢一階有自爰賴雲興四岳故得雨  
零九天江流短而報志長戴恩南往山川遠而心  
路近念德東瞻感次骨以離前懷馳神于別後觀  
縷難傾禿穎慙豈箋摠輒輕少比封泥丹惟芹款  
好無走故燕思舊壘堪尋庇有厚終烏幸新枝許  
借

族湖北張分守道

明李國祥代

伏以行春畫綉瀟湘渥惠雨以增波畧地文韜溪洞  
淨妖氛而款塞部下喜生成之造牙前導節制之嚴  
一路春熙百僚鱗潤恭惟某官德高皂閣才遠繡江  
蚤登譽於詞場筆落頓驚風雨深濬知於道紀意得  
遂棄筌蹄動地香名白雪振聲於得第彌天偉績青  
霄最價以共官英蕩四馳幾見使星入益蘭芳再握  
頻看郎宿留燕宣撫弘才自爾出廉閩楚勤清美譽  
倏焉列岳沅湘播雲擾以分良黜周章于羽檄蠻沙  
飛以席勝戒輕窺于雲屯作賦登樓麾軍舉扇憲文

東瀟別業

四十八

武以持綱斗避文星風隨爽氣進阿衡而調鼎日邊  
環召江上袞還某榆社託根桃溪屬蔭烹鮮漢壽既  
莫效于寸長負羽皮林復盡拚其尺短不討職之兩  
溺反擢官之一階雖荷雨零于九天實賴雲興以四  
岳戴恩北往江流短而報志長念德南瞻雲天遠而  
心路近發之夢寐夜夜逐征鴈峰迴託以應求朝朝  
聽流鶯樹轉離前恩厚別後懷深素以筇屨難盡傾  
於禿穎丹以芹效少比重于封泥燕思舊壘堪尋  
依是切烏幸新枝許借願望猶深

候管大參

曾光魯

恭惟臺下秀毓四明名高八柱聲金擲地與探禹穴  
之精下筆驚人勢壓吳山之峻書窮中秘文典二藩  
昔守全閩沛休波於劍浦向臨三楚開光霽於衡雲  
琴鶴上京師祇挹薇垣之雅操旌旗歸故道猶聞御  
篆之餘香譽咏甘棠愈懽竹馬在西粵之蒼生已幸  
而南湖之赤子何如再覩威儀踴躍過三千之士暫  
云信宿周章輸萬一之情某夙注斗山茲逢騶從未  
展候人微敬深慙傾藿私衷伏異優容俯垂炤納

候靖道尊

明曾光魯

東瀟別業

四十九

捧日天南餘九重之瑞氣行春軫野生滿路之光輝  
良翰騰歡長城繫望恭惟臺下毓秀洛源萃英嵩岳  
襟期朗豁將吟風弄月頡頏機軸恢闔與旋乾轉坤  
上下隨施輒效易地皆宜桃李自成蹊藉清陰者接  
踵豚魚且乎化推大信者執鞭用簡帝心來綏楚服  
惟茲勢據三湘之脊背兼以道通兩粵之咽喉培植  
雖深萌芽未茁忽逢時雨大慰望霓攬轡欲澄清豺  
狼潛影甘棠方布政枯槁回蘇以仲淹之守延州恩  
威著而驚一范如申伯之入謝邑惠直行而操萬邦  
功績保釐人游樂育遂公章甫逢掖之士仰若泰山



佇看衮衣繡裳之榮來于魏闕也某傾情下乘稽首  
崇臺自慙局促轅駒末由跬步以致注瞻台斗空曳  
心旌計陶鑄洪爐匪金亦煉追磨巨手雖石不遺委  
茲疎陋之資全藉包容之度敬修狀啓上申悃忱



古今四六濡削選章卷之三十二

豫章李國祥休徵父選

友人胡琳仲玉父校閱

各省按察司

詳考按察古無其官雖漢刺史得以六條察郡  
縣猶古岳牧今布政使司也惟唐貞觀末遣大  
理卿孫伏伽輩二十一人以六條巡察四方多  
所舉刺神龍初敕左右臺內外五品以上官識  
理通明無屈撓者二十人分爲十道巡察使二  
周年一替以廉按州郡景雲初置十道按察使  
分察天下開元初改曰十道按察採訪處置使  
後改採訪使分十五道尋命採訪使考課官吏  
善績三年一奏永永爲式天寶末又兼黜陟使  
乾元初改觀察處置使由斯而譚唐之諸使漢  
之刺史也故敕採訪使但察訪善惡舉其大綱  
自餘郡務並委郡守不瀕干及又詔近緣寇亂  
每道分置節度其管內徵遣文牒使命來往州  
縣奔應艱辛仍加採訪轉益煩擾其採訪使并  
諸道黜陟使宜且停待是年改節度爲觀察處  
置使洵唐之每道不過一使臨之耳觀察外無

他使即有他使如度之營田租庸兩稅戶口諸名不能分其任也故詔曰務係州縣悉歸廉察宋開寶間遣常參官詣諸路相度田土苗稼點檢採訪公事後遣和峴江南採訪淳化初諸路轉運司置提點刑獄景德中真宗謂王旦曰朕慮四方刑獄官吏未盡得人一夫受冤即召災沴先帝嘗選朝臣爲諸路提點刑獄今可復置以武臣副之於是置諸路提點刑獄不隸轉運別爲一司天禧間加勸農使俄改提點刑獄勸農使又以武臣爲副使尋罷尋置嘉祐間以武

臣多不習法令民事罷之惟以文臣爲提點刑獄治乎初罷提點刑獄而委兼于轉運司慶曆詔轉運使并兼按察使每歲具官吏能否非久罷之熙寧初諸路提點刑獄復差文臣不復遣武臣蓋總郡縣之庶獄核其情實而復以法督治奸盜申理冤濫則隸提刑司歲察所部廉能而保任之或疲軟或冒法則隨其職事劾奏建炎初以盜賊未衰復置武提刑然但管捉殺而已後以武憲橫于四方遂不復除添置幹辦公事復置檢法是提刑自爲一司以來雖專事刑

獄封椿錢穀盜賊保甲軍器河渠皆職之事務浸繁權勢益重矣轉運司所總惟總財賦綱運之責而已非向提刑無司而轉運使于一路事無所不總也胡元各道置提刑按察使有副使僉書公事爲之貳而更有經歷知事焉後改肅政廉訪司

國初各省設提刑按察司有按察使有副使有僉事按察使掌糾所屬府州縣官司及一省刑名按劾之事諸官吏姦邪貪酷罷軟得糾察擒治平獄刑獄雪冤枉禁詰官私豪猾之干治者以

振揚風紀大者暨都布二司會議告撫按以聽于部院凡朝覲慶賀吊祭之禮具如布政司副使僉事分道巡察其兵備提學撫民巡海清軍監軍各專事置無常員首領官經歷司有經歷知事照磨所有照磨檢校司獄司有司獄又考崇寧置提舉學事司掌一路州縣學政歲巡所部以察師儒之優劣生員之勤惰而專舉刺之事今之提學道也置提舉三白渠公事掌漕泄三白渠以給關中灌溉之利撥發司輦運司以時起發綱運而督其滯留以供京師之用今



之水利糧儲道也政和置提舉弓箭手掌沿邊郡縣射地弓箭手之籍及團結訓練賞罰之事元豐初置提舉保甲司掌什五其民教之武藝視其優者而進賞之今之兵備道也熙寧末置邊防財用司掌經畫錢帛芻糧以佐邊費凡權易貨物根括耕地及蕃部弓箭手今沿邊兵糧道也置提舉羅便提舉解鹽兩司一掌羅便芻糧一掌鹽澤之禁今今之塩法道也總之布政使司與分道按察司與分道皆監司也唐之初止有上中下都督府其後則有節度團練諸使

宋之初止有轉運使其後則有安撫提刑等官然唐宋中世以後監司尤多蓋唐之多設監司起于開元天寶之興利如楊國忠爲宰相所領四十餘使及元道州言到官未五十日諸使愆求符牒二百餘封是也宋之多設監司也起于熙寧元豐之行新法如蘇公所謂使者四十餘輩事少員多人輕權重及溫公所謂提舉司乃病民之本源是也又有倥偬之際因事置官事已遂廢者惟是唐一觀察宋一轉運一提刑今之藩臬二司也分司雖紛紜不一然分疆畫土

非如昔之提舉皆按

賀江東譙憲

宋真德秀

中詔起家外臺抗節民懷遺愛昔嘗敷惠澤於畿東帝睠舊人茲俾按祥刑於江左寬條一布屬部交欣恭惟某官敏識造微英猷邁往班香宋艷文推行遠之工夷清惠和行有識中之懿自適巍我之第亟儀清切之聯七寺爲承朝論稱其端靖九江作牧政聲播於歌謠自陞蘭省之高華旋總理編之筆削禁淫甚邇方共俟於平登風操獨高乃徑成於勇退益志本及人而謀身則緩故官雖在外而行道則同星輝

婺女之經霜肅會稽之埜誓奉真祠之佚良溪當寧之思吳越之壤八九州咸屬按臨之會雲漢之章千萬軸重新寓直之光願無緩於平反庶不妨於趨覲某揆能甚下席寵過隆八年鵷序之游六棹驚波之直愧大恩之難報乞偏郡以自程敢謂綸音驟放使指外庸何有內省靡寧同夢鈞天曾未忘於契契竝驅原隰願無靳於良規

賀西浙王憲

宋洪适

其審文奎寓直憲節升華江上擁麾已見波濤之帖息日遺衣繡更觀山嶽之動揮一道生風萬殊吐氣

恭惟某官學高柱史望重甘泉東坡六君子之游恨不全於此世慶曆三諫官之列記曾見於斯人迅雷破柱而不驚秋月照潭而自許雖時移而多變終道大以難名一事於醉眼之中發一笑於塵容之外靜觀頽浪獨能立砥柱於中流出鎮要津但見橫孤舟於野渡有非常之人物胡不在於朝廷宜諸公包血指之羞而天子思沃心之助援援自近臨遣有光紫甸持平要使星沉於貫索清朝振武已看雲接於蓬萊少焉歸奉萬年之觴自此遂前半夜之席徑煩補衮坐底迂衡某塵冗埋頭文移掣肘化金無策五銖赤仄之幾何詎得有緣一粒丹砂而已足彈冠自喜削積難宣

賀新浙西陳憲

宋李 劉

恭審身辭禁闥勇退急流詔起林泉趨來近甸式表玉旒之眷注俾持繡斧之光華一禮初傳八州交慶恭惟某官志大而氣直學博而用周接東家師友之原流盡掃支離之習究上世帝王之軌範獨尋精一之歸累先諸子鳴徑登千佛選仕不擇地志欲康時方召鄩侯給餉謂不絕也無留孟子歸志而後浩然方當淮漬土微之時豈是野渡舟橫之日有來翔鳳

表賢聚於本朝豈使白駒伊人藏於空谷姑今將指非久持刑整故步於雲霄依清光於日月某妄稟雖異出處畧同終歲盤盪共聽五更之鳴鐸一時領袖獲隨三舍以彈冠猶記相會於鐵甕城頭曾約同寅於姑蘇臺上舊吟尚在宿願方酬思末路之惟艱喜故人之相遇重來越俎羞棠蔭之尚存有好斷金想蘭心之未替望塵有喜展懷馳情

賀潼川王提刑

宋李 劉

奏最觀風詳刑易地天疑夔峽垂老來近於蔚藍星入益都載驟復歌於苞栩仁聲籍甚封部驪然恭惟某官從容以和洵美且直自爲名進士之日蔚有古君子之風既疇庸磊落之州合人從通明之殿顧煩

雙節往控三巴蜂腰鶴膝之譏昨復盈膚草雀角鼠牙之滯訟洞燭肺肝古井無波陽春有脚還濡牡轡來顧鶴林禮樂言遠而有光況接鄉閭之近刑罰不中則無措更兼倉庾之平雖則劬勞又復馳驅於原隰周爰咨度便當獻納於軒墀某乘障非材奉身受察五善重拜忻聞君子之得與百拙一勤儻許小人之全璧其爲頌詠未易編摩

賀江東譙提刑

宋李 劉



盧實直玉節按刑江淮州木之威名豈孚有衆河  
洛圖書之經緯爰寵此行恭惟某官與閎刺天修名  
及地胸吞雲夢何小者之足言并近蓬萊又悠然而  
引去萬牛莫挽四牡載馳禮樂有光公不負澄清之  
志哀矜勿喜吏何敢輕重其心有功見知不遠伊邇  
某民庸索莫歸夢飛騰於南浦之朝雲未能捲雨懷  
江東之暮日正阻論文

賀陳憲平寇

宋戴翼

竊以錫命龍節陞榮奏捷至三喜悉孚於群醜論功  
第一宜峻陟於寄班塗詠交歡臺治愈煥某官精神

東瀛制選章卷之三十二

八

秋水談笑春風晴合兵書料賊無如料敵指麾介士  
擒寇而必擒王籌策定於樽俎雍容之間號令行於  
賞罰嚴明之際風走十八灘之曉鏡淨潢池天回一  
十郡之春鋤耕綠野捷書來上朝論聳聞更生幾百  
萬之窮民冕旒喜動接武八十一之元士繡斧光增  
第師中之錫未償厥功必席前之問始究所學外勞  
如許寧淹原隰之載馳中召沓來行見朝廷之大用  
某身羈雷邑心繞霜臺側聆恩褒喜倍倫等合允馳  
於慶積愧逸在於偏陬首用先生作棟梁此日發西  
江之軛不以下體采葑菲異時歸東閣之鈞

賀潼川李憲除薏憲

宋洪适

自天出緯易地褰帷家人有嚴君焉舊膺此選皇華  
遣使臣也今世其官雖曰因避親之嫌亦見善繼人  
之志夔藩幸甚梓部駭然某官器重以周材弘且毅  
與人忠而執事敬見善明而用心剛四國於蕃茂甘  
棠之蔽芾六轡如組訝苞栩之倭遲曾未暖席之間  
倏有改轍之命惟西蜀之門戶倚三峽而爲咽喉昔  
先正保衡於此展澄清之志今命汝大正庶乎體欽  
恤之心遙知叱馭而驅之會有解印而去者忠信缺  
矣暫勞霜節之馳錢穀幾何斷獄何忤對九宸之間  
某方依雲覆忽報星移雖難留有脚之陽春然尚冀  
驩顏於廣廈送我而入楚澤固猶恨遠水之遮思君  
而下渝州會問訊清溪之發其爲忻懌罔旣編摩

賀陳招捕除提刑兼安撫

宋王邁

龍門高峻屢容寒峻之攀麟序荒涼復受使華之察  
豈造物憐其困躓使末路有此遭逢敬飭墨卿晉於  
籤帥恭惟某官清融永柱峻拔斗杓古堂夫子之雲  
孫學問有本北山先生之嫡嗣名節傳家方當杲日  
未東之時已有伊吳以北之志披肝許國掉舌壽邊  
雪衣貂裘慷慨辦太原之檄風聲鶴唳笑談却淮甸

東瀛制選章卷之三十二

九

之兵草木知其威名夷狄問其年貌屬當黽勉之爲  
梗羣然鴻鴈之離居嗟懦俗之脂韋壯元戎之斧鉞  
毅然以身任朝廷責誓不以賊爲君父憂卯受命辰  
卽行有崇文之勇決申上奏寅報可從允國之便宜  
南州嚴保障之雄西師習號令之素如鑒王之治廢  
疾半劑而蘇如國手之救危秤一着卽活凱奏紛紜  
而載路壽詞突兀以連雲上甚念功就畀以繡衣之  
命時方謀師復假之牙纛之權兵刑之脈絡相通臺  
府之風稜益壯所以覺宵衣之顧慮豈徒誇畫錦之  
榮煌如聞邊頭交馳露布知取勝莫知持勝易納降

東瀛制選章 卷之三十一

一

未易處降安保今日饑鷹之來歸不如向者猛獸之  
反噬金亡可待韃勢方張當趣公入覲之時要佐宋  
中興之烈濟時方畧已優南波之諸賢蓋世功名更  
了北方之大事伏念某老之將至銳者已磨一雇語  
非以來三閱歲箭之久士不得志宜追誓墓之風貧  
能驅人至草間釣之賦無力可營於熱屬抗顏甘就  
於冷官若何免蜀雪之嘲所恃有蘇天之庇腐儒無  
川宜束高閣以待太平來事可爲尚磨石崖而頌大  
業

賀湖南胡提刑

宋李 劉

荆襄按行湘楚父老迎嘆見百年之故家  
交承修一門之盛事賢勞何憚聖眷方深恭惟某官  
擇乎中庸好是正直一經教子諂機寧觸於屏風萬  
里隨翁直氣早鏘於門限忠無不報孝可以移何周  
道之馳驅忘漢闥之補拾天高獨道南木們歷之嗟  
地徧長沙又作回旋之舞蓋今寒雉之所自昔稅駕  
其間嶺北長蛇無復元城之迎侍遼東孤鶴是榮華  
表之來歸其視螺川爲近隣恍夢門之遠別殘燈翳  
復吐寧有可借之光可人期不來徒抱相違之恨滿  
期名璽猶可盍簪

東瀛制選章 卷之三十一

十一

賀江西李提刑

宋李 劉

子環將漕持斧按刑一道三司公殆踐揚之徧兼司  
並命上應簡注之深前賀方馳後緘狎至恭惟某官  
鎮浮雅量撥劇長材左馮翊右扶風居多善政朝天  
津夕西極未究遠猷當戎狄講解之餘有溪洞猖披  
之醜見大夫無可使者明天子選而用之知效一官  
笑他人之劫劫身兼數器覺餘地之恢恢民爲上所  
不爲本原安在我往寇亦能往保障奚先願繼周使  
臣之光華豈徒漢刺史之風采某見賢思渴得報忘  
饑不解世俗書謾瓊瑤之效報實爲天下賀願金玉



之盡珍

賀李知府錫除潼川提刑

宋李 劉

丹檢起家繡衣問俗故國非喬木之謂世選爾勞奕  
葉茂猗蘭之光汝陳時臬星言雙節風聲列城恭惟  
某官器博而通材弘以毅卓犖坐空於萬馬笑談立  
解於千牛謂之禱杭謂之春秋素蒙家學有若伊陟  
有若臣扈宜襲世官與其勞四國之蕃宣不若奉六  
條而廉察公私之積可痛有賴阜通輕重諸罰有推  
尤資閱實昔者鯉趨而獨立今茲虎拜以揚休載馳  
載驅共說西平之有子善繼善述更觀東府之象賢  
某濫守熙棠獲依蔭樾作鹹作辛作苦幾不容一日  
之安惟內惟貨惟來詎敢追二天之按其爲歸依罔  
旣編摩

賀李提刑

宋李 劉

重光單闕載新一歲之元五善六條誕布九重之意  
與時偕極何福不臻恭惟某官德配春融氣排冬凜  
徧儀兵衛之畫戟出當霄漢之繡衣皇皇者華遣使  
臣喚起曲肱之夢行行且止避御史適觀直指之威  
仁風梅放以柳舒和氣竹苞而松茂某自憐苦李獲  
掃甘棠我有二天正託故人之庇士高三日尚希舊

雨之恩

賀游提刑侶

宋李 劉

九十春光稱霄漢繡衣之立三千夏辟補日月黃道  
之明時哉泰內之乎天只咸中之慶恭惟某官臯陶  
明允世叔討論發白獸之樽尚存諫紙拜碧雞之使  
暫擁節旄對六龍回日之標奏四牡觀風之最修鱗  
赴壑已知夕避於長蛇名驛追鋒卽作朝來之走馬  
其一寒戍雪獨冷漕冰傍有一株儻庇無言之苦李  
用兼庶獄惟依所芟之甘棠

賀諸司

宋李 劉

庚寅孟陬六十齡之復見甲子朔旦四五紀之罕逢  
其在皇皇之華宜膺簡簡之福恭惟某官德潛天粹  
政播民和圓萬物以青規之仁厥臨孔惠轉八荒於  
鴻鈞之氣其泰大來盤旣頌於椒花戶益蟠於桃實  
某得州斗絕觸緒冰寒多且旨旨且多不敢貢荝柴  
之釀熾而昌昌而熾但知祝椿柏之祺頌後惟深敷  
陳罔旣

賀監司

宋李 劉

化國之日舒以長一陽來復君子之道溫而理萬福  
攸同恭惟某官志在澄清動惟剛健如冬可愛易消

窮谷之寒與時偕行盡放孤根之煖德肖雲臺之瑞  
威留吏膽之水夙吉有功已作觀風之李固朋來無  
咎更爲入覲之韓侯其徒寘柔由莫追賀客三年宦  
學屢經節物之蕭條數仞門牆欲探陽和之消息

賀監司

正旦

宋李 劉

日月初躔星紀復回爲赤奮地天交泰雲堦益播於  
青陽時惟六轡之華茂輯百家之慶恭惟某官德潛  
剛克道配陽休繡斧淑旂暫勸楚鄉之農事璫車玉  
仗還逢湘水之孟陬仁風轉蕙以沈蘭善類拔茅而  
連茹某二年黔佐萬斛緇塵破崖岸而爲文丞詎復

亥滿制選章

卷之三十三

十四

敢喧於櫪馬瞻原隰之有華使尚祈出谷於春鷺

賀樂提刑

冬三

宋李 劉

緹陽襲堯綫畧延圭明謹用刑克廣好生之德靖其  
介福諒哀滋至之休恭惟某官清徹冰壺和鍾玉律  
棠陰晝永訟已息於楚氛葭室灰浮暖自回於嶰谷  
某偶叨分闡正阻造門端策拂龜七日已占於不遠  
聽笳鳴鳳九成更伉於來儀

賀周提刑

正旦

宋謝枋得

青帝執規驗三陽之引達繡衣持斧新六轡之光華  
諒對端辰益哀純嘏恭惟某官氣鍾溫厚德尚和同

苞栩透遲父逢梅於嶺驛甘棠蔽芾還鞠草於園扉  
佇有召除亟登要近某罔功分闡有幸爲僚對天地  
交泰之時當馳善頌體官師相規之義正賴協恭



賀蔡憲長

明劉仕義代

伏以振肅人羣朝廷隆藩臬之選糾廉族類國家簡  
風紀之司昀任胥賴元賢巍階允歸碩望恭惟其官  
丰裁特立醞藉夙成毓俊八閩紅玉絢荆巖之美磨  
鋒三秀碧鐔朗霜匣之光風雲際會於熙朝甲第崢  
嶸於昭代計遭選妙帝柱留丹畫省宣猷乾緯呈瑞  
專城寧越擅五馬以蜚聲分閫貴藩控三巴而攬轡  
暨風清臬府以融和恩來天寵粵日麗藩封而璀璨  
銜晉參知屏翰揚休蕃宣奏績迺者佩九重之嚴命  
綰兩浙之臬符奉天憲而維風丕嚴旌別宣明威而  
古肅則遺章卷之三十一

十六

勅法大振激揚行見大明中天江海氛祲盡滌迅霆  
震地郊原豺虎深藏風度媲美於埋輪英毅聯休於  
破柱某叨守一方祗輸寸赤斗山在望葵藿興懷告  
虔爰展寸函遣賀特顯下吏颺言致頌敢效蛙鳴稽  
首承禧惟深雀躍啓

賀郭糧儲道陞憲長

明劉仕義代

伏以旌旗佐越服而政成威歌化日節越按關封而戾  
止共仰英風蓋藍野良珍朝宁珪璋胥賴鄧林鉅植  
廟堂梁棟攸資恭惟其官身奮名區望聯甲第節義  
毓東南之秀文章擅宇宙之雄司理建安仁每流下

尺籍行飛紫電清霜官驛王程實駕輕車熟路斯從  
帝簡允協人情某才真襍線比長治祗鉛刀效割幾  
年寄身德宇敢當羽翼之稱今辰翹首台光自覺雲  
泥之隔二天再戴寸地彌謏謹憑臆管以摛詞代叩  
麟階而贊喜惟乞電囑俯賜淵渌

賀憲長顧河兵道

明李國祥代

伏以珠明簾社淮南草木留輝雲合岱宗濟北川源  
挹潤節屋褰帷日朗花臺露冕春融心委龍驤額加  
鳥集恭惟台臺人門東箭世閔南金朗悟夙聞入洛  
知名三俊清操少負辟王見憚百僚起部望郎擁篲  
古肅則遺章卷之三十一

十七

孟城問水轉漕廣運張帆斗野安流鎖巫支祈舟發  
望洋頌德佩威儀委車來隨雨沾恩美譽四騰日下  
賜鞭昭異寵德威一布部中罷燧關良募河玉未沉  
藉故智迴瀾狂倒堤金已斷嘗前籌保障橫侵見過  
所聞東上拯迤岳政來徵已往中朝開濟棟才被足  
九州來加八命念其扶柱有詆干爲無歌百社復司  
知罪積荏山是埒二天端託異垢藏濟水非汙惟是  
建節以來遂爾懸旌不已燕雀知慶管蒯與存篆刻  
寸丹賴申尺素伏願使星福魯共歸檢鏡人倫卿月  
炳燕獨藉帡幪厦屋

賀房憲長

明李國祥

伏以灑澤八川計豐衍而攄石畫開榮四塞安祥刑以茲金科澄清威埒於埋輪醇醲政治於露冕萬殊吐氣一道生風恭惟臺下濯秀天齊植根地鏡絢春花於振藻茂秋實於奮榮身登龍虎上游轍駟驂騶雋軌旬宣瞻國三秦免恤恤於露根公慎牧民一陝盡怡怡於平葉稀鳴桴於砥路豐施夷世之鴻猷鞠茂草於園扉大布糾華之鳳舉展錯此時之廉察振領提綱經綸異日之輔台論思獻納佇看環召式遄衣歸其學異懷蛟才非夢鳥恩波沐浴感常公勸導

文章化日昭融戴李使申明約法以故伏擬駕足倖

十八

希騏驎而竝馳竄棘翩翾濫排鴛鴦而刷羽方欲投桃報李乃辱張區懸門未荅侯生再顧之榮麟臺匏繫已遂荊州一識之願鳳闕蓬蓬往幸披雲霧而觀天今亟隨燕雀以賀厦爰托烹魚之素用罄趨覲之誠

賀盧懷華憲長

明唐文燦

伏以馳轡臨郊千里挹澄清之氣象衣履位一堂瞻峻整之儀儀後來深慰於吏民景式早孚於寮案歡聲偏徹瑞彩遙騰文燦曩依海邑鄰封久沐甘棠之遺愛茲附霜臺臬事初承秀栢之洪祿偶值西行身縻驛舍徒懸東望魂逐龍門識荆之願雖殷御李之緣尚阻姑呈短狀侑接贊以告虔特選微俸代致詞而贊喜仰祈電獎俯賜淵涵受約束于階隅容圖後晤頒訓規于部內佇俟先傳

賀盧懷華廉憲

元旦

明唐文燦

文章化日昭融而條風早太和初布于會城芳辰啓而

十九

穀且新純嘏總歸于廉鎮門桃絢彩村間遙被光華階栢舒陰園戶盡回煥煖六詔之生靈聞懌三朝之瑞慶旁皇文燦西部攸分仰清輝而已久東方伊邇迎淑氣而元先耿耿有懷擬奉嘯談於臬府行行且止強遵要束於都臺聊修狀以代頌叙特遣倅而充賀燕未聽陽春之調琴祗自彈尚違歲酒之班樽將誰獻憑函轉悵涉筆增思端月履雲衢知秉憲之無憂直道法星臨斗極卜調元之不負昌期



謝陳提刑舉狀

宋王邁

經年夜雨誰憐泮芹之清一日春風忽破庾梅之白  
郵筒飛墜奏牘光搖競看大使之文書乃觀小夫之  
姓字不爽釘金之記竟叨褒袞之榮品題十六字以  
甚嚴銘刻千萬言而不足竊謂先朝立薦舉之法是  
乃累聖開功名之塗不謂昔者網羅英物之公轉爲  
後來周旋人情之具求而得也弗求則不得也俾途  
既開賢者與之不賢者亦與之濫竿寧免柳下惠之  
阨卑官臧文仲不能引絳老人之困泥塗晉趙武弗  
及知養成一世奔競之流遂致四維操履之玷故臨  
難無竭節之守而居官多曠位之愆在承平猶以爲  
非况艱難烏乎曰可自匪孤風之卓立夫豈頽波之  
陽回激揚之間趨嚮所決若某老心固動而德弗進  
年齒寢宿而意不揚雖聞先生長者之言粗知古道  
然滯經生學士之業猶汨虛文頓懷綉組之慚欲求  
耕獵之實偶投足於塵埃之地莫安心於禮義之容  
衿佩競趨於城隅絲竹不聞於堂上鄉隣之闔猶纓  
冠而往救門外之寇敢據席以偷安當同舟遇風之  
時出位不顧奮執戈衛社之勇非學而能義有當然  
功非所計在泮水獻馘幸依魯僖之賢息潢池弄兵

古今通纂卷之三十三

卷之三十三

十一

盡在龔公之化曾非一介若有寸長寡其過而未能  
無所學之可取胡得之於物論併舉以爲已榮伏遇  
某官崖畧甚高戶庭無壅登車有天下之志允藉澄  
清推轂追古人之風不由請謁元使君當路萬物吐  
氣烏大夫秉鉞多士拔尤使致妾庸亦蒙收錄某敢  
不益加砥礪無負陶鎔拜官公朝謝恩私門敬奉羊  
侯之所戒遇非象人待以國士當圖豫子之未能感  
激無窮敷宣曷旣

回鑾路李憲

宋李綱

祭州

而奉六條其有所試恭惟某官分輝井絡擅秀岷岷  
名父子之天資璵璠之器難弟兄之家學金玉其相  
環轍久之寒帷晚矣惟良折獄何擇非人遠以禮樂  
而有光既深簡在編之詩書而無媿願蓋周爰某跋  
達莫前賀成已後三巴疏鑿雖莫瞻繡斧之符六轡  
馳驅猶願謹衣篝之護

謝監司薦舉

宋朱廷玉

零落壯心未就求田之計裴回末路猶懷入幕之謀  
中愧本心外慚微分戴恩逾腆踟地弗容伏念某數  
則多奇資惟極陋始遊翰墨謂功名可爲而亦可期  
逮涉艱難知時命在彼而不在我雖已周於十載曾  
弗旣於一官諒拙疎之有餘故坎凜而未艾進惟聊  
爾資升斗以代耕去亦欣然適榆枋而滿志偶參羣  
俊俾長諸生會明詔之一新事當責實顧諛聞之已  
竭分合投閒懷曠官以自危思歛衽而不敢雖常殫  
夙夜之智力曾何補毫髮之事功矧積咎愆久稽竄

東瀛前集

卷之三十二

十二

斥人皆謂之不祥而弗顧公獨察其甚慙而可哀嗣  
加薦論俾適夷途伏遇某官義高乎一世識竝於前  
人忠厚之風及物而愈廣剛方之氣秉節而弗回其  
觀人也遺於短必求其長其薦士也因其才不移乎  
勢受知者所以感激而至於太息有識者莫不尊仰  
而爲之聳聞顧樗櫟之散才乃門牆之舊物載矜流  
落荐使遷陞昔孔融之得禰衡旣薦於前而無以濟  
之晚節晏嬰之遇石父雖脫於難而不能舉於平時  
未有一叨顧盼之榮兩被吹噓之德自惟會遇獨絕  
等夷而某智昧幾先名編都下駑駘失路固無歷塊

之功鳥雀懷恩猶有啣環之報

謝監司薦舉

宋蘇軾

猥以庸虛過蒙知遇旣免充譴復加薦論自省孤危  
加之衰病生而賦朴野之性愚不識禍福之機但知  
任已以直前不復周防而慮後動觸時忌豈爲身謀  
擠而去之則爲有功引而進之亦或招悔自非不以  
利祿介意而以仁厚爲心顧茲鈍頑誰肯收錄伏惟  
某官時望至重主知已深方將長育乎羣材專務揄  
覆於小過憐其謀身之甚拙進絕望而退無歸知其  
爲政之雖迂歲有餘而日不足特矯世俗借之齒牙

東瀛前集

卷之三十二

十三

敢不祗畏簡書益自修飭豈云報德苟不辱知過此  
以還未知所措

謝臬司薦舉

宋趙德莊

官分縣社初乏吏能書奉公車偶冒名薦荷恩增愧  
撫已爲榮伏念某魯鈍少文樸愚之警志有丘園之  
素氣無湖海之豪慕君子有所不爲知古人未嘗乏  
仕猥驅俗駕濫綴官曹柱頰愛山未忘餘習折腰爲  
米已負初心試館銅章謬臨花縣鳴琴不韻製錦空  
傷政拙催科考宜書於下下誰先傾倒人每見其平  
平疲駑絕意於騰驥散木無心於斲削豈謂提衡之



謝山東章廉值

明李國祥代

伏以玉節凝霜搖岳三妖暮紫金章照日開雲二至  
豐黃詳刑無像梧桐起敝有歌枳棘十聯芳軌一代  
顯模恭惟某官生應旗鈴就疑昂斗西山標秀嶂嶂  
玉立同高南浦流玄清汗珠旋共澈心用宇宙縱橫  
武庫鳴驚氣借風雲拔俗仙標度越汰慮銷萌水釋  
飛才遇事風生鳳舉明經是飛縮墨十奇登譽法冠  
裁豸班心六察承名使節揭龍海面惟寒鵲鴟芳洲  
樹色留青繡照菖蒲四澗水香凝碧轡絲東部察州  
美譽四騰海岱外臺三幕簡乎兩造一道澄清之使

古今清廟遺章卷之三十一

二十五

卓爾霜鷹九重耳目一馮清乎雪鷺袞衣觀子几易  
歸公其碌碌無奇娒有謹震凌風雨深知厦屋併  
懔振拔泥沙大得層霄收拾湛露垂手跼得復于龍  
門清風入懷攻不施于蜂稷無憂製錦有幸含香血  
皮肉骨無踰戴岳負山易尅敬馮一箇端致八行不  
能述感離前聊爾寫懷別後伏願內都端長敢言欲  
聚蘭臺上簡與臣妄異曲收材館

謝江西廉鎮

明朱錦

伏以福星下曜憲節升華江表擁麾已見波濤之貼  
息湖東協篆更觀山嶽之動搖一道生風萬殊吐氣

恭惟某官清朝聞望昭代典刑迅雷破柱而不驚  
澄月照潭而自許鏡懸北斗烟銷於魑魅之鄉劍  
肅南天風淨乎豺狼之窟喜威伸千里弘操秉憲  
之權茲托重一方再攬澄清之轡黔毗鼓躍衿帶  
懼呼某姚水書生青田俗吏日月名高夙企靈光  
之重雲霄身近復偏雨露之恩解帶誰彈冠自喜  
分當叩謁龍門鳴致賀成之款時輒坐羈羈焉懼  
腐越境之譽敢削牘以陳詞敬望旌而稽首馳驅  
惟命慶謝虔將伏乞台尊俯垂昭察

謝李憲長

明陸敏捷

古今清廟遺章卷之三十一

廿六

恭惟某官寰中神品江左人龍文章並石室之藏  
經綸發武庫之秘分藩南國貞度以肅百僚總憲  
西江明刑而弼五教徽聲遠徹寵澤均沾某向列  
編氓久沐甘棠遺愛通叨鄰屬仰承秀柏洪休昕  
暮執鞭深懼越職忽頒玉函于雲表勝珍拱璧于  
掌中捧讀神馳遙瞻色動顧佩銘之徒切竟衷個  
之未伸茲者肅具蕪詞端役以代謝謹布片儀貢  
上以明心伏願垂念百結之微誠勿罪輶褻益恢  
萬頃之汪度命納筦司某不任云云

上廉察使

唐駱賓王

賓王啓每讀書見古人負米之情捧檄之操未嘗不  
廢書輟卷流涕傷心何則情蓄於中事符則感形潛  
於內迹應斯通而悅帝力以栖魂情欣養素仰皇華  
而息慮敢用披丹伏惟某公源控玉輪激神濤而涵  
地基疏金闕架飛岳以韜雲泊乎鹿駭周躔霸燕圖  
於卽墨蛇分沛澤封漢爵於華城福祿攸鍾公侯必  
復炳靈丹穴習吉黃裳若乃峰秀學山列三墳而仰  
止瀾清筆海委九流以朝宗登小魯之山辨練光於  
曳馬臨大吳之國識寶氣於連牛垂秋實於翰林綯

東齊制選章

卷之三十二

十七

春花於文苑清規湛秀照月旦於雕談素論疑玄開  
夜光於妙辯旣而業成麟角引茅茹而彈冠道映鴈  
池絢桃林而曳綬揆留皇鑒忠簡帝心奉職春宮標  
離光於青殿代工天府明神耀於紫宸故得龍綽垂  
光戢兩星而開照鶴蓋浮影異五雲以連陰賓王大  
塊流形小人餘慶幸河神入昴映白榆而流祥江使  
負圖泛青蓮而薦兆薰風廣扇聖日多暉進不能高  
議靈臺談社稷之上務退不能銷形地肺揖箕穎之  
餘芳而出沒風塵湮淪名利十年無祿萬里維桑旣  
而日遠長安處蓬門而西笑雲飄吳會追松浦以南

浮冀塵跡於丘中絕漢機於俗網獲承歡於膝下馭  
潘輿於家園不悟地絡遐張維白駒於空谷天羅迴  
布弋黃鶴於高雲顧已以驚銳合從媒銜力農賤事  
未免東皇之勞反哺私情遽切南陔之詠少希顧復  
敢布懇誠雖噬指思歸空軫倚閭之望而鬻臂求仕  
非圖高蓋之榮明公資孝履忠恕已及物惟幾成務  
論道經邦庶得顧免離箕動清風於舜海從龍潤礎  
濡其雨於堯雲則白羽書生自銘恩於食稻黃衣童  
子將賽德於食花拜首廻惶傾心虔露謹啓

東齊制選章

卷之三十二

十八



通葉憲使

宋戴翼

東壁清躔暫領繡衣之斧南昌小吏喜依玉節之麾  
誓以身歸大造之陶鎔歷此瞻於細夫之竿牘犯嚴  
造次竣命凌兢恭惟某官學老而文雄人今而道古  
真才瑞世炳炳六泰階之昭符勁節凌霄巖巖九華  
峰之鍾秀所養者得孔孟聖賢之定力故發而皆獲  
高遠大之奇勲自登龍虎之上并過屏驂之雋軌  
三異奏庸於花縣十行促覲於楓庭綸院褒揚官無  
冗辭計司豐衍軍不乏需當明天子不諱之時居大  
丈夫敢言之地嘉謀告后鳳鳴于崗而梧桐以生正

東坡制選章

卷之三十一

二十九

色立朝虎猛在山而藜藿不採望峻回天之力華陞  
維月之聯方觀要路之橫翔胡乃急流之勇退益天  
欲救細民於積年之涸轍故上特畀明公以十道之  
祥刑除命甫馳列城交竦豪黠私相顧而喪魄閭閻  
得一笑以伸眉蘇孺文果不受故人之私范孟博真  
有清天下之志雖江右總十一州之地願駐蹕惟恐  
朝廷不三五日之間別頌褒璽某蜉蝣小用芻狗棄  
才家貧而笑饘粥之無由枝拙而藉詩書以爲業聚  
徒庠序飽二十年學舍之蠶蠶負米朝脯奉八十歲  
親庭之菽水雖鶚板屢年之捷柰龍門萬丈之高迨

於癸未之春始玷慈恩之列仕不擇祿急於爲親第  
一尉如綫之微而衆務勞絲之集矧茲劇邑之重尤  
非謫材所堪倘無歸嚮於中寧免譴訶之及幸戴二  
天之在上庶幾一日之能安河漢瞻星漸喜近熒煌  
之座樓臺得月願永依臨照之光

通楊提刑允恭

宋文天祥

誤節獻湘載驅上日樞衣過洛伊邇下風望履有期  
肇戕告至欽惟某官溟南健翮斗北修名王尺水莖  
洒落絕塵之韻瑤琴錦瑟和平瑞世之音自歛起而  
霆轟每徐行而山立提振春陵之風月從橫周序之

東坡制選章

卷之三十二

卅

鼓鍾日暖旌旗一麾玉帳春明霄漢三道綉衣驅馳  
靡憚於賢勞出入有關於民命方千仞翔而覽下乃  
六月息以畱南矧今聖哲馳驚之秋正切英雄經濟  
之畧江濤如許泉石謂何負賈誼於長沙上心久渴  
見夷吾於江左天下何憂某飲菊悠然夢蕉儻爾起  
家乘傳念舊綉之波濤畏道回車想綠簑之風雨幸  
近十洲之島冀沾九里之河騰壤舊廬曾識平反之  
譜周原新轡願承鞭辟之方拜下非遙由中莫旣

通李提刑

宋鄭厚

伏以錦帆汨洪流已周春訪繡衣兼畫戟今易澄清  
天子弄印匪輕使臣召環適至尤資風采盡掃瘴塵  
一聞令公宣威無復苗民逆命恭惟某官眼空四海  
量廣八荒曰文曰武可以全才學書學劍不爲小用  
百篇落筆不減大白風流萬卷填胸宛似鄴侯韻度  
鋒芒小試穎絕蚤稱峽開桂陽已小巨川之能濟巢  
空寧化安有蔓草之不除笑談折衝整暇止武於赫  
績用累見褒嘉內聯寶閣之榮班外作金城之良翰  
番馬失律何足煩流馬之通潢池弄兵其誰慰涸魚

嘉祐初選錄卷之三十三

卅一

之渴先聲所至僉望已孚西賊聞之皆驚南人自此  
不反蓋鈴府實接於三路而憲臺時置於雙江山川  
峻激致人性五方之不侔溪峒險巖有習俗百年而  
未化比憐相刃同里爲仇少昧曲突徙薪之防便起  
烈焰燎原之禍僅雖安集未底謐寧爲國深長謀之  
在公指麾間爾今之事會迭有正以望實爲先宣帝  
聞東海蕭生召歸欲壯本朝之勢仁考以南粵襄  
公可任永圖百年之安只恐恢復基圖不容淹留旌  
節豪傑爲時出請賡少陵整頓乾坤之詩功業如山  
高願繼元結鐫磨石崖之頌某濫吹油幕之下竊庇

雲宇之多所願執鞭正切生平之慕乃獲爲御得陪  
執事之先胷中之梗槩欲陳紙上之繁蕪難寫以分  
言之則雲泥勢隔以道論之則草木味同惟大賢之  
有容庶小夫之自信已家驢豹不特設烏大夫之羅  
雖乏運籌尚冀全藺相如之壁其爲依嚮罔旣編摩

通方提刑

宋方岳

伏以繡衣而立雲漢聿瞻使者之星墨綬而走塵埃  
竊嘆卽官之宰雖迴有天淵之隔方將戴日月而行  
敢以名聞通其懷仰恭某官周雅壯猶之老唐詩  
元勳者流當其揮玉塵宗藩固已鏘瓊裾於帝展

嘉祐初選錄卷之三十三

卅二

胡爲豸讞廼輟鵷班曰古者有德惟刑必吾儒然後  
知此矧我朝以仁立國於民生若恐傷之徑煩丹筆  
之春盡布紫泥之旨然金科奉九重之敬卹而玉山  
有一卒之叫謹繫我甘棠勤公行李持斧而捕盜賊  
想聞暴公子之威名騎竹而走兒童復見郭細侯之  
故事少註凝香之寢難稽聽履之朝某徒抱區區見  
謂碌碌者我世父竊意爲生馬之駒許以象賢乃畫  
成類狗之虎歸賦詞林之衣鉢無忘家世之箕裘粵  
自落南幾於敗北尉溧陽而吟惜家具寧免郊寒令  
彭澤而賦歸去來欲從陶隱偶脫瘴烟之澁勒尚驚



風雨之漂搖方自拔於選階曾何知於縣緡邑而謂  
之債邑蓋亦望而駭然民可以爲良民或相安於拙  
者亦惟綿薄每懼錦傷一婦不織一夫不耕敢廢農  
桑之課五刑有服五流有宅尚邀鞠草之仁

送陳憲長考滿

明龔道立

伏以法星移拱將入照乎天樞舜日大明普流輝於  
率土近龍顏而有喜趨虎拜以揚休行色載瞻掄揚  
曷罄恭惟某官心懷雨露手握風霜臬憲專持民胥瞿  
然顧化諏詢寵任刑措不用爲威基已政成載陳功  
伐時當入告賜問從容細細遊絲惹天香於去袖飛  
飛宮草來春色之逐人金甌注想玉佩趨蹌某株守  
下僚心徒懷於忠孝材庸樗櫟念交切於君親望倚  
日飛旌雲泥路隔宜擁車負弩台斗長懸爲此肅布  
俚詞聊將微臆祈乞崇炤俯賜淵渥

東瀛前選章卷之三十二

三四

送陳憲長入覲

明閻金和

伏以陳臬閩邦八郡荷澄清之績考成魏闕九重褒  
表率之勛玉帛交陳冠裳雅會恭惟某官德隆柱石  
望峻華嵩振紀肅綱百辟樹儀刑之準雪冤平讞羣  
黎荷欽恤之恩凜乎法振風霜卓爾功高屏翰將臨  
獻歲瑞輯明堂卜曉日以懸旌鳧飛海嶠遊元辰而  
對仗虎拜天關吏計恭承聞望夙著於寰寓華封載  
祝忠葵自眷乎宸旒地天交泰一時譽處承休百世  
其職叨屬吏幸託今天顧係匏無越乎封疆而負矢  
有難於躬致敬

適下吏代前驅聊具護導之私少  
展追隨之悵伏祈崇炤曷任瞻仰

賀福建方明齋學憲

明連繼芳

伏以試觀今日之域中盡是文明之天下謂閩爲人  
才之薈北借公爲禮樂之指南海岱增靈泮宮易聽  
恭惟臺下鞭駕朱程驅馳屈宋填胸學海震百川吞  
浪之聲破竹詞鋒森萬丈倚天之劍影纓司馬健翮  
搏鵬一代詞宗九經武庫惟命自天而下故公遵海  
而南博望牛女之墟盡麗奎婁之照朱衣白眼龍犀  
出自無心綠李紅桃栽傾惟其自取滋培拱把備震  
風凌雨之悒悒追琢瓊瑤供方澤園丘之琮璧排異  
端於五教移風在俎豆之間崇正學於六經得士在  
科名之上某受一塵而爲氓隔千里於行部未識荆  
州之面已分香於藻芹仰瞻元禮之門但馳神於履  
舄

賀粵東陳學憲

明連繼芳

伏以借文憲於秩宗觀五嶺人文之化奉正人爲師  
表來七閩木鐸之音薪樞生榮菲芹動色恭惟台臺  
典墳三代盤詰千秋諸昆登羣玉山夙號鳳麟之瑞  
先生持三寸筆特刊魚豕之訛自煌煌之奎婁從天  
而下歌芄芄之械撲過輿以東清源滌珠海之波章  
從得其頌羅浮借武事八之岫青衿奉爲儀刑水鏡

澄花辨塵埃中連城之璧地爐活火出沙磧內躍冶  
之金明道術於兩間地之江漢星之斗追文章於千  
古河之龍馬洛之龜邪說捷之市朝道邇邇於白日  
青天之下正學褒之表晃起物色於紅桃綠李之中  
一十郡司命文章二百年名臣理學某梓桑末葉樗  
櫟下僚客臘入羊城叩賢關不得其門而入王春伏  
漉水尊憲禁又不可階而升彼大鈞無垠想不吝曲  
成之陶冶而寸心千里固未爲遠去於門墻引領塔  
堦撫心冰谷

賀江西沈學憲

明朱錦

伏以光被三千振鐸功弘於三載書馳九五彈冠喜  
動於九流仰甄育之大成豫章露構吹噓之無量  
棘櫟處迴恭惟臺下龍門巨範鳳沼殊姿襟度繡雲  
丰規曙漢鼓雄飛於筆陣驟箭南山燃高艷於詞壇  
跳丸東海遊戲文章之三昧呈露政事之一班民幹  
宗靈人倫師表引墨絲而繩曲節矩步正傳按朱越  
而譜新聲版依大雅喜茲名藩績滿魏闕章騰幾年  
發鼓芝堂飽渥於光風數歲寒惟藹巷旁霑乎化雨  
紫旄歧望頌徹有成絳帳遙瞻謳謠善誘玉函寵詔  
俄驚蓬島飛來水鏡清規長與匡山並在某塵冗埋



頭文移掣肘揆能甚下虛叨百里之符席社過隆激  
荷二天之惠喜三稔徽傾於憲節快一札最奏於明  
廷廣厦千層相梁多慶丹砂九轉孤出有緣肅晉牘  
以颺詞敬才而貢賀雀躍喧如龍光凜若

賀江西查學憲

明李國祥代

伏以朝班推儒夙欽雅行之倫江國作人具景文昌  
之府雲影朱幡而灑澤霄懸絳帳以開榮喜動江山  
春歸桃李恭惟臺下彌天學問映世英華既以天半  
朱霞自是風塵表物雲中白鶴猶然河漢雄才既握  
蘭以勤官載提衡而造士冰壺炤徹指開藝苑之迷

東瀛別選章

卷之三十

途木鐸琳瑯喚醒儒林之劫夢仙凡異骨冲飛藉五  
色之丹驂驟成羣盼飾長千金之價生員瞻而把釣  
會掣六鰲望阿閣以來巢直低鳳想下里折揚之  
調難潤齊等計中原正始之音世還人雅教型方式  
於江右口碑遙達於燕中某江介散材官途下品紫  
氣今瞻浮斗青天向視披雲阻接袂以赴賀班謹投  
箋而宣慶語告虔之念稍布焚香之私曷宣願展黼  
猷長衍菁莪大化佇看鱣集薦躋槐棘崇階

賀李鴻岳督學

明在日著

伏以紫殿重儒宗妙簡斗山之譽望絳帳臨子視弘

敷鬢泮之綱維先士類以樹標登詞壇而振鐸章綬  
忭蹈寰宇拭觀恭惟某官問氣殊才茂齡遽抱彩吐  
夢中筆髻年魁金確之篇賦成選內錢弱冠光賢書  
之冊春卿登雋桃源燦爛夫桃花戴記標英鳳序聯  
翩乎鴈塔戶曹握利柄冰蘂垂聲滇國典棘闈棟梁  
入格睹試程之傳布披錦繡之焜煌俄推轂於中朝  
遂持衡於西晉拔其尤採其粹凝青眸而珍品按羅  
浮者黜誕者排勒紅帛而頽波砥柱冀都過化參井  
流輝某幸托天緣竊忝卿薦策蹊於驥路難擬騰  
空逝頽尾於龍門深慙點額瞻玉山而企慕持鉄硯

東瀛別選章

卷之三十一

賀陳督學

明劉仕義代

稱以操鑪錘以造士教典攸關懸衡鑑以作人司命  
奇儼茲清華之妙選允胥才望之高賢恭惟某官  
天目儲英江陽競秀服董公之遺教道洞大源席安  
是之餘芳學成實用金門射策巍占科名清署宣猷

獨持風力八閩監臬方朝議之見推兩浙文宗寔帝  
心之特簡天語誕垂謨訓龍圖煥發琳琅式廓名藩  
彬彬人才淵藪風猷重望表表士類模範行見振濂  
洛關閩之風聞堯舜周孔之緒品裁衆藝公持伯起  
四知掄檢羣英明徹孫陽一顧風行大地越甌桃李  
爭妍雷震中天江海魚龍盡奮蓋遠追韓昌黎之休  
光而近儼薛文清之茂軌也某發身下里叨守東甌  
興學育才每慕文翁治蜀維風振紀恒慚明道匡時  
旌旆來臨瞻依注念斗山遙望仰止興懷肅清裁以  
展賀忱願下胥而代躬候伏願文星射牛斗之墟恩  
寵之駢臻與文星而並燦道脉衍江山之秀福祉之  
滋至與道脉而俱長謹啓

東瀛別集

卷之三十二

七

迎陳督學

明唐文燦代

朝宁重儒宗妙簡斗山之舉望臬司欽帝命丕膺  
泮之綱維芳聲先徹于西藩佳信近傳于南甸想法  
旌攸指傾都仰仲舉威儀占教鐸聿宣闔部遵止齋  
格律文雅之舊風彌振嬉遊之遺俗盡祛蓋推楚中  
師範於川中真似駕輕就熟將納門下人材於闕下  
豈徒育俊儲英某早進官牆吟風有素暫遊郡國立  
雪未緣聞拜詔之既出九天計理裝之不踰數日恭  
披短帙特走微評告虔之念稍摠稱慶之詞難悉尚  
祈召入海躋槐棘崇班益展敷施長贊菁莪大化

東瀛別集

卷之三十二

四

迎朱督學

明舒曰敬代

留都綜吏夙高濤要之班江國作人具景文昌之府  
幃帷雲擁絳帳霄懸瞻天仗以鳬趨睇星輅而雀躍  
恭惟金粟標華鶴湖孕采得三光五嶽未分之氣務  
養其原讀八索九丘以來之書莫窮所學道爲世表  
覺在民先既典銓以甄流載提衡而造士水壺昭徹  
指開秋苑之迷途木鐸琳琅喚醒儒林之劫夢仙凡  
異骨冲飛藉五色之丹驂駟成羣盼餘長千金之價  
坐員嶠而把釣會掣六鰲望阿閣以來巢直低三鳳  
想下里折揚之調難潤齊竿計中原正始之音聿還



大雅匡廬結秀彭蠡迴瀾旌節戒途淑氣冲斗牛之  
次壁奎燭地清光浮翼軫之墟蕭仙飛爽氣以承軒  
江女淨陽侯而待駕其八閩末品光依章浦之甘棠  
百里末員寵假臬司之廣廈私幸敕邑子弟盡入鍾  
鑪自唯下乘駑駘何當鞭策今將躬負弩石擁冠蓋  
于章江行且身帥衿裾奉標趨于縣寓謹陳竿牘祗  
迓前茅

迎江西朱督學

明李國祥代

恭惟當宁重儒宗妙簡斗山之駿譽普藩欽學府滋  
榮桃李之鴻功文風盡黜其輕浮士習悉臻於樸茂

京肅制選章

卷之三十二

甲二

高懸水鏡經品題而佳善攸成廣式土型獲獎異而  
幽潛卓著教鐸方宣於江右口碑遙達於燕中某願  
切於識韓緣慳於御李奈通籍粉署難接袂以赴賀  
班徒魂遠朱軒謹投箋而宣慶語告虔之念稍布贊  
喜之私難宣願展黼猷長贊青莪大化祈蒙環召存  
躋槐棘崇班

賀雲南李督學

以邵武守轉 明李國卿代

伏以當宁右文特重鈞陶之任名賢表範式符山斗  
之瞻寵錫滇南驪騰海表恭惟師臺兩儀開氣百代  
宗工探義畫之文龍馬圖涵胸次對漢庭之策天人  
蘊寫毫端知蚤結於巖廊望遂隆於中外一麾出守  
琴鶴相將五載專城豚魚顧化天下治平稱最日邊  
春注轉殷綸綍載頒品量攸寄碧雞金馬開顏承奎  
壁之輝化雨春風到處發李桃之艷玉石析毫芒於  
色澤驪黃灼牝牡以天機士類維新人文蔚起詎直  
菁莪化洽旋看槐棘階崇某昔厠青衿誤蒙剪拂近  
竿墨綬復荷培成茂樹睹鸞選可任彈冠雀躍荒城  
嗟馬繫莫隨賀厦燕來徒矯首於龍門聊披衷於魚  
悵雖一筐一篚禮不稱夫有三而鑒瞻鑒芹榮實逾  
方

京肅制選章

卷之三十二

甲二

賀孫龍洲宗師

明樊 燿

節使寵臨肇風行于南國文星朗映秉電照于西陵  
其欽冰鑑之懸益切斗山之仰特勤燕賀下慰雀私  
恭惟某官儲英玄宇茹定朝陽螭陞代絲綸聲蜚玉  
署栢臺持繡斧直震金門更兼蘭省之榮出典文衡  
之重湖湘地邈將溥照以青藜江漢風清試先聲于  
赤壁青萍結綠受知薛下之門汗血霜蹄俱入孫陽  
之廐帝心簡在士類騰謠某職忝下僚情逾肉骨信  
傳喬轉喜溢尋常節屆夫南薰留神于東觀望崇調  
燮允堅松栢之姿怡養冲和坐晉台衡之秩

古本清制選章

卷之三十一

四十一

賀學憲顧公歸隱五表華誕 明成於思

慧日方升福星初度朱衣錦艾聯赤壁之六綵蓬矢  
桑弧絢紫微之五色玉書吐艷繡紱生輝富公七十  
九歲羨九老之不如潘岳三十二年覺二毛之末見  
秋容效彩驚三紀之流光儉歲獨豐昭五柳之仁壽  
一鶴自隨且喜青山未老三槐挺秀况逢流水相知  
喬嶽棲真與嵩高同其仰止滄洲肥適與洙泗共其  
淵深激俗矯時綠野之游斯壯懷材韞匱東山之卧  
偏濃學憲顧公玄牝凝神虛舟應物棄萬戶如張子  
房而材華獨步領諸類如郭中令而春秋莫強律九

寸以迎長袞八荒而集福棠陰滿岫嘯之央盈門佳  
麗桃影偏蓬萊之水迤地雲霞潛心物外擯跡丘中  
僊人騎黃鶴色照渚宮老子跨青牛氣浮函谷敎展  
金紫巢由與許史同歸軒冕塵埃廊廟與山林一致  
比跡環溪陶心大隱論撰樂志仰衆妙以興思賦奏  
閒居抱三餘以養拙窮山川之勝槩身齊逸民究今  
昔之興亡名隨野史龍吟方澤則俯釣長流虎嘯圓  
丘則仰飛纖繳柳垂陰而宴於林車結駟而禊於池  
奉觴稱壽則鳳舞鸞鳴抱勝長吟則吟諧徵錯鑑老  
莊之遺訓讀周孔之全書效唐生之決疑追蔡生之

古本清制選章

卷之三十一

四十四

慕古揮翰墨以奮藻雖日夕而忘疲訪麋鹿以嬉游  
超塵寰而適往于時玉女司秋金烏送曉灰散蒹葭  
結烟雲於碧篠燧移檀火起風露於青萍庭榴剖實  
岸石澄瀾鴻漸於陸流斷吹以來寒鶴鳴於臯上中  
天而待露吟香山三十六之詩不堪屈祝獻崆峒千  
二百之壽大振弘猷筵開玉饌交雜佩以薰蘭酒泛  
金翹映清樽而湛菊泮渙河湟抑折巾於笠澤棲遲  
洞壑鳴雅調於松陵投竿垂餌無心比屋之封擊楫  
操觚有志歸田之賦幽質晦於渭濱善藏拙宦機心  
絕於漢水避世高流思也夙分碧落之香遠占遙池



賀李學憲鑑池生日

明瞿九思

襄公壽我已敷宣大衍之文茲我觴公欲呈貢洛書之數已發揮於綵筆將獻見於華筵豈期有汗漫之遊遂坐失趨蹌之敬馬蹄何在帆席安之今日當辰外之辰始徐效祝餘之祝王喬來已去乃我猶爛醉倒於山中黃石送將歸何爾獨漫翔翔於海上退慚諸客仰負前秋顧所蒙獨後之辜亦自有非常之說睠惟今日果屬芳朝倉庚調言偃之絃歌皆遠自朔西振翩桃李戴梁公之雨露若遙從廣右移枝種種翩翩形形色色雖知公望重固無庸待此物以開樽

東瀛別集

卷之三十二

四十六

然笑我囊空終不免倩羣芳而作賀好舉頭看趙魏天邊之棠棣方妍爲鼓掌告車騎陌上之皇華正茂願橫吞北斗畢輒爾驅請勿待詰朝行便茲攬轡一視滇丹視粵遂總持林祭酒之成均旣典餉又典兵復管領呂平章之秘閣大揮灑胸中之粵盡發舒天下之春與物同游及時茂對今茲四五泰姑從容陳難老之篇此後八千齡更次第賦攸同之曲空餘鼓翼莫克登堂望天上三台翹雲共祝指座中南極浮玉爲歡

謝方督學校士

明李國卿代

伏以奎壁耿祥光八聚人文蔚起門墻霏化雨一時物色俱新肆開新標之途朗揭驪黃之鑑彩分下走輝映上台恭惟台臺吾道主盟斯文先覺胸中芥藻森牙籤錦軸之藏筆下宮商富大呂黃鍾之奏崇名齊於山斗後學守爲著龜衡握全閩采芡苓以資藥物按臨屬郡羅麟鳳以瑞邦家拔滯振淹分涇離渭悅人心於樸茂爾雅者是登滌士習之澆漓浮華者必黜頃甄下邑允荷盛心俯念先儒從出之區宏施樂育曲原末品冒干之罪不靳兼收彼入彀諸英誠

東瀛別集

卷之三十二

四十七

自竒其知遇而失正多士惟友求諸身心倘非水鏡瑩明能令賢愚悅服其夙抱識韓之惻今叨御李之榮奉德意以作人次且不稱循科條以飭教庶與維新感茲陶鑄之恩莫罄揄揚之意敬申短牘用佈謝悃仰冀崇垣俯垂昭啓

謝管督學

明張應泰

伏以百里謳吟見民心于去後一言華表標吏治于生前幸直道其猶存儼遺踪而益動九原可作敢言隨武堪從片碣初題已誓延陵不死事于僉議銘切私衷恭惟其官妙有儲精神明衍胄蚤慘珍于玄圃潤唾珠璣繼嗣羽於青霄光依日月越中故文章藪管子寔天下才漢闕專詞奴使兩京班馬虞廷讓惠名高一代夔龍載錫郡符驟膺憲節投戈講稅五溪風淨妖氛橫梨賦詩二酉雲開蠹簡賜環寵近調鼎勛崇明詰登朝正海寓揚眉之日斗山人望更永冠

夏肅前選章卷之三十二

四八

拭目之年詎曰波餘忽沾意外先君子一經卒業少嘗與對庫公車三試拜官晚乃列銜于邊邑孳孳六載自謂苦心落落千秋誰當知已賢書屢上量移近得長沙遺愛未忘瞻念真同南國撫棠陰而志感睇岷首以增欷歔而祝之不翅庚桑之戀民汜勞矣實繫何武之思方多士之撫忱適明公之在事謂論因久定誠歲計之有餘卽政以晉移諒芳規之未遠斷諸胸臆爛彼瑤瑤治喻鮮烹推轂竟先銅墨價將璧重持身繆許冰壺麗士元百里誠甘郭有道一銘無愧義專褒往意在風來歟若有靈應見并州入夢目

今乃瞑祇緣宣子知心應泰徒讀父書莫恢先烈有懷續緒橐中不問于金何以酬恩口內尚遺寸舌肯叨鯉對幸與聞詩今仰龍門無從御李祇結思于死轉猶托迹于疎遠敬役赫蹏顯申素抱沅湘蘭芷想瞻丰采于新秋臺閣綵綸擬備藥籠于異日

四九





上張督學

明胡

補

伏以涸鮒圖存竊潤江漢潛蛟得奮借勢煙  
十尋因匠石而長價足能千里待伯樂以收名觀物  
且然於人奚惑有薛思成知陳君之壯志無李文德  
失延子之奇才梅直講器東坡遂爲知己李司徒賓  
北海竟以通家得不得固戶諸命舉不舉實由於人  
况在坎坷尤宜存恤不遇典辭鬱龐眉之都尉數奇  
見惜挫援臂之將軍雖右軍不得言勇而劉蕡何可  
告忠冰雪催殘莫逞英葩於上苑泥沙汨沒久將爛  
灰於濱江試仰昔以呼彌庶動心而怵惕竊念某朴

東瀛別選

卷之三十一

五十一

拙孤踪飄零寒士遊心學海嘆道義之淵源盡力經  
田涉文字之糠粃爰以聖賢期待銳意入神羞於記  
誦辭章容心點鬼久在泮宮嘗遇高明而見錄屢登  
場屋自慚駑鈍之不前曩值宗師老先生大人某爲  
士之預衆文之柄獎拔過英才皆允協於輿論刊落  
獸不肖豈謬迷乎至公唾去猶之果核鄙夷無異牛  
溲竭半生十載之苦莫獲上陳雖寸心一得之愚無  
階自盡予不棄主而主棄予起孟浩然之嘆詩不窮  
八而人窮詩動歐陽子之思柳宗元過之當欠紳而  
一綆韓昌黎見此且濡手以焦毛有有力以當其前

東瀛別選

卷之三十二

五十一

無心以濟其敗恭遇臺下天球秘寶竹箭貞姿既  
出色於閭閻益弘聲於京第蘊之爲德行以一心會  
斯道之全後之爲事功以一身任天下之重昔試士  
於廣南單鳳已舊近掄材於江右被化聿新士習自  
茲改觀文章於是復古藻鑑洞開秋毫在照文津旁  
暢寒谷生輝張網羅而挂雲盡收逸翮蔚見固以取  
璞無復遺珍公之求士甚於上之求公矣上不負位  
敢有下負其能耶某快日月之貞明肯甘心於賤昧  
常雨露之饒洽尚引領於沾濡是以不愧困學之才  
欲承晉接之寵銘非干將敢自試於屠龍色實無鹽  
願分幸於飛燕多見不知量也然亦有自負焉雖不  
利於主司當亦求其在我繫匪衡之壁常分隣炬之  
光削高子之茅大關山蹊之路挫愈奮敗愈張失於  
前救於後范睢張儀以憤激而脫相權曹沫孟明遇  
敗亡而熟兵法柱厲不知疾趨亦難狼睨見黜勇敢  
奔師未可以一青絕君子之才亦或遭一蹶得天下  
之便伏願執事寧采實不采名不使功而使過綴臆  
肌於朽骨着嫩齒於枯枝知李廸重升感予明之好  
士若劉幾再選識承叔之崇文矧古人任賢或取諸  
織販廝養之賤豈今日論士廼棄於摧折困踣之餘

如當斥去不恤門牆苟可甄收何嫌夷狄幸還聖學  
俾拭目於化成得列儒紳務勤心於策勵撫尺寸之  
長或能報國得升斗之祿聊可養親昔墜重淵之中  
今抗九天之上使不蹈窮餓之水火尚敢忘覆育之  
乾坤哉况苑馬售而名駿至怒蛙掛而猛士來鳳凰  
之雛雖啗啗行且入穀桃李之穠穠華胥慶在門  
上不負天子側席之意下不負儒生許國之忠斯藥  
籠號稱得人信節屋未嘗無士不惟愚生幸甚而實  
天下幸甚某不揣庸陋冒干鈞嚴無任隕越戰懼之  
至

支清湖選章卷之三十一

五十二

上查督學

明張應泰

伏以西江故是賢疇誰匪亮李東淵尤稱士藪獨重  
斗山維茲閱歲春風共挹盈堂冬日士誠吐氣吏更  
飯心况承謦欬之餘與厠追隨之末能忘倚玉祗媿  
懷珠頃當震疊周官正屬巽申漢典方虞甌墜不謂  
瓦全凡斯僥倖之逢總賴吹嘘之力額宜九頓腸實  
干迴竊計環虎帳者三千昔方歸於藻鑑遂令丐龍  
門于只尺莫克覲其芝眉肆藉魚箋虔陳瑱素伏惟  
汪涵海度略塵氛以齊捐浩蕩鴻施并纖芒而畢及  
則人世萍浮之日皆華陰環報之年

候楚中寶督學

明李國祥代

伏以亭落梧桐陰地休徵畢選鑑分玉石楚天太白  
常明素絲慶附朱藍紫燕賀成厦屋庇身有地報志  
無階恭惟某官植根大蜀蒼巒淮秀同嶂岩嶠紫芝  
眉宇淘俗念以冰消白璧胸襟爛仙標而玉映筆端  
霧散豈綠錦繡肝腸吻底河懸蓋卷風雲樽俎三影  
飛聲麗句八采馳譽華篇報貼鶴頭已兆得賢於夢  
萊宴燒魚尾先占守素于題梅棘寺牽絲決番丹筆  
之泣雲司影組格標粉署之條指損益於掌中盧楊  
叙議任師帥于海畔杜召謳歌爰從水鐘題才貢舉  
遐方稱玉笋因自朱軒造士人師當代慕金型湘有  
琳瑯藉彫琢頓成國器楚多杞梓賴培植盡茂卿材  
風望震帷復爾鎮浮疏穢霜飛建節猶能興壞扶微  
憲文武定四海安危遞將相繫一朝輕重建牙要地  
調鼎咫尺天其質疎無奇學落不殖激昂忠烈貢鄉誤  
認于顏標惠養黎元宰邑慮傷于子產託桃李之蔭  
腳跡雖非望著劑之留裏肝輒吐唯是情深傳鉢誠  
急遺泥望衡嶺舒丹精爽飛從迴鴈溯江流瀉碧縷  
懷潔迭鳴鷄箋以摠丹先諸從以韓愈芹以申素譏  
非人于宗元懷是谷臨望惟海有

支清湖選章卷之三十一

五十三



侯李鴻岳督學

明蔡用明

伏以斗山望重文宗已屬于碩儒廉鎮班高法從遙  
臨乎全晉光生鉛槧澤暨菲葑恭惟某官學與際天文  
章黻漢髮年夢吐鳳溫陵擅號千神童弱冠美雕龍  
閩省遂掄夫魁選禮闈宣捷占瓊苑之一枝鉅闕發  
祥誇棣華之連萼司戶曹而持界尺酌清水於推關  
典棘院而綴珠璣羅真才於滇境程錄一播擲地作  
金石之聲繕部甫膺環京騰嶽崧之譽紫宸隆簡命  
文旌攸指冀州縫帳課時髦教鐸聿宣晉國歷三聖  
人更都之地若彰常載采咸在甄收抵文中子托跡

古今淵源選章

卷之三十二

辛四

之墟凡中詠著書總歸採擇章縫動色衿佩怡顏卑  
職某壩海鄙儒執場末品爨陪鄉貢附驥尾而不前  
茲叨贊宮親龍光而在望設壇聖阜厭苜蓿准賜酒  
錢說劍天涯携妻孥難克行索愁腸如結鬱抱莫舒  
幸緣構於三生喜潤沾於九里盼睽增耀鼓鑄爲恩  
某受病迂庸全仗盧扁之計藥賦才踟躕冀承造父  
之馳驅倘譙獲乎獲迹乃望涯而更溢信冷官之得  
路寔年末之生春懷切葵芹願候寒暄之節仰瞻衡  
鑑佇頒條約之新高範新逢下棕遙布伏祈電矚曷  
任水鏡

侯俞督學

明王猷

伏以天上奎星臨照移祥光於閩省人間真宰風采  
瞻峻整於霜臺日深仰斗之思將藉垂雲之庇趨跼  
無地景仰有懷恭惟某官名世經綸清朝柱石奕葉  
龍光閎閱金陵歸望蟬聯龜組梓橋上國蜚聲禮樂  
雍容煥三千之藻甲兵韞籍藏數萬之鋒麟鳳高騰  
簪紳委重試公卿於花縣月籠絃誦之音固蒼赤於  
春臺雲度袴襦之曉張燈起草榮知掌平絲綸瑞錦  
爲章器有資于清廟復膺簡命出典文衡梓杞良材  
盡爲榱題棟棟琳瑯執圃兼收和璧隋珠聲震九重  
名留三楚文足以式士武復以飭兵寶劍橫揮寒破  
犬羊之膽牙旌遠指坐銷鯨鯢之魂滌麗山川寂閒  
烽火憂能舒乎宵旰澤將遍乎全閩某深媿樗庸謬  
承屬下惟蒙樾蔭叨貳臬邦幸締三生恩沾百世每  
戀斗山而景仰寔切海宇之隄防徒有此心末由願  
侯聊陳荒落以代趨承

古今淵源選章

卷之三十二

辛五

候王洪州宗師

曾光魯

恭惟臺下望重斗山澤濡江漢地爐活火鎔砂礪之  
荆金銀海清波鑑塵埃之和璧三千沾雨化匹休門  
下魯諸生尺五播風聲趾美姦中唐學士龍文鳥篆  
登衡岳探神禹奇踪澧芷汀蘭過星沙訪賈生遺跡  
山雲盡掃會看如日當天石鼓不鳴應作中流砥柱  
凡懷一得悉藉萬間如某朽鈍過被甄收且郡乘檄  
修俾刪煩而就簡廼槩鉛從事唯潤舊以爲新旬月  
載來逾年始竣自明非分難追大愆第子長窮愁每  
興嗟于附驥彼相如知遇何致惜于凌雲職人非其  
人倖主得其主未酬狗馬祗切銘旛葉落洞庭增怛  
怛之秋思風高迴鴈繁尺只之鴻翔南邇有懷下情  
冀極遙祝老師栢臺清譽長依日月之光華楓陛殊  
恩佇陟廟廊之樞要某敢不迺加淬礪仰承休庇於  
無涯也伏乞俯垂炤登大賜優容

東清別集卷之三十二

五十六

請筭仲督學

明謝廷諒

伏以錦軒星鸞傳墨令於銀書繡服霞被湛珠衡於  
寶序彩綵五峰之嶠振鸞叩花光浮九井之津栖鸞  
吐潤驪騰絳掖譽輝簪裾恭惟臺下粹毓玄黃家傳  
青紫鳳翔南嶽謝蘭開十步之芳鵬化北溟邈桂聳  
一枝之秀歌調白雪秣畹分華器重青雲竹林濟美  
卽懸金於奏市口杜田巴爰刻石於漢京貌憎西子  
牢籠羣彥當益友之龍頭鞭弭中原珮封侯之鵠印  
早遊西鎬探玄指於千言晚蒞東陽播清徽於八詠  
時流望而踴景談士依以揚聲高標月旦之評盤礴  
江山之氣驪珠曜掌情源共秋水揚波鸞鏡懸心詞  
峰與夏雲爭長列琳瑯而觀瓊寶燕石立分陶絲竹  
而奏宮商齊音屏退珍函明月寧思暗投琴號落霞  
獨精吟賞某棲皇一壑處不才之間躑躅四隅乏能  
鳴之分綠桑梓青鸞降宿樹之祥支木爲床白鶴  
有標墳之瑞荷千里之嘉獎驚五馬之踟躕見示郊  
居愧有難於辨覓先生戶牖喜猶溢於登龍仲叔遐  
征肯遺安邑之累王猷雅興空作剡溪之遊回桂棹  
於江干阻蘭訊於天末許玄度之清風朗月一倍懷  
人王逸少之珠井墨池千年樂事顧雙旌之枉賁苦

東清別集卷之三十二

五十七



二徑之無資與洽濠川尊前彭澤野餐二盤園蔬  
盤敬拉盡熊之車旁臨狎鷗之渚青巒雜起雲移華  
蓋之巔丹壑爭流堰合文昌之府接光儀於促席朱  
實垂帷聆妙論於中筵玄水入芟高臺擬岷擬劍載  
於習池勝友如雲共追驪於河朔帥儀部曲簪勇退  
荀陳胡星聚之符俞廣文命駕遙臨許郭協風期之  
會仍攀嘉樹泛紫瀲以挂疎陰卽沐新蘭渥丹滋而  
臨綺月映金牛於水郭春消白渠瞻玉馬於雲林烟  
浮紫氣展也掄材之暇猗歟講德之晨

請陳督學

明賀燦然

東瀛別選章卷之三十二

五

伏以聖代掄材深慶遭逢之偶儒宗秉鑑大昭汲引  
之公惟是從龍從虎之先資不謂采葑采葑之下及  
措躬無地戴德有天恭惟某官東海儲靈廣陵孕秀  
聖世祥麟威鳳士林北斗泰山典禮南宮風著風裁  
之勁校文西晉共推品藻之精高標方重於清朝簡  
命特隆於兩浙德望重雨下車而士習聿新師嚴  
道尊一振鐸而人文不變方茲敷教之始遂逼選試  
之期乃不鄙薄乎諸生顧特精掄乎多士謂茲係祖  
宗之曠典寔爲科甲先聲必盡羅郡國之真才庶於  
朝廷有補極爲隆重大異尋常雖一再試而不憚其

賀大巡柴公超擢憲使

明吳守道

伏以露疏揚庭沐恩波于南國天柱轉斗移福曜于  
西川欣逢兩地之臨獨有二天之幸邁會奇矣感激  
勃然恭惟某官秀拔三吳才空四海唾珠璣于謦咳  
文章鉅公蘊經綸于心胸宰衡碩輔名題雁塔武布  
烏台當得君而慕親陳情歸養求忠臣于孝子特詔  
徵賢簪筆糾中朝風動丹墀文陛埋輪問當道霜飛  
赤縣神州霽憲度之威立以嚴而行以恕執太微之  
法激其濯而揚其清化姦民爲良民民俗熙洽變墨  
吏爲廉吏吏治循良更化絃于一朝開利源于百代

東瀛別選章卷之三十三

六十

惟建無前偉績宜膺不次喬遷九陛綸音舉超陟之  
曠典三巴節度特晉秩于崇階江水洋洋父老繫思  
流澤峨嵋蠶蠶朝廷藉手奠安槎發錢塘英氣先聲  
浮錦水旌旌臨劍閣陽春有脚到金城某西郁鄙人夙  
慕上台丰采南州屬吏辱荷大造優容忘過錄功作  
公門栽培桃李得隴望蜀仰憲台澤潤梓桑萬姓興  
歌詠公來雪山增重三川蒙惠庇民生嶠道肅清遙  
叩台階恭申竿牘僭干垂盼曷任瞻依

賀高憲副

明吳守道

伏以豸綉巡方佈九重之雨露虎符臨鎮肅一道之風霜行部後志于聲先提封見思于去後祇修慶典冒貢憲臺恭惟某官秀孕河濟元精統承鄒魯正學文推山斗十年擢桂月宮策對天人一日看花天府溫良如金玉粹爾令儀疑重若華嵩巍然巨望度支參掌兩都著治事之聲畿輔專城六邑蒙宅生之惠黃堂月露簷前無雀鼠之紛紫陌風清花底有牛羊之卧叱行五載澤被萬年比秉圭入覲天子肆持節出按官寮申科條以察非法激濁揚清除戎器以戒不虞級強拊弱氛銷溟渤鯨鱷遁形威震疆場豺狼匿影自是而民皆按堵自是而海不揚波允爲揆文奮武之全才佇膺出將入相之重命者也某職隸新都分叨舊屬往隨雙鳥以北上趨步清塵頃傳六轡之南來翹瞻丰采台光雖迭玉成之德在心膏澤猶存冰清之謠盈耳傳聞輿論歷覽羣情何奪我公半杜相于兩境願從明主借冠君于一年無計乞番末由攀卧行采父老之議碑勒棠陰聊將屬吏之忱牘申芹獻伏祈垂鑒曷任忭歡

賀薛憲副

明張文錦

以九重特命申伯式是南邦萬里借爲寇恂慰茲北海絲綸甫下士庶交懽恭惟某官才擅七閩聲施四表鳴琴東浙牛刀暫試於言游執法西臺駟馬不殊於桓典歷登藩臬大播恩威第領海切於下悰久總化成之德而朝堂厯於南顧深資練達之猷謂雷廉爲粵襟喉必鎖鑰賴公保障三居重地再陟兵臺珠浦風回豈孟嘗之足擬龍波烟息視清獻以何慙允作周積行調商鼎某濫署高涼之篆過承穹屋之仁望憲府以馳情欣同燕雀向台垣而稽首悃竭涓埃願垂日月之輝用慰山斗之仰

賀楊海道

明史弼

伏以弓旌高映九重賀雄鎮之威綸綽方新千里重折衝之寄羣生依毗百寮具瞻恭惟某官學飽經綸望魏簪笏蚤蜚聲於甲第擅家學有淵源橋梓芳聯香賽謝家寶樹閭閻政滿蔭濃召氏甘棠楚國弦歌無襦有袴楓震錫命肅武貞文獨攄壯猷仰司天憲快觀維新號令委心願佐下風念某謬以駑庸誤叨百里憂深蚊負寔望台階影過枌榆已賜登龍之幸瞻山斗願垂策蹇之慈羈軹莫遂超承遣官顯伸

賀顧僉所崇昭曷任光榮



賀屯鹽周憲副

明王孫熙

伏以望隆朝野起霖雨於傳巖命重絲綸任風霜於  
炎海聖恩求舊帝寵維新恭惟某官廬阜鍾英禮闈  
妙選拜花封於茂宰仰廉幹之交稱司水鑑於銓曹  
別薰蕕而靡爽飭兵兩浙海不揚波貞度一方民胥  
寧寧顧膚功成於憲府而雅志樂乎林丘十載幽棲  
蘊經綸於綠野一朝澍渥動夢卜於彤庭九重厯南  
顧之懷徽猷特寄五嶺協東人之望袞服遙臨蓋屯  
畝之司軍食攸係而醴鹽之政國計斯存簡茲綜理  
之才允稱紀綱之任某職叨微屬媿菲芹之莫伸祿  
食清江雜錄卷之三十一

賀驛傳憲副

明朱與翹

恭惟某官寅文永壺秋水精神玉宇晴雲氣態經綸  
才俊庖丁解十二之峰茹納量弘雲夢吞八九之象  
胸懸石鏡照洞烁毫筆灑商霖滋蘇夏暘痾瘵荒政  
匪梁赤地之民卵翼斯文鳬薄青衿之子隼旗馳畫  
轂化洽行春燕寢凝清香風澄坐肅冠紳循爲矩矱  
取濫特等于城頃移五馬之麾遂擁全閩之節伍符

賀陳兵憲加大叅

明連繼芳

伏以兵符推憲節龍韜異尚父之鷹揚王綽責新  
衙豕突驚大人之虎變微垣春曙林洞陰銷恭惟  
某官豸臨西臬鴻漸右江鎮賓封而肩柳戶鈴索  
霜決楚雲寒磐慶旬而柱思城鉢鈴氣凌灘嶽峻  
揚清濁萬間蓋載黔黎豈期跋扈有三苗  
致借運籌於一劬文昌襄幕府榮戟柄自詩書良  
翰陟參藩絲綸寵乎帷幄雷霆憑號召雲洞照孤  
月於連營珥帶自雍容皮林銷苦霧於高壘某心  
馳執鞭才謝請纓在泮獻囚雖歎卑陶之淑問勒  
清江雜錄卷之三十一

賀曹兵憲加方伯

明何三畏代

恭惟某官抱犢含靈索盧毓秀英風發乎天骨軼  
振鷺以齊飛貞操鑑之人倫指寒松而並茂蜚聲  
郎署歷居司馬度支之曹著譽郡符重領壽春武  
始之境乃視兵於鉅野復按節於彭城望壓憲臺  
擁旌旄而臨兩鎮銜崇方岳鳴佩玉以翰三吳蓋

賀張兵憲壽

明趙可教

伏以台曜儲精翊五百之泰運壽星注算衍八千  
歲之遐齡察案騰歡士民共慶恭惟某官清江駿  
望黃甲蜚英常伯分卿允矣郎星俊選冬官翊理  
卓乎卿月揚輝秉憲紀於八閩倒懸頻什振激揚  
於庶品士路肅清茲當誕賓之辰適值長生之度  
天中日永方欣蒲席開樽南極星躔復快蓬弧設  
戶佳氣雲蒸於宇宙采芑庶歌歡聲雷動於工寮  
海天祝算合神人而協贊與社稷而同庥益爲蒼  
赤以稱歡匪直家庭之私慶矧某鄉聯梓里辱援  
京濡則壽章卷之三十二 李七  
葭玉之情職忝花封益荷旃幪之庇莫捧霞觴於  
左右徒傾日表於雲霄薰沐陳詞馳伸引賀伏願  
壽擬靈椿後三光而不老位崇台鼎偕萬物以同  
春

賀李兵憲壽

明連繼芳

伏以帝見乎離清源崛起一君子斗建平未璇極  
添成兩壽星鑰固北門籌添西渚恭惟某官造化  
爲徒長庚作孕五熊開崧巒之道人歌夏日之長  
雙隼飛星獻之雲詩咏南山之壽時維六月節啓  
千秋麟披綬而來啓尼山之日月鳥啣花以獻延

漢殿之星神天之生公也豈偶然哉帝齊良弼天  
之壽公今良有以矣朕倚長城試問嶺海之薰風  
是誰紀綱之化日卽此蒼生之大造乃爲明公之  
遐齡玉顏常春蛟龍護之眠畫金骨不老龜鶴美  
其長年某辱叨榆枌喜頌桑蓬遙隔階墀頻增冰  
谷莫獻幽公之曰羔曰羊僅效輩卿之祝雀祝鵲  
所願丹青萬古行看閣上麒麟黃白九還波鼎邊  
雞犬



賀陳兵憲到任

明唐文燦

伏以繡斧按全閩早著澄清之偉烈碧幢臨古魏方  
敷嚴翼之良猷俄推轂於中朝特建旄於東甸四封  
競候列署交瞻某曩屬編氓尚懷遺愛茲聯部吏彌  
藉末光雖羈職有難以走迎願接疆可緩夫通賀敬  
遴一介專捧片牋代展觀於臺端魂縈懸榻兼披陳  
平庭實志役承筐稍需董治之訖功卽擬躋堂以受  
事統祈炯照槩賜汪涵新兵憲妙運兵符更使北陲  
無虞騎老郎官安棲郎舍惟誇南海有人龍

賀寧州兵道元旦

明舒曰敬代

多憲星臨張五兵而禔福隼興祥擁翊萬曆以迎年  
慶與時新道隨陽長恭惟才識竝運文武兼資節彌  
三楚之衝功扶泰運斗轉一元之柄瑞藹履端仁風  
梅放與柳舒和氣竹苞而松茂自六轡如絲之在手  
覺三軍挾纊以歸心大纛高牙排霜雪而布煖擁旄  
仗節掃氛侵以覃蘇春滿江南陽不愆而陰不伏恩  
來極北川方至而日方升某忻邁昌期猥叨厚植五  
雲在望同艸木以向榮四序惟調睇霓霄而忭舞俯  
申葵悃遙荐辛盤伏願坐燮六符丕建台衡之業游  
登三事允孚地天之交

賀汪兵巡正

明楊百朋

伏以蒼極司辰嶺梅早傳春信青陽布令階莫新改  
年華泰運方亨履端均慶恭惟某官心蘊經綸望巍  
柱石福星所蒞先播七邑仁風玉杓調和屢沛九天  
膏雨民頌有脚陽春世仰太階盛治晉膺天憲肅秉  
風裁氛祲全銷月映東山夜色卿雲紀瑞霜開四野  
朝研欣逢布朔之初莫罄揄揚之頌某叨屬臧仰放  
遺規徒藉庇於曦春莫名言於大造克間佇瞻瑞氣  
秉軸時聽徽聲海宇蒼生共沐雲天之蔭庭除綠草  
長隨曉日生芳莫展微誠恭脩短語下情無任云

賀鄒兵憲正

明陳廷詩

伏以春皇撫宇宙聿新鳳曆之元霽色滿乾坤誕集  
羊城之瑞維時履端旣多受祉恭惟某官氣涵玉燭  
識造璣衡素受知於北闕重望四隆茲爲憲於萬邦  
具瞻百粵紀若綱兮並肅仁與義也兼施炎海風霜  
法每嚴於三尺熙臺雨露化已洽乎十洲卑職樗材  
自愧樾蔭是依沐陶鑄之恩素口莫追竊雲天之麗  
丹赤徒勤屈茲芳辰莫獻椒花於階域僭伸尺疏爰  
代悃鼎於仍墻伏望電矚俯垂冰兢云

賀胡分巡正

時隨直指

明舒曰敬代

蒼陸迎曦協氣葳蕤于臬府青陽獻歲榮光輻輳于  
行台下邑懽騰末員忭舞恭惟金閨妙選瑣闥名流  
持三尺以糾民惟明惟允象四時而布序能慘能舒  
行步嶺嶠一路沛隨車之雨弭旌章貢九圍當改朔  
之辰慶洽履端功扶泰運起一元于貞下萬卉萌芳  
歛百福於歲初五雲游瑞威融夫冰天雪窖何假鄒  
生之噓惠沾乎蒲柳枯株奚藉明皇之奏象懸仙木  
和風送煖於屠蘇戶藹絃歌淑氣維新于驛化某切  
叨洪植忻邁良期同草木以向榮霓霄在望擬椒花  
而獻頌斗岱非遙伏願永燮六符叶玄枵而受祉海

東瀛前選章卷之三十三

七十一

登三事騰黃道以流輝

迎姚兵憲

明張憲泰

伏以門擬登龍物望三吳久注符誇佩虎福星  
初臨慶溢茅簷威生綵戟况厠籠中之未能無寓下  
之榮恭惟某官生本同申賚還似傳漱六經之芳潤  
彩筆雲橫鼓二月之驚濤宮袍日麗仙郎起草玉署  
含香帝寔賴爲股肱且詘望之於麻試時方喻之柱  
石暫煩山甫於徂征映日旌幢是處青山借色衡星  
劍烏到來白叟興詞蓋誠有當於維垣是庸暫資乎  
列障江頭引領杖鳩父老爭先陌首謹迎竹馬兒童  
恐後么麼若某瑣尾儔倫蓬在麻中猶幸聖人居近  
東瀛前選章卷之三十三  
橘生江左敢言梓里風同繆膺一邑之司倍切二天  
之仰伏祈飛騶電發彩蠲星馳春色塞帷蚤慰湖西  
赤子恩波錫爵驟開天上黃扉則豈直藉重於粉榆  
抑亦增光於海宇

迎沈兵憲

明楊道會

伏以萬斛壯猷拜楓宸之玉簡五兵司命奠海國於  
金湯必命世之奇材當一方之雄鎮歡騰中外慶洽  
遐邇恭惟某官靈谷儲精連槃濯質絢泰岱於詞苑  
八斗縱橫擎秋溟之學山三墳仰止穿楊而連三葉  
辨器以飭五材樹蹟中臺世仰爲湯爲禹出憲而蜀



人指曰范曰韓念切君親心存忠孝紆九重之南顧  
新八郡之風裁綠林黃中聞風遠遁壺漿簞食擁道  
懽迎天使福星將過灼乎清源紫帽商家霖雨便洋  
溢於玉筍金谿念其叨防海陬分屬憲府望連牛之  
紫氣喜倍恒情仰台斗之祥光歡生庶家恭趨玉節  
莫效朱衣爲此肅啓上陳統冀垂慈炤鑒

迎王兵憲

明寶子份

伏以春命楓宸細札煥絲綸之曉視師閩海金章照  
奎壁之春飄玉佩以飛來駕未輪而至止懽騰庶家  
望引蒸黎恭惟某官身出河山名將日月屠龍霹靂  
古今濡削選章卷之三十一 七十五

括四海之波濤吐鳳風流橫九州之眉宇藉金閨綉  
錦天上神仙研粉署馨香虞廷伯益才猷經濟望已  
重於中臺程式奇勛名復高於紫禁是以揆留皇鑒  
忠簡帝心憲秉西川已布德威於列郡憂紆南顧復  
仗節鉞於全閩乃宗社攸關實與情共戴丹旌影動  
紫氣光浮凡屬簪紳殊切雲天之庇矧茲蒼赤尤切  
衣被之思某職叨泉邦材爲樗櫟慙無寸補祿虛糜  
乎二千戀有三春心徒懷乎寸草白雲在望北斗是  
懸竭駑悃莫遂鳬趨聞鸞聲許多燕喜

迎驛傳道孫質菴

公刻有易經參補土類宗之

謝交西來分巡公

明李國祥代

伏以赤幢奕奕拂林蔽日清丘畫繡飄飄照水浮霞  
阿谷常烟雙眸察吏輟書一紙康民震竦聞風驩忻  
就日恭惟某官性天冲約情岳端嚴佳山一朶標奇  
湘澤半灣毓秀氣衝銀匣精神峻萬丈之峰穎脫錐  
囊朗徹洞千重之障磨礪事業四顧立鮮全牛含咀  
英華七步頻稱繡虎及徵文瑞遂得言揚三惠弘王  
花蒲河陽春色四其政主衣懸宣政霜威江右褰帷  
再見澄清孟博蜀中叱馭重來慷慨王尊自我徂東  
赴彼三閔水火及爾偕北去茲五父幃帷推採私人  
古今濡削選章卷之三十一 七十五

獨坐先聲氣縮莫敷大役叩囊足智神閒政聲長在  
河聲喜色濃於山色旣揚鑣于分路即登舄以承天  
某蓬屋微姿泥途棄物追隨豫汭舊幸下採葑菲展  
錯荏山新辱不遺簪履過爲許可謬得飛騰元造曲  
成大明私照俯馮魚素仰荅龍光伏願佩王鳴蒼綠  
故翼蘭臺之聚綬花垂紫櫺恩望材館之收

謝江防道禹門丁公推薦

伏念九思宇宙遺民衣冠剩物少延性命託久死於  
盤餐略具形骸寄微吟於薜荔高載堯天舜日列戶  
編人仰遭盛代昌期叨名紫籍願言擊壤賡時雍風  
動之歌每想濡毫謨海晏河清之頌資愚質劣字澁  
言難第閉戶潛形同朽人間草木敢翹雲發夢希騰  
天上辰星至若編摩本里鄰之過信何期剪拂感樞  
路之無收祇益驚惶率何裨補適天府弘開史局包  
六合以張羅會天家群集儒紳逞千秋而載筆大公  
祖乃遂瘡忘百孔因而毛取一班既公移通散於諸

東瀛雜錄

卷之三十一

七六

城復嚴劄特加於本國欲以行潦涓滴送助詞源冀  
將故管痴毫吹嘘史職連詢博采並札齊批皆榮蒸  
華衮之新並寵錫球瑯之貴以故徐太公祖顯頌溫  
獎厚餽多儀無何報命戕天果得叨名奏闕手提重  
垢出之於污困之中力挽清流濯之自澄源之上海  
騰地懾鬼怖神恒千百載之好風枯噓扇景二十年  
之故網落燼餘灰慚悚之餘分毫盡媿併懷之自尺  
寸皆恩凡一切之栽培得之於辛甲孝廉甚悉每半  
辭之獎借聞之於江黃父老良多此誼何深比若江  
湖更潤茲恩何大方諸衡岳彌高嘶結方新鐫磨宸

久幾欲累糧徒步候旌旗於巡徼之間奈緣繫牛  
田限等級於編齊之列既無見禮徒有攻心遲迴於  
去來進退者三年俯仰於旦暮晨昏者數載昨者春  
風行縣千林草樹迎花曉日鳴鑼萬戶閭閻引項撼  
搖地動趨走塵飛以結心勞望嶽之衷因具紙上投  
名之謁蒙施曠典謬荷華恩其深言淺諭之多真際  
古橫今之遇愈深浹骨倍切鏤肝竟不敢藏閑殘軀  
欲藉此敷宣薄臆屬簫鼓發樓船之會正輪轅攀士  
女之辰因買扁舟艤浮玉新生磯外爰張短喙立分  
牙轉角營邊百拜望尊嚴共父老江頭灑淚萬言條  
表千載得人之盛

東瀛雜錄

卷之三十一

七下



謝駱僉憲年九

明謝廷諒

鳳律春回布中和而驛化魚箋日映分藻績以生華  
喜溢桑樞覆棠陰於几席之上奔趨槐路霑蘭契於  
懷袖之間感激殊深戀慕不已恭惟臺下器襟弘潤  
藝實汪洋義府詞鋒倏風飛而雲起湛思出構儼綺  
合而繡揚寸晷鴻裁自載三千之牘毫端高價兼償  
十五之城董子傳經每下惟而息景長卿作賦夸入  
室以凌霄籍甚玉堂之英燮和台曜展也金閨之秀  
著述承明未掃齊門其投吳署爰簡邁乎世局雅尚  
標襟式斧藻乎人倫清操範俗寅清夜直表一代之

古本齋前集卷之三十二

七十八

葵章披閱晴窗檢六朝之逸典名流望而踟躕庶士  
翕爾傾風願出公門滋其桃李驚傳帝命眷此豫  
章緬懷孺子之居重看懸榻徒倚滕王之閣舊是通  
家按十部以宣風奔塵太息表六條而飭憲妙譽芬  
馳皇鑒揆留晉名啣於樞筦英規誕布飛茂績於鍾  
鏞知借冠之無繇欲攀嵇而靡及青雲附驥追陪  
千里之塵白晝乘驄迨三山之驛有懷耿耿爲役  
匆匆迫於報命之違玉倚翻承注念之渥拜辱  
瓊函是日鳩工始卜鶯喬之宅滿堂燕喜俄驚雁字  
之傳蓬華生光蘭階借艷

謝匡僉憲

明李國祥代

伏以憲節升華一吹吐姦民莫枕驛騎馳察三秦激  
濁吏投簪百城膽落於寨帷千里生全於開廩頌賈  
來暮借冠徵先恭惟門下學問彌天謀猷映世稟雲  
門日觀之積人知鍾駿岳之神蘊鴻軒鳳舉之奇天  
使監鳩民之業擊舜海三千運北翔堯雲九萬圖南  
陶柳番花烏鵲擁行於飾擢王操武氣虬螭從乘以  
孤標憲寄初提願矢澄清於攬轡祥刑再典訟能寢  
息以空囹圄甘雨無根隨星輶而普渥陽春有脚自霜  
斧以均施使星朝斗作台星召節自天回建節茂凝

古本齋前集卷之三十二

七十九

績用益固簡知某脫路青衿異鄉赤子瞻顏闕下撥  
雲霧以觀青天拜賜關中荷照臨而光白屋乃以淪  
沉載籍出沒風塵徒方寸有孔邇之懷竟間關無契  
濶之間怒心若擣槐汗如漿故瞻依鮮觀乎龍門而  
謝問聊申於魚素

謝張僉憲

明李國祥代

伏以絲綸褒美翕然易俗於霜臺黼見采榮赫矣見  
容於蕩節憂國心同於呂奏化民術偶於何詩甘雨  
隨車陽春布脚恭惟門下清融氷柱峻峙斗鈞絢如  
羅以含峰披雲情岳漾濯錦而翻浪汎藻心源翔鱣

謝兵巡道緯占史公索所著書籍兼餽金幣

明瞿九思

伏念九思驚魂脫骨棄物乳民戴鬚眉於河清海晏之朝祇餘耕鑿疆形顏于死沒生還之後幸免淪亡敢問雕蟲真成畫虎即使搜奇鈞古然家貧乏買積之書縱令繹簡抽編終病廢鮮扶生之藥殘傷歲月荏苒居諸徒自絕於妻孥竟何關於載籍採芝煉木扶先臣有託之身閉戶窺園謝往哲無窮之趣甘藏牖戶願畢泥沙自頃年尊信之愈多較前日憂危之更甚如臨淵谷若履春冰不謂高恩上自雲霄賚及

東瀛雜錄

卷之三

詎期特命遠從閭閻頒來除地焚香開闢布席始聞聲而色怖果接使以魂驚鑒壞無能踰垣未敢謁然溫語榮逾一字之褒爛矣兼金喜甚百朋之錫贈之以微君之號豈所能堪隆之以有道之稱尤非敢望微靈江漢若將慶居里之非遙降趾衡茅又若恨登堂之太晚謙冲已甚獎借爲多所冒蒙典禮之殊皆超絕等倫之外望臺端九頓首有負褒嘉指夏口百颺言何當寵重扶持病骨竟顛隤而靡得佳言搜檢枯腸愈戰兢而深慚寡學躊躇旦暮俯仰乾坤謹掇纖毫納壤泰山之麓敬盤涓滴捧流滄海之濱譬之

如砥礪敢貢寶於璠璣方之若燭火尚輪明于日月何堪浹背有類顛心所幸者惟始終效館閣之規模不敢有靡麗浮夸之句所愧者或表裏乏齊梁之氣格莫能副殷懃篤厚之知伏想吹噓答報已無腮可曝仰承洗拔鐫磨惟有骨能刊

謝兵巡道緯占史公推薦

明瞿九思

伏念九思槁後顏魂灰餘死燼卽欲書亡產靈飼人縹緲何堪衣結懸鵲凍侵肌骨盤殮藜藿耳目塵根惟優游此晷刻之生久寂滅彼升沉之夢南邨蒔芋北坂詹垆付歲月於遺丁託家門於弱息百凡望絕

東瀛雜錄

卷之三

八三

一切魂驚與雞豚犬彘以相安何禮樂詩書之敢問卽人卷哀憐之舌不妬死灰恐手援沒溺之軀難收剩物太公祖獨恩加白骨爲噓吹窟下之殘魂更手引清流令洗濯泥中之病骸凡爲禮異總屬非常豈惟使當之者意罔神迷且足令聞之者心疑膽怖糠粃末學欲播之於司曹卽縣胡爲轆線微材竟採之於尺寸錙銖何用彼時戰慄逋遁無由舉國驚惶走藏曷計既經旬而伏莽復累月以窺園因四三劄使光臨具一二篇言請罪函呈而搖魂自昔引項而待斧于今不謂矜憐接塵蕪於瓦礫何期剪拂收穫敗



於泥沙潛布公移高張德善頃觀徐公祖疏陳闡圖  
居然最好士之吳公深慚瞿九思望負蒿萊敢問漢  
多材之賈誼矧小善之抽揚匪易而煩寃之滿被尤  
難今既已顯白于 朝復何必鮮華于世卽枯魚之  
不活已寃網之宏開姑無論仰沐擎腮得洗髻於江  
漢卽今已除毛解足獲隨分於江湖便自恩超因而  
願塞茫茫宇宙果誰當桃李之材浩浩乾坤竟大破  
鍾鑑之格凡茲盛典最荷明恩既翼蔽口噓乃復飭  
光華於筆舌已心憐目盼又別加潤色於談筵河海  
布帆必不許逋逃於水籍山林草窟必無容潛伏於

東瀟別業章

卷之三

八

柴局話藻東西游奇南北此得之傳聞甚悉況承之  
聽睹恒多吾乃何知公勤誤愛不然昂之於吳與弼  
豈賤子所可能勝不然題之曰某徵君恐斯言若將  
豫發適者復曆頒天慶令枝梧廊下之春秋前是數  
書賜瑤英使輝貴山中之草木如茲下交知已求之  
上代誰人延至于今歲改春王正月追惟自昔心驚  
天子新年爰募輕舟波乘浦淑載循前路郡望江門  
閣艤晴川從硯底商量七澤樓攀黃鶴自簷隈問訊  
三山綠草分毫青霓布紙候立牙門金鼓發掉臂難  
前仰瞻蓮幕玉旗翻樞丞恐後山深海大無能方知

已之恩坤轉乾旋請豫奏得人之賀

謝兵巡道緯占史公賜頌

明瞿九思

伏以世變江河虞夏後之尊賢不易人才燕石乾坤  
內之知己誠難豈期下白屋之明公遂作賦緇衣之  
盛事入門溫禮奉語歡顏留心於經國匡朝垂意及  
藏書開閣品裁人物問訊兒曹千言無隻字非主持  
河嶽之謨竟坐卽片語盡整頓乾坤之畧真顧盼加  
而春生草樹況牲芻備而駭動津關召伯班牙卽親  
枉棠西之顧江神奉馭至高揚許外之威何玄冥不  
收閉其寒飈致屏翳得猖狂爲盛凍吾誠有罪風果

東瀟別業章

卷之三

八

無知蓋隆典非所宜施殊不意雪中之駕故遣江取  
其易泛遂未遷郭內之棲既失於儻近邸以郊迎又  
失於望前麾而道謁至今戰怖曷任顛隳度當日之  
夷門彼公子徒浮稱好士恐茲晨之客路卽周公未  
耐肯衝寒比之於海大山崇不過擬一朝之遇譬之  
若日臨月照何如蒙百世之知己甚驚心真堪墮淚

上朱兵憲

明吳守道代

伏審龍綽寵嘉虎符榮馭乘傳來北郡一路快福星  
之臨鈇鉞鎮南河千里仰仁天之庇所遭幸矣何喜  
如之恭惟某官係天派之磐宗紹雲谷之家學鳴琴  
赤縣棠陰留遺愛之思飛簡彤墀州疏落奸諛之胆  
顧惟聖主之慮遠內寧猶厯于外憂特簡明公之才  
全文事更兼乎武備假以兵巡管轄屬以官常激揚  
糾貪墨之酷吏解印綬者望風化盜賊為良民持鉤  
鉏者遍地兵揚虎視四郊無多壘之虞士奮鷹揚萬  
里有長城之倚某仕國猥從于末品故土幸隸于編  
氓凡屬提封悉稱按堵俾旅邸無憂桑梓何妨久坐  
瓊寒恐帝庭有需棟梁諒不遑于席暖僭申俚牘觸  
冒尊台臨楮曷任悚懼之至

東齊雜錄卷之三十二

八

上賈憲副

明李國祥

伏以攬轡晨趨湛水壺以程士懸車晚沐披塵綢而  
達生歡容接於登龍悵報恩於附鳥春歸桃李興寄  
烟波恭惟某官獻叠稍雲峻地映金枝於恒嶺瀾飛  
洛景靈源漱珠液於玄泉少翺六翮以凌颺壯借一  
枝而騁漢才行高秀蘭街躍馬稱榮政譽平宣栢府  
栖烏頌美故持斧以貞度爰懸鏡以題才宋歐陽盡  
黜輕浮惠師旦一變風雅既出啓聾聵於八表宜入  
寄耳目於九重乃佐觀察於臬司褰帷初譽遂求休  
沐於巖石歸褐高棲野厓蒼生東山之卧奚穩朝源  
黃耆北海之歸寧遲馬置貢王之堂旋登解薛之履  
某質類螭螟賤同龍蠖濫竽玉筍鱗縱海澤以懷深  
謬籍金閨蚤負山恩以積厚魏倩失貢方慕念本之  
戶侯晏相被譏猶媿捐軀之北郭但顯曹清署異而  
遵奉嚴教則勤雖守官出使殊而馳想光塵惟密乃  
緣疎索共致慙慙削牘為疏莫罄瞻恩之念藉幣將  
敬曷伸矢報之誠大願解褐守麟臺階資望履次願  
折麻憑雁足寶錄為規下攄肝膽之誠上恩聰明之  
及

東齊雜錄卷之三十二

八

上祝兵憲

明連繼芳



伏以南嶺係襟喉借司馬韜鈴千里北門應鎖鑰握  
憲豸屏翰一藩鈴閣雲開珠城春合恭惟某官慧  
吳巒靈泉越海名耀帖金以一門而五董筆香毡墨  
不十歲而七劉初授節於兵曹再運籌於戎握文穿  
混沌滙洛龜河馬於胸中武吸海山操猛虎神龍於  
掌上抱五嶺而控三江赫氣凌瀆壑壯屏九疑而  
肩百粵鈴秦霜挾庾關秋刀尺百官震震一聲驚吏  
瞻鑪錘十郡雨傾六月洗民冤芙蓉山澤改觀細柳  
風雲在望某入州爲無言之侶出谷罕求聲之援美  
芹雖願獻於至尊蟠木誰爲容於左右幸而傳鳴鳩

東坡先生集卷之三十一

八十七

以羽翼之飾文朽木以青黃之華斗水濟濡沫之枯  
魚餘光照孺栖之寒女使唾核翻然見品而冷灰倏  
爾復然恩施於不報之人感入於無蓋之宇名言曷  
旣頌咏攸深

上吳兵憲

明黃士龍

伏以瑞靄布前津喜報鶯遷之吉法星輝鉅鑛欣傳  
豸繡之臨列署交瞻四封競候恭惟某官吳門品粹  
畿輔才賢蚤題千佛名經標英魏闕嗣奉九重寵命  
沛澤專城德音溢以四流微聲激於上驚瞻茲兩浙  
稱寰宇之雄藩控此三吳係東南之澤藪通津江海

直濟兵農社稷之威賴匪輕民命之攸關最重爰膺特  
簡總握綱維誠士路之大亨眞君子之道長某辱居  
部吏彌藉末光雖羈職難逐賀班願接疆敢稽候悃  
敬憐下走恭捧片箋仰盼臬臺願受澄清之才略俛  
承憲節皈依振肅之新規謹啓

上詹兵憲

明許汝魁

伏以泰運方亨寰海值禧和之會福星當路普天蒙  
照耀之祥九重嘉弼亮之鴻猷四海賴勛勅之駿烈  
常厯景仰每動遐瞻恭惟某官二儀孕秀五嶽鍾英  
人文洩兩浙之精華德業豎一時之偉望泰山北斗

東坡先生集卷之三十一

八十八

高標特著於當年秋月冰壺雅操定衡於夙昔黃堂  
騰紫氣弦歌藹萬戶陽春丹詔下彤庭符節肅一方  
重鎮樹藩宣屏翰之勳可比壯猷之申伯陳疏淪決  
排之策謾言平治之禹功卓哉昭代眞儒允矣天朝  
碩彥在聖明正虛延以側席而達孝且持制以終哀  
朝野傾心觀化黎民引領興懷某自昔侍罪名邦得  
倚多賢之宥納幸爾叨居屬末更沐汪度之優容匪  
三里駢駒奚堪伯樂轉顧本寸朽樗櫟曾經宗匠裁寄  
跡戶覬素食而知懼厠名闕署求寡過而未能仰  
丰神之通欲親教之末由敢竭鄙言用申尺素

平分允曹南署憲恒著於靖共暨綰潮陽之郡章更播  
惠鮮之政譽三巴視學仰山斗於斯文兩浙督儲固  
藩垣於都會祇承帝簡屢著鴻勳恪慎官常久標駿  
望廼者晉銜總憲移節長安章輝人羣矯矯嚴霜烈  
旭激揚庶類稜稜掣電轟霆風力遠熾垂崖行見豺  
狼迸跡藪藪大符清獻佇觀鷹隼凌霄一路福星三  
輔柱石某叨守甌甸仰止高風忻逢新命之渙頒惟  
深鼓舞快覩崇階之晉錫曷罄揄揚恭誌鶯遷遙申  
燕賀仙鷁泛胥濤而潺湲着氓莫挽汾陽之去金城  
與太華而迢遞竹馬已豫使君之迎對神馳臨風軫

平分允曹南署憲恒著於靖共暨綰潮陽之郡章更播

惠鮮之政譽三巴視學仰山斗於斯文兩浙督儲固

侯陳省崖兵憲

明馮若思

某備員下乘稽首崇臺生平願識韓荆州心懸鳳閣  
此日得逢李司隸望溢龍門况隣斗極之光欲竊天  
河之潤仰惟某官秀毓清漳文名八郡騰翎翔碧落  
咫尺風雲叩命自丹墀依馮日月兵民並馭威惠兼  
施行李惟一鶴自隨清浮騷駕投醪而三軍共醉暖  
動戟枝皂蓋拂紅曦掩映湘流之曙朱旛搖紫氣撥  
開衡岫之嵐佩犢帶牛四民樂業含哺鼓腹萬戶皆  
春且加惠于菁莪遂留情于桑梓階前細雨不嫌握  
髮履蒼苔座上和風却將揚眉聆白雪津津提示終  
身比作韋絃浩浩生成報效難忘狗馬祇脩候檣少  
布謝悰不盡瞻依統惟昭亮

東齊劉堪章

卷之三十二

九十



送盛憲齋捧

明李國卿代

節擁閩南肅風雷於萬里旌馳薊北依日月於五雲  
鳥和驪歌花將豸繡敬共脂秣式表涓涖恭惟某官  
學抱佐王才長輔世碧水谿頭陳臬鈴閣霜清丹山  
峰外分猷冰壺鑑徹之屏之翰巋然師表群寮允武  
文偉矣保釐八聚望獨高於月旦德素簡於宸衷禮  
謹蒿呼衆推民譽鴻飛遵渚應知葵赤欲傾虎拜自  
庭佇看天顏有喜某叨陪輿隸仰席鈞陶過流旋盼  
之殷遇隆國士不靳指迷之誨情洽家人忻瞻履近  
雲霄可任權同燕雀肅端一介用備前驅仰跼六符

奉清廟選章卷之三十一

九十一

俯垂委照

請林僉憲

明李國祥代

恭惟坐扇仁風蒨屋盡怡怡于平葉隨車甘雨枯根  
猶竊竊于生蕒不藉燕胥曷來鹿夾卜茲某日酒是  
碧藕借薌氣于使君之林茗詎紫茸擬好事于都統  
之籠惠然移玉何慮玉山之頽陶矣藉蘭借味蘭風  
之馥仰祈八騶下賁俯慰百朋上承

奉清廟選章卷之三十一

九十二

九十二



孫章李國祥休徵父選注

弟李國儁士登父校閱

各都轉運鹽使司

詳考轉運未之前聞惟唐先天初李傑始爲水陸發運使蓋使名所自起也開元裴耀卿以待中充江南淮南轉運使而崔希逸蕭曼爲副蓋副使所自起也天寶以韋堅充勾當轉運使第五琦充諸色轉運使劉晏充諸路轉運使其後韓晃杜棕杜讓能崔昭緯皆以宰相充使而諸

道分置巡院皆統于此五代罷巡院始置轉運使宋初開基懲五季藩臣擅有財賦不歸主府乾德後始置轉運使以總利權開寶間除徐澤爲判官蓋轉運判官始此初但曰勾當計度後遂皆曰使兩省以上則爲都轉運使又置副使與諸路判官焉真宗每用兵或令都部署兼轉運使王師征討則有隨軍轉運使事竣即已至道中詔曰天下物宜民間利病惟轉運使得以周知令更互赴闕延見詢問焉慶曆中帶按察尋罷胡元置都轉運鹽使正三品有同知副使

又置轉運使從三品有同知副使又置漕運使從六品有副使知事等員是運司在唐宋者監司也今之運司襲其名非其任乃古鹽使也鹽使昉于漢置均輸鹽鈇官宋則茶鹽皆隸于提舉司管領之其屬有監鹽之員胡元亦有諸鹽使副使又有監場管勾同管勾之職

國初都轉運鹽使司初置于兩淮已置于兩浙已置于河東陝西長蘆福建已又置四川納谿曰渡二鹽馬司及四川茶鹽都轉運司又明年革茶鹽都轉運司十三年定都轉運司正三品後

改從三品鹽課提舉

國初設于廣東後漸增設儒學惟河東有之制如府司有都轉運使有同知有副使有判官無定員其屬經歷司有經歷知事庫有大使副使鹽課司批驗所鹽場有大使副使使掌鹽事以聽于戶部同知副使判官爲之貳凡常收存積之鹽以時征而貯之以待商種支以供邊儲京帑之費凡分司鹽課倉批驗諸屬各分任其事而都轉運使總領之糾禁私煎私買賣富買富諸奸弊謹受巡鹽之政令而申勵焉經歷典出



納文移知事佐之鹽課提舉司有提舉同提舉  
副提舉無定員其屬有吏目有庫大使有副使  
所屬衙門鹽課司批驗所鹽倉有大使副使提  
舉掌鹽課之事以聽于戶部其職如都轉運使  
僚屬亦如之

詳啓

賀新潼川黃運使

宋李 劉

疏恩北闕將漕東州次公之最既殊宜登丞弼叔度  
之撓不濁暫借澄清和氣寒惟仁聲載路恭惟某官  
負材瓌碩迪德忱恂怡然不辭小官之時恢乎可以  
大受之量盤根利器無四顧之全牛大輅鳴鸞洗萬  
古之凡馬茲牧三近古之郡實昔再轉丞之邦田里  
無愁歎之聲所居民富原隰有光華之遺果若人言  
惟益部之使星俱高而潼漕之門地尤峻建臺移治  
蓋田諫議之言持節策名有趙清獻之烈惟公濟美  
與古匹休使臣得咨訪之周上意知總領之稱某偶  
乘一障獲託萬間蹊田方窘於奪牛斗水誰哀於涸  
鮒卽日褰裳而求去聞公攬轡而少留有刺史之榮  
無刺史之難是在使者飲故人者恩按古人者法惟  
所命之贊慶攸初乞憐是愧

賀呂提刑除運使

宋李 劉

詳刑奏最轉漕升華統部不移今已孚於先申事權  
益進命不待於重申六轡借留百城胥抃恭惟某官  
負材鴻碩蓄德駿龐家學淵深擅箕裘之弓冶世臣  
閎闊屹鼎鼐之樓臺蓋徑歸清切之班顧存屈辱華

之寄二節三節俾詳察於風謠特書屢書已茂登於  
歲績茲峻登於延閣俾專制於計臺地上錢流欲暫  
煩於鞭笞日邊人至卽端上於橐班某幸甚受容復  
茲竊蔭三熏三沐僅能寓致於雙魚載馳載驅行賦  
勞還之四壯

賀夔路徐運使瑄

宋李 劉

叱馭及疆褰帷問俗察二千石知遠有於光華登八  
百盤亦備嘗於險阻神明所相忠厚爲周恭惟某官  
德配春華氣涵秋杳平生仁義所學皆本於孔周單  
辭明清致君亦欲其堯舜出騰縣最入重郎潛謂拾  
東漢前選章 卷之三十三 元

級以升高忽抗章而引外汶川郾水今爲湖北之偏  
州漢廣江沱久矣召南之美化雙旌戾止五袴暖然  
諒思檢校於杜詩遂賦馳驅之周雅瞿唐五六月自  
昔畏團團之天巫山十二峰何況濟朝朝之雨遂勞  
六轡峻陟萬山蛇退猿愁人何堪而至此狨啼鼯嘯  
公所過以晏然聞蜀道分八使之樵以夔潛爲諸司  
之冠家有鹽井固足標用度之贏民無錢爐似亦困  
征輸之役一賢旣入百姓何憂遠而使之觀其忠可  
窺上意使者專爲得其道寧有遐心功名留久遠之  
看富貴乃緒餘之事如某者無用於世所敬惟賢頃

聞武城之絃睢旰慕蘭近載益州之船邂逅識荆便  
蒙許載之從車且復指迷於前路稱曰知己知已未  
也更容受察於六條待以國士國士報之寧敢貢諛  
於尺牘

賀李運使鼎

宋李 劉

起家將漕揭節濟湘舊令尹之雙鳧甫去十五年之  
近部刺史之四牡今察二千石以來民距躍以爭迎  
公馳驅其何憚恭惟某官篤誠而明允簡要而清通  
言行擇君子之中庸德業得賢人之久大十年出幕  
孰居行營司馬之前萬里封侯乃在諸妄校尉之後  
東漢前選章 卷之三十三 六

勇襟望郎之被出褰膚使之帷爰從綠波青草之間  
盡纜赤甲白鹽之勝金掌甫升於卿月玉鈐又屬之  
將星與其食武昌之魚又看種柳不若蠟永嘉之屐  
少待戊瓜有懷清絕之大招復賦皇華之小雅暮捲  
西山之雨晚行湘水之春洞庭無波聊護木牛之運  
祥犴爲微皆知竹馬之迎有功見知不遠伊爾其強  
頌佐郡偃指終更非有海沂之功可歌別駕豈謂瀟  
湘之地又逢故人偶聞報之不先慚奏記之已晚儻  
憐秋水長天之共其善助之庶安清風明月之分會  
且歸矣



賀大都運岐陽蕭公公先任蘇州監郡轉刺史  
今有此擢

明成於思

蓬萊雲氣瞻太祝之裘裳湘水晴波照監州之緹軾  
光紆朱紱沃渙紫泥講四子之德已頌美於中和陳  
五際之詩尚含情於大雅去思逸調傍晚歲而吟桐  
搖落幽情向杪秋而詠麥既沐子產之恩宜飾太丘  
之像胥江雪積猶賦甘棠吳嶺春暉載賢貞石恭惟  
某官玉河金鑰聯天上之神僊白壁銀濤建清朝之  
柱石儀天聳構浸地開源百梅風格羅夷門兵甲於

東瀛制選章

卷之三十三

七

胸中八貴雲仍漱沫泗淵源於筆下驅馳顯地涉獵  
清途官膺北闕之綸音出補東吳之監郡七載寅恭  
共奏千城之績三番攝政專敷卧理之條披裳問疾  
設榻招賢光大而執方簡淡獨周於事物洪深而肅  
括忠恕不離於須臾化洽晨烏鼓舞七年之雅清陪  
夜燭陶鎔八邑之春條咆東南之和氣填荒慶曆之  
明良忠簡帝心既專城於劇郡功深民瘼復煮海於  
淮濱飛錢致遠遵駱谷之謨謀負米先趣繩劉晏之  
準式給軍儲以防調發聿修唐贄之常平民不擾而  
國用豐遠紹鮮于之補獎天占使人地覺錢流轉輸

運而不乏渾疑宣室之鄴侯壅滯疏而無礙已作禁  
中之頗牧瞻銀漢清秋之使星搖玉京良夜之明月  
關中蕭相國追憶千屯之牧牛省內富民侯扶搖六  
閣之金馬鹽井烟清又見近來而遠悅迷樓春暖爭  
看月計而歲靡灑翠竹蒼梧之韻度流清風明月之  
光輝萬家烟火雨籠絃誦之聲千里桑麻雲度袴襦  
之曉耳霖未決迂壅先通泰堦既平倡籌不竭爰茲  
國計之饒聿增麾節之重吳關舊隸方興去思楊子  
新津又歌來暮某也瞻依有素慕戀惟深海外遺氓  
尚思疇昔之風雅夷門故吏再歌今日之太平一壑  
東瀛制選章

卷之三十三

八

棲遲不覺歲華之晚三江飄泊遙瞻雨露之新方拾  
薪以煮瀑姑擷草以充庖仰日月之光華執鞭而御  
隨雲龍之上下負笈而從人見歐陽行展摠衣之敬  
書上光範先伸賀燕之私振羽莎鷄深有慚於負乘  
吟秋蟋蟀敢自憊於循牆綠蕤風雨方懷渤海之嘉  
舊綉波濤安恤淮南之遠喜追東閩之龍來趨衡陽  
之鴈仰駟駱之載馳且先綵轡望雲旌而獨發敢後  
駑駘贊賀葵葵布心草草

賀李斗野擢長蘆運長

曾光

某叨隸桂庠遙瞻衡岳自明猥淺遽荷包荒空懷狗馬之私莫效涓埃之末祝天九頓錫命三加適聆臺下新詔甫臨鄙哀轉切第國家財賦須借水壺秋月之操乃豪傑經綸煩當錯節盤根之會况居近地易達京師尺五播風聲始彰公論魁三持斗柄方副大名膝下暫承瓜期隨赴蟠桃寔矣開三千而結三千松栢挺然一日而二之日某初聞報即擬叩趨忽傳楚省之旌旋繼永州之駕用違夙願深負大晉憶自得亭中猶醉醇醪氣味看將來路上誰憐駑馬馳

東瀛制選章

卷之三十三

九

驅萬里此心百年之誼敬修候楮聊布別宗萬祈黃度優容青氈亮宥

謝魏運使舉狀

宋李 劉

據地承顏非有豚蹄之祝為天啓齒廼蒙蟲臂之收勞軍將之打門然山書而驚坐難道今人之不古但虞吾黨之累公伏念某於道無聞甚愚不肖每思名教之樂地何必事功亦知富貴之浮雲不如貧賤徒緣一第之末強為三釜之謀中罹弗泊之悲甚悔未信之仕以風為解遂回蓬島之舟幹流而遷徑泛瞿唐之峽既元戎所自辟於天子非先生敢圖利於大主綴錦城雪嶺之觀未容黔突厠天水祈山之役濫佐青油方深國事之憂遑復身謀之恤車輪四角何

東瀛制選章

卷之三十三

十

敢累推轂之人夏屋萬間亦莫認捲簾之處敢謂誠心之傾倒竟煩強箭之吹噓茲蓋伏遇某官學者泰山國之元氣年不可及寧妨待天下之清時來則為終必得聖人之任引扁舟於蓬島閱十暑於岷山人疑魁枕參首之僚公無瓶居井眉之悔卿自用卿法吾親屬吾思駭聞渡瀘之行倏罹陟岵之變故者無失其故未能致唁於生芻誅之不可勝誅敢望噓枯於灰草忽辱遺我雙魚之寵見貽駕彼四牡之章性落質凡顧謂識高而韻邃氣凋思宿乃云辭贍而意新近功缺然遠業安在初不敢冀緇衣之美何為過



蒙華衮之褒師魯之從事陝西容有知之而弗薦承叔之退居頴上乃虞賢者之不聞所忻吾道之有歸豈獨小人之受賜某不知所報當勉其頑氣象未可攀但感幽桂榛菅之薦歲月坐成晚向託江梅桃李之香

代回四川辛運使

宋李劉

帖荆報政沂峽觀風原隰之事孔殷正煩咨度疆場之虞未靖尤藉轉輸賢者之來民所攸賴恭惟某官天資凝遠風韻浚明巍峩千佛之姓名早宜臺閣屈折三神之步武晚落江湖茲煩漢節之華來假夔藩之重跨灩澦之象不辭王事之艱難俯常山之蛇要識老臣之開濟飛騰自此翹企俟之某別德恍然爲僚幸甚尚憐往日聽夜雨於巴山安能扁舟披朝雲於巫峽

上魏運使

宋李 劉

聞宇宙之大名如瞻喬嶽抱江湖之渴夢今在下風乏紹介以爲容修辭誠而求見某聞士之任重固不止獨善其身儒者道高先當知有貴於已若靡然斷趾以適履必至於砥痔以求車操行既卑國家何賴有能卷舒之際不爲燥濕所移如蘇文忠之違熙豐

不苟同於元祐若劉忠肅之惡章蔡然非強附於伊川是名蜀珍可重趙鼎觀公氣象視古等倫茲故賦明月烏鵲之詩亟欲快景星鳳凰之觀恭惟某官眼高四海胸著千年漢相有真宜居蕭曹丙吉之冠鄭公所願蓋在稷契臯陶之良當炙手可熱之時凜掉頭不顧之節長卿甫還於巴路元濟已叛於蔡城神山可巢固自薄蓬萊而不卽機槍米落必欲借荆楚以同功雖卒成孺子之名然已立懦夫之志一麾而出十暑于茲回視獨對三千字之人誰肯其頓十年之刃萬牛不能回丘山之重四牡又復勤原隰之馳要路在前聊養韓忠獻之器榮進素定何必王文正之門然海內所以屬望於公蓋天下尚有可爲之事幸昌其志以濟斯民惟功名當久遠之圖則富貴乃緒餘之事如某者居貧甚肆從仕難任失汗漫九垓之期分其控地逐侏儒一囊之俸豈必鑽天乃遠隨黃鶴之梯蓋願事碧鷄之使雖神索於大巫之側當氣蘇於君子之前嗟遠道胡爲來哉幸將在此居是邦事其賢者儻或許之

候羅運同 時晉黃河

明李國祥

恭惟聞聲夢鳥才華欽羨於生洪駭影登龍謙語僅  
承于客刺桑梓之驩未洽雲泥之勢遂懸惟公五馬  
楚南忽然辭闕乃其一瓊燕北猶爾居雍僅糊口于粥  
文敢乞憐于捉刺寧無契濶遂有懸遲幸託二天新  
從事於衝郡願安萬屢望恩于上官撫職催科滌  
後寧辭政拙念民憔悴刑前敢曰心勞是有曾尤總  
祈獎飾奉例末由遠叩狎恩竟僭下陳

東清別集卷之三十三

十三

宴都運

宋鄭厚

皇帝遣使臣以禮特異常儀弟子事先生有年欣逢  
盛事盍簪交賀望履生輝厚意肅肅將初筵斯秩某官  
卓龔命代老佛前身昌黎伯名重泰山親傳正學司  
馬公脚踏實地不務虛聲萬變無越此誠三基積成  
一信久稽熊軾坐鎮魚城民遷善與日維新天助順  
乃秋亦有塵消渤海人歌二千石之良計上甘泉帝  
謂十一州之最爰加撫字就命咨詢不勞原隰之驅  
馳已遍山川之跋涉由偏州而升刺史舊典常聞自  
屬郡而登漕臺此邦昉見况寵以圖書之峻品益增

東清別集卷之三十三

十四

其廉訪之大權除目一頒頌聲四起南浦飛雲西山  
捲雨放懷盡棟珠簾北門視草東觀藏雲平步黃扉  
青瑣闔座衆官公門桃李匠作梗楠不欲效季良願  
效伯高源流有自一舉得石洪再得溫造臭味略同  
共捧螺盤前趨燕寢謂孔明之器識寧久轉輸知黃  
霸之寬和必爲輔相恐攀轅之忽遽冀揮塵之從容  
侍琴瑟於席前奏笙簧於堂下橙黃橘綠一年好景  
之時梅粉楓丹十月小春之候可謂四難并之會宜  
奉三達尊之歡言話雍雍威儀抑抑更長騰燒千炬  
燭十分清泛鸚鵡杯天上頻翻五色雲一蹴竟登鸞



鳳閣某等叨陳伶伎獲對台階敢采歌謠敬陳韻語

紅塵驛走大江西

御筆親除濕紫泥

就陟福星臨一道

數爲膏雨遍群黎

粟芻妙翰多新略

桃李重栽滿舊蹊

指日論功升劍履

未使賜燕月璇題

宴都運

宋鄭厚

六轡載馳已戒皇華之禮樂一麾來守少陳祖帳之

容儀親莫親兮舊告新樂莫樂兮小比大賓筵初秩

侯度交歡恭惟都運寶章郎中名重如山心清於水

康節先生不作雛眉事器里儘寬司馬文正每務顧

東坡先生

十五

影行跬步不錯仕宦三紀始終一誠自公南來寬上

西顧塵清鄭葦陰滿召崇政本慈祥十萬戶陰受其

福里無愁嘆二千石真謂惟良乃眷奏功就加督餉

福星臨斗牛之分雲漢聯奎壁之儲紅旗捉賊黃紙

際書聲不求於赫赫盡棟飛雲朱廉捲雨君非羨於

渠渠雖仁人初不計功然天子必就有德自六品以

至一品徑登二十四相考中書皆一天此獨二天未

忘五百里侯封舊地薄從設席未罄琴轅判府從橐

世臣止堂家學牛刀暫割聯興十室之絃歌驥足少

淹久贊一臺之計畫秋行湘浦冬涉橫江來分嶺畔

之竹符共被日邊之綸綍喜尋賢轍默契盛心作於

蕭規守於曹隨民歌清一前有召父後有杜母政紹

中和面奉六條治無二致情相得而勢分略味既合

而和樂同小攀行色之忽忽盡是蒲懷之拍拍傳杯

莫放山色難留歸興濃調鼎可知梅花預報新春好

某等叨陳伶伎獲對台階敢緝民謠敬陳樂語

使輶嚴戎鼓逢逢

熊軾頒春到此邦

炯炯福星臨一道

融融愛日照橫江

斷霞秋日開飛鷺

荒草寒煙不吠龐

臺府交歡同一體

從今俗返古淳龐

東坡先生

十六

通福建余運管

宋劉克莊

光奉贊書來參計幕陪輜軒而問俗咸仰元僚執簡  
教以臨民叨居屬部敢贊于摩之敬冒塵督察之威  
某官氣稟清英品流高勝勳名事業紹熙丞相之冢  
孫文憲典刑嘉定從臣之猶子粵自麒麟之墮地共  
期鵬鶚之在天而乃於簡編燈火以究心視鍾鼎旂  
常而若浼兩臺贊畫俱爲名公之所知百望承流殆  
以寒士而自處已書邑最尚詭民庸蓋全閩煮摘之  
利饒而大漕澄清之權重有如上介必揀時髦方將  
持大體於言議風旨之間何至親細務於米鹽錢穀  
之末側聞公子素馳魏闕之心將有神仙共引蓬萊  
之路某早孤鮮援漫仕不諧偶脫選坑冒當劇邑終  
年勤苦無赫赫之可書一念撫摩有蒼蒼之在上然  
命脉實關於離運而主盟全藉於帷籌忻聞名輩之  
臨倘篤通家之好雖無善政敢希堂上之絃倘有危  
機尚賴幕中之辯

通代交王運管

宋林豈塵

膠庠游息悵鴻燕之去來計幕交承託金蘭於出處  
雖未接顏辭之末已相忘道術之中楊粃愧前贊緘  
敢後某官望高六館聲滿中州學自名家接河汾之

流派文無餒氣窺海若之波瀾走馬舍選方竊遲之  
摘髭科第直差易爾固將爲於木鐸思樂采芹便合  
貯之玉堂最宜視草胡然廉取猶此斜飛姑寄徑於  
紅蓮綠水之遊遂增重於東海西山之勝入模乃有  
此士豈專辰入酉退之勤縉紳莫不知名倚觀朝奏  
暮召之寵某皇皇半世矻矻一科逐步隨行缺然贊  
畫玩時揭日久矣妨賢茲不遠於及瓜冀匪徐於行  
李同門同志敢忘朋友之先施孰主孰賓期結子孫  
之永好

與陳運幹

宋劉克莊

外臺參畫早策足於高華支郡詰囚方失身於冗賤  
久願執鞭於平日何期扳紉於下風仰瀆崇深俯陳  
短淺某官受材卓爾詣理泓然發聖經賢傳之微旨  
爲儒唱兼墨客騷人之體早以文鳴惟今日之東嘉  
比盛時之西洛有如巨擘合觀清光乃掌檄於侯藩  
復泛蓮於京國士猶聚蟻方擾擾以慕羶公若高鴻  
獨冥冥而避弋方聖朝之固圉贊膚使以建臺何至  
後精神於簿書要當壓紛難於樽俎細旃廣廈政未  
橫金華之經古木畫牆亦合給玉堂之札斯文有望  
夫子何心某涉世至迂承家不競萊蕪陋巷粗安貧



老之常丹竈草堂雅有終焉之志因出營於親金偶  
來踏於京塵既謀鄰境以需瓜其學老人之種橘云  
何銷印莫追失馬之還及此羣舟幾有空魚之厄親  
友贊休休之策上馬移急急之符顧亦暇於招魂又  
豈諳於祈律尚喜出庇臨之下庶幾承教詔之餘雖  
無堂下之言可裨米擇設有幕中之辯竊冀優容

可洪運管

宋方 蒙

埋輪無力自嘆吾衰涉筆得賢差強人意有來華問  
仰感盛心恭惟某官衣鉢文章箕裘軒冕鳳儀如許  
雅宜綴玉筍於班頭榮進湛然顧乃奉芙蓉於木末

東坡先生

卷之三十三

十九

積而不發用也必宏維計垣關閩都之大綱而元寮  
號幕府之高選吾乃有此客豈不足歟公要為何官  
會且升矣少贊木牛之運即榮金馬之遊某久矣閉  
關忽焉乘傳攬轡而筋骸散摩帷而耳目踈全賴時  
賢共哀老子吾何適莫俱為座上之賓事有是非毋  
惜幕中之辯

代回趙運幹

宋李 劉

內幕主書濫竊機謀之祿外臺贊畫鼎來禮樂之英  
盡修同寅之恭適坐旁午之冗高情厚甚下問憚然  
恭惟某官傑立宗標焯為儒倡麟振振而一角鳳翽

翽以九苞太乙吹燈豈特傳五行之學長庚吐焰固  
宜光萬丈之文吾道非耶公等安在既低飛於枳棘  
又屢泛於芙蓉輟天塹之元僚佐星輅之計吏棟簾  
雲雨似聞曾駐於檐帷庭戶湖山復見重來之賓佐  
聊副皇華之咨度即登清切之司存某獲落束書參  
差一第不狩不獵豈能談笑於青油為箕為裘聊戲  
斑斕之綵服爾然薄陋安所依歸異事同僚儻憐草  
木之吾味百聞一見當為珠玉之脩容

回吳運幹

宋鄭厚

楚人亡弓楚人得弓弓猶在也秦王求璧秦王還璧

東坡先生

卷之三十三

二十

壁何損乎結浮屠千尺之尖皆大鈞一轉之力莫非  
定分誰敢贅功伏惟某官天分甚高旦評早著明月  
之珠夜光之璧其價素高台階之愧朝陽之桐厥產  
也異歐陽公在朝江右無遺士叔孫通制禮魯國召  
諸生子不自言平何敢隱甫徹泰階之聽遽回陽谷  
之春失若驚得若驚若有神相出手爾反乎爾是豈  
人謀某自揆何人能致此客近捨皇甫本亦何心不  
舉仲淹烏能無愧茲聞棘枳之異地敢言桃李之吾  
門何以謝為但多助喜有來儷語曷當二生之虛稱  
尚待合辭庶幾三益之我有其交也道不假於言

宴曾提舉

宋鄭 庠

使斧宣直指之威來馳騏驎節垣陳無敵之武相會  
燕江等是爲民盛心共成勸王偉績有前茅之生慮  
宜列豆以交歡恭惟地位穹嚴天姿挺特鵠原並秀  
籍甚四傑聯名之稱貂裘相承未數萬石傳家之盛  
帝眷北斗南之隆望公開大江西之崇臺六轡在手  
如絲三軍歸心挾纊填伯氏篋仲氏聲援翕隨東周  
公西召公股肱夾輔均軫推車之助盡寬當饋之憂  
我安撫制師侍郎百鍊無非剛一身渾是膽每耻匹  
夫不被固欲好生弗與比賊俱存未能去殺憤煙瘴  
之塵未洗喜英雄之見略同少延膚使之臨大作吾  
軍之氣玉虹對酒莫辭鸚鵡盃之深金闕上功相映  
麒麟閣之畫某等叨居樂部預奏凱歌上對華延仰  
陪清笑

東瀛制軍章卷之三十三

二十一

恰好鶯花一半春

福星相會賴江濱

丈人師吉符前識

膚使心同掃舊塵

看劍引盃宜酌酊

輕裘緩帶倍精神

從今淨洗天河甲

有詔催歸兩重臣

古今四六濡削選章卷之三十四

豫章李國祥休徵父選注

友人鄧應奎伯文父校閱

外府

詳考郡守秦官秦滅諸侯以其地爲郡置守丞  
尉守治民秩二千石丞佐之尉典兵漢景初更  
名太守掌治民進賢勸功決訟檢姦常以春行  
所主縣秋冬遣無害吏按訊諸囚平其罪法論  
課殿最并舉孝廉漢制歲盡遣上計掾吏條上  
郡內衆事謂之計偕郡爲諸侯王國者置內史

東瀛制軍章卷之三十四

卷之三十四

以掌太守之任漢宣以太守吏民之本數變易  
則下不安民知其將久不可欺罔乃服從其教  
化每拜守相輒親見問觀其所繇退而考察以  
質其言常稱曰與我共治者唯良二千石乎是  
以漢世良吏於是爲盛稱中興馬成帝初省內  
史以相治民則相職爲太守主莽改太守曰大  
尹後漢常以尚書令僕射出爲郡自郡守入爲  
三公重之也魏時有郡守國相自史晉郡守皆  
加將軍無者爲趾晉宋守相內史並銀章青綬  
進賢兩梁冠後魏初郡置三大守孝文初二千



石能靜二郡至三郡者遷爲刺史太和中次畿令郡太守內史相縣令並以六年爲限北齊制郡爲上中下三等每等又有上中下之差自上郡至下郡凡九等後周郡太守各以戶多少定品命隋郡太守如北齊九等之制至開皇間罷天下諸郡以州統縣大業間又改州爲郡郡置太守唐武德初改郡爲州改太守爲刺史加號持節後加號爲使持節諸軍事而實無節但頒銅魚符而已天寶初改州爲郡刺史爲太守自是州郡史守更相爲名其實一也太宗疏

督守之名于屏而守之善惡即書其下是以州郡無不率理貞觀末郡士多慕省閤不樂外任其折衝果毅有材力者先入爲中郎郎將次補郡守守亦輕矣垂拱間諸州都督刺史准京官帶魚長安間奏請擇才於臺閣省寺之中分典大州共廉應政於是鳳閣侍郎韋嗣立御史大夫楊再思二十人皆以本官檢校刺史當時復有爲員外刺史開元中定天下州府自京都及都督都護府之外以近畿之州爲四輔其餘爲六雄十望十緊及上中下之差五代時仍刺史

之號後唐時以二十五月爲限宋初並五季之患召諸鎮會于京師賜第以晉之分命朝臣出守列郡號權知軍州事軍訓兵州謂民政焉其後文武官參爲知州軍事及帶中書樞密院宣徽使職事稱判太守掌總理郡政宣布條教導民以善而糾其姦慝歲時勸課農桑旌別孝悌其賦役錢穀獄訟之事兵馬之政皆總焉如河南應天大名府則兼晉守司公事大原延安慶渭熙秦則兼經略安撫使馬步軍都總管定州直定瀛州大名京兆則兼安撫使馬步軍都總

管渭澤廣桂雄州則兼安撫使兵馬鈐轄穎昌青鄆許鄧則兼安撫使兵馬巡檢其餘大蕃府或沿邊州郡或當一道衝要者並兼兵馬鈐轄巡檢都監或帶沿邊安撫提轄兵甲沿邊溪洞都巡檢餘州軍則否其屬官視地望高下與職務繁簡而置之建炎初詔要郡帶本路兵馬鈐轄次要郡帶本路兵馬都監紹興間罷後又罷令郡守除授上殿惟從官出知郡者特許不避本貫後詔守臣以二年爲任控扼去處守臣以三年爲任後又罷令郡守並帶提舉學事乾道

間令不任守臣不爲郎所上達魯花赤  
上路總管兼府尹正三品下路總管從三品上  
州達魯花赤上州尹從四品中州達魯花赤中  
州知州正五品下州達魯花赤下州知州從五  
品散府達魯花赤散府知府正四品又有諸州  
刺史郡守自漢以來未之有易也然秦有郡丞  
以佐守在邊爲長史掌兵馬漢因之于定國條  
州大小爲設官員治中別駕諸郡從事皆因之  
而省郡丞宋梁以下復置至隋始改別駕治中  
爲長史司馬煬帝罷之而置通守又置郡贊治  
尋改爲丞位通守下唐廢郡丞改爲別駕永徽  
改別駕爲長史別駕以皇族爲之開皇始通用  
庶姓以貳都督刺史之職天寶間以玄宗由潞  
州別駕入定內難登大位乃廢諸郡置長史  
員上元間始置別駕尋省元和長慶之際以久  
次當進及受代者衆復置兩輔六雄十望十緊  
州別駕宋懲五代藩鎮之弊始置諸州通判命  
刑部郎中賈玘等充建隆間詔知府公事並須  
長史通判簽議連聯書方許行下時大郡置兩  
員餘置一員州不及萬戶不置廣南小州有試

秩充通判兼知州者正刺史以上及諸司使副  
知州者雖小郡亦特置掌倅郡政與長吏均  
禮凡兵民錢穀戶口賦役獄訟聽斷之事可否  
裁決與守通簽所部官屬有善否及職修廢得  
刺舉以聞宣和間詔諸州茶鹽香礬並委通判  
胡元總管府置治中又考唐天寶後有判官之  
名後唐長興間詔有兩使判官防團推官軍事  
判官等於時判官多本州自辟舉清泰中始擇  
胡士爲之宋兩使置判官推官餘州亦置判推  
二官胡元亦置司馬本職武之官魏晉以後則  
史多帶將軍開府故府寮置司馬爲軍府之官  
理軍事宋司馬銅印墨綬絳朝服武冠隋廢州  
無復有司馬而有治中焉治中亦旧州職也州  
廢遂爲郡官開皇間改治中爲司馬大業間又  
改司馬及長史置贊治尋又改贊治爲郡丞唐  
武德復爲治中貞觀末改諸州治中並爲司馬  
職與長史同是漢所置郡佐止丞及長史而已  
其後有治中別駕又有司馬主武之官惟是長  
史司馬與治中別駕通爲廢復而唐司馬多以  
居遷謫故宋惟設通判一官佐郡守焉



國初府定爲三等賦二十萬石上爲上府從三品  
二十萬石爲中府正四品十萬石下爲下府從  
四品已而並爲正四品知府一同知一通判一  
推官一因事添設同知通判或二三或五六其  
屬經歷一知事一照磨一檢校一司獄一所屬  
衙門儒學教授一訓導四倉稅課織染司局各  
大使一副使一陰陽學正術一醫學正科一僧  
綱司都綱一副都綱一道紀司都紀一副都紀  
一巡檢司巡檢一批驗茶塩所大使一水馬驛  
驛丞一遞運所大使一河泊所所官一草場大

使一知府掌教養郡民同知通判推官爲之貳  
賓興科貢均平賦役崇慎祀典禁誥奸頑表異  
良善訊聽刑獄審達冤滯存恤困窮糾察吏治  
而上下其考以告藩臬撫按達于吏部務知百  
姓之疾苦若籍帳軍匠驛傳馬牧倉庫盜賊河  
渠溝防道路之事雖有專官皆知府領之而綜  
督焉凡

朝覲慶賀吊祭直隸府得直達省府達布政司凡  
詔赦例令勘劄至謹受之下所屬奉行所屬之  
政皆受約束于府府刑量重輕而令之大者白

于藩臬及撫按議允乃行同知清軍匠或兼巡  
捕通判管糧捕盜治農修河牧馬推官理刑各  
分職任事經歷典出納文移知事佐之照磨典  
較勘卷宗檢校佐之司獄典獄州無土中下並  
從五品有知州有同知有判官里不及三十而  
無屬縣裁同知判官有屬縣裁同知因事添設  
專設無常員其屬史目一人所屬衙門儒學學  
正一訓導三陰陽學典術一醫學典科一僧正  
司僧正一道正司道正一稅課局大使副使各  
一有巡檢司驛遞開欄批驗所河泊所倉草場

設官俱如府知州掌教養州民同知判官爲之  
貳凡諸州務上視府下視縣以月計上府以歲  
計上省以三歲之計上吏部同知清軍匠或兼  
巡捕判官督糧管馬捕盜治農管河分職任事  
而領于知州吏目典出納文移或分領州事開  
官主啟閉蓄洩壩官典守隄防各率其役以通  
舟楫之利諸所屬衙門如府者職亦如之詳又  
考州之佐吏漢有治中別駕治中主簿功曹書  
佐簿曹兵曹部郡從事典郡書佐祭酒從事中  
正諸僚皆州自辟除與府同也歷代

互相因襲雖少有更易而大都不異隋以州爲郡無復軍府則州府之吏變爲郡官矣唐無州府之名而有採訪使及節度使採訪使有判官二人支使二人推官一人皆使自辟召然後上聞其未奉報者稱攝如別駕從事史從刺史行部別乘傳車故謂之別駕漢制也歷代皆有隋後並爲郡官焉治中從事史居中治事主衆曹文書漢制也歷代皆有隋後並爲郡官而唐改司馬爲主簿錄門下衆事省署文書漢制也歷代皆有隋後無聞焉功曹書佐主選用漢制也其司隸功曹從事史兼錄衆事晉以來改功曹爲西曹書佐宋有別駕西曹主吏及選舉即漢之功曹書佐也部郡國從事史每郡國各一人漢制也主督促文書舉非法典郡書佐每郡國各一人漢制也各主一郡文書以郡吏補歲滿更祭酒從事史漢魏以來置宋世分掌諸曹兵賊倉戶水磴之事中正兩漢無聞魏司空陳群擇州之才優有昭鑒者除爲中正自拔人才銓定九品州郡皆置吳有大公平番有大中正隋有州都皆其任也如發判唐有節度觀察判官

宋有兩使防團軍事推判官皆以選人充太宗以戎幕缺官選朝士補之蓋選人則爲判官京官則爲簽判也書記支使自魏有之陳有文房書記之任推官後唐防團推官所自始也如錄事參軍自隋置即漢之主簿魏之督郵也司功參軍亦自隋置即漢功曹也司倉郎漢倉曹史司兵郎漢兵曹從事史司士唐有之參軍事漢有之至隋謂書佐唐爲參軍也州之名起于秦十二州後世刺史所治郡之名起于秦三十六郡後世太守所治隋廢郡以州統縣然郡卒不可廢至唐而復之唐太守俱稱刺史使持節蓋所治者太守之事而所稱則州牧之官矣所謂治中別駕在歷代本州之佐官唐郡守稱刺史遂以治中別駕爲郡官屬矣然唐州牧之官爲節度觀察諸使其屬則有推官判官書記支使之屬宋節度觀察特爲貴官之虛名初不預方岳之事州牧之任則有副帥漕憲等官各臺又有祿屬若唐節度觀察之屬官則反爲列郡之元僚蓋雖冒以節度推官觀察推官判官書記支使等名而實則郡僚耳



賀李樓峰改除湖北漕兼知鄂州

宋文天祥

日陞揚綸冰輶作屏北斗丹梯勾陳玉檻聯郎宿於  
天階渚宮碧樹巫峽青山迎福星於江夏光稠符玉  
色動響絲恭惟某官鐵馬行空金虬驚海離離珠璧  
府懸黎垂棘之光耿耿斗牛墟干將莫邪之氣灑翠  
竹碧梧之韻度發清霜紫電之神奇太微二十五星  
旌搖江漢祝融九千餘丈節倚雲霄當驅馳吟遣使  
之詩每慷慨讀出師之表落落襄樊之事會悠悠江  
漢之風寒局面一新機神頓聳師垣制勝集忠益而

東瀛制選章

卷之三十四

十一

開誠心帥閫請行從便空而上方畧式承先志孰與  
明公乃峻水臺乃陸寶度練鵲錦之廉車改觀黃鶴  
樓之衛戟生風餉高密之師借恂河內詔西平之子  
贊度淮堧節鉞合而氣勢張弓矛重而精神壯北伐  
歌功於六月中興刻頌於萬年樓船過洞庭旌旗直  
下閭闔開黃道衣舄遙歸某方協寅衷喜傳卯詔界  
上爭杜衍想共戴於我公方面待乖崖將遂誇於吾  
榜行行會弁疊疊賀床

賀趙尚書汝述知平江府

宋李劉

通班僞閣作牧器

出領黃堂之寄游

姑蘇之勝請吟盡戟之詩和氣先爽而已午驪聲旁  
午以交慶恭惟某官飄然無敵卓爾不羣重祿勸親  
亦既曳星辰之履大宗維翰乃欲把江海之麾尺五  
之留甚堅再三之請彌力君陳順我后王內寧傾更  
尹於東郊召公繫諸侯之風何害暫分於西陲登以  
瀛洲之秩試之馮翊之邦月滿一輪虎丘幸甚河潤  
九里鳳閣賴之無以我公歸今恐須袞綉有安社稷  
臣者宜在廟堂某全抱迂踈獨蒙賞識燕巢于幕止  
有望於捲簾鴻漸于磐今若爲而遵渚然感恩正在  
於知已則受德豈待於成身使相國賜之相國禮之  
則韓愈亦人耳此執事事也執事責也於蘇洵何有  
哉

東瀛制選章

卷之三十四

十一

賀李參政壁知遂寧府

宋李劉

升班書殿宅牧价藩入爲帝王師難繼洞宵之香火  
出補父兄處重尋川路之風烟民說無涯公歸有漸  
恭惟某官材全而業鉅學廣而問多伯夷待天下之  
清一星終矣伊尹得聖人之任四海信之若爲聽文  
德之麻尚使分武信之竹周公坐陝曷嘗取公孫之  
碩膚山甫徂齊殆欲續祖考之明哲然有撫四夷之  
急能無先一州之疑向參耐官或謂恐任宣威之寄

寇公暫撫不如歸國管虜之勲所謂真儒無敵之功  
豈容匹夫不被其澤某聞報大喜捲書欲往山  
見端明不但願出陳黃之派洛社之起司馬幾卒  
成遼夏之盟

賀寶慶李知府到任

宋李 劉

錫命英符開藩龍邱鄴侯出守衍苦李之盤根召伯  
來宣新甘棠之美蔭驪騰千里喜溢四隣恭惟某官  
筆橐世臣箕裘家學稟衡嶽之淑氣真磅礴而扶輿  
汎濂溪之光風聊逍遙兮容與既贊星昭之畫又司  
天塹之糧所去見思厥臨孔惠自合歸軒墀之供

京濡別選舉

卷之三

二

顧猶試田里之循良惟此三湘壯哉二召考姚合之  
句誇五雲才子之徐參韓柳之詩詫萬里滄波之勝  
矧今新府密邇故鄉汎掃松楸宿春糧而可至綿聯  
桑梓畫衣綉以何殊暫擁戟香壺過主觀某漫爲佐  
貳正託附庸向忻一識於荊州今幸再依於劉表偶  
欲叱叩嶮之馭維騰燭之久分尚或濯滄浪之纓叙  
宗盟而後去

賀平江趙守

宋洪 适

恭審課最周藩班升曉閣奎廳新度視文昌八座之  
尊磐石舊封增扶風三輔之重旄倪歡抃麾幟精明

恭惟某官行整而氣醇材周而學邃九霄玉露抗仙  
掌於建章柏梁之間萬里銀潢泛靈槎於黃河崑崙  
之表天不虛生於龍種人皆想見於麟儀沈京路之  
緇塵訪江湖之奇觀爲民司命與國分憂慶朔堂前  
細轉春風之有脚滕王閣下橫陳秋水之無波上哀  
深思肺腑之臣公乃近牧股肱之郡勢強宗翰福及  
王畿趣下詔以召參爭遮途而借寇矣進弘璧天球  
之直又爲清香畫戟之留昔者房喬首冠瀛洲十八  
人之選今焉黃霸獨高潁川二千石之功有開入相  
之基卽咆致君之業某埋頭塵駕寄命恩闕頃嘗曳

京濡別選舉

卷之三

十三

裾於天府之遊辱賜推轂於公車之辟奈迫倚門之  
望徒塵飛騎之追竭來東楚之平反聳聽西清之顯  
耀起而舞手知所屬心月朗虎丘臨照何分於疆界  
冰寒燕谷生成早轉於陶鈞倘借餘波終歸大庇

賀真州洪守

宋劉克莊

伏審申錫璽書榮分符竹迎鑾置郡舊稱江左之繁  
雄當寧選侯暫屈朝中之名勝甫先聲之入境已和  
氣之滿城矧肆走趨敢稽迎候某官風規高潔宇量  
崇浚蹈名義之大閑兼文章之正印忠宣仗節何慙  
歸漢之蘇卿文惠秉鈞不減過江之王導玉帶樞臣



之碩畫金蓮翰長之雄詞實惟明公克肖先烈頃陪  
髦士驚振振以干飛既覽德輝風縹縹而高逝歛青  
雲之逸步尋綠野之舊遊會在庭渴見於嚴徐而中  
禁嘆無於頗牧亟頒一札趣建兩轡廟論憂邊方急  
防秋之計家傳許國寧爲擇地之謀迺眷吾州號爲  
重鎮雖長江天塹誇洶湧之波濤然數處風寒合網  
繆於戶牖諒規模之素定使精采之一新澤中之鴻  
鴈莫居帳下之貌貅稟令前旌所指樂哉皂蓋之行  
春左轄久虛行矣青瑣之復舊其讀書雖苦涉事至  
迂耕汾曲之田可支饘粥遮長安之日誤棄釣竿本

東瀛別集

卷之三

十四

深入於閩中忽遠移於塞上倦遊已久念目放於一  
丘泥古不通了莫諳於三尺竊承開府預恐曠官倘  
尚寬震懼之威庶獲舉平反之職哀矜勿喜蓋其少  
小之所聞淡刻寡恩諒亦君侯之不喜

賀瑞州游守

宋陳乘之

芝檢攸香竹符疏寵昔居烏幕嘗登名侍從之門今  
受滕廛又睹新使君之政未展望塵之拜政稽賀積  
之恭欽惟某官天韻宏深風猷凝遠家傳詩禮學宗  
東魯之師門盛衣冠人誦西平之子典刑是似譽處  
俱揚一通籍於金閨適進班於玉筍華參省架謹簿

書文籍之藏班陟社司明禮樂典章之故自爲丞之  
再轉旋出守而一麾六轡方載於瀛洲五馬又驅於  
蜀水春茲斗壘看此星躔製苗苗酌清泠賦韻尚傳  
於山谷垂天虹度雲燦詩篇猶意於誠齋矧今道院  
之主人來自武夷之仙洞百萬戶蒙福已聞襦袴之  
謠十二旒簡知仲復囊璫之舊某壯行漫仕老去投  
閑思觚稜之重遊恍如昨夢玩珍臺之真樂頗遂初  
心託身蒙地主之恩共社有年豐之樂偶然浪出訪  
尋坡老之雪堂久矣懷歸願傍名公之棠舍編摩語  
淺贊訟情深

東瀛別集

卷之三

十五

賀瑞州游守

宋湯中

恭審鳳詔起家魚書領郡簪蓋德星之社夙幸論交  
槎通靈漢之津茲欣遡潤輒憑寄鴈寅慶拂龜欽惟  
某官精識際天懿文振古典刑是似英英御史之名  
家悃悃無華繼繼默齋之的嗣早騰清貫寢簡皇明  
金耀主書旋贊奉常之禮樂緹與歛惠游馳刺史之  
旌麾泊棘路之躋聯參稼卿而進貳璫還可竢鴻去  
彌高屬勤宣室之思首遴御屏之選寵分半竹來訪  
瑞芝雲出無心睨偃松而懷古春如有脚俯翠樾以  
供唼襦袴詠歌鼓角謹亮賊成道院信眉父老之相

安圭觀禁輝拭目公侯之復始某妻其假守久矣懷  
歸歟聆盈耳之謠亟飭建牙之賀襟期維舊輝映方  
新虞號唇齒之依相望接吟游夏淵源之素尚丐餘  
波嚮詠維深染濡則淺

賀謝太守

刑部陸

宋王邁

伏審陞華寶宇移填玉山碧草綠波殊鬱懋棠之父  
老朱幡皂蓋已歌騎竹之兒童安得一語借冠君於  
帝前正恐兩州爭杜公於境上去思之極喜耀伊何  
恭惟書府斗牛相門星鳳夢池塘之草家自有於詩  
聲鄙堦砌之蘭世共推於儒傑思昔先正時維巨公

東漢明選

卷之三

十六

使吾君爲堯舜之君今猶被於宗社以所學皆周孔  
之學端復存其子孫獨先生自取之廉有識者見謂  
之屈婁乞一麾而去適飛五袴之謠方茲蹈德而詠  
仁柰何奪此以與彼雖未覺雲霄之迥已頓驚分野  
之殊恐開藩之未間不俟駕而歸觀前有召父後有  
杜母賴拊摩凋瘵之餘坐而堯言進而舜趨吁獻納  
熙恬之盛某猥誤衮褒之辱每虞錦製之傷鳴鳳凰  
於高岡式儀九苞之瑞世徒鯢鵬於溟海莫隨六翮  
之培風

賀漳守李公

明連繼芳

伏以十城南國黃蓋分輝三楚上才彤幃耀彩旄倪  
爲之舞忭條貫自此昭蘇恭惟其官金莖淪露玉尺  
懸冰鞭駕鳳凰翔千仞而上號呼山嶽隄百川之東  
咏岷岵一日不換三公舞萊衣雙闥促歸六翮抱丹  
衷而逸雲自無心動蒼生之謠天爲啓齒時人慶其  
大用識者慨其已遲太史新古看福星之照女部民  
夙仰遇甘雨之濡霞朱輪及郊吏生寒於九夏清風  
嗟物人公暖於三冬陰俱開陽俱開徹湖山千里之  
外訓如父愛如母來府君百姓之歌快睹德政之新  
古風明選

卷之三

十七

賀平樂張守

明連繼芳

伏以昭名古封居一州之表公有異政爲千里之師  
五馬風清十城春暖恭惟其官雲霄呼吸畿甸翱翔  
振駕麒麟宜踟躕而直上雍容輦轅竟節奏而徐行  
年十七年芒刃不鈍擁騎二千石馳驟方新過城  
闕之餘野馬也塵埃也郡守經營之始繭絲子保  
乎起慶雲甘雨於丹霞慰離水照江之赤子於人



有君臣父母之道下車有明循吏之稱  
秋霜屏除奸吏魂應瘦汪洋六月雨  
漸肥其倚玉午書異姓花開棠棣  
監年官未同心  
臭若芝蘭炙水晶之燈分來李璘之  
影仰照天之  
燭何須匡壁之光敬申燕賀於寸丹  
聊效螽鳴於  
尺素

賀平樂張守

明連繼芳代

伏以彩鳳啣綸萬斛天香薰八桂  
金魚佩綬十城  
民社領諸侯色動轡絲光調符玉  
恭惟某官岫擢  
八閩河潤九里唐推刺史必選臺閣  
之賢帝簡司

東坡詩集卷之三十四

十八

農特授股肱之郡騰府江湯火之新  
去何叔度襦  
袴之暮來腰橫左顧龜潭水沛潁川  
之澤路擁東  
方騎昭潭流渤海之膏古稱得太守  
賢一州可福  
十萬之戶誰謂去京師遠萬里近在  
三尺之階某  
駿奔下隲跼伏未僚仰君子之德風  
願附風行草  
偃矢臣心之如水竊遵水稟孟形相  
舜野堯山此  
邦似唐時之古歌召父杜母今日睹  
漢吏之循惟  
是皎凝夜燭化驚晨烏朱輪未及郊  
威名豫知於  
草木清風已  
先至泉水微  
介於夷齊郡  
守二廉恩  
嚴兩絕嘉惠  
粵封之千里  
難稽漢郡之  
三公

賀兗州劉守

明李冰民

伏以紫綵凝輝天寵重專城之寄  
黃堂藹瑞福星蒞  
開府之榮御屏紀茂績於循良使  
節壯雄圖於刺史  
權騰東魯慶溢南淮恭惟某官鳳  
麓儲精鸛洲毓  
偶胸吐七澤風高郢雪之篇氣睟  
三湘藻麗荆雲  
之彩占金闕而通籍聲動京華趨  
玉陛以承恩  
吮參魯國  
展布弘施於驥足經綸懋著夫鴻  
猷久道化成棠  
蔭陰聯岱岳深仁澤洽恩波流溢  
泗沂泰寧之治  
行循雙龍簡命魯  
兗之勳名報最  
五馬標奇廷嘉  
社稷臣再試望之  
於馮翊帝重股  
肱郡臥留長孺  
於淮陽

東坡詩集卷之三十四

九

兒童紛竹騎以歡趨迎劉舊主  
父母望蒲鞭而快  
覩借寇新風紫綬金章光映霓旌  
之色朱旛早蓋  
和蜚画戟之香某  
夙荷帨縶戀情  
牽夫兩地近勒  
瞻仰翹企報款乎  
二天喜際鸞遷  
肅中燕賀忻十  
萬戶之提福甘雨  
隨車幸二千石  
之得人陽春滿  
境

賀徐守

明何偉

伏以尺五播芳聲共推董賈陽春  
新泰運載睹龔黃  
分竊子民望欽台  
斗恭惟某官英  
姿挺持風學淵  
源滿腹精神解千  
年之肯綮一腔  
文字空萬馬之  
奔騰懸水鑑於天  
曹滿公門參苓  
桃李司文衡于  
東土盡

海岱棧樸菁莪職無論其浮沉恢恢乎遊刃之有餘  
地望久隆于中外綽綽然熟路之走輕車才成百鍊  
之金價等連城之璧宸衷簡在廣表分符兒童聚郭  
外歡竹馬以來迎父老出海濱延鶴琴而侈頌茲方  
露其德化麥秀兩岐若再見其設施瑞成五鳳佇看  
台衡之擢坐席鼎鉉之調某分叨末學夙欽衡斗崇  
標屬在編氓更荷垂雲巨庇方邸報之初傳即  
賀適台臺之榮發竟阻鳬飛頂戴有天措躬無  
者肅具不腆奉表微忱端一介以伏謁堦堦扣九關  
而望見顏色伏祈相度俯賜優容

東瀛前選章卷之三十四

三十

賀武昌孫守

明王之麟

伏以瑞氣溢江城乍覩新使君之彩鸞歡聲動下邑  
仰瞻大邦伯之朱幡二百里遙景清光尺一牘謹申  
賀悃恭惟某官貞元毓秀山一標奇戢學海之波濤  
氣雄賈馬攬文苑之慈菁光掩曹劉昌時美鳳翼之  
高騫名地借牛刀以小試竹馬騰遊細侯於上郡蒲  
鞭飾治慰孺子以南陽行將名疏御屏佇見績輝殿  
柱某綰綬山城佩符宇下彞祥相連夙仰大賢之風  
範淵源有自又同舉主之門墻敬脩葑菲之儀用展  
忭欣之悃伏惟茹鑒不盡寵榮

賀南昌太守

明彭 瑞代

伏以皂蓋朱轡五馬乘春新剖竹青纈白被九霄捧  
日舊含香辭西省之仙曹南昌之故郡福星南照  
瑞映江城甘雨隨濡恩覃澤國恭惟某官江左名流  
斗南傑士吐五色之鳳光絢日華奮萬里之鵬快搏  
風翮金闕通籍旋徵吉夢於肯頭粉署祥刑徧頌陽  
春於有脚題漢廷之姓字風流誰繼田郎續晉代之  
微言名理人推樂令緬惟洪都夙稱瘠土往大稔之  
凋疲尚未盡起茲頻年之旱潦頗復相仍望歲者閔  
閔而盼雲霓待哺者嗷嗷而呼與癸帝念二千石之

古會前選章卷之三十四

十一

任於民最親衆選世五星之英得君爲重遂使斗牛  
之野真人叶卜於太丘豫章之庭禮士再瞻於仲舉  
去瞻帷而行部應俾草木知名宣德意而布詩當令  
蟲蝗遁跡彼撫字催科既不憚勞而諱拙則昔孺今  
誇自將以有而易無雖曰一郡得賢實爲萬物吐氣  
某身非徐穉夙承下榻之知識讓任棠槐乏當門之  
諷徒以竊升斗之祿畜雉一樊乃未奉咫尺之書遺  
魚千里視騎竹以催迎者已有恩矣卽鞭蒲以示罰  
也可勝誅乎茲假便郵申積悃故鄉無際地雖遠  
隔馬牛大厦可依心實慶同燕雀仰惟雷焰曷任永兢



迎朱太守

明李在公

伏以蘭省羽憲中臺藉欽恤之仁銅竹分符閩海仰  
循良之績二天幸遇千載奇逢恭惟某官三吳駿望  
兩浙雄才家學淵源器望擅機雲之譽科名濟美休  
聲揚荀賈之名向製錦于奉新而甘棠垂蔭屬佐平  
手比部而丹筆生春惟鴻名久播于縉紳斯重寄獨  
授於旒纁爰膺特簡列郡泉南惠露恩流潤徹乎溫  
陵七邑福星照耀光輝手紫帽三台慶有神君欣欣  
然喜色相告仰若父母熙熙乎簞食以迎凡屬忻懽  
悉知惟賀矧下僚屬尤沐休光顧羈縻有難于鳬趨  
而末僚敢后乎燕賀敬遶下吏少效前驅伏祈台鑒  
之優容曷任愚衷之榮藉

古本濡削遺章卷之三十四

廿二

迎新太守

明朱錦

伏以瑞靄祥呈秀彩發滄浪之秘融風漸被霽光漾  
汝水之津冠帶欽尊閭閻動色恭惟某官妙氣華凝  
俊神標舉心波湛漢控鯨壑以朝宗情嶽于雲掩崑  
岑而作鎮忱抒九陛譽赫中朝惠灑三天風流到處  
諗茲臨汝之區實是股肱之郡帝心特在畀循吏以  
救潢池皇鑒揆留倚仁人而安重地簡書新拜盈明  
秋月映黃堂蒲罰方懸浩蕩春膏流綠野六邑切觀

化之想千山與何暮之謠某姚水書生青田俗吏披  
仁風之蚤扇快洩陽緜仰福曜之南遷欽承皓彩敬  
奔胥隸肅迓千旌驅紫駿以過臨章甫慰環橋之望  
擁銅魚而棘下兒童喧騎竹之迎

迎程太守

明應朝卿

伏以黃綬新膺洛水待仁風之化朱幡初駕台山  
德露之陰縫掖同歡冠弁交慶恭惟某官山斗碩望  
社稷宗工於越勾吳之秀乃誕厥英伊川明道之傳  
克紹彼緒鵬翥翰飛衢路堯花曳綬陽封秋日登臺  
開盆寬於國外春風行署儼冠佩於城東惟是溫陵  
舊稱佛國思汪澤則瀕海共深瞻雲程則下風同仰  
玄黃於菲葦食在獎郭馬迎先范袴來蘇金露玉荀  
開文運者郡公紫帽清源切景行者多士某以榜櫟  
幸冀陶鎔役千思之遙寸心增企望二天之庇萬願  
已多拜手徒瞻折心屢悚

迎許太守

明姜性

伏以雙龍從北捧光浮魏闕起祥雲五馬向南嘶聲  
震宛溪騰曉浪聞聞鼓舞察家懽欣恭惟某官尼泗  
鍾靈奎婁耀采蟾宮早步文章揚秋月之輝鴈塔高  
題姓字燦春雲之錦朝端胥慶宇內具瞻初分刺史

古本濡削遺章卷之三十四

廿三

之符晉國循良第一繼綰司農之綬無憂卓異無雙  
御柱標揚八座擬登于密勿宸衷等注一麾出守乎  
陵陽兒童喧竹馬之迎父老望蒲之政黃堂瑞藹  
赤縣歡呼某下里邑人東吳俗儒參司馬每懷負  
乘之羞時復續貂愈重素餐之者節鉞既從天  
而下樓臺有近水之榮慶幸殊以瞻依更切願斗山  
頤望對春風而神往臺端願星駕蚤臨候紫氣而躬  
迎道左敬馳一尺之牘遙申十里之忱

賀李太府考最

明曾光魯

伏以蒼帝凝和滿道東風隨五馬黃堂呈瑞自天曉  
東漸則章卷之三十四

十四

日捧雙龍慶切須吏情殷忭舞仰惟太宗師門下文  
章宗匠詩禮名家筆下縱橫追韓蘇而竝駕人間科  
第與董賈以齊聲初試司平惟勤欽恤嗣登部署彌  
竭忠貞天地爾我所知心澄止水走卒兒童亦識名  
震京師帝嘉社稷臣擬曳漢廷之履意重股肱郡特  
頒衡岳之符彩動旌旗懽迎竹馬八年於外載途寵  
鶴不共來數月之懽千里湖山皆自得開牘靈以白  
日戶有陽春望淑氣于清湘波無巨浪既勞撫字尤  
篤栽培鈴閣火三更校讐文字泮林春十倍唱和絃  
歌士庶含恩鼎彝紀績幸際履端泰運適當報政榮

歸天時人事兩相成會看雀躍物論輿情今始慨即  
味鴻飛計借寇亦知思何有待才同僕微愧  
昔我北斗太山夙已傾于高第米壺秋月茲更注夫  
崇臺莫罄賀忱只修侯楮萬冀寒檀見亮青眼頻加  
剪拂價隨增竊效孫陽之驥响濡生可遂寧忘莊子  
之魚不盡瞻依統惟煥登

賀范郡伯考績康壽誕

明王兆雲

伏以南國奏殊勲三載棠陰濃化日西池慶遐祉千  
秋桃寔映流霞禧衍黃堂懽騰赤縣恭惟門下稽山  
毓秀鏡水儲祥以海內之真第一流爲江漢之良二

東漸則章卷之三十四

十五

千石高蹤并赤壁以嶙峋芳履映雪堂而皎潔九天  
雨露業已期月而美聲流萬姓謳歌茲當三年而善  
政治廿四考方始權輿百十歲又當臨屆紫綬映未  
顏不但擅高標于范老丹書徵毫益猶將膺大任若  
冠公蘭葉將忱飲泮未膺曾頌非儀馳賀俾祝聯効  
幽風伏冀鑒原俯賜茹納



錢陳五嶽守淮安

明王世懋

恭惟一德簡彤庭淮陽之股肱是托九重壽赤子東  
南之保障攸司膏雨施而憔悴蘇薰風動而煩慍解  
傍柳提開祖帳吉卜明辰掃花塢迓高車悅通此日  
竹馬懽迎先兒童遙清道路霓旌特召首循良早列  
台衡

賀李鄂州生日

宋文天祥

暢月先春福星初度朱綬錦文聯赤壁之六絲蓬矢  
桑弧絢紫微之五色玉籌吐燄繡紱生輝恭惟某官  
風骨清剛精神大耐仙人駕黃鶴色照渚宮老子鑒  
青牛氣浮函谷壽八荒而哀福律九寸以迎長棠陰  
照岫嶺之峰十分翠曉桃影近蓬萊之水一朵紅雲  
其夙分碧落之香遙認瑤池之色一車以南一車以  
北軫軫相望千歲爲春千歲爲秋心一持壽

賀張浩宇太府

明唐文燦

伏以頻年握篆湛恩久洽于中都我五縣孤端彩乍  
呈于南極豫報百齡之遠兆漸凌三壽之崇班色動  
黃堂聲騰赤縣恭惟大帥相大府主臺下以海內之  
直第一流爲江北之良二千石行能並著華實相符  
裊身紫橐寒水更體新陽以噓潤瘳接物溫眸冬日  
尤推嚴雪而伏狡頑政播四封早覺趙張事業教傳  
別校共推燕許文章惟人和足召天和故福澤必隨  
德澤月逢建子時令生辰承長至之賜輝昭融有似  
應正圓之景象盛滿無虧紫綬映朱顏不但擅高標

東瀛制選章

卷之三

廿七

于少俊丹書徵皂蓋猶將膺大任于老成安如栢以  
經冬齒似椿而閱歲曰艾曰耆曰耄耄綿綿然累歲  
增壽爲卿爲相爲公孤勃勃乎超資躡席弘濟八荒  
于壽域永升萬類于春臺又定後身旋即紹調羹之  
偉績晉侯餘裔未湏追辟穀之希蹤蓋君子繫邦家  
之基延命迥殊士庶况吾人統宇宙之事積功奚美  
神仙文燦散署從遊挹鴻儀而已舊瑣員托屬占鶴  
筭而方新知遇在衆僚之先禱祈踰常禮之外雖欣  
聞夫公舉附掛姓名尚欲展夫私懷專披疏記片縑  
片錦聊共一品服之需雙燭雙鞋併致千年觴之侑

獨慨職廢而勢絆躋堂難効夫幽風且漸務冗而思  
枯飲泮未賡乎魯頌伏希鑒悉姑賜涵留

賀郡守陳槐里五十初度

明田大有

爲民立牧國家重茲屏之司作善降祥君子履亨嘉  
之慶蓬弧瑞藹市野懽騰恭惟某官雲月丰標江湖  
襟度赫聲藝苑沉酣鄒魯之圖經脫穎棘闈震疊淮  
揚之草木繁鳴琴于花縣遂視篆于專城思守位惟  
貴乎仁還定勞來更極其至謂人情莫不欲壽安全  
長養曲盡其方惟訟簡而刑清故民安而物阜一樓  
明月每聞犬吠花陰千里耕耘突見麥翻瑞穗德愛

東瀛韻藻

卷之三十

廿八

既洽于有衆天休自進于無疆睠茲月次林鍾正值  
葵開兩葉節逢令誕運際昌期視素王學易之年允  
符其數方子上讀詩之歲纔踰乎三熊軾虎牙益信  
五馬之貴童顏綠髮無二毛之侵爰酌天時大開  
壽域沛傳巖之霖雨頓除六月之炎蒸奏虞舜之南  
薰再見三春之爽皚蓋萃數百里烝人以作父母將  
合萬六千歲而爲春秋伯玉之知非斯爲下矣買臣  
之晝錦豈足多乎某退栖林莽久沐鴻私幸值佳辰  
陪蒨雀躍仰清風之凜凜薦幣旣非所宜念塊處之  
策策叩閭又爲不可敬致三朋之禱特陳一得之愚

雖才謝矣斯莫克模其形似而意同擊壤聊以罄厥  
微城伏願虛以持盈終而慮始竭忠貞以壽國脉贊  
一人有道之長矢謨畫而莫黔黎遺千載無疆之惠  
雲仍繼美接踵于三槐金紫褒崇聯翩乎八座事所  
必至行且見之理有固然非爲伎也某頓首賀

東瀛韻藻

卷之廿四

廿九



賀許太守舉第五子

明連繼芳

伏以來天上之麒麟爲人間之驚奇是國添扶日之手儒林纂讀書之臺瑞啓克閭英合之龜紫惟某官釣陶萬彙郭郭百城化化無窮生生不已時維陽月唐陞開十三葉之蓂正值良辰燕山香第五枝之桂大人占五熊之開道太史奏五星之聚奎一日五行九曰五福始終含龜洛之靈地生五嶽天生五材俯仰稟乾坤之秀王庭之手植又種二槐薛家之羽毛再添雙鳳頻結蟠桃之子漸空注水之羣旣庶且多符大夫干旟之馬請益其一充天閑玉輅之駟聞實

東瀛詞章卷之二十四

三十

單實許知他日岐嶷之克觀懸弧懸矢羨公家弓冶之良其嚮也黃花荆牘豫爲重重之所頃者白鹿入懷喜歌繩繩之什我聞其一公實得三但知弄璋之祥擅丁公之世美不謂時王之慶兼伊陟之象賢賀二千石逢年宜爾子孫之蟄擬一之月初吉赴公湯餅之筵先效螽斯鳴亟圖燕賀

賀張太守舉第六子

明連繼芳

伏以風雨九天麟獻君家之頭角熊羆彌月鶴呈人代之儀刑驩鬯懸弧英揚跨竈恭惟某官嘔咻萬彙卯翼十城時維三秋之初吉方新塗山之娶寶照載

路之聲問黃堂美第幾之璋曰藍田產三雙之璧玉燕投之懷內白鵠舞於雲間僅少荀氏之二龍已倍薛家之三鳳步趨乎四乳八士之盛歲射於七剏五董之間種玉樹於名園芝蘭成藪懸星垣於上第奎壁聯珠益民頌府君應叢弓冶之子而郡稱父母豈儉寧馨之兒試聽祝於華封人多多益善載庶歌於泰斯羽繩繩是宜所願應虎迭响橋梓齊榮千里神駒卽此渥注之汗血九苞靈鳥行看池上之羽毛

賀龔太尊

以告養不允復出視事

明李國卿代

伏以愛日情深紫綬等浮雲之薄攀轅計迫蒼旻停  
福曜之流舞抃洽於旄倪懽懽於案屬神馳簪節  
虔托墨卿恭惟台臺峻埒斗杓清凌冰柱半千逢運  
振墜緒於考亭五載專城布寬條於渤海士彬彬其  
顧化家禮樂而戶詩書民皞皞其含飴浹肌膚而淪  
骨髓一人重股肱之郡慢促曹裝四郊興襦袴之謡  
還悲范暮雖白雲戀戀有逾元直求辭而赤子依依  
惟是寇君願借辱徇下情繼繼勉從當道慰留肅奉  
帷而化雨重覃飭建牙而陽和續煦某馬牛下走叨  
東瀛前選登  
卷之三十四  
世一

東瀛前選登

卷之三十四

世一

備馳驅樛樛散材倖微沾濡矧典型之如昨竊鉞砥  
以滋多嘉與斯民載庇棠陰之芾俯裁短牘敬申燕  
喜之忱

賀太守

正旦

宋林豈壘

龍躔布朔正一元於七十二候之初鳳曆授時謹五  
始於三百六旬之首惟賢人之順履符泰道之吉亨  
恭惟某官道直以方氣溫而厲播千里循良之政宣  
九重寬大之條薰然和氣以襲人煖若新陽之燠物  
五百年間世行應君明臣良之期二千石班春宜介  
小往大來之吉祥情胥慶萬福攸同某奔走下僚棲  
遲大庇椒觴薦壽慚慶謁之未遑寒谷回春正吹嘯  
之有待

賀太守

正旦

宋蘇軾

東瀛前選登

卷之三十四

世三

葦桃在戶梁禰以餞餘寒椒栢稱觴燔烈以興嗣歲  
在時爲泰與物咸新恭惟某官德洽斯民才高當世  
迹難淹於外補望已隆於本朝慶此朋來之辰必有  
彙征之福某官守所繫展謁無階頌咏之深敷寫難  
盡

賀趙婺州

正旦

宋李劉

玉律導和氣已諧於簇遠璫源襲祿慶益厚於縣  
與國同休哀時多祉恭惟某官飛英宗邸賦政价藩  
近尺五之天旂旂有爛方千里之地襦袴已溫某濫  
綴橐班阻趨戟衛三朝受四海之籍肇啓上儀八荒



轉一氣之鈞佇觀歸袞

賀彭知軍

冬至

宋戴翼

日運璣衡忻際一陽之復星聯麾節茂膺百福之升  
式對昌言恪陳善頌共惟某官以六經澤行四時春  
二千石循良方徧作南安之化兩十四州證察又散  
爲東廣之恩波屬迎愛日之長尤煥福星之彩梅開  
春早已報暖於南枝芝檢星馳佇趣裝於北闕某久  
席二天之庇欣逢七日之來稱觴上刺史之堂悵無  
六翻叱墨奏小夫之牘徒有一忱愧與賀并意非言  
盡

東坡先生集

卷之三

廿四

賀東昌守正

明李國祥

川原改色太和初布於三微草木知名歲澤已深於  
一信故爾履端於始應知長發其祥恭惟某官氣鍾  
五岳德備四時文譽挾天六合久昭回之仰政聲載  
道百城普壽域之躋仁風掃鄙屋窮陰惠雨沾露根  
殘息異擬驅蚊之扇妙符夾鹿之車蕭相試初召父  
來暮開府之詔將逐陽和以蚤至還闕之旌指拂昭  
景以遙馳某舊依夏屋新轉春規才拙獻頌於椒花  
誠積祝蟠於桃李慶鴻禧之集心棘燕賀值驛路之  
出志奪鳧趨僭爲改足聊以申心伏願福維新於華  
節歡後飲於屠蘇恩終託於洪陶賴厚培於桃李

東坡先生集

卷之三

廿五

賀孫守冬節

明王命爵

至望同辰雲薄翠微之曉陽和動地天開碧落之春  
維承流師帥之尊膺自天猷穀之慶歡騰無疲頌洽  
鯨樽恭惟某官溫如圭日清徹壺冰黃堂書永運陽  
開陰陽之機盡戟香凝收歲稔時和之效煖回寒谷  
人樂熙臺田里無怨聲已洽袴襦之愛朝廷知治行  
佇頒綸綍之褒昌期已報於愁窮盛德益婉于剛長  
丈三日近遙知宮線之添尺五天低迴侍宸旒之邃  
其遣時七日藉庠二天煖入孤根已動楊州之梅興  
曉傳殊渥喜聞詞液之芝香愧與賀俱意非言盡

東瀛別業

三

頃叨薦墨奉兩蠲京刺之員俄拜諾金又再許年章  
之賜褒舉三命感激萬分竊以土沉選調者甚多法  
重舉員而凡五尋常僥倖得其一自以爲遭際之榮  
造化成就至于三此則真希曠之過疊茲異數必也  
實才苟非其人曷稱茲選如某者負乘力小補葺技  
窮三年兵火之憂煎頭驚半白孤宦選坑之汨沒眼  
就回青豈期窮途猶有生意僅四書於下考已三獲  
於薦員且不倚他人之門墻皆盡一手之陶冶曠古  
無比幸今見之茲蓋伏遇某官學者宗師民之父母  
自下車而問風俗首推轂以薦人才屬邑爲令者三  
會無遐弃洪鈞播物如一俱欲陶成遂俾謫庸屢叨  
題品破再員之白方喜再立而爲陶許一紙之春又  
覺三足而成鼎雖一鶚尚遲之數月而後至然雙鳬  
覺去之九霄而非遙一歲之闕三拜其賜奇遇如此  
誓報謂何某敢不稽首恩門服膺師訓佩強敏之褒  
語益加激昂誦優裕之誨言敢辭繁細蓋立已莫重  
於立名檢必報國斯謂之報已知耿耿此心皦皦如  
日橫江露白喜聞鴈報於秋音庾嶺梅開早乞驛傳  
於春信其爲感佩罔旣編摩

謝彭黃堂舉改官狀

宋戴翼

東瀛別業

卷之三

三七



右某啓伏準使帖舉某改官親民任使者鵲翻春雪  
方誤蒙褒衮之華鶚送秋章又預拜諾金之賜化冶  
幹旋之力重師門成就之功深百拜周章萬分榮感  
竊以薦敷一路固欲拔於人才得失兩岐亦有關於  
造化聖成遽壞幾嗟薦福之碑已失復全或反相如  
之壁信於中自有消長乘除之理而在上實司轉  
闔閭之權苟或得乘大非偶爾如某者雙跚不武拙  
訥無文百不逮人一惟安分欲動叔向之聽既乏蠟  
言要求子公之書又無蟻援耳聽此身於造物敢萌  
榮望於窮途惟老天不棄於孤寒故今日欣逢於特

京滬制選章

卷三十四

廿八

達方自中車之始涪蒙推轂之任薦以序陞伴之出  
幽谷而遷喬木還之京刻甚矣障百川而回狂瀾雖  
云終定者天然果孰爲之也茲蓋伏遇某官斯文元  
氣前輩盛心品類曲成不使一物失所羣才並舉惟  
恐片長或遺知某之愚無他腸念某之拙無謬巧許  
之一紙重若干鈞定力底柱而不搖公論持衡而平  
決兩全所欲衆嘆其公某敢不稽首恩門服膺師訓  
行修何有期以經明民服未能勉之政理仍佩撫摩  
之誨以爲續效之圖益勵初心庶蒙終惠吹噓借便  
雙鳬欲近於雲程消息指期一鴈佇

傳於春信其爲  
感詠既既編摩

謝東昌陸太公

明李國祥代

伏以朱輪倚虎焜煌才氣無雙綠綬佩魚垣濟治平  
第一朱紫推清冰雪黔黎受潤江河動地歌廉願天  
得耿恭惟某官百斛重器萬頃汪波比玉崑山龍躍  
令聞奕葉名書鵲澤鶴臨幽賦番芳茹舍今古心源  
揮落雲烟情岳宴上林之杏解初服之蘭登譽鳩鳩  
展采清郎玉潤飛聲振鷺含香比部水清戰蟻入銓  
滇微南金恐盡馮熊出守江陵怪竹難求自我來東  
瞻移珍於荆楚及爾從北勅露冕以幃帷鳳久集黃  
詎借一方矜式鹿才夾鄭須登三事從容坐待駕鴻

京滬制選章

卷三十四

廿九

行看擁鵲某瓠空似蜀閬下疑牛蹶趨太末山城踦  
復西齊巖邑志勤刊朽力阻安繁粉滌餘波驚價頓  
增立市瑕藏末照鳩沾倏起拾枋幸託粉榆近水樓  
堦先月寬收檣櫓向陽草木偏春無緩日于生年有  
報志以次骨爰貢尺書下走惟祈隻覽中消伏願五  
雲多炳三台九州被足蔭樹獨垂棄蒯萬厦山安

謝孫質庵太守

明樊偉

伏以瑤函遠賜祥呈南斗之墟寶軸新承光映西崑  
之岫漢江增麗衡嶽生輝伏念某質匪璠璣譽輕鄉  
曲鵬程在望自嗤鍛羽凌霄木鐸揚聲誰信驪珠遺

海柳蒲弱質犬馬餘齡偶被恩私過蒙特典恭惟臺  
下淵涵嶽峙玉質金相虎座絕韋編道宗幾孔風簾  
傳試草駕軼韓蘇釣矢稱平鶴琴敷政河海借冠奚  
帝一路之福星穎川召黃已兆三公於指日豚兒何  
幸得佐下風其幸有厚緣承雅貺聆莊椿之頌愛  
每切於及鳥播申獄之詞才更兼於倚馬開緘展讀  
錚錚平絲竹盈庭樹幟諦觀燦燦手琅玕滿目主賓  
雜選共驚日麗寒瓊桃李滿門更美春回窮谷懽成  
莫勝感切由來惟冀臺端益隆帝眷功存社稷名重  
山河上以壽國脉效畢公元老四世下以壽民命紹

支肅明憲公卷之二十四

四

謝張池州太守

明張應泰

萬樹春山赤社方思舊父一江秋水朱旂復迓神君  
總如覆載之匪殊猶幸瞻依之孔邇盈疇麥秀漁陽  
僅見興歌負隴牛肥渤海徒聞絕磬方知今日何論  
古人轍跡所留是處都成畏壘波餘之及何時不念  
并州矧若么麼風沾汪潤步趨而瞻若後策勵而愧  
不前掣肘任人兼羸腰之易折息肩無地即疆項以  
奚施猥蒙一日之知寔切二天之仰是庸寸悰敬托  
尺蹠竹馬迎來莫遂兒童共隊杖鳩觀化尚期父老

同心伏幸鑒存曷云銘刻

謝陶太守

明何偉

某官瑞應魁衡聲摩奎壁珠璣若湧揮毫迴藉海之  
潤草木皆春到處起青天之譽聽棘木以燭民情夙  
稱明允借前箸而籌邊務不顯才猷符借竹新宅生  
林衆樹幟入詞壇士林鼓舞揚蒲科樂土里巷謳歌  
化久協于菁莪蔭更隆于棠樹則黃穎川入相龔渤  
海都卿固可倚足須也某深愴謗勞過荷優容客歲  
寧家辱垂情于倒屣于時泛宅復借重乎仙舟滿道  
增光輝卽是隨車甘雨一江任波浪暗思有脚陽春

某微勞罔豎幸迺三黜之加大造不遺恩藉萬間之

四

何幸一瓊得安萬厦子民情切空懷犬馬之私覆育  
恩深莫遂涓滴之報九頓稱謝百拜緘詞

謝李太守

明劉庭芥

某微勞罔豎幸迺三黜之加大造不遺恩藉萬間之  
庇字踰華衮心切淵冰雖數載驅馳訝驚質難希驥  
乘迺一朝藏納俾涇濁混入渭清儼然厚之望豈到  
此是惟宏度磅礴可包涵乎彭蠡具區以故末屬么  
麼遂霑被乎春風化雨鴻恩已極雀忭奚勝自今以  
往之年何由報效從此一官而上敢負栽培啻結無  
涯頌稱莫罄汾陽出河朔

定錄成續于嘉山諸國人



謝郭太府

明李國祥

伏以芝星雲彩五生署砌頌嘉祥麥邇風香雙穗田  
岐昭異化刑弛揚蒲垂愛景計挽徵先政成多稊廣  
恩波歡歌來暮卧治黃龍望府坐嘯白鹿隨車恭惟  
某台下浸地開源波衍龍門竹箭儀天聳構嶺峙鵠  
翅蓮花文江翻王漱以韜霞學海驚珠瀾於濯錦福  
星絢彩宅生千里以清夷甘雨泮流澤沛百城而滲  
漉夜嚴於惜燭朝忘於揚蒲馴野雉於蕪郊驚栖鳥  
於栢府合郡樂褰帷之贊普天切攬轡之思懸知仁  
風飄十里之雄節騰輝於開府惠露灑三天之渥履  
東瀟韻選章卷之三  
四三

曳嚮於尚書徵黃倚俟於九重借冠願淡於萬戶某  
揆能甚下逢世非宜惟稔文翁治鑄之三年乃濫歐  
相火山之萬選益深惕息數惠寵光寄跡麟臺爰托  
烹魚之素達誠熊軾用旌景鳳之情

回陳新守

宋劉克莊

當宁掄材專城作牧鄉邦相望新懷會稽太守之章  
父老來迎如見國子先生之面稍修書札以候節麾  
恭惟某官書讀五車詞傾三峽郎陵荀有文若視元  
凱而有光靖恭揚生敬之方屈馬而無愧冠三舍後  
造之選號七閩文章之家衆由徑以疾趨獨盈科而  
後進佐陪京之留鑰風月泝分牧思陵之潛藩瘴烟  
一洗盍趨名吾丘而奉計顧重煩韋守之凝香眷此  
邦人種何福德鴻碩照臨之未遠象賢選擇而重來  
昔尚父報政於齊何其疾矣國僑遺愛於鄭誰其嗣  
東瀟韻選章卷之三  
四三

之未有上冢過家拜聽眠事光復周公之舊宇增培  
名伯之懋棠歷觀舊史所書鮮如今日之懿譜端明  
之丹荔可繼先賢對舍人之紫微莫須公等某坐虎  
名之過實爲衆毀之求全岌岌之蹤甚危信信之吠  
未息身離某永孤明主之知名列黨碑尤當累臣  
之罪自嗟某偶未湊先躬書詩以教子孫力田園  
以奉公上聞雙旌之孔邇扶一杖而起迎太守賓懽  
猶記鳴禽之同樂郎君官貴恐難行馬之重窺  
回安慶陳知府  
宋李劉

望郎引外不孤銅虎之公某客得遷只動尊鱸之想

未遑修記遽辱鳴謙恭惟某官與學淵洞清標山峙  
氣沮金石豈徒黃絹之好辭世掌絲綸宜得青瑣之  
舊物亦既累年於東觀非惟百日於南宮乃懷棠棣  
之碑徑賦桐鄉之政朱光嘗爲皖守非此地耶汲黯  
不薄淮陽今名君矣某久荒三徑又長十連連望吳  
會於雲間恨無飛羽借潁川之河潤但切馳心

回金黃州

宋李 劉

百舍思賢夢過黃泥之坂一書委貺坐來赤壁之風  
讀之灑然何以得此恭惟某官影綬廬仕脫穎奇材  
屏風月之平分蓋雲霄之獨步屬當冠至能與存城

東瀛別選

卷之三

四十四

遂就昇於麾符俾益堅於保障綸巾羽扇訪故壘於  
西邊盡戟清香歌大江之東去何以累君子猶有十  
萬之贏進而疆本朝行膺尺一之詔某既乘下澤又  
戀屬車邊秋一鴈聲漸起江湖之興人生五馬貴願  
精茵鼎之調

回姚開州

宋李 劉

題慈恩之姓久遂託交傳盛山之詩始知出守遠勤  
委翰更費屬辭恭惟某官續三世科爲諸儒倡頡頏  
飛霞之佩宜在漢庭歛弄明月之珠久留蜀郡寧茲  
表選亟有棄除某守銅魚甚思尊繪同年千里恍

如琴上之星何日一樽共聽醉間之雨

回福州蔡守

宋陸 游

識面十鄰固嘗懷於鄙志杜門掃軌殊未接於英游  
於此相逢慨然承嘆恭惟某官城南舊望江左名流  
高韻照人清言絕俗過眼不再真讀五車之書落筆  
可驚倒流三峽之水豈有如公之人物猶令隨牒於  
海邦政恐驛名之行弗容席暖之久某奔馳斗粟流  
落二年久親柱後之惠文高束牀頭之周頌會須名  
理之語一洗簿書之塵

回晁南康

宋李 劉代

東瀛別選

卷之三

四十五

訪靈谷之煙雲旣擁千騎懷廬山之風月忽寄雙魚  
忻然發函喜至折屐恭惟某官清門秀望名世真材  
卽之溫然不減天球之器韻識其小者漫知月斧之  
精神方羣飛之刺天寧一麾而出守兵衛森畫戟豈  
特唱韋應物之詩山水含清暉政欲考謝康樂之句  
徒得君重行矣公歸某密託桑陰旣凋蒲質腰黃何  
補愧山靈之移文頭白早歸煩謫仙之寄語

回臨江丁知軍

宋李 劉代

得覲楓宸分華竹使朱轡皂蓋豈但人生五馬之榮  
碧嶂清江盡在都城百雉之內恭惟某官耆明山立



廉潤春溫才名四十年久於許國刺史二千石甫此  
起家伊誰云從何見之晚吳城葛井袁水蕭灘無嫌  
如斗之州正藉成風之刃不容席暖行有輪迎某聯  
事方新懷歸已切叔度何暮定關襦袴之有無令尹  
重來試問人民之非是

黃州還回太守畢仲遠

宋蘇軾

五年嚴譴已甘魚鳥之鄉一軻生還復與縉紳之  
屢將通問輒復自疑方茲入境之初遽已誨音之  
披緘驚眩撫已汗惶恭惟某官師帥斯民義儀多士  
道德襲黃之右牢圍坐空風流王謝之淵淵歌自得  
豈特居人之安堵固將遷客之忘歸路轉湖陰益聽  
風謠之美神馳鈴下如聞謦咳之音瞻詠實勞敷宣  
罔旣

荅彭賀州

宋蘇軾

竄流海國脫身羈鬼之林灑掃真祠拜賜散人之號  
喜歸田之有漸悼報國之無期方自愧於心顏敢聞  
名於左右豈謂某官曲敦雅好淡軫窮途賜以尺書  
借之餘論溫詞曲盡賢於十部之見臨陋質增華果  
已五漿之先餽但慙衰朽虛辱品題敬佩至言永以  
為好

荅杭州交代

宋蘇軾

罷直禁中本緣衰病分符浙右更竊寵榮既尋少壯  
之舊游復繼老成之前蹤養病卧治之所蒙成坐嘯  
之餘顧此頓頑實為忝昧伏惟待制宏才繹俗雅望  
鎮浮神馳方切於望塵心照已先於傾蓋借之餘潤  
成此虛名勝大夫之才豈堪治劇楚令尹之政或許  
告新望見有期瞻依愈切

荅丁連州

宋蘇軾

七年遠謫不知骨肉之存亡萬里生還自笑音容之  
改易久恬颶霧稍習蛙蛇自疑本僑崖之人難復見

荅潘劍壘

宋蘇軾

魯衛之士而况清時雅望令德高標固已聞名而自  
慙蓋欲通書而未敢豈謂知郡朝奉仁無擇物義有  
違時每憐遷客之無歸獨振孤風而愈厲固無心於  
集苑而有力於噓枯遠遺一紙之書何啻百朋之錫  
過情之譽雖知無其實而愧於中起廢之文猶欲借  
此言以華其老窮途易感永好難忘

荅臨江軍知軍

宋蘇軾

泮水政成繆膺桑梓之敬海邦畫諾又歡枳棘之棲  
多難百罹流年半世恍如昨夢復見故人伏惟某官  
居以才稱進而德選淵源師友舊仰鄭公之高歌詠

風流近傳召父之繼不忘轡昔由陽俯存豈獨憐  
朽而借餘光蓋將敦風養以勵流俗感佩之至筆舌  
難宣

回瑞州羅權府

宋文天祥

遙瞻松雪久羨槃水簾捲西山撫輿圖於錦水書移  
東里醒午枕於桐鄉寵委新編輝生棄升天高地迥  
諒碧落之知心日光月華看紫薇之潤色謝私何限  
嗣敬以陳

回吉州繆守送端午

宋文天祥

端午賜衣漸傳聖召昌陽薦俎忽沐珍頒行人負然

東坡詩集卷之三

罕

來思野老爲之驚見某官心清於水仁行如春岐麥  
詠漁陽方騰善政角黍記荆楚尚念流風亦分百索  
之餘遠及一厘之陋某倏驚晚良感慙慙剪綵艾  
以爲嬉強酌佳節對燈花而作報多謝故人

回林安慶

明李國祥

恭惟門戟雞城官綿烏石名懸白日蚤空冀北之羣  
氣蓋青霄獨占斗南之一玄圃積玉昭回雲漢之章  
武庫陳兵縱橫公輔之器爽鳩居五舊藉甚於貫頭  
契魚領三新儼然於皖口隨車甘雨埒豐澤之穎川  
坐扇廉風輩至仁之越郡鹿行夾轂來龍三象於陽  
承鵲聚擁車去思一借以路請某也去鄉赤子天假  
渡汶以班荆行水波臣地阻沿江而騎竹瞻依千里  
方戀德芬若椒蘭眷注一函遂拜嘉重如瓊玖龍是  
榻懸徐稚識非水置龐參豈昔罪開東道之主稱溺  
實今禮簡南陽之父云疎薄以厚形撫慰舊魂鯨海  
意以辭達馳函寄謝鴈天緒長不盡八行羽弱吳從  
九預

東坡詩集卷之三

罕



回柳州蘇守兼謝請

明連繼芳

伏以綬佩金魚十三城盡歸治鋒符分銅虎二千石  
共仰范型欲知柳子之當年便是蘇公之今日恭惟  
某官峻拔斗鈞清融冰柱十年卯翼萬念喚咻憐春  
燕之巢林且築斯鑿斯荆棘剪開木黍合痛嬰兒之  
舞架由溺已饑已劍刀賣去犢牛來公真有社稷勳  
帝報以股肱郡官茹二五年之孽民沾七八月之霖  
權兩操如虎如春但聽府君歌父母蜀一變至齊至  
魯却教都市斷蠻夷政府稍閑賓筵乍啓燔兎首於  
瓢葉列魚麗之鰾鮓如某者以同年之兄弟爲異鄉  
古本齋制選卷之五十四 辛

上兗州刺史

唐駱賓王

側聞未遇孫陽鹽車無絕塵之跡時逢和氏荆山有  
連城之珍豈若聽清音於爨餘則枯桐發響收夜光  
於玄壁則怪石騰輝在物猶然况於含識者矣伏惟  
明使君公鳳穴振儀龍門標峻瓊姿岳立表秀干雲  
霞煥霜飛瑤貞鏡鑒既而代工天府忠簡帝心擁熊  
蓋而撫百城建隼旗而臨千里坐堂敷惠恩囑去思  
剖竹垂仁式歌來暮清凝夜燭化警晨鳥外勗九農  
蒲鞭之耻發言唯信結控竹馬之期甘雨隨車雲低  
輕重之蓋還珠合浦波含遠近之星至如卧理稱難  
坐嘯匪易披裳問疾垂愛景以字人褰帷廣聽穆薰  
風以扇物飛霜秋降叶隼擊而防小人零雨春濡飾  
羔旌而禮君子於是仁風革俗吏不忍欺美譽鬱於  
三高芳猷勝於萬古若乃清規遠鏡皎月色於靈臺  
玄鑒虛凝穆松風於智府研機十篋探賸九流繹綺  
萼於詞林絳仙花於筆苑文江翻浪織玉漱以韜霞  
學海驚瀾綴珠連於濯錦加以懸榻待士擁篲禮賢  
汲引忘疲獎提不倦懷經味道之客望範圍以駿奔  
兼流包畧之夫窺義園而遐集求小舍於毫芥顧正

禮於二龍振幽滯於泥沙許公明於一驥其淹中故  
俗休列朴厚之清規稷下遺氓祇陶禮義之餘化頗  
遊簡素少閑縑緗每蟋蟀淒吟吹素雪於書帳莎雞  
振羽截翠蒲於翰池既而學與懷蛟才非夢鳥價作  
齊於南漢芳不重於東山幸屬日月光華雲霞紛郁  
方結羨魚之網將謹扣角之詞奮短翮於榆枋希高  
標之餘拂躍纖鱗於涓滴望鴻澤之微霑所冀顧盼  
曲流翦拂增價則鉛刀起一割之用跋鼈致千里之  
行是以竊混吹於齊竿濫飛聲於郢唱抱山雞而自  
慙顧遼豕以多慙輕觸威顏不遑流汗謹啓

東漢書卷之三十四

五

上游瑞州

宋金之焱

中興南渡久聞御史之家薄宦西征猥忝諸侯之客  
自貢菲芹之生意宛同花木之向陽闔燕寢以齊心  
羞鱗械而曝敬恭惟某官標凝霽月襟貯清秋生武  
夷洞中之天百年文獻立伊川門外之雪一脉淵源  
膏馥三萬斛之牙籤曲調五十絃之錦瑟其立也獨  
故進退出處一付諸天所養者深故窮達得喪不易  
其操名高見忌道大難容聖朝非不用人矧是名門  
之舊君子豈容去國苦於公論之無芥視榮華葉輕  
去就帝念江南之右瑞爲望郡之雄勝槩羣微曾着

鍾離飛墨之蹟先賢清節猶帶醇翁吟筆之香而先  
錦水市河福地已符於佳讖廬轡席帽天街近喝於  
狀元宜此擁麾暫爲稅駕一琴至止五袴權如出佛  
手以救度衆生試仙方而甦醒羣命前名後杜吾於  
明公見之左禹右皋是特分內事爾伏念某金華晚  
學壁沼陳人初竊一官頗負鷄出籠之喜坐遲遠次  
復懷鳩控地之羞人共嘆其淹回已獨安於恬退徒  
以欲報罔極之德正當既喜且懼之年倣聽報瓜亟  
驅行李拜二蘇之遺像挹三劉之高風決無倚席之  
踈或難追在城之刺孰爲道地我有使天夜雨清燈  
祇分鄭廣文之獨冷暇時鈴閣拱聽朱夫子之的傳  
鑽嚮方深榮摩不足

東漢書卷之三十四

五

上號州太守

宋蘇軾

光奉神恩寵分郡寄惟此山河之勝宜膺師帥之權  
凡在庇庥莫不忻忭切以弘農故地號國舊邦周分  
同姓之親唐以本支爲尹富庶雅高於二陝鶯花不  
謝於三川韓公三十一篇風光咸在賈島五十六字  
景色如初有洪溜灌溉之饒被女郎雲雨之施四時  
無旱百物常豐寶產金銅充初諸邑良材松柏瞻給  
中都至於事簡訟稀瀟灑有道山之况魚肥鶴浴依



稀同澤國之風自匪巨賢不輕假守故來者未嘗淹  
久而優恩已見遷除非總一路之轉輸則入六曹而  
侍從前人可考新命何疑伏惟知府某官學造淵源  
道升堂奧精稔盡天人之蘊高明窮性命之微中外  
屢更功名茂著銅虎暫淹於百里朱轡聊寄於三堂  
仰望精微俯臨民社共俟星言而夙駕思承道化乎  
其民某仕版寒蹤賸俗吏久仰珪璋之望素欽星  
斗之名豈謂此時獲依巨庇惟良作牧已興來暮之  
歌謠有隕自天惟恐別膺於綸綍無任丹懇倍切馳  
情

東瀛韻章 卷之三

五四

上張金華

明成於思

憶昔馮歡彈鋏能聞薛邑之歌侯嬴抱關得駕夷門  
之馭是以駭電之威每剖於豐城之緝曜躡雲之轡  
常舒於跪跡之沙丘絕塵滅景之良幾欲借才於造  
父連城奎壁之寶徒資賞鑑於良工恭惟鳳梧明公  
閣下運協昌期黃石授神師之略德由天縱白星燦  
王佐之精根源蔚茂藻思幽玄纂受黃軒集崇光於  
寶婺源流白水振僊駕於紫微竹馬迎於林間鳩黎  
候於谷口鹿走周原輔秦圖而興霸蛇分沛澤翼唐  
運以開基羽儀百代鍾鼎一時怡情疎朗風清月湛

之姿靖節高嶷雪白冰霜之槩官聯粉署聿脩敬祖  
之廉明政出黃堂宣布王襄之樂職秉堅貞以折獄  
礫泉竄其英明本端恪以行仁化蛇慚其智勇虛舟  
應物朗沉照於水壺玄牝凝神播機心於水鏡雖則  
塵飛范甌橫金有結綬之榮而執協張輪割鷄屈遜  
牛之量思也心專刻鵠業擅雕蟲無傳一經每睹清  
通之盼不叶十室竊窺桃李之榮雖未得叫徹天關  
馳聲秘府而頗亦見推閭里譽洽桑梓豈不欲優游  
林壑茹草以終年栖遲呖畎抱琴而卒歲乃致孤飛  
一羽遡金華而躡雲根跋涉千程望綉川而捉日影

東瀛韻章 卷之三

五五

遙指嚴灘出蓬門而東笑遠離吳會指三洞以南浮  
豈知天羅迴布未沾青府之蠅頭地格遐張先蹈綠  
林之蜂尾衾蓋潛消孔席何能再暖酒貲飄蕩渡巾  
何日重新一羽蕭蕭又值塞翁之失馬獨行踽踽何  
當岐路之亡羊資身僧費淮陰之客飯徒存僵臥禪  
龕張祿之綈袍安在五宿凋闌寢食俱廢百骸狼籍  
貧病交侵雖蒙造跡於一枝未得傳經於重席鎮周  
之捐故舊未慊輿情漢祖之溺儒冠難逃清議宣尼  
聖也不忘原壤之交光武帝也猶共嚴光之臥竊恐  
荆璞不辨致疑惟光按劍不逢塵埋九死倘得露滬

江波大造餘生之命脉光生隣燭重輝華苑之枯鱗  
顧免離星煽薰風於舜海從龍潤礎沛甘雨於堯雲  
白羽書生自鳴恩於食稻黃裳野叟將饗德於殮花  
雖滄溟遠量徒增愧於牛溲而嵩岱蒙恩終致酬於  
蟻垤少希顧復輒有應誠輕喧視聽憂髻惟深謹啓

上兗州石太守

明李國祥

伏以六駁來游雲霓山成雷三龍注望波騰泗水  
爲霖靡空杼柚大東是赫節旄直北承風有自披霧  
無從恭惟某官標的紫微流靈澤曲清凌湛月卓然  
拔俗仙標和軼韶風綽矣照溟符采博窮二負六經

東瀛別選

卷之三十四

五十六

諸若人心敏試八叉三草精茲自課彬彬德素詎稱  
艷比春英奕奕才猷是羨鬱爲時棟牽絲棘寺無煩  
刻像梧桐懸鏡柱閣不令遺材杞梓熊軾表先東海  
何殊紫馬風流鹿轂蘇後北徐無異白鳥春雷臥治  
詠成多矜坐嘯分略披裝拂蠶尾以謙以詩源明失  
藻看馬洗載觴載詠予美輪華豈曰矜式一方實性  
羽儀五位某蠅螟微質檮櫟下材丘壑不深謬從微  
起斯干斗山孔通願見刺懷有日無庸紹介難求尺  
寸階前有幸先容輒勒寒暄腹裏比跡貢詩鮑照齊  
踪脫穎毛生一箇輪誠八行寫慶伏願八駟清道霜

威誓以節樓三獨奮庸雲庇垂于畫省詞宗牛耳惠  
潤龍鱗

上張池州太守

明許賓

竊聞瑞獸呈祥向宣尼而委質神駒思奮遂孫陽以  
長鳴遊蓮待宋主以什纓羅迷波望莊周而滋涸轍  
蹇然物類咸知依附以謀生况產人中惡得離羣而  
自立士衡入洛史書以爲美譚王粲依劉君子感其  
隆遇故啓韻而珮模嶧桐則見知以賞音柯竹非同  
按劍敢曰投珠叩首奉函吐心有地恭惟某官敏  
際天雄篇華國心懸孤鑑泛逸彩於清江調入隆鍾

東瀛別選

卷之三十四

五十七

洪音於長樂屏翰聖人之德甄陶天下之民星辰  
聽履惟幄運籌如山如海作舟作楫乘天人之興學  
施文武之全才白雪就于寒帷青箱滿乎載筆加以  
分庭愛士擁篲親賢若天地之休明必通窅窅如江  
淮之狀納不擇涓流某也叢爾鯁生眇焉賤品深荷  
越石之知倍感然明之遇但骨相既貧性資尤拙付  
悲歌于長鋏每思看劍之文甘活計于短檠自喜牀  
頭之易衛門厄守朱戶無干饑食山色肯興無飯之  
嘆寒枕溪流僅有借書之讀不知何取于高明迺至  
品題于鄙陋頃者仰聞綸音跡遠龍門頓別天儀夢



慙蝸室所忻父母孔邇不勝舞蹈之懷日月弘光  
或被照臨之惠伏念某平時未遇堂中無愛日之  
資壯志尚存台下有披雲之望雖駭公策馬之不  
前敢見彈求鵠之太早願門墻賜之繼見冀簪履  
幸以重叔庶得廣挹恩光曲沾引導拍掄小善褒  
錄淺才微陽春之嗟布自忝谷之敷榮矣宣父納  
原壤而武帝臥嚴光敢比一二惟報德之嘶環  
感恩於結草實有萬千臨別盤桓上陳戰慄  
哀伶不勝肅沐上啓之至

上太守

明曾光魯

古詩集卷之三十四

五十六

恭惟某官德重璠璣望高山斗珠璣若踴揮毫迴  
黃峽之瀾草木皆春到處起青天之頌活數萬生  
靈命宛渚流膏培三千弟子真洋林增色績已奏  
於股肱郡帝遂嘉乎社稷臣越水符領指旌旗者  
咸歡迎于竹馬江城壤擊留車轍者徧興詠于甘  
棠未備員下乘稽首崇臺榮不以擴落之菲材而  
更加扶植敢恐忘乾坤之大造而彌切銘叩叩別  
匆匆夜雨長零馬首寤言耿耿燈花爲照寸心茲  
肅裁清楮聊寓微悰伏乞俯賜優容宏垂炤鑒臨  
書曷任悚仄之至

上黃州潘大府

明王兆雲

伏以烏府風清譽望夙隆于寰宙黃封瑞藹歡忻通  
溢于髦倪矧在屬員益深瞻注恭惟台臺金溪異產  
閩嶠鉅公霜凝白簡仰珥筆于殿中風入花廳羨投  
輪于闕下直聲旣震中臺丰采遂馳六詔點蒼千疊  
咸驚鷹隼之翱翔洱海萬家俱喜鳳鸞之萃止顧茲  
江漢之區得奉惠文之駕某樸散材簿書末吏竊  
幸繡斧之將臨敢飭蕪函而申臆敬迂一路福星式  
聽兩岐民頌

上武昌孫太府

明王兆雲

東漢書卷之三十四

五十九

伏以瑞氣溢江城乍觀新使君之彩鷁歡聲動下邑  
仰瞻大邦伯之朱幡二百里遙景清光尺一牘謹申  
賀悃恭惟臺下貞元毓秀山斗標奇敢學海之波濤  
氣雄賈馬攬文苑之葱菁光掩曹劉昌時羨鳳翼之  
高鶩名地借鸞刀于小試竹馬騰騰迂細侯于上郡  
蒲鞭飾治慰孺子于南陽行將名疏御屏佇見績輝  
殿柱某承乏山城佩符宇下桑梓相連夙聆大賢之  
風範源淵有自又同舉主之門墻敬修封非之儀用  
展忭欣之悃伏惟茹鑒曷勝榮藉

通興化范太守

宋王邁

出綸閭闔作屏壺山范老十萬兵於胸中時方倚重  
元結數百輩在天下民其少魁闖上日之匪遙金下  
風而起敬恭惟其官清凌冰柱峻持斗杓月旦題評  
元方季方之行誼天庠模楷大陸小陸之文章講學  
徧諸老之參著書作千載之計屬權奸之當國紛競  
習之移人一世瀾趨相與榮曹蜍之沫二難壁立  
不汙元規之塵紉蘭自馨食藥有味迫聖化已新  
瑟而衆賢交起彈冠所挾者高尤難於進謂寧得小  
國寡民以行志不願爲枉尋直尺以留中惟前稱詩

東瀟詩集

卷之三

李

書禮樂之邦久焉弄印以公爲忠信慈惠之長宜此  
分符旌麾未肅前驅襦袴已歌來暮吏徂於政弱而  
垢玩民困於軍興之誅求剝肉醫瘡甚矣羣生之寡  
遂酣歌常舞幾於一國之若狂所望獨立使君之來  
以爲一方疲毗之幸仁必有勇嚴以濟寬使鄉無打  
門索錢之胥則家有左體右弼之樂然而世道隘甚  
人物眇然此獨何時橫濟川之舟於野渡行且有詔  
起擎天之柱於明堂某爲儒而迂入仕而拙愚鱣既  
見排於紹定踈狂復不合於端平竊祿祠庭已自分  
煙霞之疾贅丞鄰郡初何心風月之分惟平生於方

冊以服膺一而親炙必有訂頑砭愚之  
誨以爲鍼膏起廢之方嘉與斯民新沐循良之德化  
更新暇日拱聞經濟之緒餘

通吉州史太守

宋洪邁

伏以訪小范老子之舊遊愧承遺俗望六一先生之  
故國喜在下風輒掄削檣之恭庸點製鈴之聽恭惟  
某官丰規峻整氣度深閑鼎盛一門獨抱富貴不移  
之志瀾翻萬卷欲乘功名自至之機氣吞牛斗以何  
高手枝象犀而甚勇半千逢運四十導城清香凝寢  
以無心白粲連檣而滿眼羣儒相賀歡傳太守之中

東瀟詩集

卷之三

李

和萬馬不嘶聲動元戎之號令隱如敵國倚若泰山  
要驅沸鼎之遊魚悉解佩刀而買犢謝安之展欲折  
亟收敗賊之功魏證之笏尚存益振傳家之烈某侵  
尋老景執掌偏州登陸有四明舊矣聲聞於東越滙  
澤爲彭蠡今焉派接於西江念其臭味之同假以併  
幪之託庶幾知免尤切傾依

通新贛州葉守

宋戴翼

伏審光膺鳳檢榮領虎符真館優賢久嘆老成之去  
國侯藩擇牧深嘉鎮撫之得人鄰邑均休輿情胥慶  
恭惟某官斯民元氣前輩盛心風雲飽溢於壯懷嶽



瀆間鍾其偉器進退周旋而可度艱難險阻之不渝  
清絕一塵烟若木蘭之墜露文追五色皎然玉樹之  
臨風溫平廊廟之珍允矣縉紳之表時方期於霖雨  
公乃抗於浮雲信知士夫進退之難獨得古人出處  
之大高標山峙素履淵澄然杖屨東山之風爲先生  
則甚高矣而升斗西江之水如細民之入望何帥垣  
方力薦之初天子嘆相見之晚亟下楓宸之命卽分  
竹使之符十八灘之上流素稱名郡二千石之重密  
茲得真儒佇觀海濱賣刀之勲卽膺宣室前席之問  
某鄉間晚出州縣謝才屬除目之初傳動鄉心而增

東瀛制選章

卷之三

六

喜一邑如斗幸依東藩千騎之雄尺素馳書少孤南  
豐一瓣之敬其爲頌詠罔旣編摩

通丁太守

宋牟存

玉坐疇咨金郵迅喜閒臺洋典方將窮勝事於園林  
統府浩灑乃幸屈价人於藩翰紫馬西來而捧擁青  
羅東首以候迎敢後麟函式前驚翹恭惟某官星沙  
上瑞天柱高標文章五色錦之脫機光奪日月器量  
萬斛舟之轉舵勢壓波濤平生自詭於民庸時望積  
聞於朝著京之西蜀之表從容前箸之借籌淮之東  
江之南掩冉除麾之交映俄生書於金耀旋持正於

玉條總夏官司武之權七兵有秩覽蒼錄考工之記  
五雉爲修步武峻窮功言炳蔚以韓吏部斗山之望  
參裴丞相淮蔡之軍方共占勝氣於赤雲已同秦捷  
書於清畫天知一節霜揭六綵華表鶴歸久矣認令  
威之城廓草廬龍卧豈容閒諸葛之扇巾合展翻於  
鵬圖俄移輪於熊軾粵惟吉水實號輿都式喬木之  
廬山尚帶醉翁之文墨誦連牆之句世誇傳蘇子之  
風流蔚然諸老典刑之邦着此當代文章之手環旒  
念念惠顧遠民步履村村爭誇新尹玉符訴合竹馬  
驩迎近事目存已揭使華之樣遠猷心渴諒虛從橐  
之班某鈐槩罔功緹屏非據昔寄巢雪外固嘗竊大  
幕府之庇休今別駕治中又獲際古諸侯之節度將  
幸識荆之有日孰云御李之無從君子憂道不憂貧  
已躍躍志得輿之喜國人望公如望歲母徐徐爲緩  
轡之行

與鄰守

宋耿元鼎

求間上印特承白髮之親闈肩寵移居更畀黃閣之  
輔郡顧叨逾之已甚荷推假之居多恭惟某官文邁  
先秦之書筆追二王之法猶是正元之朝士合從其  
泉之從臣金雀上樓何久達於雙闕銅魚左佩第連

牧於五城比聞若雪之美謠行趣溫宣之嚴觀盡歸  
一老可嘆靈光之歸然同升諸公其在潁川之長者  
某變違台範濫守土卿避堂而舍蓋公莫展事賢之  
禮載酒而過楊子徒知通德之居曾貢記之未遑忽  
飛緘之先辱惟深愧感莫罄敷陳

候羅太守入覲回郡

明連繼芳

惟某官一麾佩日九里潤河興大州必選臺閣之  
臣難諱重內官而輕外職守蜀郡化比齊魯之俗誰  
云成都市有蠻夷風民立巴郡之祠官見越王之石  
人闕北親捧雙龍宰相陪洛濱之膳出圖南載馳五  
馬廣州賦夷齊之心覲臣真有社稷勲屏風紀乎姓  
氏聖主再試股肱郡草木熟乎威名公之去兮舊政  
猶傳蜀父老公之來也先聲已振粵溪山劉守方送  
大錢郭侯又迎竹馬景星在望幸不隔乎光華愛日  
照人恍若親乎暄霽



候桂林許郡公九日

明連繼芳

竊惟潦盡潭清鴈寫數行天上字烟凝山紫蟬吹幾  
口樹中笙月過初三白展半輪之玉菊開重九黃鏤  
萬點之金美景良辰古人雄登高之賦豐年樂事太  
史倏大有之書問涼燠正是授衣九月窮眺臨有如  
落帽參軍惟上台慶叶重重魏下走拙同九九此身  
頻作客喜門外白衣之來征人未到家效宮中紫茱  
之佩折萸紅於千里寄梅素於一天率爾申儀丐祈  
丙照

候平樂張太守重陽

明連繼芳

東瀟韻選章卷之三十四

木木

伏以良遇乎坤卦八八而逢剝帝悅乎允節九九爲  
重陽蟋蟀依人菊一二花秋正好蒹葭極目鴈三四  
字日初斜資眺臨則秋水長天一色問涼燠則金莖  
玉露同清登高肇自古人豪興落參軍之帽勝遊傳  
於今日雄心振千仞之衣想白衣人之來滿擬嘗君  
子之酒瞻紫茱萸之佩私心祝明公之齡謹勒質織  
用申丹悃

宴吳吉州

宋李綱

漢吳公治平之行稱第一流歐陽子文物之鄉非  
常郡人與山川頑頑天開賓主逢迎新府肇開初筵  
肆秩共惟判府編脩清防水刷健筆芒寒星時動少  
微獨擅古括縉雲之秀世不乏季子卓爲濶渤海之  
宗聲名鞭翠鳳以參前步武駟玉虬而直上載武畧  
編摩之筆望重紫扉惹文昌奏對之香班通碧落丹  
迎神仙而引卻香隨燕寢以清凝寶氣騰空久躍龍  
津之劍神光照水終還螺浦之珠曾未挾於堯奠已  
有光於漢竹望狄公飛雲處好音時到於家庭登江

東瀟韻選章卷之三十四

木木

武戲綠堂但話重新於州宅世無此衆人艷其榮紅  
粧執樂白粲迎牆漸復承平之舊觀赤羽曉時金榜  
射日儲胥獻納之過聯而我兩府判久矣仰高幸茲  
逮事岷峨萬里心寒孤矯之鴻江漢十年影斷未歸  
之鴈甚媿成雙玉筍來尋溢浦百花亭不圖無鱗  
之州獲際盡熊之軾人欲和別乘清風之曲我惟誦  
樓枝明月之詩至後日長且喜剝陽之盡盪夜來雲  
凍不妨需燕之式張笑共索於梅花舞偏低於楊柳  
琵琶好聽未須濕司馬之衫肴藪雜陳政好盡醉翁  
之酒姑煩樂指申介壽眉揮萬字飲千鍾不忝文章

之太守薦三花裁五色會徵岳牧之詞臣某等濫前  
齊優獲觀魯燕輒陳口號上贊顏行辭曰新陽燕瑄  
已浮灰昨夜珠從合浦回曉日驚旂新竹契春風龍  
炙古蘭陔青源別駕斟丹出碧落仙人醉玉梅來歲  
五更三點入直迎紅樂看蒼苔

請車太守

明梅蕃昨

文章世重一字等於珠璣治行名高萬方奉爲著蔡  
閉門因讀禮簡編不釋于手中對客縱論詩廊廟每  
憂於言外生成庶類微言能回輟學之春獎予後來  
多士願立三冬之雪門前桃李悉屬栽培水上蕙蘭  
更勞采擷捫心知感何日可以忘之誓命當捐沒世  
難爲報也欲假尊罍而展敬聊隨几杖以申情扇底  
仰仁風化清涼於一境舟前挹止水借游泳於片時  
倘不徇乎等夷庶無負茲勤懇申言尺牘引領軒車

請許太守

明連繼芳

伏以西封二千石領袖列侯南面一十城股肱名郡  
閭澤麗三江甘雨謾誇渤海當年薰風開八桂商雲  
便是潁川今日某鷄棲待罪鴻臚承恩候政府之遑  
借閑半日過賓筵之重密過二天欲獻野人之芹景  
有清風堪作主冀親君子之范詩歌湛露好延賓一  
部蟬音競騰聲而供鼓吹滿城槐影齊獻色以展瓊  
茵願金母借問一更願玉山河須問夜



古今濡削選章卷之三十五

豫章李國祥休徵甫

友人鄧文明太素甫校閱

外府二

賀建寧葉倅

宋劉克莊

守相之官謂之按察子男之國責以拊摩諭瞻半刺之尊冒贊一箋之敬某官文配古作經爲人師世無仲尼不在弟子之列後有楊子必好太玄之書凡平生學問之所通多往昔儒先之未發素行乎而士論定新義出而紙價高晚自江湖來游學省羣仙指點

東瀛選章卷之三十五

宜順風進蓬萊之舟丞相挽留乃拂袖去平津之閣繫以千駟而不顧挽之萬牛而莫迴暫管領於溪山且平章於風月然而別駕長史恐有待於賢才國子先生烏可免以吏事佇膺號召入近禁嚴伏念某見擯儒家嘗謀邊事短衣射虎不願萬戶侯之封精舍讀書寬作二十年之計因高堂之有母求小邑以謀身近悉傳聞始知敗壞未嘗讀律既非几案之才素不言錢安得錐刀之智自量之審何恃而前豈無矯強自勉之心深慮能軟不勝之譴雖世無冷鑊咸嗟作縣之難倘府有急符尚賴監州之庇

賀魏倅

宋周行可

疏恩玉殿半刺金城邸報所傳輿情惟愜况昨際之所逮尤鼓舞以知歸恭惟某官器略宏深風猷秀整凡周旋當世之務皆從容適時之才當宁春隆欲共濟中興之舉題輿望重姑試觀開決之能歷數前世之英雄多由此塗而施設矧茲潮郡自昔瀛洲嘉禾宛然韓昌黎之舊德豐碑屹若陳文惠之高風允藉鴻才庶攀賢躅穎方自露展驥足于海隅席想未溫來鳳書於日下顧茲冗品幸足下風特遂是趨預深雀躍

東瀛選章卷之三十五

賀趙益齋二守

明唐文燦

伏以義方傳 帝闕已膺一命之榮褒慶祚集仙問方迓九齡之永錫况繼志能恢夫德業斯寧神足固其真元孝擬白華奚事斑爛娛老妙踰丹藥自應碧眼還童兆春秋八千歲之徵與郡邑百萬人之祝某托綠連署附屬通家挹棠茷之仁風共推聚順瞻椿庭之壽曜遙擬承歡雖繁官難綴於賀班乃馳使可通於宴席特絨篚幣率部吏以奉將聊代樽醪陪鄉朋而進獻勒狀效南山之頌抒情引下里之歌願尊公大耋臻於期頤不盡餘季直與商彭比筭期寅丈

清街陟於廬峻無疆後祿尤隨梁國留名

賀李二府

明李國祥代

伏以題坐端寮展驥播芳名於半刺分麾別駕化鯢  
攄茂績於二藩驃昂千里之能風鵠三春之氣守資  
羽翼民藉幘幘恭惟臺下識度閔夷材猷疑遠屏星  
借重嚴明足屈時英風月平分豪邁自超羣彥接版  
荅拜寧來嗜蟬之憂伐鼓窮歡業遂登龍之願既分  
珠不買儼乎貞肅之高風解佩是符展也休徵之舊  
德中和既宣布於下地聲譽自吹嘘於上天泥軼之  
章無多秉鈞之對有驗某蟬蛸小用芻狗弄才方隘  
東瀛別選章 卷之三十五 三

玉笋之班遂厠芸香之閣仍勒仙傳以暇寄聲雖幸  
止雪迴風微惠鴻恩于天造乃魏甌特惕日竟踈燕  
賀於屢成爰通魚素之書用代

迎黃二府

公曾為黃二府

明李國祥代

伏以湖北棠陰四邑誦仁陶于去後沅南竹隊萬姓  
欽德曜于來重坐嘯白鹿隨車臥治黃龍望府華分  
宦游末屬喜騰鄉聚後生恭惟某官秀峙龍門英飛  
鳳穴綴珠花于九曜森玉葉以五雲釋褐章江空驛  
騶之羣而獨驟題輿與楚服培杞梓之林而並榮  
甘霖 封部屋以春膏 福星 照湖汭以卿霽  
夜嚴惜燭朝慈揚蒲向以讀禮東歸鵲擁車以一借  
今而從吉北上鸞解佩以再臨載見草木色飛寧曰  
赤蒼呼震某賦質款段託植枌榆製錦久有負乘之  
羞譽石倖無禡服之失因緣吏邑龍登指慶于遭逢  
眷注卿人鳳舉將深於提拂大明私照何殊雁託霜  
風元造曲成實數蘿依松幹敬遣一介行李恭迎千  
里屏星伏願過矣張旌霖隨入境以起凋瘵蚤焉就  
署風生蒲座以慰馳懸

東瀛別選章

卷之三十五

四



同張倅賀生

宋劉克莊

病叟歸田不記劬勞之且故人監郡忽貽愛妙之音  
托之新腔華此暮齒恭惟某官風韻濯濯之柳辭章  
藹藹之雲同時宰中牟宰密縣之流兢着鞭而速化  
歲晚相江都相膠西而去獨佩玉而徐行挺然松栢  
後凋之姿念茲蒲柳先零之質特絃廟瑟加賁門弧  
分風月之笑談起烟霞之痼疾樂府有將雛鳳真堪  
補舊譜之遺貧家無轉春鶯竟虛辱詞人之惠欲伸  
銘激不覺囁嚅

同鍾倅賀生

宋方雲翼

東坡先生集卷之五十五

五

男子榮達嘆如君之已老外孫壘白倚乙乘之多情  
圭復再三珍藏什襲恭惟某官兄之難弟吏者鉅師  
堂堂相國之風期清標似玉璫中郎之手法健筆  
如山稍試活人之一斑深得摘翰之三昧惠而好我  
何以報君某自撫頽齡求懷盛意官情聊爾去還方  
山子之古冠人世幾何請覓鍾離翁之仙訣其餘心  
曲悉俟面陳

上交州崔長史

唐駱賓王

側承豐城戢耀駭電之輝俄剖沙丘蛇跡箭雲之轡  
載馳然則激湍侵星佩潛蛟於壯武騰鏢歷塊騁蹀  
駿於咸陽且煦微波麟側羨鼉潭之躍觸籠雲翼局  
望鵬隅之迅是以齊郊夕唱牛歌揆白石之詞漢境  
朝趨軍候驚拂塵之思伏惟某公騰瀾浴景濬靈派  
以含珠擢翰梢雲翊淮嚴而聳桂崇基壘秀匡霸道  
於周盟茂緒聯輝贊文場於漢威偉龍章之秀質騰  
孔雀於馮年叶鳳彩之英姿辨蟾精於弱歲靈臺宏  
遠聘霄練於霜潭策府幽深絢朝虹於壁渚心波湛

東坡先生集卷之五十五

六

漢詠魄曜於黃陂情岳于天愠風雲於稽嶽龍津共  
濟競忻登御之車蕪室欽賢必覽澄清之轡辭文條  
而耀彩藻逸潘花曄詞峰而銜價光浮衛玉然則昆  
溪既琢必見山川之精樹羽已懸行嗣雲韶之響是  
以佐龜陰而演化務肅萬城翼麟壤以宣風恩覃千  
里微猷克著逾盛德於休徵聲績聿宣軼規模於恭  
祖佩呂刀而劭美目贊褰帷之遊屈龐驥而流芳將  
叶順風之問加以側階引彥鑒宋子之微言倒屣迎  
賓辨王生之雅量故使圓流之下探照乘於長波高  
岫之巔剖連城於幽石某瓶簞小器鶴蚊末品斜帶

嶧梧戢。唏陽之厚德。旁隣汶。慕賈時之貞。勁直以容膝。一丘曲阜之瓢。遽切枕肱。五畝成郭之壁。已勞擔石。厭於糟糠。負薪疲於稷。穡然則以奉過庭之訓。長趨克已之方。弋志書林。咀風騷於七思。情義圓偃。圖籍於九流。洒惠澤於陽波。屢泛文通之麥。峻曲岸於鶯谷。時遺公叔之冠。雖不能縱逸。韻於霜。皁。喚野致九天之響。而頗亦蓄餘芬。於露薄垂薰。有十步之芳。而乃思迹魯鴻。悲荆山之抵鵲。遙鳴韓犬。歎稽阜之橫梁。方今玉管驪秋。金風動籟。吳宮歸舄。望陰岫以依遲。素林反鴈。候朝陽而低舉。羸金味道之子。

東漢書

七

候纁帛以彈冠。屑玉含毫之人。望弓。而曉足。竊不揆於庸識。輒輕擬於揚庭。所冀恩波。咳唾。簞。分其斗水。濟濡沫之枯鱗。惠以餘光。賑居之寒。又得使伏櫪驚蹇。希駢驕而蹠足。竄棘。而。刷羽。則捐軀匪。碎首無詞。雖復投報。楊。子。以之貽惠。効誠魏草。小人之所懷恩。輕瀆威嚴。懼深履尾。載塵聽覽。迫甚蹈水。謹啓。

上兗州張司馬

唐駱賓王

某啓竊聞網澗緝裳。係指雲於偃蓋。排虛止棘。附絕電於織離。然則左右爲容。鏘金有階於蟠木。無因而

至按劍致懼於連城。是以賃牘十榮。發仞資於禽息。求光抱燧。束髮濟於于。髡伏惟某官。瓊峯聳峭。儼職觀而爭峙。瑤派驚瀾。泝天潢而北。濬漢臺引路。夕翊浮雲之陰。晉閣垂璫。朝暉文星之苑。劍池濯彩。耀震德於渥津。弱水摘祥。炫離精於丹穴。辨懸瞳於朗鏡。聲自鏘年。對似魄於虧陽。光乎弱歲。言阿激箭。浴紫貝以飛湍。情岳驚峰。蔽丹霄而傑峻。文條擢秀。韻縉紳坂之幽蘭。筆苑揚葩。曄小山之丹桂。松飈結韻。縉紳藉以雌黃。崑電流光。通賢資其月旦。於是佐褰帷於魯甸。威聲列藩。匡露冕於梁陰。恩覃絕境。緝諧麟甸。

東漢書

八

下白鶴於仙庭。輔弼晃郊。重黃金於帝里。加以獎拔。幽滯汲引。英髦錫以吹噓。暖燕郊之陰谷。延之顧盼。焰漢園之寒灰。某篠派庸微。桐巖賤伍。託根鄒邑。時聞闕里之音。接開雩津。屢聽杏林之說。加以承斷。緘之慈訓。得銳思於書林。奉過庭之嚴規。遂容情於抗。圃方欲閉門却掃。養拙以終年。幽遁鑿其貧而卒。歲直以栖遲五畝。獲鷦鷯之數粒。蕭條三逕。置侏儒之斗儲。雖則放曠。林泉頗得閑居之趣。而乃寂寞蓬戶。唯淡色養之憂。是以望檄動容。慨南陽而聞寂。祈名風駕嘆郢路。不依遲方今。京秋屆節。嚴飈扇序。衡



陽極浦振朝音於負霜寒皇起旬驚宵吟於靜野弓  
旌之禮斯及辟聘之際是期不檢庸愚輕斯自衛所  
冀分其末照惠以餘波得預觀光全由咳唾倘雲鑣  
釋綬申其漱玉之音霜匣開輝照以盤蛟之影則陰  
山之雀敢懷食藥之心漢東之蛇期致投珠之報不  
勝窘迫之至謹啓

上齊州張司馬

唐駱賓王

昔者薛邑聞歌揖馮諼於彈鋏夷門停駕顧侯廐於  
抱關何則志合風雲戴笠均乎乘馬情諧道術忘筌  
貴乎得魚是以挹蘭言於斷金効蓬心於匪石庶清

哀鴻別選章

卷之二十五

九

音動聽賞流水於牙絃妙思通神叶成風於郢匠伏  
惟司馬公疏源白水浸地軸以輪波纂慶黃軒感星  
精而誕命綴珠華於七耀聯玉葉於五雲至天神石  
呈祥靈鈞表貺千年馭鶴振仙駕於帝鄉七葉珥貂  
襲榮光於戚里固以紛綸國牒昭晰家聲泪平鹿走  
周原相秦國以興霸蛇分沛澤翼漢運以基皇常山  
王之玉潤金聲博望侯之蘭薰桂馥羽儀百代掩梁  
竇以霞褰鍾鼎一時罩袁楊而岳立固得重規遠鏡  
湛月竚以流清茂趾遐鋪架雲門而摧秀公承英輿  
藻五色以凝華顯曜驪泉含九重而流潤風情疎朗

霜明月淨之姿氣骨端嚴雪白水清之槩若乃性符  
神授道擅生知挫三端於情峰朝九流於學海博聞  
強記辨晉國之黃熊將聖多能識吳門之白馬言泉  
漱迴驚瀑布以飛瀾文江澹清含濯錦而翻浪鬱槐  
市而增茂穆蘭室以流芳於是祥鱣應符觀光上國  
飛龍成卦利見大人搏羊角以垂天展驥足而騰景  
翼化二郎挹敬祖之清廉光贊外臺陳君回之亮直  
推公平而折獄磔鼠謝其嚴明擁端慙而行仁化地  
慙其智勇加以清規日舉湛虛照於水壺玄鑒露凝  
朗機心於水鏡謙光自牧恭已愛人片善必甄揖虞  
翻於東箭一言可紀許顧榮於南金但某疾抱支離  
材均擁腫進不能握蘭分竹綰銀黃於雲臺退不能  
絕粒茹芝煉金丹於地肺而出沒風塵之內漂淪名  
利之間知無毛薛之交仕乏金張之援塊然獨居者  
一紀于茲矣然而日夜相代想溝壑之非遙貧病交  
侵思薛蘿之可託尚欲乘幽控寂追夏黃於商山樂  
道栖真從魯連於滄海豈圖語默易爽心跡難并陟  
橋之恨愈深攀桂之情徒結是用絕心乾沒耽閱丘  
墳謁子將於南荆訪康成於北海西遊梁益効司馬  
王楊之風東入臨淄慕淳于管晏之智瞻言前古徒

哀鴻別選章

卷之二十五

十

欲思齊俯惟當今空勞懷刺不意雲浮楚潤霜落鍾  
鳴揖郭泰於虛舟有道斯世賞穠明於微俎盛德猶  
存雖雅調清歌誠寡和於郢路而庸音濫吹竊混奏  
於齊竿輕課撮囊揄揚盛德庶幾金波離畢零陵之  
石自飛瑤光建寅蕭丘之火暫熒學慙麟角德輕鴻  
毛愧汗如漿憂心若厲謹啓

上高長史述和詩

唐李嶠

某啓近於錄事參軍杜延昌處伏見公秋月遙想洛  
城十韻之作曲中之妙傳乎郢客之聲天下之珍得  
自隋侯之掌鳳鳴六呂龍文九光駭屬奇觀相趨動

哀鴻前選章卷之三十五

十一

色若乃政理餘隙翔翔多暇臨八水之高秋企三河  
之上國衣冠濟濟入青瑣而步丹墀車馬誼誼下銅  
衢而赴金谷人物仙舟之會風塵俠宦之遊莫不屬  
想心目託情誼詠九迴靈府遙馳雨露之郊千里神  
畿近接風雲之思雕文將錦綉同美惠氣與芝蘭等  
馥用迥秦肆懸轡呂氏之金持入周京卽貴洛陽之  
紙足使兩都賓主羞談翰墨二陸兄弟耻論詞賦况  
者可作賈生爲入室之徒來者難誣潘子得扶輪之  
地某學異通敏才非沉鬱刀筆爲吏趨馳之歲月已  
多黼藻成文雅頌之風流尚缺平原從者終懸入楚

之遊翼里門人空積後陳之歎徒以夙承光彩早延  
提拂曾將薄伎見知思以庸音自効輒忘罔陋敢有  
和歌登卜肆而論寶人襲門而撫節擬託非倫揣塵  
增覲謹啓

別駕赴任上師座

宋周茂直

結綬登畿舊嘗瞻於簪橐題輿佐郡今復隸於旌麾  
永懷上國之游彌切高山之仰恭惟某官羽儀碩望  
藩論閎才氣儲五緯之英華識冠九流之津涉聽履  
星辰之上嘗坐總於銓衡運籌帷幄之中猶與承於  
密旨彈壓治優於天府幹旋計裕於地官久殫告后  
之猷旋領牧民之寄金陵天塹鍾阜龍蟠守鳳鑰以  
居畱握麟符而卧護民嬉樂土闢千里之耕桑身作  
長城壓萬屯之貔虎佇席綵綸之寵復歸喉舌之司  
某久潤風猷幸依條教賜屏以彰有德正賴隆庥持  
板而拜於庭願循故事長巖在序庾伏云初斬加護  
以鼎羞用仰毗於膚眷宜移入各

哀鴻前選章卷之三十五

十二



侯衡郡二守陳肖崖公

明魯光魯

某備員下乘稽首崇臺生平願識韓荆州心懸鳳閣  
此日得逢李司隸望溢龍門况隣斗極之光欲竊天  
河之潤仰惟門下秀毓清漳文鳴八郡騰翎翔碧漢  
咫尺風雲叩 命自彤庭依馮日月兵民平馭威惠  
竝施行李惟一鶴自隨清浮駢駕投醪而三軍共醉  
煖動戟枝皂蓋拂紅曦掩映湘流之曙朱幡搖紫氣  
撥開衡岫之風佩犢帶牛四民樂業含哺鼓腹萬戶  
皆春且加惠乎菁莪遂留情於桑梓階前細雨不嫌  
握髮履蒼苔座上和風却許揚眉聆白雪津津提示  
東瀛選章 卷之三十五 三  
終身比作韋弦浩浩生成報効敢忘狗馬祗修候楮  
少布謝私不盡瞻依統惟照亮

譙丁貳守

明吳守道

伏以侯封千里歡騰五袴之謠我獨二天矜誦萬間  
之庇辱下交之召節爰上壽以稱觥冒貢鄙辭僭干  
鈞聽恭惟某官荆楚全材之傑出海岳間氣之雋生  
雁塔蚤題詞藻逼歐蘇文鏐牛刀初試循良追卓魯  
芳踪繇劇邑之割鷄晉鉅邦以展驥飭戎伍以樽俎  
而折衝拊黎元戒繭絲而保障花底有牛羊之卧物  
阜民安簷前無雀鼠之紛政閒訟簡用是頌聲作於  
六邑借寇情深褒書頒於九重徵劉期迫者也某往  
佐湖陽叨員備於末品茲還故土實齒列於編氓禮  
隔 分甘臣僕幸魯公不遺故舊爰及朽衰顧野  
人 至尊式薦芹曝謹洎本月某日山肴野簌列  
清芬聊申孝養堤柳園桃呈艷媚茂對韶華與憑眺  
遠敢云風月平分景入題評庶禪山水大好祗俯台  
階以待命欽瞻旌旗以歡迎觸賔尊嚴曷勝戰慄之  
至

元節請石三守

明連繼芳

竊以一年初望天磨玉鏡似珠圓三五良宵市剔銀  
燈如錦咲四海兄弟祈照臨之最先三斗醞醕圖奉  
將而可後恭惟某官璠姿雪鑑皎操冰壺光霽襲人  
陽和潑地惟是金吾不禁玉漏無催此正歌聲入雲  
之景而亦放光花雨之期勸桑蚕春繭薄張膏粥之  
筵勅花蝶夜蛾迎導旌旄之泣東君弄春色請觀燕  
駕之山明月逐人來如闢虹橋之路金鳧銀燕縱微  
唐殿之臨光羽衣霓裳或演廣陵之逸响宣闌無分  
晝夜遊人不辨東西官街一路種金蓮不數花開琪  
古今類事卷之五十五

卷之五十五

十五

樹客座滿堂鏗玉珮恍疑人在蕊宮曠世此奇逢觀  
燕喜者美同僚之賓主元宵真美景聽鸞和者賀同  
樂之官民請歌湛露之章拱候降

燕巡塩查盤曾都丞

明吳守道

伏以掌戎政于大邦夙欽郡司馬之芳譽握憲符于  
下邑丕揚臺御史之先聲綜核精明紀綱肅喜福  
星之懸象一路快瞻拜甘雨之隨車四臯歡洽茲蓋  
伏遇某官振宗聖之族望嗣名賢之家聲問學淵源  
負弘毅而任重遠政經傳襲操潔矩以運治平持三  
尺以理武林覆盆兼照別一乘以臨撫李闔部御恩  
比命台駕以巡行申飭鹵政之功令觀風案吏治儼  
然攬轡以登車導利養民生奚詠聞韶而忘味試觀  
持節之風度因規調鼎之規模者也某憶昔聯名雁  
塔幸叨兄弟之行迺今傳檄烏臺宜執臣僕之役茲  
臨關水率兒童騎竹歡迎令布和陽慰父老杖藜承  
聽業賢勞于王事式公舉以賓筵謹卜詰辰恭摯  
從撫朱明景運坐挹南薰敢云叙同升之舊契聽紫  
極御音頒來西越竹膺特召之新綸

卷之五十五

卷之五十五

其



請史郡符

明姜夔

竊惟黃鳥多情。愁見春山積雨。青尊無恙。邀來夜月。飛觴長卿好去。成都季子榮歸。維下親交拭目。遐邇破顏。緬惟門下。命世奇材。昌時大品。雄心一片。平生操慮恒多。苦節十年。壯歲風霜不少。造就類商家之版築。登庸則莘野之招求。用能鵲起神州。龍驤天路。爰燈甲影。竚看吐氣揚眉。屈首受書。會觀揚旌建鼓。洵所謂中興之豪傑。而憤發之英雄也。不肯淪落一身。貼危七載。逢人短氣。何殊下坂之羊。遵彼畏途。豈異負羈之馬。世上許多青眼。眼中何有斯人。而門下

京漢書

卷之三十五

十七

始緣貧賤之交。繼托蓀蘿之好。當年頭角。猶然兄弟。頗行此日。瞻承頓爾。雲泥蒼莽。自分見刑而掩涕。難同媿。以攢眉。願冉冉年光。轉盼便成。今古悠悠。世路徂。幾度。襟期若為。駟馬之壯遊。我復擔簦而浪跡。升沉各致。離合難期。謹詹十二佳辰。用効千秋雅集。吹笙鼓瑟。謬承宴享之儀。白酒黃鸝。終咲布衣之飲。倘辱干旌。至止。曷勝踵趾趨踰。

賀處州詹通判

宋陳耆卿

十行楓陛。半刺括山。當聖君重外之時。誰屬佩刀之贈。屈賢者治中之任。行觀岸幘之吟。和氣先春。驩譔不夜。某官氣涵釣瀨。學派象山。鼻祖當年。成績具臧。於勲府耳孫。此日正傳丕號。於名家人。方眩鬻以致身。我獨盤旋而卻步。兩願劇縣。惠利川流。一佐名城。聲華風動。會期大用。合有裏言。屬逢黃霸之作州。又柱孔恂於監郡。馨香二妙。覆單一同。甫傳徒御之環。臨已覺旄倪之鼎沸。上方領俊公合舒翹。雖遐遐不保於戚休。然出入頗關於輕重。題輿閑暇。固共知逸

京漢書

卷之三十五

十八

思之長推。較紛綸行。即聽褒音之渥。某家無長物室。有餘書甚思。菽水之怡。愉無奈風木之蕭瑟。少馬豪勇。眼邊僅脫於千秋中。也情懽意外。方叨於一第末。哉行李。壞若負芒。蓋平時未慣於討論。則今日孰為之憑藉。憂勞百日。幸會二天。精神未決於春陽。肝膽已披於夜月。非四海習鑿齒。豈能引領於古風。遇百里龐士元。或可伸眉於此日。脫免于戾。敢昧所歸。

賀通判

正日

宋戴翼

曆日頒元。忻降三陽之泰。屏星增重。懋膺百福之升。式對昌辰。脩飾華頌。共惟某官。炳炳文章之鳳。振振

仁厚之麟聞望顯昂胸襟冲粹共仰泰山北斗平分  
露月光風屬鳳紀之更新宜龍光之昂至歌騰康海  
想驥足之難淹詔下自天佇鵬程之直上某幸依厦  
屋倏轉春規無階修敬於壽觴謹用披誠於慶牘春  
生別駕薰陶分屬邑之輝日奉辦香耆艾頌閭官之  
詠

賀通府

正旦

宋方岳

閭闔開黃道聿新鳳曆之元燕寢凝清香誕輯虎符  
之瑞春融葭管頌浹椒盤某官氣涵玉燭之和識造  
璣衡之妙昔無襦而今袴汗青過紀於竹書言如特  
出綸泥紫已塗於芝宇地天交泰朝野所需某三  
見姬訾一歸塊北雲深戟衛涼鳴瑤璣之之春日轉  
觚稜覲鏘珮雞人之曉中和氣

東坡先生集

卷之三十五

十九

賀張三府

明李國祥

伏以紗籠人品試展驥於題輿泥軾仕榮欲化鯢於  
解佩呂材將秉其樞軸王與每寄乎風烟半刺寧曰  
雄飛二守猶爲鵲起共惟台下規摹宏遠醞藉醇溪  
久載休聲宜躋華貫高蓋魏軒之一丈齊玉軼而同  
馳璽書魚袋之雙函瞻金鑒而並感蓋惠政單布煖  
黎庶以三春之風猗績峻標沛合郡以六月之雨故  
分麾共領南門之鑰而簪筆終歸北闕之天某天與  
冥頑人誰料理但欲謝諸生於雲泮期稱吉事於蘭  
台故爾缺問桑麻猶自洽恩門戶不勝雀躍於卯翼  
東坡先生集

卷之三十五

乃勤燕賀於慶成



賀通府考滿

明喻世卿

恭惟閣下衣冠望族詞賦雄才秀掇天香價增楚璞  
朝廷廉采欲留鳬舄以居中執事躊躇願展驥足而  
補外分鑣漕路操出納之定衡弭節農司去徵收之  
宿弊省耕問稼視民饑猶已饑斷獄明刑處官事如  
家事屏星已覩于南服紫氣復瞻于東關步綴舊班  
名移新檄奕奕佩刀夙著公輔之望煌煌泥軾用彰  
賢德之臨六雄置品拜命三回兩仕題輿書勲九考  
清風明月載平分裂名城而共理高蓋華軒倖一丈  
牛刺史以齊輝方偉績之告成屬喬遷之在竹某叨  
榮仕宦竊懷超軼之恩等分耆黎忽灑攀轅之淚齊  
州鶴去長隨綠綺琴邊燕市駿來合置黃金臺上海  
邦寧久借乎王祥徒念神明別駕宣室卽遙歸平賈  
誼首膺褒擢寵綸感慕惟深頌賀罔既

東瀛別選章

卷之三十五

十一

賀盧紳毅別駕壽

明連繼芳

伏以日行北陸福曜肇於東陽山咏南臺壽域平西  
嶺拜手稱觥縈情祝雀恭惟某官鳳穴池毛龍泉斗  
氣七年漳令尹人快祥鸞三載桂司農吏遊碩鼠維  
是丑建地統申降嶽神徐麟瑞于九天隨驥展乎千  
里夫子爲委吏道在會計之中宰相領度支心遊錢  
谷之外惟屏星之借重使瀕水之安流愛日字人煖  
過仙翁之吐火熾昌俾爾壽來老子之呈圖五城十  
二樓天上神僊綿玉籙百年三萬日人間甲子弛懸  
弧某夙借隣光有異邦子民之義今分厦庇聯同僚  
兄弟之情莫獻安聚於仙盤惟仰璫桃於漢殿所願  
五桂一椿棠棣金梓橋之秀萬有千歲魯頌禱僖公  
之齡跂賀心馳箋忱緣短

東瀛別選章

卷之三十五

十二

賀張三府生子

明李國卿

伏以虹樞表異正合璧之騰輝熊夢開祥喜明珠之  
在握權傳屬邑慶溢克間恭惟台臺仁毓蒼黎德濟  
玄貺式歌且舞民翔召父之謠俾熾而昌天寵西平  
之胤玉骨與秋神並爽朱弧將彩綬同華磨一角而  
啓地符頌振振於公子鳳九苞而宣天籟歌謠謠於  
王朝豈數探環仍看取印某望黃華佳氣莫陪賓履  
於湯筵祝嶽降靈肅祓賀函於記室仰祈崇炤不  
任忭忻

謝賈朝奉

宋蘇軾

自蜀徂京幾四千里携孥去國蓋二十年側聞松楸  
已中梁柱過而下馬空瞻董相之陵許公之墓雖不負  
橋公之約官游歲晚坐念涕流未報不賞之恩敢懷  
求歸之意常恐樵牧不禁行有雍門之悲雨露既濡  
空夫太行之望豈謂通判某官政先慈孝義篤友朋  
首隆學校之師偏次訪里閭之耆舊自嗟來暮不聞  
拔薤之魂尚意神交特至生芻之奠父老感歎桑梓  
光華深衣練冠莫克垂泐於墓道昔襦今袴尚能鼓  
舞於民謹仰佩之深力占難盡



回諸郡通判

宋方雲翼

逆鱗罪大分一壑之歸耕鴟牡命優奉六條而同俗  
愧乏單車之風采及煩別駕之情文得之悚然匪以  
報也共惟某官才猷粹美器量宏深管領溪山付政  
事於遊戯吟哦風月特翰墨之緒餘暫監無繇之州  
有垂展翼之望姑令平進萬戶侯何足道哉若曰斜  
飛三十里斯在下矣願宏遠識式究雄圖某觸熱亟  
行觀風何取傳檄雖笑相如之陋埋輪亦無孟博之  
豪使臣禮樂有光豈敢憚驅馳之力長史議論爲職  
僚間相規益之言三復深藏七褒莫報

宋方雲翼

十一

回興化軍趙通判

宋方雲翼

伏審緒次某丘平分蒲壘親賢望重合班廣內之羣  
鶴宦達趣廉又作治中之別爲先施寵甚後賀懷然  
恭惟某官龍種殊常鳳毛濟美鍾筮澤山川之秀望  
之蔚然提鑑湖冰雪之香冽其清矣憶監州於歸水  
縉奏最於屏星行矣十周依然半刺仕罔係於工拙  
理亦有於棄除八面壺山少借平章之手九街禁路  
便爲清切之官某分編滕廬偶居漢部擬繼侯矣况  
用之鄉人焉題與勉旃敢告于執事者薄言問訊不  
究按裁

回台州章通判

宋鄭厚

伏以挹水壺於姑蘇暑消六月駕星屏於仙陸祥應  
三台邂逅適我願兮離合非偶然也門方羅雀書乃  
寄鴻公定不凡人應該見恭惟某官風規楚楚天宇  
融融扁舟往來飽挹湖山之清絕環轍遊宦熟諳閭  
里之艱難於今正當機外出車之時斯人可淹治中  
別駕之選仕不擇地志欲濟時滄海赤城豈在樓月  
標霞之樂海雲山澗正望作兩潤物之功何幸受屬  
亦需餘澤某幸脫重負倦還舊巢無事不到城闕有  
恃可安田里丈夫之展驥足豈久此乎漁父之尋鷗

宋鄭厚

十六

盟良可托也倚觀報政相踵馳緘

回于通判

宋鄭厚

谷口煙霞我方輕去邊頭風月君欲平分忽焉相會  
異鄉恍然如在同里喜可知矣報何如其恭惟某官  
吾社奇男高門秀種少從令公征伐蚤著駿聲胡爲  
士元聲名尚遲驥足曠懷絕俗有句爲人自謂拔筆  
取萬戶侯居然題輿遊一沙渚捨魚而取熊掌相去  
幾何維鳩而居鵲巢其來已久塵生虛席雨暗重茅  
曠聞沉軾驅馳安有星屏氣象人所奔者公乃惠然  
得非天誘其衷密假風寒之助只虞借運即便趨裝

某作別五年阻修尺紙頃聞傳命謂鳳凰之斜飛堪  
笑分符若鷗鷺之有約望霓其澍滌暑清風何礙賦  
詩望眼江山之外正須共話折衝樽俎之間淨掃瘴  
廬肅迎車旂

回高通判

宋方岳

父老何自爲郎起而予郡天子使來監汝偉甚題輿  
曾分風月之平共倚江山之重恭惟某官三蘇公之  
翁李四蜀郡之精英航滄源而東南本朝無出右者  
旁觚稜而上下別駕寧可再乎豈不以吾民之袴襦  
政欲爲此邦之襟帶春臺樂只秋觀邁哉不佞駕行  
東瀛別集卷之三五  
亦頗哀老子否徑排闥入得無呵醉尉耶蓋以某生  
而草茅老於荆棘耕寬閑釣寂寞吾亦自安其天履  
巉巖披蒙茸道之不行也命豈意白雲之深處有來  
黃紙之除書辭不獲而敢前誰則恃而不恐有監州  
而無蠻何樂於予得尺素而烹魚以喜爲懼未盡山  
林之習氣尚惟襟度之包荒

代施倅

回邵州王倅

宋李劉

襄緹命駕別綬露章湖南二郡之豪雄今稱第一江  
右諸王之奇俊願屈平分下車之初載路相慶慕惟  
某官典刑炳蔚才諳浚明梗枏大夏之材久於登壑

瑚璉清廟之器何乃潤山滿期留中選又補外闕爲  
資水尚存漁父之滄浪匪直海沂可養公台之度量  
飛騰由此翹企埃之某再轉無庸同寅有幸託交承  
於隔政不但爲瀟湘之故人話契濶於期年渾未隔  
京華之舊夢問兩鴻鵠諒歸詔之鼎來遺雙鯉魚覺  
報章之不腆



答張三府

明李國卿代

伏以驥展芝城幸圖蘇旻之覆駕驅雲谷澤應漢代  
之循稽首登嘉捫心轉應恭惟台臺秀鍾水祥發  
鳳游厚德豐材載六鰲於巨海今人古道一柱於  
狂瀾維宸遊鼎鼐之英特簡佐股肱之郡星屏散彩  
甘霖隨滿丹山朱紱彰華惠露覃延碧水祛靈若陳  
公祛鯁頌起神明保黎類賈父保嬰功參造化詎謂  
福安復私德曜良庖制割四顧而目無全牛妙指調  
絃一拊而音成鳴鳳甦膏肓於赤子幽谷春回勵節  
操於素絲寒潭秋潔豈直軼王祥之駕行且佩呂虔

東晉書卷之三十五

十九

之刀布武雲霄揭光日月某忝塵陪隸叨附榆枌三  
載拮据徒羽翮而尾敝一朝薰炙倖植仆而導迷獲  
與考成總歸明賜政恩酬恩之無地翻驚寵賜之自  
天珍玩錯陳宛矣商彝周鼎玄黃璀璨居然華衮繡  
裳誼極凌嵩感深測海第山陬匏繫末由虎拜以揚  
休而台斗葵傾遙托鳬鳲而佈謝效陳罔罄所鑒維  
殷

上贛州周府判

宋戴翼

伏以地控二川喜際名流之分月官早一尉幸階屬  
吏之趨風方圖伸歛板之恭烏敢緩資雨之禮編摩  
尺墨披瀝寸丹恭惟某官嵩嶽佑賢雲川毓秀捕龍  
蛇搏虎豹環語驚人騎麒麟鳳凰清標照物舉芳  
在苑濶步華涂錦刀奏最於男邦泥軾馳聲於侯國  
當促待九重之禁胡復煩半刺之才蓋海沂資康人  
之功而岳牧藉保釐之助江山借重章貢之桴鼓不  
鳴風月供吟鬱孤之臺榭益煥福被千里謠興十同  
雖邦人願少借於王祥然天子已深思於賈誼跨九  
萬里扶搖之運佇快鵬圖駕四千石別乘之車詎淹  
驥足某醯雞小見芻狗棄才家貧而笑饋粥之無由  
技拙而藉詩書以爲業

上福州鄭通判

宋劉克莊

通家累世業欽月旦之評作吏一行客竊星屏之庇  
非有善事上官之智寧無喜見似人之心問戍云初  
登名惟謹某官清規濟世峻閎庠學問源流龍首  
親傳於衣鉢風流醞藉鴻樞近襲於箕裘自衣絲以  
游殊庭迨縱軛而登榮路婉婉贊外臺之畫翩翩題  
別駕之輿豈遯矣海沂驥展復須於詳試意歸然闕

部鯉趨寧記於舊遊民方深鄭子產之思公真是房  
太尉之子又況昔司族邸今贊宗藩流風善政未久  
猶存多士國人皆有矜式問訊西湖之柳色栽培南  
國之棠陰惟先世有旂常之勲而執事真臺閣之彥  
豈容緹軾久勞州縣之間會取青瑣重複公侯之始  
某學焉不力仕也以忠陟帖恩深悟往日軒裳之夢  
循陔養切嗟暮年菽水之貧將謀就於斗升非自營  
於尺寸然尉在百僚之底顧身無一技之長悵悵造  
前凜凜淑後幸通守有粉榆之契庶下僚寬筆楚之  
憂雖藐是互鄉之童無與進者然生於通德之里終  
有賴焉或免于愆弗忘乎報

東清別墅

卷之三十五

卅一

上何通判

宋王邁

槐庭相種平分霽月於軟紅蓮幕陳人行挹清冰於  
瑤碧裁書寄鴈指日登龍恭惟某官千英萬俊之才  
名累相重侯之閥閱東以簪裳而不任力於翰墨以  
策勲衆作蟬鳴威鳳乃儀於玉簪文場蝸餌巨鱗肯  
上於銀鈎主司避出於一頭神人爲換其隆鼻盍卽  
布雲霄之武乃肯浣州縣之塵笑談鳴偃室之絃霜  
凝牛刃慷慨辨太原之檄雪滿貂裘人皆從憑於要  
津公獨夷猶而緩步星屏一駕日旬增輝題別駕之

輿卽蜚聲於紫禁寶耳棠之笏行出色於青氍伏念  
某地寒無媒天賦不腆偶圓得鹿之夢獲曉相牛之  
經平生耿耿者猶存與時落落乎難合初筮經行於  
湘水聊爾棲身至今悵望於衡雲不堪回首京幕成  
期之已迫書生宦譜之未閑賴昭代之偉人必垂情  
於同類箴規之以藥其失提挈之以玉于成仕大國  
從英俊之遊此心則喜事長官如父兄之側惟命之  
恭

東清別墅

卷之三十五

卅一



通黃府判

宋方雲翼

雅望監州美公有蟬謫材人泮魏我無羶行托迹於  
筭筮亟登名於朝櫝共惟某官江夏無雙之家世山  
谷第一之詞章早仕昭明文選之邦窺千里之老筆  
行徧子美吟號之地富一部之全詩殆邁泛近乎日  
邊盍筍班歸於天上諸公貴人之薦祝若浼焉別駕  
長史之官取何廉也維茲樵水介在閩江郡斗大雖  
不足回旋俗升平亦差堪行樂想平章於風月聊管  
領於溪山展驥治中緹軾之權增重列鵷廣內紫囊  
之鉢安歸某拙而無奇弱不自植子雲少作空令衆

東齋別集

世

口之傳浩然長吟多有轉因其志慮新米裏葛愁其  
心腸看花之樂轉希米芹之行良謬何以慰諸生之  
望幸而事通守之賢夜雨簷花敢作鄭老冷官之歎  
石泉松雪倘陪白公佳境之游依嚮方深揆裁靡竟

通臨安府判

宋王邁

楊柳江頭早跋雲霄之華閱芙蓉幕下晚依風月之  
清光公如喜見於鄉人僕敢自附於邑子裁書寄雁  
楮日登龍恭惟某官峻揭斗標清凌冰柱有祖餘烈  
宛然棠笏之猶新讀父一經應是籛金之不美早已  
結水蒼蒼而綴朝列必欲書淡墨而續世科衆作蟬鳴

威鳳乃儀於玉篇文場蝸餌巨鱗肯上於銀鈎主司

避出於一頭神人爲換其隆鼻直上宜薇階之侍斜  
飛亦蓬島之遊尚於京輦以監州見謂名流之借徑  
屏星漫爾不妨題別駕之輿台州燦然重見曳尚書  
之履發揮遠業振起家聲伏念某地寒無媒天賦不  
腆萬言一杯水少而空費於精神十步九太行壯也  
纔收於科第偶圓得鹿之夢免讀相牛之經平生耿  
耿者猶存與時落落乎難合初筮經行於湘水聊爾  
棲身至今悵望於衡雲不堪回首京幕戍期之已迫  
書生宦譜之未聞賴有偉人曲從鄉誼箴規之藥其  
失提挈以玉于成任大國從英俊之游乃心則喜事  
長官如父兄之側惟命之恭

東齋別集

世

通潭州吳通判

宋李劉

歌海沂之別駕無路事賢詠臨邑之卑棲消辰效役  
敢以尺書之敬徹於再拜之先恭惟某官地望尊華  
人門峻特冠切雲帶長缺夙超四姓之侯佩明月懷  
連城要是萬人之敵舒翹綠水展足赤城盍歸乎來  
何去之速峻溫洛滎河之直分清風明月之平邦國  
不空足表監州之績公侯必復益光著令之思卧而  
治之行且名矣某崎嶇白戰漫浪朱勾不卑小官竊

免塵埃之筆楚當詣大府尚希風雨之悵

通韓府判

宋林豈塵

名藩半刺夙懷仰德之誠賓幕具負預有依仁之幸  
雖鵷鵬之分異然草木之味同輒以寸忱寓于尺牘  
某官宗城挺秀雋域蜚英早奮亨涂九萬里風斯在  
下亟騰最績十二牛刃若發硎固嘗被交上公車之  
章胡乃屈治中別駕之任睠言巨鎮實控上流綱條  
全藉於贊禪談笑可空於盤錯齊山秋浦不妨風月  
平分漢席夜釐行即雲霄直上某受才甚下賦分多  
奇頃迄役於臺掌汗名於書府屬當逃谷詎意起家  
十載皇皇進寸退尺長江浩浩自西徂東造之姑詠  
於益糧敢云聘下白也願陪於尊酒時與論文

東浦別駕

廿五

宴翟通判

宋方岳

天子使來監汝其管溪山使君於此不凡且談風月  
醉我一壺玉熙然千里春其惟府判大音出則老氣  
肆兀奄畫溪無邊烟雨儘有佳遊退思鼎不盡經綸  
聊復小試未必一官落拓只今半刺翱翔長史雖老  
宰相材何當驥展丈夫安能州別駕遙已雄飛而我  
知郡及爾同寮幸茲合席西風擺撥不妨無蟹有監  
州北斗闌干何惜吹龍將進酒待歌興誦誇與樵人  
其辭曰

東浦別駕

廿五

肯駕緹屏入古樵熙春山更綠岩堯人如第二泉清  
冷路亦無多秋寂寥碧色玻璃共笑語山城斗大能  
留否黃雲擺撥入歌謠見說弓旌有特招

宴府別駕權郡

宋方岳

半刺史行刺史豈惟風月之分今將軍故將軍共正  
星辰之聚碧玉環以霖雨黃金印領山川歡奉壺觴  
相傳承鉢共惟交代書潛儀極劔躍龍津江夏之才  
無雙幼余有此奇志相川之政第一金何爲乎假侯  
瓜時近在一日間芝字非從九天下小徐王親有爲  
民留謂且握手出肺肝尚邀陰賜其將與帝作喉舌  
於赫陽光我知郡式開我龜乃發爾爵念生平之少



可無今此之佳逢舉扇障西風公母多問持盃勸北  
斗夜未渠央略駐皓歌試聽與誦辭曰誰作山城三  
日霖老天自識雨賢心樵溪留得琴龜住盧曲飛來  
笙鶴音綸緩泥香千里共袴襦春煖一盃深董風輦  
路重携手夜對金鑒月滿襟

古今四六濡削選章卷之三十六

豫章李國祥休徵父選法

友人周宗智海藏父校閱

外府三

賀權僉判李司法

宋李 劉

被命帥連屈參郡畫聞風已久幸分鄰壁之光易地  
此來良覺賓筵之重恭惟某官蟠根奕葉騰茂飛英  
古錦爲囊非瓦棺之奇詭飛霞有佩足金薤之光芒  
胡爲繡節之家猶屈墨曹之掾取青娥白諒必工進  
取之文汎綠依紅何足留軒騰之步此州斗絕每事  
東瀛別選章 卷之三十五 一

賀潭州趙察推

宋李 劉

下邑掾曹之卑謬茲祭竈上府元僚之重正爾秩筵  
妄欲托桃李之塲盍起敬芙蓉之幕恭惟某官身端  
行治學廣聞多禮樂宗英其賢城也遠矣詩書元帥  
以禮羅而致之湖南之客多賢姑紉蘭芷天祿之書  
當校行薄蓬萊某弄筆得官代耕求祿輕舟主簿柰  
何凌萬頃之茫叢桂王孫或者哀衆芳之穢

賀東昌王司理

公爲山

明李國祥

伏以捷鵲習翰楊詠高搏融水騰駒汗血蘇評遠舉  
台州卽天倫干束矢闢人鑒以懸冰初政宜人令聞  
蓋代恭惟其官監田結綠桃塞幾黃少慕折蒲振徽  
聲于破虜壯推濯柳標逸致以將軍風節俄然不羣  
天葩蔚矣驚俗翰苑將飛鸚鵡天池已待鳳凰嵐起  
弁山忽映緋光共紫波澄衛水頓浮綬色同黃出贊  
察庶綆納建封無忌入叅牧御暑移管輅忘疲定器  
韓琦真相是推若券僚風李肅諫臣見許如符服念  
旬時無俟梧桐刻像品題涇渭盡登杞梓成名大府

東傳制選重

卷之三十六

二

獨冠群能南曹首膺殊選題與非重橫榻是榮某擁  
腫下材荒疎末學一官疥燕半世春蠶往慕人龍除  
目傳荏苒有慰項展天驥瞻顏返沛無從紫芝不挹空  
生錦被都遮有賴無論去住摠屬生成轉收不在撫  
塵大造寧論去縣敬撫尺素客寓寸丹伏願仁風十  
地吹噓度稀棄物卿月三台照耀望厚登仙

賀漳州王司理

號震洪

明連繼芳

伏以法案對青天一道風清噓海嶠覆盆瞻白日三  
吳雪霽漾冰壺弼教以明刑得情而不喜恭惟臺下  
瑚璉英資泉阿神物締扯瓊峰吳嶽蔽武夷之景圖

基珠溜閭流沃漳水之波三千字縱橫宜盛之白  
之署二千石明允暫持平丹霞之平謂陽舒陰慘之  
微差則春殺秋生之迥別霜露無非教豈專嚴肅之  
威天地大曰生中寓孳萌之德聽訟何如尼父之無  
訟不寃莫如干公之無寃茂草鞠園靡大理有鳥巢  
之獄兵衛森畫戟平江凝燕寢之香某奉身西夷之  
人延野東谷之曜衡門之下桃李成蹊桂水之濱草  
木同味悒悒分萬間之庇鶴鶴借一枝之陰吟沫甚  
明詘班行而爲禮休靈殊渥望高景以低徊回首龍  
江叩頭鯉腹梅花幾點聊寄天地之心芹藻一腔用  
將沼沚之悃

東傳制選重

卷之三十六

三

賀承天尹司理

明夏 鵬代

伏以天眷帝鄉奉福躋而朗照民脩何幸微甘澍以  
釣滋光耀方城懽騰闔屬恭惟臺下六詔鍾靈三榮  
毓秀開談撈霧闢四照於詞林蘸筆迴瀾清九流於  
心鏡蚤年登甲第才雄北斗冠三巴特命簡與都望  
重南陽喧萬口朱旛迅擁頓披千里之仁風阜蓋飛  
臨遙飭五雲之春色茹冰蘂直逼清泉驅風騷不誇  
白雲士類揚芳而芬齒官寮望景以飯誠謨猷等壯  
於五華膏澤同濡於三峽固知握樞都要所受無涯



而任鉅肩鴻緣茲發軔某幸叨阿吏株守潞陽鶴幹  
獨棲慶有樾林之大蔭蝸涎自潤勤思瀚海之洪波  
策竹馬以前驅無由縮地仰琴鶴之戾止恒切瞻天  
敢披尺素於荒箋用展寸丹於紕織懇祈電囑繫賜  
淵涵傾兩耳以承風願遵明約凝雙眸而注斗轉覺  
神馳

賀曹司理

明曹光魯

伏以紫禁需材預試紀綱之選黃堂佐政爰資書諾  
之規洵非賢之不居維得人之是慶恭惟某官門下  
家聲華胄世濟大名倚馬摘詞七步不殊其敏捷蟠  
書柱腹八斗盡屬其苞羅埋輪不夜之城冰心俱徹  
岸幘之采之矢志不移謂宜先據乎要津孰意遲  
回于薄域按部風生鳳渚寒帷兩足龍旂聽訟猶人  
輕重低昂已差蠡首片言折獄扶掖狂撓豈失鋒針  
蓋左畫方右畫圓昔有恢乎餘地故駕輕車就熟路  
今益卓然有聲某工慙製錦化歎鳴琴燦彼斗垣知  
福星之在郡服茲牛足瞻瑞鳳以無階特布魚緘敬  
申雀賀聊寄心乎涓壤終拭目於巖廊

賀朱四尊奏續

樊煒

伏以績懋循良幾樹甘棠歌蔽芾政成課最九重丹  
詔召台衡喜溢龍門心勤燕賀恭惟臺下名喧寰宇  
秀應奎纏學富五車勢壓匡廬之峻胸羅萬象氣迴  
彭蠡之瀾貫星揜映於中天使節遙臨于宛水化弼  
畫裳不數涓橋之罰祥懸肺石應高駟馬之間答問  
里之瘼每事推心置赤子躬吐握之行幾迴折節下  
青毡頌已協於輿人謠實興於章甫紀績旂常知御

屏之首錄策勛天府識睿鑑之先收豈翅民歌夫名  
杜直將接武於夔龍其猥處間曹叨陪末屬荷萬間  
之廣被時藉悁悁感一氣之洪鈞曲加陶鑄鰲山頂  
戴鯨海寬招睹茲舉命之升鵷鵠博舌佇聽絲綸之  
召弁雀揚眉敬具不腆奉申賀敬伏冀台慈俯垂昭  
鑒

謝梅四府

此公係御史降者

明李國祥

代

伏以懸蒼鳴佩肅稜稜霜質于南床簪白持綱嚴烈  
烈風威于側陞威猷章于亟諫聲價重于左遷驥淹  
理郡鴻軒匡國恭惟門下回天有力曾批徑尺之鱗  
偃月生疑不容立仗之馬麾出云易莫挽竇君于陛  
辭玦賜堪憐應多唐介于節推雲霄橫鵬終搏羊角  
以垂天汗血馳駒定展驥才而騰景洵是紗籠人物  
詎安泥軼榮名其襍線短才斗筭小器方脫身于場  
屋復濫迹于省書是賴洪私迄成微志向昔荷引誘  
盛心寵澤重輝于閣閱今猶負謝問疎節誓九深積  
于淵巖期已不溺職以咀英華庶洒腐儒之耻願公  
卽徵還以紆謀畫用攄國士之猷積有縷表布之箋  
素



謝于節推

明李國祥

恭惟臺下植根二漏濯秀三江皎德望以日星耀文  
采于玉石學窺半豹事解全牛釋褐于瀘栖筠于皖  
照覆盆之蔽日明清卑辭懸畫冠之向風簡乎衆聽  
屏豺載道助褰帷撫轡之威稜鞠艸圓扉還艾鞞卉  
纓之惠化秋霜並蕭春霽俱宣寧峻刑章於驄馬直  
銓班侍子龍驂李法飛聲柏端某也一行問水慚治  
國而短才名百計轉漕憂曠官而長簡畧雖占雲下  
庇門戶宛在春臺然望日遠阻郵筒暢臨秋谷何折  
簡千里儼眉目于詰前復錫貺百朋顧踟躕以稱後  
切

東瀛別集卷之三十六

九

勞歌赤子雖來有脚陽春感念黃堂祗望孤光霜  
月北枝謝附行李陽喬就擬及瓜晤對期遙瞻依時

謝梁節推

明周洪暹

恭惟某官望隆五嶺才冠三洲製錦雷封夙播牛刀  
之譽褰帷邵郡共瞻熊軾之威日者玉節揚旌松陽  
耀彩鑑衡覆案蠹弊澄清羣僚咸庇帡幪黎庶載歌  
蔽芾某芸忝末學庠序薄負誤膺署篆之推寔切負  
載之愧自惟踈謬叨辱甄陶惠感來蘇謹布悰于芹  
藿思深去后聊效意于涓埃倘冀崇極局勝榮荷

東瀛別集卷之三十六

十

回曹節推

宋鄭厚

張公榮進素定何待薦揚韓子謂已深知豈容辭避  
聊借君重以爲我榮伏惟某官學有淵源文窮根柢  
六館正色早知同流合汙之非決策兩科略無東塗  
西抹之態有識推敬並遊厚顏力易搏風仕不擇地  
毫芒少試步武不凡某冒爲此來死如有約得議曹  
王生在幕吾復何憂有處士石洪爲媒人方不棄平  
沙之鴈已聚舊社之鷗可寒毋足增高適恐有玷丁  
丁伐木神其聽之和且平采采盈筐心乎好之喜不  
寐相期者遠適觀厥成

東漢書卷之三十六

十一

回楊推官

宋方岳

柳生吾肘何意乎人世間竹剖爾符所賴者賢從事  
曾識廬山之面幸同君子之寮伏惟某官清平玉谿  
之英確然鐵硯之志依芙蓉幕畫諾甚高顯翰墨林  
騰踏非晚會齊飛於五鳳將迅名於一夔某生而草  
茅多矣荆棘別去十寒暑但嗟今我之衰聿來雙緘  
藤喜有故人之在使予坐笑時乃之休

回鄭推官

宋危昭德

三刀爲州幸成期之消吉一賢在幕喜王事之協恭  
八書寫心千里對面伏惟某官璠璣偉望樞紐名家

遊乃發新刪略無疑滯啖蔗入佳境寧復淹回聞贊  
畫之從容諒古今之練達佇騰薦剡徑上夷途某久  
矣知名於馬聯事念痒病之舉切悉已周知况脉絡  
之相關可忘忠告

回黃司理

宋方岳

雌黃多暇無筆腦風狂欲皆春有墨曹在亦頗哀於  
老子勿盡諉於斯人伏惟某官楚東之英斗北之望  
惟刑其恤能盡心者吾儒乎非知之艱諒反手而仁  
民矣遙飛五鳳何負一夔某生而草茅老矣荆棘忽  
相從於春水同君子寮使毋至於秋茶則執事責行

東漢書卷之三十六

十一

矣胥晤敢無修容

回司馬司理

宋方雲翼

芹宮聊耳有慙方山子之風李椽佳哉况是涑水翁  
之裔亟熏于墨祗叙寅恭恭惟某官仕學兩優人才  
儷美昔元祐相方高獲伊傳而無慙倚司馬家何王  
謝崔盧之足道肖其風烈在此雲仍文獻染濡之深  
典章閱習之久便合對殿陛而納甘棠之笏奈何肩  
州縣而製芙蓉之裳然而積多者報豐施遐者登駟  
盛德百世之祀豈欺我哉能活千人者封行將見矣  
竹由樵水徑上筍班某寡與世偕甘居人下一行作



吏嗟本志之已非獨欠爲師撫平生而自笑詎圖寂寞獲接賢豪君子若人豈曰三尺法而已達者之後謹奉一瓣香以從依倚方新按裁靡竟

回趙司法

宋方岳

昌黎坐處寧容所下之病夫山谷詩中曾識袁州之司法惠而好我翩其有書某官宛爲國珍所謂趙玉以三尺從事已薄矣政賴仁言得五章薦進其歸乎式遄班引遡公已久騫迅必高某生而草茅老矣荆棘忽相從於春水同君子察使毋至於秋荼則執事責惟刑之恤時乃之休

東坡先生集卷之三十六

十一

回魏察推

宋鄭厚

信在言前鷗盟敢背春回臘裏鵲表竟飛君欠合尖余宜備數伏惟某官准人質直漢吏循良方今之立功名三邊爲重君子之負才氣一第可嘉任重之材當厚扶持致遠之器宜自愛護更堅所守當大其成某奉尺五符從二三友幕中之辯有異席上之珍可遺約之歲寒予以露薦由之果求之藝從政夫何有哉惠之和夷之清立節有如此者相期之意有味斯言

回朱四府

明樊煒

伏以僊翁運術叱石成羊異士輪能結巾爲兔苟神靈之必至雖變化以何難卑職學術濶疎行能蹇劣蒙我老大人弘天地覆載之量推父母生成之恩擇千里騏驥之足未棄駑駘合九成韶濩之音不遺滂憲前蒙引手得與薦章茲荷垂私更承台劄儼然鴻示下逮豚兒跪讀至於再三感恩不啻千萬但今按臺報命之際正直卑職引領之時戴二天之洪庇雖已得於處襲邀九閔於片言伏終成於脫穎恭望雲雷再蘇幽蛰俾樗櫟散質得同藥籠參苓而對菲下材幸厠墻桃李

東坡先生集卷之三十六

十四

赴任上推官

宋王清仲

姬宗奕燁仰瞻鸞鵠之縣儉慕春容喜見芙蓉之泛  
置爲際遇行遂趨承敬奉尺書敢通文席恭惟某官  
銀潢稟潤玉牒聯輝江夏之畧而河間之賢朱虛之  
忠而東平之善麟千年而一角聲譽卓然鳳五色而  
九苞文華燦若信振振之公子爲蹇蹇之王臣方發  
軔於華途姑借才於從事登樓興逸欵秋夜以清談  
柱笏牙高致朝來之爽氣卽膺薦剡妙簡宸旒擊水  
三千奮鵬程於溟渤去天尺五隸仙籍於蓬萊某鈞  
槩腐儒箕裘末學分隨太史牛馬走之賤濫登正元  
東瀛制義章卷之三十一

十五

上大西陳司理

明成於思

蓋聞自獻則耻於屢刑無媒則悲於按劍是以吹齊  
王之竽不若置任棠之水彈馮驩之缺不如閉泄柳  
之門戴笠乘馬有玷清修得魚忘筌難逃雅議某雖  
不肖允蹈斯言奈何數值亢龍途遭伏虎背後英雄  
奪幽魂於瞬息笑中矛戟逞劫掠於微芒目前之紀  
律少舒身後之凋闌已及一息之防閑失守連宵之

東餒交侵既亾岐路之羊遂作喪家之狗進不能伏

謁清途塵埋九歎退不能還鴻白屋有媿浮生吳宮  
別鶴望陰岫以棲遲素林返鴈待陽潮而低舉恭惟  
某官瓊臺鳳秀玉翰傳芳風檣陣馬揮長吉之麗詞  
景星鳳凰植玉霄之雅操承與義之謨烈振僊駕於  
卧龍衍太丘之洪猷策祥鸞於飛翼盛德有隣佐黃  
堂而折獄君子不器扈輶軒以觀風明照覆盆功超  
振鷺登秦望之山辯練光於逸馬泛若耶之水識寶  
氣於連牛峰秀學山列三墳而仰止望清筆海委九  
流以朝宗欽虛成實視有若無引誘青衿招携白屋

東瀛制義章卷之三十一

十六

漱石遺黎聞風蟻集殢霞野老望氣雲蒸如烏何陽  
一司鎮鉞石生先就禮羅王豫章方下使車荀爽已  
騰荐剡某策非魯客虛慚石室青瑣材僅莊生未究  
詞林墨譜夜案剪燈帳幾成燼凍愈呵筆獸不翻紅  
攀逸驥以無由仰飛鵬而自失涸轍鮒魚遐想江湖  
之舊枯枝墮葉尚思桃李之榮輒聞汎愛輕用自媒  
伏望軫如傷之念顧盼曲流推再造之恩縈迴大壑  
奮短翮於搶榆仰高標而披拂出昂鏤於旌席戴麗  
日而咸熙膺後之麟復優游於吳水膳餘之豕得變  
化於魯津猥瀆庭臺驚遑錯迭乞憐青府道玷儒林



通劉司理

宋孫養晦

試三語之掾鳳高望府之稱調再轉之丞姑取循陔之便一封馳敬千里定交某官才刃敏明量波澄拓英靈頽脫光已射於斗牛翰墨天成力可排於風雨未促席前之對來司柱後之文一念平反哀矜於所喜三章清簡洗濯於不冤公既多治獄之寬天豈靳活人之報某却於操瑟來此對松寒鷗鷺之盟已大違於雅志程鳧鷖之進豈無賴於忠規先此懇祈爲之傾倒

與張察推

宋劉克莊

東坡全集卷之三十六

十七

幕下簡僚事權至重道傍試邑憂責匪輕屬當受察之初輒講通名之禮恭惟某官天才奇逸世緒清華觀玉樹琅玕之標覺我形穢挹金莖沆瀣之氣使人意消以庾謝之風流加曹劉之才思夫何恬退尚此滯留蓋初潛之地素高故上介之選亦逮竊聞公子素懷魏闕之心將有神僊共引蓬萊之路某功名事左耕釣趣深攀龍附鳳而化侯王彼皆有命烹羊煎羔而作伏臘聊以忘憂昨忝封男蓋謀將母豈謂煎熬已極林藥莫施不勝臨深履薄之危預起向洋望海之歎惟公談笑係俗戚休雖縣譜未詳恐割裁之

不及然藩條具在苟遵守則有餘

與江司理交代

宋劉克莊

鄰境注官方嗟失馬邊州除吏誤使續貂煩出命之逶迤欲通名而縮瑟某官品流英邁胷緒高華世有聞人遠矣衣冠之盛家傳儉德凜然冰蘖之清謂宜玉立於班行何乃泥蟠於州縣可片言以折洞知獄吏之欺活千人者封行見門閭之大聞當詣闕別處登畿某其向閩中忽移塞上青袍行路誰憐杜老之貧白浪沉舟幾殉彭咸之歿甚矣窮途之可嘆坐於榮路以有妨法令爲師方未知淑後之計藥石愛我必無靳告新之言

東坡全集卷之三十六

十八

謫請查盤官

明吳守道

伏遇旌榮光臨閭水祈山增秀色檐帷暫駐黃童皓  
叟播歡聲一路快福星之輝煌千里仰仁天之覆育  
龍光躬覲雀躍情深蓋自公駕行春清風披于載道  
乘傳入境甘澍沛于隨車憲度振揚豺狼屏跡紀綱  
貞肅狐兔潛踪滿城桃李屬甄陶儒風丕振夾道其  
棠懷聽斷民瘼遍甦蕞爾祁陽誦名賢過化之地眇  
然職守沐元宰統馭之榮者也謹洎本月某日嘉辰  
叶吉公宴肅賓野簌雜陳尚愧惟嘉之詠曝芹思獻  
祇申式燕之箋干竇玉垂伏俟金諾

哀肅制選章

十九

宴速查盤官

明吳守道

代縣

伏以玉節遙臨式循燕饗之典玳筵弘啓恭修獻爵  
之儀叩鈞座以申虔伏台階而待命茲者序屬三秋  
親行臺清風滿院節臨九日乘公暇撫景怡情菊綻  
黃華佳色移來綺席萸含紫實芬香飛入瓊卮樂以  
豐和邁登高之陳迹賡茲雅韻効華祝之私忱初誦  
賓筵覲威儀心醉令德佇聞帝詔名賢良入相太平  
伏乞俯鑒俚箋寵臨台席下情曷任翹企欣躍之至

官

賀萬濟寧

明李國祥

伏以鶴髮同歌嘉譽駿旌變之日鵲頭狀立寵光鴻  
尺五之天野多麥秀兩岐明鮮雍豐一本鱸膾內召  
鵲擁前行恭惟臺下萬石名家一枝異品章水滙才  
江而共遠洪崖屹風岸以同高窺三昧之文章搏鵬  
有自露一班于政事屈騏驎堪任城來喜馮熊清澤  
去思棲鳳元之吐氣直驪萬物蒙安陽矣勞心頓喜  
一州受福德解倒懸而衽席人以勝天泰回幽谷以  
陽春守其爲父賈餘力于臥治逸任才而坐成黃白

東肅制選章

廿

野歌擊壤赤蒼路頌揚蒲汶水北南僅有循良而聯  
壁兗州遠近何無牧御以枝鐙聲齊自縣之珪寵並  
入朝之霸某楚狂一介鄭重半生甫離佔俸於寒瓊  
驟任奔趨于矮屋坐砌昔難求目明知峻起龍門接  
封今易望塵暗喜寬容燕廈將之薄幣傾卅年斗岳  
之瞻紆以荒賤與隻眼粉榆之託滿期付覽不盡懸  
遲



謝陳寧州惠炭

明支大綸

稿念久灰漫有復然之望寒壇坐擁竟無因爇之方  
忽聞雪裏噓陽頓覺星繁白日秬而後爇應知價比  
烏銀鍊以爲炊共詫形如赤獸即使校書徹夜奚煩  
太乙之吹藜雖云僵臥空齋絕勝袁安之卻米薄言  
申謝惟句丙融

上舒知州

明江一山

伏以汾陰寶鼎行爲清廟之光淮海僊舟忽動陽關  
之色感深分袂思切撫之先生家緒儲英山川  
毓秀紹元輿之勲業鵬搏九萬之風邇文靖之淵源  
蘭析精微之蘊白雲持憲滄海分符風標共玉樹以  
孤亭心地與梨花而金紫撫芳洲之景山靜泉清收  
函宇之春鳶飛魚躍經傳義畫惠洽周庠藝圃弘觀  
德之規文廟闡大成之奏士希指授餘刃恢恢民仰  
德威大車檻檻久矣芳聲之懋著翕然當道以文章  
醉翁日適于滁陽豈忘報國陶令守貞于彭澤寧效  
折腰江亭挽月御之旌淮浦接星槎之路某久沾時  
雨同升致遠之堂幸坐春風每服養知之訓士于知  
已不惜微軀心有嚴師敢孤厚望先生自此升矣曷  
勝山斗之懷小子何所述焉願沛江河之澤敬脩短  
啓用繫遐思

上秦東平

明李國祥

伏以魚丘政譽方深兩鹿之行春嶽嶺仁風忽興五  
袴之謠暮安矣萬流吐氣卓哉多士依程驪竊庇之  
自今愧執鞭之已晚恭惟仁上臺瀾飛浴景靈源漱  
珠液於洛河巖巖霄雲峻地映金枝于邛嶺空中白

浩然河漢雄才天半朱霞自是風塵物不羈  
奇于五緯謀猷冠絕乎一時初製錦以飛才普衣衣  
而起頌宸眷階榮馬作牧名藩官况行旌一鶴恪  
公素志福星綢彩宅生千里以清夷甘雨澤流澤沛  
百城而滲漉夜嚴惜燭朝慈揚蒲馴野雉千燕郊驚  
棲烏于栢府合郡樂寒淮之贊普天切攬轡之恩徵  
黃倚俟于九重借冠願深于萬戶某螭蟠微質樗櫟  
庸材甫釋佔俸于諸生即供奔趨乎劇郡幸托棲乎  
萬厦切祈覆于二天蓋舍垢匿瑕汪波何自窺際拭  
痕洗過短才亦異闌收宇下從今寒暑相忘阪前自

東瀟別章

卷之三

廿三

後鳴號頌少實自三生之幸何殊一識之封况某緣  
張倅抽辭妄揚高唐剡薦曾獲仁臺見賞謬稱下望  
蕪音豈遇在半焦先投意契乃採加下體大辟襟期  
乳翼詎自他門頂踵洵非已物用是未拜庠標以就  
御乃輒先馮鴈足以輸忱總是皈依元非冒昧

請州守羅聚所公

明曾光魯

伏以咸池吐曜分剌照于幽遐溟渤流膏沛餘光于  
未潤矧叨下乘肅切忻懽仰惟臺下儲精龍會承寔  
鳳鳴萬斛湧泉筆下波瀾迴彭蠡千尋立壁胸中氣  
象壓匡廬奮翮青霄舉頭紅日旌旗方指析竹馬以  
來迎鞭朴不煩侈絃歌而載頌湛塘澄皓月心絕四  
知玉井沁清源化臻三異况茲乾坤啓素檐帷鈴閣  
盡生春海宇凝陽調鼎戟枝先自暖九臯响徹尺五  
聞風萬里扶搖三千擊水歡聲動乎天地喜氣溢于  
宮墻如某頂戴鰲山魂搖鯨海茲涓念一辰虔効豆

東瀟別章

卷之三

廿四

觴之獻少申芹藿之忱惟祈台駕夙臨滿道梅香迎  
皂蓋誨言時聽幾回露湛映青瑣稽首有懷齊心  
請秦東平復任公讌

明李國祥

竊惟猷立螭頭光寵使君於奉計重來垂尾澤湛慈  
父以康屯八達風獵朱旗天駉雨隨華轂詎臥治而  
政成咏稼實坐嘯以分畧披裳下僚有託顧雖深垂  
惠露于昔時上庇無窮猶冀大播仁風於今日特緣  
竹馬初迎共質玉麟仍錫羅浮酒色借灼桃艷杏以  
舒紅來夜樂詞逾高傳達瀛而垂父是蕩春煦工僚  
屬須乘日養于姐姪一頤微靈百朋載賜



與鄭符

明李國祥

伏以沙籠人品試展驥於題輿泥軼仕榮欲化觀以  
解佩呂材將秉其樞軸王興每寄平風烟光先責於  
簾篋聲早盈乎縫掖恭惟臺下金沙孕采輔嶺標華  
追風逐電之權奇登壑昂霄之挺特游戲文章三昧  
呈露政事一班久載休聲宜躋華貫高蓋魏軒之一  
丈齊玉軼而同馳聖書魚袋之雙函瞻金鑒而並感  
蓋惠政覃發煖黎庶以三春之風林績峻標沛合郡  
以六月之雨故分麾共領南門之鑰而簪筆終歸北  
闕之天某芻狗棄才蜉蝣小用紫氣翹瞻橫岱青天

東瀛別選

卷之三十六

廿五

佇幸披雲豈曰借映玉山慙形穢于末采實惟得併  
厦屋慶身托于高枝逐者追趨知承矩軌之不逮裁  
緘寫抱敢輸依慕之惟先拜手迺遑傾心禱露

與東平李倅

明喻世卿

恭惟足下妙質性鍾通才養就書破萬卷虞周秦漢  
與神游文成一家詩賦詞章隨意到汪洋外度之雅  
量瀟灑堯夫之壯懷謂鵬翼高騫萬里搏扶搖而上  
豈鳳苞頻戢一枝借拳曲以棲屢獻書而數奇甘心  
捧檄亟促裝而判劇悉計贊籌司農緣以治水昏墊  
成腴而糧無通負催科寓之撫字流移復業而里有  
謳謠水霜素勵何須卻金于四知衡鑑孤懸奚待東  
矢于五聽本職既恢乎游刃攝篆尤恬然運斤布信  
推恩莫澤中之鴻鴈發奸摘伏驅境上之豺狐惟蘊  
積多奇夙有題輿之望故設施輒效隨在展驥之能  
况濬泉源厚蓄之源而運道以濟且勘河識安流之  
性而永利斯興殆將遠績庇民勲名垂於竹帛寧直  
蚤譽結主榮寵馳於花封不佞涉獵藝圃困頓棘闥  
雖知厚積而薄施竊恐日暮而途遠同病相憐昔緣  
瓜葛締芝蘭之好一心永契今祈顯晦尋笠馬之盟  
執事林哉由叅幕而建大將之旗鼓鯢生勉也請背  
城而提克敵之戈矛東原不久借君自此升矣南國  
豈終老我會且去之後先並驅於當年規勸無忘於  
此日情長喙短羽往神馳

東瀛別選

卷之三十六

廿六

賀高郵三守新任

明汪若水

伏以郎宿擢光台望騰隆夫山斗福星蒞極輿情允  
慰乎雲霓監州展驥足之雄才佐郡迂鴻熙之厚祉  
朝堂稱慶淮海騰龍恭惟某官上谷名豪中山世傳  
花明綵筆文空冀北之羣香馥雲袍聲重周南之價  
美高騫於鳳翼經小試於牛刀期月考成雉堠魏聯  
霄漢三年報最鸞封榮溢絲綸羊腸歷九折以不同  
鋤強抑橫駿骨市千金而愈重表異標奇魯國尚思  
虞盤錯風高於百里秦郵新借冠蓋懸瑞應於三刀  
別駕春生蒲道沛隨車甘雨前茅雷動專城蜚製錦

古今制選章卷之三十六

十一

芳華某夙荷帡幪久切二天之戴近瞻光霽旋增接  
壤之輝仰叩鴻鈞俯申燕賀淮城夜月絃管相聞海  
國秋濤旌旄在望聊馮風而展素敢言芹獻之私擬  
就日以攄丹莫罄葵傾之願伏惟電炤局任永兢

古今四六濡削選章卷之三十七

豫章李國祥休徵父選注

友人李啟文緯甫父校問

外縣

祥考周制四百里爲縣官有縣正各掌其縣之  
政令而賞罰之春秋時列國相滅多以其地爲  
縣則縣大而郡小故左傳上大夫受縣下大夫  
受郡周書維篇千里百縣縣有四郡縣邑之長  
曰宰曰尹曰公曰大夫其職一也至於戰國則  
郡大而縣小矣故甘茂謂秦武王宜陽大縣名

古今制選章卷之三十七

一

曰縣其實郡也漢制列侯所食縣曰國皇太后  
公主所食曰邑有蠻夷曰道凡縣萬戶以上爲令  
減萬戶爲長侯國爲相秩次亦如之皆秦制也  
漢因之綏和初長相墨綬建平間復黃綬秋冬  
集課上計於所屬郡國其郡有鹽官鐵官工官  
都水官者隨事廣狹置令長及丞秩序皆如縣  
道無分士給均本吏晉制大縣令有治績官報  
以大郡不經宰縣不得入爲臺郎宋諸縣署令  
銅印墨綬進賢兩梁冠自晉宋以後令長國相  
皆如漢制後魏縣置三令長孝文初制縣令能



靜一縣劫盜者兼理二縣即食其祿能靜二縣者兼理三縣三年遷爲郡守二千石能靜二郡者兼理至三郡亦如之三年遷爲刺史其後令長用人益雜但選勤舊令史爲之而縉紳之流耻居其位北齊制縣爲上中下三等每等又有上中下之差自上上縣至下下縣凡九等然猶因循後魏用人濫雜至於士流耻居之武成帝以人言召諸縣令集神武門凡世胄子弟慰諭而遣自此縣令始以士人爲之隋縣有令有長兩京置四縣增秩爲正五品諸縣皆視所管開

劇及衝要以爲等級唐縣有赤畿望緊上中下六等之差凡一千五百七十三縣令各一人掌導揚風化撫字黎氓敦四人之業崇五土之祠養鰥寡恤孤窮審察冤屈躬親獄訟務知百姓之疾苦所管之事量其資產類其強弱定爲九等其入籍帳差科簿造簿曆縣令親注定給受焉其傳驛倉庫盜賊河隄道路雖有專當官皆縣令兼綜焉五代任官凡罷職無能者始注爲縣令宋建隆初諸縣除赤畿外有望緊上中下掌總治民政勸課農桑凡戶口賦役錢穀賑濟

給納之事有孝悌行義聞于鄉閭者由州激勸以勵風俗有戍兵則兼兵馬都監或監押三年始以朝臣爲知縣自大理正奚嶼監察御史王祐等始也天聖間令選猥庸貪老爲清流所不與而人不得調有數言其病民詔爲舉法以重令選凡知州轉運使歲舉見任判司簿尉有罪非贓私有出身三考無出身四考堪爲令者一二人自是人重爲令令選稍精慶曆間詔知縣非鞠獄毋得差政和間詔縣令以十二事勸課止副朝廷嗣是人皆重內輕外士大夫皆輕縣

令之選乃議所以增重激勸之法靖康初詔初改官必爲縣紹興間詔將寺監丞簿等任滿已改官未歷民事者各與堂除知縣一次並併非章服尋詔吏部自後縣差文臣乾道初詔京官知縣以二年爲任雖屢有更革卒以三年爲任尋又詔非兩任縣令不除監察御史慶元初復詔除殿試上三名省元外並作邑後至宰相子殿試科甲人無不試吏爲權輿也胡元縣各有達魯花赤掌縣印以知縣爲縣尹掌判縣事縣令之重其選也有由來矣而丞也尉也主簿也

皆古有之故丞尉多以本部人爲之三輔縣兼用他郡丞主刑獄因徒後漢署文書典知倉獄皆銅印黃綬進賢一梁冠晉後無丞惟隋革選盡用他郡唐始爲品官吏部選授爲縣令之貳宋自天聖中始置丞在簿尉之上仍於有出身幕職令錄內選充昔大邑有之至熙寧以後不以邑之大小皆得置丞使主常平坑冶農田水利嘉定後小邑不置丞以簿兼胡元惟上縣有丞中下縣則否主簿漢晉亦有之漢以來皆令長自調用至隋始置之唐初以流外爲之高宗

始以爲品官吏部選授掌傳事勾稽省署抄目糾正縣內非違宋開寶間詔縣千戶以上置令簿尉四百戶以上置令尉令知主簿事四百戶以下置簿尉主簿兼知縣事咸平四年咸平後大邑嚴邑邊邑數增置主簿胡元縣置主簿尉漢大縣兩尉小縣一人長官有四尉分爲左右部城東南置廣部尉是爲左部城西北置明部尉是爲右部並四百石黃綬大冠主追捕盜賊伺察奸邪魏晉後並因之惟陳服武冠北齊增置三隋改爲

政尋復爲尉分戶法兩曹唐武德中亦改爲政尋復爲尉高宗時爲品官吏部選授五代久廢盜賊聞競則屬鎮將宋縣復置尉位主簿下元豐間詔重立法地縣尉並差使臣元祐初以蘇轍言並用選人非久並用武臣胡元置尉不署縣事專掌捕盜賊及煙火爭競公事

國初定縣三等賦十萬石下爲上縣令從六品六萬石下爲中縣令正七品三萬石下爲下縣令從七品已而改令並七品京縣令正六品知縣一縣丞主簿一不及二十里裁丞簿因事增設

無定員其屬典史一所屬衙門儒學教諭一訓導二陰陽學訓術一醫學訓科一僧會司僧會一道會司道會一有巡檢司稅課司局驛遞間壩批驗所河泊所倉草場者設官如州知縣掌教養縣民丞簿爲之或凡諸縣務如州而縣尤親民歲貢學生聽試于提學憲臣三歲貢士聽選于鄉試歲攢實徵十歲造黃冊民之賦役視丁與產爲差賦歲二征有粟賦金賦布帛及諸貨物之賦役歲一征有力役顧役借倩不時之役皆視天時休咎地利豐耗人力貧富必調劑



而均節之若歲歉請於府於司於院而縣獨減焉無幸富貴苦貧約凡詞訟必詢情理考律例而決之有不服聽陳于上焉凡養老祀神表善賑饑恤窮通貨之事時省而敦行之凡山海澤藪之產資國用者按籍而貢焉凡賞賦責糧頭大戶追攝雜征責里長教讀教鄉塾老人勾勘民間細事總甲邏察市里弓兵民壯執防捕之役丞管馬管河管糧巡捕清軍分職任事而領于知縣典史出納文移或分領縣事所屬衙門如州者職亦如之又考漢書百官志所載止丞

尉而簿雖起于漢志則無之丞雖縣佐而各有印綬簿獨無者蓋所職者簿書曹掾之流行後來以簿先尉固非古也今雖無尉得先而簿業與丞令照署文書矣典史古無其名惟唐六典有錄事掌受事發辰檢勾稽失則今之典史或昉于此也

賀林宰

宋恭叔厚

疏渥清朝承流鉅邑山川增爽共迎鳧舄之臨風俗還淳暫屈牛刀之試恭惟某官規摹閑遠醞藉醇深粹然家學之傳籍甚士流之仰才豪無敵一洗而凡馬空政妙有神四顧而全牛解其猥充郡幕獲比官寮都騎鼎來卽遂披於樂霧雙魚寵及乃預拜於郇

雲尺緘聊附於回翔寸抱第增於搖曳

賀縣尹正

宋真德秀

陽浮葭瑄祛九地之餘陰春滿花城藹萬家之和氣若時賢哲宣擁祺祥恭惟某官以慈惠之心行寬洪之政尺雪薦嘉平之瑞十載所無重輪熙元日之晴三登可卜皆循良之所兆信褒表之有期某幸與旌倪共陶德澤愆郵未滌屬方杜泄柳之門衰病復加不獲造武城之室

賀南康沈大尹

明連繼芳

伏以雲龍風虎揮毫人點朱衣彩鳳祥鸞剖竹出懸  
墨綬翩其鶴立矧侯鳥飛恭惟某官九丘玉塵六翮  
金鸞售文石於異人烟雨落鬼神之顙開寶山於武  
庫洛河漱龜馬之靈帝以孔曾一卷之書下吞賢臆  
公以董晁萬言之對上櫛聖心本當盛之白玉之堂  
偶爾試之青山之縣才華無敵一洗而凡馬空政事  
有神四顧而金牛解豈弟十千之春意威嚴一二  
日之冬稜黜陽驕之投綸凜鉄船以渡海孔姑臧不  
以膏自潤郭令公何忍撓其清甘霖開橫浦之雲河

賀南康沈大尹

八

陽郊外畬田稔福曜掛康城之岫斗宿星邊貫索空  
小遲五柳之陰趣下九芝之檢某側身燕市快親馬  
題追憶異時謀持相知之衡鑑適觀今日信爲有用  
之文章卜家食百涅之不淄占宦遊四知之自畏賢  
哉過令尹德政是吾師願暮月以還組鵬擊三千之  
水祈郎星之耀離鸞浮一雙之灘心曲葵葵毫端草  
草

賀富川高大尹

明連繼芳

伏以小子大有造桃李成蹊先生從此升桑麻接軫  
清風先至瑞日初臨恭惟某官木鐸百氏笙簧六經

文采波瀾源泉萬斛之出地經綸丘壑泰山千仞之  
參天虎座講義經士方歌僖公之采藻牛刀試鷄割  
民又頌潘令之栽花賭言文學於武城起宓君子於  
單父平生學力遊刃而發新硎此日功名啖蔗而入  
佳境蒼天對法案會見持衡而平青山在縣門真可  
彈琴而治拊我畜我長我育我此之謂民之父母我  
子我弟我曰我疇與人頌僑之生成某枌榆情合草  
木味同邂逅班荆遭逢御李謹三薰而汗竹端一介  
以傳梅薄采之沼沚之中願鑑之篚筐之外

賀金谿朱大尹

明王應麟

賀南康沈大尹

九

蓋聞稽山峻極表天勝以鍾神姚水縈廻濬地靈而  
毓秀篤生碩儒捧翊熙朝恭惟某官學纂龍門文繩  
鳳沼筆底三千禮樂蚤蜚翰海之雄腹中數萬甲兵  
迭奏詞閣之捷天人大對宜視草於玉堂蒼社深馮  
暫分符於金邑星輅寵蒞竹騎懽迎父老扶杖以謳  
誦髦士彈冠而色喜金甌玉鉉行調商鼎之羹青瑣  
赤墀佇荷漢廷之璽某衣冠冷族章句迂儒甌土濫  
竽久冒索尸之誚江天極目敢忘桑梓之懷念昔台  
旆之東游曾奉清光於下座簿書苦冗慚傾蓋之莫  
申罪戾何言祗負荆以自請深祈雅度曲賜優涵瞻



總公堂曷附兕稱之列幷幪大厦聊抒燕賀之私

賀余姚葉大尹

明朱 錦

伏以疏恩北闕叨末綴以麟蜚微潤東溟挹清塵於  
鳬島仰九霄之雲蔭慰千甲之巖膽爰脂轄以首途  
肅奏箋而心惕恭惟某官章天奎璧鎮地嵩衡紉七  
曜於詞峰光浮衛地吞九流於筆海藻麗潘花運鵬  
翮以摩天展驥足而撫世花封製錦先施補衮之才  
棠芟烹鮮預試調羹之手民熙樂土仁風扇蒲隴之  
桑麻士飲陽和惠露灑蒲門之桃李威鳳暫棲於姚  
水振鷺端邁於堯階聞道最迂識字可數駑駘希翼  
東瀛制選章卷之三十七 十一

駿之價未遇燕叔砮砮效卞璧之珍屢遭楚別茲捧  
徐書於龍陛竊謀升斗於鰲堂曉日照首宿之盤自  
甘獨冷薰風鼓芹藻之浪物與同春大叩則大鳴小  
叩則小鳴愧乏洪鍾之响先知覺後知先覺覺後覺  
慚非木鐸之音幸上有斯文之主盟下爲吾人之矩  
矱鑛金頑鈍鍛鍊懸望於爐錘山木輪囷斲削深祈  
於斤斧燭銀分萬家之藜火青衿盡作韓歐瑤琴啓  
百里之弦歌白屋皆成鄒魯深藉二天之庇庶幾一  
日之安敢佈腹心僭通竿牘蹄涔之水向滄海以朝  
宗螢燭之光依福星而仰照

賀曹方夔大尹

明樊玉衡

臚唱卿雲萬里鵬程搏漢外符分應宿九重鳬島到  
人間邑里緣是以絃歌室閣因之而定位黃封注慶  
赤壁騰懽恭惟某官北斗星樞西川雲錦生來奇氣  
眉山劒閣共爭光少有文名錦水瞿塘皆增色尋芳  
躅於子雲胸中玄艸寄壯心於司馬橋上題名奮翮  
青霄舉頭紅日駿烈鴻猷彩鳳朝飛江浦影輕車熟  
路神龍載駕楚山雲琴彈單父之堂花滿河陽之境  
一縣頌神君庭無敝竇萬民歌父母戶有陽春茲方  
露其德化甘雨和風庶再見其設施高天厚地蓋農  
東瀛制選章卷之三十七 十一

賀鄧邑侯入覲

明王兆雲

雨下邑何足久羈而台鼎崇勛所宜借重者也某父  
子猥以謏劣幸廁編氓生平願識韓荊州心懸鳳閣  
此日得逢李司隸喜溢龍門乃緣薄宦分馳南北之  
區空切瞻依末遂斗山之仰跡成匏繫心擬旌懸敬  
具不腆奉申賀私伏冀台慈俯垂昭鑒

樞纏北麗萬方瞻鹵簿於雲中漢水東朝千里集循  
良於闕下聽驪歌之載道望龍節以趨朝薄致芹私  
敬申燕賀恭惟某官貞元萃秀川岳標奇綜金薤之  
琳瑯夙蜚英於寰海飲玉壺之沆瀣先小試於山城

甘澍遍萬家奚啻馬昌之惠澤秋霜飛五月誰誇江  
邑之神明歷三載以有成配列宿而無忝蓋自綰符  
下邑惟留一鶴隨琴達今瑞輯天朝祇見雙鳬作鳥  
風送閣梅來祖道卧轍情深人攀官柳望長安

賀姚平陰

明李國祥

伏以翔鸞集鳳天符開與於一同馴雉驅鷄吏治襲  
熙千百里萬流仰鏡庶士傾風恭惟門下嘯登栢雲  
峻地映金枝于石壁闢飛浴景靈源漱珠液于梅溪  
長猷遇事風生艷藻摘毫霧散方製錦以飛才忽承  
袞而起誦仁風飄拂琴鳴同鶴唳以偕清甘雨泮流

東瀛制選章

卷之三十七

十一

柳色與花榮而金茂粉社有鷄豚之醉節簷無蛇虎  
之嗟共仰驥中驂曾倚人爲玉隨車沛澤倚足飛聲  
某快觀郎星愧分倅乘贊喜末隨夫賀燕垂存已託  
于遵鴻豈曰一識荊州不啻封之萬戶復爲十部從  
事無踰錫以半函跼影仰承洵庇宇而忘寒暑側身  
翹企何接壤以阻音塵天漢彌高短札代洗心之仰  
幃幃靡儼荒幣特積敬之將是願汪海見容貫疎節  
于既往益祈陽春布脚賴休庇于將來

賀永年縣

明李國祥代

伏以仁聞百里聿興章衮之謠聲徹九天式來綸璽

之寵託魚馳素景鳳書青恭惟某臺下器宇玉溫手  
神金粹晉室風流未泯秦州陰德猶存鴈塔高題久  
飽看花于燕市牛刀小試更惟製錦于洛河厚德鎮  
浮惇大成裕桑麻無恙歌漢史之循良桃李不言詠  
周詩之愷悌旌書海至亟膺台察之掄揚剡疏交騰  
正屬宸衷之眷注倚俟徵黃悵難借寇某繫趙編列  
分鄆竹符雖未效陽驕于投綸實已切紫芝于覲宇  
恩庇門戶異鄉赤子傾心澤及與胞合邑蒼生極口

東瀛制選章

卷之三十七

十一



賀縣尹冬

明喻世卿代

陽生七日驗葭室之氣回地占一雷覺花縣之春早  
維時賢宰介此休祺恭惟某官繡線才華黃鍾氣度  
葉無俗韵真梨嶺之家聲筆有清吟得梅花之句法  
七星聚曜百里騰歡律諧鳳應雅稱絃城之德施荔  
出芸生正合蒲亭之教育竹由剛長即慶彙征獻履  
徑上於星辰合璧長依於日月某三年令宦屢經節  
物蕭條千載奇逢幸得春陽培植奉觴上明府之堂  
愧無椒詠吮墨奏廣文之牘積有芹忱感與賀并意  
非言盡

東瀛制選章卷之三十七

十四

賀大尹復任

明喻世卿

鳳閣雪晴送銀轡而覲日錄江風靜迎錦纜以回天  
成都慶張守之重臨順陽喜劉君之再至某官岱嶽  
儲祥江湖鍾秀學淹經史不十年擢桂月宮策對賢  
良卽一日看花天府維帝眷民勞君出宰越自下車  
之始首痾人窮繼以彈絲之餘每陶士類政方底績  
歲適來同慶賞之典聿行而錫馬蕃庶清貞之守益  
而携鶴來歸兒童騎竹歡披解慍之風父老吹忽  
更拜隨車之雨某章縫末品樗櫟散材幸叨誨育之  
慈共忻借冠用展賀趨之敬祗恐徵黃

謝薦舉

宋趙德

官分縣社初乏吏能書奉公車偶冒名薦荷恩增愧  
撫已爲榮伏念某魯鈍少文木愚乏警志有丘園之  
素氣無湖海之豪慕君子有所不爲知古人未嘗乏  
仕猥軀俗駕濫綴官曹柱頰愛山未忘餘習折腰爲  
米已負初心試館銅章謬臨花縣鳴琴不韻製錦空  
傷政拙催科考宜書於下下誰先傾倒人每見其平  
平疲驚絕意於騰驤散木無心於斲削豈謂提衡之  
鑒誤加推轂之私伏遇某官盛德表時淵謨經國宏  
才優於剗劇厚性足以鎮浮允爲世臣卓備賢業權

東瀛制選章卷之三十七

十五

衡士類水鑑人才錄箕斗之虛名采菲葑之下體縱  
毛錐之脫穎許由瑟以升堂致此凡庸亦加品目功  
借風雷之便將化龍校律調金石之音旁資牛鐸某  
敢不勉以未至尊其所聞上荅已知下逃官謗

謝徐南昌

明徐作

伏以翔鸞集鳳天符開與于一同馴雉驅鷄吏治襲  
熙于百里萬流仰鏡庶士傾風恭惟門下嘯登稍雲  
峻地映金枝干柯嶺瀾飛浴景靈源激珠液于澈溪  
鳳兮矯翼於秋颺邨林有擢龍矣飛鱗于春霧常塔  
無遺方製錦以飛才忽承來而起頌仁風飄拂琴鳴

同鶴唳以借清甘雨泮流柳色與花榮而竝茂粉社  
有鷄豚之醉菰簷無蛇虎之嗟雖驥足長馳喜見微  
黃而飛鳬翳然鵲舌無咭忍看借冠以臥牛轅某快  
睹郎星愧依卿月贊喜未隨夫賀燕垂存已託於邊  
鴻豈曰有大造家門賈歌遙頌復謂不遐遺葑體蘇  
庇弘開故綮方寸於兩端皆瞻恩奉德之念題咫尺  
以一介盡述感云懷之悰是願汪海見容貸疎節于  
既往益祈陽春布脚賴休庇于將來

謝徐福清

明允 援

伏以華札鼎來訝珠璣之錯落兼金賁惠驚璀璨之  
晶榮更奉雄編頗開鄙臆南州高誼驅今古而薄風  
雲北斗文章金韓歐而光日月坐覺山川生色豈云  
蓬華凝輝夫先達略後生而高門薄凡品茲惟常態  
記自昔談廼尊師以鳳穴之英蟬聯之會金貂奕葉  
重攀兕觥之枝玉薤千篇獨擅杜陵之價顧收駿骨  
煦及鯁生藻翰勤渠意切乎耳提面命緝儀珍重煖  
生於黍谷永天此所謂揭雲漢以大庸觀鼓黃鍾而  
破俗調也念此小草終是藥籠中物望玉融之紫氣  
高映苒山瞻青瑣之榮光北騰觀閣下情願急短啓  
敬裁



回浦城趙知縣

宋方蒙

瑣聞奏捷琴譜生輝猗佳王孫已接鵷鷺行之武業  
進士舉更希龍虎榜之榮旗鈴四馳紳笏相慶伏惟  
某官祥麟一角威鳳九苞途轍甚夷見謂金科之彥  
鍛鍊良苦未忘鐵硯之心暫閑百牛之刀來酣萬蟻  
之戰聊哉操筆易甚探囊功名遠到之必然富貴相  
逼乃如此佇飛鳧舄大展鴻圖某方賴寅恭却成薦  
送辱投珠之甚侈愧報玖之未能比拜恩綸復厘賀  
歸諒亦喜逢於具眼騎裝行戒勉旃徑取於勅頭後

東浦前選章卷之三十七

十八

望之私染濡莫既

回仙遊興化兩縣宰

宋方雲翼

慕龐德公之高未嘗至邑無范孟博之譽誤俾登車  
有來味言深仞高誼敬惟某官琴調甚雅錦製無瑕  
讀書松竹林良多暇日種花桃李縣已滿清陰只俟  
雉馴卽看鳧入某舊聞其學今言而知之武城聞弦  
歌君想自期於言偃發蜀道負弩矢我獨耻效於相  
如徒深巾笥之藏莫效禱禴之報

回沈知縣

宋方岳

雲飛鳧舄春洽雉郊事大夫之賢坐想彈琴而治去

父母之國何當騎竹而迎遠哉遙遙于以負負恭惟

某官毫端若雪之秀胸襟湖海之豪孤嘯風煙未覺  
休文之詩瘦獨醒塵滓寧甘東老之書貧縱不感之  
白玉之堂奚至屈此青山之縣民瘼極矣吏奸奈何  
如使倒持太阿而授之焉用若發新硯之爲者一牛  
橫笛第令安雨外之耕五鳳塗芝之政恐有日邊之召  
願言公尹留惠疲氓某起從田間實之幕底邊城吹  
角毛錐顧安用哉茅屋生苔老生亦欲歸耳自笑儒  
冠之誤每思農畝之荒望美人兮一涯庶幾玉我共  
明月於千里翹企金相

東浦前選章卷之三十七

十九

回高知縣

宋方岳

胥告教胥保惠多幸同寅如升高如陟遐文章旁午  
公豈欠此僕其慊然恭惟某官聲搖西州秀出南斗  
修水壯哉縣如絲之棼明府我輩人迎刃而解朝天  
近只數日去之某甚矣貪賢望何慘別草木同味亦  
聊致區區之心桃李不言又奚煩縷縷之謝讀之面  
執毋爾盟寒

回胡知縣

宋鄭厚

出宰山水縣仰羨展勤久遊翰墨場自慚分教屬鵲  
林之未集致鯉素之稽馳敢謂謙慈先動損墨恭惟

某官學有原委性率本真日光玉潔之文三  
於禮部鋒藏電掣之手大名已播於民曹自宜謀謨  
於廟堂胡乃棲遲於州縣屈處詞於朝歌之往盤錯  
可知得尹鐸爲晉陽之行保障有賴逮險阻艱難之  
歷盡乃功名富貴之鼎來勿謂徒勞自應超異如某  
來從環壁偶掌泮宮以古心讀古人書寢非故習仕  
今時慮今世事空有隱憂聞君無暖席之時起我作  
同舟之夢春回雷土波及斗城馬用牛刀已著寬柔  
之效會飛鳧共修文字之盟占報恨遲有懷莫罄

回趙知縣

宋鄭厚

東瀛制選章卷之三十七

七

今年春早已減寒風百里雷轟頻回地暖人誰借問  
公定不凡某官布象云初割鵝聊戲柳梢綠淺梅英  
紅少幾度歡娛麥岐秀發秧穎青英一番念慮了却  
勸農公事端爲得趣良辰只恐栽花已催飛鳧某幸  
逢知己何待卜隣不選金玉之音決非常調認得芝  
蘭之味賸有餘香良荷先施甚慚不敏

回建陽交代葉宰

宋劉克莊

男邦執壁棠已成陰老圃扶鋤瓜猶未熟曾見大  
夫之使及於新令尹之門敢掃空疎以修好雅恭惟  
某官淵乎似道默然知言鳴鶴在陰有唱必有和祥

麟見獲以德不以形身自名登膺仕以來不知世有  
速化之事居常曰義與命豈肯以身徇人晚詣公車  
驚委質青衫之微晨趨廣殿瞻臨軒黃微之開惟徐  
行乃執事之素心而須入亦先朝之良法雖爲今吏  
尚有古風鞭笞盡弛而令行鉤距不施而情得以已  
之誠待物之詐操此之簡應彼之繁蓋有得手蓋公  
清靜之言且暗合於陽城撫字之說訟簡寂寂泉布  
源源通邑大都過客必談於佳政深山窮谷逢人亦  
詫於長官頗聞百姓之愛公惟恐一朝之去我未容  
青史獨書馴雉之祥將有綠綵來趣飛鳧之入某剛

東瀛制選章卷之三十七

七

介不媚稿乾無華少以功名自期慨然投筆晚知富  
貴有命退而讀書貧未弃官格當爲邑頃采道傍之  
設誦參以見聞切欣閣下之規摹易於循守惟恃此  
以無恐遂居之而不疑飛來花縣之書驚破茅簷之  
夢歲不我與豈敢卽於宴安秋以爲期幸小寬於趣  
迫

回交代江知縣

宋李劉

趣嚴星駕來蒞雷風措大規摹正自笑割鵝之拙神  
仙步何幸報飛鳧之來望風忽拜於魚緘洎日喜  
交於龜篆仰酬先辱俯愧後期恭惟某官氣節因練



歷而益高學問以老成而愈博宿乾坤於胸次戶牖玲瓏噴河海於舌端波瀾汗漫宜自珠曹之椽卽聯玉筍之班尚以夢筆之才試此製錦之手跨劍閣之鳥道收拾山川於子長周游歷覽之中試武城之牛刀發越絃歌於言偃學道愛人之素況此鴈居之莫集與夫雉堞之未全末後未了工夫儘足施補衮之妙手將來出新意思或可蓋揚糠之拙才不妨訪坡老之蹟於獨秀亭前更與彈弄妃之月於八桂堂上追回禮樂總歸和氣點檢江山盡作太平孰後孰先且低回於章浦以趨以走行促上於瀛洲某造次鮮

京肅制選章

卷之三十七

三

萃癡點各半莫能做米五斗宜彭澤之未歸徒爾飽飯一升或山陰之粗治黔驢之技止此鱸魚之興悠哉終茲三年去以兩月忽拜滕緘之寵轉滌菊徑之思全賴匪瑕庶無洗垢敢期求舊行托契於子孫何以告新願推仁如父母悰懷易感駢儷難周

回潘宰正

宋方岳

閭闔天高蒼籙開而一元始河陽地暖洪鈞轉而萬象春維時履端旣多受祉某官大簇之動孟取之和妙彈單父之琴遄歸鳬舄徑造承明之殿親發獸樽某自放還山人不蓄憤壽之栢酒無手版之倒持寫

以竹書有背芒之若負

回潘宰冬書

宋方岳

魯臺書至聿來七日之亨潘縣回春已上三年之最維時綸檢式對緹葭某官有冰其相如日可愛暖入丈三之景頌如之何徑排尺五之天會且歸矣某放還山墅久典朝衣裏章服揖上官要非閒居者之事登靈臺認雲物已候見尚方之歸敢修記室之辭往代掃門之禮

回光澤宰冬

宋方雲翼

暖回葭室占日至於史官喜動花城美風流之令尹

京肅制選章

卷之三十七

三

維時麟趾介此鴻休恭惟某官標致層冰胸懷愛日一家和氣光生天上之棣華百里歡聲青入門前之柳色對陽剛之初復佇鳬舄之趣歸某當此先春嘻其猶吟折梅花而送似空感盛心祝若木之聯輝慙無善頌函歸使驛寓訊使鴻莫稱先施伏祈寬照

回興化張宰賀生

宋李劉

閣中劉更生耄矣誤藜燈之照天上張公子燁然揮椽筆之辭記憶良勤衰殘有視某官宜給漢廷之禮暫鳴單父之琴問絳縣老人年深念泥塗之辱續襄陽耆舊傳頗參州里之評自製新腔以華暮景君不

惜過情之譽人將起泛愛之譏某虛負襟期第知巾  
襲南有箕北有斗常嘆二星之乘除愈爲雲郊爲龍  
安得四方而追逐輒憑惡札少答珍投

代答泰寧趙知縣

宋戴翼

省親千里來依仇簿之鸞栖借覺一言獲拜喬仙之  
鳬舄夢寐幾年之附驥黃緣一日之登龍竊幸自天  
知歸有地恭惟某官帝室石麟之種仙源彩鳳之姿  
密邇日雲徧承雨露聲猷掀宇宙直不減千里駒之  
才文彩瑞朝廷自是賦五色日之手合在學士八磚  
之地暫持郎官百里之權下車未播於政聲前席首  
東瀛訓導章卷之三十七

廿四

加於士類滿城桃李盡勞門下之栽培一介芝苓亦  
願籠中之收拾伏念某迹窮株兔見小醯鷄春秋郡  
泮之整鹽朝夕親庭之菽水窮年鑽故紙僅窺豹之  
一斑寸晷試陳文屢戰蝸之兩角未肯退焚舟之志  
聊且爲負米之行假途孔文舉之通家傾蓋趙平原  
之半面念表叔忝邑曹之末獲事周旋而潘氏亦公  
族之華無非縈繞機會之來非偶旣懷之託何如冷  
灰願借於吹噓斷木冀爲之潤色况寸效未收於藍  
絲而歸程欲赴於槐黃寒谷微枯所欠幾分之和氣  
天潢餘潤願分一點之恩波

答寧陽李

明李國祥

伏以零雨從天多藉雲興于四岳游波滄陸元資端  
潤于九淵捫心媿報李莫先悻颺荷投瓊猷厚銘增  
舊感楮暴新懷恭惟台臺半豹摘文全牛運治春風  
花滿僊僊鳥底飛鳬秋水砂高曄曄灘頭立鴻入調  
天紀下鏡人倫槐棘升榮上國備棟梁之用鱗鱗資  
潤下吏賴郊翼之垂某氣縮五窮心灰百拙雌伏升  
斗依宇下久藉甄陶蛙蚓井崖羈域中近懼冶鑄迪  
之矩誨良用服膺重以綺頒何堪汗背敬附使以完  
趙期知已以鳴韓至篆感寸丹豈詞申尺素臨啓不

東瀛訓導章卷之三十七

廿五

勝瞻馳



答張春字大尹

明唐文燦

伏以牛刀暫試欣譽命之初揚鳬舄遙分悵音塵之漸隔祗自懷瞻手潘縣無由造訪於戴門况典役東甌虛繫省郎之籍雖接疆北甸實稀驛使之蹤猥荷瞻存槩加通問捧劄特勤夫行李摘詞尤重于寄梅朗誦再三珍藏什襲更辱分金之腆賜良踰遺錦之常交拜嘉而私切鏤銘乘便而附將布謝聊緘紕織敬俯荒函雖曰不成報章惟云以永爲好佇俟三年奏最膺內召以昂立鵷班尚期一日假緣得外遷而巧逢驄駕襟胸積抱筆舌難宣

東瀛別選章

卷之三十七

廿七

上薛令文章

唐陳子昂

某啓一昨恭承顯命垂索拙文祇奉恩榮心魂若厲幸甚幸甚某聞洪鍾在聽不足論擊缶之音太牢斯烹安可薦羹藜之味然則文章薄技固棄於高賢刀筆小能不容於先達豈非大人君子以爲道德之薄哉某猥以鄙能未窺作者斐然狂簡雖有勞人之歌悵爾詠懷曾無阮藉之思徒恨跡荒滯麗名陷俳優長爲童子之群無望壯夫之列豈圖曲蒙勞獎躬奉德音以小人之淺才承令君之嘉惠豈不幸甚豈不幸甚伏惟君侯星雲挺秀金玉間成永冠禮樂範儀朝野致明君於堯舜皇極允諧當重寄於周衡中階叶泰非夫聰明博達體變知機如其仁如其仁方當拔俊賞奇使拾遺補闕坐開黃閣高視赤松然後與稷契夔龍比功論德豈徒蕭曹魏邴屑屑區區而已哉某實細人過蒙大遇顧循微薄何敢祇承謹當畢力竭誠策駑磨鈍期効忠以報德奉知己以周旋文章小能何足觀者不任感荷之至

上瑕丘常明府

唐駱賓王

賓王啓側聞觸籠戢翮負垂天而跼形伏檻羈蹄望絕塵而跪足故以遊蓮綫網悟宋主於嬰羅在涸迷

東瀛別選章

卷之三十七

廿七

波顧蒙莊於洵轍是以臨淄遺婦寄束縵於齊降邪  
軒下客効處叢於趙相伏惟明府公締跡瓊峯靈丘  
蔽丹霄之景圖基珠浦神派沃清漢之波玉札飛文  
綜宏詞於楚傳金麗緝藝味玄道於扶陽孕蘭畹而  
生姿澄瀾踵高門之慶產銅谿而寫鐫荆藍資象緯  
之禎早辯羝羊演飛龍之秘策夙談孔雀對家禽之  
麗詞赤野浮炫價之光珠胎榮色丹穴陪來儀之迅  
鳳姿含影靈襟轉壁剖逸照於蘭池神府驚頻韻清  
音於桂浦談叢散馥輶餘芳於九蘭筆海飛濤駭洪  
波於八水於是綰銅麟句製錦晃郊化決下車恩乎

東齊集卷之三十七

二六

攬轡德聲洽詠仁風飄十地之雄道化徧謠惠露洒  
三天之渥狎中牟之馴雉豈懼曉媒驚重泉之瑞鸞  
非關照舞雖則塵飛范甌垂銀有結綬之華而乃調  
理安絃烹鷄屈函牛之量加以招携白屋勸誘青衿  
延張必於驚輪引王終於倒屣遂使漱流逸客望驥  
足以雲蒸輻湊遺材欬龍門而霧會賓王緯蕭末品  
拾艾幽人寓跡雲檀挹危直之秘說托根磬渚戢戰  
勝之良談幸以奉訓趨庭采情田於理窟從師負笈  
芸性織於書圖至於九流百氏頗綜緝於異端萬卷  
五車亦研精其具自將欲優游三樂負杖以終年栖

遲一丘鳴絃而卒歲以糠蔬不瞻其旨之養屢空篋  
筭無餘朝夕之歡寧展是以祈南陽之棒檄擬毛義  
之清塵思魯國之執鞭蹈孔丘之餘志屬以商秋應  
節素序戒時歲金將露玉俱清柳黛與荷綳漸歇寔  
冀含毫振藻之日摘經折理之期不揆雕朽之材竊  
遷喬之路輒祈泛愛輕用自媒倘荆璞無致於見疑  
夜光不逢於按劍則沉骸九死終望銜珠殞首三泉  
猶希結草載塵清覽矚影外驚冒黷威嚴循心內駭  
謹啓

上梁明府

唐駱賓王

東齊集卷之三十七

九

賓王啓竊聞薛邑聞琴揖馮驩於彈鋏夷門佇駕顧  
侯羸於抱關何則志合風雲戴笠均乎乘馬情諧道  
術志筌貴乎得魚是用挹蘭言於斷金効蓬心於匪  
石庶清音動聽賞流水於牙絃妙思通神叶薰風於  
郢匠伏惟某公儀天峙構層基控射牛之峯浸地開  
源驚濤䟽釣鼇之浦至夫封侯廟食掩金張以騫翥  
三主七公罩衣楊而岳立故得重規遠鏡湛月露以  
流清茂趾霞鋪駕雲門而耀今若乃博聞強記辨音  
國之黃熊將聖多能識星  
布以飛瀾文江澹虛涵  
白馬言泉漱迴驚瀑  
飈浪於是功超食跡



位典烹鮮水鏡澄瀾照孤鸞之舞影鳴琴動操叶馴  
雉之雅音既而威德有隣佐皇華而省俗居羣不器  
扈輜軒而觀風某疾抱支離材均擁腫自弱齡植操  
本謝聲名中年誓心不祈聞達始則執鞭爲仕帝里  
希干祿之榮次則捧檄入官私庭無代耕之樂然而  
忠不聞於十世學無專於一經退異善交進殊巧宦  
博羊角而遐翥浩矣無津附驥尾以上馳邈焉難託  
實欲垂竿投餌晦名跡於涓濱抱甕灌園絕機心於  
漢渚幸屬乾坤貞觀烏兔光華嵩山動萬歲之聲德  
水應千年之色雖無爲光宅欣預比屋之封而有道  
賤貧耻作歸田之賦明公顧盼成飾咳唾爲恩漏微  
潤於江波流末光於隣燭幽禽栖木侶丹山於帝梧  
鳴石浮川應黃鍾於仙管敢布心也詎能望焉謹啓

上新建倪父母

明李國祥代

伏以洪崖霞映光搖花樹於河陽章水雲浮影落鱗  
綸于單父頌起宅心保障歌傳滿耳于薦澤厚家門  
問疎羈旅恭惟某官粹衷玉潤幹局風生家聲早着  
于魁三國用大需于棘九薄爲之兆枳來鸞鳳之棲  
暮且有成境見鴈鷗之出寢金賦無殊詔閣省肅供  
有類救麾百里慈君十奇良令矧起雙鳬之馬指遊  
一夢之班慕後攀轅報先配社某藐焉乳穀惜矣蠢  
萌阻從黔首以拜番君緣服青衿而踈召父維桑在  
望敢後念崇陽之業執雉未將爰遐想中牟之雉託  
深心于咫尺寄多問以寒暄伏願泰叶鳴弦暖向春  
臺恒洩洩勲崇調紀恩分宸極指蒸蒸

通王知縣

宋方岳

天各一涯幾費池塘之春夢地方百里適分鄰壁之夜光矧同班飛太史之見敬憑檣傳故人之鯉時其後矣喜則楚然恭惟某官落霞孤鶩之辭英驚雲遊龍之墨妙斗以南斗以北獨高奎宿之躔江之西江之東兩贊使星之幙曩聞畫諾備極拊摩於以知寶夢之源賴有此玉山之秀畫簾之寂夜戶自恬大夫曰賢何乃奏瑤琴於五柳之縣天子有詔爾其鏘璫琚於萬笋之班某一拜以還幾年于此方買犢叢山之底誰念吾民之最窮想佇驂野驛之寒曾入君侯東瀟別選章卷之三十七

通趙知縣

宋方岳

牽繡衣之幕快觀匿犀縮墨綬之章聿來儀鳳恍星辰之在望曾日月之幾何恭惟某官蚤游諸老之間深造吾道之妙以所學乃孔周之學要不在乎文墨議論之工謂此心即堯舜之心自可寄以社稷人民之重曩窺畫諾備極撫摩攬轡而志澄清雖古人無及者下車而問疾苦豈今日獨忘之預以知周邑之有瘳私竊與吾民而相賀願言飛騎式俟交龜其五

技已窮百爲皆謬田蕪而荒菊逕但欲賦歸去來今之辭縣古而出槐根詎敢作居無幾何之計彼有成於墮旣僕方窘於膠舟歛聞鸞鵠之掀騰信知駢騶之超越舊令尹必告新令尹諒不勝父母之仁今將軍安問故將軍所覲篤子孫之契惟日爲歲邇風有懷

通傳知縣

宋方岳

見督郵而束帶久矣淵明之賦歸趣舍人而治裝是何叔度之來暮凡三易人而及此旣五閱月而跂予豈辛苦之未償殆夤緣之有待敢贊鯉書之訊式遄

東瀟別選章卷之三十七

世

亮鳥之飛恭惟某官身荷駿聲家傳鴻緒丈夫四方志尚不厭乎蠻煙瘴雨之間才名三十年自超出於光風霽月之表試命言游之室已操宏賤之琴何以假當爲真此猶輕車之就熟路惟其有是以似豈特利器之遇盤根小遲五柳之陰趯下九芝之檢某猥猥性野黽鼠技窮高山擁縣青曾不濃於歸興春水護田綠亦安有於去思屢襖被以問涂旋挈家而還耶吾且自慙人其謂何豈不懷歸畏此簡書竊有交龜之喜道之云遠瞻彼日月願聞秣馬之期

通趙知縣

宋方岳



巖巖債邑公方勇奔於及爪僕僕修塗誰使不違於  
釋木適觀取舍復有賢愚政致一行之書願聞數語  
之誨恭惟某官鑑湖水雪禹穴風煙自同餘子之卑  
不受諸公之力初河陽辟溫造欲取一人而拔其尤  
然潁川留寇恂重違百姓而諾其請竊高雅操無負  
仁聲傳聞桃李之春熙想見桁楊之兩臥白日少王  
事相忘扣角之歌青山在縣門真可彈琴而治有令  
如此其民自醇遙知私語於柳陰惟恐端頒於芝墨  
某多幸親朝陽之鳳同班飛太史之鳧顧邑在萬山  
間所謂人棄而我取抑身墮百僚底亦惟大黠而小  
東清別選章 卷之三十七 三十四

通宋知縣

宋真德秀

河陽之花滿縣將播仁風玉川之屋數間行依德宇  
載念論交之始可稽候訊之恭伏惟某官器識疏通  
丰神凝秀淵源有自廣平之風烈未衰文獻相承元  
祐之家聲如在早登歸第茂邑芳猷寶鎮瑒圭無瑕  
可指黃鍾大呂隨叩輒鳴更迂館殿之才來尹山川

之縣百里而恢牛刃未展宏摹一武而上烏臺定術  
近敵某猥慚迂謬方幸退藏徒與老農共負耒耜珉  
之喜愧無宿學辱過門問字之勤

通崇仁曾知縣

宋李劉

曉行湘水我方尋欸乃之歌春靜巴山君來賦薦子  
之曲非釣魴之厚味漫致鯉於長鬚恭惟某官忠恕  
家傳倫魁世業恢恢游刃如錐之處囊中在在彰纓  
皆羅而致幙下適通玉籍屈綰銅章願避譚公之維  
私不云濟水之可厲維寶唐之徧邑固麻谷之舊邦  
錦製此來繡行甚寵改邑不改井易地則然有土此

東清別選章 卷之三十七

三十五

有財得人焉耳奉潘與其孔邇馳魏闕以非遙某兩  
鬢白紛隻身墨隱昨班文石不能誨館下之諸生今  
戍武岡幸不失黠中之上佐出畫尚遲於三日受勝  
願託於一厘操韓子赤縣之權晉妾于於薄少荒郭  
虔蒼苔之屋尚見其歸來

通知縣交代

宋周必大

疏榮帝寵出宰王封懽慙疎曠之餘行籍交承之庇  
顧平昔慕用之已久又子孫託契之云初盍修鄙辭  
致敬下隸某官奕世鍾美受才絕人頌每中興駭羣  
公而驚嘆詩追古始擅作者之風流追觀祖宗登用

人物之時蓋居臺館儲蓄英才之地安用一律以待  
長材蓋君子仕不辭卑姑假此小邦以自試抑下邑  
民弊已久天其使賢尹之來臨其之不才繆茲代匱  
嘗以爲百里之地是乃古人之欲得豈有於三年之  
內常憂已志之不伸非事之本末不同則人之才力  
有待伏惟鑒拙者之已久思志行之孔艱泥古則疎  
必有可通之律度徇今已陋又將小出其規模庶幾  
當世不以作邑爲難豈特小人獨被善後之賜

與蔡知縣

宋方蒙

有美種花煩公穀壁薄言採藻荒我茅田行微惠於

東瀟韻草卷之三十七

六

琴堂敬登名於籤室恭惟某官負魁豪之學生仙聖  
之鄉耻蟲篆之文辭自期甚遠擢龍飛之科第所立  
素高有如雲霄濶步之初宜在風日不到之處既棲  
矮屋又省何曹速再聽於臚傳蓋徑躋於鵷列華亭  
鶴唳方忻近尺五之天葉縣鳬飛乃願易一同之地  
吏驚神令民詠慈君有畫簾寂寂之清無朝鼓蓼蓼  
之謗然而牛刀施於鷄肋驥足旋於蟻封聞諸廟朝  
方旌褒於三異由此臺省將容與而九遷棠陰佳哉  
樵水重矣某稍知自勉竟不能奇京兆聞浪仙之時  
名非其好也內庭噴風漢之對語願而受之一科何

補於遺餘本志自怜其變化得溫所業幸冷其官安  
敢招諸生而誨焉所喜事大夫之賢者列後堂之聲  
樂素之豪名聞武城之弦歌恐有愧色中丹所蘊副  
墨具陳

請馬大尹入書院

明萬士安

置一床於淨室佇瞻高士之臨分半席於玄門實切  
鄙人之望同心有利至德不孤伏惟某官類似水壺  
形如野鶴棄榮名而修性命脫凡近以遊高明始看  
邑宰飛鳬終見少微應象寒潭見底占斷漁磯一灣  
明月當空坐破蒲團幾箇煉金使查滓盡去盡馬來

東瀟韻草

卷之三十七

三十七

毛髮皆真却聽反觀常故天人之鑰歛息候氣頻焚  
午夜之香象不着鈞牛初露地遂覺江山有主時將  
詩句傳神奚啻開南國道流實乃先北方學者某才  
非經濟職忝規模欲強人以進業而力不前顧省已  
之知非而齒則暮譬之形曲而影不直宜乎聲息而  
響遂衰然責不敢辭乃志猶未已共扶名教願借高  
賢猥誦佳章俯首有凌雲之想嘿忝上座終身成把  
臂之交遂許同盟了茲一事况大隱原居城廓而獨  
善或非聖賢暫出精廬增光書院昔曹叅避舍則蓋  
公肯來彼韓愈卑詞而顛老遂至章章人物顧我輩



以何慚落落乾坤報德星之再聚庶幾明公爲衆領  
袖務使多士範我馳驅累歲清齋諒葷羶之難染雲  
時出定知伎倆之俱忘永裡寶珠帶得一川風月胸  
中丘壑携來滿座烟霞敢佈俚言用催道駕

譙朱侯

明吳守道

伏以仁陶百里聿興章來之謹思庇二天式列樽俎  
之譙預申箋啓冒貢蕘言恭惟某抱經天緯地之才  
蘊輔世長民之德鴻名題鴈塔秀拔八閩之靈鷲邑  
試牛刀績奏兩浙之最本分符於畿甸更製錦於祈  
閭鑑空衡平水清玉潔首揭六條良法政尚和平心  
存一掬真誠功收俄頃奸貪屏息博場篋廬塞之呼  
禮教成風鑪肆絕衣冠之跡嚴學規以造士桃李滿  
園申鄉約以淑人甘棠遍地一錢不擾茅簷下更無  
蛇虎之嗟萬寶告成枌杜中共有鷄豚之醉漢室循

良風斯下矣皇朝碩輔日且見之某往謁帝京先祈  
民恩沾雨露茲叨使節受屢珉分隔雲泥願野人思  
獻至尊幸魯公不遺故舊洎九秋望日嘉辰際一年  
好景勝會宴集而德星聚應符太史之占籙發而清  
風生依稀勝閣之景莫含紫玉暗香飛入瓊卮菊綻  
黃金佳色遙添綺席乘茲歡樂侑以賡歌有臺咏南  
山誦君子之萬壽舉杯瞻北闕祝仁侯之九遷伏乞  
馭華轍以俯臨遙傳金玉音響在衡廬以燕豫頓生  
蓬華輝光

譙姚侯

明吳守道  
代人

伏以菁莪化洽聿逢頌俊之期桃李陰濃濫沐典賓之典邇栽培之有自覲報効之未繇肅賓非延借申俚牘恭惟某官丰神金粹器宇玉溫八柱擎天唐室之流風未泯一門聯第皇朝之文運方新正學傳心桂鵬搏於北海賢科脫穎起龍臥於中天行資調鼎之手於黃扉乃試製錦之能於赤影惠流阡陌化洽官墻遠慕子游之得人論真才於月書季攷之外近追文翁之造士敷古訓於春絃夏誦之餘公衮甫臨儒紳丕變當持衡比較之日正操管兢進之秋某技抱雕蟲文慙吐鳳華蓬寒士匪有左右之先容對菲

奉清簡選章

卷之三十七

甲

下材謬膺朝夕之尤拔若李生經品題而增價若蘇子幸見知以爲榮路槐忙去辱勸駕以南征撒棘歸來叨計偕而北上風雲會際雖稱儒者光榮雨露沾濡寔緣明公造就謹洎某晨式烹山茗敢云報大賢之知爰採野芹聊以效至尊之獻伏願鑒茲積臆不惟其物而惟其儀惠我誨音俾成乎終猗成乎始庶幾門墻下士之徵永館閣明公之庇矣恭賚簡札祇候台階伏乞俯賜允俞曷任瞻仰欣躍之至

譙姚侯入覲

明吳守道

伏以分符出宰聖皇重牧養之司述職趨朝臣子効

靖恭之義詹征車之發軔思獻爵以颺言恭惟某官官門毓秀王國儲祥天假文章豈啻長文學之錄家傳政譜更兼優政事之科比勞館閣之才來視山川之篆惇大成裕厚德鎮浮溥施一念惻隱之仁散作萬井和平之福桑麻無恙歌漢史之循良桃李不言咏周詩之豈弟旌書海至登膺臺憲掄揚剡疏交騰正屬宸衷眷注頃當計吏之期式舉觀君之典心懸帝闕若江漢之朝宗身到皇都擬風雲之會際報政特書于上考論最卓冠于羣寮丹陛對揚動龍顏之歡悅黼黻簡在宣鳳詔以褒嘉寵示特恩榮以殊遇

奉清簡選章

卷之三十七

甲

庭開卓異宴上方鶴醞鸞儀詔錫庶蕃頒內帑南金大輅蓋署勲名于御柱此其造端而覆姓字于金甌斯爲托始也某等泳沐恩波漸涵教澤伏覲志切傾葵駕公車于邁萬里清深折柳酌盃水聊表寸忱謹洎某晨奉迂華轂冒申俚啓懇乞賁臨曷任欣躍之至

譙張侯考績

明吳守道

代作

伏以韶華茂對式逢蒲節之臨薦疏交騰喜際瓜期之及報政端書于上考稱觴宜罄于下情恭惟某官玉質金相海涵岳峙題鴻名于虎榜科第重光割鵠



邑千牛刀經綸小試純誠應事平易近民擴方寸側  
隱之仁造億兆和平之福循阡陌而經界正遍地其  
棠培峯岳而文運滋載道樸樸芳留宦土在在頌德  
之碑聲播憲台繩繩薦賢之牘茲以本月某日時維  
考績之期首舉敷奏之典金曹署最黼座旌賢展也  
循良業試今千赤縣宣哉卓異宜人相于彤庭有詔  
徵劉無繇借冠某叨簿佐于三載幸覆庇于二天沐  
鴻恩銘心鏤骨觀盛事拭目揚眉肅領公筵歡迎台  
駕祇候俞允曷任光榮

宴張侯

明吳守道代新

古金清制選章

卷之三十七

四

伏以元運滋培沐菁莪之樂育人文開泰際茅茹之  
彙征薄采魯泮之藻芹叨作狄門之桃李歡騰雀躍  
祇謁龍光恭惟某官昂宿發祥岷江毓秀繩祖武以  
起科第展也聞孫赴公車而對天人巍然碩輔擬秉  
鈞下紫閣聊製錦于赤城豈第慈祥萬井受和平之  
福公廉勤慎四郊播忠愛之謠循阡陌以均田賦更  
定化絃典庠校以復地靈挽回文運育才造士重來  
西蜀文翁學道愛人再觀武城言偃凡此青蘿白石  
之境變爲朝絃暮誦之區某等以草茅之資久沾時  
雨教澤而葑菲之采仰藉春風吹噓比屬興賓遭逢

於士青衿有慶竊幸明公之典衡蒼海無遺愧匪英  
雄而入彀一時良邁千載奇逢荷陶鑄之鴻恩深于  
淵而重于鼎竭報効之馬刀鏤于骨而銘于心月十  
仲春旬越二日恭伺台駕引而進之門墻修業費官  
行且化于禮樂樞承師座聆扶扶之金聲引領賓筵  
挹溫溫之玉色生光几席喜溢章縫執爵磨歌樂曾  
侯飲酒在泮揚眉拭目看天子徵詔來祈秉白簡以  
趨螭廷正色立羣公之表持彩絲以補龍衣丹心結  
明主之知履姓字于金歐黃麻大拜咨調燮于寶鼎  
紫閣論思君相交歡邁漢庭魚之有水明良相遇咏  
東瀛制選章

卷之三十七

四

宴張侯

明吳守道代新

琴堂贊政欣聆風韻餘音惟幕效謀企仰台光末照  
懋花陰之芳蔭衣被鴻恩獻芹曝之微忱筵開燕豫  
恭惟某官冲襟秋湛泰宇春融煥華國之文章克繩  
祖武紹傳家之政譜小試相才藻鑑高懸照寒奸吏  
之膽蒲鞭容設痼疾赤子之膺冊籍若魚鱗騰地覩  
經界之正宮墻如鳥革魯邦瞻廟貌之新以至治感

格天心祁陽紀六瑞靈應以深仁孚協與志祠宇流  
百世芳聲直指薦揚文章疏其卓異宸衷懇簡特詔  
裏以絲綸行看脫屣赤城還班紫閣者也某猥以異  
流叨承新命獨念卑官之難任深惧曠官羣稱思主  
之仁明賀得賢主比瞻琢玉儀表鄙倍之心頓忘載  
領鏗金誨言清脩之守益勵當卑職受任之始際明  
府治化之成市無擾金何勞形於案牘野不局戶奚  
併力於捕追政有餘閑禮宜盛舉積誠滿臆恭脩上  
壽嘉儀撫景怡情適屆中元令節挹青夢之月霽邁  
蘇子赤壁勝遊望白石之雲騰感漢廷河東題咏仰

東瀛制選章

卷之三十七

四四

祈玉聆鑒不腆之蕪詞俯賜金俞御清懽之華晏

譙張侯

明吳守道

代武舉作

伏以甘棠蔽芾聿興豈弟之歌桑梓恬熙宜啓昇平  
之宴願聆折衝於樽俎庶化赴武爲干城冒貢俚詞  
僭于記室恭惟某金聲玉色綉口錦心策對天人紹  
傳家之甲第才全文武具經國之計謨比勞紫閣之  
英來視赤城之篆培峰巒以滋文運青燧永永詩書  
正經畧以厚民生綠野穰穰稼穡通登臺以講武已  
知仲淹胸中數萬甲兵每止盜於裕民遠邁富弼河  
朔十三籌策卽此牧民御衆之畧因占出將入相之

才某荷戈問宇深漸班筆之投彈缺悲歌幸際宓琴  
之化受屢喜父母之過情切瞻依居邦事大夫之賢  
心懷嚴憚謹洎小春之月敬卜上吉之辰肅列儼庭  
祗迓公衮伏乞俯鑒芹觴榮乘華轂陽春有脚先來  
武弁之家太乙儲精旋照文衡之筆允爲太平之樂  
事共慶勝會之奇逢伏謁鈞臺仰懇俞命下情曷任  
欣躍感戴之至

譙張侯

明吳守道

代武舉作

伏以琴堂參佐近化日之光華鈞座瞻依仰仁天之  
覆冒亶哉一時榮遇允矣千載奇逢惟忝輿言拜稽

東瀛制選章

卷之三十七

四五

上壽恭惟某官天才卓越手望高華策獻九閭繩祖  
武以昭嗣服符分百里軫民瘼而切痼痼豈弟慈祥  
易苛綢以寬大公廉勤慎調化弦以更張遍野嘉禾  
萬井饗養道之利盈廷瑞桂一朝開文運之光白叟  
黃童口碑歌其忠愛琅函寶軸手詔錄其循行將披  
牙綉以肅朝綱風生臺閣毗龍衮以培國脉績紀旂  
常者也某荆楚鄙人喜接壤於仙里糾縉末品叨具  
位於官寮分席花陰竊幸明公垂蔭有懷芹曝聊効  
野人獻忱肅啓儼庭恭迓公衮挹鈞衡丰采心醉令  
儀聆金玉誨音人酣道化僭伸俚牘伏謁台階懇祈



賁臨昌勝榮幸

譙張侯觀回

明吳守道代學官作

伏以最奏虞廷覲見旋以班瑞歡騰魯泮儔邊豆以稱航迂鸞音寵臨寶席瞻鳳采輝映儒林敬申告於僕夫預將命於記室恭惟某官琬琰成性錦綉爲心詞源到三峽之流鹿鳴西蜀筆峰掃千軍之敵鴻漸南宮望重秉鈞才試製錦瞻此赤城遺俗猶存紫陽流風以山斗文章樹標作的以淵源家學啓鑰開關大施陶鑄之仁博采滋培之議凡有裨於多士曾無愛於百金殿廷一撤而昇新奕奕宗廟之美山水再覩其大好杰杰人文之興絃誦聲聞登祁陽於禮樂吟唔音續化閭峽於詩書時兩潤菁莪榮敷翠色薰風催瑞桂開向朱明用是誦聲作於四境綸音褒於九重行將輔文德以致太平贊玄功而列元勳者也某濫厠學官每懷尸素之惧幸逢明府親炙道化之隆泳浴恩波沾濡教澤往飛舄以北覲心切瞻依比攬轡以南旋情深懼忤率士弁以郊迎竊幸龍光之覲啓公筵以庭勞聊申燕饗之思薄采藻芹惟其儀不惟其物侑以綠竹象有德而象有功斯文勝遊名教樂地叨陪嘉會侍左右頓忘瓊寒佇看徵書召賢

良不遑席煖祇述鄙願恭獻台慈

請方大尹

明梅蕃祚

韶景未闌萬樹榴花圍錦縣朱明復落千行楊柳蔭芳郊燕識將雛鸞知喚友願板清燕好答良時佛祖亦有綠葢浴恩波之浩蕩山靈胥有幸甦迴光彩於斯須隱不見遺益仰鉅公之采菲何以爲敬端效小人之獻芹伏候玉音奉爲金諾

請范大尹

明唐文燦

歲轉首春喬鳥開飛騰之路節鄰元夕宓琴動歌舞之衢謹諏十日以引清遊聊設一尊而供薄酌惟垂

賁臨昌勝榮幸

明

請沈大尹

明梅蕃祚

禮法優容每辱提携于左右聲音互答常慚唱和之于隅且侯歲何敢當上坐之嘉賓而彭宣又幸爲後堂之高弟感真鏤骨矣德實醉心焉無論孝敬之未申抑且報投之不稱被浮于面罪負在躬固知大君子能鑒者惟蔡誠其如小丈夫所懷者有芹曝繽紛素牘識批答之爲勞絡繹輪蹄見應酬之作楚坐臥無停歇出入且有戴星不徒役使手精神尚賴助勑手供億儻才非游升何以應盤錯之艱難乃事若

解紛又豈問繭絲之眇小萃一身而兼勞怨茫三  
以偷晏安公雖不責以分擔我敢自昧乎倒置果托  
生之有幸爾豈圖必之足報哉欲覓餘閒敬申薄譙  
幸旦夕垂簷之少報望須臾法駕之光臨雪藕調水  
聊日張筵避暑驚梧流火敢云接席迎秋冀雅度之  
汪洪諒不討其褻尊之過矜下情之殷肅庶可慰茲  
事上之忱

請朱大尹

明唐文燦

王春載啓和聲徧徹於花封人日方臨霽色更連平  
柑夜迥別尋常之景特諏初十之辰伏祈命駕臨門  
東瀛前選章卷之三十七

四八

屈重就村家瓦飲佇俟携琴登座交歡聽里巷絃歌

請邵陽方大尹

明梅蕃祚

花滿城中雪後猶傳梅信蔭敷野外冬深尚布棠陰  
惟大人造化如天欬唾皆爲潤澤俾小子栽培得地  
生成每被陽和人人咸曰同仁區區獨稱再造誓捐  
血肉圖報私恩先假尊壘用攀宴享侑食恨無絲竹  
賴有琴聲陪乘幸藉賓僚可供觴政案牘美餘閒求  
借光于頃刻几筵慚薄具聊展敬於斯須卜以中旬  
期之首日謹爇清香而俟駕願騎紫炁以停驂倘蒙  
心虔願言肯肯

請邑大夫題主

明程世奇

伏審北斗推天周玄英之令節東風應律啟青帝之  
芳辰梅輝兩歲之華栢沁初春之尊謹詹來正五日  
迎法誦垂簷亮郊貌諸孤敬竭微忱先大夫祈行主  
禮倘辱王公之鳬鳥何須陶氏之牛岡草木含榮自  
生祥於重壤湖山增色應流蔭於未裔盥手具箋疑  
驛候駕

請邑父母飲甘露寺

明程世奇

切惟以尊臨卑寵幸固難於頻數用下敬上慙慙不  
厭乎再三昔叨忘分之交三徑尚餘芳潤茲獻葵尊  
東瀛前選章卷之三十七

四九

之憫一厘敢續奇逢醴醴中冷喜新酒之方熟蔬陳  
甘露僅時食之是登屏擁東南山翠萬重當檻出襟  
連西北水華千里抱城環臺閣高升境界立雲霄之  
上江山一覽胸襟開天地之寬便可觀風因而考俗  
試問前村鷄犬寂寂晨昏且看附郭人家聲聲杼軸  
如此太平之象豈非大順之徵美政於昭群情交暢  
最宜樂事欣賞良辰遂歌鼓瑟之章借寶鳴琴之暇  
大發登臨之興少舒撫字之勞與物同春偕樂繼周  
詩並咏隨時造意一遊婉夏諺齊吟幸念虞人之期  
雖雨弗阻早命文侯之駕盡樂方歸益沾台斗之榮



殺名山之勝凝眸鳳翼竚聽鸞鳴

請邑父母

明程世奇

伏以治平擅天下之最下情自切瞻依嚴憚資大夫  
之賢上交 碑益古來懿訓今果明徵恭遇台臺  
欣逢奇遇 被寧誇近水樓臺沃潤滋培未數  
向陽花木恩施不報禮遇非常洋洋盈耳珠璣真勝  
十年之讀耿耿懸心彝鼎徒懷期月之忱茲卜良辰  
備板嘉會序屬一陽來復見天地生生不已之心會  
當萬戶告成祝父母浩浩無涯之慶祇修芹獻聊薦  
葵寅採三山之蔬魏是齏鹽淡薄烹一泉之茗慚無

東瀛別選章卷之三十七

五

水陸奇珍此固儒生寒素所均或與臺下澹薄相契  
如慨然俯就惟儼若來臨千載風雲飛雙鳬于霄漢  
一朝雨露拱列宿于天衢右挈左提何幸兼文倚玉  
上呼下應敢云蘭臭斷金持觴傾北海之尊百篇燦  
爛秉燭待東方之曉四壁輝煌此際殊榮至期願望

古今濡削選章卷之三十八

豫章李國祥休徵甫

友人喻世卿中任甫校閱

外縣

通寧鄉陳縣丞

宋李劉

武功之丞簡靖久矣沐芳臨邑之簿卑棲茲焉假蔭  
敢以尺書之敬進於再拜之先恭惟某官遠抱甚都  
壯猷孔碩清明志氣胸中風月之無邊沈浸文章  
下源泉之不竭盍徑要津之立顧淹贊邑之留鳳凰  
自下而升高聊復爾耳鷹鷂鉗左而摘右端使然哉  
雙陸之勢無休九萬之程斯下某崎嶇副墨漫浪勾  
朱士安得自高妄欲比鄰之託余方有公事願聞掃  
澗之吟

與李縣丞

宋方雲翼

贊府望高聊對藍田之竹開廳食少坐荒茅屋之苦  
行矣熟瓜斐然削櫝恭惟某官筆精墨妙學廣聞多  
生於西山之鄉淵源甚遠苦矣南宮之戰精銳不衰  
竟脫白袍遂紆黃綬睠焉樵水邇甚松卿日哦兩松  
之間地僅一領之隔官箴霜凜丞政不聾判筆風生  
識誰得噤然以博覽通之素加之淹翔練歷之深

鵲表交飛當路爭先於勝彥鵲行平入中朝况用於  
老成宜有裏言俾儀表著某少豪自喜長拙無奇詩  
得浪仙之名非某好也策遭風漢之目泰然安之偶  
不失於家壇詎敢當於教席以嫌不可否丞之設端  
使然哉相與問襟期今而後吾知免矣心之依倚辭  
不究宣

回趙縣丞

宋方岳

漢竹分符屬吏紛之旁午楚萍涉筆欣宗彥之同寅  
蜚積榮如驅車至只廼曉瑞麟之秀蓋儀玉鷺之  
予不負丞丞何負予姑唸松署主固擇客客亦擇主

東瀛別集卷之三十六

二

諒溢薦書某志護本根味均草木我媿元英子矣幸  
山水之相知君非聊復翁耶儻箴規之樂告薄言占  
復切幸內融

回趙縣丞

宋方岳

藍田千竹喜入吟邊楊子一屢適在宇下雖若燕鴻  
之避雅聞笙鶴之音恭惟某官胸有層巒身爲盤石  
提筆秋風之戰雕已疊雙袖笏樵溪之遊鴻方漸陸  
航或肯排雲而臨閭闔安知不跨海而望蓬萊資歷  
拘之歎息久矣世豈舍我姑徐徐六月之飛丞不負  
予寧鬱鬱千山之底式端薦墨不次除

八卧秋

崖側塵壁水開緘見諫議之面三印斜封論文敵開  
府之詩一樽何日有懷注仰無數戰戰藏

回李縣丞

宋方岳

夙戒曹裝言歸鄭里哦松近只候崔嵬之新題折柳  
黯然而勝塵之遺愛某未終素輝徒悵錦帆惟諸大  
夫共集於離筵俾不肖孤難參於臥轍我之懷失願  
餐金鼎之和王曰歸哉遄遄玉班之峻

回何縣丞

宋王邁

出綸楓陛涉筆槐廳頃仕帝京早識三何之風味茲  
游佛國重陪貳令之吟哦展賀臯遵先施倒置某官

東瀛別集卷之三十六

三

人粹如玉名重於山鍾淑氣於七公五相之門蜚大  
聲於千英萬俊之藪策勳場屋遜封胡羣弟之先登  
對策殿廬皆晁董諸賢之忠告倒蔗漸逢佳境寒花  
賸有晚香露政事之一班發文章之三昧金灘鴻鶴  
之舞方爾呈祥藍田鴈鶩之行又還寄徑况今棣萼  
正謂栢臺諸公推挽之亨途薦墨紛綸平盈篋已不  
卽人人卽已爭願賞音余不負丞丞負余行將召擢  
如某迂濶與時背馳贊畫京畿自撥中都官之恕談  
經宗校莫逃貴公子之嘲所幸知己之來必有相規  
之益既見君子則喜敬在下風不與執事同心有如



賜日

回丁縣丞

宋王邁

命錫芝函權分穀壁鴈驚以行進方驚武令之威鯉魚從遠來忽拜尺書之寵先施倒置亟謝反遲某官續昌黎似經之文生江淹夢筆之地負鄉先生之望私淑者多奏子大夫之篇成功則一倒蔗既逢於佳境寒花賸有於晚香俯爲涉筆之游來贊鳴絃之化哦藍田之松而有味紉楚澤之蘭以自馨余不負丞丞負余能使花封之重已不卽人人卽已趣歸柳院之班如某其人何庸於世少徒有志文場親被於百

東瀛別業

卷之三十六

四

創壯不如人宦海纔航於一葉竭來蓮幕密邇槐亭不徒降識君子之心且有見似鄉人之喜州縣徒勞耳俱未免俯仰於人富貴何有哉要相期遠大之業

回建陽黃縣丞

宋劉克莊

倣戒行裝榮趨萃次理紅藥碧台之詠宜屬雅才爲老槐鉅竹而來足知高致方將懸事收後修辭恭惟某官爽氣橫秋貴名揭日文盟素定布韋敢不心降賦草一傳場屋爲之紙貴既擢太常之第益爲文館之遊然猶作吏一行爲丞再轉在君子所養者可謂厚矣任人物之責者能無愧乎給札而賦上林會有

開於薦口草書而招贊普行入掌於詞頭某猥以散才領此劇處方有曠官之懼忻聞貸府之來闕政必規君之惠非所敢望也署名惟謹丞之設豈端使然哉

回富陽趙縣丞

宋李劉

倚使者之車笑癡兒之未了題丞哉之壁聞公子之鼎來未果修辭先勤執訊恭惟某官五潢龍種千里駒材早宣采棒之威坐獲綠林之賞鴈鶩銜行而平立端使然哉鳳凰自下而升高恐不免耳某強名人幕正愧面墻赤縣官曹喜依仁之有幸黃塵衣帽或

東瀛別業

卷之三十六

五

分陰之自今

代回宣仁張縣丞

宋李劉

升陟一章何能借重謙勤尺牘又復拜嘉其文固是綦然此禮略之可也恭惟某官清餘家法敏有吏材翠竹深林久已觀於停峙老槐古縣茲良費於吟哦無俟書來亦當剡入未見分毫之補又勤四六之貽某辭壁未能報瓊又乏樓臺近水奈何秋月之闌干桃李成蹊佇見春風之披拂

回章邑丞

明汪國楠

伏以贊府望高聊對藍田之竹閑廳食少坐荒茅屋  
之昔行矣熟瓜斐然削牘恭惟某官筆精墨妙學廣  
聞多生于東魯之鄰淵源甚遠苦尖南宮之戰精銳  
不衰鵬未圖南鴻方漸陸脫或肯排雲而叫閭閻誰  
云不跨海而望蓬萊共知寒花勝有於晚香且誠倒  
蔗漸達于佳境君方側席豈負余某辭壁未能報  
璫又乏萬戶絃歌喜匹花封之治九重綸綍行趨柳  
院之班

上郭贊府

唐駱賓王

賓王啓側聞樞精嘯谷韻清籟於驚蘋震德昇乾轂  
玄枝而布族雖涸鱗濡沫終缺望於鯨潭而決羽槍  
榆頗思遷於鶯樹伏惟贊府公瓊階疊秀積珠構於  
三龍玉幹驚華睥瑤林於八桂仙飛有道榮河泛高  
尚之舟德驗通神靈策洞幽冥之境產耶谿而濯質  
鍾鐔廓豐匣之姿孕鍾嶺而飛華虹玉絢荆巖之氣  
松秋表勁翊頽霞而插極菊晚馳芳溼清露而凝沼  
鑒懸龍鏡朗逸照於咸陽韻入鳬鍾驚洪音於長樂  
心源泛藻控鰲壑以朝宗情岳披蓮掩龜岑而作鎮

惠牛曜辨驚荀鶴於談藂揚鳳桐文詠鄒龍於筆海  
故得佐銅章於啓渚側扇文鯨之風貳黑綬於桐郊  
潛誘祥鸞之化絃揮單父弼清韻於嵇琴乳狎中牟  
翊馴翬於藩雉加以延賓致驛接士式間採援芻微  
邁欽賢於司隸提獎幽滯軼取俊於淳于賓王羗牖  
輕生席門賤品幸得叅名比屋悅康衢以自悟預迹  
畊夫欣日出而知作且以家傳素業弋書林而聘志  
少奉庭訓馳文圃以游覽至於標卷青箱頗側探其  
興旨竹書石記亦幽求於異源雖未能響徹帝門聲  
馳宰府而頗亦見推里閭譽浹鄉閭方今銀箭躔秋



金壺應節吮墨翅足希造杖於一枝味道彈冠望橫  
經而重席不量庸昧竊冀揚庭伏乞恩波暫垂廻盼  
倘使陳留逸調下採柯亭之篠會稽陰德流眷餘裕  
之蔡則廻眸之報不獨著於前龜清亮之音詎專聞  
於往笛雖滄溟達量敢不媿於牛涔而嵩岱洪恩終  
情酬於蟻穴輕清視聽戰警誠深猥黷階庭兢惶交  
集謹啓

請署印郭邑丞

明杜承基

伏以榮垂墨綬寅恭協贊於一堂寵署銅章歌頌惟  
騰于兩邑專城沾澤隣壤借光恭惟某官學富五車  
文輝三丈章貢水流雙澗合誕生一代偉人雌雄劍  
起五雲飛金檀三難芳譽茅峰佐令尹天賦才猷史  
水標清貞碑傳黃白當途薦剡兩地握符沈波暫借  
寇主之恩印石權開大賢之路明而且愛肅以生威  
操凜玉壺冰私室公門似水政婉金莖露窮鄉遂谷  
如春循良深媿夫明時卓犖遠跨平屬吏閭閻按堵  
士庶勸功出入常勞戴星蓬華未蒙賜教謹涓七辰  
之吉少伸積悃之私望郭汲以黃鵠俾逐兒曹竹馬  
喜林宗于親炙實逾河上仙舟統輿肯來曷勝榮藉

通寧鄉蔡主簿

宋李創

望俊躔於淮海知敬儒先問遘道於洞庭偶從誤後  
貂不足而狗續鴻高舉而燕來及未治任可無執訊  
恭惟某官負材鴻碩蕃學駿龐中郎典刑晚亦宜於  
東觀客卿富貴久益見於西秦吾道非耶公等安在  
跨揚州之鶴安得自高麾湘水之交能令公喜方今  
漢庭之老用矣敢問其會之意何如某志大心勞材  
疏意拙一科不補欲釣鰲而未能五技易窮覺屠龍  
之無用所賴鸞鳳之先戒棲枳何如無謂牛羊之下  
來求芻而止尚托子孫之契欲窮師友之源向來一

東瀛別選章

十

辦曾南豐苦難並世安知四海習鑿齒不勝讀書

與馮主簿

宋方雲翼

士得自高何妨矮屋官名獨冷惟有泮宮昉此內交  
斐然通贊恭惟某官天賦甚厚地望素高西京循吏  
之家豈其苗裔本朝倫魁之彥遠矣源流靡湏十上  
之勞竟取一科之寵雖曰卑棲於枳棘且忻密接於  
枌榆長欣季習之盛名爭爲署剡士聞鑿齒之緒論  
勝似讀書然而官未稱人位不踰德四十爲主簿未  
足爲淹三人至宰司曾有是比聊爾勾朱而入墨行  
兮邈紫以凌青某習於箕裘腐矣鉛槧少鳴場屋耻

爲舉子之文晚對殿庭聳入狂生之目薄言采藻乃  
幸識荆反教人爲惟夫子今而後免能令公喜微執  
事吾誰與歸依倚方深敷陳周竟

回新趙主簿

宋戴翼

光奉綸言榮司簿正古號章江劇邑政資佐理之長  
材公乃仙潢英游奉借勾稽之敏手天畀寅恭之會  
日深跂望之懷敬飭慶忱仰酬先辱恭惟某官帝苑  
一角麟之瑞士林九苞鳳之奇學問得源流太乙吹  
夜藜之燭文章妙機軸天孫織雲錦之裳絳素緼於  
茂猷宜亟躋於臚仕合直上校讐之府何尚煩管轄

東瀛別選章

十一

之司大才蓋無施而不宜達到亦自近而後至暫茲  
棲棘少淹仇覽之鸞行矣蜚英卽快補衡之鸞某儒  
生不武邑寄奚堪鼠技嗟已五窮驚才豈宜再駕以  
小已之自揣舍大賢其疇依忻幸此來預喜蘭金之  
託扶持厥後全資藥石之規占謝雖勤編摩罔旣

回趙主簿

宋方岳

麟鬣分夜雪之燈未寒草夢魚素遞春風之訊適近  
枳棲跂重論疇昔之心喜不隔同年之面恭惟某官  
聲光如斗氣韻欲仙小奚佩古錦囊吟盡風檣之騷  
句太乙然青藜杖讀殘寶笈苑之秘書久已騰淡墨之



暉何至試勾朱之最雲深曉殿盡隨鷓鴣之行花動  
春城式快鸞鳳之翥嶠頌瑤札儀我銀潢某拙則未  
除資亦不改弓韜一尉樗櫟之材何堪硯老半生塵  
鹽之味故在抵掌豈甘於俗吏折腰猶迂於世情羣  
然龐吠之信中以蜂蠆之毒官事未易了也無已大  
凝吾道其果非耶笑爲敢愠延覲金蘭之好惠垂玉  
旌之規野梅吹江路之香尚須佳晤山雨話爐亭之  
舊重挹清芬

回李主簿

宋方岳

青山擁縣有嘉棲枳之鸞綠水護田誰記去家之鶴

東浦別選章

卷之三十八

十三

聿來瑤宇如見玉人恭惟某官輩行則魯靈光器韻  
則禹神鼎蓋謫仙人之苗裔無敵於詩何飛將軍之  
聲名不侯如故安有學者之北斗屈於進士之南廊  
帝曰嗟哉公等何見晚也仕其漫耳高人亦主簿耶  
第聞鄉曲之誦言少紆田里之愁歎幸無忘於鐵硯  
許重對於金鑾立登政塗厥有故事某起從後獲幾  
化兜鑿多病每思故廬曾莫逐畢方之從此曹宜東  
高閣何當低太白之芒乃司金耀之書仍贊玉桓之  
畫其誰歸我所欠識公萬戶韓荆州今之貶昔一諧  
習鑿齒秋以爲期斷金則同報瓊焉有

回余主簿

宋鄭厚

有來鸞鳳之音聞於空谷不斲鯉魚之惠貽及幽人  
渴方望雲勝於得雨施先及我何以酬君伏惟某官  
壁水名流柯山相種覽德輝於千仞翔而集之訪仙  
隱於三賢今猶古也勿以簿書勾稽之末實主弦歌  
啓發之機羞作彈箏肯羨秋風之一曲緬懷搖鐸未  
忘寒燈之五更肯尋同盟是真臭味某雖未識面已  
先知心忝受塵而爲氓非公事不造邑楊雄之居甚  
僻問字有誰習公之來可依讀書勝我願見君子罔  
有遐心

東浦別選章

卷之三十八

十三

回沈主簿

宋劉克莊

僕爲陋邑敢謂種花君自修門肯來栖枳乃修短贊  
以候先驅恭惟某官性行淑均文理密察周旋公府  
無刀筆之刻深馳騁秣林有燈窓之勤苦遠游閩嶠  
深厭京塵姑暫主於簿書卽人還於省闈某服勞未  
久聯事方新若俗吏之所爲非所望也過長官而議  
事倘有意乎

回林主簿

宋危昭德

太守自謂濫叨分竹之榮主簿何如遠致維桑之敬  
欽哉高誼報以何辭伏惟某官鍾圓山漳水之奇似

其嶠途臺之彥豈應短簿而滯長身日對東窗把酒  
起勾稽之暇暫游星堰坐曹推贊置之良莫歎低回  
卽觀識擢某嗒然一老愧此雙旌既有幸以依仁項  
復諧於識百驪龍塘畔曾爲倚馬之留鸚鵡洲前徒  
結棲鸞之想拳拳頌禱畫畫笑殫

回建陽葉主簿

宋陳耆卿

判神京之袂猛憶笑談分德里之符獨怪晤對未辨  
棲鸞之問遽貽烹鯉之書敬用銘心不能去手某官  
鄧林老幹崑嶠素珍人耳聲名邁唐室何蕃之傳到  
頭梯級遲漢廷董子之科惟大器之晚成雖不容其

東瀛別葉主簿

十四

何病毋謂一官之躑躅實皆萬里之扶搖勉事勾稽  
薄占經濟某達攜臚學泮食此邦半月客塵喜乍休  
於行役十年節俗疑頓改於見聞渴想警規以寬曠  
戾欲詣習主簿奈何蹤跡之差池回念鄭廣文勿替  
襟期之傾倒

回武岡黃主簿

宋李劉

深叢見孤羅曾聽阿房之讀遠方遺雙鯉來司臨邑  
之曹可謂聞音而楚然抑訝何見之晚也恭惟某官  
源委深厚波瀾老成穎川第一之功固起甚廉之簿  
江夏無雙之學蓋觀未見之書暫須矮屋以擡頭卽

世之津之策足某固功教自承乏佐州縣承前而送  
迎儻或免督郵之逐短簿能令喜怒何幸同君子之  
僚

答周主簿賀正

宋王十朋

行夏之時允協三陽之應履端於始光膺百福之來  
德荷過謙禮蒙倒置某官望隆越絕秀蘊剡溪鵬躍  
天池偉矣周郎之年少鸞棲枳棘蔚然仇覽之才華  
某叨預同年獲依巨庇賦椒花之頌獻雖後於元正  
占茅茹之交亨必同於他日

回王主簿賀冬

宋方雲翼

陽回葭室和滿花城喜動太夫人慶板輿之具至名  
聞家主簿紛慶積之爭先宜對剛辰茂膺繁祉恭惟  
某官家傳婢節仕正妙年人言德度之粹溫光風霽  
月我見丰標之凝峻寒露清水旣候飛葭寧淹棲枳  
某喜其獨冷慙此先春祭竈而請比隣若爲孤我升  
堂而拜壽毋惟有美君亟具臬酬伏幾鑒察

東瀛別葉主簿

十五



通寧鄉李仙尉

宋李夢

一行作吏祭竈鬼以媚饑同官爲僚請尉仙而徵福  
可無錢記先布姓名恭惟某官機量浚明風猷肅敏  
千里之馬騏驎屈伏車九罭之魚鰕魴合登廟鼎  
爵爵赤墀之志勿勿采棒之行茅舍之聽鷄聲孰非  
王事花村之無犬吠即是民庸人憐橫水之孤舟誰  
識倚天之長劍棄除必爾超跂俟之某不目力田輒  
謀耕祿家貧親老誠有待於斗升官小職輕亦欲伸  
其尺寸然平生之短朱墨須察友之助丹青儻念卑  
棲難倚掣鰲之釣猶能拍浪請陪射鴨之弓

東坡集卷之三十六

十七

與朱仙尉

宋方雲翼

踐梅子真之職雖吏實仙哦鄭廣文之詩何官太冷  
及瓜之戍削積通名恭惟某官峻閣摩空清規照世  
名卿顯相赫奕代之旂常阿大中郎萃蒲門之麾節  
爰自麒麟之墮地共期駒駟之越都胡以錦衣紆於  
黃綬太守加禮曰此聰明尉耶一郡皆驚謂真斷決  
乎也然而故國必有喬木思人而况甘棠聞諸廟朝  
方褒錄世家之後如此人物寧淹留吏隱之間信鶴  
鵲之呈祥亟駕鸞之就列某爲儒而腐以才則疎黃  
卷對聖賢本不作科名之想丹墀對禮樂管極言權

倖之非誰令觸諱於轉喉敢嘆射眉而中目既與世  
忤反教人爲維桑梓必恭今乃獲瞻於玉樹譬草木  
同味或來共聽於簷花依倚方深揆裁靡竟

回趙仙尉

宋方岳

趣舍人裝隱神仙吏一琴一鶴故有家風八人八龍  
雅聞譽處胡爵刺疆之手小煩射鴨之弓恭惟某官  
冰雪照人風煙滿抱衡故太未也盡攬爛柯之奇尉  
其真仙乎式瞻喬木之古雖深水久並郊之句願吳  
門有梅福之書奚事弓刀少迂塗轍高眠田里比部  
今無孤狸重爵江山西臺當有鴻鶴某拙於涉世放  
以還山杞未棘而菊未莎吾耕勞只荷爲衣今蘭爲  
佩公望久之得無修容則降既見

回王仙尉

宋方岳

飄飄仙吏寧隱窮山冉冉老農有來妙墨彼美雙溪  
之秀可忘三逕之荒恭惟某官詩書典刑家世文獻  
問訊淳熙之相印歲月幾何起分寶笈之天章江山  
故在何意解牛之刃小迂射鴨之弓蓋鵬鵬九萬之  
程始從足下想鴻鵠一雙之瑞已在目中某且然得  
州決矣學圃爾杞爾菊繼今無吠月之驚某水某丘  
誰與共耕雲之樂尚駐健犢快觀匡岸

回沈仙尉

宋戴翼

疏恩芝檢司警梅關喜瓜戍之方新依輝伊始矧粉  
盟之維舊增抃尤深方奏記之是圖遽飛牋之首及  
一謙過矣三復欣然恭惟某官問世鉅才濟時偉器  
傳名門之衣鉢爲清廟之璫璫欽三光五岳之氣於  
胸中散六義百家之書於筆下籍甚雷霆宏隱之譽  
粹然風月光霽之標處富貴而不矜猶玉加藻遇事  
物而無滯如矢發機宜首沐於異恩遂亟躋於顯仕  
便合待金門之詔尚煩宣綵棒之威蓋挾隱摧奸小  
試神仙之手而安民定國終須剛正之才暫焉游刃  
東瀛前選章卷之三十六

回劉仙尉

宋王邁

蓮池水綠方爲異鄉異客之游梅市風清喜有同年  
同官之好未辦赫蹏而展慶遽蒙綠綺之貽音某官  
天分本高月評增重世有甘棠之笏家法典刑人如  
濯柳之標風流醞藉自摘髭而登上第合策足而踐  
華途胡以格拘來爲吏隱五色棒定優於巡徼一縣

花必須於栽培早晚好音喜報鴻鶴灘流之瑞雉與  
大用頓增雲龍閣閣之光伏念某讀書不多諸世更  
寡忤時對策方輸黃甲之三驚竊祿養親何補碧油  
之一畫既素無巧官之譜又不爲時樣之粧正賴同  
盟時賜忠告州縣徒勞耳俱未免俯仰於人富貴何  
有哉要相期遠大之業

回僊居石仙尉

宋陳耆卿

霜雪欺頭詎堪丘事煙雪到眼恍覩仙標荷高誼之  
相先媿短由之獨後某官注天清昶門地高華挺秀  
虞庠共備青錢之方選揚英漢殿少邊丹桂之一枝  
東瀛前選章卷之三十六

契濶晚成低回小試遂以稽山之雋異屈於安洲之

十九

妻涼疊組方新固若得魚而取掌揚纓維舊雅應附  
鳳以攀鱗會見甄升以酬蘊蓄某蹉跎書劒踴躍功  
名惟安分以無辜亦強顏而有醜渴想儒冠之矩度  
以爲武弁之聲光丁獲識於字書毋貽姍笑寅獲同  
於王事共結綢繆

回張縣尉

宋李劉

瞻海上之槎恨差池於八月取地下之履望傳授之  
一編袖牋臨之展卷愧甚恭惟某官員材孔碩蓄學  
不貲英英脩月之文飄飄凌雲之賦朝華本高於夕



秀夙知乃墜於暮成入對大廷良負讀書之三篋出  
次達闕尚賢不調之十年况長江素委之詩人豈市  
門可淹於僊吏暫返輕舟於吳會即歸大老於周家  
某甫欲款門先蒙命駕以霸陵李將軍之老儻不見  
呵則天上張公子之賢敢忘加敬

回太和趙尉賀生日

宋文天祥

潘岳閑居已覺二毛之見盧仝破屋忽驚三印之來  
爲此大小年之光異哉神仙尉之寵錫以難老愛之  
欲生陽春白雪之詞真成寡和流水高山之約安得  
相逢

東瀛集卷之三十六

三

回丁尉賀生

宋劉克莊

人生七十稀已踐暮遲之景古詩三百首忽聆風雅  
之音某華髮生光汗顏拜祝恭惟某官騷壇巨擘藝  
苑英髦瀏亮精微之文源流諸父嘻笑怒罵之作膾  
炙一時分張墨客之賸殘假借陳人之枯槁某僅能  
朗論深愧暗投續禹錫前度看花之詩自嗟老矣誦  
令威何不學仙之句切有感焉

註啓

賀台州高教授

宋陳耆卿

顯奉奎芝榮司采藻越王山上仰文星炳爛之光劉  
郎洞邊有教雨沉濃之潤雖聞耳未諸於鳳觀而掀  
昂已想於鳶飛敬以寸忱陳之尺牘某官精神灑  
咳唾春秋疇昔飛鳴在賈誼見稱之歲是何濡滯倍  
釋之不調之年雖久屈而伸者斯道之常然以退爲  
進者君子之學有孤風特操故能歲寒而栢後凋有  
隆寬太和故若水流而心不競迫險阻艱難之歷盡  
乃功名富貴之鼎來勿謂冷官猶勝俗吏矧此邦號

東瀛集卷之三十六

三

學者之與北而得師乃儒流之指南喚起情偷挽回  
醇雅佩衿晨入青青亂和與之雲燈火夜陳耿耿映  
棲樓之月斯文有立吾道自尊只虞促召於老成不  
使久安於恬適某已疲文織頗悟道耕鞭志螢窓甚  
欲尾前修之故縱程鵬海則已爲餘子所先命壓頭  
其柰何笑視舌而徒在幸昔日黃堂之獎予乃累年  
絳帳之顧知拔之布帛昇以領袖雖公論尚蒙於見  
錄而私懷祇極於自怜幸有宗工爲之真鏡韓魏公  
之知永叔或比以昌黎而無疑陳後山之德南豐雖  
更遇東坡而莫奪永言祈向不旣編摩

賀王教授

宋王叔圭

樞市聞風未識元魯山之眉宇南陵取不次傳鄭博  
士之才名瞻際非遙夤緣甚幸恭惟某官莊鵬奮翮  
峴玉凝姿黃學海之英拔穎每先於多士廣詞場之  
勇奪標迨適於諸科暫分泮水之芹卽造旰庭之鷺  
某濫丞支郡無補縣官愛莫助之方深憂於王事吾  
知晚矣將得見於善人矧先十部之臨益重寸心之  
感

賀教授年

宋方岳

春皇撫寓宙聿新五鳳之元霽色滿乾坤誕輯三鱣  
京清制選章卷之三十八

廿三

之瑞雲酣蔌管香沁椒盤某官發括山烟雨之奇泥  
石門洞天之秀捕龍蛇搏虎豹駭觀昌黎奇怪之文  
騎麒麟翳鳳皇雅有周公太平之略倚歟紫綬美彼  
青規某遙邇匿犀敢悉傳鯉先生自此升矣春浮栢  
葉之觴館下立而誨之雲麗槐陰之市衷丹所屬楮  
素笑彈

謝永州鄭學諭

宋李釗

一聽履聲已喜似人之見載披手畢更欽博我之文  
得非所蒙願竊有復恭惟某官學探聖瀆秀出愚溪  
窮司農之經諒皆殫洽客廣文之舍大似淹回佇卽  
摘髭亟其奮翼某不能教習有負轉丞儻簿書獄訟  
之餘其交以道則道德性命之理當誦所聞

謝張學諭

宋王邁

吟墻竹之公事自分聾承聞泮林之好音還成伎癢  
亟裁四六就謝萬分恭惟某官氣韵淑均風猷膚敏  
尋西塞桃花之鰕豈其河鯉之逢思東吳蓴菜之鱸  
行矣溟鯢之化無厭俗情之傲贅卽觀鄉賦之拔尤  
某聊爾治中奚勞賀上膺何如昔已無可取之楷模  
籍也抱能尚可相從於閭里

京清制選章卷之三十八

廿三



回吳學正

宋李劉

洗塵土之袍未遑請益披月露之牘良佩鳴謙藏以爲榮報於何有恭惟某官風猷疑遠天淵淑均炳扶輿磅礴之靈富詰屈聲牙之學生九辯九歌之地豈自隔於脩門挾八戰八克之能將差強於敵國四六且工於駢儷三千足想於縱橫某有幸依仁過勤委贊故將軍之雌伏難言李廣之無雙新進士之龍飛惟祝吳公之第一

回張學正

宋方岳

某與滁人遊瑣瑣愧一經之陋有賢者在琅琅記三

東瀟別集卷之三十六

詩

篋之遺蔚然秀峯得此益友伏惟某官秉家傳於黃石換仙骨於赤松兩上鄉書每爲子大夫之首幾年侯類久傾衆朋友之心惟領袖之非難必紀綱之自肅子帥以正何嫌乎同隊之魚人得而輕則必有敗羣之馬欲覘所學奚止於文願言淡墨之題式快蜚黃之迅某官知其拙見謂之迂冠者五六人過共詩書之樂山行六七里喜聞翰墨之香不頌而規乃予所望

回徐學正

宋方岳

某思樂采芹訪醉亭之遺墨相從汗竹有虛榻之老

儒竊喜多聞敢問奇字恭惟某官深蔚耶耶之秀鏘璆玉之聲與將軍而不侯信文章之無據要校尉

而得雋豈遭遇之有時第觀雙鯉魚之書深識孤鳳凰之瑞知吾心不可爲功名累謂此學未易以言語求所見略同起敬無敦屈陪後進正賴老成人之典刑翹跂前脩勿慙古君子之操履某奚師之敢匪友莫交費此公餘恐已孤門外之尺雪談到聖處當胥晤席間之丈函遐想金相庶幾玉我

回劉學錄

宋方岳

某得劉公一紙書知爲畏友笑邊生五經笥敢曰吾

東瀟別集卷之三十六

世五

師願從山水之間共尋文字之樂伏惟某官刊落訓故深繹典墳歲貢鄉曲英已快雲天之橫焉妙在言語外當爲學海之老龍若徒擷其葩華恐自枯於根本正不必泥古人之糟粕甚至於以箕子爲夢茲言觀訓誥誓命之文要識唐虞成周之際庶乎有得矣患無聞某技止黔驢朴如鄭鼠鏘晦庵之遺響敬佩贈言訪醉翁之舊遊倚需投分尚邀傾倒相與發揮

回丁學錄

宋方岳

某薄言采藻甚慙斗北之魁孰與藝芳乃得易東之彥於樂泮水美哉儒風伏惟某官孤鏘雅頌之音遙

佩文章之印秋天兩鶚行輩終無以易堯寒夜聚螢  
問學當期於宵孔如曰帖畢而已何啻遙哇之爲詩  
正而葩言掇其實溢爲翰墨豈瑣瑣於魚魚深入性  
情勿冥冥於蟬蠶審爾則一第之溷子將又有三年  
之驚人某奚有師資喜於友直胸中國子監此言何  
爲及我哉心在醉翁亭暇日相與談經耳報瓊島鶴  
毋玉爾音

回李學諭

宋鄭厚

吾子少而好賦早已升堂獨學陋而寡聞不量掌泮  
忽景星之快觀承明月之暗投不鄙而來適諧所願

東齋集卷之十八

其

恭惟某人綬汲文派穎脫塵編諒應矯矯以弗汚故  
多落落而難合旨趣甚遠要追作者之風步驟不凡  
肯墮諸人之後未離豹隱猶混鷄羣尚歛挹其有餘  
將琢磨而求益買臣行膺富貴當可之時相如足比  
風騷豈終於困某已疲織組聊寄筌蹄凡少年涉獵  
之爲皆大道穿鑿之病方期取正於韓蘄和於李豈  
徒折艷於屈薰香於班斐然而成復之有愧謹毋足  
學恐成刻鵠之非歸有餘師當悟飛鳶之樂

回學職

宋劉克莊

求民之瘼方思百里之憂友士之仁必考一鄉之善

有來華問良慰素心伏惟省元學遠有源才高無敵  
餘子莫不辟易避秋賦之先登主司無乃冬烘致春  
闈之未捷願修名之方起何一第之足云某偶試絃  
歌復親衿佩逢臨邛之客僕敢不共熏晉鄙之人子  
宜自勉

回衆學職

宋方蒙

濯太白之水壺知臥月花之影磨文饒之璞玉願聞  
冰蘄之規辱委贄之寵先愧識賢之緩後恭惟某官  
炳靈世載文獻老成蚤聞高軒過之吟羅霄有耀詎  
意古戰場之讀過眼還迷是空不見於諸侯猶辱觀  
過於吾黨九萬里風斯下願培鵬路之程三千字日  
未斜卽對龍墀之影某茲蒙投壁始悟遺珠有司以  
公不以情且相同於采藻於我無德亦無怨願更草  
於凌雲

東齋集卷之十八

毛



回蔡教授

宋鄭厚

起家典郡方虞保鄣之難在泮得人却喜實恭之共  
有來飛翰良佩高情伏惟某官以文發身有志行道  
平生問學將發揮事業之間到手功名却肯駐塵沙  
之地毫芒少試遠大可覩寧患荆叙之莫懲自見萊  
人之坐卻一賢而制外侮夫復何憂千里而遇故人  
若爲之喜某自量老鈍已分退閑方懷江東日暮之  
思忽共塞北風寒之護班荆而論時事方切于懷擊  
楫而清中原諒同此志率爾具報莫既欲言

回本軍吳教授

宋戴翼

東瀛制軍

宋

伏審疏榮芝檢典教芹宮學道愛人雖尊佩聖門之  
教以經師吏今幸親師匠之模帝遣公來天爲僕設  
恭惟某官治聲第一經術少雙以心傳曾子之心所  
學得顏氏之學題千佛經而蚤馳雋軌作三語椽而  
蔚有休稱方種德以欽刑又助君而明教蓋張南浦  
之風猷如在而周濂溪之衣鉢尚存暫借又衡上續  
道脉小子皆有造樂依鑪錘之功先生自此升大作  
棟梁之用不待煖席佇見予環某朴矣無庸冒馬學  
裁鼠技之已窮幸甚鑾堂之伊邇全資甄就庶或璧

全一卷之書必立師願安承教十室之邑使爲宰或  
可圖終頌詠之私編摩罔既

回王教授

宋李劉

八公同辰推薦賢之轂一第涵子寒坐客之瓊輒用  
名聞何勤私謝恭惟某官粉省佳士詞場倩人何蕃  
貌不任其心而名焯焯仲舒言有用於世其對洋洋  
鶚既集於泮林鳳當巢於阿閣平昌足矣况有李翱  
之言翁歸不私何害山陽之託吾徒得君重耳子亦  
來見我乎某過辱臨存更勤賁况扈甘泉之八十一  
乘殊愧所蒙登凌煙者二十四人更期自勉

東瀛制軍

宋

回陳教授

宋危昭德

一馬二童方謀趨郡雙魚尺素遽辱貽緘下問燁然  
高情厚甚伏惟某官虞庠雋選漢殿英游懷明月佩  
連城久翔文價朝天津夕西極合在周行願迂芸閣  
之賢再職芹宮之教惟今閩越之地若古洙泗之郊  
有來學校之英率是山川之秀詠歸沂水共推夫子  
之循循騰上雲衢行繼諸公之衮衮某屏藩所寄政  
教是兼倘田里有愁嘆之聲敢忘已責使城闕無挑  
撻之習則賴陶成

回沈教授

宋劉克莊

牛駕出關久慕周柱史之去鱣堂開卷不知漢博士  
之來曾執贊之末進厚顧慮之甚寵恭惟某官今之  
巨擘古之耆髦心鄙雕蟲之文世守感麟之筆仲尼  
既歿昭垂衮斧於策書介甫何爲詆曰斷爛之朝報  
絕學傳東周之耆哲微言接西洛之大儒誕啓孫枝  
相輝奕葉推三傳束閣上之久深探遺經當諸生立  
席下之初願聞精論避席而請堵牆以觀必有以新  
陸啖訓詁之陳言掃舒弘科舉之陋習豈惟逢掖共  
尊明復之書將見細旃亦讀康侯之傳某少纔涉獵  
晚益惰荒禁漏宮蓮往事類優場之散長鋤短笠暮

東瀛別集卷之二十八

廿

年爲老圃之歸屬逢開絳帳之時恨不在青衿之列  
明遠來學時習良愜素心我不往子嗣音寧忘私淑

回白教授

宋李劉

下車聞庠序之教亟欲引賢積閱恨銓選之文甫能  
剡奏是亦公舉何費屬辭恭惟某官行無疵瑕學有  
源委繫堂下之馬安能鬱鬱以久居釣海上之鰲行  
卽飄飄而高舉聊助鼓旗之譟何勤珠璧之投某愛  
莫助之顏之厚矣引鼎不程其力聊復露章推轂有  
味其言更其強學

答李學博

明萬士安

衰年伏枕清晨猶未梳頭上客迴車白首迭還  
亟自掃裘羊之徑奈翁登李郭之舟無分攀龍有緣  
題鳳雖筋力既憊常屏跡於他人而意氣相孚願執  
轡於高士空陳雞黍結思依依實切鸞膠虛懷耿耿  
恭惟某官齒德並茂親義兼隆鄉里推賢衆仰斗山  
之望世家積行人歸月旦之評筆落如蠅見精神之  
溢出心堅匪石誓要盟以不移乃置身列於丈夫顧  
傾懷係于小子久韜銛刃歎文人之數奇一割鉛刀  
笑俗士之天幸然福不可以屢致而屈則必有大伸  
在公當潛龍待用之乾在我蹈鼯鼠多貪之晉美李

東瀛別集卷之二十八

三十一

將軍門第之盛麟趾振振愧萬石君孝謹之衰豚兒  
蠶蠶縱有司一時收錄柰文場百戰空疎餘盡頑愚  
皆難比數豈若高門驥種悉爲華國駿材故小器易  
盈生每虞其顛覆而尺蠖斯奮公會見其飛揚試觀  
懷瑾握瑜之奇大是光前裕後之具若徵左券如探  
中囊蓋天意還歸李家而人情咸嚮舊族理固然耳  
說非誣也幼子乳臭濫接書香向屈嘉賓恐經暑雨  
行將卜日擬待涼秋伏蒙記存敬茲回覆



上贛州黃教授

宋戴翼

粉社聯陰曾拜魯山之眉宇花封叨警復依闕里之  
肩牆喜將趨丈席之隅烏敢緩尺牋之敬恭惟某官  
士林冠冕名聞珪璋胸中三光五嶽之渾金筆下千  
兵萬馬之馳騁冲和丰度藉甚山谷先生之清標典  
雅詞章宛然白石夫子之叢蘖蚤游校序序之地優  
居俊選造之流謂宜濶步於蓬萊尚爾回翔於芹泮  
睠惟章貢之地素號文物之邦非鄭老之道出義皇  
曷居瓊席必董生之學深游夏始下經帷暫煩絳帳  
之臨以慰青衿之願巍然養望不妨賦簾花夜雨之  
東瀟別選章

卷三十八

世二

詩展也逢時當即播堦樂春風之詠某竹蒲素習桑  
梓晚生濫叨一第之微僅慰雙親之望不耻折腰而  
作尉惟知俯首以事賢千里微蹤幸適鄭鄉之仁庇  
一分餘潤仰祈魯泮之恩波依向有餘掄揚不足

上梅源趙郡博

明成於思

甯武驅車得列卿於齊室疑之饑餒不辭餉於衡陽  
狐裘可衣溝壑之羞喪氣黔粥可食嗟來之痛寒心  
玉泣窮途金藏憤路閉門劉翊渾疑僵臥之袁安堅  
石歐陽恣似深藏之虞叔恭惟郡博趙公鍾福紫霄  
炳靈丹穴玉札飛文播清音於筆沼金籙緝義綯迤

彩於韻樓器宇疏通師表一時之度規模弘遠折衝  
千里之猷雖云塵封范甌懸魚有結綬之榮然而雪  
映韋編宰鷄屈涵牛之度藝苑春花談叢秋實書伴  
秘府續前賢未墜之謀猷波起文江發往聖不傳之  
蘊奧脫晏子之駭怡情慷慨假子相之乘雅度魁梧  
入境而風動詞林下車而波清瀚海思也困頓一椽  
傾頽四壁衣編綠芟未解松游莢嚼黃蘗徒滋菜色  
突烟畫斷思郭衍於衡州罄金朝懸望子桑於晉鄙  
吳祐牧豕長安寧辭貽笑王猛荷畚衛土暫什窮愁  
道衰由路誰能負百里之糧交薄純仁烏肯棄連舟

東瀟別選章

卷三十八

廿三

之麥朝饔夕飧每相兼而不相續冬裘夏葛常相悖  
而不相宜呵筆凍窓作書汗漫借光隣壁認字模糊  
未炊日暮之烟空聽更闌之漏黑貂片片難遮病骨  
之凝寒惡草芊芊不療枯腸之宿餒彤雲嶺雪滋客  
路之蕭條破壁危樓度衡門之淒慘白鷗晝啼玄猿  
夜哭仲淹可法甕中蒸水難調元亮可追甌裏稻梁  
未耨窺淵明之甌擔石何存探子美之囊一錢未貯  
豐盈旦不給况灾傷而累歲乎少壯且不支况衰齡  
而病廢乎乃致杖藜開徑空守待兎之株撒屋供炊  
徒結羨魚之網豈惟蹈無財之貧抑亦抱不能之病

阮生竹林繞徑不羨隣薪原憲匡坐絃歌徒慚駟馬  
矧今聖德廣被隙地慰恩天使親臨枯條共奮奉揚  
德意大開廣濟之倉抗節東巡無煩矯制之詔解殊  
方垂斃之困阨萬姓騰歡賑累歲未起之瘡痍百司  
踴躍奈何山遙路眇未能叫徹帝閣廉達堂高安望  
上通天聰日月之照臨有涯雨露之涵濡獨靳卒使  
盛夏積濃陰之雪寒涯洎滴水之波思也江湖浪跡  
虛留編隸之圖臃腫匪材久削賢宮之籍頒閭閻之  
粟則不隸於屬氓敷庠序之恩則不齒於士類縱欲  
希泰岱之坏丸向誰稱貸望滄江之升斗誰爲先容  
東瀛制選章卷之三十六 辛酉

况乎禁門清肅瞻顏色而心驚官制尊崇望宮墻而  
膽喪勢既隔於星泥風期有限分已昭於貴賤造詣  
無緣倘沐垂青特賜轉達台司敷破格之恩出諸鼎  
鑊草茅挾煦然之續再什嬰羅波流淵澈豈徒升斗  
之涵濡光繞霜棲奚啻寸陰之披拂未報楊金敢忘  
魏草敬啓

通興化許教授

宋方雲翼

錫命楓宸橫經莆泮曾到廣展之高處桂籍猶香不  
嫌獨冷而此來芹宮何幸文章增氣衿佩屬心恭惟  
某官胸著千年眼空九有山川氣王是生殊尤傑特  
之心師友功深耻爲揣摩迎合之學速化若淹於驥  
足奮飛行奪於龍頭人亦有言將放京官通判之例  
公則求志僅住方國博士以歸觀其不早於小官所  
以養成乎大器甫錦旋於行李俄檄報於縮瓜非天  
之欲相道歟是邦也信得師矣維莆介福泉之郡乃  
古稱鄒魯之鄉其如此年寢失舊觀羣數十士而飯  
東瀛制選章卷之三十六 廿五

爭怒若仇列十三齋以居荒涼如驛屈衣冠而儕屬  
隸之伍化弦誦而粘墻壁之文學職祗以媚貴權月  
課反以便販鬻遂令佳士各懷鄙夷學校之心至使  
儒宮殆成斷喪人材之地歎米藻之風安在視鞠蔬  
之世幾希雖輪奐之更新奈汙染之滋甚不圖海濱  
暫屈天仙固嘗改絃易轍爲之何特角詞習藝而已  
喻於利必使喻於義化其習莫若化其心使昌黎之  
笑無從而孝先之嘲不作相接仁義少生羶坐之光  
素定功名卽驗鳳池之夢某謫材陋識卑見淺聞學  
造小成非不開家庭之訓年幾而立依然曾場屋之



文何期沉利欲之波乃及識師儒之樣黃飯白袍亦  
識可耻縞衣綦巾豈不自娛融之徒有數百人豈敢  
儕於高第黜之撰異二三子儻時聽於雅言狂簡詞  
窮皈依心切

通武岡陳教授

宋李劉

造託湘流疑已就碧油之幙延緣巫水乃聞還絳帳  
之紗愧執性之已稽盍通名而告至恭惟某官學探  
千載文擅一家聲摩殿前皆三誦阿房之賦禮羅幙  
下顧載歌泮水之詩茲聞交章行即陞觀紫皇好學  
正爾恢天網之收黃閣招賢會亟勸露門之講州縣  
東瀛別選章卷之三十六

宋

徒勞人耳將相寧有種乎某垂老無聞甚愚不肖向  
者誨諸生於館下要是牛溲茲焉試別駕之治中亦  
非驥足不曰丞哉之余負亦惟善者之吾師倘諸半  
面之期亦勝交臂之失監州無懈恐非直杯水之官  
廣文有瓊幸或作數旬之客

通交代王教授

宋方岳

鱸集吉祥少駐木天之軌鯉烹得信言脂樵水之車  
安能有式於大夫國人獨喜受教於先生長者敬裁  
短訥往贊崇嚴恭惟某官義獻家風時郊世譜舉輜  
而閑空舍主士者之齊盟捐笏而誦阿房爲詞人之

獨步意其傑出必也怒飛曾調廣寒之仙不嫌獨冷  
之職以采藻采芹之樂地寓川夢川楚之盛心閱歷  
眼高友其邦士之仁者作成意潤得夫英才而育之  
弦誦之最冠於甌閩矜佩之盛侔於鄒魯厥今上崇  
文治相用耆儒凡一時清望之官多六節知名之士  
况後學仰之如北斗宜諸公推之于青雲滴露研朱  
暫了燈窓之課凌青邇紫穩爲渠觀之遊添成美談  
突過近比某少孤多難未老先衰方爲舉子時通國  
吹宗元之雪及對大廷後夫人笑劉蕡之風自合爲  
收聲息影之圖乃輒居召閣取謗之地姑祿仕耳如  
東瀛別選章卷之三十六

宋

與教授交代

宋沈唐叟

承乏鱸堂久愧匏瓜之繫渴延騎從一新木鐸之音  
行聞旌旆之戒嚴喜逐衣冠而相賀恭惟某官十南  
獨步冀北絕羣學有淵源洞聖賢之秘奧文無繩削  
兼天地之純全早收功翰墨之場卽抗志功名之會  
三年枳棘已負鸞棲萬里扶筇式觀鵬運翬輟蓬山

之逸駕來爲芹泮之主盟鄭廣文道出羲皇何憂獨  
冷韓退之上規姚姒豈久投閒第虞坐席之未溫旋  
被迫鋒之迅召青衿絳帳難留驥乘之蹤紫誥白麻  
亟試鸞坡之手某濫司教導誤忝交承業也弗精固  
未免諸生之笑書何能讀豈能逃弟子之嘲退慙慙  
批之在前大懼範模之不稱褰裳欲去掣肘未能春  
服既成先布及瓜之請秋湯以暴願觀行李之來

請林邑侯送學啓

許以忠

恭惟台臺推心置赤子民庶袴襦之歌加意育青衿  
士藹菁莪之化氣運頓隆于百代人文丕變于一朝  
頃秉文衡高懸藻鑑風雲月露務合乎準繩規矩之  
中汗血霜蹄盡索諸此壯驪黃之外爭誇識玉豈嘆  
遺珠惟茲十六之名叨備三千之數榮沾庠序喜溢  
漳淮濟濟出公門雖歎瀛洲二士雙雙參聖域堪稱  
元愷重光咸思推轂恩深卽擬叩環曷報謹涓吉于  
月之廿六日臨子位宿值奎躔啟采芹而設宴期鼓  
篋以造端伏祈單父之琴暫輟魯侯之駕蚤臨則泮  
水蛟龍聽鳴騶而鼓浪官牆桃李沾醇酒以增香頰  
慰魚麗之私奚勝雀躍之至

重請送學啓

許以忠

兵道適臨于廿六恐妨樂泮之期公筵重改于初三  
用展采芹之敬况端陽已近而佳節欣逢報江上之  
龍爭齊起奪標之志傳殿前之泉熟咸興賜食之恩  
縫掖懽顏宮牆動色伏冀對薰風而稍解虞絃乘旭  
日而蚤飛喬舄蒲漿先泛杯依綠綬以生香榴火初  
開色借朱衣而吐焰屆期願望肅啓再呈

答吳秀才

明子多見



不爲一歲之餘計宿學以收功於雪案春乃四時之  
始占豪才將奮跡于雲衢方抱欣懷遽承將禮無梅  
枝而得江南新信敢不拜嘉收竹葉而增渚北舊醪  
聊惟撥悶他皆還壁轉代報瓊

迎新庠生

明唐文燦

月在中秋丹莖之飄香已近旬惟初日皂翎之逞健  
方新敬張設夫賓進專拱迎乎子佩由厥庭以經郊  
郭啓上進南征之吉途卽射圃而透會堂占校文論  
學之高等

餞厥中應試四生

明唐文燦

東瀛前選章卷之三十八

二十

秋鶚初鵞正舉子嚴裝之候曉駒已抹尤在公勸駕  
之辰選地惟洞天最高上期有旦日全吉消修薄具  
奉送榮行敢希卽席登筵坐挹仙蹤於紫府欣覩揮  
鞭縱轡立收駿價於金臺

元宵請厥中諸士觀燈

明唐文燦

雪案歷前冬已蓄青藜之舊焰月輪盈此夕方舒丹  
桂之新芽爰治席於講堂且移觴於譙櫓幸來文駕  
飫玩華燈乘良夜以無負上元迂昌期而有開先兆

端午日請厥中群秀才

明唐文燦

白治鍾靈秀穎之奇才攸萃朱明布景端陽之令節

載臨宜嘉會以共論心兼歡遊而開笑口聊粲小酌  
用聽高談講易堂清師友切嗟者竝列張筵地切主  
賓醕酢者交加賡伐木之歌齊迂喬木赴浴蘭之候  
重結臭蘭願鍛煉於在鎔早成楊子江之寶鏡期飛  
騰於入殼聯奪帝王州之錦標

中秋後一日請厥中群秀才

明唐文燦

桂魄尚圓未減中秋之媚景松醪正熟堪資後夜之  
歡遊聊薄設於月亭幸暫停夫雪案登筵無俗客共  
論官樣文章照榻有嫦娥齊問天香消息

中秋節請厥中諸士

日設

明唐文燦

東瀛前選章卷之三十八

四一

雨意乍晴夜影之素娥重現月華踰望晚香之丹桂  
彌滋聊設榻于東亭特開樽于次夕用追勝賞兼俟  
高攀

古今四六濡削選章卷之三十九

豫章李國祥休徵甫選

友人王永念聿修甫校閱

總兵府副泰游守把總提調附

祥考楚懷王與秦戰秦敗楚虜其大將軍屈平將軍之名昉于戰國也周有前後左右將軍及漢有將軍比公者四詳載五軍都督考武帝征閩越東甌置伏波樓船伐朝鮮大宛置橫海度遼貳師宣帝增蒲類破羌東漢有建威征虜橫野捕虜鷹揚討逆破虜討虜凌江安漢魏有威

東漢書卷之三十九

一

武撫軍寧朔吳有橫江之數將軍者總兵征討于外有時權設非其常也然前後左右將軍漢不常置置亦不備如李廣爲前趙充國爲後辛慶忌爲左馮奉世爲右及置四征加大者始曰方面如征東有馬騰張遼征西有馬援征南有馮異岑彭征北有劉靖許允四鎮如鎮東有曹操鎮南有劉表張魯鎮西有劉表鍾會鄧艾鎮北有劉靜許允四及如安東有陶謙曹休安南有岑彭安西有鄒鑒四平如平東有杜元凱王濬平南有盧欽羊祐平西有稽紹平北有張燕

東漢書卷之三十九

二

阮坦之數將軍者漢魏及晉間置之與龍驤鼎稍牙門四部牙門同也魏以司馬懿征蜀加號大都督晉伐吳以賈充爲使持節假黃鉞大都督總統六師後周改都督爲總官校尉唐分諸道各置都督府後之都督似漢之將軍也又有天下兵馬元帥副元帥掌征伐兵罷則省太宗爲秦王加西討元帥中宗爲周王爲洮河道元帥睿宗爲相王爲并州道行軍元帥天寶間安祿山反以哥舒翰爲諸道兵馬元帥後幸蜀以太子亨充天下兵馬元帥肅宗以廣平王爲天下兵馬元帥諸將皆屬焉乾元以趙王爲天下兵馬元帥李光弼副之伐宗以雍王爲天下兵馬元帥廣德初吐蕃入寇又以雍王爲關內元帥郭子儀副之大曆間罷天下兵馬元帥建中間李希烈反復置諸道行營兵馬都元帥後之元帥亦似漢之將軍也又有河西大都統晉大元間置之都統朔方河東北平盧鄆度使唐天寶間置之都統淮南江東西鄆度使亦唐乾元間置之也大都唐制或總五道或總三道黃巢之亂置諸道行營都統掌征伐兵罷則省宋渡江



以前都統制間有之至後陝西河東之路皆以武臣職高有智畧者爲馬步軍副都總管遇出師征討則加以都統制軍馬之名副都統亦自唐興元中置宋亦有副都統渡江又有統制同統制副統制統領同統領副統領其下乃有正將副將準備將之名皆偏裨也後之都統統制統領亦似漢之將軍也後周武帝時有益州總管之命隋文帝以并益荆楊置大總管其餘總管府置于諸州列爲上中下三等加使持郎賜帝改帥都督爲旅帥唐諸州有總管亦加使持

郎武德初邊要之地亦置宋總管有止一州者有數州爲一路者有帶兩路三路者咸平間詔諸路去行營之名止爲駐泊總管慶曆間詔自今路分總管鈐轄以上許與總管司同議軍事路分都監以下並聽都總管等郎制尋析河北四路各置都總管後之總管亦似漢之將軍也而節度使而團練使而防禦而宣撫而諸路將與將軍亦爲肖似焉

國朝公侯伯及直署都督並得充總兵副總兵其名掛印將軍稱鎮守者雲南征南將軍兩廣征

蠻將軍湖廣平蠻將軍遼東征虜將軍宣府鎮朔將軍大同征西前將軍江蘇鎮西將軍寧夏征西將軍甘肅平羌將軍薊州淮安鎮守漕運總兵以畿內故不得掛印稱將軍有大征討遣總兵則掛平賊將軍平胡將軍平虜將軍征夷將軍征虜將軍討賊將軍平倭將軍或大將軍或前將軍副將軍事已納印鎮戍防禦禦暴扼險要屯兵統之凡將校五等曰鎮守曰協守曰分守曰守備曰提調備禦其官稱曰總兵曰副總兵曰叅將曰游佐擊將軍曰都指揮曰行

都指揮事凡六等也今之將軍一循漢舊無論大將軍中將軍等號未之有易也即偏裨古有副將今爲副總兵叅將總稱副將焉古有游擊今爲游佐游佐游擊將軍焉古有準備今爲守備提調備禦無不昉于古昔而託重之意亦不在古節度鎮守諸重臣下也

賀郭殿帥知楊州

宋胡應松

奏最殿巖總戎邊閫煌煌金節方拱扶斗極於紫霄  
黃道之間獵獵神旗忽鎮壓江淮於絳節碧幢之下  
稟奉九天之霄筭愴宣萬里之皇靈驪動轅門和薰  
比屋竊以羽林握天軍之要齋壇肅大將之威入則  
陞戟周廬壯七萃八屯之衛出則雕戈錫盾顯五侯

東瀛制軍章

卷之三十九

五

九伯之征周條侯以太尉而將三十六軍遂平七國  
霍驃姚以司馬而領十四萬騎果克匈奴於赫聖朝  
遐參漢制皇佑之平交廣狄武襄宣撫於荆湖元豐  
之拓熙河郭宣徽總制於涇陝率錄禁列出殿帥垣  
而况山西之將家無出汾陽之華裔中書二十四考  
獨盛前朝南渡七八十年采隆奕葉列第交施於榮  
戟豐功踵刻於鼎彝赫赫然芝檢之新貌是棠陰之舊  
一門將相未數北平之祖孫三世威名可繼慶州之  
父子某官虎視龍驤之勇鸞翔鶴峙之姿聯勾陳而  
扈太微懋便蕃於曉渥封姑胥而臨瀚海素慷慨於

賀雲南總兵

明張叔璽

伏以赫赫朝章命掌專征之重桓桓威武權降總帥  
之尊先聲不振華夷壯氣動搖山岳恭惟某官名高  
天柱氣間星昂試劍波山應履臣人之跡舉旌瀚海  
曾登大將之壇肘懸如斗之黃金助載不磨之彤史  
以茲借問鎮於黔南乃爾張國威於播土有征無戰  
于時興王者之師安夏格苗指日建中興之頌某濫  
竽列鼎藉庇于城慶節鉞之甫臨聊申燕賀願饒歌  
之蚤奏佇見侯封某等臨啓不勝悚仄瞻戀之至謹  
啓

東瀛制軍章

卷之三十九

七

賀沈總兵

明許以忠代

伏以蟠花錫命朝端嚴分閫之權細柳開營海上建  
折衝之勳彼酋遠遁我武維揚恭惟某官萍劍宛溪  
枕戈疊嶂靈運並叔安而破虜不負芝蘭玉樹之稱  
仲升繼兄固而封侯丕振緯武經文之業上國鷹揚  
其烈邊關虎賁平威游御元戎頃司閫障登壇號令  
金符開日月之光秉鉞指揮王帳凜風霜之氣無煩  
一戰謀出萬全海不揚波穩泛漁舟上下人皆安堵  
弗登鼙鼓喧瑛卓哉安社稷之忠臣亶然稱詩書之  
元帥某半凋朽質一介書生銅墨叨恩雖全有繫



澄清之志毛錐失銳愧獨無處發脫穎之才惟聽凱歌敬申賀憶伏願黃麾克敵盡收獫狁於掌中紫紱班師早盡麒麟於閣上其臨楮不勝踴躍懼怖之至謹啓

賀李總兵皮林奏捷

明連繼芳

伏以元戎度越狂寇之陸梁采阻觀兵奏膚功於三捷鼓鐘既設竹帛交銘恭惟某官韓白成羣孫吳登跡地中鳴戰鼓陣雲結晦於三苗天上出將軍兵而沸騰於一舉公爲甲冑之扛鼎何慮皮林之跳梁閱圖虜在目中山谷不煩聚米運籌握諸掌上金城

寄賀戚南塘都督壽

明唐文燦

奚侯馳書天賜黃鳥之旗登山而戮封豕神奉玄狐之綠臨水而斬長鯨數萬人惟一心合力如山壓卵分諸軍爲六路扼吭若刃摧枯象不駕於昆陽太白八月牛何勞乎卽墨高鋒簪雲帝舒南顧之憂班師有慶民頌西平之子惟我有臣某徒切執爰末由借筋引睇燕然之石慶干城之爲公爲侯豫賂釐爾之圭緇河山之若帶若礪

寄賀戚南塘都督壽

明唐文燦

伏以初冬際講武之辰風霜正肅朔日衍生賢之日星宿增輝仰瑞氣擁遠于和門知懽聲騰揚于大鎮

賀漕運總兵

明徐燦

恭惟臺下兩間神秀百代名家勳高帶礪桓桓武庫將軍志雅圖書燁燁詞宗學士惟廟堂屢轉漕之劇務乃江淮推節鉞之隆權過千艘之飛帆賦供九土統萬夫之介士威稟三軍司農之庾廩如鱗通劉士安之上策祈父之爪牙鼓腹並蕭相國之訐謨東南半壁坐收清廓之功宗社萬年永昭熙明之軸兵飭潁陽敢謂頡頏於千里漕通淮海事應犄角于一時又欣諳練之材僅見經綸之略世胄式光乎先烈再見麟圖老將克壯乎前猷行飛鵲印幸爾承風我

寄賀戚南塘都督壽

九

如觀面趨轅門而控御禮具先驅望帥府以陳篚懷胥短賦

適羈爐後難舉酒以躋公堂聊構軸詞謹披函而達  
記室爰及侑儀之筐篚乃如介壽之函尊俱表獻芹  
槩將行李乞傳麾下以容納俾進席前而禱祈紫塞  
淨妖氛慶多祉迥餘於吉甫丹田融妙訣占永齡遙  
配乎呂牙

賀戚南塘都督舉子

明唐文燦

伏以威惠弘敷于外閭虎旅歡騰慶祥翕集於中閨  
麟兒卓出惟歲逢丙子適當堯帝之紀年且旬在仲  
春兼應高禩之祠日知生賢必並表乎東海決紹美  
當迥踰夫西平燦遙望轅門想見克間佳氣暫羈冶

東塘集卷之五十九

十

署恍聞載路訝聲狂喜發而錯寫弄麀微虔修而忭  
催賀燕片統尺帛聊供製祿之需朋酒隻抵用奏薦  
湯之具乞開華閣容進陋函趨賓館以附列下賓卽  
擬申祝詞於舉筭觚將家而重登上將行觀副立志  
於提戈

賀戚南塘壽

明徐常吉

文昌揚紀上將連司命以俱垂壽瑞著符老人向直  
猥而特現氣壓旄頭之會芒銷箕尾之災東井無氛  
北河有躍叨分郎位每承比壤以承華喜睹師門方  
鎮近郊而獲吉口誦天官史記手題極老畫圖馳函  
奉祝厨品粗供于張索苑牲敬進于聚婁犒羽林之  
大軍雖非其且需翼舍之遠容或在所留惟祈福澤  
增輝正參旗而明河鼓更使妖邪歸順藏外看而戢  
罕車

東塘集卷之五十九

十一



賀李總兵壽

明連繼芳

伏以長子來熊西甸嵐煙消五路老人呈象東方花  
果獻千年樂事駢開歡聲翔匝恭惟某官氣走風雷  
謀噴江海將門將子六面高牙叢閫外旗正正而陣  
堂堂難弟難兄七營細柳遍寰中綬纍纍而印若若  
熊羆入夢郭令公端是前身龍虎載生李光弼豈知  
復出當江寒鑿冰之日正闔陰開陽之時上將之生  
人主拊髀平頗收元戎之壽公侯屬意乎干城黃鵠  
少年麒麟標其姓氏青牛老子龜鶴羨其眉鬚某望  
賓筵於咫尺隔公堂於山川聞蘇學士誕降當年見  
李將軍同生此日雖無南飛之佳調以祝蘇亦有西  
平之功業以頌李公采芑而北海尊開壽酒躍六師  
之行色僕折梅而南山曲奏賀謳掇三捷之先聲

賀戚都督還軍

明唐文燦

小寇盜邊奚損四隣莫安之福元戎臨塞至厯兩月  
周浹之籌動勞益著於王家慶祚無貽於郎署正抱  
懸旌之籌念忽聞返旆之佳音朝禁方嚴愧莫敢越  
疆而一謁臺防轉密恐猶難移幕而再臨敬獻笏  
薄將花幣抒謝私於往報雖乏瓊琚赴燕喜於來歸  
庶充綺席鑒涵是幸麾置爲榮仙巖賓榻仍高終擬  
共諧乎信約帥府軍書若靜尚祈特假夫良緣

賀戚都督年

明唐文燦

朔北臘深漸動精神于營柝歲東春早先傳消息于  
驛梅維送寒迎煖之交正昭德畜威之會和門集慶  
散署均歡謹致年儀生菜與凍醪並列虔申野意羨  
芹隨暄曝俱將雖莫助兩歲之儲亦聊供一朝之饗  
尚待條風滿谷特迎都督以遙臨惟祈烽火息邊常  
接郎中而劇飲

賀都督年

明唐文燦

竹爆徹千營年矢已催乎客臘桃符聯萬戶曉籌尋  
轉夫王春真和門納祉之辰正完壘紆防之候障無  
燧墩無燧宜開宴以慶清時幸有豕豕有蔬敢廢供  
而虛令節特馳行李聊代頌椒條風披虎豹之閑願

益振天聲於不殺瑞日映麒麟之閣斯常扶帝祚於無疆

賀都督端午

明唐文燦

境外煙清已快桺管之解甲天中日永方欣蒲席之開樽匪徒印揭百神屏帳乍生夫輝耀猶且棕標九子闔闔增納乎慶祥敬勒荒牋聊將菲具馳赴冰芳之候奉供燕喜之需遙借赤靈符祝在在辟兵而胥樂更憑彩壽縷祈源源續命以滋長附致餘言用申夙約圖避暑之飲諒不越于茲旬侯采真之遊願無稽于詰旦

東瀛別集卷之五十九

十四

賀都督中秋

明唐文燦

頃者串夷載路胡星之妖侵已沉茲焉都護臨邊漢月之清輝方滿不特寢異圖於占候且更施弘照以受降勝事喧傳佳辰喜值粗供俗物備犒酋獍士之需冒告消人登按李校瓜之數聊爲引敬併用稱歡尚期亭卧鼓障滅烽西營無工部之愁咏惟見鏡掛金波擬水南樓有鎮帥之嘯談

賀王總戎冬至

明張沛

伏以候室葭灰初動已符煖律于黃扉行營那色將舒先布春聲于畫閣闔闔幾共迓空谷遙傳暫釋窮愁修牘恭迎乎小至遙稱吉慶舉觴豫祝夫大來鈴閣靜而薄霧全消何待觀陰陽之定節樓高而祥雲畢集直期踐祿壽之長

賀焦總戎中秋

明姜士昌

伏以桂殿風清萬戶之衣砧暫息柳營月霽千屯之刁斗俱閒料將軍方醉於夜筵嗟旅客尚羈于秋館旣難倍侍可缺奉供願介賞函表懷人之悃修儀獻東瀛別集卷之五十九  
品充饗士之需乞忻納以付中消祈樂留而投外漏觀廣陵江之巨浪未卜前期聽武備之商譚更圖後會

十五



謝戴將

宋李 劉

邂逅適願已幸識荆倅傳寄懷未遑訪戴既感輕身  
先匹夫之意復有一紙賢十部之榮共惟某官天分  
軼羣人門濟美翼扶九萬里決應海運於南溟腹笥  
五千家暫隱天樞之北落勇早聞於六館陣獨掃於  
千軍曾當定一霸於登孤何難連八科之麟角衣明  
日月更看黃榜之新履上星辰始是青瑣之舊其舊  
交羣從今識清標聞元方季方之齊名亦既見止從  
君少君而受禮更幸進之

寄謝成南塘都督

明唐文燦

東瀛集卷之十九

十六

曩歲假途以往拜未盡玄探茲旬撫景而來遊方諸  
素願帥府識更新之偉制軍城窺飭舊之雄圖濃色  
浩香飫賞名花于院落覺楹隆棟聳瞻大木于郊坰  
迫及告歸尤加携挈登山發興移筇杖而躡芒鞋  
海凝眸立虛亭而凭曲檻靈宮既欣其偏謁遂洞更  
愜夫幽尋二客能從勝赤壁行歌之侶百壺可酌超  
白社禁酒之規談必涉於經書飲惟交以文字琴彈  
則馬皆仰秣筑擊而士忽垂涕臨下矚長垣形誇虎  
踞乘高投巨石勢駭鷹揚向日揮戈尚依依乎注覽  
戴星促駕恒睠睠焉留思蓋不止再宿之娛誠爲極

三生之幸也敬遣僉以代謝專修狀而摠懷賞心樂  
事之奇聊憑草布享物多儀之盛奚俟縷陳附致承  
筐庸克在笥續良緣於後會佇迎上將重臨申信約  
於前期願訂中丞並集

寄謝都督

明唐文燦

竊惟抱病值懸弧客子情懷甚惡施恩加說劍  
禮數殊寬雖愧報章之難成尚圖修好之有永敬  
忱於束帛侑彼山羊強達悃於函箋憑茲塞鴈附獻  
洞巖題石之刻聊克幕府障塵之需卽日南歸擬留  
衣以爲別何年內召期捧袂而重陪

東瀛集卷之十九

十七

答謝成南塘都督

明唐文燦

竊惟賤日虛逢殊愧蔚莪之不類妻秋轉至且驚蒲  
柳之難堪祇杜門以檢醫方忽排闥而傳使命移筇  
肅接手書鼎翰之榮啓軸高披目眩瑤章之麗老屠  
無能遊刃誤假樊於庖丁新斲未習運斤猥蒙褒於  
匠石一割局鈐刀之地雙飛迷寶劍之津梁入品題  
俱值倫類雖氣雄千古足令病體稍舒顧詞溢萬分  
終覺汗顏滋甚乞身倘遂卽當携珍賜以歸詫里閭  
棲骨奚勝尚擬托梓編而布垂寰宇先茲附謝嗣有  
專脩

回繆路鈴

宋方岳

護戎虎帳迎太微上將之光分教鱣堂笑廣文先生  
之吟抑何幸甚相與歡然其惟某官妙入尉繚子之  
書浩投定遠侯之筆一丸泥封山谷雖有其志而無  
時半段槍擊單于當奪之氣而挫銳蓋今鄰韃幾欲  
亂華乃者長驅漢水之濱直擣樊城之險非峴首之  
屹爾則江面其殆哉伊邇秋風已無暇日不謂  
遺君父亟運帷籌安邊而立功名誕分齋鉞某  
如鄭鼠技止黔驢推別省之一夔偶見收於犇北儕  
甲科之八愷曾未快其圖南何知經席之重獨喜我  
東瀛別選章卷之十九十八

回蘇路鈴

宋黃道極

上有恩言孰可堪於將帥公由人望遂出總於兵鈴  
英降四馳士氣百倍敢馳片削敬候前驅某官忠義  
自將勲名未艾稟山西之勁氣用則無前讀濟北之  
遺書言皆可績宣大據於英略尚屈總於外營風閃  
朱旗坐弭龍編之警雨拋金鎖少安虎帳之閑第兩  
河屬望之深恨九廟掃清之晚登賢有日成効可期  
西取關山四十州當快唐人之誦益封將軍五千戶

卽聆漢詔之頒某猥以非才試茲劇邑將及瓜期之  
戍喜聞行李之來大劒長槍自笑毛錐之陋短衣  
馬願從羽獵之遊

回列路分

宋洪适

客子念歸已作吳山之清夢將軍出戍忽傳楚水之  
先聲幸甚逢迎居然慰滿共惟某官元戎威曉紹聖  
將家班超投筆之功名欲酬壯志馬援據鞍之意氣  
自負長材獨持沉靜之謀共謂老成之器屈臨一  
坐護諸戎春風散入於柳營夜月盡空於蒲澤小煩  
騏驎聊馳橫軸之間佇看貂蟬遂出兜鍪之上某便  
東瀛別選章卷之十九十九

回譚都巡

宋王邁

制軍者司馬之法不恭自有常刑禁暴者連帥之威  
爲屬惟知從長初無絲粟之力忽辱瓊瑰之投竊謂  
博奕無所用心戲謔反以爲雷刀遠坐赤族於馬柳  
慕容上大事於蒲神博銀鎗之營中未幾召募反鍾  
離之盧子寧有幾人於王法在所不容彼狂卒胡爲  
冒犯牧猪奴戲耳况敢當公庭而咆哮執鼠輩尸之  
蓋斷自元戎之霹靂爲有公在何謝我爲某官東國



大夫之故家延康學士之遺直序春秋於吳冠始平之際奏凱九重讀左傳於延安方戰之時才當八面乃淹警邏未展經綸行膺宸綍之攸卽據殿嚴之任玆小人狃積習之弊故一旦啓玩侮之謀已正典刑立伸威令權實由於大府恩敢受於私家遇悍卒於微行莫損裴晉公之遠到抱遺經而請質何當玉川子之辱臨

回李巡轄

宋劉克莊

斥埃之司古以爲重絃歌之寄今之所輕輒修告至之辭以叙同寅之雅共惟某官沉雄天稟慷慨自期

東瀛制選章

卷之九

慕廉頗李牧之風爲孫武吳起之學十里一置五里一堠姑煩巡徼之勞萬人曰俊千八曰英會展規恢之略某偶叨民社實接官曹將軍乃肯臨臣非敢望也夫子明以告我方有賴焉

代回周馬帥正

宋李劉

正月始和光轉崇蘭之曉元戎小隊暖生細柳之營恭惟某官克壯其猶共武之服東風解凍知挾纊於雲屯北斗回杓卽出綸於天陛某濫持荷橐莫捧椒觴玉漏聲長行或聯於朝著金印斗大願益懋於勲名

答王總兵

明連繼芳

恭惟某官能回天地強動鬼神出行三軍入司五府開八陣則殺氣震邊疆龍虎風雲變化侍九閣則福星臨上將昆蟲草木生全帝念舜野堯山輪才推轂公爲虎頭燕領捧綍出車馬伏波之長城千秋銅柱王將軍之武庫八面金湯一路崇牙雲低輕重之蓋三江虎羆日徯遠近之星某嘗御遼陽之李行識陰之韓先拜一道之斜封有如十部之從事借飛平肩弩彼候人兮荷戈

復蘭總兵

明張後甲

東瀛制選章

卷之九

伏以義易法天正應三奇之月堯蓂紀曆重逢九葉之辰當萬寶之告成適葦情之豫悅絢仰風霜之肅允同金盞生芳翹企斗山之遙徒倚錦屏慕德忽從遽使獲拜瑤函荷珍貺之榮施麗瓊枝之吐秀恍若侍風流落帽之宴豈徒咏靖節盈把之章書不宣心感惟鏤骨肅楫附謝無任馳神

答李總兵

明連繼芳代

伏以鵲印高懸鈴閣秋霜清島嶼龍韜遠播節樓曉日凜旌幢帝有長城公爲良翰恭惟某官神行鼎鑪空冀北之羣鋒淬鉅鉅偉江南之肅一弓霹靂千營

月殿高牙三鼓崑崙八陣雲間細柳瘴癘魂銷于沙  
漢水稜敢犯戎衣腥苗喙息於皮林嵐氣絕凌征旆  
李將軍有如今日馬伏波復殿此邦某引身轅轄回  
首帳帷聽西陲之銅鑼無聲知北門之金城有鑰迢  
迢道路曳曳心旌一芹供承芑之餘輪困抒謝勺水  
補投醪之費藁枯包羞倘母金玉乎爾音奚啻瓊瑤  
之我贈

別李總兵

明連繼芳

恭惟某官譜輝麟閣勳磊虎符傳家技出於藍報國  
心存自赤建牙西北胡馬斷北風之嘶秉鉞東南趙

東瀛制選章

卷之二十九

人灰東漁之想某念柳營之暫隔御李願違瞻使  
之乍來投桃貺腴莫借方寸地淡領玄霏惟操盈  
箋聊紓素悃跂天孫之錦電望美人兮明月

與薛都總

宋王 邁

為紅蓮幕之遊陪諸從事望細柳營之選有真將軍  
文武雖曰殊途彼此皆為王事行將之戎敢不通名  
某官聲名燭于水天忠義貫于霜日家傳拔略不求  
紙上之孫吳神授智謀自有胸中之方虎八面才何  
施不可萬人敵所向無前中外荐更勞庸茂著董衛  
兵之戍長車駟蜀道以不辭剖宣化之符清節比鄂  
湖而相應便合齋壇而大拜乃煩專鉞於遐陬方今  
邊正飛塵虜猶假息三箭而天山定行揚家世之風  
一舉而朔庭空會見國讐之雪茂宣皇略徑陟殿嚴

東瀛制選章

卷之二十九

三

如其其人見謂不武雖有清中原之志其柰才疎不  
圖為宦海之游獲交人傑帳下願預聞於露布坐間  
幸無厭於綠衣氣槩苟同形迹可略聞鷄聲而起舞  
又馬用腐儒為銘麟閣而贊功庶幾從執事後

通周太尉

宋洪 适

伏以近長安之日記陪天上之遊對江東之雲徙想  
軍中之樂無從抵掌祇有傾心共惟某官氣稟西山  
聲搖赤壁號萬人之敵名在伏波翰墨之場當八面  
之鋒勇過晏子樽俎之略中國襟喉之既固外夷心  
膽之自寒况以真將軍堅壁之餘風而奉太夫人安



輿之一笑忠孝兩盡若是艱哉文武兼資特其細爾  
功既高於敵愾賞未稱於酬勞擁中權於天塹之陽  
懷遠筭於祁連之北雖講止戈之武不忘擊楫之心  
江漢草木之知名坐底三邊之績山河帶礪之申誓  
亟膺兩鎮之榮某榆莢生涯菊花歸夢月明鵲繞每  
思廣橫梁之詩秋高馬肥敢後寄加餐之字

候威南塘總戎

明唐文燦

開府擁麾重望隱山中之虎豹行營決策雄威殲海  
上之鯢鯨允爲萬里長城奚止一方巨鎮旋殲勝算  
畢滌餘氛功齊破虜之奇爵進封侯之峻燦仰慕已  
久倚賴良深江岸栖居每荷撫綏厚庇京華旅次嘗  
沾頒貺盛儀慨縻繫於宦遊未遑獻鼓吹饒歌之曲  
幸習聞夫戎捷尚欲供丹書鐵券之文茲遣价以言  
歸特修緘而奉獻仰祈鈞鑒俯悉愚衷

候狼山總兵

明徐榛

恭惟臺下匡時良寶名世雄峯弓刀絕技從容裘帶

之中尊俎宏猷妙運詩書之外靖烽烟於瀚海砥柱  
同堅秉節鉞於名山長城是寄龍旂映日威生虎豹  
之關雀艦迷天氣檣鯨鯢之窟疆場自是來獻輸琛  
欵之忱宗社由茲奠玉燭太平之盛某職在五兵識  
慚三略狼山潁水勢犄角於江淮武備文韜事勾連  
於臺閭馳此先容期須後卜曷任瞻戀不勝踟躇

請總兵都督戚公

明黃洪鸞

伏以萬全用武霜天馳百勝之師一鼓平戎畿邑抱  
完城之慶掃妖氛於虎穴川岳澄輝騰瑞氣於牙門  
旌旗易色歲功甫畢滌舊污以維新寵命方來睹隆  
名之益著風波永息於南溟露布坐馳於北闕萬家  
笑語遙連凱奏之音千里絃歌漸見昇平之舊回陽  
春於大樹惠蔭蒼生屹海國之長城威行紫電敬陳  
雅宴奉慶元戎尊俎生輝燕喜何慙於多受旂常潘  
美虎拜遙祝乎萬年謹此秦呈伐惟台烙

請張總兵

明于仕廉

東瀛別選章本卷之二十九

其

頃聞仗鉞之定關山茲見歸舟之臨蒞水宣使推鋒  
報捷不俟元宵僕夫執訊言旋適逢春日特携單食  
專竊幕寮既展敬於迎來兼賀師中之協吉惟藉榮  
於飲至少舒部內之同歡

回林副將

宋李劉

十年去國恍然孤鶴之歸千里故人厚甚雙魚之遺  
所慙善頌未免過情恭惟某官鈴峒通材城魁名第  
朱華正職早通二閣之班畫戟凝香每作三刀之夢  
顧因微恙力請真祠尊足者存憂何憐於蹇蹕奉身  
而退龍豈困於騰驤既兩踵之生輝宜單車之促覲  
君王神武雖已謝單于而閉玉關男子功名正當殺  
賊奴以取金印某無能為役非所納交天子欲誅荒  
酋未覺營平之老丞相必舉龔遂佇觀渤海之安

回成副將

宋李劉

東瀛別選章本卷之二十九

其

懷章試郡叨分榮邸之麾訓旅將屯知有和門之副  
遠勤一介見界雙麟開緘粲然佩意厚甚恭惟某官  
其武之服克壯其猷稟山西六郡之良性資鷲勇應  
婁北一星之象世胄蟬聯茲煩寡二之材來貳第三  
之指為王爪士足增劔閣之天高歸衛羽林寧候玉  
關之人老某濫乘一障將幸同僚共惟帝臣正爾賴  
熊羆之士能以衆整尚願聞龍豹之韜占叙惟勤敷  
陳罔既



賀劉叅戎征苗奏捷

明連繼芳

伏以提貔虎以赫天威深入山川之阻斬鯨鯢以振  
王旅高銘竹帛之勳上將攻心虎臣獻馘恭惟某官  
王之爪牙國之心膂號萬人之敵名在伏波翰墨之  
場當八面之鋒勇過晏子樽俎之略嗟爾苗峒寇我  
隣疆豕心莫悛鴟音不革使當宸弗安於丙枕趣兵  
符亟下於庚牌將軍攬黃石之符劍搖邊月戰士瘁  
青絲之絡旗掣罡風相鼠無牙安能穿屋羝羊羸角  
徒逞觸藩衆輕鬪蟻勇劣怒螳編矢當強弩之初孤  
豚債肥牛之下六峒如鴻毛之遇火三苗似秋草之  
芟焉

東漢書卷之五十九

五十八

功

賀徐州叅將

明徐榛

恭惟麾下折衝偉抱謀勇兼材富龍韜豹畧之奇不  
局于斤斤矩矱愁虎奮鷹揚之烈高標于耿耿旂常  
維彭城握南北之要區而幕府係軍民之保障旌旗  
列千艘連龍鼉之宮魚鳥奇觀萬馬肅紕貅之陣近  
齊魯而聯趙魏巋然樹砥柱于一方通梁楚而淮屹  
爾連于城于萬里解犢銷沛豐之劔洗戈清汴泗之  
塵刀斗不鳴談笑致昇平于閭外車書有準從容  
繫錫于師中某猥事輶鈴未聞軍旅想聖龍之劔珮  
願聆借箸之良籌瞻盤馬之儲胥如覲請纓之偉畧

東漢書卷之五十九

五十九

寄三管參遊

明唐文燦

承乏治中深愧頑資之難化托緣麾下最欣嫌隙之  
盡忘既煩授粲以助行厨更特張筵而推玩具醉心  
未已醒目猶存茲蒙庇叨晉一階且奉違遠睽萬里  
重垂餘眷傳稱慶之溫詞兼被先施接告虔之縉禮  
交誼允侔於綰帶留情寧肯於分襟來書丙魏柳韓  
之褒雖無肖似往牒廉蔣之契已有遭逢慨旅  
橐垂空圖効報瓊而莫遂幸使郵獲使借憑歸壁以  
爲酬勒狀專披臨函倍戀即日單輅過邑擬暫依北  
道主人他年三帥登壇希追記南荒客子

侯童叅戎送節

明于仕廉

帥閫歷三冬茂祉方臻於盛滿農郊通八蜡良辰適  
會於嘉平采薇之戍斯閑爆竹之聲徧徹氛銷烽息  
幕賓胥縱飲以嬉遊陽發歲除營卒盡含哺而穩卧  
爰馳下介用候上軍荒絨將獻頌之忱薄餽致申悰  
之具願勲烈與年光而加積百蠻銅柱重標期威權  
隨春色以展舒萬里玉關獨鎮

荅谷中軍

明唐文燦

工虞守局方營輸運之急程軍將叩門忽接敘遷之  
報顧散曹豈諳集事乃濫秩徒忝朝恩猥被溢褒  
倍懷羞澁奮負山而舉負非所敢承鴻歸塞而傳言  
尚其克亮

張守戎征苗奏捷

明連繼芳

伏以戰鼓自地而鳴野外驚金革之振將軍從天而  
下征西快羽書之先師勝臯蘭功彰細柳恭惟某官  
熟濟北之一編優山西之諸將壯猷方叔之元老英  
姿公瑾之少年惟三楚之三苗敢於肆叛勤五兵於  
五嶺討其陸梁元戎啓十乘之行妙略羅八花之陣  
叱咤則罡風變態暗鳴而天漢爲傾賊若釜中遊魚  
師如枕上取肉彼突梯鼠首濫欲寄於旄頭而秒忽  
蜂腰虛見辱於齋芥西顧邊徼既有鳴劍抵掌之雄  
南面帝庭豈惜藏弓貺心之腆公未四十正富貴之  
時水擊三千搏扶搖之運某仰張子房之運籌規唐  
臯陶之淑問賓階引步  
后孽戕之貢



詳考晉守古無其官周之君陳似也其後秦伯使大夫杞子戍鄭掌北門之管漢與諸侯擊楚何守閔中以便且施行上來以聞和帝南巡祠圖張禹以大尉兼衛晉守晉惠帝幸長安僕射荀蕃輩在洛陽爲晉臺承制行事安帝時劉裕置晉臺具百官後魏孝文南伐以大尉元丕廣陵王羽晉守京師隋大業間以代王侑晉守西京尋復以衛尉少卿李淵爲弘化郡守開右十三郡兵皆受徵發後又以右驍衛將軍爲大原

晉守唐太宗征遼置京城晉守以房玄齡充蕭瑀副之其後車駕不在京都則置晉守以右金吾大將爲副高宗幸洛以雍州長史李晦爲西京晉守其後大原府尹及少尹以尹爲晉守以少尹爲副謂之三都晉守宋天子巡狩親征則命親王或大守總晉守事建隆初親征潞澤以樞密使吳延祚爲東京晉守其西京南京北京晉守各一人以知府事兼之晉守司掌宮鑰及京城守衛修葺彈壓之事畿內錢穀兵民之政建炎初京城又有副晉守並執政從臣兼節制

軍馬其後武林建業行宮參知政事孟吏爲行官晉守從權措置百司事務由斯而譚古之晉守居守之官也統御都邑操持紀綱亦嚴重矣乃今鳳陽爲

帝鄉興王之地置中都晉守司故行大都督府也轄八衛一千戶所正晉守一人副晉守一人指揮同知二人經歷司經歷都事各一人斷事司斷事一人司獄司司獄一人掌中都守護禦防之事諸政務設官視都指揮使司八衛曰晉守左曰晉守中曰鳳陽中曰鳳陽右曰懷遠曰鳳

陽曰長淮一所曰洪塘湖屯田千戶所嘉靖間有司言承天

陵寢所在宜如鳳陽建晉守統諸衛

上從之置正晉守一員副晉守一員協同僉書一員

經歷都事斷事各一員晉守掌率所屬以擁護

陵寢其隸衛有二曰

顯陵衛曰承天衛今之晉守祇職守護

陵寢以武臣任之固其所也非古京師社稷所重

非卿不可可同年語矣然

成祖改北平爲北京洪熙初命襄城伯鎮守南京宣

德中改鎮守爲守備正統中命少保南戶部尚書黃福叅贊機務後稱總督或時用吏部用都御史已專南兵部尚書定稱叅贊而南京百官守備叅贊機務爲要重治所在中府掌皇城京城畿甸晉守之事是今無晉守之名而實職古晉守之事也

上留守司

明徐 榛

伏以五位龍飛首開祥於湯沐三都鼎峙尤厯慮於本根遵居守之前猷重留臺之劇選恭惟臺下簪纓世冒節鉞名家八索九丘適意鄴侯之滿架六韜三略曾神武穆之迎機惟中都之關係匪輕故留後之機權宜重兵民錢穀任已兼總於當時陵寢宮牆務亦統司於今日威行而龍甸澄清 聖天子無憂於回顧惠溥而風山肆靖衆遺黎喜見乎親承邁葉慶得之繕結民兵駕郭子儀之措安倉卒行受玉符之異寵還沾欽券之親恩某曩牧淮南已欣共事今司戎務尤切分猷鏡酌清風仰遺芬而襲美飾迎秋日竊餘照以分輝



各省都司

行都司外衛所明

詳考古者六年寄于六鄉而六遂又倍寄焉幹強于內也征徐以魯伐邾以韓平淮夷以江漢枝勁于外也不惟相制而亦相濟矣秦銷鋒鏑聚于咸陽故乘虛輦起爲亂一不支于陳涉再不支于漢高內外不相維也漢列郡有都尉佐大守典武職甲卒王國則以內史比郡守中尉比都尉侯國則亦有相秩比天下令長每歲八月會大守郡尉令長丞相咸預各以其方之所習而課殿最焉巴蜀三河潁川之材官上郡北

古今通纂卷之二十九

廿七

地天水安定之騎士廬江會稽之樓船是也其後都試一罷外備單弱故比胡變置度遼官南蠻叛置象林兵羌犯三輔置長安雍二營都尉鮮卑寇居庸置漁陽營兵兵非素練戰非素具臨時取辦每出輒北乃立積射募陷陳置義從請牧鎮于時外兵重而內兵弱盜賊乘而牧鎮盛矣魏初置都督典州郡兵尋加四征四鎮將軍之號晉悉去州郡兵大都置武吏百人小郡五十人約損州兵已示單虛盜賊群起州郡不能制復以刺史典兵而州鎮特重矣唐之府兵

折衝都尉雖遙隸于諸衛軍城守捉實散在于諸道每歲季冬折衝將帥兵馬之在府者置左右校督習戰陣而步隊騎隊有制擊鉦伐鼓有節國無不習之兵然府兵六百三十四所以三百六十有一在關中因爲重本計而復遺二百有餘分布錯置于各道亦爲防外設其後更代法廢諸府之籍不補折衝之將不遷故號九節度之師朝廷不能制而甘爲姑息計矣宋有禁軍有廂軍有禁廂軍初以精兵萃之京師而其餘分布諸郡以備戰衛此謂禁軍役使營繕不

古今通纂卷之二十九

廿七

調于民皆兵役之此謂廂軍取廂軍之壯者教而番之在城免其難役此謂禁廂軍則州郡所恃爲屏翰者惟此禁軍也而循習日久諸郡撤備乃有保教振武之禁軍保捷武衛宣毅之禁軍兵始大備矣由斯而譚都督中外諸軍事大抵爲京畿大都督立府置佐于內也都督諸州軍事大抵爲總管府置于諸州加使持節于外也故隋改都督爲總管府唐改總管爲都督府俱列爲上中下三等也唐又部分天下州縣爲諸道置使如採訪防禦等治于所部其邊防寇

戎侵軼之地則加以旌節謂之節度使景雲初又以京州都督充河南節度使總之採訪理人防禦知軍分任則析軍民兩有所治并任則合軍民一有所治以是知節度使下有採訪者方岳牧伯之任也防禦者都護都鈐轄兵馬都監之任也元有行樞密院

國朝改行樞密院爲樞密院又改爲行都督府或稱都衛稱都鎮司已定爲都指揮使司與布按二司並曰三司都指揮使司設都指揮使都指揮同知都指揮僉事掌都司之政令完衛所戎

古今通纂卷之三十六

表

政各率其衛所以隸于五府而聽於兵部歲聽考察于撫按五歲考選軍政而廢置之一人統司事曰軍政掌印一練兵一巡捕曰軍政僉書其屯田軍器漕運京操備禦諸務並選授曰見任管事否曰帶俸諸

國慶國哀慶吊禮視布政司首領官經歷都事斷事副斷事吏目北直保定移大寧都司領衛十守禦千戶所一宣府設萬全都司領衛十守禦千戶所七直隸衛三十有九守禦千戶所九南直中都晉守司領衛八守禦千戶所一直隸衛

古今通纂卷之三十六

表

二十有八守禦千戶所一十有五山東都司領衛一十有七守禦千戶所一十有二遼東鎮領衛二十五守禦千戶所十一山西都司領衛九守禦千戶所七行都司設于大同領衛一十有四守禦千戶所七陝西都司領衛二十有六守禦千戶所一十有二行都司設于甘肅領衛一十有三守禦千戶所四河南都司領衛一十有四守禦千戶所七浙江都司領衛一十有六守禦千戶所三十五江西都司領衛三守禦千戶所十有二百戶所一湖廣都司領衛二十有六宣撫司六安撫司九長官司十四蠻夷官司五守禦千戶所二十有六宣慰司二行都司設于鄖陽領衛七守禦千戶所八四川都司領衛一十有二宣撫司二安撫司七長官司二十二守禦千戶所一十有一長官司二招招司一行都司設于建昌領衛六長官司五守禦千戶所八福建都司領衛一十有一守禦千戶所一十有七行都司設于建寧領衛五守禦千戶所四廣東都司領衛十五守禦千戶所四十有五廣西都司領衛十守禦千戶所二十有一雲南都司



領衛一十有七安撫司三長官司三守禦千戶  
所一十有二貴州都司領衛一十有八長官司  
一十有三衛曰指揮使司有指揮使指揮同知  
指揮僉事掌軍旅防禦之事歲藩臬撫按察其  
賢否五府之衛鎮撫掌刑獄有首  
員官經歷知事衛學官教授訓導千戶所正千  
戶副千戶有鎮撫百戶首領有吏目宣慰使司  
有宣慰使有同知有副使有僉事首領有經歷  
都事宣撫司有宣撫使有同知有副使有僉事  
首領有經歷照磨安撫司有安撫使有副使有  
僉事首領有史目招討司有招討使副招討使  
目長官司有長官副長官吏目蠻夷長官司有  
長官副長官皆謂土官主附輯諸蠻謹守疆土  
修其職貢而供其調發無敢推貳有相讐者疏  
上聽 朝命都司視二司衛視府所視縣則今  
都司昉古都護都統制都總管路分鈐轄路分  
都監也衛所昉古鎮將戍主州鈐轄州監也今  
並以指揮名昉之則曰都曰使下之則曰同曰  
僉雖指揮之稱唐宋業有之未以名官至今乃  
爲司衛官名衆千戶百戶又昉古萬戶而遞下

之是衛兵在京衛者總以五都督府與提督京  
營文武大臣焉州兵在外衛者總以各都司與  
總制總兵文武重臣焉內外相維不啻臂運而  
枝扶矣

賀河南都司

明徐 榛

伏以虞廷置岳藩宣特重千名邦昭代分猷節鉞式專於制閫軍民溢慶朝野生歡恭惟某官武庫將星藝壇人傑綬纓續胄喬林騰王券之光飛騎開弦細柳奪金錢之雋中外倚長城重器廟廊昇推轂隆權幕府輕裘不戰制徂尊之捷吳囊彩頰抒懷步里手之芒今雖出總師千終擬入參廟筭威伸島嶼校夷獻重譯之琛塞出燕狼點虜駭長奔之咏行懋麟圖之寵佇玄鶴印之祥某謬叨特憲濫廁觀兵窺豹未見其一斑逐兔安窮其三窟祈弘協策願附同功

東漢書

卷之七十九

明

賀都閫王春臺元旦

明連繼芳

伏以夏開端月頓回寒谷之溫春麗將星益壯長城之重授時新於太史欽福茂於元戎恭惟閫下韜鈴雷動智勇陽明八桂維藩細柳嚴將軍之令六花堅壘前茅肅兵甲之胸旄節鎮師垣映蒼精於左角常裘閑保障迎淑氣于東郊寒送土牛卽墨熄齊牛之火陽催鳴鳥南枝斷越鳥之棲五路日遲遲草長關河之綠七星春冉冉烟消林崗之紅在長子而帥師舍私公其誰適某璿臺望氣幸島嶼之無塵王樹倚葭藉十城之垂蔭恪奔下介用候上軍所願揭窮陰

東漢書

卷之七十九

明

賀都護丁振寰冬節

明連繼芳

伏以緹灰候氣聿新太史之占牙纛宣風載重元戎之寄微陽在戶价人維藩恭惟閫下詩書之帥屏翰之雄磐礎師垣五路式帶裘之矩矱紀綱鎖鑰三軍奮踴躍於干城適占七日之亨爰壯六韜之略和門晝永士知挾纘之溫候柝宵沉民謝閉關之樂雷在地中伏六陰與嵐瘴同消子肇日初長五福隨陽剛金進某方歌玄酒入醉醇醪分有脚之陽春賴壯猷



之元老恭迎小至豫祝大來坐桂嶽以折衝霜肅前  
茅之律襟瀟山爲籌幄霽開細柳之營彌增嶺表之  
和用協師中之吉

賀范都閩年

明連繼芳

伏以天地泰交乘少陽而出震雷霆渙號利長子之  
帥師燕喜屠蘇駢臻戩穀恭惟門下帶礪山河牙旗  
屏翰於荆保七澤三湘之障於粵佐五侯九伯之征  
鎮省會之金湯春濃綠野嚴共服於鈐護畫靜紅塵  
北斗回杓新運籌於虎節東風解凍知挾纊於雲屯  
采薇之咏無譁換桃之符有色柳妍青陌不戰含獨

東瀾別選卷之五十九

四四

柳之誅竹吹金門先聲彰破竹之勢陽春召人以麗  
景八公藏草木之驚造化假公以餘閑三江息斷流  
之警某會逢元日景仰將星羨師旅之穩臥含哺賀  
元戎之輕裘緩帶所願春宵眠五路之貔貅大河洗  
六花之兵甲勦烈與年光而頻積百蠻銅柱重標威  
權隨春色以展舒萬里玉關獨鎮壽域開方叔之元  
老將門紹皇父之太師

迎于都護

明方應選

伏以折衝海上霓旌掃萬里之風烟錫命師中虎幄  
沾九重之雨露獨承專閫總制全閩黎庶騰懽荐紳  
動色恭惟輶鈴鉅望文武兼資廷尉天下之平孫支  
茂衍宮師忠愍之烈勲業重光一劍答君恩自許精  
忠報國千金酬士氣衆推智勇兼人胸中自有甲兵  
眼底全無醜虜孤懸島嶼與夷觸望玉帳而心寒新築  
城闔黠艦聞牙旌而膽落勝非由于一戰謀實出乎  
萬全海若澄神曾見漁翁見藻馮夷效順更看雀舫  
鱗游桴鼓無聲鼎鍾紀績惟帝心之簡在乃穹闕之  
用膺登上將軍壇不數詩書卻穀開大元帥府奚誇  
裘帶羊公閩之南與甌之東共得千城保障山之陬  
與海之滙僉云霖雨福星某幸殷同官欣遇奇逢志  
興擊楫期得海晏河清才謝請纓敢托附龍攀鳳欲  
將燕賀敢希魚箋

東瀾別選卷之五十九

四十五

古今四六濡削選章卷之四十

豫章李國祥休徵父

友人朱多孺文季父校閱

謫降

崔相公歸號

唐薛逢

相公河嶽鍾靈芝蘭蘊德頃因直道常中倭人阻絕九重播遷萬里無非中正發言而天地鑒知不負神明冒險而靈祇補助所以恬和自得寢膳長安雖經夷貊之長途不燥江山之沴氣皇天眷祐於焉有徵伏惟相公道濟中興仁歸厚德即當重開鑑冶再設

東瀛別章卷之四十

一

權衡俾器用各適圓方錙銖不失輕重天下幸甚逢此時或因陶鑄得敘宗彞佇從長養之時復覩昇平之代自相公歸官號略尋欲附狀起居伏以革吏卑微不敢輕肆塵黷昨者從孫薛誠過此令候方便咨達姓名瑣瑣形骸或希記憶謹啓

崔相公罷相

唐薛逢

某聞川梁壅而舟楫施示黍登而霖雨霽天地常數古今其然伏惟相公理達卷舒用明進退調陰陽以成歲受功於天執謙讓以歸仁弘道於已所謂進退惟正卷舒適時某每念庸虛常蒙匠化當幽滯之求

振拔則且願持權在卑聖王之望廢庶復稍思稅駕從古難者于今見之雖范蠡登舟子房避世方之高蹈何足比肩懷懷懇誠伏望深鑒

賀傅侍郎掛冠

宋劉克莊

出綽褒賢抗章謝事脩然遠引屢辭加璧之招浩乎莫留竟逐拂衣之志事光竹帛喜動林泉竊以出處之間雍容者少永叔避關弓之害由此乞身祁公憐一網之危退而請老若乃朝廷寶之如龜玉國人仰之如鳳星有園林鐘鼓之娛無風波機穽之迫曰貴曰壽未能或之先何嫌何疑致爲臣而去其官古之

東瀛別章卷之四十

二

遺直王之蓋臣方馬邑之謀始開首云勿擊使延英之諫見聽豈不太平由平生言論風旨而觀皆當世理亂安危之故白頭一節高卧十年公雖勇於入山士尚占其出岫今也深惟可止之義奏疏益頻若執宜休之言詔書莫奪卓哉此舉近者所無使君相重名節之人爲國家倡廉退之俗文階三品奎閣九重于以表而出之異乎求而得者諸郎昂貴並行皂蓋之春甲第錦歸重話烏衣之舊品題乎一州一木徜徉乎某水某丘物外之趣轉深天下之望愈重歸然下國獨餘一老之存賢哉大夫可繼二臣而去其素



懷景行幸觀遺榮當舉世之橫流同清風而起立朝  
無著舊誰能乞孔戣之留身是散人或可爲老耄之  
後

許相公歸歎

明樊玉衡

日麗黃扉一代明良歌喜起堂開綠野四時風月足  
徘徊助勒鼎彝望重朝野恭惟某官奎躔毓秀嵩嶽  
鍾英殿上唱臚名雲呈五色禁中當制草日過八磚  
金甌首覆沙堤度十里之春玉燭長調國柱繫萬年  
之固頃緣建議暫爾歸休雖手足腹心情同一體迺  
江湖廊廟勢若相懸每傾葵藿以輸忱時撫菊松而

東漢書卷之四十一

三

寄傲羣臣望丰采允矣周室文師異域問起居奚啻  
宋家司馬某猥以樗櫟之材濫廁堯李之末恭諗南  
旋擬効勤於芹曝偶因北上竟莫報於涓埃謹而一  
介以賁緘恭扣九閭而問候仰冀台慈俯垂昭鑒伏  
惟爲道崇獎善逐天庥洛社暫歸憂未忘于丹闕東  
山養重望更切乎蒼生效潞國輔相三朝法畢公元  
老四世下情無任忻躍企仰之至

追送楊給諫謫潮

明李國卿

恭惟某官道風秀世德望傾時逆耳批鱗靡恤潮陽  
之怒撫肝瀝胆永綏盤石之安天下稱爲直臣吾黨  
知其君子望氤氲之紫炁忻近龍光詎能蔽於紅塵  
翻成燕避欲識荆而莫遂思投轄以無從豈天斬萬  
戶之榮乎胡人失一交之臂也益屢嚮違徒重怒饑  
敬飾微芹少伸末悃倘汪容而有賞實寵彼於無言

送顧道行學憲

明林世吉

恭惟望高北斗九稱百世之師名冠西京雅擅千秋  
之業顧多士方資以振鐸詎衆口忽成乎鍊金攀戀  
絳紗悵儀刑之遽遠敬搖彩筆賦離別以何堪敢携  
白獸之尊庸置黃龍之艦仰攀星駕少遂展瞻伏望  
爲立頒斯漫聽青驪之曲與申縵縵同享黃髮之期

答施振菴正郎

明唐文燦

商丘散木固宜淪棄於道傍沙苑神駒乃果放歸於  
野外信矣仕途之險嗟哉人世之艱同病相憐每懸  
縵抱暫離復合偶遊良緣繞通名刺之投遂得音書  
之貺易喧詞而言賀非所敢承申契好以訂盟是惟  
敬諾適促程奔趨乎冗役姑附介轉致夫豐儀徒覺  
匆匆愈懷睠睠聞採藥之初謀稍輟諒握蘭之餘味

猶存敘冬省而兼訪年家卽擬成期於暇日就塵尾  
而早遊天闕更祈效用於清時

再慰朱訥齋

明王兆雲

門下扣閣一疏義重批鱗去國孤舟名高脫屣乃明  
主終俞謨論致庶官共叶訐謨儲宮遄建講幄旋開  
焜耀前星遡鴻功于伊始汪洋湛露計燕語之匪遙  
未應夢穩青山詎可情耽綠野黃裳入對須尋第一  
人豪朱子若行定有登三事業恭先促駕願早起裝  
擁簪龍洲佇侯班公就道垂紳鳳閣更聽召與虞歌



賀歐陽少師致仕

宋蘇軾

抗章得罪釋位言還天眷雖隆莫奪已行之志士流太息共高難繼之風凡在庇蔭竝增慶慰伏以懷安天下之公患去就君子之所難世靡不知人更相笑而道不勝欲私於爲身君臣之恩係縻之於前妻子之計推葺之於後至於山林之士猶有降志於垂老而况廟堂之舊欲使辭福於當年有其言而無其心有其心而無其決愚智共蔽古今一塗是以用舍行藏仲尼獨許於顏子存亡進退周易不及於賢人自

東漢書

卷之四

七

非智足以周知仁足以自愛道足以忘物之得喪志足以一氣之盛衰則孰能見幾禍福之先脫展塵垢之外常恐茲世不見其人伏惟致政觀文少師全德難名巨材不器事業三朝之望文章百世之師功存社稷而人不知躬履艱難而節乃見縱使耄期篤老猶當就見質疑而乃力辭於未及之年退託以不能而止大勇若怯大智如愚至貴無軒冕而榮至仁不導引而壽較其所得孰與昔多軾受知最深聞道有自雖外爲天下惜老成之去而私喜明哲得保身之全伏暑向闌台候何似伏冀爲時自重少慰輿情

賀史太保致仕

宋周必大

交貢封章懇還官政升上公之秩序荒全魏之土田在耆儒則崇止足之風於聖主則極褒崇之禮典冊既下簡編有光君臣之間可謂兩得中外之衆固宜交懽恭惟某官進道淵深宅心廣大學無不通故見之著述者多而益辨氣有所養故施之事爲者久而益新兩持一相之權歷踐三孤之貴視物猶已愛憎泯然毋我負人忠恕多矣是宜壽考康寧而天不靳功名終始而人不疑逮辭寵利以弗居愈覺身名之俱泰召公爲保雖厥位之已同尚父維師顧其年之未至况舊勤於分陝恐終佐於伐商某蚤託甄陶喜揚綸綍非敢緩履成之賀謂當循廷謝之規今觀宸章果符輿望惟是先施之辱寧無倒置之慙迎拜匪遙欣愉更切

賀趙少保致仕

宋王安石

抗言辭寵得謝歸榮繇西省諫諍之官序東宮師保之位嚴庭鳴玉尚仍前日之班里舍揮金甫遂高年之樂某官懋昭賢業寅亮聖時伯夷之直惟清仲山之明且哲所居之名赫赫豈獨後思爾瞻之象巖巖方當上輔遂從雅志實激貪風未卽披承徒深瞻仰

東漢書

卷之四

八

賀趙大資少保致仕

宋蘇軾

抗章得謝奉冊言還縉紳登觀閣里相慶竊謂富貴不爲至樂功名非有甚難樂莫樂於還故鄉難莫難於全大節歷數當今之卿相或寓他邦究觀自古之忠賢少有完傳錦衣而夜行者多矣狐裘而羔袖者有之至若百行渾圓五福純備當世所羨非公而誰恭惟致政大資少保道心精微德望宏遠無施不可尤高臺諫之風所臨有聲最宜吳蜀之政才不究於大用命乃係於生民與時偕行不可則止見故人而一笑綽有餘歡念平生之百爲一無可恨方將深入

東瀛別集

卷之四

九

賀周少傅致仕

宋王邁

勇退莫回疏榮益寵推較近世謂當班文富之間瞻言高風乃忽在義黃之上雖君相歡而惜其去然猿鶴舞而候其歸携持全名照映今古恭惟某官勲在彛鼎名滿華夷方堂堂當國之秋極蹇蹇匪躬之操格天扶日了無一節之詭隨破斧缺斨始有後來之洵湧人方願去子高之胄公乃遂掛神武之冠從容

綠野之游繾綣赤松之約方將騎牛澗壑盡領故山之雲煙爭席漁樵不署曩時之爵里世如果有仙者公獨非其人歟某立弟子行且三十載昔者在青雲之表自憐無附驥之階今茲遇紫氣之祥第欲上著書之請

賀陳丞相致仕

宋周必大

連章請老優詔閑勞執玉帛於新班位隆亞傳易茅封於舊鎮地統故鄉仍秘殿之大名極宗工之異數縉紳創見夷夏樂聞恭惟某官德博而裕於才器闢而冲於用以興學雄文冠多士以忠言直節居大僚

東瀛別集

卷之四

十

爲善未嘗近名而聲譽之歸不可遏事君未嘗枉道而爵祿之至不可辭周旋鈞樞弼亮神聖謀斷兼乎房杜都俞踵乎臯夔粵去廟堂屢臨藩屏力方剛而抗疏欲追六一之高風年甫及而掛冠迄遂沂公之雅志優游里第涵泳天真二疏賓客之相娛萬石子孫之甚謹謙備六爻之吉悔吝不生壽居五福之先康強未艾在前輩或難於盡善惟哲人獨享其全功然而尚父之佐武王潞公之師元祐皆來歸之既老豈得謝之可居公固無心上猶有望某敬懷知喜已聽傳家顧希驥以未能思執鞭而甚切仰勤榮問徒



激懦衷寒力方疑燕超多助冀益調於鼎食永不登於民瞻

賀魏太參致仕

宋宋齊愈

懇謝領機寵頒殊渥冠崇班於書殿躋峻陟於文階方疇霖雨之賢進顯秉筆乃抗浮雲之義早遂掛冠帝惜老成之莫留士嗟明哲之難繼歷數聖朝之近輔幾全賢德之高明泰和乞身而歸乃罷政之後姑茂引年而去非釋位之初然猶野史屢書朝士交贊而况位方居於廊廟名正勒於鼎彝疎嚴石之具瞻思急流之勇退是為希曠孰與等夷恭惟某官命世

東漢書卷之四十一

十一

碩儒奕邦鉅哲佩龍淵之賜風長文昌之六聯躋鳳沼之班纔下丞相之一等既任安危之重復為進退之光子房雖暫以赤松之遊安石必更為蒼生而起某承蒙提獎晚荷同列有追之門時日憐物繫侍鉅賢之几杖未獲周旋意傾酬以詞一詞訥而難盡

賀呂期公存問

明董份

伏以黃閣風清台鼎效雕元之績紫宸露湛宸綸隆憲老之儀寵賁林中懽騰海上恭惟元老呂老先生台座生鍾間氣出應昌期堯山之壑傳芳厚址盤摩霄之瑞祥水之波啓運靈源縈積石之奇自司成入路燮理夙簡帝心由丞弼出掌端揆倍膺天寵謫若陽春之和煦人人若與可親浩如巨海之汪洋物同胞不忤遵王道路奉皇極之敷言俾爾熾昌衍閔宮之純嘏衣繡初遊於鴻渚恍依日觀之光替裾茂集於鴻圖益見雲仍之盛唯功存於社稷矧履積

東漢書卷之四十一

十一

於家庭謝傳之蘭奕葉素叢於相府却生之桂一枝獨占於上林龍虎榜頭輸仙郎奪標之手熊羆夢裏屈尚父垂釣之竿射策而喜動天顏驚擲泥金之報懸弧而恩頒帝闕恍分雲錦之章合三世之休徵成八塵清長絃掩雋提之泪沒起迹羊豕之間出之風塵共赴雲龍之會是宗師有大造於諸生也爰具治於庖人敬申罔極用微寵於執事圖報無涯不賜鄙夷曷勝歡忭

賀呂期翁詔賜存問

明余有丁

伏以星臨南極謁紫氣於機衡序屬朱明來薰風於

殿閣光騰梓里詔出楓宸恭惟期翁呂相公鏡水澄  
源稽山毓秀三十年佐皇王之業登瀛宇于太和二  
十載懸故里之事綿詩書於世亂帝心簡在何嘗一  
變之承光相道已成遂效二疏之去漢謝黃扉於上  
國開綠野于東溟皓首居鄉江湖雖遠丹心對日魏  
闕常懸茲者爰加文錦之頒持荷溫綸之寵採仙芝  
於越嶠散壽宴於蟠桃雪刺滿頭文潞公之精神倍  
奕霜毫生領謝安石之強力猶新八音齊鳴簫鼓接  
天台之路九賓咸集冠裳映赤城之霞玉帶與白簪  
並輝蟒服共青瞳爭焰簪纓繞公膝下孫曾盡鑽聞  
東瀛別選章 卷之四十 十三

之英觴豆獻爾堂前几席總雲霄之侶 某千里緘辭  
慚非驥足一行作吏幸廁牛溲周家之渭水未移申  
叟之蒲輪將駕繫官輿北莫趁元輔以依歸遙望日  
南咸指大椿而祝頌

賀上柱國呂師相存問

明黃洪憲

伏以嵩壽天齊膺一世阿衡之重奎章霞寶報三朝  
鼎鉉之隆色映蓬萊光騰華蓋恭惟某官黃扉碩輔  
紫府仙卿天挺英資地涵懿德蚤馳聲于文苑組綯  
春花即秉軸于台垣茂叢秋實經以文緯以武萬邦  
享嘉靖之休同以禮和以樂四海葵泰平之績迺因

秋風稅駕養重望于林泉夜月除冠迺高名于雲石  
屬茲流火之暎爰當誕日之期台市輝煌識受眾之  
有自長庚璀璨徵錫壽之無疆壁列堂開培玉樹長  
珠胎隱隱室如蓬島芝呈鶴獻流紫霞歌白雪僊僊  
客並喬松蓋曠古未逢之盛當今獨履之祥也 某罪  
深阻地叨聯公娃金蘭誼薦通家永託先人袍笏孫  
陽剪拂篤貽何幸騰驤師曠囑和蒼鷗亦應博舌神  
馳北海敢忘金策之恩酒獻南山聊上玉杯之祝

東瀛別選章

卷之四十

十四



賀李斗老封君壽

明曾光魯

恭惟堦麓奏雅曲希和平陽春龜鶴壽年歡自騰于  
彩袖庭槐日永山梓情深我斗翁李伯兄精誠貫金  
石忠孝孚鬼神衡岳餘恩方切其棠之咏藍田作種  
載稱南極之鵬陽月映紅曦萬里歸來日華堂鋪  
綺宴六年懷抱對今朝壽吾國以壽吾民慶鍾式穀  
三千花而三千寔瑞猷蟠桃人間樂事無雙地上行  
仙有幾某等忝叨寅末久荷包容匏繫一方彌懸松  
桂之蘭之想芹私百結祇效岡陵山阜之呼臨楮遙  
瞻伏期炤答

東齊制舉

十五

賀蕭文谷封君壽

明樊煒

伏以北斗名高游被龍章來魏闕南星耀彩幸逢象  
服度幽關祝遐筭以齊天睹惟聲之動地槐陰日永  
梓里情深恭惟閣下全楚重望昭代達尊衡湘邁跡  
徵書蚤下詞林岱嶽分符薦剡交騰當道源潔則流  
清鳳毛產瑞大德必得壽鶴筭開祥桂茂燕山應五  
百年有名世椿長楚國計八千歲爲春秋綠蒲初熟  
彩袖翩翾運際熙明培飛龍之景運月臨端午叶夢  
鳳之芳辰依螭陛以瞻雲玉堂金馬披熊與而受日  
皂蓋朱旂光生漢河之區樂奏洞庭之野壽吾國壽

民慶鍾式穀日方升月方恒瑞猷蟠桃人間樂事

地上行僊有幾某分叨梓里誼辱通家一瓊匏  
繫屋兒觥之稱百結芹私願效華封之祝薄言采  
沚聊表猷芹伏冀台慈俯垂昭鑒

賀陳克州封君

明李國祥

竊惟慶紹雕龍秀葉發榮雲五色祥徵登鵠靈根飛  
節日千華河庭中奇樹以怡心勝囊裏大丹而駐髮  
階前嘶五馬艷凌萊彩斑爛日表圓雙鸞離軼華封  
鄭重齒隨德進福與壽多椿歲爲八千春秋編列起  
百萬頌禱祥親緣梓里某綴河源感邇嗟培之自予

東齊制舉

十六

仁風共推聚順情埒雲仍之慕于壽曜遙擬承驪雖  
行泉難綴于賀班乃馳使潛通于宴席將以荒幣願  
一縷以增一紀佐之魯酒期一飲以添一壽龍鵠同  
誠飛鶴妙曲伏祈綠髮翁適適香山洛社綸顏千歲  
芙蓉花黃堂主駸駸八命三台異數九重恩味

賀劉封君七奏

明曹大同

伏以衡嶽儲靈屬壽域弘開之會歲星啓曜協碩人  
降誕之祥色爛烟霞慶敷淮海恭惟某官天真夷曠  
斗望高華託興商山鶴髮歌紫芝之曲蜚英楚甸鯉  
庭來朱紱之榮惟脫敝屣於雲萍肆膺福履於天錫  
香颺薦爽映弧矢於蟾輝瑞氣騰歡煥編爛於牙繡  
駐景龍泉之上怡神鵲嶺之巔七十椿齡華筵勝事  
三千桃實玄圃靈標是誠自古稱稀矣但于今爲烈  
懸知僊臺授訣露和玉屑於銅盤已見蚌穴吐奇月  
射珠光於貝闕盪滌東南之穢挽回瀛海之春綉節  
東清制舉章卷之四十一

卷之四十一

七

金符承清惟於膝下霞觴羽蓋御真氣於目前期台  
階膺八座之封軼香山謗九老之宴遠托重雲之庇  
賀燕榮私載陳下里之詞稱兕獻祝

謝汪南溟撰李封君傳

明曾光魯

伏以天上文昌府精凝嵩岳之申人間社稷臣望重  
東山之謝彼寓縣久云推轂若薦紳咸願執鞭况効  
蛙鳴更深驥附寅惟門下氣蘊風雲身馮日月稽古  
而典墳丘索盡入網羅屬詞而班馬韋匡任從票括  
蚤揚禮樂暫試程書對客解頤看簪花之落酒問童  
何事喜桑陌之馴雛聖天子以治郡治戎非公不可  
大丈夫惟乃武乃文隨地皆宜簡登中丞專制閩省  
時方多故事屬大材一改化絃滿調雲門之瑟長揮  
王鉞爭洗天河之兵移鎮鄖襄克緩楚服僉謀帷幄

東清制舉章卷之四十一

八

裡上東北事累數千言豈快意居胥間減縣官財以  
億萬計動銘葵鼎跡託江湖兩鬢未斑花竹禽魚俱  
是樂餘心更赤邊書邸報未忘憂龍臥詎堅膺揚有  
待群工想丰采允惟周室父師異域問起居不數宋  
家司馬金甌早卜玉鉉同調矧身歷三朝文鳴四海  
猷闋諸稿大夏咸池鄧鄂等篇流商刻徵誠理祖新  
安之粵妙而文追北地之豪雄者也某久慕陽春自  
慚里耳奈紅塵日積奚能曳屣于龍門願青眼時加  
遂爾借光于鄮縣驚承八傳竦讀清音老父得此有  
餘榮添桑榆之麗色不才何

由以爲報者非難之微  
忱日盼中台神馳南溟



請左右軒封君

明程子侃

恭惟淑氣上槐林燕翼風微麟趾祥光舒竹色鳳毛  
又長龍孫匪直藉百福以煥耀高門且瞻廣萬間而  
併蒙下吏謹占某日敬陳菲席用展芹忱斗酒盤食  
托真醇于氣味賓酌主獻樂化于昇平

請左封君

明程子侃

伏以出谷轉遷鶯綠柳傍黃槐而笑日朝陽鳴瑞鳳  
碧梧引翠竹以凌霄時值春夏之交禮修獻酌之舉  
日諏廿一辰屬最良採蔗授盤食几筵色借乎瓊枝  
寶樹宜梅消積渴咳唾音銑平玉振金聲預佈鴻私

東清前集卷之四十一

十九

祇迎息鳥

請封君左

明程子侃

伏以紫氣上烏紗海屋壽添大老青陽舒柳色山城  
律轉名家椿林茂而芝秀蘭芳鴈鳴而鸞翔鳳翥  
穆唐廿四之吉度申百一之忱酒祝長春願長享  
太平樂歲臨風開笑臉更咲看品第容肅聽車音  
祇迎賜從

嫺聯

賀陳進士奉 詔歸娶

明屠 隆

黃姑織女銀河渡天上雙星弄玉簫郎金屋貯人間  
二妙連理瓊枝倚春風而聞美合歡錦帶指新月以  
要盟蓋伴洞府於塵寰即神仙不足爲樂而等佳期  
於天漢雖日月不足爲長恭惟某官桂林一枝崑山  
片玉年少登朝美芙蓉之出匣才高作賦抒錦綉之  
凌雲茲者上書以請暫辭鷺鷥之班奉詔而歸永結  
鸞鳳之侶文就千言美矣東都之才子枚成七寶嬌  
然南國之佳人洛濱拾翠蘭房初照手夜珠上國觀

東清前集卷之四十一

十

花梓里况榮乎畫錦絳蠟映盈堦之月色紅銷拂滿  
袖之天香光華金耀倚綽約而花垂律呂相和吹參  
差而鳳下縷結同心日麗屏間孔雀蓮開金蒂影憐  
池上鴛鴦生平之樂事都兼人世之歡娛斯極伏願  
采綠道周薦頤宗廟儲龔缺之耕相待一敬舉梁鴻  
之案所重惟賢此才鮑謝彼美姬姜恒裨職業於鷄  
鳴蚤兆符占於熊夢

賀楊縣尹續婚

明吳澂

金絃一續玉鏡再圓堂上鳴琴操久彈於孤鳳邑中  
製錦紋重織於雙鴛蓋惟君侯蒞百里之男邦合得  
主婦治一家之女事星期哲哲雲從和和鸞鏘纈出  
迎之光鵲集喜觀新之燕遙瞻仙聚薄效客羞桃室  
內宜外溥河縣潘桃之春意桂娥上照下催燕山寶  
桂之秋香

東清別集

卷之中

廿一

爲顯孫通魏宅問名

宋李劉

言念二姓分野適並舍於魚鳧兩家提孩許問津於  
烏鵲仰甘棠之有笏愧苦李之無蹊孰固在於地同  
合始由於天作茲者伏承某官小娘子周旋內則夙  
閑十七之少儀而某大學生位長孫某溫習中庸詎  
達三千之曲禮況未策贊皇之名第乃竊附公子之  
婚姻亦惟陪萬里之游因得合二姓之好卜妻占八  
世克協鳳飛之和勸郎勤六經寔望雞鳴之戒

爲顯孫通魏宅納采

宋李劉

言念納采問名嘉禮寧嫌於重請居敬行簡省事固  
爲顯孫通魏宅納采

東清別集

卷之中

廿一

厭於兩回不敢虛拘敬將厚意必河之魴必河之鯉  
亦推采藻以采蘋言秣其馬言秣其駒更冀刈萁而  
之菲儀不腆別楮是陳

請媒書

宋李劉

枌新匪斧曷諧二姓之驩釣絲伊緡良借一言  
且況以葭莖之契獲聯榛棗之昏遂孫枝攀附之  
自媒葉往來之助

請期書

宋李劉

十月在策交月夙葵於丙辰五日爲期吉日又符於  
庚午宜其孫子宴爾室家敢修一介之尺

書拱拱八  
爲之百兩



與蓮求親

宋 蘇軾

里開之游燕於早歲交朋之分重以世爲長子遇  
天資朴魯近憑游藝之師傳示娘子姆訓夙成遠  
有萬石之家法聊申不腆之幣願結無窮之歡

與楊石巖納聘

明 周 易

伏以姑溪梓里久敦伐木之交甌水萍蹤復媚同人  
之誼豈期締眷重辱婚姻恭惟先生詩禮世胄閥閱  
名家喬木盤根久重河山之誓荷蘭奕葉肆開榮戟  
之光乃定嘉祥薦生賢媛稔聞淑質蚤服師箴更喜  
韶年能諳女誡爰求快婿顧及頑兒芳閨詠絮之才

東 清 齋 選 章

二十三

元期上鳳寒屋負薪之子深愧乘龍茲者消戒良辰  
薄陳下物擬修羔鴈之敬用徵麟鳳之名百年姻婭  
愧倚玉之奚堪千禩宗祊感投珠之莫報寔修再拜  
台命萬瞻謹啓

聘平江陳氏

明 嚴 嵩

伏以締姻盟於二姓允係天緣際道恭於三陽肇稱  
三禮既荷南金之諾用陳采幣之儀恭惟某五等崇  
階世績勲庸之盛千年喬木家承忠孝之傳旄鉞臨  
戎播威聲於海嶠絲綸入召資籌略於廟堂嵩敬仰  
名門切欽高誼昔年講習於成均相知最舊此日遇

從於京邸敦好逾新顧小孫佩鐸之年師模甫就維  
令媛詠梅之秀姆訓夙閑幸葭玉之相依忻松蘿之  
有託以似以續深期徵福於私門必腆必誠敢謂蕭  
將於信使所有菲儀具陳別幅

爲季氏聘林氏婚

明 何三畏

卽晨永日含輝融風扇物翩翩紫燕調綺語于雕梁  
轉轉黃鸝擲金梭于翠柳魚水合百年之眷文定厥  
祥葭蒲聯兩姓之歡卜云其吉慚稱龍而得鳳媿似  
玉以凝冰訂此初盟詛茲穀旦恭惟某官名高二闕  
德號十門經史該通蚤登科于桂籍文章鼓動旋掌

東 清 齋 選 章

卷之四

二十四

制于鳳池誰言遠城市而結廬行且升掖垣而侍從  
如某族微文子衿衣帛食粟之家才謝延陵乏陳詩  
觀風之致雖先君領藩領郡嘗趣召于服股廼孺子  
非俠非儒徒遇人于恭謹況乎小孫庸鹵敢希四代  
傳封聞之令女幽貞莫是五絲牽得羞誇好合能遊  
鸛雀之呼願締良緣適叶鳳皇之兆如宋地三齡之  
女已結姻婚若泥陽六歲之男預諧伉儷雅重黃金  
一諾欣看白璧雙成穠矣桃李之華金妍展也葭華  
之戚斯在卽侍侯高之朗鑒吾女豈嫁此夫將同王  
陶之公評是兒何如子敬家風清儉無須羅帳于他

年賸物輕轉有類荆釵于今日惶恐將命庶幾報章  
惟俞熾婉之求便爛門闌之喜

所報特賜俞允猷以橋梓閨閨之崇締於蓬蒿戶樞  
之陋蓋儒流同類聲相應而氣相求肆宦室連姻事  
易諧而謀易協豈云偶爾殆亦當然謹差敘以定厥  
祥庶盟成言歸於好辭誠不腆聊爲鳳箋鴈幣之將  
意尚無窮豫有麟趾螽斯之卜

送張一川婚書

明唐文燦

竊惟姪爲猶子均懷有室之圖姻不失親風重名家  
之選幸獲諧於卜吉敬陳悃以定祥仰惟某官譽洽  
里閭範彰姻族堂前之靈椿老矣桂馥方新閨內之  
膠木翦然蘭姿必秀燦一官初涉愧莫能早致乎修

程四壁舊居懼不足驟板乎厦屋至如小姪尚在困  
蒙黃卷儲藏難強杜阿宜之讀紫囊戲玩每煩謝安  
石之焚旣非千里逸駒詎得雙眸中雀所恃氣味相  
投或有遇也聊通微意於斧傳乃緣謀占胥協果無  
嫌焉遂接好音於鼎諾顧茲葑菲托爾葭草由儒家  
而聯大姓爲姻家金盟永垂百世以從子而附高人  
作半子玉成端藉二天中郎之樂可知雍伯之誠宜  
達信誓旦旦書不盡言束帛多儀惟及物愛陳生  
而留寓彼室實有望於外翁資懿婦而振起吾宗尤  
兼期於他日伏希電照統賜淵涵



與蔡方伯聘禮

明王雲兆

伏以向月檢書徵百年之分定迨冰叶夢成二姓之良緣雖主謝門高恐或多于僭越而朱陳義結幸已允於攀援謹遵六禮以修虔用展一片而布悃恭惟臺下三朝元老全楚達尊身冠立漢殿都亭七貴尚憺彈擊餘威聽馬按淮揚畿輔萬家曾受澄清遺澤參鄒魯之名藩登泰山而俯寰宇運韓范之妙算奠汾川以靖邊陲紫微峻陟帝方咨岳而賴旬宣綠野宏開翁顧辭榮而甘雲壑別厚和以宅衷允矣先民矩矱而端方以範俗居然後進儀刑美德源之益廣

東瀛集卷之四十一

元

喜孫秀之駢臻家庭友順聿齊萬石以流芳甲第文章將並兩蘇而振藻如某者涉世無能省躬有作萬里當官雖不前乎篤步一朝稅駕得頻炙乎龍門向緣氣味之投獲締姻媿之雅但念生之子培粗操鉛槧賦未必其凌雲翁之孫媛妙毓閨闈才已徵於咏雪蓮開並蒂懽偕池上鴛鴦縷綫同心麗映屏間孔雀憶柯訂之久偕將星期之可合茲日吉兮辰良爰問名而納采種出藍田二璧結成玄浦雙珠物誠不腆敢云鸞箋鴈幣之將願實無疆預切麟趾螽斯之慶具在專絨統布鑒納

代陳橋南作送聘龔家

明唐文燦

鴈贊定祥作合既成於二姓鸞牋納吉對時適應夫三春天人協而喜氣載揚儀物虔而歡心斯達恭惟姻家承善良之緒循然有龔舍遺風藉富厚之資卓爾無乃間故習肆韋布驟膺乎冠服允楷模堪埒于縉紳如鄙人德豈太丘交契幸依荀里暨頑子才非曲逆結緣猥托張門顧婚媾之早諧可禮文之久聘庸訊日來訂舊盟稍俟戒期往迎新耦為蘿席幾其益固桃李自此而增穠裨職業於鷄鳴未信郭公之知人竟誤兆符占於熊夢更祈敬仲之保世寢昌

東瀛集卷之四十一

廿

代僚友周龍山三朝請姻家

明唐文燦

嘉事告成送御侈盈門之爛德音來括見聞誇宜室之賢遂使新婦參軍諧良緣而作配實由韓公柳媼協厚誼以主盟宜治薄筵用迎尊駕俯竭涓埃之悃仰酌海嶽之恩穀旦於差先時以告惟茲初九之日伺王母乘鸞而寵臨載越十一之辰邀仙翁跨鶴而光顧列座扳高門之諸眷連鑣曾小燕之兩期雖無旨酒雖無嘉餼誠意聊將於筍簍且以喜樂且以永日雅情益洽於葭莩伏冀肯來可勝延佇

龔君一婚

明許以忠

伏以菊剩餘葩映鏡臺而一色霜凝上苑昭三并以  
齊輝時修六禮之初盟序屬一陽之泰候歡騰渭洛  
瑞藹門闌恭惟親家族衍蕃茂甲巫山之食野情鍾  
友愛聯天水之長衾學孔家爲兄子而擇乘龍致陳  
門因長者而諧十鳳事雖繇於繫足喜寔動於揚眉  
第令姪媛才擅擬騷益勵閨闈之訓愧季豚兒志懷  
奏賦未窺堂室之精茲幸萬羅有託敬修筐篚是將  
錦屏雲合陽回孔雀乍呈祥碧漢雨收煖動螽斯先  
報彩伏願親家量拓滄容鑒悃忱於物外俾不肖感  
東清別集卷之十

三十

同嶽戴肆忻忭於廬中快觀銀河渡天上之星慚無  
金屋貯人間之美某臨書實切藉寵依光之至

求程氏婚

明王兆雲

伏以誼重百年吉兆早諧於鳳卜歡同二姓和聲初  
應於聯珠作合雖自天資昭定藉人力恭惟太宇  
先生門下青雲器偉白雪才高握瑾懷瑜譽風揚於  
六館從金戛玉賦可並於三都業已龍驤學海行將  
鴻漸天衢伏諗令姪女德儀素習早開中壺之規而  
小兒學業未成冀坦東床之腹鬱山川之相望密邇  
粉榆期冰玉之交輝安未締結幸丐一言之諾俾偕  
百世之歡好附絲羅倘得今時中雀喜浮門楣預占  
他日乘龍

東清別集卷之十

廿二

與李德軒求婚

明樊燁

晴川赤壁世稱文獻之邦紫閣青瑣共結姻婭之雅  
自慚非偶妄意高門似有天緣敬憑月老恭惟閣下  
才雄三楚名震八埏禹門雷動纔弱冠起鳳騰蛟禁  
苑天高灑墨花批鱗補衮威行百粵惠洽群黎餘慶  
被于螽斯瑞氣藹乎門楣異儀婉婉坤德含章海底  
珊瑚肯受虹蜺之釣雲間鸞駕寧歸翡翠之羅願僕  
何人叨廝貴郡依依首肯迭承槐棘深陰表裏萬羅  
漫附栢松柯幹豈人所能爲玆始天作之合也且也  
芳閨才誇咏雪適當層鳳之期蕪之小兒學步凌雲



竊有乘龍之想極知齊鄭相懸俗擬朱陳世誼屢煩  
冰詔奉瀆台聰伏冀尊慈俯垂鑒念採不遺于葑菲  
咏蚤協夫桃夭雀中彩屏好逑定百年之計續聯赤  
繫大婚開萬世之嗣則不惟不肖之身感沐洪恩蓋  
自先人而下世承明德

代李駐泊回許職方

宋徐積

茲者假媒妁之辭謀婚姻之好屈中臺之貴族顧右  
列之單宗幸自不遺慚非所偶恭惟某官文登英毅  
秩處名曹策足要津有聲當世紫泥鳳詔宜優異等  
之才青雲鵬霄已有雄飛之勢某早聆大望晚拜溫  
儀不謂寒門得依高眷萬萬之意豈任其私

代人回聘

宋徐積

近者偶以單宗輒攀令族維金蘭之展契愧珎王之  
異芳豈謂媒妁見臨絨勝爲祝禮逾情過媿與幸深  
且承納幣之期仍諭共牢之夕相標爲贊敢忘受室  
之儀肇矜修容已謹從人之戒所承嘉命敢不奉從  
惓惓之私指叙奚罄

代姜寺丞回史丞相府定親 宋李劉

相門出相方託身槐棘之陰丞壁負丞敢妄意松蘿  
之附蒙以貴而下賤聘不腆之若人微福甚榮省心  
知愧恭承某官階蘭堪佩足繼史魚之風而某女淵  
藻可湘粗閑姜鯉之教屈禮百僚之重好合二姓之  
驩君子不弛其親已敬佩魯公之訓公侯必復其始  
願益縣魏國之封

幼婚回啓

宋李劉

觀書月下喜聞得婦於幼年折柳門前幸獲問郎於  
同里况龔黃並高於地重宜朱陳亦締於世姻令男  
已學吟龍茂著奇童之譽小女喜占鳳凰愧無幼婦  
之辭雖嫁娶以長大為期然男女之婚姻貴早荷不  
棄長千隣近之陋願早諧雲郎年少之期好音速報  
鳳樓人此正嘉婿青春蚤作蟾宮客當繼前修

答求親

宋蘇軾

藐爾諸孤雖本軒裳之後閨然衰緒莫閑纂組之功  
伏承某人儒術飾修鄉評茂著許敦兄弟之好永結  
琴瑟之歡瞻望高門獲接登龍之峻恪勤中饋庶幾

哀痛則遷章

卷之四

數馬之恭

代蔡省吾答丘家定婚

明唐文燦

竊惟序屬仲春宇宙熙和之景緣逢夙世門庭克  
腆縈之儀洋洋喜色方新旦且成言始定獨愧庸夫  
之身名黯黯居然托契于丘遲且驚令子之頭角崢  
嶸忽爾昇盟于蔡琰殊非伉儷乃厠姻婭意者氣合  
味投良有取也茲馬事諧禮講敢不承乎謹延柯斧  
而拜嘉聊附篚筐以酬惠尚佇皇都得雋餘榮徧被  
於段革兼祈甥館儲祥後祉重分夫桂萼腹心粗布  
肺腑幸涵

為季氏答陸氏婚

明何三畏

伏以雲擁牽絲幔駕來天上之彩鸞風送合歡鈴射  
得屏間之孔雀三星在戶良姻聯卿相之家百兩盈  
門嘉贊貴衡茅之里望陽暉而玉立捧婚牘以冰兢  
恭惟某官一代宗工三朝元老星辰履曳實當上公  
上相之躋山斗門高行有為保為師之寵芝蘭秀於  
庭際簪笏滿於床頭尊親家登第崢嶸步武中丞之  
家世處官恬雅希蹤少保之風猷白下清曹南中画  
省誠通國衣冠之望洵明時閭閻之宗如某者族耿  
微寒名淪下賤徒以先君同籍之誼因托葭莩遽叨  
潭府締姻之緣得稱肺腑繫着赤繩於足上種成白  
璧於懷中協比其隣詎曰楚南齊北卜云其言何論  
國富家貧况郎君氣已軒翔將奮鳳皇之羽而小女  
資慚婉孌未堪蘋藻之司惟茲序屬新秋盟申好合  
用玄纁而束帛有美大夫之儀繫烏羊以提壺無加  
田父之禮如戴良之嫁五女薄治衣裝豈劉曄之娶  
九夷專奇骨相羅施松栢永諧二姓于百年桃報瓊  
瑤媿乏雙南而十襲赧焉登受率爾拜酬未當永泮  
之時霜含鳴鴈願奏車牽之詠喜近乘龍結悅有期  
御輪惟命



回管東墅婚

明許以忠代

恭惟親家替纓鼎族孝友名家晦跡漳溪小一匡而  
獨善怡情沿墅培三徑於長春誠爲梓里之瞻依將  
膺蒲輪之寵召其質孱樗散學陋管窺棄繻無功聲  
價不彰於士類業其未振姻婭敢擬於宦門辱承冰  
言榮承金諾幸令郎赤水神駒佇駕雲霄於指日愧  
小女綠窓孱息未工詞賦於小山託舊雅而訂新謹  
慶重姻而爲疊眷春風動處助喜氣以飛揚孔雀鳴  
時兆益斯之和集登拜委禽聊陳報李謹開別幅伏  
冀兼收其曷勝光榮之至

古今通選

卷之四

回蘇醫生婚

明許以忠代

伏以金井報新秋快睹銀河之會彩雲呈瑞色驚看  
玉杵之投佳期偕令節以相宜人事與天時而共協  
門闌慶溢顏頰騰歡恭惟親家族慰白嶽派演眉山  
壽國奇方曾飲上池清液活人厚德爭稱涪水游僊  
生值不辰恩沾再造茲復收葑菲之微欲俯結兼  
段之好榮成倚玉感切銘心願令郎白璧奇姿國器  
擬售于指日柰小女綠窓弱質閨儀未諳於平時猥  
承佳寵之隆施頌瓊瑤之莫報伏願孔雀舞星橋  
平羽雙騰於七夕芙蓉開玉鏡清芬並蒂於千 萬

謝衍聖公

明嚴嵩

伏以尼山仰止夙欽詩禮之傳京國遊從迺重婚姻  
之託將以締百春之好予焉合二姓之懽雖云聲氣  
之相求自顧門閥之非稱爲修世睦實出天緣恭惟  
聖公親家大人太聖之喬上公之尊襲道德以晉芳  
擅珪璋而繼美維令郎早毓慶門克承俎豆之學而  
弱息未閑姆訓敢希蘋藻之供仰蒙寫幣以登嘉祚  
上龜疇而協吉盟言是奉既聞金玉之好音寵貺惟  
承愧乏瓊瑤之美報所有菲儀具陳別幅伏惟鑒納  
謹啟

古今通選

卷之四

城聘謝錦衣徐東園

明嚴嵩

忻荷高盟克成嘉禮卜云其吉遠傳青鳥之音享日  
有儀送王臺之喜伏惟天緣之有定願人事之孔  
時然以地崇敷閩源沛德門雖季諾之不還實齊大  
之非偶恭惟某簪纓貴胄衣冕華宗言有物而行有  
恒高義素聞於南國貴不驕而富不侈芳名克紹於  
前修尚須緣宦寓獲厠賓階登李膺之龍門久遂拔  
雲之幸宴謝安之別墅屢邀醉月之懽敢期兒輩之  
愚獲接舅甥之好葭莩愧依於美玉焉羅幸托於長  
松信使言旋緘書載復瞻依念切聿增雲樹之恩感  
激情深莫效瓊瑤之報謹具菲儀用陳別幅

謝贈梅花紙帳啓

李登

伏承紙帳之下投驚觀梅花之巧繪紅芳寫艷寔謝  
英標白蘭垂雲雅宜素質江南春色一枝已寄隴頭  
人薊北苦寒挾纈早沾邊塞士黃梁睡熟擬到華胥  
紅日騰高頓忘鄉國夢回清曉驚歎影橫斜醉倚黃  
昏疑共暗香浮動起眉朝夕誰貽衽席之安閱歷冬  
春永荷帡幪之德言念情思之重願瓊玖以奚將諒  
惟友誼之深雖車馬而不拜

謝借乘馬啓

明唐文燦

自驚薄命屯遭我馬瘡矣誰意深交比洽借人乘之  
通情直至於兩忘應用且容夫再索雖共敝無憾在  
良友其必誠然若久假不歸顧鄙夫則何敢爾敬因  
回驛聊布謝悰

謝借乘馬啓

明唐文燦

廐無服馬方嗟徒步之難移署有良朋忽惠駿蹄而  
見假公物真伴乎季路借人已覩於宣尼倘開江閣  
以迎賓尚何孤杜老銀鞍之望若陟廟堂而待士必  
不靳裴翁寶騎之頒仰盛情莫伸寸報抒微悃姑綴  
數言更冀飛黃騰跨之時少容款段追隨之地勿且  
避驄而生異態接引益慙庶乎附驥而得同遊締交



執家召請送女

開門接使盟手臨城諸所爲獎借之辭徒重我身  
之媿世無孔孟孰是伊周今驟然舉聖哲以相褒此  
不逼侮文章以爲戲好流何幸乃親家門字之加兒  
輩無知亦誤辱瑤槭之及尊親家典冰衡之重寄操  
月旦之微權一字典謨設譬之于班生尤貴羊詞交  
賦卽方之于魯史何殊茲不勝愛侄之心遂至有徇  
人之句輕施許可備極褒嘉雖松蘿之德念無疆恐  
雲漢之天章可惜讀之未罷已徧傳于谷口山中持  
以相驕恍自厝于雲間天上此直當揭諸宇宙共留  
東海則建章  
爲模世之書豈徒宜藏在篋笥擅寶作傳家之物天  
風可駕願攜同燕雀相過蹶里難堪欲細剪毒燈共  
說况纏情肺腑豈獨無兒女之情縱路遠河山未必  
少津梁之使人皆灑涕我獨何心已血淚之將枯覺  
肝腸之盡裂顧勾稽典禮似女無父送之文遂解罷  
車牛竟弟負兄邀之約已送之至荆竹山頭而別遽  
蕭然自石隴郵舍而歸吾久已閉柴關女誠未教婿  
方當栽玉樹婦恐難堪所憑恃獨惟賴癸酉之靈其  
作合真已在壬申之歲匪但侄婦恐即公兒天遠山  
遙拜頭顱而奉託酒清人渴指春夏以爲期願少寬

尉史之誅敢代請兒曹之罪潸然泣下帳天神馳

古今濡削選章四十卷

江蘇周厚  
堉家藏本

明李國祥編國祥字休徵南昌人天啟中官開封府同知是書選錄四六書啟以官制爲類每類之首載官制考一篇所選上起六朝下迄宋明而宋明尤詳國祥及其弟鼎作亦附焉大抵爲應酬而作其體則總集其實則類書也



# 述本堂詩集十八卷續集五卷

〔清〕方登嶧 方式濟 方觀承撰

遼寧大學圖書館藏清乾隆三十年桐


城方氏刻本

附《四庫全書總目·述本堂詩

集十八卷》提要

序

故友鳧宗方先生之孫今



造余曰先王父篤學致行晚益勤純難處絕寒寒  
天手一編終日忘其身之在難也喜為詩積之盈  
笥又嘗檢存少作及官京師詩十之三閱今二十  
六年矣乃克編次成帙先人執友惟公也存乞  
為序之余既受以卒業念始得交於先生時劉君  
北固秋君立人汪君文升皆能詩有聲春秋佳日  
登西山尋郊野並轡聯吟先生詩出輒驚一座人  
幸以冬先生坐鄉人累謫遷東北塞外而子中翰

序

君先卒悲憂窮蹙一發於詩詩益工是時宜田甫  
成童與其伯兄勤營菽水更迭出侍塞上歸則索  
先生詩以質於交遊余每讀之未嘗不慘悽顏變  
且歎先生身雖窮而所以處困者不失也雍正十  
一年宜田以辟召起家中書舍人七遷而為御史  
大夫秉節畿輔政安人和廼編校遺詩授梓人而  
刊布焉使讀其集者人人如見先生先生亦可以  
無憾矣韓子曰秋冬之閉凍也不固則春夏之長  
養草木也不茂先生父子懷才輒軻嬰難蒙垢不  
忘忠愛而宜田兄弟少歷險艱備危苦能曲達其

孝思此其所以既跌而復振與抑吾聞古之君子不以已之得於外者為親榮今畿輔所轄地方數千里宜田為

天子重臣內可以造辟而言下可以振達幽隱必恢宏其先志立德立功比跡漢唐名賢則後世推本於所生而先生之詩益稱重焉鳴呼矣六十年間親見其父祖子孫三世故因序詩陳古義以相勗先生詩取法少陵情節朗屬而一歸於和雅不以顛沛失性情之正觀者宜自得之乾隆十八年仲秋之月北平黃叔琳

序

二

序

始讀少陵詩是吾家事語而疑之何大而夸若是偶一念至則固先師遺訓也抑詩教也鯉庭之趨不聞曰學詩乎而子夏序詩謂先王以是成孝敬厚人倫人倫孝敬非家事而何東山零雨之作上繼采薇卷阿游歌之音下開常武作之述之以詩為家人言蓋自三百篇已然矣而豈惟少陵又怪少陵接武必簡厥子宗文宗武明云覓句知律而一毛片甲遺風蔑如豈終殯其家聲耶極盛固難為繼耶或者書缺有間故不傳之其人耶於戲此述本堂三世詩之刻之不可以已也吾家系自西陵而居皖桐者為大名人魁士自前代率磊落相望上之窮討六籍恢博而貫統自成一家書他若摘風裁興意語鏗耀詘五指而頃之即王氏過江人人有集一似無所與讓而宮詹甦菴諸集則尤如目之有眉往嘗受而讀焉沈鬱頓挫固知憲章少陵顧少陵不能使人繼其聲而宮詹風流未沫積水成淵復有水部公震發其間未已也又重之以沃園先生未已也又申之以問亭制府各為一集各匪一集蒼蒼者天欲其使才皆盡故不惜左

序

三



右以之一東一西迴互萬里遼水無極雁山參雲  
凡幼安之所未家博望之所未鑿俾皆有車轍焉  
文以情生悲雅俱有益所遭或幸或不幸然而懽  
詞既工苦言彌好指歸要會教總柔敦其可以成  
孝敬而厚人倫固三代共之也則以為是家人言  
即以為是吾家事舉少陵語移而從之夫寧曰大  
而夸者蔡往在京師託末契於沃園先生蒙謝公  
一扇之授而以妙畫通靈不知誰何攫之而去為  
作數日惡令憶之四十餘年於此矣而達制府下  
風者又七年歎舊懷賢思署紙尾以編杜集有榮

序

四

耀焉然又未嘗不發愧也家世自膳卿公頗以詩  
鳴所著有玉磬齋集略具青溪詩選中嗣是先君  
子有偶存詩亡弟葯房有緣情詩縱不敢高頡頏  
於述本堂世學而為之元晏至辱西河鶴舫兩毛  
公鄙人無似啞鐘不鳴昌黎有言顧惟未死耳我  
心憂傷念昔先人其能以急景凋年誦清芬而效  
一詞之贊乎蓋操筆欲書將下復止者且久之時  
乾隆二十年三月既望還淳八十四歲老人蔡如  
識

述本堂詩集目錄

依園詩畧

有鳥二首

擬古三首

叢臺

淦陽雜詩六首

燈

紀事二首

小病夜坐

詠史三首

目錄

登樓

詠燕

雨夜集田伯光涵齋同芥園先生兄子紘

長分賦

春日

坐涵齋即事用呈田伯光

荊州道中

二賢祠

步堤上

與毛會侯

嶺南詠物四首

肇慶太守王立巷招同嚴藕漁陸揆哉楊

接三李華西何漢章劉沛然華子千夏

宛來聶瑱聲遊七星巖分體拈韻得一

東

食肉

同嚴藕漁梁藥亭王文安華子千登五層

臺

彭艾巷招同陳元孝梁藥亭徐道冲馮鶴

鳴華子千珠江泛舟

目錄

二

海幢寺

泊端州同費風山陳元孝梁藥亭王文安

劉沛然華子千夜飲嚴藕漁舟中

經聲

偶步

戴念亭招飲衙齋月夜分賦得刀字

龐老四首

端州采硯行

陳元孝以獨漉堂詩見贈賦答

始解

守歲黃畏齋家

人日梁藥亭招飲

猛獸行

飛來寺

九峰中頂

羅渡

望南嶽三首

再過長沙

洞庭曲

布拂子

目錄

三

寓齋欲已因而移榻

几窄

暮雨

夜雨不寐

晚晴

小病夜坐遲錢于岐王東白解臣赤陳子

翼邱二周不至却東

買裘

冥坐二首

睽日



刪瓶內殘花

僕病

紀遊一百二十韻

百泉書院雜詩十二首

汝陽道中

星硯齋存稿

書懷

河月

同郝中美王元燮薄聿修汪文升黃崑圃

出西郊道過諸名刹二首

目錄

四

移居四首

瓶花二首

題曹希文贈行圖二首

詠白桃花步陳廣陵韻二首

前題和趙麗青韻禁用桃花故實

久不作詩王赤抒傳廣陵麗青白桃花詩

率爾步韻賦此以志

姚華曾履若君山別峰張隨齋任戴仁蘅

臯吳石城劉壯固家兄東來小集寓齋

分賦

同薄聿修李恭次黃叔威由南郊至豐臺

柳林四首

同十四兄出郊

吳巖臣表弟至四首

送狄立人太史假歸里門二首

七夕趙天羽招輦下諸同人集寄園集字

限韻排律十二句

寓齋即事示劉壯固二首

寓古二首

古意六首

目錄

五

題吳生竹莊圖

夢作詩

田綸霞少司寇招同蘇濟夫王赤抒錢韶

三飲集用呈二首

夜坐

鐫白

中秋病起

汴梁旅病

重九前一日邢偉人招同張平倩沈辭立

周虎溪范隆吉家兄復齋硯鉢登吹臺

謁禹廟

病起三首

菱菊

晏起

張處沖下第過汴喜晤成詩

得兒濟桐城家書

得兄子士表書將與兒濟同至汴

喜聞嚴蓀友選庶常

途次壁間見孫愷似雪夜見懷之作追憶

却寄

目錄

六

寒夜有懷蘇濟夫舒紀懷王赤抒趙麗青

陸默成錢韶三諸舊僚

晚窗

林祁師贈木瓜賦謝

寄懷王山史二首

得家書

憶遊四首

冷月

夜坐聽人談長生術

晚步

閒晝

村北

寓齋二首

立秋日雨寒二首

檢得杜于皇前輩舊贈詩扇

客枕

雨夜

望中

過揚州晤許荔生因追憶其尊人眉右

舟雨

目錄

七

過錫山悼嚴蓀友

悼華子千

顧有常漢魚俠君同招飲秀野草堂

汪大武曹薄大聿修錢四亮功同榜成進

士授翰林喜而有作並懷文升安公兩

兄弟

移榻

秀野草堂納涼歌

雨

六月二十四日荷花蕩口號四首



山塘送別

簷卧

即事

朝睡

斟酌橋

落花詩次韻二首

雨宿虞山錢氏別業有懷嚴寶臣孫巨禾

諸友

仰蘇樓二首

老少年

目錄

秋懷九首

飲陸然叔齋頭賦贈

史翁送瓶菊

過蔡九霞

除菰

買屋未歸兒濟夜話甚悉

題畫

歸櫂

有懷湯潛菴

李蒼存以詩集見示賦贈

秋盡

舟中寄示兒濟

顧雲美塔影園舊趾

河干

曉窗

雨

唐解元墓

同人泛舟晚歸

將去虞山題寓館壁

題李曰堅園亭三首

目錄

九日樊書山同登西城限韻分賦

檢詩

垢硯吟

述懷

見雁

望南信不到

雨寒

留別張研齋陸松厓陳誠齋張茹英得天

父子

縫被

墊枕

和七兄韻

七兄偶病作詩和韻以慰

夜讀

家書

聞兄子世莊將至四首

和七兄韻蔬誤和疎再依韻疊之

壻崇如以荷花作瓶供

鵲聲

狂波

目錄

十

月

夢入水部公廨與諸寮友誦杜句為郎從

白首卧病數秋天覺而感賦

夜大雨

除土

立秋

次答談景鄴用少陵觀畫馬圖引韻見贈

之作

紀夢

和七兄遺問五首

閉門

與高壻崇如

掃地

七兄復齋有昔年和姚夢湖先生春山八

詠因題取義頗況今茲藉以寄懷亦得

八首

談半村過話

南舟

秋日雜詩十首

姪莊攜何陋居集甦菴集詩讀之感賦

目錄

十一

中秋

三鳥詩

葆素齋集

至卜魁城葺屋落成率賦十首

構小室成適乚降題以詩並顏之曰葆素

齋四首

客言卜魁寒甚答之

移草芙蓉入盆

出郭移花二首

暮立



古詩二十首

韋端已有長年方悟少年非之句兒姪輩  
以韋詩不暢所言請余賦之即用作起  
句

十五姪世莊貽花作瓶供

病坐披裘

兒濟姪莊禮斗

兒濟有草芙蓉詩乘興詠之

九月二日夜雪

雪霽兒姪輩東郊野眺姪莊歸而呈詩和

目錄

七

之

秋雪和圖逸叟韻

雪霽和七兄復齋韻

居定後和乚韻

七兄小病

兒濟收花種

姪世康為其尊人補敝袍感賦示之

聽兒姪夜讀

九日出郭報謁歸途值友人索飲

塞閱

盆菊

菊綻

九月十三夜兒輩就友人飲歸而稱說讀  
宮詹公何陋居集亦有此題日月既同  
情景絕似感而賦詩敬步原韻

與七兄夜話

菊放甚小式濟作詩依韻賦之

和七兄論詩二絕句

夜讀和姪莊韻

燒炕

目錄

七

兒姪侍坐小酌

姪康生朝七兄示以詩依韻和之

病

朝雪姪莊過話成詩

七兄作長歌有又送遐荒一日天之句寂

感同情用作起調

觸感二首

友人生日

東陸松原

七兄以詩慰病和答二首

示世康

觀永赴京師

九月廿三日雪晡霽同七兄作

夜大風憶觀永

兒輩用唐人題吟詠競爽偶成宮人入道

一首

九月二十八日霜降

濕雪

送秋口號

聽訥拙菴談禪理即述其語成詩

目錄

古

詠懷八首

冒雨謁客望訥拙菴寓齋不得過

菊苞盡為風折感惜成吟

微陰

兒濟屬友人尋藥

訥拙菴雪後招集同人齋頭觀菊分賦以

孤舟一繫故園心為韻得繫字

曉色

兒婦四十初度請詩

盆菊和姪康韻

不合

題友人讀書樓

讀晉書

閉門

偶閱姚令武功縣中詩音調清越節響自

然愛而擬之並次原韻 首

訥拙菴見過

仲孫至卜魁二首

仲孫持花作瓶供

同訥拙菴出郊移芍藥次韻

目錄

五

移花歸途書所見用東拙菴

聞水部郎中陸松原從軍憶之

雨二首

訥拙菴示苦熱詩次答

立秋前一日過訥拙菴

立秋

遊胡氏莊

種麻詩

夕陽

曉枕



雨

齋前

郊眺步入菜園

秋圃二首

八月十八日雪

病枕

倣趙嘏十無詩得四絕句

葆素齋古樂府五十八章

行路難

妾薄命

目錄

君子有所思

白頭吟

隴頭水

獨漉篇

邯鄲才人嫁為廝養卒婦

公無渡河

沐浴子

戰城南

野田黃雀行

車遥遥

猛虎行

枯魚過河泣

臨高臺

空城雀

鳴昔篇

烏夜啼

行行且遊獵

相逢行

豫章行

少年行

目錄

秦女休行

東飛伯勞歌

折楊柳

雙行纏

作蠶絲

自君之出矣

巫山高

洛陽陌

青驄白馬

前溪歌

夜度娘

企喻歌辭

雉子斑

采葛篇

遠如期

梅花落

艷歌何嘗行

擢歌行

破斧歌

于闐采花

目錄

子夜四時歌

聽鐘鳴

悲落葉

紫騮馬

昭君怨

雞鳴歌

君馬黃

幽州馬客吟歌辭

地驅樂歌辭

牆上難為趨行

六

洗面歌

盤中詩

少年時至衰老行

大道曲

懊惱曲

行路難

葆素齋今樂府三十章

繫馬東城隅

長城行

望大路

目錄

感感詞

迎神詞

禮斗詞

燈官曲

葳瓠船

斗魚歌

塞春歸

掘土窖

昇茅泥

苦霜歌

九



塞上月

寒號鳥

王干歌

打貂行

老鎗來

貧狼行

犬狺狺

霜遲樂

賣糧謠

木石謠

目錄

悔莫追

將軍獵

廢花吟

婦獵詞

打鷹歌

糜子米

打草歌

如是齋集

葺舊室為齋賦長句落之四首

顏室曰如是齋取作如是觀之義戲題長

手

句自以為效香山體更以為似棒喝語也一哂

訥拙菴招集同人歡飲竟夜六首

人日拙菴招飲賦謝

復次韻拙菴人日招飲詩

却怪

落日

風

雲

月

目錄

露

悔

夜燈行

貧老

借馬行

薪盡二首

飯友人家晚歸途次

觸慮

眠早

賣魚歌

圭

大風

偶感

風雪

訥拙巷惠果

門為風所壞遂不再設

寄訥山儀二首

夏寒

東坡有謫居三適詩用其題並效其體二

首

病二首

目錄

五

掃積階土層疊之若山然

顧之而樂再成一絕

觀承向樵車乞得杏花一枝作瓶供

觸感

紀事四首

治圃

拙巷見過四首

暮歸

喜小雨

生朝拙巷見贈長歌次韻奉答

齋中二詠

觀承之京師且擬歸里門三首

寄兄子世濤

訥拙巷奉召還京賦以志別二首

移居口號六首

向圖逸叟乞野菊作瓶供

逸叟惠花和韻見答因再疊前韻謝之二

首

逸叟酬余疊韻詩有冷露將殘小院花幾

回珍惜獨君家之句再答

目錄

五

病二首

晚立

乞水鄰家

朝起

重櫺

米盡

燈坐

老悔四首

歲暮望京信不至

霰



送人赴艾澣

過舊居

壬寅元日三首

次韻圖逸叟元日懷訥拙菴之作

入春舊疾復作

紀夢

都門寄到六安茶

逸叟窗下積土作假山層層種花

中秋前一日

畫竹歌賦贈圖逸叟

目錄

書

贈省齋

省齋次韻見答因丹疊前韻奉柬

又

九日同逸叟省齋出郭登高省齋邀飲次

韻

省齋移居過訪二首

病

逸叟以詩寄阿郎道羈困之狀省齋和以

慰之余亦武韻

觀永至卜魁

甲辰七月傳宸瞻舍萬兄弟奉其尊人柩

櫬還都門詩以送別

掃舍宇

除日戲作口號

孫觀承  
永謹校梓  
本

目錄

書

述本堂詩集

桐城方登嶧鳧宗著

依園詩畧

有鳥二首

山有鳥田有禾田父護禾張網羅雖有稻梁非爾  
之糧寧輟爾食毋罹爾傷鳥兮鳥兮慎翱翔  
山有木田有水水不可棲木可止水流無常木植  
有方鳥兮鳥兮還高岡

擬古三首

驅車出東門高桑繞鳴鳥路旁有美人涕泣沾衣

依園詩畧

襦下車問所懷踉蹌停須臾欸欸前致詞我乃良  
家妹父母育我時珍惜同明珠寒燠與饑飽笑啼  
魂魄俱餌以乾肉腊包以黃羅繻嫁我願比鄰遠  
道慮我孤父母忽已死捐弃成墮雖有兄與弟  
雖有翁與姑翁姑與兄弟終與父母殊地下不可  
從蒼天不可呼欲報無終期悽愴空烏烏我聞不  
欲終淚落襟袖濡  
精衛飛不歇木石填海底海深不可填精衛心未  
已君子明所難守黑沒其齒靈芝受鉏傷茺蘭惜  
霜委寶鼎與康瓠取置隨頤指

廡葭芻飽且舞鵲鵲行動搖飛鳴良太  
苦得天有厚薄人力用何許大道寬且長行不舒  
步武灌懸慮社址鴻漸惜儀羽出門慎所託入門  
慎所處既已不容穴胡為銜窠簌

叢臺

邯鄲城上高臺起碧草離離雜荆杞手除苔蘚捫  
殘碑臺自名叢城屢徙披衣策杖登其巔直望平  
原數十里天空大陸吐黃沙義鞭欲墮漳流底女  
牆西讓太行峰欽崙綿亘無終止回首斜陽斷暮  
笳西風颯颯銷羅綺殘烟深鎖野梅香疑墜花鈿  
故宮裏舞袖霜飛白玉肌叢臺露濕臙脂水萬井  
周迴來往紛誰是當年舊生齒銅駝荆棘祇尋常  
黍離何事傷遺址西陵南望一杯土銅雀橋連金  
鳳古臺空人散畫梁傾荒涼冷落誰為主相看百  
里暮雲連年年一樣悲風起

淦陽雜詩六首

鄴恃三臺固漳流一水盤累朝爭甲冑終古歷衣  
冠風俗荒城舊兵戈戰地寬浮雲看今昔不盡客  
心寒  
聞說東門外荷平十里田我來春尚早但見葉如

依園詩畧

七



錢想像花開日招攜酒肆前晚涼人盡醉香枕石  
橋眠

出郭行三里臨溪觀稼亭橋通流水岸門列遠山  
屏麥浪兼天動犁歌帶雨聽勸農勞刺史頻到不  
須局

最愛城西路行行似入山數家茅屋遠一帶夕陽  
閒蘆岸清風合柴門野水環杖藜偕衲子終日幾  
白還

交易不成市當衢百貨陳野屨留古制薄俗羨愚  
民慈恤機絲賤農歌襍新耕桑與商賈樸見太

園詩

三

初醇

彭城峯頂寺石徑繞層梯樹暗山光靜雲深塔影  
低萬家烟蓋瓦十里柳橫堤芳草斜陽路凭欄聽  
馬嘶

燈

祇此一星火何方不共遊暗依孤雁影光戀敝貂  
裘二十年前事三千里外愁豈堪常對爾歷歷憶  
心頭

紀事二首

爭看金甲健兒裝玉輦雲移下鳳凰都尉魚麗開

細柳將軍猿臂射長楊威弧露冷彎秋月韎韐風  
高帶曉霜大閱

至尊非好武良弓不為太平藏

東巡七萃擁旌旄馭裏長嘶出四郊夜月銜雲開  
甲帳曉烟和露滴弓弣惟疑捷石虛刑馬豈向江  
臺學射蛟民瘼况勞宵旰久六龍膏雨徧蓬茅

小病夜坐

久醒常怯睡因病坐翻深鑪撥殘灰火鴻喧凍浦  
音息心聊假寐觸目自成吟莫漫愁岑寂鄰家有  
夜砧

依園詩畧

四

詠史三首

武安院長平威稜懾鄰國任用本不輕倏忽委溝  
壑應侯乃霸人一言膺上爵四時退成功瞬息霸  
人奪巷遇固冇期君臣賤卒合丸丸巖上松牋之  
不遽落唾手得富貴唾手可刀斫

結客食客報指屈田橫首養士貴能死不在列槐  
柳典州數十年臨難昧可否生死不能俱智愧閨  
中婦守門辭趙壹安能得朋友列食三千人得力  
且雞狗

狗監列薦剗掃門求一掾人生無片長有長急自

見乃至貴戚家藉手琵琶獻李廣從長平老不休  
征戰回遠走沙塵未斷封侯念不患不富貴患不  
善貧賤

登樓

春深三月不登樓景色俄驚一望收幾處斷雲低  
檻日萬家殘雪上簾鉤披帷靜挹高人致作賦閒  
容楚客遊肥馬塵消街鼓寂知非吾土亦淹留

詠燕

漂泊頻年萬里依輕身誰道羽毛微偶從白玉堂  
前過原在烏衣巷裏飛別院花深春信杳舊巢泥

依園詩畧

五

落故人稀棲遲豈獨江南好王謝情多不忍歸

雨夜集田伯兄涵齋同芥園先生兄子紘

長分賦

祇作故山聚居然客是家鄉音譁夜雨心事擲天  
涯爛漫何人酒飄零到處花開顏借春色相對惜  
年華

春日

望中烟樹影蒼蒼春日春風欲斷腸冀北草青人  
作客江南花發雁還鄉雲山有意空留恨詩酒無  
端且學狂何處戍樓催戰鼓將軍鐵甲度遼陽

坐涵齋即事用呈田伯兄

須識任安意長平已式微捫心爭世拙掉臂愧人  
非楚國尊仍設臨邛客易歸江河任流轉吾道豈  
依違

荊州道中

舟泊平橋日已昏柴桑溪上各成村捕魚人卧風  
隨舫牧犢兒歸月滿門遠近樹陰分屋影淺深草  
色護籬根生平虛作桃源想頭白比鄰足瓦盆

二賢祠

祀屈原賈誼

長沙地接汨羅陰楚賦悲同漢策深國計未陳讒

依園詩畧

六

士口君恩不斷謫臣心草垂破廟蘭叢淚鴉噪寒  
原鵬鳥音寥落漫勞惆悵極兩京三戶已荒岑

步堤上

捨舟隨意繞江坡到眼風光引興多沾路野花分  
曲徑喚人山鳥坐高柯鋤耕田婦爭攜槥泥飲漁  
翁醉卧蓑百丈翻嫌遲客步幾回小立待船過

與毛會侯

者英雄社舊登壇四十歸來早罷官赴召有誰讒  
季布輸租今已累兒寬休嫌華髮功名薄畢竟青  
山歲月難詩酒柴桑堪閉戶文章千古不凋殘



嶺南詠物四首

白鸚鵡

頂有黃毛見人則立起

皦皦其如濁俗何  
潔身飛渡海西波  
非關玉粒棲炎徼  
偶負霜毫出大阿  
嶺外天留黃髮老  
長安人識白衣多  
梁園雪盡江洲沒  
何處堪容爾嘯歌

檳榔

新舊色青去苞裏以碧葉調以石灰食之屑齒皆紅粵俗客至必以相餉不善啖者輒醉

錦紋新剖碧蓮胎  
座上爭持獻客來  
拂案翠衣春色滿  
唾壺紅雨醉顏開  
希仙妄說能食葉  
滌胃何人善飲灰  
贏得口脂交贈好  
不須恩賜出蘭臺

佛桑花

依園詩畧

七

名葩絕色有扶桑  
一徑丹霞醉夕陽  
菡萏花應分佛國  
燕支山竟在蠻鄉  
三更淚染啼鵲血  
萬里潮迎浴日光  
莫恃婉容須愛惜  
近來風雨妒紅妝

木棉花

高數丈色紅花盡葉生結子成棉服之能枯人血不可以為衣

春光爛漫木棉紅  
赤帝園林二月中  
火齊珠懸南海廟  
珊瑚樹繞越王宮  
枝高蠹峙將枯影  
色好虛無結實功  
飛絮漫令膏血盡  
幾人安燠護寒風

肇慶太守王立菴  
招同嚴藕漁陸揆  
哉楊接三李華西  
何漢章劉沛然  
華子千夏宛來  
聶璵聲遊七星巖  
分體拈韻得一東

跣跣舞紅塵  
秋氣橫長空  
峭壁轟天際  
鏡削運神

工探勝恣遨遊  
置身星斗崇  
金谷羣彥集  
追隨入芳叢  
飲酒成高會  
列坐依琳宮  
寺門秋水臨  
瀾漫四望窮  
甕牖開長廊  
靚面屏顏雄  
怪石盤怒螭  
猙獰犴音響  
天中層磴危  
欲墮路狹披  
蒙茸逡巡不敢登  
儲與心忡忡  
極目隔山瘴  
洞口雲朦朧  
陰崖十日雨  
遊筇不可通  
印須掉小舟  
偃僂俯崆峒  
山脚石門敞  
窄徑亘長虹  
入門水環路  
波靜氣融融  
迂折穿峰背  
危巖聳房櫳  
石乳星象垂  
衣冠列仙翁

依園詩畧

八

舞鳳與蹲猱  
巧形生物功  
吹石復擊石  
鼓角鳴邊鴻  
大造胡太奇  
此義費折衷  
出穴且數武  
畧約渡亭東  
荒岸卧斷碑  
捫年無初終  
嗟哉廢與興  
萬古勞鴻濛  
面崖高據几  
平蕪秋草豐  
山色墮杯底  
長嘯震龍從  
醉舞磅礴呼  
風檐落日紅  
永和盛事傳  
將母今古同  
賢哉二千石  
爾雅追高風  
落落天涯人  
良會何幸蒙  
抗手盡夙哲  
酬和慚羣公  
歸裝亦已束  
嘉譙絆征驥  
宗炳耽卧遊  
丹青敞簾充  
願言圖勝跡  
行障隨轉蓬

食肉

晚食求何易肥甘遂滿盂大官恩德共壯士死生  
俱藜藿香仍在酸醎味自殊百年麤糲慣還我舊  
清癯

同嚴藕漁梁藥亭王文安華子千登五層  
臺

層樓迴峙欲凌空百里河山一望中江水抱雲龍  
洞繞海潮浴日虎門通亭臺競染詩人畫士女爭  
傳漢上風目斷夕陽遊屐散和歌天外送飛鴻

彭艾菴招同陳元孝梁藥亭徐道冲馮鶴  
鳴華子千珠江泛舟

依園詩畧

九

琵琶洲口木蘭橈絃管聲中落晚潮陶岷有船能  
載客秦姬多病怯吹簫波光莽帶林烟白日影荒  
鋪草色驕古寺中流餘戰壘櫂歌低接暮鐘遙

海幢寺

王廉使重修僧阿字董其事

琉璃寶地翠雲鐺壯麗天南舊法場留後歸時龍  
象圮遠公沒後虎蹊荒江風貝葉飄經席秋雨曇  
花冷石牀翬草幾年塵碧瓦興衰曾不貫空王

泊端州同費風山陳元孝梁藥亭王文安

劉沛然華子千夜飲嚴藕漁舟中

元孝主酒令  
以夕夕多良

會屬偶蓋夕夕相成多字也余對以人人从夜遊諸君稱善率  
用二語作起句得五十韻

夕夕多良會人人从夜遊西園新讌集北海舊風  
流嶺表三冬客天涯一葉舟暖雲渭北樹明月武

昌樓

時泊端州閣江樓下  
有大榕樹蔭可數畝

令甲嚴觴政詩歌代酒籌蓬窗

聽落雁萍梗聚浮鷗夙哲多吳楚高賢半越甌經  
綸推費禕瀟灑屬王猷鴻不因人熱遵能取轄投  
詞傳公幹老才謝子魚道正則三湘賦嚴陵五月  
裘高文今日彥碩德古人儔威鳳翔千尺猶龍卧  
一邱典墳窮脉望鐘鼎眠蜉蝣合志惟朋好高懷  
借酒酬往來頻不思磊落志何尤且盡杯中物同  
紆局外憂旗槍爭借箸疆界互藏鈎

以箸  
太守酒

依園詩畧

十

泉郡將軍曲逆侯以酒署官故云威尤凜獬廌氣更肅貌貅  
暫假西臺法居然爽氏秋紉彈無展轉斟酌已綢  
繆醉尉驄應避仙人蟻共浮不思鱸膾好何用豹  
胎求石蜺調羹汁嘉魚佐鼎饅分香蠔白膩凝色  
蠓黃稠佳味新南武炎方異朔州連宵華玉箸費  
日倒金卮慚我無珠玉逢人祇蒯緱酒嫌蕉葉醉  
詩遜栢梁謳舉世何青眼思鄉欲白頭飛母悲斥  
鷗步豈騁驂騑一劍光芒在千門道路悠勞生諳  
旅况守拙鮮良謀嚴武真知己方干愧素修錯刀  
投未已玉案報難收感逐諸君後多為十日留鐔



巽饒吻放韻字渴腸搜磅礪忘今古謹厯渾樂愁  
新談清且縱佳興逸還幽量中聖賢別枰分主客  
優薦文人似馬作賦客依劉踪跡誰能定平生莫  
自由鳳題難呂駕雁字慮殷郵五嶽分簑笠三都  
起傳輶江雲思企足海月望凝眸好會應難再良  
宵莫易休牂牁波蝕岸錦石雨盈湫灰燼鑪添火  
更深座擁裯風塵重握手燈火憶芳洲

經聲

戶逼瞿曇座經聲曉暮過梵高塵耳肅客久道心  
多舍衛艱餘食恒河隱大波自來慈筏廣佛力近

依園詩畧

士

如何

偶步

秋林深處幾人家停棹過從坐淺沙看客兒童猜  
杖履逢年父老話桑麻羣山短笛聽歸犢一樹寒  
松落晚鴉景物累移時序眼萍蓬雙鬢逐天涯

戴念庭招飲衙齋月夜分賦得刀字

秋思天涯寄濁醪冰衙涼夜坐無罌溫言直與杯  
同暖古道應偕月並高禮法暫寬吾輩在功名尤  
著使君勞為扶殘醉江干立閒聽居民說賣刀

龐老

往事滄桑不可論老兵猶述故侯恩一回長歎一  
回哭明月滿樓人閉門

四望烽烟殺氣收貂蟬無復出兜鍪寶刀舊值三  
千貫昨日纔攜換敝裘

月滿雕弓匹馬飛少年曾解白登圍斑斑皓髮垂  
雙鬢血冷牀頭舊戰衣

數畝荒園屋數椽經營將作首邱田江湖何地堪  
回首容易風塵四十年

端州采硯行

紫雲硯采端州畔端州城峙牂牁岸峽束羚羊復

依園詩畧

士

北趨十里青山聳天半山腰有穴僅容人山脚端  
溪流泚泚溪源暗與穴四通積水灌中泥不膜瓠  
罌往汲如傳杯水枯石出寒雲散豚膏然紙匍匐  
行旭日無光曉不旦俯身直入中漸寬東西中洞  
三塗判西洞望之皆卻足劉鑿傷厓厓欲斷中洞  
東洞半里穿巖壁嶙峋起玉案上巖石質艷且純  
馬肝色比朝霞燦質潤色青分中巖不及下巖居  
其冠微白冉冉淡秋光撫手摩之生石汁石髓精  
華結淵底生成獨與水為伴七暈九暈鸚鵡睛微  
塵細藻秋花亂

鸚鵡眼或五暈或七暈九暈暈數有奇而無偶有暈無  
睛者謂之死眼有睛若漬者謂之淚眼黃白色者獨

眼長者象眼而綠者鵝眼也置水中石類無欲散不散氤氲生

互虹氣聚黃龍貫石紋有黃而長五蕉葉凝脂鱣血紅雀

點斑斑灑墨翰白而潤者曰蕉葉白旁色者曰細栗丹砂玉

帶長綠勻翡翠苔花曼紅若栗者曰珠砂斑白者曰綠纖而

奔為火捺聚金錢絳雲割取分霄漢紫氣奔而散者曰

輪者曰水衝石蝕蟲齧餘黃金細縷添宮線石關盤旋若

若縷曰金線三巖辨色色不同璽瑕無掩瑩光面朝

天巖產阿婆灘硬柯易素玫瑰銜朝天巖阿婆灘皆產西

坑北嶺屏風山披離敗錦松紋見石亦佳易與水巖混

或開道如松宣厓虎患采者稀坑遠梅花質尤賤宣德厓

依園詩畧

三

山半宣德年所開品居朝天巖上而不及水巖梅花坑去端溪

四十里產石多鴉眼至數十百光滑而易裂石之最下者也什襲琉

璃百硯充不及水巖餘一片香山宰相何粵制

府吳伯前後開巖相繼武鈎索不惜捐千金尺寸

藍田雜硯日役黃岡數十人黃岡去瑞州十里村人胥

吏督程運斤斧匿好獻醜工師情荆璞由來能預

剖迂性生平有硯癖操舟三泊黃岡浦比戶千家

琢石聲村民恃此充美釜購得下巖六寸餘五星

灼耀東南聚色和容暖融春膏昭儀臂滑羅襦舞

瑩潔神凝太液冰生氣濛濛時欲雨綖綰十重等

鴻寶磨礪搜輯心良苦產者無多購者多山靈側

耳聽我歌硯兮硯兮慎所擇須向石渠虎觀揮毫

馳騁帝王側否則窮深山遊大澤枕圖書而倚巖

阿供高人文士淋漓紛葩之筆墨毋入富豪叢母

使市兒竊終古風塵埋玉玦硯兮硯兮生莫竭常

使霄漢之間饒奇物待我他年此地續舊遊買船

載石神術移山向吳越

陳元孝以獨漉堂詩見贈賦答

俠氣難除恨未消秋風紙上亦蕭蕭字融北海枯

枝淚韻叶吳門乞食簫天地文章歸孝友山川歌

詠屬漁樵羅浮已足潯陽隱甲子非關再擬陶

依園詩畧

古

始解

始解尊惟養拙居署門空費翟公書綈袍似是知

張祿魚服何緣罪豫且五術交遊堪涕淚重城甲

弟幾邱墟荒迷梁寶墳前草未見雞鳴接軫車

守歲黃畏齋家

何地今何夕異鄉親故門江山忘歲月風俗見家

園駐夢留更永寒心聽雨翻天南逢叔度燈火客

情溫

人日梁藥亭招飲

根藉春盤細菜齏綠蛾新結畫雞屏天涯汗漫逢



人日地主殷勤聚客星暖入荼蘼花倍早香留栢  
葉酒仍青喧闐醉耳笙歌近燈火鄰家夜滿庭

### 猛獸行

南州有獸猛食人食人不使皮骨存爪牙石裂怒  
海翻白日慘淡風雲昏饕餮豈肯遺犬豚獾猢猻  
昵麒麟奔誇張竭力媚鬼神鬼神不斥縱飛吞短  
腋小首自視尊騰飽恣意行山樊烏號膠折銛矛  
髡穹蒼不復生孟賁

### 飛來寺

底事却飛來巍然翠殿開何天非淨土茲地少塵

### 依園詩畧

五

埃石乳霑庭樹山雲護瓦苔年年英峽水波撼梵

王臺

### 九峰中頂

萬仞千山頂人家倚石巒丰茸麋鹿跡清瘦蕨薇  
餐檐起雨聲急銚生嵐氣寒雲中有雞犬不必待  
劉安

### 羅渡

此地亦兵火桃源豈避秦蹊深能墮鳥徑狹不容  
人茅屋焚餘草山田刈後榛野人驚客面欲問轉  
逡巡

### 望南嶽三首

七十二峰列祝融峰最尊炎鄉崇赤帝疊嶂擁朱  
旛俎豆明裡護風雷太古存幾時凌絕頂石磬聽  
雲根

嶽麓勢纔盡根源迴雁峰盤旋八百里起伏一千  
重旭日虧林莽高天齒劍鋒瀟湘波九曲面面出  
芙蓉

天與水無色色分山面光元黃割昏曉紺碧畫滄  
浪星極琳臺拱江聲玉洞藏乘槎銀漢落倒影壓  
層岡

### 依園詩畧

六

### 再過長沙

兩年湘水客重回人事紛驚歲月催田實既歸裘  
馬散吉羅纔去網鉗開紅樓北院移禪碣碧瓦南  
山護講臺時新葺菩提寺亦麓書院獨有鄭莊賢且老至今乘驛故  
人來

### 洞庭曲

洞庭波靜碧雲輕四望天鋪水面平雙槳未停明  
月上滿湖秋入鷓鴣聲

### 布拂子

颼風乍起塵滿牀飛塵吞吐沈日黃百計驅除作

短帚斷繒細裂垂絲長  
臬繩約束柔且勁折蒿為  
柄生微香一拂再拂心眼淨  
方緣楚楚衣裳光舊者纔除  
新復生潔穢頃刻爭微茫  
塵尾當年屬王謝銀絲玉柄  
珊瑚價此物母亦出烏衣胡  
乃簡樸居其下薄陋雖然稱  
客貧丈夫掃除豈一身安得  
持爾盡拂元規塵不使元規  
之塵能污人

寓齋欲圮因而移榻

容膝不易安人生苦遷徙精  
構非容心但使無傾圯寄廬  
屋半間香鑪雜書史南窗冬  
可暄布被擁短第土壁夜作  
聲宋楠忽欲委欹斜勢壓牀  
中宵

依園詩畧

北

凡數起挺然大木支工師有  
良技危者半以安補壁強籠  
紙巖牆不終棲解榻西偏倚  
錦石架脚低呼奴抱綿臬故  
鄉有茅屋敗壞不及此仲宣  
悲吾土况復非信美半世嗟  
轉蓬斗室無寧止天地固遽  
廬吾生一寄耳今日安眠鄉  
宿昔長荆杞焉知來日過此  
地不荒址朱甍瓦礫場綠蕪  
起雕綺去住亦何常儻蕩泯  
悲喜牀安瓦不頽穩睡從茲  
始

几窄

斷木不盈尺公叨几席名鑪  
烟煨硯暖瓶蕊落書輕習禮  
驚橫肘持躬賴倚衡寸心無  
廣狹浩蕩自

生平

暮雨

雨入秋偏細空堦滴瀝鳴  
冷雲飛不起濕雁去無聲  
避漏衣傳桁依光藥就鐺  
坐聽還起望愁緒最分明

夜雨不寐

秋雨不肯歇淋漓苦到明  
閉開終夜眼斷續五更聲  
蟲冷牀棲響風強屋受鳴  
百憂叢莫展檢點愧吾生

晚晴

依園詩畧

大

陰翳亦終散欣然見晚晴  
作霜斜日淡過雨宿泥輕  
氣迴心同豁天空眼漸明  
夕陽負鴉背一一向南征

小病夜坐遲錢于岐王東白  
解臣赤陳子翼邱二周不至  
却東

不應忘寂寞豈是怯衝泥  
竟香東牆屐空聞隔屋雞  
病疑眠客早月轉望人低  
昨夜餘燈火來宵莫厭攜

買裘

秋氣中客心秋風吹客袖  
一裘早備寒不復擇美



陋祛寬穩稱身狐貉等溫厚兩河霜雪多客久爭  
新舊遠道且隨人泥塗衝馬瘦腐儒謝輕肥應時  
賤錦繡白鹽青羔裘古人為友壽遐哉裴施州高  
風邈莫覩

冥坐二首

夜火不相續侯門絕炬烟傳經諳守黑繼晷恨窮  
年終古歸荒落多生已嗒然極知冥坐好萬事寂  
寥天

鑽木誠多事義車何不常測圭終炯炯焚杜豈琅  
琅人昧流年老天輸轉柄忙驕陽同燭火兩失夜

依園詩畧

九

來光

曝日

袖薄冷長怯巡檐負日微足移暄就背風定影欹  
幃暖德私寒骨深仁信落暉當年頻鼓缺曾不及  
無衣

刪瓶內殘花

花有敗羣慮刪除眼太明影疎留獨艷色老棄何  
輕漫下衰殘淚權甘薄行名人情自分別祇爾見  
枯榮

僕病

客苦時防病寬心恃健扶呻吟翻出爾汗漫益愁  
吾望日家千里依牀藥半鑪所親惟汝我強起慰  
窮途

紀遊

仍歲以來由鄴之燕之楚之粵之梁足  
跡所經遠矣寓齋無事篝火營思撮其  
山川土俗古蹟之入見聞者約畧紀之  
得一百二十韻

依園詩畧

年

生忙芳草不相放浮萍殊自傷流光驚瞥眼往事  
溯迴腸坐憶辭家日行攜載道糧筵尊安利涉羽  
翮引高翔白岸沙蹄闊青山客袖長河寬曉渡月  
漳突夜奔艤薛甲雙鳴鏑衡陽獨佩箱裾牽襄子  
國屐曳賀蘭岡磁州名任昉親槐柳張衡美棣棠謂任  
子大兄弟解推霑玉屑嘯詠浥瓊漿秀色河山古雄  
圖割據荒西陵霏暮雨銅雀冷驕陽紅豆歌魂艷  
青榛舞徑芳九軍顏鄴郡七子憶陳王到眼供憑  
弔遊心寄瀟洋蒲荒乘八月果下勒重韁學步邯  
鄲道悲歌燕趙疆叢臺留剝碣古廟熟炊梁秋草

迤皇路書生入帝鄉丹城迷蛺蝶黃閣卧鴛鴦淑  
景疑宣曲卿雲接未央侯門開畫戟蘭若倚雕床  
支遁留遺法曇摩福盛唐開元酒肆曲貞觀宴樓  
觴貢入熙朝廊恩分曠典張簫韶籠月殿帷幕敞  
霓裳南院傳燈火春郊踏驥驤風威宣鼓角鳥語  
雜笙簧禁柳乘輿拂宮花復道藏謹愿秦女輩調  
笑霍奴行芍藥豐臺墅葡萄珠市筐金虛埋駿地  
粟費鬪雞坊駘路奔騰滿迷空坑堞颺碎琴誰問  
價擊筑古罹殃空戀長安日難親上苑光桑乾重  
厲水薊北已飛霜兄弟霑襟別田伯風雷入路防

依園詩畧

五

片帆輕五兩半刺重三湘鶴去江樓迴黃鶴樓魚名

澤國良葦飛城作對薪錯漢能方大別輶標跡晴

川烟火障輕囊狎羣盜短纜逐歌檣波撼君山脚

湖明壘石旁蛟螭呼蓊蓊冰雪激湯湯日月歸冥

漠乾坤了混茫鷓鴣蘆月冷鴻雁浦雲涼屈賈文

成浪英娥淚漬篴故人緘札遠開府建牙昂酷吏

逢來俊招賢適鄭莊謂趙文叔禹碑垂巖麓長沙岳麓山岫碑楚

屋架簣簣觀民存骨然燐國有殤霸王悲石電

父老說刀槍接簡哀詞伯為文弔戰場仲宣樓在

望嚴武幣相將青草灘聲惡紅花套水香皆夔陵地名總

戎旄節貴遊子菱荷忘庭卧綠沈棘筵高白玉糈  
素羅低淺黛輕韻漾深房鶯燕嬌魚鳥貌貅落鳳  
凰地蟠巴峽轉天斷蜀山當沈日千厓底懸峰萬  
刃芒物情怡粃粃里俗幸焦糖杜少陵客夔州有焦糖一井杜少陵客夔州有焦糖一井杜少陵客夔州有焦糖一井  
復經襄冷缺移義馭扁舟別武昌岐途增寸寸勝  
境釋徬徨赤壁將軍壘黃州刺史堂艤艤羣贊關  
社稷卧龍匡地以文章重人多真贗商赤壁在蒲圻而非黃州前人多辯之  
避關新權吏聽曲舊亭枋琵琶亭舊址倒影匡廬紫奔羶  
彭蠡蒼南州虛榻倚徐孺子宅高閣入灰僵滕王閣為火所焚十

依園詩畧

五

八灘頭路七千里外航盤渦驅石沸柔艣敵風剛

樹聳梅銷嶺金空陸賈裝登龍容父執泛鷁感須

印謂孫策表先生摘藻酬三傑梁策亭諸君論文屬二彭彭艾巷拜亮笙歌

夜船月燈火曉雲鐙壁荔丹霞染棲榕白露灤星

巖聯嶠嶠端州七星巖珠海噴滄浪廣州珠江翻貝鐘偏近海幢

寺看梅帽欲妨伊蒲供餽飫落葉煮頭網撲翠苔

侵面濡紅蕊濺襦瘴微除蕙苒霰細咲枕榔梨板

猺民屋珊瑚瑤女璫朝天臺轟轟尉佗拜漢臺浴日廟琅

琅南海廟有浴日亭割硯崖分壁垂鈎綆釣璜參軍悲格磔

校尉泣尋常羨有蠻音樂難憑酒債債異鄉饒笑



舞回首倏飛顏客應夷門召驅從錦石揚士衡還  
赴洛枚乘再遊梁趨道由衡嶽隨槎出漢陽山明  
曾過眼水覓舊樓塘豈必芙蓉幕聊移薜荔牀勞  
生憇息暫良友琢磨戒六月鵬搏曠雙九駒隙皇  
去來真忽忽南北苦倏倏骭髀嗟潘鬢化離澁賀  
囊檢書羞命鶴挾冊並亡羊叔子氈毼翅楊朱涕  
淚眶飄蕭身欲老頓躋志難戕叩帝賢愚理將車  
雅頌章况兼焚楮拙猶可載縑緗學賦裁鸚鵡披  
裘典鸛鶴談驚他日座目短古人牆菟苑蒼筤竹  
龍潭朱雀桁華堂凌礎桶圭竇僻柴桑開徑臨元

依園詩畧

三

圃垂門繞綠楊靜心朝習槿礙步短牽籬籬斷尋  
雲補樓高借霧妝蝸枯磨劍石蠹避曝書廊何得  
歸期定毋教魂夢望蓬寧嗤斥鷃九自轉蜨娘心  
繞牽車路勞輸擲筆郎匪驕貧且賤惟樂壽而康  
高枕南窗下竿頭落日黃

百泉書院雜詩十二首

不謂風塵跡馳驅作快遊地開河洛勝天壓太行  
秋今古歸殘碣溪山入畫樓祇拚王粲眼日倚翠  
微浮  
天外一峰紫環檐萬壑蒼微茫棲宿霧容易落斜

陽墜葉低巖寺荒雲冷石房楹深頻啟戶袍袖挹  
嵐光

衰草寒塘閣泉聲噴玉驕細生沙面雨輕落岸稜  
潮夜月開銀幔秋陰接板橋漁舟容載酒宜向小  
亭招

戎戎涼氣薄萬木破朝暉鳥跡霜殘瓦巖光日漏  
衣放衙呼吏早趨市逐人稀野水柴籬靜高眠自  
掩扉

溪靜歸雲滯樓高暮色深暗村叢木角明水夕陽  
心容著峰能幻聲依雁欲沈飄搖長客感獨立晚

依園詩畧

五

來侵

老樹風疑雨橫塘月帶星音寒吹面濕輝迴入樓  
青響谷傳鳴柝清鐘失遠亭不眠貪徙倚露幔欲  
泠泠

古寺臨牆短空林佛火懸門吹波影闊山落磬音  
圓蘿薜高清楚松楸宿斷烟浮生瞻寂寞幽意拂  
林泉

亭以賢名立登臨益所思荒哉興廢眼渺矣去來  
時竹潤青含屋苔深綠卧碑坐吟霑石屑寥落古  
人期

思賢亭

吾道自終古前賢安在哉江河文不喪嵩洛緒重  
開淑氣和風雨憂心託草萊廟門慚肅立雪盡有  
餘哀院有二程祠

豈是耽高隱名傳安樂窩幾先融理數事外謝風  
波冰炭何年釋乾坤一畫多敢持經世意牢落問  
如何安樂窩

眼破窮途哭心憐獄底歌是非茲地少榮辱此生  
訛有嘯留天地無言寄薜蘿歲時知自負不敢怨  
蹉跎嘯臺

肯築橋東屋春深碧水涯古藤牽蓋瓦獨木自成

依園詩畧

圭

槎仲蔚芟因草薺州買為花勞生供嘯傲願恐白  
頭賒

汝陽道中

黯黯車音古道催長林曉結蒼雲堆攬帷細聽雨  
初開仰面乍迎山欲來路草披離夜氣濕人家零  
落荒烟開望中客子有深思汝水東流流不迴

述本堂詩集

星硯齋存稿

桐城方登嶧鳧宗著

書懷

有客故鄉來觸我故鄉思思迴方山麓復在樅水  
湄男兒志萬里難釋屺岵悲松楸夜瑟瑟白石陰  
離離登高不可望中夜夢見之飛飛南去烏佇立  
影漸移落日黯岐路霜露霑裳衣

河月

二更河霽月欲墮恰臨門水側微風面籬明宿雨

星硯齋存稿

一

痕艱難成獨立浩蕩仰高騫雲路真寒迴姮娥問  
九閭

同郝中美王元燮薄聿修汪文升黃崑圃

出西郊道過諸名刹

因出漸成游招提逐處留雨餘車路淨雲帶石痕  
流碑蝕前朝字山涼隔院楸老僧頻引杖粥鼓接  
牆頭

易代一坏土累累葬宦官餘恩市瓶鉢舊毒在衣  
冠樹接宮雲散鐘敲佛火殘東京喬固塚鬼哭北  
邙寒

摩訶庵後為明諸閣寺葬地



移居

誰云卜室羨渠渠耳目貪新亦覺舒  
雕堊幾曾非傳舍掃除何必不吾廬  
抱書防蠹添高格趁雨移花覓斷鋤  
去住莫嘲行李慣轉蓬踪跡是安居  
醬瓿茶鐺響露車鄰鄰牽挽過街斜  
勞攜妻子終如客穩著琴尊即是家  
旋室蝸牛容眼闊繚垣野馬任風遮  
行藏自笑誠何事却說官閒早放衙  
瓦作檐稜石作階更無丹雘費安排  
新蒲截柱青雲檻素紙籠牆碧玉齋  
何處烟霞迷世路自來風雨屬吾儕  
買山翻覺生涯拙白板朱扉土木骸

星硯齋存稿

二

祇作柴門便可關九衢車馬任忙閒  
朝遲入市防蠅逐暮緩垂簾待燕還  
絳刺鄰疑新客姓蒼髯夢繞舊時顏  
謂舊寓寺中古松也篝燈記得十年事  
古寺孤吟屋半間

瓶花

小剪庭花帶碧痕  
膽瓶新艷綺窗翻  
風烟謝絕凡叢老  
雨露滋深舊日恩  
借潤豈真憑勺水  
向榮何必定高原  
芳姿斟酌橫斜好  
畫閣春陰几席繁  
拈來隨地禮優曇  
何處全林許借探  
一代繁華枝葉想  
三生根蒂有無參  
尋香蝶暗棲珠箔  
破影燈

移上玉函折露和烟春市賣幾回幽夢繞江南

題曹希文贈行圖二首

春明折柳

望裏輕陰拂小輶東門人散酒旗招  
春風一樣青青陌偏惹遊人惱灞橋

野店聽鶯

不是山村便水村流鶯宛轉益銷魂  
五更楊柳風初定月在牀頭馬在門

詠白桃花步陳廣陵韻

素艷穠華各一村移來天上別分根  
溪邊有路雲

星硯齋存稿

三

為影觀裏無人月作魂不藉曉風翻錦浪  
好憑流水淨泥痕園林自植波斯種枉叩  
神山玉洞門誰言醜面不逢時却向華林  
託異姿春沁西池和露蕊雪留上已隔牆  
枝榆花易共層霄路柳絮難同輕薄兒淡  
蕩風流顏色好綠微紅碎莫題詩

前題和趙麗青韻禁用桃花故實

晴烘絮苑隔簾眸顧影潛遭一水勾  
艷入蛾眉終是淡暖持玉笋未成秋素心  
自結青春侶白眼休看紫陌游珠箔銀牀  
無限好任他冷落肯多愁久不作詩王赤  
抒傳廣陵麗青白桃花詩

率爾步韻賦此以志

硯久思焚筆嬾操忽因花事又拈毫思如春蘭理  
還亂興比秋雲冷漸高鬚斷數莖知避苦掌開一  
字亦稱豪使臣不識羅昭諫空負銀山白馬濤

姚華曾履若君山別峰張隨齋任戴仁蘅  
臯吳石城劉壯固家兄東來小集寓齋分

賦

位次都忘主客宜小庭叢語晝閒時浮雲世事王  
郎酒淡水交情白傅詩簾影坐鶯當樹幾聲驚  
燕落泥紅塵隊裏逍遙興鞍馬籠街恐不知

星硯齋存稿

四

同薄聿修季恭次黃叔威由南郊至豐臺

柳林四首

野草綠上衣野樹香在葉煖力迫新晴大道遊軫  
接麥秀高隴齊村婦樂田饁左澤右林臯屐齒雲  
影涉細風掠清輝塵定豁眉睫仰面受天寬俯首  
看轡轍好我兩三人容與散步屨

步出南西門道傍瞻古寺鴛鴦曜錦甍琬琰日中  
肆五陵豪貴兒丹轂引珠轡手扶金彈丸佩響青  
玉璫變彼車中人尺五高髮髮葡萄覆額黃茱萸  
柈極翠墜影在淺茵香艷拾遺墜兔置雜烏髻角

觥等兒戲太史走輶車風俗邈何自

看花惜花殘繁艷辭故枝碧葉滿十畝畦吟平清  
池城南厥別墅搖落獨後期乃知丞相澤恩在草  
木滋馳懷矚闌際爛漫及紛披置身烟霄外緬彼  
雲錦時繁華頓消歇盛事往莫追人生貴及時母  
令事後悲

曜靈倏移晷遐光墮林表遠山如停雲沈閣青木  
杪級履向廣陌垂楊覆清沼遊魚吹細浪輕陰合  
韋蓼殷雷大壑鳴頽晡失清皎還車結遠埃偏側  
礙馭裏風入叢樹亂翠滴衣衫繞人在雨聲中破

星硯齋存稿

五

雨逐歸鳥

同十四兄出郊

叩過野如洗碧陰清漾天遠林涼氣外荒草濕風  
前望地青臨壑看雲白到川偶借遊興愜不惜屐  
泥穿

吳巖臣表弟至

別記兒時面來驚老客容入門詢所自絮語不知  
重零落衣襟淚艱難道路筇回頭二十載豈止惜  
離蹤

見爾思吾母傷哉地下心若令今日在憐更昔年



深雨落荒田草霜淒夜月林江天同一望目斷故山岑

片紙袖中出衰年舅氏書細行枯老眼清淚溢征車病失年華久情深舊夢餘伶仃辛苦事宛轉說當初

不是真饑迫知應守故廬丈夫諳世早浮俗異生初同飽一盂飯空驅五市車他鄉來表弟愁破壤西居

送狄立人太史假歸里門

鳳閣人歸乳燕村水邊林下有高園花分玉苑彤

星硯齋存稿

六

雲影樹老槐廳綠雨痕江上漁燈新酒伴閣中藜

火舊名根青山堆裏春明夢容易容君早閉門

紅塵原趁少年遊得意偏多失意愁霜墜桃根金

屋冷風翻柿葉畫樓秋

立人悼亡復悼姬

志和忽辦浮家具

陶峴多留載客舟到處春帆花信早等閒心事狎

輕鷗

七夕趙天羽招輦下諸同人集寄園集字

限韻排律十二台

抱拙貪言巧緣時誤訂頑招尋叢客鬢談笑妒仙鬟移幄秋螢逐填津暮鵲還蕉天收墨綵槐雨覆

籬斑階對蒼茫夕杯娛繾綣顏曉餘驂鶴別艷馥綺紈間

寓齋即事示劉壯固

獨卧芸窗篆影遲偶然剝啄亦隨時貧常醉客拚賒酒嬾不敲枰好設碁一徑落花春後雨五更殘月夢中詩置身直向蒼茫裏紅藥翻階任好枝文籤詩架自成林門外車聲門內吟偶訪舊書思賈客不談時事愛鄉音性疎未敢嫌人密情淺翻緣入世深落拓劉郎同調客淡交知我十年心

寓古二首

錯古成篇效義山體

星硯齋存稿

七

歌殘白紵妓樓空誰賦梁園舊竹叢不是魚腸休

說劍本無蛇足莫憐風悲留逆旅韓娥去語厭蠻

鄉郝老工客到信陵門已散枉勞車轍問西東

騎牛口授五千字盤馬癡藏三十年數卷東臯嗟

白髮幾人湘水問青天漢庭痛哭誠多事燕市悲

歌亦偶然綺角未堅高卧穩商山芝盡不成仙

古意六首

明月渡海水白雲宿山樊可望不可挹迴絕成孤騫拳跼世路中汨汨卑且喧對人無所求自覺意氣尊所以范萊蕪塵甑無復言

鳥鳴和其侶比翼翔高原麋鹿各有羣遨遊秋草  
根眠啄不相妨故能同朝昏一人足知己志小卑  
虞翻閱歷感其難古人無妄言

春申自健者豪貴長楚國倉卒棘門中殺身乃軟  
弱奇禍中所輕善交戒忽畧猙獰可畏人豈必在  
六駁

稀膏轉方輪涸谿迴吳榜苦力將安施賁育不能  
強緬彼乞食簫英雄甘垂顙吐吐佺人皓首青  
天仰達士守其安遊心在空廣蓬萊千丈波三度  
看消長

星硯齋存稿

八

拔刀截流水流水不斷絕揮刀斫石根石缺刀亦  
缺寶物非其宜用之等頑鐵塗以礪鵠膏養以鴈  
體血裹以錦繡段藏以白玉篋母使中夜鳴壯士  
眼眦裂酌酒要離墳落日青草白

善書搦敗穎樂志羨藜藿異士強自鳴聖賢賤矯  
託情欲與至道二者分而合但使隨遇安無令胸  
臆惡誰歟達天人名富曰安樂

題吳生竹莊圖

瀟瀟尺幅滿庭幽十畝琅玕翠欲浮薄影倚殘寒  
日暮淡陰橫絕晚天秋穿嵐鳥過斜窺徑聽雨人

來直上樓觀裏珮聲林下酒此君無地不風流

夢作詩

借夢開思徑參心識舊根笑無成寢語不信有詩  
魂韻脚模糊穩吟聲宛轉存蓬萊何顧盼誤引到  
宮門用張翥事

田綸霞少司寇招同蘇濟夫王赤抒錢韶  
三飲集用呈二首

不從簪紱見繁華繡軸吟籤擁絳紗綠雨簾前奇  
字酒紫雲檐外古藤花蕭齋芸老蟬衣脫委巷風  
清雀語譁朝退若非騶吏過鄰人忘却侍郎家

星硯齋存稿

九

平津高譙總虛名大雅風顏不可爭百尺門牆容  
後輩一時推拂在先生論詩律比爰書細好客厨  
忘却布清商曲琵琶今日調元和留得古琴聲客座  
有彈琵琶作琴聲者

夜坐

豈是耽深坐多愁怯早眠悔偏生事後慮且積幾  
先開閉終宵眼浮沈入世年未能資酒力孤火對  
殘編

鐺白

髮是幾時白今年白到鬚態何增老易術本衛生



無歷歷蹉跎悔營營汗漫圖自傷飛動意暗與舊時殊

### 中秋病起

病久驚佳節人扶看月明市偏街鼓寂檐靜藥鑪鳴京國分蟾影江天入雁聲關山兒女意未免一縈情

### 汴梁旅病

妄念閒愁一概刪頽然三月卧柴關心暮老衲棲禪久天賞勞人借病閒沸藥枕喧清夜火凝霜鬢益早秋斑明朝強試晴檐步負日支筇往還

星硯齋存稿

十

重九前一日邢偉人招同張平倩沈辭立周虎溪范隆吉家兄復齋硯鉢登吹臺謁

### 禹廟

爽趁良時結勝遊病扶出郭強登樓涼雲地闊平臺敞野樹風清古道秋禋祀崇玉鼎光華日月動銀鈎御書樓憑高預挈茱萸酒步屨斜陽曲檻留

### 病起

病起轉思病矜言步履新眼中前日態意外此時人後術寧移命萍蓬且賸身留生經鹵莽猶未了

### 風塵

衛疾彌增嬾緘關百不為衣冠嫌負戴詩酒費支持硯傍鑪烟暖經繡花影披半生閒日月得向此時私

骨瘦衣增重頭蓬爪代梳看人歡博塞課僕埽堦除雨宿楓庭晚霜清菊徑初畏言筋力健秋盡又驅車

### 菱菊

買菱人帶菊花歸為道菱肥菊不肥草草籬邊著秋色對花趺坐剝菱衣

星硯齋存稿

士

### 晏起

晏起償宵坐勞生畧養淳三更詩課雨一枕夢留人細律經營字甜鄉自在身早秋風力健布被敵寒新

### 張處沖下第過汴喜晤成詩

好友五年重握手異鄉踪跡亦何奇江雲隴樹懷人夢秋雨籬花見面期每惜輕肥猶累爾肯將名字學趨時夷門公子銷沈後弔古能無慷慨思

### 得兒濟桐城家書

頗詫遊踪久心知不易歸數行書乍見終夜夢相

依鴻遠江鄉路霜嚴客子衣本無貧病淚念爾一時揮

得兄子士表書將與兒濟同至汴

征車凝望久生疑書到欣聞出有期千里船呼兒  
子共半肩裝戀老親遲鴉聲江樹寒扉遠雁影河  
橋晚櫂移行李計程酤酒待東籬好趁菊花卮

喜聞嚴蓀友選庶常

子以文章重人言科第榮半生惟作客五十始成  
名視草親丹地看花出錦城禁中然宿火依舊讀  
書聲

星硯齋存稿

三

途次壁間見孫愷似雪夜見懷之作追憶  
却寄

題壁故人詩念我短亭坐憶不勝情和成似挹鬚  
眉色歌罷猶聞雨雪聲去後劉郎甘作客餘生張  
儉益知名傳來道左聞

天語細律雄文獨老成

愷似迎 鑒山左 此語致彌也詩文絕佳

上顧左右曰

寒夜有懷蘇濟夫舒岷懷王赤抒趙麗青

陸默成錢韶三諸舊僚

曉鐘羸馬迎霜雪西掖同披紫玉函互寫新詩呵  
凍筆坐聽寒漏理朝衫秋風天上三年夢明月關

中數紙械貧客轉憐貧官在五花猶是舊頭銜

晚窗

晚窗深黑愛鑪紅端坐焚香斗室空閒置一心眠  
醒半靜生多觀有無中蒲簾暗滴濛濛雨紙竇潛  
鳴淅淅風抱濕樓寒聞見泯暮鐘鄰火在牆東

林祁師贈木瓜賦謝

盤瓜香自靜中生披拂微風入坐清好友乞鄰攜  
袖底閒窗玩物長詩情色分籬卉黃雲艷氣襲鑪  
烟碧篆輕霜樹晚芳垂橘柚與君鄉思動江城

寄懷王山史

星硯齋存稿

三

結屋崑山下橋通曲徑盤烟容靜高閣石色老危  
欄白髮衣冠古青松日月寒牀頭蹠穎亂知是著  
書殘

共蠟遊山屐脩然八十強園林留碩果身世問柴  
桑滿袖看花雨盈顛采菊霜幾時重載酒巖畔坐  
斜陽

得家書

冬寒雪欲飛繩牀卧細帙羸病有餘生不暇問家  
室有僕長安來到門形踣躄囊底出素書方寸轉  
井綈病妻驚我病千里詢凶吉舉眼讀竟幅意紛



語不悉但言逆旅中勉強衛疴疾無復內顧憂持  
門健有術明知遠飾詞使我心志一癯骨慮寒飈  
寄裘從庫質脫珥易履著封固字畫密飴飴兒女  
手瘦吻旨且溢客病累家人情境烏可述少壯走  
四方巾箱載紙筆不恤刀環悲繭足類奔軼薄祿  
供舖糜舉案異康逸豈知萍無根又復勞車駟丈  
夫囊橐貧蹤跡莫自必去住縈病懷中夜如有失  
斷雲搖長天朔風吹凍日安得瓦盆歡白頭聚蓬  
草

憶遊

寓齋寒夜偶話舊遊風景山川宛

星硯齋存稿

十四

然在目隨語所及賦以志之

杏花村接石塘東遊侶常邀載酒同十里湖光漁  
唱裏一春山色屐聲中水香蓮葉纔過雨野暗松  
梢忽到風回首鄰家甥館日廿年鬚鬢欲成翁  
蒲帆曾向越溪懸風過梅花落滿船斷續人家牆  
傍水寒香客枕月橫天烹泉甕抱春潭雨曬網籬  
收古渡烟選勝息肩虛作想卜鄰茲地結茅椽  
輿穿絕澗路攀松山界柳江立萬重處處嶺厓紅  
樹隱家家門戶白雲封焙茶烟起趨朝火落葉風  
高急暮春雞犬淮南天上見悔無仙骨駐遊筇

芙蓉波靜渡三湘碧水丹厓岸草黃寒酒市邊鳴  
野角疎鐘林杪落斜陽槳搖宿雁沙頭霧帆挂啼  
猿峽裏霜苦竹叢西行不得鷓鴣聲入楚天長

冷月

冷月白如凍孤光凜凜懸三更霜滿屋萬里水沈  
天沙雁咽寒陣牆雞誤曉傳此時有羈客獨立不  
曾眠

夜坐聽人談長生術

白浪桑田自古今神仙不用買山深元言坐聽輕  
凡骨世路經過長道心敢借紫芝還綠鬢却嗟丹

星硯齋存稿

十五

竈亦黃金彈碁侶伴吹簫客瑤島應非寂寞林

晚步

偶為看山出因成向夕歸天光在鴉背石色上人  
衣過雨雲痕濕留風麥浪微幾家桑柘影綠傍短  
牆肥

閒晝

眠茶醒藥嬾相宜靜看長檐白日移觀想忽教成  
夢境勞生翻訝得閒時簾垂壁竇棲雲幙花乞鄰  
園插露枝却喜閉門人不到鑪烟樹影結心知

村北

野曠朝靄清峰高日半規遠風吹水氣澹林結幽  
姿策蹇訪故人村北路逶迤澗澄沙岸淨蒲蓼交  
披離碧陰漾千畝涼露沁心脾獲麥走田父婦子  
相追隨累累積場圃剪穗雙肩垂老翁欣飽食回  
頭戲其兒大兒束麥把小兒抱豆枝歌笑偕鄰叟  
飲濯清湍留連緩去路寓目情志怡田間有真  
樂車馬胡以為

寓齋

故曲門前徑重迴屋外廊謝人眠枕熟延月到衣  
涼樹引秋聲近筇移暮色長小窗叢碧裏高置讀

皇硯齋存稿

其

書牀

荒土藉為巒分披竹數竿雨青疑靄合風翠落陰  
寬簾捲花橫座渠通水過欄秦淮茅屋影祇作舊  
河干

立秋日雨寒

一雨乍寒生風為萬木聲氣隨天意肅秋入客心  
驚今古炎涼易關河歲月輕故驅鄉思遠留取夢  
魂清

六月挾上續寒暄何所憑始知先事慮不若待時  
乘篋扇棄纔展檐花開復凝泠泠朝暮眼一衲靜

如僧

檢得杜于皇前輩舊贈詩扇

楚國真名士鍾山老布衣無家詩裏住有淚字中  
揮遺立吟壇舊羣知晚澤稀篋中珍短筴秋老尚  
依依

客枕

秋月白無賴幽窗的的明兒書來隔日客枕醒三  
更身世叢餘悔關河莽去程百思供展轉不祇擾  
歸情

雨夜

皇硯齋存稿

其

隔水夜聞歌寒燈滴秋雨雨歇復歌殘更有蛩音  
補

望中

渡水水生波登山山徑小世間無限情祇是望中  
好

過揚州晤許荔生因追憶其尊人眉右

記與爾翁聚酣吟淥水園江河重鼓棹風雨獨招  
魂令子光前業奚童識舊門死生交誼在清淚溢  
郊原

舟雨



細雨忽因風風聲入雨中到衣寒淅淅過水碧濛濛烟重樓高柳雲流抱短篷河邊雙燕子著意舞長空

### 過錫山悼嚴蓀友

卓哉嚴太史黑髮賦歸歟筆墨師鄉井文章啟直廬交深庾嶺月情重薊門書今日清江淚襄陽感舊魚

### 悼華子干

死別垂六年今日過君里思君不可見銜淚問妻子弱子死後生牛角嬾拜起饑驅遠行役伯也東

星硯齋存稿

六

西軌少妾不辭房耿耿誓天只捫茲落悲葛帔交遊恥寂寞負生平身後乃如此梅花嶺上春曩昔訂交始丈人厚且真感激長安市松石一丁心豈知竟客死宿草禮不哭抱痛意靡已晨風吹我衣淚灑忽在紙城陰雨蕭蕭黃雲咽流水

### 顧有常漢魚俠君同招飲秀野草堂

濡迹吳趨里孤翮倦翱翔遊子非吾廬亦曰還故鄉二十五年前操舟泛河梁喜當全盛時身世各輝光二曜遞流景落風與霜重過訪故舊登陟若子堂顧君磊落姿矯矯文酒場興言念睽晤感

激岐路傷塵塵改顏色國門春草芳之子乃奮飛

雖雖鳴高岡

有常於別後成進士

秀野兩兄弟風雅誰肩行延

聲鮑謝間摘藻成七襄有神亦有道志誼慨以慷執手述先人往事摧肝腸結愛投瓜分華子列壺觴雨聲潤歌管翟瑜夜未央離合不可計蓬轉清風揚容與樂昏晝注德深且良行將驅車去落日桑乾黃綢繆二三子芳訊何時將蕩潏震澤波上有浮雲蒼迢遙千里心矯首永相望

汪大武曹薄大聿修錢四亮功同榜成進士授翰林喜而有作並懷文升安公兩兄

星硯齋存稿

九

### 弟

置身苦偏側得意望故人豈遂割榮膺亦足慰遭屯汪氏兩兄弟丹地稱親臣伯也徐庾才次第陟通津錢子與薄子並翮摩蒼旻鞭心古突奧抱華邁羣倫塌翼二十載跼步傷荆榛館下揖博士戒荒及鳴晨薄也老孝廉憔悴彌難陳維時旅食偕交契均所親短檠悲秋堂顧領同風塵奮身凌天衢鏘珮依義輪奪袍金門下曙色薰花茵齊轡需奉引袞濯潤簪紳事業豈究竟霄漢志已伸人生室貧賤修焉終其身青山賤朱紱此意誰能真富

貴本糠粃科名亦具文斟酌別用舍鬼物何勞動  
德不侔聖賢安能等浮雲所司文史貴筆墨垂奇  
勲之子各勉旃初終永令聞嗟余走四野戢鱗江  
水濱豈復箋蟲魚石硯甘棄焚眊眊匪自艾倒極  
悲離羣撫然念疇昔羈懷紛感欣臨風寫紆鬱行  
歌詠五君

移榻

移榻避熱水亭中水亭四面來微風老樹覆屋露  
氣入冷孤隔岸雲影通枕橫扇落睡半穩魚跳月  
明聲滿空幾時大雨徹昏曉煩襟盡洗炎威窮

星硯齋存稿

二十

秀野草堂納涼歌

秀野堂中書滿屋觸手紛紛看不足秀野堂中暑  
不入前種梧桐後修竹十丈垂楊覆沼清菡萏浮  
香吹綺縠主人愛客客頻來客到主歡容可掬入  
門狂叫急解衣赤腳踏地頭顱禿雪藕沈瓜沒井  
新冰枕光凝寒水玉頭網有癖渴未消琉璃甕抱  
春泉綠梅花蕊沁峒山秋碧露溶溶齒牙馥誦賦  
音探屈宋靡論詩楚響陰何谷倦持書落忽成眠  
高在繩牀低石隩鳴蟬乍歇濃陰裏踈櫺寂靜澄  
秋水一陣荷風剛透簾笛聲悄逗歌聲起兒女嬌

癡魂夢香壯士蕭條劍光死應是開元法調傳技  
盡秦青傾萬耳夕陽有客挈壺觴痛飲移牀就樹  
底瞪目支頤百殘雄流霞飛瀉金鯨駛蕉葉無緣  
與頗豪楚軍壁上諸侯壘餘酣盡作婆娑舞賀老  
琵琶正平鼓主人度曲客吹簫繁絃甲語瀟湘譜  
坐深林月淡如烟星河蕩漾半吞吐亭童夜色拂  
衣衫瀕洞涼陰墮眉宇接羅倒著碧筒傾何必今  
人不如古人生快事曾幾許且復蘧蘧更栩栩誰  
作賓朋誰是主嗒焉天地忘寒暑

雨

星硯齋存稿

十一

當門蘆葉更闌雨隔水人家夜半燈獨立危亭搔  
短鬢明朝知有二毛增

六月二十四日荷花蕩口號

六月荷花蕩笙歌擁畫橈吳儂真好事草木有生  
朝

吳俗以是日為荷花生日

種花繞河千河窄香浮水循香舟屢移花在垂楊  
底

摘花莫摘葉摘葉傷蓮根朝朝掘新藕換米到閭  
門

隔水呼郎語當窗窈窕歌曲終明月上柔艣不驚



波

山塘送別

秋色漫天慘別容輕烟小艇碧溶溶半輪落月數聲鶯搖過山塘寺後松

簷卧

野色中宵靜生涯一榻閒鐘聲上明月客况倚秋山敢問天寥廓自看雲往還蕭蕭形影外種種鬢毛間

即事

河橋水浸石欄斜畫舸當門泊淺沙燈靜客窗蟲

星硯齋存稿

三

語歇絲絲秋雨聽琵琶

朝睡

古祠門閉穩朝眠老桂吹香滿榻前殘夢乍驚聞剝啄隔牆人索賣花錢

斟酌橋

颯沓秋風欲暮天官河楊柳半塘烟移來斟酌橋邊住日日門前繫酒船

落花詩次韻二首

何用飄零怨落暉繁華景色已全非枝頭漸見堂堂去陌上誰歌緩緩歸蝶粉夢留孤翠館燕泥香

入舊朱扉生憎柳絮輕狂甚亂攪紅英一樣飛

踐蹋應同徑草微卷簾猶惜舊光輝難消惡雨何辭妒自綰遊絲不放飛著意尋春寒食淚傷心無客故人扉靈泉釀藥供炙病且逗銀牀汲水歸

雨宿虞山錢氏別業有懷嚴寶臣孫巨禾諸友

細響鳴秋谷池塘晚漸聞樹懸千尺雨風約一樓雲遠浦沈漁火寒沙落雁羣故人如濕葉飄蕩總紛紛

仰蘇樓

星硯齋存稿

三

徑曲禪房靜樓高塔影垂古人不見我我憶古人時

插花香浸屋吹笛月當門最愛僧衣上時時有酒痕

老少年

砌草亦爭妍紅深菊影邊不花偏爛漫近石倚踰躄自詡嬌無賴誰能老少年莫誇顏色好畢竟是霜天

秋懷九首

秋日日以短秋夜夜以長晨起望原野歸燕東西

翔上下差其羽依依君子堂森氣束山骨堅靜顏  
色蒼霜清隕路草頓覺履跡荒閉門倏昏暮短檠  
爍膏芒把卷送殘角遠抱古昔傷前路不可燭終  
古同茫茫憂人不惜日輕擲奔流光寒欺客易侵  
悄拂衣與裳樹鳴動棲鳥迢迢漏未央

西風吹不斷一雨乃十日十日不出戶積水階石  
碧卧木生樹雞蝸牛戰頽壁修燭翳不光隱隱秋  
氣逼寒蜚牀下啼催我就枕席夜半走崩雷蛟龍  
鬬孔亟昨聞樓船高黑風吹海立羣盜挾狂濤賈  
胡相對泣較此殊晏安哀厥辛苦力檐聲弔孤火

星硯齋存稿

五

### 殘夢遊四極

棠棣著秋花朝開暮零落矚茲一日中顏色姿綽  
約開落不自知怡然託化簫得意非其時繁華等  
蕭索九九巖下松斧斤亦時劬劬之不大傷枝葉  
且沃若霜露均天心從誰競厚薄謝爾亭亭安居  
然老林壑

羲娥不還顧恣意驅今古嘖然嗤微軀伴此寒與  
暑少小聞神仙因循誤塵土學道資黃金餒宴非  
所取寸田尺宅中收拾性命府杳杳白玉京雲桂  
而霞組毛銖較山崖得喪不相補豈待聞夜呼始

知人事苦疑智攄清神但作臞儒侶

古人良有言忽忽冀高脫是非付閒人絕塵棄哀  
樂結束老陬維斯語亦空託涼陰歛白日蕭蘭萎  
牆角顏色不再好百慮苦煎鑠未遇修月人瓊屑  
誰能斫何異崑山傍乃以玉抵鵲高門聒笙等繩  
樞厭糟粕勃礫無終期天遊安六鑿

業白縛禪寂桑下戒三宿豈隕愛戀思歲月苦飄  
忽長空響落葉商音鼓斷續明月在中天隔江照  
茅屋江邊十畝田今年秋稻熟瓦盆味良期夢飽  
虛角斛鵲原荒草披況復縈心曲淦淩關隴雲鳴

星硯齋存稿

五

咽幽燕筑安得魏帝藥肅羽舉黃鵠習習輕風生  
崇朝徧川隩

食草遺馵蛩假足蜚奔附相愛豈必真相資已不  
負齟齬到白頭直如一朝暮胡不永且堅守茲百  
年素母寧逢惡賓抱言傷懷愴念彼君子交終身  
芥回互罔復惜郭泥何流不可渡

捫杵疑象骨誰謂爾能瞭牛鬪惑蟻聲自許且了  
了智愚各有途安之能自好渺矣淳樸風孰拙復  
孰巧誑口攬杞菊說食無所飽噉喁濁波中分命  
乞羣小悠然識物情屏跡存吾道



孤雲遊太虛天風吹縷縷有懷鬱不舒行吟秋河  
渚秋水自浩浩幽懷終不吐臧穀均亡羊得失將  
焉取逝波不可挽跬步踣重坎藉糟非愛醉冶鍛  
豈真嬾行且乞龍湫汲歸洗雙眼除我眼界花使  
我履道坦

飲陸然叔齋頭賦贈

為倚秋風一醉吟籬花香落酒盃深感君意氣還  
如舊愧我牢騷直到今萬里湖山羈客夢終宵燈  
火故人心尊前忽漫思錢起鶴去雲歸不可尋  
然叔與錢孝修同訂交京師今孝修沒矣

星硯齋存稿

三

史翁送瓶菊

秋深不見菊憶菊坐幽室鄰翁持短枝狼藉帶霜  
擷踏雨石橋東叩扉贈芳苾高下相所宜硯北注  
瓶溢悠然兩三花自覺媚紙筆為言今年秋頗嫌  
風雨密載花船不來幾令花事畢投愛舒客情薄  
物感親暱沽酒沃翁顏秋檐曝晚日

過蔡九霞

門巷無車馬先生迴自如庭陳前代器壁滿舊人  
書別夢青山閣秋風白髮踈草元猶未畢老不廢  
三餘

除步

朝響逼秋寒日瘦氣不敵風力搏微光出沒白雲  
隙驅暖向長空牽冷納衣幘石徑卉草枯次第剪  
除闢豁然眼界清轉愛堦如滌憶彼繁艷初顏色  
爛朝夕雨露豈不深衰殘甘棄擲鋤葉莫鋤根留  
待東風碧榮落本自然傷此寒燠迫天時愛憎隨  
羣生會有役

買屋未歸兒濟夜話甚悉

庭徑分明口角中動人歸興引秋風衣含燕趙青  
霜遠夢繞秦淮碧水通敝院短籬延石脚高樓曲

星硯齋存稿

三

題畫

檻倚花櫳安眠此日猶嫌晚况復勞勞西又東  
板橋茅屋可為家門倚楓林石徑斜秋色滿天人  
跡少江風吹雨上蘆花

歸權

久客居停便喚家半塘歸權及昏鴉橋西剛轉門  
前路一樹丹楓襯落霞

有懷湯潛菴

百寮詩句感新傳韋丈情深杜甫賢千里燕雲看  
不薄五年關月別來圓  
戊寅春中與潛菴別書沈旅雁江天外

人老秋山暮雨邊聞道賦成

天子賞幾時相見誦甘泉

李蒼存以詩集見示賦贈

別若不十年哀詩忽千首盧駱與陰何甕貯無不  
有冰雪濯清姿明月照高柳奔放逸蛟螭石壁千  
松吼憶昔訂交初韞玉未見剖豈陋井里顏巧匠  
姑袖手吳門風雨秋遊筇值先後執手故舊歡投  
我以瓊玖躡屩關隴間烏烏擊瓦缶耳目倏華滋  
刮癢滌塵垢流轉丸在指甘潤醇在口天公怪雙  
鳥遇合君不偶鸞鳳聽誰歌載筆東西走我本不

星硯齋存稿

天

羈人蹭蹬亦已久三疾攻熨難刻畫無鹽醜願君  
十日留論文叩元牡尺五牆東路可共殘更守蕉  
飲同不勝雲腴沃清瀏推將幟詩壇備兵罷酒友

秋盡

布余輕冷壓衣重古寺聲傳細雨鐘秋盡旅懷增  
展轉夜長歸夢喜從容寒燈照屋黃花瘦亂石橫  
堦落葉封嘗稻破甘無一是不隨多事變方冬

舟中寄示兒濟

百里且惓惓寧徒去住憐時艱思意外別苦計從  
前寂寞詩書境飄搖霜雪天分陰隨地惜一溉喻

湯年

顧雲美塔影園舊趾

園廢名仍在追尋碧水陰斷牆隨處路野竹自然  
林杖履鄰翁口雲烟處士心蒼茫憑弔意泯泯邈  
交深

雲美與余家為三世交

河干

天風落木殘歲晚尚河干悔不空山老真知行路  
難遠鐘下沙鳥孤日急霜湍兩岸淒淒草同心一  
樣寒

曉窗

星硯齋存稿

天

窗啟山房白霜明湛曉天層峰銜日迴脫葉舞風  
圓幽僻門無市清深榻近禪晨炊傳宿火密樹幾  
家烟

雨

寒雨不可聽况復客在路斷續三日聲檐溜滴如  
訴晨起愛巖姿雲薄旭日露杲杲庭中暄曝我衣  
與屨農伴熟占天築場反愁顧牽茅蓋新穀說雨  
不到暮亭午山氣昏天光匿深霧大風水面來擊  
尾側傾注飛鷺沒遠洲歸鳥失近樹始知較量真  
田家無舛誤好景戒急得陰翳善回互濁霖影蕭



蕭映此毛髮素誰能令灌壇政肅雨師怖曜靈長  
滿空泥滓不相汚

唐解元墓

千古才長累亦長幾人醴酒謝宗王知幾獨比青  
蓮早不遣招魂向夜郎

同人泛舟晚歸

履齒昏愁折鼓聲寒不高山城燈暗屋泥岸雨濡  
篙好客徵良會狂歌欲反騷自傷疲繭甚飛動已  
忘勞

將去虞山題寓館壁

星硯齋存稿

三

依山牆帶石傍水屋如船戶外鶻聲月樹中燈影  
天館從長者適袍畏故人憐合向風塵老幽居別  
惘然

題李曰堅園亭

二畝牆東地悠然敞小亭繁花收徑曲高樹破天  
青水閣朝開鏡雲留晚作屏祇疑共小艇烟樹泊  
沙汀

愛客寧辭客園林祇暫開幽居知有意時俗莫相  
猜賦養相如渴詩傳杜老醅慚非求仲侶一日一  
回來

紙障垂明月芒屨曲徑遊地兼人並好心與夢俱  
幽客久應妨俗悲多覺易秋聞君有新句為我釋  
羈愁

蕭微父言曰堅有喜余過園亭詩

九日樊書山同登西城限韻分賦

呼我登高一上城知君憑眺有深情佳時地減遊  
人跡故壘風悲舊礮聲西城礮臺也橋帶水光欹樹晚雲  
連峰影過江橫望中景物尊前酒且對黃花落照  
明

檢詩

牆短鄰燈過山寒夜鵲呼檢詩知客久聽雨覺秋

星硯齋存稿

三

孤世事輕時序生涯足道途坐吟清響發落葉和  
笙竽

述本堂詩集

桐城方登嶧鳧宗著

垢硯吟

述懷

側身宇宙間萬樹綴一葉生理本狹隘况乃冰霜  
折我生及禍樞憂患忽然得愀愀一室中風雨鳴  
貫缺耽耽獄吏尊陵厲到瑣屑婉顏對童僕觸語  
防眦裂背灼六月暄衣搵三冬雪夜雀等哀猿寒  
膏半明滅魂飛湯火深悠然念古哲身世昧著龜  
蟲魚墮縲紲聞鬼鬼為鄰呼天天雨血

垢硯吟

見雁

霜雁去何之高天歷歷飛江南家已破塞北爾言  
歸關吏行相待鄉書望總違侶行成點畫莫更觸  
危機

望南信不到

不見兒書至應知下筆難有心慰衰白無計說平  
安關塞寒雲早門庭落葉殘且期生集聚便作室  
家完

雨寒

氣冷髮如梳霧沈天影墜三日雨不歇夜響自朝

至狂飈受滿屋縮手交兩臂裘質續無完畫地何  
由避怪彼祝融令儼觸霜天吹噉沓過朱門氣煖  
薰如醉萬古歎寒暄因時見人事薄躬委泥滓屋  
瓦任傾棄天運宜有常白日詎終秘寒燄照中宵  
感深不成寐

留別張研齋陸松厓陳誠齋張茹英得天  
父子

張荀訂死交李杜惜生別古人且寥寥時俗矧薄  
劣交遊二三輩遠我如溜湮但聞歎息聲已足感  
親切眷言古君子心向古人接憐惜摧心肝憂覺

吟

寄眉睫鳥鳴塞雲高草萋關月白道在古今俱誼  
重生死結

縫被

雨氣侵衾濕從敗絮輕老貪深束暖心賸獨眠  
清半擁溫殘夢斜披生一聲曉明慵不起呼僕問  
陰晴

墊枕

豈是無憂地還求一枕高心紛顛倒易身計短長  
操待曉雙眸倚書空半臂搔儘知眠不穩圓警亦  
徒勞



和七兄韻

老大纔知萬念虛，况經憂患益踈模。糊恩怨三生眼，潦草興亡幾卷書。壯志漸消才本拙，生涯難問計原疎。回頭多少驚心事，一日浮生一日餘。

七兄偶病作詩和韻以慰

無復問寒暑，愁軀病易侵。強支衰老骨，難得在來心。牽觸何非恨，艱虞已至今。寄身齊物理，空曠託情深。

夜讀

老眼讀書難矧茲，困炎夏何地更何時。詠歌向深

垢硯吟

三

夜汗逼燈火，紅氣蒸眉睫。罇強索丹青，工筆搖雙影。射骨痛坐不堅，徒倚臂如卸。憂患短景形骸半凋謝，兩年成衰翁。幾作蟬衣化，業匪名山求。字豈神仙藉，性耽習不捐。展卷釋悲詫，心血惜今人願向古人瀉。

家書

書到妻孥在，將期集聚真。無家偏入夢，望遠益傷神。緒亂迷良策，身危聽別人。早來辛苦共，不用惜風塵。

聞兄子世莊將至四首

愛爾才華盛，青春泣所遭。命能安老朽，禍竟及兒曹。碧月家山杳，黃雲古塞高。最憐攜弱弟，遠侍白頭勞。

聞道南舟發，親情許共操。零丁依骨肉，慰藉失風濤。野炬焚林闊，驚弦擇木勞。形骸同日月，中外主恩高。

白下兒書報，吾廬得暫過。莊取道金陵血心露墓草，淚眼

入江波。行李經相約，閒關慮轉多。雁行同鍛羽，次第渡秋河。

萬事寬年少，前途歲月多。豈真才束命，聊用哭為

垢硯吟

四

歌身待同行，轍心迴不定。波殊方兒姪，共集聚慰蹉跎。

和七兄韻疏誤和疎再依韻疊之

夢境虛無覺亦虛，那分栩栩與蘧蘧。何曾覆鹿真留野，同是亡羊笑挾書。生世已擠前逝水，臨餐莫憶故園蔬。黃沙白草經棲地，祇作空山養性餘。

壻崇如以荷花作瓶供

瓶荷朝開夕萎無隔日者

土室占生氣，瓶荷三日開。從容娛老眼，清淨養愁胎。敢望花為筏，誰令葉作杯。看尼池上渡，香妙碧雲臺。

鵲聲

曉風乾鵲鳴音送聞者相傳歡意動天機豈遽託  
羽蟲蒼茫理數嗤愚懵古徵氣感或有之古人垂  
語今人誦爾却高飛我網羅園扉聒耳銀鐺共報  
遠江南人不來人來增我傷心重夜雨燈啼屋上  
烏朝雲鼓擊竿頭鳳可是聲傳一樣聽繞檐休祇  
驚殘夢

狂波

狂波猶不定又逐野風來已判身如葉還令心作  
灰屋號檐際雨天圻夜深雷萬事漂搖極江南不

垢硯吟

五

用哀

月

月明積雨後斜徹短牆分濕影搖殘霧孤光碎亂  
雲啼鳥何處宿歸雁自成羣絕塞他時照悲歌笛  
裏聞

夢入水部公廨與諸寮友誦杜句為郎從  
白首卧病數秋天覺而感賦

誦詩詩入夢因夢夢成詩白首悲何極秋天夜未  
移故人歌忽共往事說原癡畫省三年壁留題和  
者誰

夜大雨

暮雨莽不收倒注入夜半響發萬弩齊風力挾之  
亂浩呼洶波濤震蕩傾霄漢倉卒土室破淋漓及  
枕慢屢移榻不支避地類奔竄閉門不敢視氣奪  
膏芒散號童擊石火涉水聲過鼾頽塌在在聞似  
觸崩崖斷屋搖牆有聲孤舟江海畔形骸歸土木  
生死須臾判古人重畏壓捧身埒珪瓚撫茲九死  
餘當之何縈絆太虛齊物理嗒焉付空觀安此素  
位心可以釋嚴憚隱几半成寐優游待明日

除土

垢硯吟

六

牆頽土塞戶除治動老友揎袖伸兩臂負雨鋤在  
手積塊脩不高渠通散淤垢靱履視須臾一徑忽  
然有坦途十步內光淨見甕牖為言去有期此地  
豈常守脚澁眼不舒一日亦云久吾友古君子誼  
比時流厚三年急難情灑淚向杯酒悲我遠別離  
許我共車肘不惜筋骨勞霜雪間關走感深涕不  
禁慰藉翻充口丈夫生世間何事歷非偶窮邊土  
可耕亦足安衰朽荷戈復荷鋤相期共南畝

謂牛玉恒山西澤州人患難相從垂二十年卒於卜魁今葬江寧

觀永  
案老友

立秋



慘澹金風乍入帷  
園扉兩見歲華移  
身隨日去何須惜  
心苦秋多不用悲  
玉露幾曾驚葉落  
銀河一樣近人垂  
涼雲空闊憑呼雁  
爾是南征入塞時

次答談景鄴用少陵觀畫馬圖引韻見贈之作

楚水湯湯憐屈賈  
杜陵鬱鬱悲盧王  
千古才人土魂魄  
猶憐脣吻供雌黃  
誰為守黑誰知白  
到處狂風兼霹靂  
結繩以前萬事無  
一畫初呈尚蕭索  
談君載筆久不歸  
鼓翼欲向龍樓飛

翠華南御選髦俊  
珊瑚碧玉陳光輝  
驂騑一出驚

垢硯吟

七

羣騶凌雲給札筆  
吐花虎觀鴻儒隨  
出入書生遭遇人  
咨嗟青雲一擲忽  
墮地誰為使者稱  
黃沙絕交論廣交不  
絕鄒陽字灑梁園  
血我亦無端嬰網  
羅呼囚八九名同  
列君才骨是黃金  
駿摘詞染翰矜工  
穩倡和題襟在若  
盧知希迹似山林  
遁識君不在長楊  
宮識君不在招賢  
東忽從患難訂交  
好人生夢寐將母  
同此生豈復談儒  
宗荒邊老朽漁樵  
中

天子憐才君得釋  
一行歸雁傳春風

紀夢

愁鬱易墮昏眠醒  
昧時節親故入夢  
頻紛紛覲顏色骨  
月與交遊十年半  
存滅墳荒宿草深  
室遠風雨隔魂分  
誰招來迢遞度阡  
陌歷歷生平人次  
第歌哭接所致不  
一詞記憶失顛末  
憶昔閭黨中情話  
親戚悅巾杖隨白  
頭提携行輩列出  
門歌嚶鳴四海賓  
徒結論心歎榻燈  
把手垂檐月一一  
已如夢夢真如再  
得風雷塞上陰魂  
弱道路怯棘土尚  
中華都來話離別  
我亦夢中身憂患  
付寥泬起視青天  
高回首浮雲白

和七兄遣悶五首

垢硯吟

八

少壯志霄漢老大  
馬能逞長風墮羽  
翰豈恃用力猛雙  
丸走無端寒燠遞  
相永羣生哀樂紛  
在心不在境叢木  
臨深潭高下自成  
影逸豫終其身人  
事乏深省猥言賢  
哲生藉以憂虞做  
華屋與山邱百年  
同一頃望望穹蒼  
高愚智何所領清  
颼颼流火百彙遊  
商聲秋鳥不知處  
秋蟲不知名飛鳴  
宇宙間各自炫靈  
精桓桓誰家郎挾  
彈上高城殺念豈  
終逞意已傷生成  
白虹中夜光常使  
壯士驚卓哉漢廷  
尉矯矯稱人英書  
馬辯四五透迤保  
其榮毛銖較山崖  
豈無重與輕

蟄龍歌老櫓設詞何敢謾松漠弄其書言不及治  
亂往矣欲何之青命著易象樹鳴山動搖風入江  
河漫長纒與短纒倚伏茫前算寒雲一夕高炎景  
倏朝竄誰言曠達懷了不界冰炭黑白叩瞿曇慧  
業勞分判負疚苟一身直作無生觀

邇厥太古初萬有歸象罔局促了浮生天地一羅  
網矚彼道路人亦各為親黨愛戀不可捐動生直  
與枉須知朝所營暮視即為往昔人歌舞鄉何處  
不荆莽五溝有不樹耕之得沃壤雁烹木不斤材  
不材相倣觸時隨所遭用意本無兩

垢硯吟

九

涼月白無賴照人何太苦抱慮縈清光同明思故  
土故土無可思懸樵陽州府啾啾松栢陰草深狐  
兔伍淚血迸江天築心如築堵遺憤付流泉獨茲  
重淒楚我生何崎嶇一步不成武結患匪自致百  
身亦奚補悲聲從何來秋風中夜鼓

閉門

畏觸淒涼祇閉門欹牀破硯一鑪溫草搖孤客秋  
風影花泣殘籬宿雨痕往事遊塵疑隔世無人剪  
紙自招魂老僧枯坐蒲團上聚散悲歡一概論

與高堦崇如

陟險藉杖引方舟翼波墜身危重骨月況縈兒女  
思嗟子急難真辛苦千里至流滯逾兩稔百務盡  
屏置餽素節寒暄檢括到巾屣憐我齒髮衰不忍  
遽相棄郵書昨日來吾女情悲摯嘖嘖詎縋縈轉  
使憂魂悖逆歸語吾女孝行匪一致義在審所處  
勉旃慎託寄南山有荒墳霜露念所自代我酌椒  
漿祇此屬專記疑冰結路草萬里攬征轡茫茫後  
會期迴溢荒天淚

掃地

豁樞達秋曙清景凌繩牀晨興親敝帚灑掃如弗

垢硯吟

十

遑閉戶尺五地穢濁遠衣裳漢陰息危機士行凜  
逸康勞役藉勤動衰骨令自強掃除匪一室迴志  
在四方短簞將安施氛垢豈有常千里萬里道過  
眼塵茫茫

七兄復齋有昔年和姚羹湖先生春山八

詠因題取義頗况今茲藉以寄懷亦得八

首

燒後草

劫灰已付赤雲天又結王孫再世緣湘水石邊垂  
蔓蔓咸陽陵畔舊芊芊根留九死青霜種葉染三



春碧雨烟却怪燎原前日勢不分蕭艾與蘭荃

接活樹

綺枝爭看葉雲翻誰入園林識舊根同是寄生依  
樹母儼然奪舍附花魂高憑幹吐分成勢巧借泥  
封合有痕幻相直從人事見難將榮瘁問真源

分叢竹

橫斜隨徑曲籬栽露笋移根自籜胎夜月垂青猶  
共影曉風浮翠各成堆千莖瀟灑心原直幾處平  
安信總猜莫向諸孫堂外過用少陵句蕃枝霜壓已同  
摧

垢硯吟

士

初插柳

分行根長暖膏時細細條融旭日遲踏醉路尋高  
士眼倚粧人待畫樓眉偏添灞水橋邊影纔吐靈  
和殿上絲何處一聲明月笛玉關橫吹折新枝

病愈鶴

梳翎初試抖霜衣夢想仙山飲啄違瘦影瓊枝還  
獨立餘生華表莫思歸陰將待子鳴猶和聲不聞  
天力已微自顧羽毛未零落雲霞側眼欲高飛

尋巢燕

遲回故故引風斜飛逐簾櫳語伴譁碧社幾時人

忽散朱門何處徑還差重檐暮晃清宵樹香吻泥  
殘舊日花空向秦淮河畔繞江南王謝已無家

脫鈎魚

頓覺洋洋大壑清幾貪香餌誤吾生欣濡稚子針  
頭沫免膾通侯座上羹掉尾駭波經處慣暴鰓迴  
浪過來輕盈車笑底臨淵想不貫垂荆剖粒情

放生麋

微軀竟自爵羅全縱得生還亦偶然綠雨顧鳴崖  
徑草青霞重卧洞門烟馭隨仙隱身常聚車載維  
摩骨未堅毛角長棲千仞頂變從蒼白任年年

垢硯吟

士

談半村過話

剝啄來良友茶供宿水添倚牀淹倦骨坐日短秋  
檐境苦情難寫詩狂韻各拈沸心湯火裏歌哭與  
君兼

南舟

骨肉平安到尋常樂思生乍聞心戰慄不覺淚縱  
橫百事從何問千悲益自驚南來妻子權又隔幾  
朝程

秋日雜詩十首

黧垢安時久茶甘素位功盤髮雙鬢日狼藉九秋

風寄想江鄉外全生沸鼎中三年霜露色土室映寒空

儼是團瓢破殘僧坐一燈心依寒影子目浸夜光澄我相原無著前因解未能人間寥聞地暮寢復朝興

老覺傷心易疑從破膽添仰看天漠漠獨立語謔謔杜甫驚風耳嚴遵落日簾怕聞焉用卜身已任鑪鉗

畏答傍人問嫌聞遠信來平安心不望恩怨語難裁家散驚風雨身輕付草萊好言都是淚幽寂養

垢硯吟

三

寒灰

秋晝何曾短人言秋夜長愁嫌更漏永老願隙駒忙遠樹淹霞暮低檐接露光晷痕書卷上畫字送斜陽

牆高惟見草耳窄不聞砧寂寞一圭地漂搖千里心寒風應滿路清露忽霑襟陣陣歸巢鳥飛棲有故林

南舟何處泊沙冷大河堤難解飄零故真成道路迷危身千態變盡室萬行啼不是干戈裏心同愧老妻

用少陵語

田廬原不問故物孰無悲靦徒憐二葉簪亡泣一枝柴門開問主霜圃築從誰入世滄桑眼身經半百時

攬月垂盈手呼雲託寄音儘知虛結想亦攪靜時心世境紛疑似人情各淺深瞬移成昨日種種祝從今

噩夢何時醒朝昏又一過日憐衣袖薄月見淚痕多歌哭無常節乾坤有逝波銜思向天末寥廓謝蹉跎

姪莊攜何陋居集甦菴集詩讀之感賦

垢硯吟

古

五十年前罹禍日征車行後我生時豈知今日投荒眼又讀先人出塞詩久遠孫謀文字累蒼茫天意始終疑攜來笑爾非無意似此生還亦有期

中秋

秋月無私影人歡今夕嘉兩年明此地一樣照誰家白浸泥牀枕寒凝玉塞笳清光賒萬里北寺且中華

三鳥詩

昌黎怪雙鳥我歌三鳥詩北山有鳥大且癡十年飲啄滄江湄鸞斯斥鷃飛控地大鳥力能生死之



有時自作鸞鳳鳴和風吹日聲遲遲有時風雨忽  
驟至鼓翼伸喙等鳶鷂屬耳靡所適聞者行趙趙  
天公收之去遂令衆鳥哀號覓食安雄雌更聞兩  
鳥生共巢一鳥振翮翔天墀置身直在鵲觀自  
矜毛羽非凡佳砮雷夜半拔大木巢傾樹死無完  
枝皇皇啄屋復食肉儼如鳩腦流瓊卮飲者輒必  
死人死鳥歡怡虞夫激矢中兩目頸血濺地不自  
知伏身蒿徑一小鳥同嬰羅罫魂迷離可憐驚弦  
弱翅難久活十日墮赴重泉期吁嗟乎二月風六  
月雨八月西山秋樹凋一年三鳥同黃土君不見

拓觀吟

生

白鶴去青鸞杳良音啼徹蓬萊島又不見九頭瀝  
血灑平蕪淋漓積穢膏腐草微物有死生恩怨歸  
幽渺蓮花世界寬恒河沙一掃胡不逍遙於無何  
有之鄉顧與貿貿之羣生共此天荒而地老

述本堂詩集

桐城方登

葆素齋集

至卜魁城葺屋落成率賦十首

覆草編茅屋數楹  
羈棲絕塞此經營  
千間誰穩綢繆計  
一木如勝堂構情  
牆短鄰園積馬牛  
聲遠廬豈復分華  
陋安堵荒城烟火  
散籬根寂寂檐茅  
落掃徑不因風雨  
亦關門苟安心憶  
來時險堅坐身知  
獨處尊為訪野僧  
郊寺近芒屨沙上  
往來痕

葆素齋集

種種看從難後輕驚濤舊夢怵縱橫避人踪跡驕  
人想入世衣冠出世情燈火妻孥談往事茶瓜兄  
弟話餘生已成意外團圞相休問蕭蕭白髮明  
盆花乞向先來客畦菜遺從舊住人除蔓荷鋤斜  
日暖護枝編席早霜新瓶供小摘窗生艷薪剩親  
攜爨不貧冷落秋風關塞夢暫教眼帶故園春  
樗朽材材憑拙匠能烏皮名目儼相仍牙籤影綴著  
筒靜銀葉烟煨墨椀凝高坐短窗舒病骨橫分明  
月伴書燈側身天地何曾穩斷木欹斜日日凭  
茶烟曉共厨烟起手汲清泉露索凝堦粒掃留馴

雀食夜膏增湛飯牛燈閒愁覺借忙差解鄙事真  
知賤始能嬾習少年筋力慣悔無農圃事擔簦  
暮風何怒撼而郊屋角聲喧夜捲茅窗紙盡掃飄  
蛺蝶梁泥如簌下蠨蛸控飛自晒蛸無地顛覆何  
爭鵲有巢錦水破廬非絕域悲歌不解少陵嘲  
寧甘不出長蒿萊倚杖欹垣類鑿不獵騎馬前牽  
犬過柴車江上賣魚來懣懣塞俗半真半假人  
情耐往迴儕侶豈真無揖讓肯寬禮數類  
四壁空寒日影移土牀溫戀起來遲風鳴曉野非  
從樹草蔽通衢不藉籬出檻便為甌脫地舉頭猶

葆素齋集

二

當瓦全時落成笑顧兒曹語歌哭休言兩在斯  
強驅鄉思慰邊愁景色荒庭覺倍幽幾朵野花人  
影靜數行征雁夕陽秋書遮老眼披衣坐月引吟  
筇出戶遊憇止直如舟暫泊莫教波浪憶從頭

構小室成適此降題以詩並顏之曰葆素齋

何地求精舍茅椽結構新一間天外屋千劫夢中  
身靜對詩書老閒留面目真塞塵吹不入閉戶即

桃津

掃徑兒鋤草編籬手種花砌繁春到眼地淨月流

沙聽浪漁人枕凌風燕子家本來無一定抱膝送  
年華

築土前賢室藏身十八年竟能容避世且不是窮  
邊坐冷筵聲雨行縈戍火烟巡檐時仰面猶戴故  
園天

好我蓬瀛侶青天碧海波衛生堅道力憫世託詩  
歌寥泚一圭璫懣懣百事過本無出位想素位定  
如何

客言卜魁寒甚答之

葆素齋集

三

我歷因人求熱向誰憐生來冷骨何爭地拚得殘  
軀且試天熅火尚留冰窖淚不愁饑吻有遺糧

移草芙蓉入盆

吳霜云

一名高麗菊高三尺許一葉四五花黃色深淺類菊葉似柳含苞過歲不絕但

絕寒花開花可憐忍教憔悴泣霜天依人且伴房  
櫳暖注甕何輸雨露偏座拂黃雲看欲積岸臨秋  
水惜空傳潯陽籬落垂垂發不謂窮荒眼更妍

出郭移花

幾度移花約未堅遊筇偏向乍寒天不嫌野廩風  
前路轉愛秋郊雨後烟毳帳衣冠翻訝客沙田黃



稗亦登年荷鋤信步披殘草驚起牛羊斷磧眠  
郊花秋老但移根筐載分攜補斷垣長養得母懷  
舊土栽培絕勝棄荒原青霜艷冷蕭晨眼綠雨香  
浮明歲尊祇作雅遊歸興晚短轅斜碾夕陽痕

暮立

門橫暮色短藜閒幽僻城隅土一灣野日蒼涼如  
浸水遠雲層疊當看山笳聲風曳鳴鴻去草影沙  
喧牧馬還不是鄰人爭晚汲先生久已閉柴關

古詩二十首

嗣宗詠懷文通雜擬子昂感遇太白古風

葆素齋集

四

皆多感憤之辭頗得騷人之旨荒塞無聊  
吟詠過日率成二十首或古或今或賦或  
比信筆成辭聊庸寫志非敢效顰

南山挺高木寒霧宿繁枝霧深不可見失此亭亭  
姿丈夫恥牖下入世多憂危憂來鮮預畫順逆各  
有時心憐白髮黑情戾艷色媿應侯辱且死未殊  
且溺之飲酒誣盜壁視舌悲張儀投身涉紛擾亨  
困寧自持

閉門謝羣跡秋雨鳴堦墀雨寒不潤物草木同披  
離畏人復自傷傷我容鬢衰容鬢何足道落日西

山陟倏忽念故鄉骨月各分馳前路既已短耿耿  
歡會期起來當戶立固兩靡支持悠然送遠目曳  
杖登高埤明知無所覩希一望見之歸來對燈火  
幽嘿心自嗤

萬事歸無言無言悲乃極寒日照我衣寒蟲鳴我  
側淡漠人語憎幽渺天意匿啼鳥將何之仰羨高  
飛翼百卉委繁霜不為天所惜捫舌佇立長雲影  
在四壁

少壯風過目歲月如一掃家人蜩縮眠怪我起常  
早昔聞丈人言獨醒天不曉閱歷忽及茲情境逼

葆素齋集

五

衰老寒雲擁茅屋露光沐殘草憂來自彷徨四顧  
知者少

執心各有願弛志泣頽鬢逆願天所嗔良願天所  
靳立德垂其名古人有厚幸身非金石姿甘與時  
命徇月旦從人移慷慨守時信一息未肯捐勉懷  
有餘憤

明月出高岫清光一何遠林風挾雲遊虧蔽落層  
巘寄言謝明月風靜夜已晚烏鵲叢灌鳴曙影天  
如澣憂患愛戀輕老大志意短引領振長襟心悲  
灰帶緩冷棧落霜華起來看牛飯

松根長桑條結毓靈山阿柔桑化為松馬能辨枝  
柯託命既已永霜雪凌蹉跎厲風折長枝零落飄  
江河去去離本根不知萬與蘿白雲罩青松淚雨  
如滂沱

人生百年期語約舉成算醒寐各有時日夜且相  
半衰病與童蒙狼藉廢昏旦所餘曾幾何束縛弗  
自適不甘牖下死走尋車馬伴糾紛恩怨中填胸  
結冰炭草草昧終期水流人易散况復倚伏深重  
之以憂患淼渺滄海波扁舟不到岸中夜起看天  
睽睽明星爛

葆素齋集

六

有客西方來能述西方教其國有君臣民物儼封  
隩釋迦一高賢遺世篤孤操岩堯靈鷲巖律悟闡  
宗奧匪盡斷滅心言頗及忠孝昧惑自中原幽怪  
失旨要雕琢珠玉炫結構雲霞峭逞逐荒幻詞禍  
福競施報生死理有常甘受憑愚誚  
零縐紵夜火寄君邊上衣家已在窮邊那更萬里  
馳秋霜壓屋草隻雁鳴淒淒八月得君書書來春  
盡時把書問來客糝糊無定辭但言軍事秘何能  
識歸期壁上弓與刀去日君所遺對之不忍見揮  
戾向羅帷淚痕入線脚漬血成紅絲

晨起坐窗下霜氣淒淒已肅掉臂迎朝曦披衣借溫  
燠讀書無次第憂心紛卷軸豈愛博奧名藉以遮  
老目常見古人中遭際多彷彿掩卷長太息輾轉  
匪我獨稗飯炊濕薪今朝又果腹

終古閔天機災福靳先露人如陟險崖蒼茫走迷  
霧京睦徹經理轉為殺身具朗朗郭弘農身命不  
自顧聖賢垂趨避趨避何所據持此問蒼旻願言  
燭前路

危枝倒長風其勢安能久清潭寫鳥影過目即烏  
有矧茲傀儡場恩怨等敝帚止水鑑不冠對人鑑

葆素齋集

七

可否如何戈劍鋒在口不在手傷哉灌仲孺殺身  
祇杯酒

古人身後名重名輕一死七十老侯嬴刎頸送公  
子荊卿本兒戲函首歌易水明知去不返空令髮  
上指聶政汚其屍姓名傳阿姊當否皆無論湮沒  
乃深恥寸土不埋骨所見終榛杞豪氣凌青雲蕭  
條檢故紙

坤軸勢下趨江河無返水我心思古人古人長往  
矣憂哉魯仲連排難聊城矢白壁與千金成功等  
敝屣德色形一室怒言入厓市吐辭偶益人終身



挂牙齒

五術歎交遊不自劉君始論著絕交篇朱穆良有以貧賤無一可屏跡來垢恥周旋混野俗固知何者是峻峻白石堅晶晶而流駛安得范巨卿可以託生死

射堂憾驚炙千金酬一飯口腹豈累人施恩持左券卓哉古英雄飲食且恩怨富貴何足言乃皆在貧賤

鐘鼎饗爰居養鳥鳥則否援狙不裂裳周公服已久萬事昧從來安之若固有桂蠹與蓼蟲甘苦各

葆素齋集

八

在口在口不能言焉能泯好醜

寫水入大河焉知污與冽辨毛不辨骨駑驥共一絁蟪蛄淪春秋松栢貞霜雪芄芄茂草驕豈期寒露折延佇語樵車愛此蘭蕙潔

固傲步兵哭應比雲間笑有時笑亦哭不在音與貌達人觀元始志士侈高蹈茫茫緬古今心境兩相導鐘鼓可以哀長歌可以弔

韋端已有長年方悟少年非之句兒姪輩以韋詩不暢所言請余賦之即用作起句長年方悟少年非虛擲流光夙志違幾處笙歌容

易散半生湖海不曾歸名山書負蟬衣光春畝犁荒犢雨肥鑄錯便教從買鐵魯戈空說返斜暉

十五姪世莊貽花作瓶供

折花貽我膽瓶雙注水披衣急曉窗艷色似從寒後減高懷不為難餘降香繁舊圃情如夢老護殘枝意滿腔永漏寂寥呼爾共參差影落碧油缸

病坐披裘

披裘猶八月骨冷不因邊病入衰年易寒欺戍客先無醫茶代藥借煖木生烟安燠何由羨難危本自然

葆素齋集

九

兒濟姪莊禮斗

齋坐聞聲凜自持雲霄響徹夜闌時都含絕域青天淚各有高堂白髮悲法火光垂憐孝友辦香烟肅起威儀九崖杳靄元君座呼吸曾邀鑒在茲兒濟有草芙蓉詩乘興詠之

花映東籬發名傳江國生根枝憐異土草木艷虛聲秋水何年影嚴霜此日情黃金重顏色冷落護柴荆

九月二日夜雪

迎秋邊雪意中期九月飛花轉訝遲暖律天憐人

跡遠寒心風鼓夜聲危更荒斷續明孤火霧隱高  
低壓破籬昨日總戎呼獵馬皚皚何地卧旌旗

雪霽兒姪輩東郊野眺姪莊歸而呈詩和

之東郊即前日移花處

雪色郊光口角懸出從東郭望無邊尋花落日同  
遊地理草連雲一抹天更欲踏荒身試老喜聞衝  
冷骨尤堅經行寂寞寒原上回首孤城莫愴然

秋雪和圖逸叟韻

冷雪不分區荒城夜色塗雲裁飛鶴羽風凍落鮫  
珠茅屋迷高下瓊樓望有無與君追舊夢寒漏聽

葆素齋集

十

宮壺

雪霽和七兄復齋韻

爭道雪晴易天心竟有常煖無分異土寒不吝朝  
陽飽睡窗陰度遲餐爨火荒白頭歌倚杖交臂炙  
餘光

居定後和乩韻

且繫狂瀾定後舟安閒茅屋老荒邱曬書呼婦同  
驅蠹倚杖看兒學飯牛青瘴人曾滄海去

乩語白雲

誰許舊山留蒼茫望古斜陽立一片笳聲咽戍樓

七兄小病

老病吾無讓兄多十四年饑寒衰後骨歲月夢中  
天架亂詩筒紙牀飄茶竈烟豈徒成結習大藥即  
陶仝

兄有吟詩啜茗之癖

兒濟收花種

塞花不待霜花落種已實人言霜後收寒凝厚厥  
質天地生意深乃寓肅殺日晨興兒抱荻狼藉種  
在室攬擷一盈掬弄以紙什襲避風度木高護凍  
絨篋密邊方嘉升窮野英等愛惜預審砌土宜高  
下無剩隙憐爾珍重心老眼慰岑寂燦燦明年花  
裊裊東風碧

葆素齋集

十一

姪世康為其尊人補敝袍感賦示之

男兒親婦工心苦情可泣七十衰親衣不忍不完  
緝矧茲霜雪深統漏寒氣入火青鍼鼻纖眼凍線  
腳澁龜勉事勤劬居然整襟褶弱冠志詩書賤技  
豈素習顛連迫孝思瑣屑極子職憐惜重致詞補  
衮藉他日丈夫少壯年通塞安可必故鄉兒女手  
衣裳聚一室扶老陟崇岡揜袖南山石

聽兒姪夜讀

隔院分燈夜讀書顛連猶自惜三餘譽兒癖笑王  
家叟羣從詩傳謝氏廬

鹿豕聊應俯



首事蟲魚他年食得神仙字共樂名山志不虛

九日出郭報謁歸途值友人索飲

不因佳節啟柴關訪客郊東一往還短髮衝寒如  
落帽平沙望遠當登山馬驟人負斜風疾鳥散雲  
遮古寺閒送酒未聞聞索酒霸愁同醉晚籬間

塞閱

都尉專城重護羌窮邊猶不屬要荒騰戈特控咽  
喉地耀日常明甲冑光畫角一聲秋草白雕弧幾  
隊塞雲黃荷衣忽漫親魚鳥搔首長歌對夕陽

盆菊

葆素齋集

士

瘦菊分鄰圃窗明影亦踈催香暄照裏審色蕊含  
初草草秋籬眼荒荒野塞廬南山何處見飄泊命  
相於

菊綻

菊綻漸舒紅蕭齋點綴工色香分筆硯生長託簾  
櫳莫作千山外依然三徑中殘根留不死春雨待  
秋風

九月十三夜兒輩就友人飲歸而稱說讀  
宮詹公何陋居集亦有此題日月既同情  
景絕似感而賦詩敬步原韻

戍鼓聲寒茅屋秋月明歸迷一朝遊人邀逆旅燈  
前酒夢引清風江上樓歲月淚同今昔感嘯歌心  
避雪霜愁丹經白髮依稀想往事兒曹話不休詩  
有白髮丹經坐未休之句

與七兄夜話

朝市迷消息安然淡漠天本無榮辱想不恨見聞  
偏鳳閣風雲動蟾輪河漢懸紛紛基石裏誰後亦  
誰先

菊放甚小式濟作詩依韻賦之

種花祝花蕃花放惜花小但說菊能開秋綻枝頭

葆素齋集

士

好晨起對花坐色帶中原曉溯根何處來歲月昧  
稽考年年茁瘦枝偏愛寒風早得天各有資羸碩  
豈終保悠然淡我心心淡寄秋草

附式濟原詩

盆菊瘦亦花尺莖綴錢小荒地苦栽培強說  
顏色好憶從鄰圃移南階澆昏曉八月藏尸  
痛扶護費詢考怪挾傲霜姿翻畏寒霜早煦  
育伴書帷榮落願長保艷艷故園枝忍性隨  
邊草

和七兄論詩二絕句

老大浮名孰有無偶然雲氣濕髭鬚騰騰日影吟  
窗過纔報朝陽已夕晡齊已詩苦吟雲氣濕髭鬚

兩地光芒萬丈騫灤西流落夜郎冤功名便使同  
燕許一樣長留紙上痕

夜讀和姪莊韻

蟲鶴變隨人琴書鄰虎豹挖雅惑投譏讀文凜荷  
校短繁側修矛豎儒甘一笑神官六字哦詰盤脚  
不掉麴蘖乃詩書酸醎殊嗜好守黑豈不知兀兀  
中心悼秋聲從何來孤火影相弔

燒炕

葆素齋集

十四

昨夜月在窗今夜月在屋偃卧遲早分土牀視冷  
燠悍僕匿不火深坐形影肅勉就鐵衾裂醒眼橫  
凍骨兒聞急抱薪焦吻吹冰窟手足所未經情迫  
事倉猝老妻憐拙為力止呼聲突服勞心口甘把  
火堅相續皓魄落牆角爛漫穩肢腹晏起及早餐  
撫兒笑語瀆通籍不然藜乃應長鬚後學禮習冬  
溫養親豈在祿朱門繡作茵白板肌生粟就茲一  
夕安樂我天倫篤遐方風雪多側耳聽黃竹

兒姪侍坐小酌

殘宵燈適聚借酒坐延深爛漫柴桑語情騰醉醒

心瘦花驕燭影成鼓短霜音清興美年少凌寒啟  
戶吟

姪康生朝七兄示以詩依韻和之

故土不相見異域共時歲歡娛不相見憂患共悲  
涕踪跡豈人謀前算茫占筮汝生廿一年升沈幾  
變計瓠落亦尋常傷哉王謝裔眼前兒子曹汝年  
稱弱弟而翁與癡叔齒髮互凌替初見到今朝又  
復三年逝杖履隨衰親未見晨昏離和粹率秉彝  
少長情不戾祇作里閭居親愛足維繫青春歲月  
長汲綆修輪繼居易固聖賢匪為命所制抱此英  
敏姿前途莽自勵塞酒對殘花且強羈愁貫霜風  
四面高鵠火晃檐際吟嘯縱詩書苦海長生偈陰  
晴鄙蠹測休咎徵逆惠以此問天心高閣有點契  
病

葆素齋集

五

夜深骨痛卷雙脚年華不許人虛託今年頓比去  
年衰豈止頭童牙齒落黎光醒眼自初更紛紛幻  
想心魂錯九天羽翼九淵身胡然上下神奔躍或  
曰憂深或曰勞是非我亦無斟酌人生好日本無  
多勃窣天游傷六鑿養生道不勝戕生櫻悲攝感  
彌煎鑠出離火宅杳三乘車前誰挽車頭索萬相



憑虛孰有無元靈光墮籬根薄冷眼家人衛疾忙  
妻炊舖糜兒賒藥

朝雪姪莊過話成詩

葦箔朝開落正濃朔風搖影凍雲重盈頭飄處驚  
離鬢拂面吹來洗病容地絕豈聞衝冷屐僕頑難  
問曉餐春非緣小阮牆東入一徑冰痕日午封

七兄作長歌有又送遐荒一日天之句寂

感同情用作起調

又送遐荒一日天如癡如醉亦如顛片時事過即  
成夢萬念心灰不是禪卧日藉茵低箔影壓燈炊

葆素齋集

共

稗野蒿烟蟪蛄別有長生樂亥字無勞說大年

觸感二首

風銛刮耳雪黏天鍵戶鑪煨楮烟王粲宅空惟  
有井阮咸家盡更無田誰拋林外金丸逐難乞詩  
中玉粒圓榆筴幾曾飄夜雨路人休誤沈郎錢  
太冲嬌女義山兒舐犢情深宴樂時肺石緹縈天  
路杳珠厓蘇過海濤危迢遙繫雁啼痕字老鈍扶  
鳩和韻詩塞北江南各相望苦離歡聚總成悲

友人生日

風雪橫門塞上天書牀藥籠伴鑪烟漫教集感來

今日且喜餘生是少年碧海桑田人世界白雲茅  
屋古神仙知君自有還丹訣萬境浮沈一醉眠

柬陸松原

數行書寄感情深况復緘分冷署金舉室竟為溫  
飽計論文真見雪霜心鵷班日麗天門路抵隊冰  
霜土窖襟回首五年多難後故人恩重到於今

七兄以詩慰病和答二首

形骸百鍊後心事五更中苦海終無岸愁城豈易  
攻道危迷老馬邊遠失歸鴻誰謂青天闊微雲亦  
礙空

葆素齋集

七

生死無勞計浮沈醉夢中骨兼心共碎衰引病同  
攻風雨號山鹿冰霜下澤鴻殘軀歸咄咄何事不  
書空

示世康

猶子義比兒矧復同顛躓千里一室心矧復同興  
寐難重義更深身親心益摯絕塞隨衰親寢膳勤  
所事邇厥諸父行維我居其季竭蹶事親餘及我  
情無二老妻衰且病不憚晨昏侍夙世孝友傳賦  
性微和粹祖德弗涼薄吾宗豈終墜顧諟子弟馴  
振起知有寄濟也魯而厚差不愧同氣松柏龍眠

山花柳雞鳴寺生還共結茅終我團圓志白髮兩  
衰翁扶杖慰憔悴叔母同所生慇懃偕撫字敬守  
純良資持此回大意

觀永赴京師

萬里重關兩月歡不辭風雪向長安年衰真戀兒  
孫好心苦知忘道路難白髮羈魂黃口累青山歸  
夢碧雲寒九天雨露沾來近早託良音寄羽翰

九月廿三日雪晡霽同七兄作

兩見邊庭雪秋深九月時豈嫌陰律早訝比去年  
遲積壓沙痕合飄陵草色衰紙窗欣霽景榻就暮

葆素齋集

太

光移

夜大風憶觀永

寒逼風狂夜火青披衣欹枕坐來聽隻身千里昨  
朝去羸馬雙輪何處停弱骨豈堪行旅伴老懷難  
遣夢魂寧最憐臨別翻覓我少壯艱辛說慣經

兒輩用唐人題吟詠競爽偶成宮人入道

一首

敢道君恩雨露稀紅顏命已悟元機梳拋鳳髻餘  
殘鬢目斷羊車靜落暉清磬響疑宮漏近妙香烟  
裊御鑪非五銖稱體新來好不問昭陽舊舞衣

九月二十八日霜降

霜豈今朝降名因歷候存殊方迷定節煖力暈朝  
暾旗卷風鳴甲沙枯火燒村長歌送殘日曳杖掩  
柴門

濕雪

濕雪不成片昏騰壓凍雲檐頽隨地入窗動逆風  
聞望遠知誰記憂時及夜分近傳空磧外書劍有  
從軍

送秋口號

菊瘦蟲悲雪漸稠清天爽氣惜難留癡人到底繁

葆素齋集

九

華重祇送春歸不送秋

聽訥拙菴談禪理即述其語成詩

昨日即前生明日如來世雲飛不墮影了徹三生  
諦梵唄何多音聲輪亦疣贅火宅挽牛車黑白見  
明慧萬古塵瀾中天光有時閉靈境豁素心心境  
兩無滯

詠懷八首

圓靈杳難問終古靡真詮鹵莽大塊中顛倒佞與  
賢西山有餓夫陋巷無永年澤畔行吟子憔悴沈  
深淵殊非佑善理賦命各有天執理論其常感應



亦偶然

憂坐結孤影岑寂自徙倚願言誦有客相對破荒  
鄙留客籌盤殮素澁乏蓄旨雖非驚座談嗜吟移  
日晷側聞薄俗殊吻頰生荆杞檢畫避語弄惕心  
蹈羣趾不如返寥泝秋陰閉籬枳發詠蒙叟篇緬  
懷鑿坏子

駕言出戶遊逍遙異俄頃郊荒市復喧聞見益悲  
哽族戾人面疑沙響淒風警馬鳴四野空哀角墮  
城景化士握元機心軼萬象屏愧我非其倫噫仰  
青天迴

葆素齋集

辛

挾水灌秋花秋花豈常好緘戶避風侵朝檐溫旭  
杲人力振餘芬未忍迫枯槁譬如半百過容髮不  
自保促景駛流塵徂謝安足道誰假扶衰功留年  
待終老

朱門鐵作樞主易樞不朽邇厥始營時惻惻念長  
久石槨成三年雲母盈尺厚玉魚復金蠶終入巨  
盜手華屋鄰山邱隨遇安所受一日不可料何為  
計身後

經生昧古今援引空義例因革史舊文周正繼殷  
祀用律戒周內陳言寬忌諱曾參誣殺人乃誤同

名字臯陶不呈謨孤負重華帝濛濛太古初無亂  
亦無治胡為易結繩多此蟲鳥累

窮居夙哲安驕志抗微尚雖多貧賤悲未殫饑寒  
况出門乞食歌酣飲飽鄰餉穿胸歲貸錢且知義  
所嚮田家老愛粥浙米不充盎忽忽會衰齒異糧  
安敢望秋蘭促後時寒霜潔空曠

小少習章句手足百事遺二十讀書史心志古人  
期溫飽恥自計飛動張鬚眉常恐同草木腐形委  
堦泥投珠盼光衢孤雲遊天陲結客文酒場意氣  
頗怡怡旂常非偉獲祖德念揚徽荏苒閱寒暑白

葆素齋集

壬

首惟憂危世事與身事蹉跎兩失之此生長寂寞  
已矣復何悲

冒雨謁客望訥拙菴寓齋不得過

窮老廢周旋畏人踪跡屏借馬曉衝泥殊非意所  
逞君盧蠹馬首望望道路梗睠茲風雨深十日匿  
陽景亂水瀾中衢淖淖墜牆穿坐濕悲愴紛氣逼  
心魄冷咫尺良晤艱聚散悟人境思君不能忘土  
牀棲夜永

菊苞盡為風折感惜成吟

野菊寧關命翻因愛惜摧盆移烘日蕊籬舞折風

步悔不高萊侶應成爛漫開分苗到搖落幾許費  
栽培

微陰

塞煖惟憑日輕雲便作寒表遮多病骨簾綴倚風  
闌待炭江冰薄炭車待冰  
堅乃渡馱薪馬力殘本無卒歲計  
翻任客心寬

兒濟屬友人尋藥

憂病兼憂死不言兒子心地荒謀藥早囊溢望人  
深分已甘填壑衰寧尚惜陰沾沾憐爾意強自滌  
煩襟

葆素齋集

王

訥拙菴雪後招集同人齋頭觀菊分賦以

孤舟一繫故園心為韻得繫字

羸驂脫轂門前繫西風剪雪微雲霽六朝裙屐聚  
高齋卧酒吞花羅毳扇傲霜朶向雪中看冰扉煖  
惜秋容閉情恬意靜菊如人幾枝疎放蕭晨麗盤  
餐好客借花開捲願炙硯題詩偈紅螺壓手玻璃  
飛紫鱗白臙青蔬細稷下談奇茗椀深推樞雪射  
寒光砌人生良會本無多况復荒邊蹕危厲暫時  
歌笑勝於愁瓊廬歲月傷陵替昵情被肘行復留  
燭龍烟裊簾櫳綴夜鼓城頭畫角殘寒沙碎玉車

聲曳

曉色

曉色誰能辨晦明朦朧天地入風聲祇無苦雪何  
嫌冷但有微雲不算晴虎魄舊松憐去日馬蹄陸  
草寄浮生羲車早借扶桑照莫逐楊朱路上行

兒婦四十初度請詩

憶汝初拜堂前日轉盼年光稱四十四雖非少  
小同日月舒徐開後秋一雛乳哺兩雛飛生兒頗  
具岐嶷質十年絃績助書聲科名夫壻通天籍六  
珈正擬燦霞衣崩厓忽斷無完石雲捲蓬飄四散

葆素齋集

王

風遐荒萬里情何極二老堂前病且衰來省晨昏  
佐子職兒割青蔬婦作羹聶切手向行厨得承顏  
委曲不辭勞冰霜憐爾何曾歷莫嗟藿第意中虛  
但言井臼由來習莫動荒天流落悲但作茅檐聚  
家室吾與而翁齡數交而翁故國懸消息江臯得  
返舊巢枝交頭拄杖雙鳩立願留老眼看汝老茲  
辰歲歲鄉園集白頭婦奉白頭姑烏口鴻眉遞相  
及回念艱難不匱心語汝兒孫作標的

盆菊和姪康韻

隔歲留根今又開終年矜惜雨風摧秋花作艷宜



人老掬土含香就日栽枝葉影橫新洗硯簾櫳煖  
護舊生苔誰言塞屋無三徑一樣陶潛籬下苔

不合

不合服為魚何因罪豫且世情甘汨汨吾道自遽  
遽眼白霜盈路囊寒雪映廬鄰牆驚夜犬祇覺吠  
聲虛

題友人讀書樓

層木便為樓登臨耳目幽皮堆書送日枕藉屋如  
舟曠野瞻雲闊空檐聽雨秋未須高百尺興已足  
林邱

葆素齋集

書

靜不關禪寂居非好學仙抱深賢聖理眼沙混濛  
天墨潤研朝露窗深鎖暮烟與君多難後滋味祇  
殘編

讀晉書

典午貽謀絕古今一門如寇戟如林析圭本重維  
藩計與甲誰非問鼎心手撫御牀知可惜幃分宮  
帳恨尤深中原誤責王夷甫談笑何由致陸沈

閉門

莫訝閉門久開門何所之杯紛蛇影動人幻馬頭  
疑徑草湮殘雪原沙隱斷埤知稀兼地僻事事嬾

相宜

偶閱姚合武功縣中詩音調清越節響自  
然愛而擬之並次原韻

半世輕奔走垂衰入塞塵幾時還故我到處不如  
人耳目驚新局風霜損舊神自嫌宵壤內多此有  
無身

履危無善策常訝昔賢疎世遠空持論身親不在  
書落花埋玉塵宿草泣金魚老信沙門語人間事  
事虛

冷落成閒曠朝昏兀兀過地荒生氣澁天迴夕陽

葆素齋集

圭

多香葉鑪分火畦蔬手界窠借端消日月閉戶長  
青莎

老去無他望悲歡豈足論也知來絕地祇作住孤  
村孫種花盈園兒扶杖到門高吟成五字自命一  
宗言

訥拙菴見過

柴門晝閉靜如山驢背斜陽客叩關宿雨氣留沙  
徑冷沸茶烟逗紙窗閒語深漸覺羈情愜履險同  
悲世路艱莫話九天身過事蕭蕭殘夢鬢毛斑

仲孫至卜魁

知爾難來喜爾來顛連踪跡費徘徊貧裝子影因  
人到羸馬殘春凍雨催拜起凝眸驚老瘦坐牽依  
膝拂塵埃重闌望眼三年淚懷抱今時得暫開  
幾回書信瀋陽來急欲看還不忍開孩稚竟多經  
歷語艱難堪鍊老成材病憐藥餌從誰得心戀庭  
闈入夢催且把征衣作萊舞團圓強慰雪風堆

仲孫持花作瓶供

野花綻綻媚顏色嬌孫乞向樵車得幾枝珍重護  
殘紅倒掩斜陽衣袖側入門笑語歡容掬持供蕭  
齋慰幽獨沙寒四月不知春忘却郊原芳草綠窵

葆素齋集

五

瞿注水筆牀西悠然生意含茅屋塞草邊花不問  
名偏翻几上遊風馥且養浮生草木年孩提心志  
衰殘目

同訥拙菴出郊移芍藥次韻

漫從丹砌憶芳辰逸興何妨接塞塵好友約鋤三  
徑雨野香分載一車春平原艷雪風翻浪歸路斜  
陽蝶趁人幽賞願同詞賦客調高遲和謝盧綸

賞花詩有願同詞賦客之句

移花歸途書所見用東拙菴

半日羸驂作往還路穿人在野花間欹風燕雀涼

雲晚卧草牛羊落照閒瓊幕一家依水屋沙堆五  
尺傍城山他時再訂尋芳約羈恨偕君且共刪

聞水部郎中陸松原從軍憶之

幾時暫別含香署塞馬長嘶春草風此日轅門應  
載筆愧無詩送陸郎中

錢起有送陸郎中詩初署含香別轅門  
載筆過

雨

猛雨忽連朝衝堦隱暮潮門通平野闊天入斷雲  
遙炊稗遲鄰火裝棉急夜飈更聞短牆外亂水馬  
蕭蕭

食力耕無地關心歲有天燒畬霑野足飽飯冀殘

葆素齋集

五

年雨止雲光濕烟深鵲語懸晨興營菜圃倚杖短  
鋤邊

訥拙菴示苦熱詩次答

暖雲不到塞馬骨凍寒陸魂懾塞上篇殫歲歌黃  
竹驕陽忽恣威暑氣凌短屋無陰憩宇宙寸心然  
槁木結念青谿鄉碧林過雨沐殘鶯曳暮涼曉露  
帶風謾黃沙萬里燥跣足傷遠目冷暖祇自知已  
甘抱影獨詩客響清音如聞遠山瀑候蟲促商飈  
怯寒願長煥

立秋前一日過訥拙菴



思君過君廬曉露覆茅芭門裏繞青蔬門前橫野  
水嚶嚶鶯鳴羣寂寂柴桑里下車不寒暄顏色各  
歡喜斗室清且靜草綠上窗紙移來昨日花枝枝  
綴新蕊坐我剪園葵煮米羅芳旨借枕午夢酣豁  
目移半晷叩門更誰來同難二三子縱談無古今  
悔吝叩易理買酒看傾觴往事紛如指古來遷謫  
地寒陋不及此涼雲勢欲雨曜靈墮西趾幽栖且  
任時明日秋風起

邊城秋易到物象已森森但覺蕭條氣先歸落

葆素齋集

天

心天容含日淡野色度風陰永夜從茲始三年冷

夢深

遊胡氏莊

適人今日園昔日戎官墓白板敞平原寂歷短牆  
樹席地坐涼陰柳蔓綠成路門前灣淅淅清  
波度採菱獨木舟深入蓼花處水光蕩雲影高下  
互吞吐望中蒲葉香搖曳晚風住憑弔亦蕭然幽  
曠隨所遇豈稱名勝遊聊涉烟水趣三年羈旅悲  
賢眼飽塵霧

種麻詩

悲風吹白楊古人歎荒裔茲地鮮寸木野綠貴幽  
砌種麻短牆下非為農桑計十枝五枝高葉葉自  
翳翳竹影千竿搖梧陰百尺墜雖非梧竹姿彷彿  
得其意細雨響疎簾風入秋聲遠掩映翻朝光能  
令白日翠窮老無所為培植耳目寄蓬生況滿眼  
迴直愛標異凋落貴穹蒼且緩寒霜墜

夕陽

萬里荒荒白高城鼓角喧有天歸大海無地避黃  
昏野水寒沙影秋風古道痕來朝知己近不用戀  
餘暄

葆素齋集

无

曉枕

老眼曉難合幽窗景漸移鐘殘他日夢韻改昨宵  
詩鵲語喧低幕車音響破籬甕虛知米貴不敢問  
朝炊

雨

雁叫孤城烟罩樓黃沙堆上白雲浮蕭蕭一夜西  
風雨吹作邊關滿地秋

齋前

粉莢舒艷綠堆麻秋葉翻紅壓露斜差勝西溪盧  
處十滿庭蕎麥雨中花

郊眺步入菜園

步出城南隅曠野呈秋色亂水一天橫孤村獨樹  
直微風懸古埤雲影散廣陌愛茲晚日暄蕩歷郊  
原跡坦仄信所之聊試衰脚力道逢灌園叟坐我  
畦上席摘瓜抱蔓垂兒童爭手劈洗燕渴吻涼香  
沁心脾液買蔬刈滿筐歸壓奚肩碧

秋圃二首

我有一畛地乞種分鄰疇今年雨澤愆早寒霜氣  
適瓜窮抱空蔓菰根委道周奴悍蕪不治呼之如  
有求荷鋤常自往明月照白頭既乏灌溉力耰植

葆素齋集

三

鮮良壽始信老圃學亦非汗漫謀驕情悔夙習青  
門且故侯

摘豆除豆架豆枯架先頽荒蒿滿牆脚野葵無完  
枝束之皆為薪曝日供朝炊瞬眼空諸有轉與曠  
懷宜草木無成心榮落隨天機人世春與秋閱歷  
曾幾時寒蟲戀蓬根鳴沙卷風堆落日下泥屋坦  
逕流餘輝

八月十八日雪

四溟揚同雲逕冷人跡絕三年塞上人三度塞上  
雪秋半已浮空商飈鼓寒節元陰淹且長心悸來

日月裘質不可披穀貴費不熟抱此饑寒骨領受  
天意活琅琅越鳥吟歌聲出店楔

病枕

窮邊人值窮冬夜病枕蕭蕭夜漏聲風動薄衾燈  
半滅月明殘雪鼓三更親知有信頻頻死弟姪無  
家蕩蕩生珍重枉勞餘息在填胸情事日縱橫

倣趙嘏十無詩得四絕句

蘧廬肝臂著微軀草草年華過隙駒回首幾多虛  
度事半生殘夢記來無

月席吟牀舊雨徒幾人霄漢幾泥塗閒將姓字書

葆素齋集

三

殘紙已是人間半有無

牧馬嘶風百草枯黃沙堆裏聚蜚弧笳聲冷月雞  
聲雨添得羈人白髮無

螭陸香含畫省鑑浮名槐國憶模糊笑留寂寞千  
秋事何代詩名水部無



述本堂詩集

桐城方登嶧鳧宗著

葆素齋古樂府五十八章

行路難

落日在野白雲在天嗟彼行役歷山與川山峻峻  
兮水淙淙之子何適兮去故鄉少年輕作客離別  
等歡場輟履經異縣驛鐸遠相忘蘭舟桂為楫白  
馬青絲韁所至無拘束意氣頗自揚悲哉遠行子  
執戈戍邊疆邊疆道路阻且長冰雪載我衣裳豺  
虎伺我道傍昏晝絕伴侶一食如弗遑行路難路

葆素齋集

漫漫荒荒白日西風寒

妾薄命

莫謂妾嫁遲盈盈十五如花時勿謂妾奩薄珠玉  
明璫金錯落記昔歸寧父與母父母千金為君壽  
丁寧白髮長相守春意此時濃春風時在口侍寢  
不煖席恩誼豈云厚桃李盼芳菲忽作霜中柳朝  
起攬衣裳趣下君子堂君子堂前羅琴瑟願得閨  
中好顏色新人莫似舊人癡年年燕婉縈君側

君子有所思

有所思思無方有所思思未央東方未明星斗弗

光攬衣夜起中心徬徨嗟我骨肉託跡何鄉嗟我  
邱墓松柏不得成行雲流雨散哀鳥分翔屬念曩  
昔逝水湯湯西風未動青草黃紅顏未改白髮長  
丈夫一生何草草回頭莫望長安道

白頭吟

握石擊池水水破天亦破青天過飛鳥水底行影  
墮形影苦相依百年亦易過所悲非棄捐所傷在  
遲暮朔風吹楊枝根蒂豈能固多少美人心都被  
琴聲誤君心淡如月妾意皎如雪萬一揣君心反  
覆無斷絕斷絕復何言憔悴那能說

葆素齋集

隴頭水

隴水咽行人別隴水分東西鳴隴水去不相顧望  
見隴頭雲纔知征戍遠不歷險與深不知大道坦  
天捲霜海空蒼茫白日緬莫道不相思相思如九  
轉

獨漉篇

夜夜聞水聲水聲流不絕朝流日暮流日月有  
時窮讐怨無時滅牀頭寶劍鳴出匣光如雪舞向  
階前兩眦裂奮飛直欲上青天掘地直欲及九泉  
九泉杳杳長夜難曉青天不梯無言悄悄南山虎

北山鴟我欲從之非其時水聲夜夜流不絕風吹  
水紋化為血

邯鄲才人嫁為廝養卒婦

昔駕雲中車今為濁水魚昔為蘭上露今為道旁  
芻邯鄲佳麗地妾家叢臺隅父母及鄰里艷惜如  
明珠自侈金屋姿鼓瑟終歡娛珊瑚綴寶髻百合  
薰羅襦誤上咸陽道團扇長悲吁容色不可恃恩  
怨徒區區勞役自所甘冰雪湮泥塗花落無迴枝  
水傾無反孟託身慎所往寄言東家姝

公無渡河

葆素齋集

三

剡木不為舟采石不為梁欲渡無終期蓄眼空茫  
茫剡木必為舟采石必為梁亂流不可渡欲渡空  
自戕進退兩相疑洪濤險且長渡者長已矣徒令  
見者傷急絃有斷聲緩步無裂裳夜半彈箜篌冷  
月天蒼蒼

沐浴子

湘江之水碧且漪愛此清流者為誰孽芳芷兮播  
江蘿浴蘭湯兮沐咸池清流日以遠濁流時復深  
沐髮須沐手浴身先浴心身潔心不潔手污髮益  
結讒口溫而酷斧斤剮玉屑

戰城南

月落日吐城南鳴大鼓將軍策馬躍黃沙十千甲  
士拔刀舞行逢道旁人奔道敵如虎敵穴鳥可近  
前路正莽鹵掘地不及泉渴軍無整伍嫖姚報主  
心詎在關疆土要以不世功永禦天驕侮男兒志  
膏原寧復論辛苦唏哉古戰場猶餘骨未腐春草  
茸茸秋草寒野犬吠風狐嘯雨

野田黃雀行

高不必岱華深不必江河微沫且浩淼片石殊嵯  
峨君子感心德被恩不在多芄芄野田中黃雀飛

葆素齋集

四

啄禾啄禾不飽腹毀羽櫻矰落莫教餘息盡歸來  
勤撫摩雖為籠中身飲啄猶婆娑待爾毛翮完去  
去鳴高柯平時感且深况經網與羅

車遥遥

車遥遥路多岐將何之東遊賜谷西咸池路長莫  
騁轡轡急輪易摧前車不可挽後車軒軒其來馳  
執勒語僕夫爾何遑遑為後車翻笑前車拙終古  
車聲無斷絕羊腸空詰屈蠶叢匪嵒嶮坦坦大道  
中多少覆車轍

猛虎行

古猛虎行餓不從猛虎食寒不



從野雀棲

猛虎食人人殺虎爪牙脫落縛如鼠食者為誰殺  
者誰微茫倚伏更誰主野田穿高山弩適往逢之  
虎自取昨日食人骨未化斑斑已作文茵藉寒林  
野雀遊子驕長鳴鼓翼東風下

枯魚過河泣

過河陰河泥深過河陽河水狂泥深不掉尾水狂  
鱗易傷水來驅我去我去悲倉皇蛟龍且寂寞安  
問鯉與魴不麗于留不索于肆身在洪濤中顛倒  
渾閒事醒目看河流風波爾未休

蓀素齋集

五

臨高臺

臨高臺悲風吹我四面來我欲凌風直墮江之隈  
身無羽翼心徘徊白雲高悲風飄我欲遊心寄白  
雲風吹雲去旌搖搖悲風爾何來白雲爾何去故  
人音信稀薜蘿草塞霜路新情亦渺渺昔愛結中  
情黃塵滿眼天一綫落日銜山看不見看不見臨高  
臺拍手烏烏歌且哀

空城雀

有雀城中生飛飛啄四野歸來城上鳴城中滿殘  
瓦冷月不照屋銼斷倉無粟夜風搖枯桑飛向何

枝宿誰家骨月散如雲幾處園亭卧麋鹿阿房一  
炬成邱墟館娃宮裏無人居三尺蓬蒿春雨綠啾  
啾莫向空城哭高山別有營巢木

疇昔篇

感感念疇昔疇昔君莫念疇昔有悲歡疇昔有恩  
怨怨忘恩不忘悲往歡難戀毛髮頓成絲歲月掣  
飛電事過即夢寐尋之安可見祇有悔心多終身  
負夙願

烏夜啼

朔風吹雨雨不下家家屋上烏啼夜啄屋莫彈烏

蓀素齋集

六

留烏聲啞啞傳道夜烏啼明日君王赦

行行且遊獵

所志在晏樂晏樂困精神所好在書史書史能誤  
人不如且遊獵駿馬騁郊垌長弓張繁弱大矢剪  
雕翎一發獲澤雉再發獲山獫射石沒其羽桓桓  
李將軍下馬復上馬趨捷猱與猿夜旃聚儔侶引  
酒氣氤氳快志述所歷雪深野草燔有時事戰鬪  
死別輕一言奔輓豈足道萬里如及門千古鼎俎  
中脉望多游魂矯矯游獵子一往志奇勲

相逢行

車馬日以喧相逢不相識豈無相識人道路苦偏側車馬鳴來音風雲杳去跡逍遙東南隅耀景無顏色恨恨寒暑心閱世等木石出門修交遊息壤要舊德相識亦已淺况比枿鑿格人情樂相逢相逢豈易得

### 豫章行

松耶栢耶豫章之木高榦牙生何年山之顛青蘿紫葛相纏綿纏綿歲月長霜露鬱以蒼食地德飲天光誰為匠伯斧斤是戕枝葉不自保隨風各飄揚洛陽宮殿摩天閭行將用爾為棟梁雖為棟梁不如層岡雖在洛陽不如豫章高處不如生處穩况復征人憶鄉井

### 蓀素齋集

七

### 少年行

五陵豪貴多錦衣雙赤舄驥躍天衢騰臙列彛馬翩翩美少年口辯舌如戟自言卿相子拜官逾常格入登白玉堂出為二千石几上羅黃金後門來狎客鄉里駟僮兒拾言如捧璧出門親故逢却顧如不識著意事君王百事烏足惜人生富貴場祇計朝與夕何用問來朝遑復說曩昔

### 秦女休行

女報仇也女秦人名休

一尺髻三尺刀仇人頭在女腰渭水深華山高血風腥天冥冥手提髑髏上孤塋法吏執之告天子女欲報仇先辦死嗷嗷鳴赦鼓多少男兒汗如雨

### 東飛伯勞歌

東飛伯勞西飛燕細雨飄雲看不見楊花陌上送行人行人西去車如電黃塵衣裏塞風歸十年冰雪妻兒面關山樹休迴顧磨劍答君恩老馬能知路纔得入邊城又出邊城去早歸來春欲暮營巢燕子自西東飛飛各有銜泥處

### 折楊柳

### 蓀素齋集

八

楊柳枝高復下昨日繫人車今日繫人馬客中送客淚盈把采采陌上花春風吹到家足踏路旁草青青成古道我折東南枝寄我故鄉思長揖向君前作君手中鞭看君上馬風旋旋風旋旋千山路裊娜河邊春復秋長條不管人來去

### 雙行纏

新羅繡雙纏步步邀郎顧妾足不隨郎妾夢隨郎去寒雪滿天山莫被封侯誤

### 作蠶絲

蜘蛛吐絲結羅網春蠶吐絲織衣裳網羅結就百



蟲死衣裳織成紈綺光蜘蛛飽食春蠶煮桑葉青  
青時幾許採桑女兒手絡絲絲絲縷縷皆辛苦

自君之出矣

自君之出矣春雨桃花片但恐君歸來不見桃花  
面

自君之出矣蘭膏已減半但恐君歸來兩鬢如絲  
亂

巫山高

腰環環上高山山下紫芝猶可採山上白雲不可  
攀攀雲上天問消息虬龍百尺虎豹九關吹笙擲

葆素齋集

九

笛仙馭班班飲我沆瀣漿碧椀雕琅玕與我訂後  
期慷慨贈以言但言霧深不藏日雪積不匿山我  
行兩足歸蹢躅風吹衣裳動恍惚夢寐間巫山高  
何巔岼端居想像巫山顛

洛陽陌

洛陽陌上花春色年年度勸君莫向陌上行陌上  
春風留不住梁園金谷事須臾多少繁華眼中霧  
歌何處哭何處草似茵人如驚五更殘月烟籠樹  
君不見洛陽城外陌千條條條都近邛山路

青驄白馬

青驄白馬紫絲韁太行北面誇良馬豈易得

脂車出邊疆驅馬駕車草白秋草蒼四

蹄沙沒行且僵但願征人豈惜骨高尾禿

烏啄瘡征人道死枕馬足長弓大箭棄路旁功成  
名姓不可得誰其錄之奏明元

前溪歌

溪前片斜陽色郎在溪南妾溪北春風吹水綠

如亦風急水長行不得岸邊野鳥爭啄魚驚起波  
心魚拍拍

夜度娘

葆素齋集

十

欲度不度郎心非故月落溪水昏不識溪邊路溪  
邊楊柳飄如雪儂心不與郎心絕願郎珍重好時  
光容易天涯芳草歇

企喻歌辭

千山復萬山但行莫問路男兒不因人慷慨隻身  
去

新買五尺刀舊磨三尺劍報恩與報仇何必旁人  
見

岐路自悲歌沙場聽鬼泣豈不惜艱辛功名須自  
立

青山埋白骨到處邱與墳男兒但富貴到處鄉與井

雉子斑

風何巢兮鶴不在陰林木菊兮谷草深矰繳布兮  
四野藏不密兮罹組礎雌雄羣逝兮山之岑將爾  
雛兮悵悵韜文彩兮身沈沈麥秀漸兮向虛壑和  
鳴朝飛兮援素琴雖非其時兮鼎耳不可以升疏  
趾而自衛兮毋遺爾音

采葛篇

種葛復采葛葛絲細如縷織成絺綌衣為王睦鄰

《葆素齋集

士

宇葛蔓青雨淋淋葛葉黃風琅琅采葛不辭辛與  
苦君王惻惻其念予吳江水接越江渚會稽山前  
千萬戶還我君王之故土千人萬人皆得所采葛  
不辭辛與苦

遠如期

遠如期遠不如期我之所思山川阻之中心是悼  
嗟生別離瞻彼鴻雁南北紛飛惠我好音事與心  
違人世閱歷無幾奈何日月冉冉其雙馳爾胡中  
道忘我為登高望流水彷彿西江湄我寄長相思  
水流無盡時

梅花落

不見梅花開且唱梅花落花落想餘芳花開憶初  
萼開時祇到落時已朝朝暮暮寒光裏縱有春風  
吹上枝冰姿雪態無改時飄蕩辭枝漾九陌陌頭  
踏作泥痕白花飛不識邊山路月光雲影長河度  
一聲長笛向風吹送伊片片江城去

艷歌何嘗行

樂何嘗聽我歌人生憂患常苦多少年不省憂與  
樂黃雞白日相蹉跎幾日烹羊沽美酒幾時珮玉  
鳴雙珂華堂說劍邀俠客秦箏趙瑟裁吳羅長吟  
廣燕燒樺燭清流意氣高凌摩盛年不可再良時  
何易過春榮之景乍消歇長河之水無迴波我心  
孔疚誰咨嗟憂多樂少將如何

權歌行

江水滴瀉湖水清海波澎湃河水渾揚舲鼓楫上  
銀漢星斗倒垂日月翻蓬萊山頭拾瑤草更有神  
仙在三島拚得風波無已時權歌聲裏烟簑老  
破斧歌 夏后氏孔甲田於荻山大風晦  
冥迷於民間主人方乳或曰后來是良日  
也必吉或曰弗勝也之子必有殃后乃攜

《葆素齋集

士



之以歸曰以為余子孰敢殃之子長成入  
幕動折櫟斧斫斬其足孔甲曰嗚呼有疾  
命矣夫乃作破斧之歌

賦命各骨肉不能貸憂樂賦命同聖賢帝王域其  
中命在天蒼蒼者高孰與傳命在我今日不知來  
日可魚潛淵底馬食陸鳥不日黔鵠不浴蒼山小  
兒居深宮幕動折櫟斷兩足

于闐采花

朝采玉暮采花采花飾容色采玉琢香車主人愛  
花兼愛玉雲絲撒地春風綠玉有香花有色不問

葆素齋集

三

天南與地北花枝斜壓玉人髮璫璫醉睡芙蓉月

子夜四時歌

東風杏花雨吹來春滿樹坐看雙燕子容易自來  
去

湘簾印眉梢微痕鏡中見過午不梳頭倚牀落圍  
扇

梧桐葉半飛籬菊黃初綻關山千里心寒塘一聲  
雁

淚結枕前冰風響窗櫺雪長夜照儂心怕教紅燭  
滅

聽鐘鳴

聽鐘鳴鐘鳴聽不了破寺荒城月照人戍樓殘月  
烏啼曉一一數鐘聲鐘聲分外明

聽鐘鳴心逐鐘鳴去十里長干塔火明春江潮影  
春山樹一一數鐘聲鐘聲攪客情

悲落葉

悲落葉落葉去紛紛風吹落葉如浮雲浮雲日日  
飛落葉何時歸飄零各不見繚亂繞空帷悲落葉  
落葉不勝悲憶爾青叢稠疊時千枝百枝映高閣  
沈沈碧雨春陰擴

葆素齋集

古

紫騮馬

莫飲長城城畔水水寒影墮層冰底莫嚙天山山  
下草風嘶聲凍榆關道莫誇玉鐙珊瑚鞭長安輕  
薄多少年莫羨金羈仗前立終日不鳴鳴便斥春  
風四野新芻綠伏櫪拳毛飽餘粟九臯且莫輕相  
顧奇材多被虛名誤

昭君怨

憔悴甘心妾自悲六宮猶自有蛾眉從今聖主須  
斟酌莫似從前信畫師

雞鳴歌

漢儀有雞鳴衛士宮中與臺並

不得畜雞五更未明衛士於闕下起唱

月閃閃星點點珠絲香抱芙蓉歛五更慢何時旦  
銅龍響徹紅雲散霜滿臺環珮來司馬門前疊鼓  
催雞聲度啼不住城鷄飛上宮中樹

### 君馬黃

君馬黃我馬赤下馬相逢與君揖我馬緩君馬急  
倉卒追之不得及不得及櫻君怒黃河遮斷關山  
路關山路遠去復來西風吹雨鼓鞳哀鐵騎一嘶  
雙淚墮報恩破家家又破幾時齊唱凱歌回武皇  
殿上千官賀

### 蓀素齋集

十五

### 幽州馬客吟歌辭

馬鳴大澤中漫漫愁雲暮草枯呼馬歸草青放馬  
去

月照弦上圓風鼓刀頭盪鎮日說弓刀令人神氣

壯

素絲染為緇誰能變顏色盜跖飲廉泉心志改不  
得

鳥鳴高樹顛側目樹間路悠悠行路人日日有新  
故

吐懷結相知不在新與舊健兒識良馬不在肥與

瘦

黃禾滿地黃有錢不滿囊羸馬有時起作人難自  
強

古樂府本辭黃禾起羸馬有錢始作人

### 地驅樂歌辭

錯錯愕愕飲酒不樂碑盤王敦陳彼藜藿  
撞鐘播鼓殺狼與虎虎來搏人誰其助汝  
勞利勞利長鬣短翅爾之所歡我之所棄  
採桑摘蔬莫終棄我郎喚我歸笑言如嗟

### 牆上難為趨行

蝸角不為廬蟻穴無乘車勸君斂雙足牆上難為

### 蓀素齋集

十六

趨牆根植桑條牆頭生薜蘿蔓草糾縈之高下無  
分殊中林遊雞豚落日下城隅淑景不自保霜雪  
戒其途居卑不願高君子常自污

### 洗面歌

白日照面不照心長河之水渾且深飲水洗心先  
洗面日日與儂好相見春風繫馬垂楊口馬蹄泥  
薄楊花厚大堤女兒夜踏歌三日不見將如何

### 盤中詩

此題諸本皆不入樂府意以為

未被管絃也然魏晉六朝題載樂府而詞

不被管絃者甚多是篇與房中大山崔諸



章音調絕似擬之而列樂府之一

木刻鳩紙剪馬飛山頭走山下露貫珠紉為襦雲  
裁衣爛光輝是耶非孰辨之六月桑吐蠶絲冬之  
蕙茁新枝爾所思非其時素者髮丹者淚心惻惻  
老已至骨月殘風雨駛寸有長尺有短雙輪馳不  
可挽我所急天所緩擊瓦鼓聲烏烏白雲滿天歌  
且呼歌周四角旋中區

少年時至衰老行

天不願參與商地不願滄與桑不願高堂繫寶馬  
日日沽酒烹肥羊但願少年至衰老一生完好無

葆素齋集

七

悲傷少年意氣中年休齒牙漸落霜盈頭衰年坐  
憶少年事恍如夢寐難追求水中之萍東西流白  
雲出谷去不留古今上下空悠悠

大道曲

誰來大道南誰行大道北日日道上行到底不相  
識

懊惱曲

抱月滿懷光不入岸水滿身骨不濕藕絲作線穿  
露珠竹節心虛那得實邯鄲女兒雙明璫玉川老  
婦春黃糧魏其到死不相負灌夫宗族橫其鄉海

水黑立波濤狂海船借風篷脚張茂陵烟雨青草  
長頭白不綰通侯章墜樓人去金谷荒琵琶作語  
音琅琅世間恨事無不有羌笛聲聲怨楊柳劍光  
三尺白於霜千古恩仇一杯酒

借米為炊飽升斗昨日豈知今日有鄰家殺羊沽  
美酒明日得如今日否晨興帶露看花苗昨日不  
如今日高春風二月千花嬌今日爛漫明日凋天  
時消息眼前事誰能便作終身計著袪著溷落花  
風花不怨風風無意鼠肝蟲臂亦何為但覺人間  
總兒戲

葆素齋集

六

江上之風清且寒江中之水生波瀾江風吹雨不  
到地乃在片言杯酒間杯酒間歌且歡恩如水怨  
如山勸君恩怨等閒看白日過午天地漫漫青天  
不老白髮苦早僑肸交情生到頭張范交情死未  
了

行路難

餓夫獲珠玉不如一飽藜藿渴者對梁肉不如飲  
水一勺寒衣吳羅與越葛不如敗絮層層薄老遇  
神仙求大藥不如少壯時事事堪行樂吁嗟乎人  
生百年如行路路邊風雨何曾住

述本堂詩集

桐城方登嶧鳧宗著

葆素齋今樂府三十章

繫馬東城隅

東城何嵯峨參雲爛朝光雲中樹如薺宮闕金鳳  
凰問君將何之繫馬城門旁行行重行行荷戈戍  
邊方路傍有古寺小立塵飛揚親戚走相送下車  
各徬徨白髮把素手稚子牽衣裳為我結勒轡為  
我理索囊但言歸計疾不言去路長語好心益痛  
銜淚羅酒漿意言兩不盡暮景橫津梁櫻彼甲士  
怒眦耳嗔悲涼男兒自有志慷慨萬里行白髮重  
把手稚子復牽裳揮袖不延顧驅車向斜陽回首  
望城闕城上天蒼蒼

長城行

天下一家人長城亦何有何事城邊白髮翁鏐鏐  
戈鋌猶在口祖龍築怨空流血轉使兒孫守不得  
茫茫宇宙二千年有此翻令成偏側山海關前山  
海半城立山頭海接岸傳聞萬里自西戎古來征  
戍何曾徧秦關漢月兩無憑西風吹落行雲斷飛  
鴻不覺往來難銜蘆歲歲行如線沙漠青烟天一

概山腰高下城橫帶車音輓輓馬蕭蕭一程初遠  
長城外

望大路

出門望大路大路坦以長行人日夕過渺渺塵飛  
揚不知行者誰安問來去鄉手中何所執駕馬名  
利韁足下何所踐綠草年年黃揮淚別親戚雨雪  
衣衣糧不辭久辛苦牽牛服車箱沙風捲馬毛落  
日滿大荒飛飛長天鳥四海將安翔

感感詞

感感復感感秋風吹黃鵠雄飛雌不飛雄死雌影

葆素齋集

獨饑不食鄰巢穀寒不借鄰枝宿啼聲夜夜寒更  
續聲楚楚啼何苦門前多少野鴛鴦行行飛渡橫  
塘雨

迎神詞

朝迎神夜迎神長歌短舞來六靈主人百拜主婦  
跽熒熒滿堂燈燭青蕭蕭擊鼓搖鸞鈴懸腰剪綵  
舞莫停磨刀霍霍猱哀鳴肥脂具設酒碗盈冠袂  
刻坐主與賓筵牀上下盤餘馨飽餐不謝出門去  
巫前致祝歡盈庭牛羊蕃息馬蹄健行者歸來居  
者寧



禮斗詞

仰晨宮兮六天朗焜耀兮度躔握靈樞兮中宅位  
坤儀兮德乾虬御兮孔蓋雲旂兮霞駟熠羲娥兮  
同懸好生兮纏綿拯萬方兮九淵嗟予生兮迍邐  
觸中流兮罟筌昧所從來兮惜顛攬指兮繫駢塊  
獨內省兮繫余愆亭毒夤夤兮默且元有懷莫告  
兮仰瞻晞余髮兮浴泉掬辛荳兮宵夔吻呐兮  
心宣治怙照兮續考官宜民正兮鑒且援昭翔臨  
兮聲淵淵撰駝轡兮遄旋

燈官曲

葆素齋集

三

官乘馬吏擁燭馬來不許行人觸昨日街頭駟僮  
兒今朝馬上威儀肅燈政司門字大書放衙人跡  
奔如鹿夜火南門三里紅行行虎侶聲徵逐官何  
除目吏何司將軍令釀邊關俗月落燈殘元夜過  
不知官吏誰家宿

歲瓠船

臘溫江邊歲瓠渡江口行人日來去不聞江岸集  
烏樯但向山中剝獨樹獨樹剝成似葉輕長身窄  
腹波上行不帆不槳一篙水破月飄烟縱復橫有  
時縱橫撒大網網得大魚供客餉有時並榜過輕

車車輪縛木篙徐徐朝朝暮暮濤聲裏秋風吹雪  
江冰起幾日江冰凍不開曳君長卧枯蒿底

斗魚歌

大魚箇小魚斗權衡不識漁人手四月江冰坼十  
月江冰結冰坼網江心冰結求魚鑿冰穴賣冰魚  
冰滿車冰鱗刺手紅衣裾剪布提筐換一斗恰值  
鄰家饋我迎神酒

塞春歸

楊柳三月花醺醺四月露不見有春來何處送春  
去飛雪大如掌風吹衰草路

葆素齋集

四

掘土窖

覆者草負者木高如墳深如谷掘地十尺藏新穀  
溫其中曝其外掘地五尺藏而薤烹而薤煮而穀  
雨雪三冬萬事足勸爾莫藏穀今年穀不熟道旁  
饑人懸釜哭

舁茅泥

冠屋一尺茅衣壁三重泥衣薄冠不高寒氣入中  
帷春莖茅秋負土土莫冰茅莫雨秘我庭戶殫辛  
與苦誰為之地所宜誰其念天致之天致之烏可  
違爾欲違之將安歸

苦霜歌

甜霜著花秋未老苦霜著花日初杲如出湯鑊委  
泥沙寸綠微莖跡皆掃纖雲不翳夜氣清傳聲霜  
兆明朝曉誰家別婦怨啼鳥何處行人踏衰草木  
樺山芙蓉沼夢中人唱江南好

塞上月

塞月不照山塞月不照水夜夜照黃沙起落笳聲  
裏曾照幾人還曾照幾人死

寒號鳥

遼東千山有之

千山有鳥哀鳴夜悄凍殺作窠明朝起早

葆素齋集

五

瞻彼林杪日出杲杲得過且過其音肆好  
明日明日哀鳴以老誰有羽毛誰長溫飽  
人生百年水浮雲杳得過且過人不如鳥

王千哥

邊山有鳥每於夜半輒呼王千

哥至千百聲哀切不忍聞傳昔有人入山  
斫獲相失遂呼號死山中化為鳥當獲盛  
處則三匝悲啼隨聲至其地必見五葉焉

王千哥山之阿王千哥江之沱叫爾三更口流血  
草長樹密風雨多生同來死同歸爾何依我不忍  
先飛但願世間朋友都似我同生同死無不可

打貂行

打貂須打生用網不用箭用箭傷皮毛用網繩如  
線犬逐貂貂上樹打貂人立樹邊路搖樹莫驚貂  
貂落可生捕皮完脯肉供七箸索倫地名打貂三百  
戶白狼蒼鹿賁同赴九天閭闔上方裘垂裳治仰  
雌蟲助

老槍來

俄羅斯國即古大食善用火槍

故又以其技名之相傳元世祖得其地立  
弟為可汗鎮之至今國主猶元裔也其邊  
界泥撲處城與艾渾接水陸道皆通歲一

葆素齋集

六

至卜魁互市其人性好鬪至則弁兵監之  
老槍來江邊滾滾飛塵埃七月維秋鬻彼馬牛馬  
牛澤澤易我布帛大車是將爰集于疆來莫入城  
俟

天子命以行

天子曰都遠人適館餼以糈高顙眇目卷髭鬚狐  
冠革履遊中衢觀者鼓掌相軒渠歲以為期今日  
月徂歸去歸去秦爾牛馬駒

貪狼行

白狼貪饕下牆走夜破鴨闌碎鴨首銜之過牆不



知處朝起主人空拍手鴨不啼池中萍鴨不息大堤柳置身乃在豺狼數安得強弓硬弩射狼狼盡無肉腊金盤飲美酒樂哉四座皆上壽

### 犬狺狺

犬狺狺驚碌碌日走牆頭夜上屋牆如平地屋如窠卷毛掉尾爭相逐不吠偷兒吠路人路人頗有衣冠族兵家獵犬炕頭眠狀比豺狼聲似哭千羣百羣似人粟

### 霜遲樂

七月不落霜卜魁城邊縻子黃八月霜不落千夫

蘇

七

百夫下田割官田刈穀載滿車官兵急公先完租毳帳牛車十日路驅向城中易茶布和茶煮穀布裁衣卒歲不憂寒與饑人人盡樂霜遲好蕎麥沙田收更早但願年年不出兵官兵都作農夫老

### 賣糧謠

密雲壓雨雨不飛涼風吹動清江湄黍麥不熟牛羊肥牛羊日飽官倉粟開倉賣糧三百斛買糧不是絕糧且喜賣糧金滿簾酒如泉弗貫肉呼同心夜秉燭

### 木石謠

墨爾根艾渾深山老樹為風雨

所摧卧地數年輒變為石質色堅青木理宛然榆為上祚次之其皮不變故可辨也卜魁墨爾根艾渾皆無石用以礪刀箭甚利

莫鑿木木已摧笑爾面目非本來莫劖石石不久外面雖堅裏面朽木耶石耶伊誰之質耶莫辨莫辨利爾刀箭

### 悔莫追

悔莫追悔莫追人生百事與心違貧賤待富貴少小需壯時壯時容易失富貴不可期兩兩告相待遂令心志衰咎其在我將誰歸白日易落黃雲飛夸父追之空爾為

蘇素齋集

八

### 將軍獵

霜落家家磨箭鏃爭道將軍獵平陸幾回騎馬復騎歸野外風晴寒不酷佇眸十月雪彌天凍草蒙頭冰結腹此時躍策馳林岡蒼鷹翅硬韓盧突冰洗刀鋒雪擦手夜深人抱羝羊宿平明上馬五更飯毳帳火紅千點簇黃羊雉鹿積如山弁卒驅車西入關關吏記名檢毛角尚方七箸陳瑯盤黑雲罩地黃沙飛八百甲士同時歸鞍上帶禽衣帶血

蒼白不辨鬚與眉腐儒撲灰煨兩足敗絮圍腰如  
蝟縮

廢花吟

種花花滿地花發主人棄棄屋不棄花人去花事  
廢驅車昔過門下車揖主人主人導客行花圃花  
光撲人露如雨啟窗坐窗下繁艷塞籬罅汲水花  
在掬茗椀清陰瀉種麻比竹裊風清秋鳥啄麻籬  
上鳴日落客坐不肯去錚錚花外聞碁聲驅車再  
過門前路烟起誰家閉朝暮牆頭亂草牆下沙一  
溝殘土籬痕故三間茅屋有滄桑千年陵谷誰回

葆素齋集

九

顧

婦獵詞

背負兒手挽弓騎馬上山打飛蟲飛蟲落手搵其  
胸掬血飲兒兒口紅兒翁割草牛車卸歸來同飽  
羶廬下

打鷹歌

冬鷹復春鷹多少打鷹手負網入空山蒙皮卧林  
藪草暖補鷹雛草冷捉鷹母鴻鵠高飛六翮厚白  
鶴梳翎入雲阜矯矯搏擊才伴結烏龍走平蕪灑  
血逞雄姿條韉到死懸人肘

糜子米

糜子穀粒碎黃金粟邊人匹布換一斛挽輸城外  
車音續糜子生糜子熟炕頭壓席焙新糧婦子橫  
陳糧上宿夏雲罩地雨如注播種不耨人盡去種  
韓木柵秋霜白草根細軟牛羊陌今年鋤地向城  
南明年移家種城北

打草歌

四月草青八月枯平沙百里如雲鋪四月草青飼  
牛馬八月草枯束成把厨紅炕煖青烟續朝急盤  
殮夜裊褥比戶終年日日需土門城外輪蹄逐  
畝

葆素齋集

十

歎邊兒就食艱爭向人家受錢穀四郊草立長於  
人腰鐮犁手冰融肉朝駕羸犍落日歸鄰家百尺  
堆如屋



述本堂詩集

桐城方登嶧鳧宗著

如是齋集

葺舊室為齋賦長句落之

半顏茅屋強為齋素紙籠牆土實階曲戶避風鑪  
篆直斷樞浮日墨花排閒摹舊帖舒愁眼靜檢方  
書養病骸自是幽棲宜徧性不關踪跡與時乖  
牆隅曾結小茅齋兒子鳩材手築階几榻再移悲  
宛轉琴書失故費安排千行老淚三年眼萬事浮  
雲七尺骸苟且餘生容閉戶任教人說世情乖

如是齋集

曳杖兄過舊葺齋肩扶小阮步楹階啼殘綠樹鵲  
枝墜行斷青天雁字排雪冷夜燈吟剩句月明荒  
塞淚遺骸家山草墅年年約偕隱真教夙志乖  
青溪水曲憶蕭齋花樹叢檐竹映階邀客徑邊紅  
雨落望山樓外碧雲排江楓冷夢林泉興陸草全  
生土木骸縱使陶家松菊盡白頭歸思未全乖

先大夫卒於康熙丁酉二月三年之內先王父未嘗為詩迄於庚子  
春始葺書室名如是齋故有千行老淚三年眼之句有哭先大夫五  
言長短句二十首又塞居詩十首親承兄弟先後離下冠有借錄者  
家人忘其人遂至闕轍嗚呼永兄弟之罪為不可逭矣第三首起二句  
兄謂後齋從祖小阮謂星屋從叔觀永謹記

顏室曰如是齋取作如是觀之義戲題長

句自以為效香山體更以為似捧喝語也

一西

誰教如是儼名齋如是怡情亦復佳低炕頗煨山  
木煖高門長見野蒿埋詩雖得句何曾琢字偶成  
行不用排草草萬端如是想青天長挂白雲厓  
訥拙菴招集同人歡飲竟夜

折東扶筇踏雪過白頭清興亦婆娑感君好我頻  
來往知己虞翻不羨多  
如此歡場豈易多坐深遑問夜如何銀箏揮燭耀  
瑜煖不許寒風入醉歌

如是齋集

二

杏雨含烟柳帶絲踏青兒女暮歸遲誰人編入春  
風調畫出江南二月時

何處芙蓉江上樓雁沙蘆岸泊漁舟秋風秋月秋  
花好怕聽詞中字字秋

綠水青山夢已遙管絃聲裏塞雲飄坐中腸斷西  
湖客驢背詩成憶段橋

閨爭拇戰引杯長狂醉看人樂事忙歡笑莫嫌蕉  
葉飲次公原是醒能狂

人日拙菴招飲賦謝

衰老尚為人冰天日又春情偏深好友歡不負良

展杯煖浮花動盤香細菜新地無春菜也舊之如新見聞歸鹵  
莽斟酌鬪閒身

復次韻拙菴人日招飲詩

勝裏金花巧自宜荒涼塞俗少人知草堂誰復題  
詩句蓬鬢君偏飲酒厄世事參差頻檢歲華狼  
藉又移時江湖興引春風路莫問東西南北期杜用  
少陵高帝侍人日詩中語

偶成

却怪遐荒地居然有見聞建牙空紫塞戰血散黃  
雲授鉞新推將提戈舊駐軍關心定何事短榻卧

如是齋集

三

斜曛

落日

落日滿柴門春蘇凍路痕沙明野水動風定亂雲  
屯飲馬爭鄰井歸鴉識舊村江天同一照獨立向  
黃昏

風

忽經都市忽山林冷煖移時各有音莫向貧家拔  
茅屋好從深院掃花陰三更吼徹蛟龍窟萬里吹  
開江海心我欲御空憑借力九天高響碧沈沈

雲

汗漫無心出岫飛浮沈蒼白幻相依飄來湘浦情  
何極過去巫山夢已非底事釀霜還釀雪無端為  
鬢復為衣深山自有藏身處莫祇隨風不放歸

月

銜山濯水自清宵幾許人看歎寂寥野寺鐘殘雞  
喔喔長城風定馬蕭蕭眼明銀漢三千里腸斷揚  
州廿四橋繡閣秋砧敲不落十年征戍望中遙

露

元圃秋林夜氣增采囊珠玉目光澄休嫌苦竹叢  
邊滴曾向仙人掌上凝高處愛從蟬吻潔墜時猶

如是齋集

四

透蝶衣層未央宮樹甘如許渴病相如待茂陵

悔

難言過去事難問未來心歲月何知惜端倪豈再  
尋夢隨憂樂幻淚入死生深鑄鐵曾無補蹉跎乃  
至今

夜燈行

夜風吹燈燈影殘欲眠不眠春氣寒強攤書卷花  
未落眼昏骨痛皮月乾滅燈理衾伸兩足百憂展  
轉來無端茅檐射月白悄悄城上鼓聲敲未闌

貧老



境過知才拙時危益計疎貧憐百事廢老信一生  
虛歌哭迷幽谷親朋絕報書所經都隔世安分靜  
吾廬

### 借馬行

有馬借人乘有願朋友共訝茲煦煦惠視之何太  
重讀書不歷人事艱罔識聖賢心所用我來荒徼  
寂寞居閉門枯坐形如凍筋力衰殘步履難藜杖  
雖扶足亦痛卷簾忽愛風日清欲向人家破蘘  
呼奴借馬徧知交幾回虛擬青絲控吁嗟乎往事  
君莫記人生幾日能快意邯鄲花柳繞垂鞭朝天

如是齋集

五

曉月籠珠轡南遊楚越北燕秦銀鞍亂撲雲山翠  
老乏駕馭才更無馳騁志昨日有馬羸且饑易炭  
驅寒甘棄置風雪明朝又若何惜惜午夢今朝睡  
君不見五陵豪貴自乘肥杜陵野老遭顛墜又不  
見三千甲士賞戰馬辨色分棚選驥驥顛悴龍沙  
鶴髮翁徒步蹣跚安素位

### 薪盡

薪盡朝炊廢眠深午日黃鄰餐奔寓客袖手立厨  
娘悔不樵為業違言老異糧樂飢難婦孺宛轉益  
蒼涼

舉室歡傾耳柴車響及扉半牆堆野草三月典春  
衣腹且今朝果愁從落日揮笑無然蠟代一樣晚  
烟霏

### 飯友人家晚歸途次

一飯淹歸路因人策馬遲天圍野燒合城壓夕陽  
歎來燕幾時到行雲何所之浮生飄泊理一樣杳  
前期

### 觸感

水石不改色草木無變狀忘情宇宙間終古同一  
相問俗非素習嗔喜昧專嚮宛如逆水魚時時驚

如是齋集

六

駭浪厚薄不永朝用之隨得喪旭日何離離長風  
何蕩蕩瞿然白髮翁看天時一仰

### 眠早

豈是眠貪早膏殘不繼焚枕明檐月上骨冷夜風  
聞詩社分更燭歌筵接曙雲閉開終夕眼舊緒觸  
紛紛

### 賣魚歌

前年四月江冰坼賣魚車上飛殘雪去年江冰三  
月開大車小車如雲來大魚三尺小徑寸小者棄  
去同塵埃今年時節逼上已鄰人告我魚入市落

日柴門賣有聲值昂不與當年似欲買不買又手  
看吻饒未動嘗羹指窮邊別有農書目難占以外  
增魚卜米魚貴賤互乘除魚多豈是居民福前年  
四月不雨至七月寒霜早壓沙皮白去年糜子花  
開實未成風吹四野波濤鳴萬錢糴米不盈簾兩  
年水旱如珠玉家家戛釜切銀絲漁人拍手農夫  
哭今年魚貴米或賤侯鯖客缺母徒羨一犁春雨  
駕沙田十里清風網江面但願魚多穀亦多飽抄  
糴粒腥盤薦

大風

如是齋集

七

風吹大地行人伏屋草上天沙上屋橫空陡發落  
晨星昏黃鼓盪搖坤軸紙窗乍碎爪指痕璫帷自  
卷陰霾撲裘質衣單擁被眠春寒氣更秋寒肅

偶感

借馬豈能頻難辭踈節嗔泥沙欺老步禮法賤閒  
身烹雁鳴堪惜呼龍性未馴雨雲紛薄俗不敢論  
交親

風雪

雪勢挾風力風狂雪亦狂春難白到地晚更冷侵  
牀旋舞天光亂驚搖日影荒莫教輕出戶步履恐

茫茫

訥拙菴惠果

拙菴令嗣寄奉甘旨者

非時果貴長安市解橐分攜雪映籠萬里封題憐  
孝子頻年珍重及衰翁橘垂秋水蓮花白棗撲清  
霜柿葉紅鄉味窮邊如異獲濃香情沁齒牙中

門為風所壞遂不再設

門傾地敞路縱橫飽睡中宵穩不驚客橐久貧人  
共棄遺璫長在盜多情牛歸鄰月穿蹄跡犬誤牆  
風警吠聲率爾坦途忘剝啄年年多事掩柴荆

寄訥山儀

如是齋集

八

重譯車書萬國遙年年簪筆耳簫韶朝烟飽袖開  
金鑰夜月垂鞭出玉橋富貴致身乘綠鬢辛勤世  
業倚丹青尊人向為中正殿供奉五雲高處勞相憶頻達遐音  
慰寂寥

殊方常共阿翁遊純孝如君豈易求萬里艱難供  
菽水三冬栗烈典衣裘青春愛日心原苦綠雨垂  
天澤並流患難友朋同骨肉且憑魚雁託綢繆

夏寒

入夏鑪猶火邊風鼓太陰序乖荒徼日寒結固窮  
心骨強思衣軟頭童擻帽深看人涼燠眼顛倒說



從今

東坡有謫居三適詩用其題並效其體

旦起理髮

髮短安可梳爬搔用兩手臨風十甲彈颼颼落塵垢旦日照我面光澤已非舊旦日照我身影屈露雙肘西牆次第光倏忽及甕牖晚霜在茅屋宛如戴白首笑語問家人摩頂誠何有既無白一簪合作顫頽友不櫛亦不冠咄咄頭童叟

午窗坐睡

少年貪朝眠午睡獨宜老何禱復何茵團絮結如

如是齋集

九

草跣趺倚木壁百慮時一掃不知心所在安問心所了悠哉游物初混沌乾坤小且醉一好夢醒已早禪定明鏡光息靜長生道仙佛兩無因捫鼻齕聲飽雞啼白日移暮突鄰烟裊

夜卧濯足

我足何所經泥滓與冰雪我足何所有繭重復胝結踏衾無完綿伸縮每如鐵人言却病方滋煥養泉穴汲水不獲薪偶爾釜一熟木槃淺且久惜水懼漏裂一濯鼯力舒再濯頑垢潔滄浪不用歌修綆綿井渫晨起杖及門餘溫在雙屨

病

衰矣何堪病復增脩然臞骨益稜稜無醫藥藉良朋穩有命權歸大造能憂患年華翻自惜艱危人事苦相仍健如黃犢憐他日珍重巡檐一杖憑雞籠魚筌置此身敢言龍馬較精神獲者妄說能扶老血肉何曾不累人在足在心渾莫辨非貧非病豈相因青囊別有尊生術瀟灑長留爛漫真掃積階土層疊之若山然

邱壑情深願已慳忽從檐際見孱顏青疑靄合穿風影綠待苔勻積雨斑眼底有天皆大漠意中無

如是齋集

十

地不名山三年塵壤埋如許一掃峰巒指顧間

顧之而樂再成一絕

亦有山根亦有峰高低層疊夕陽中兒童拍手為山易九仞原從撮土功

觀承向樵車乞得杏花一枝作瓶供

春盡冰天不見花偶逢門外過樵車幾枝紅杏柴邊插一片夕陽牛背斜茅屋艷分間處得蒲團香坐靜中賒嬌孫娛老添詩思待蝶期鶯亦並誇

觸感

觸景俄生舊事哀泔泔老淚落花枝三年記得亡

兒手一樣樵車乞得來

紀事

囊雖名智谷名愚漿飲求甘蔗亦茶俗具懷

予丁怨多飄瓦 糝糊山人自侈田生玉白

皆淚有珠空遣前狐誇導引至今人自笑以

一夜長風鼓大鑪幾株枯木折平蕪處堂白

間燕叟路爭誇轅下駒塞雨休官添別淚江雲逐

客失歸途堪 鞭線么膺吏也抱殘冠泣向隅

丹書一騎碧雲馳紅雨刀頭血作絲野燼衣冠封

馬鬣招魂歌舞笑蛾眉草埋金穴黃塵暗花墜珠

如是齋集

七

樓白日移可惜齊奴太懵懂利吾財到死時知

郎當聲裏泣于慙肅肅中林忝國材揭篋盜先胠

篋計藏舟人愧負舟才堯仁未許三蒙宥湯網空

希一面開大樹不枯黃草落竦垣風雨夜鴻哀

治圃

種花兼種菜斜日荷長鏡畦劃黃沙淺根分碧雨

纖飽無羊可治香待鳥爭銜汲水牆頭過提甕濕

滿衫

拙菴見過

茅齋十日未曾過邂逅牛車稅軟莎簾際晚風懷

袖滿不談時事聽高歌

說法前身是遠公我從蓮社憶雷宗

宗字依王輅川李義用

歷盡頭童後不坐蒲團亦解空

買米人歸月上欄腐儒麤糲愧盤餐短檠尚有殘

膏火直欲留君話夜闌

積土編籬學種花偏從憂難惜芳華再來莫待花

開日綠葉叢邊共煮茶

暮歸

薄醉扶殘照沙昏過客稀鳴蛙迎短屐吠犬怪儒

衣漠漠青天古茫茫碧草微荒涼何所似一老野

如是齋集

七

村歸

喜小雨

細雨壓風風暫息飛沙入雨雨無聲茅疎破屋燕

爭出草濕斷堤蛙亂鳴自種畦蔬青始拆人傳壠

麥綠難平貧家課圃關心甚雲淨西郊怯暮晴

生朝拙菴見贈長歌次韻奉答

丈夫生不能寶刀在手弓在腰躍龍卧虎靈旗招

又不能千金結客日食萬錢秦箏趙瑟吳娥嬌即

合霧隱深山山路永古苔無人白日靜松間月上

澗泉香布襪青鞵冠不整胡為乎身隨蓬轉蓬且



飄陰山敕勒聽歌謠女蘿山鬼時相邀冰霜豺虎  
恒論交縱使有時銀鞍還紫陌天街草色回青袍  
有時鐵鞋歸白社淨土蓮葉參松寮眼有黑花頭  
添雪刺枯魚過河久自泣孤桐入爨半已焦而况  
金雞竿不聞下丹霄白雲漠漠跂天高且當痛飲  
歌離騷百年大半不稱意踞龜食蛤思盧敖潯陽  
乞米平原帖蓼蟲不化花間蝶菱荷零落伴兒鏊  
膏火微茫看夜獵先生摘藻詩中豪才思轟轟凌  
應曹錫我長歌的礫光瓊瑤令我殘年雪窖忘吞  
毛來車音聚馬首恰有青錢沽薄酒君且飲我且

如是齋集

十三

歌顏不夭彭不壽天荒地老中修短皆虛謬秋雨  
過從孰友朋論交自古人求舊

齋中二詠

王舍人綬畫

古木寒鴉圖廿年前得之西安開元寺

三百年前老舍人縱橫潑墨氣嶙峋西秦廟市龍  
沙屋長伴寒鴉古木身

柳常侍公權碑

紙墨融融古斷碑素牆光映黑琉璃一官那復知  
常侍想見先生筆正時

觀承之京師且擬歸里門

時已亥正月

去非得計住尤非且逐南天獨鳥飛行李半肩隨  
過客饑寒五載戀重闌長途雨雪憐衣薄荒隴松  
楸帶夢歸里巷故人須問訊年來殊覺信音稀  
而兄遊跡悲萍梗而父懸棺委塞沙沾灑鴿原應  
有血飄零燕幕總無家羈危傲氣須終斂薄俗人  
情莫浪嗟去去丁寧回望眼白頭垂死在天涯  
送爾詩成淚不收重將絮語託離愁難餘無復羞  
貧賤客久應知審去留學積寸陰隨處惜心憐遠  
塞幾時休葛衣道上憐公子細寫人情寄白頭

寄兄子世濤

如是齋集

十四

窮老易慘愴况復在異域遙遙京國心關情望骨  
月骨月亦罹難幾地悲存沒落葉辭風林奔走號  
山鹿徒實等銜羈亦曰聚宗族子姪行輩中念我  
爾最篤年年數致書殷勤慰羈獨書中苦致詞拯  
救無力出薄俗告人艱生理昧所屬孤雛南北飛  
半巢分食宿筆詠塞山青茗淪羗水綠寄到物微  
意且濃流離痛心曲爾有高堂親寄食誰茅屋爾  
有無母兒浪蕩鮮定躅硯田何膏腴生理太局促  
自傷彌念爾墨淚互濡續小鳥拂其羽杳杳關雲  
逐良覲轉淒然欣戚應紛觸塞雁知春秋莫惜繫

雙足

訥拙菴奉召還京賦以志別

同慨生歸杏卜期

天恩竟有賜環時登車目斷烏龍塞珥筆身還赤  
鳳墀到日九宵花似錦經過一路柳如絲高齋退  
食長吟暇應動殊鄉舊雨思

慣涉離場淚禁揮送君涕泗滿裳衣祇緣義重人  
難別不怨時慳我未歸幾度雨風勞過問八年衰  
病苦相依從今孤杖城邊立望斷朝雲與夕暉

移居口號六首

如是齋集

五

自嗤遷客更遷居流水浮雲踪跡如吳下賃春湘  
水卜却從何處認吾廬

能容七尺即安居仍是三間破草廬差喜有門堪

閉月不嫌無地可留車

舊居門戶為風雨所壞

城隅策杖步徐徐稚子衰妻共一車試問先生何

所有半肩行李半肩書

剩有殘紅滿地開主人遺愛在莓苔三年記得西  
窗下冒雨看花幾度來

枝枝疎柳映窗斜豆架瓜棚曲徑遮莫笑罍糧無  
隔宿滿庭多種米囊花

移家白傳有詩傳最愛詩中第一聯冷巷閉門無  
客到暖檐移榻向陽眠

向圖逸叟乞野菊作瓶供

膽瓶注水待秋花步近東鄰御史家分得餘芬來  
入座好風不讓短牆遮

逸叟惠花和韻見答因再疊前韻謝之

秋風餘艷滿園花逸致閒情屬幾家常向隔牆扶  
杖望小亭深柳夕陽遮

掩映湘簾一甕花感分幽韻及鄰家多情更許頻  
來折風雨疎籬莫憚遮

來詩有常登几席為清供采擇休嫌隔院遮之句

如是齋集

六

逸叟酬余疊韻詩有冷露將殘小院花幾

回珍惜獨君家之句再答

乞花豈祇貪花美冷露涼天逼歲華衰老直如秋  
後景故教珍惜欲殘花

病

地僻難求藥年衰合任天軒岐空有術錢匱亦空  
傳心事孤雲外韶華雙鬢邊浮生珍土木頗覺費  
周旋

兀爾一生過猶然七尺留眠餐如假借身世等浮  
漚冷月號山鹿狂風逐水鷗莫嗟飄蕩甚今古總



悠悠

晚立

覺雙不成步兒扶出短牆鬚眉勞客問車馬過門  
忙落日牛羊氣寒心冰雪光幾家歸負米屋角晚  
烟蒼

乞水鄰家

壺水乞鄰夜冰封凍井轆地窮艱一勺牆短受頻  
呼炙火茶驚碗冬月炙碗令溫乃  
投以茶否則碗壘移燈藥沸鑪渴消司馬  
病曾否借來無

朝起

如是齋集

七

畏冷偏朝起衾寒夢不留老淹雙病眼醒徹五更  
頭風感沙瀾起霜欹屋角浮啟門將出檻拄杖復  
夷猶

重櫺

甕牖必重櫺深遺作者情薄衣差護煖老眼漸羞  
明黯淡道心定沈冥詩思清瀟瀟風雨急不受夜  
窗鳴

米盡

懸釜常聞說恒饑竟及身乞鄰空有帖負米久無  
人歷世何嫌薄傷心不但貧研磨微風業偏側老

來真

燈坐

幽窗不受明落日急寒繁眼鈍書難讀心閒燈共  
清拆風迷定響檐雪落餘聲靜息成危坐憂歡兩  
不生

老悔四首

百尺梧桐院三更風雨樓道人曾剪燭坐我話滄  
洲地靜青山古江清白髮秋悔無朝夕共安穩老  
丹邱

如是齋集

六

十畝橫塘畔為農樂事稠瓦盆何聚散茅屋自春  
秋坐樹常呼酒燔柴不羨裘悔無朝夕共襖襪老  
西疇

簑笠日優游蘆花水面秋煮魚青草脚曬網綠楊  
頭風浪險能避冰霜寒不愁悔無朝夕共漂泊老  
漁舟

湖海歸囊素誰言估客羞黃金走卿相紅豆引笙  
篴居貨鄰移祚輸邊爵拜侯悔無朝夕共汲汲老  
蠅頭

歲暮望京信不至

合無消息達書數入訝鄰家同抱山恨偏多骨

月嗟櫻情誰寤寐逼老此年華豈不惜心曲翻令  
亂似麻

霰

風剪餘冰屑絲絲白到衣天光搖不定日色冷偏  
微靚面有無見牽雲高下飛尋常霜雪外多此立  
寒威

送人赴艾澣

寒風屋上吹寒日沙上流此時與君別送君成遠  
遊君遊亦已遠紫塞黃雲愁我來非所願君來何  
所求况復更東去乃在天盡頭答云丈夫身天地

如是齋集

九

一蜉蝣耳目恣遊騁羽翰橫滄洲亦有日與月亦  
有春與秋何必老鄉縣區區論首邱我聞心意豁  
頓忘流落憂怡然送君去把酒盡綢繆道旁卧枯  
草冰光照衣裘崎嶇三尺雪驅車無復留

過舊居

三間茅屋亦滄桑一片寒雲接地光雪壓幾時荒  
菜圃冰封何處舊書牀全無籬影鋪殘月應有花  
魂倚夕陽戀故情深頻駐馬八年陳跡寄行藏

壬寅元日

狼藉韶華又一年蕭條生事度荒邊門無熟客冰

封逕座有殘書雪滿羶寒漏錦闌朝燭院暖雲香  
國早梅天江南剡北休回首極目河山思惘然  
無端塞俗亦喧闐簇簇衣裘入世鮮茅屋酒呼紅  
日墜花鈿風颭翠雲偏潛踪自怨嵇康嬾玩世誰  
誇阮籍賢老去漸如殘聽人拋棄一年年  
兩孫乞食今何地孤穉牽衣且目前案舉白頭衰  
作伴道逢青眼世空傳饑寒病骨冰霜節聚散餘  
生醉夢天獨有松楸萬行淚時時凝望灑窮邊

次韻圖逸叟元日懷訥拙菴之作

年華新舊曉鐘分故國團圞獨羨君自是佳辰饒

如是齋集

十

樂事偏憐絕塞歎離羣側身鳳舞依朝日望眼鴻  
飛入凍雲可記辛盤酬唱夜春風吹角戍樓聞

入春舊疾復作

大地無春色春從病體生足欺朝起步肺舞夜眠  
聲夙患刀圭廢憂時節序輕靜耽人不過慰問亦  
虛名

紀夢

夢與胡方珠同遊祇舍巷登孝侯臺看梅花

故鄉城郭夢中回步熟遊筇路不猜黃壤故人顏  
似昔紅樓春色眼重開飛花傍水疑新第落日題  
詩認舊臺松菊陶家猶在否可真三徑賦歸來



都門寄到六安茶

家山茶向長安達冰煮龍江隔歲遲萬里嬌孫憐  
老叻九年頑齒漱香枝寄時應有封題淚到日彌  
增飲啄悲壺溢乳花珍惜甚尋常斟酌轉矜持

逸叟窗下積土作假山層層種花

几上堆峰影檐前落晚風亭高平野闊徑窄曲流  
通遠樹藏雲碧層花疊雨紅不嫌來往數一杖夕  
陽中

中秋前一日

假寐聽宵雨衣單擁被歎貧家寒更早病枕夢多

如是齋集

二

奇笑我鬚眉老憑天節序移有無明夜月不作未  
來思

畫竹歌賦贈圖逸叟

涼雲薄霧秋濛濛忽然素壁生寒風寒風似向竹  
間出琅玕紙上光玲瓏此地何從見此君乃是東  
鄰逸叟筆底橫蒼龍千枝萬枝烟雨重高低掩映  
相朦朧令人對之目曠心清空竹根曲繞波溶溶  
渭川流溢清溪通綠苔滿地土坡赭離離細草垂  
蒙茸東鄰逸叟舊乘驄不吮霜毫坐栢府却向荒  
邊絕塞稱詩作畫皤然瀟灑如山翁東坡海外圖

竹石先生遭際將毋同自言嶺南見澀勒竹名瘴根  
虬結蠻村叢密竿疎節頗形肖移來贈我依簾櫳  
置身疑在篋簞谷開眼如見瀟湘東寫真昔有文  
洋洲清貧太守傳芳蹤墨君有堂堂有記雅韻能  
無繼兩公朝朝同坐竹林下鳴風聽雨相過從嬋  
娟作賦騷人工憔悴莫比湘累容斧斤剝落冤籜  
龍何妨青玉賤蒿蓬與君虛心高節竄然直立雪  
霜中萬端搖落歸蒼穹

贈省齋

五十年前舊史官誰從荒漠識衣冠鄒枚作賦名

如是齋集

圭

空老歆向讐書墨未乾過眼幾經風浪惡捫心長  
抱雪霜寒新愁往事紛如許白髮青燈話夜闌

省齋次韻見答因再疊前韻奉柬

春夢婆還歎謫官十年沙磧滯南冠忘情但覺生  
為累處世何曾唾不乾過日吟添詩句好臨風秋  
動鬢毛寒相看祇作荒村共拄杖交頭興莫闌

又

懼容鶴髮儼仙官藤杖棕鞋草結冠且愛白雲棲  
壑穩不妨丹火拭鑪乾蒼茫歲月塵緣誤寥落乾  
坤夢境寒擬向先生叩元理春風多采藥為闌

九日同逸叟省齋出郭登高省齋邀飲次韻

愛煖呼朋強出門尋高登眺過東村亂風拂路走  
還却衰草連雲晝欲昏何處黃花爭節艷幾人白  
髮滿頭存盤餐好我歸筇晚子細茱萸酒一尊

省齋移居過訪

客裏又遷居依然舊草廬暖貧裘敝好寬較履痕  
舒就日融冰字焚香默道書最傷家破後殘卷亦  
無餘

如是齋集

五

更買東屯屋春田種在門野花香斷磧流水抱孤  
村業悔為農晚名知大隱尊耦耕來歲約犢雨試  
犁痕

病

死且意中事何須怯病侵痛嫌未斷骨傷見已殘  
心秦越忘肥瘠軒岐自古今尊生無善術祇是閒  
門深

逸叟以詩寄阿郎道羈困之狀省齋和以  
慰之余亦武韻

東鄰逸叟悲作歌子昂慷慨歌重闕我與兩君憂  
患交三人頭上都如雪回頭萬事總成灰莫向天

涯空灑血誰憐惠子饑誰解相如渴且喜黃沙白  
葦中皤然三老情相悅芒鞋竹杖往來頻一盃稗  
飯容饕餮縱使萊蕪甑滿塵詩可同賡茗可啜誰  
家炙酒烹黃羊梁鴻不肯因人熱吁嗟乎兩君有  
子歲時長菽水還同遠近將

逸叟阿郎在長安  
省齋諸郎在膝

似我無兒

觀永至卜魁

為憐負米代亡親萬里征途祇隻身飽煖但能延  
白髮飄零甘自誤青春時艱不怨人情薄家破惟  
餘骨肉真盼爾頻年衰已甚西河淚盡復沾巾

如是齋集

五

甲辰七月傳宸瞻舍萬兄弟奉其尊人樞  
觀還都門詩以送別

見沐

新恩返舊扉邊闕秋色照征衣十年遠戍冰霜徹  
萬里還家日月依野店愛聞雞唱早涼雲高帶雁  
行飛長途事事堪增樂祇是傷心抱骨歸

掃舍宇

歲事多徇俗茅廬掃待春紛紜如徙宅摒擋亦勞  
人司戶窗前葉萊蕪甑上塵莫教除未盡留象競  
時新



除日戲作口號

賒布人歸換炭遲石家焚蠟我燒絲  
鑪溫茶煖披衣坐絕勝袁安卧雪時

如是齋集

五

序

予同年友桐城方沃園先生蓋種  
君子也已丑榜後相往復於京師叩其中淵然視  
其外泊然以予之迂拙而無所能於人也先生顧  
之類屬好久而弗厭者故兩人者彌親善暇則出  
所為詩共讀之秀骨獨異清音自遠雖懷人贈答  
感物造端一出於至性至情至  
動關至極於是不唯歎先生之學之益見詩  
以詠志君子之言類如是也  
漳南壬辰癸巳間尊甫水部公以鄉人累牽連謫

序

遼左先生侍養出關子既剗跡窮巷故人萬里無  
由相問訊間有自塞上來者聞先生侍其尊人時  
寢興奉色笑外獨坐一土室羅羣經譔說之溢其  
餘能日事吟詠用是益知君子樂天知命不以窮  
達易其固常而造次顛沛有必於是者其斯為無  
入而不自得與雍正元年

今上登極子蒙

恩內召侍

皇子書甫入國門即於親舊所問先生起居則已  
前歿者數年矣又數年先生之子問亭客京師相

見欵欵始備聞先生出關以後事問所著書曰五  
經一得者屬草葉未定未出也出前後所為詩優  
柔和平寬裕而自得非羈人遷客之為之者嗚  
呼其能勉之使然與抑亦因其言求其志而知其  
俛仰皆可以無憾也問亭自是過從無虛日會  
上方簡宗親視師北邊界主贊畫瀕行請曰願有  
序予惟先生負忠孝至性身既坎壈不試矣其所  
留遺祇在於是問亭早以行能發聞於時行將為  
天子立功萬里外為時名臣力簡書卒之際獨  
惓惓罔釋者詩不云乎念昔先人明發不寐其於  
序

二

君若親之間猶先生之誼也而予幸獲私於兩世  
父子稱執友然則又惡容以無言遂詮其緒而歸  
之雍正癸丑孟秋鼇峰蔡世遠

述本堂詩集目錄

陸塘初稿

前有樽酒行

入山行

將進酒

古擊壤歌

殘絲曲

子夜吳歌

城上烏

估客樂

目錄

阿那瓊

大堤曲

水車謠

仰天謠

善哉行

短歌

少年行

團扇曲

玉笛引

飲馬長城窟



送客詞

出東門

古謠

子夜變歌

隴頭水

禽言

詠懷四首

旅亭

登雨花臺

雜憶六首

目錄

偶述四首

一室

呈有懷伯父

樅川作

晤山啟三兄

賦得子規聲裏雨如烟

寓中偶成六首

至龍眠喜晤二兄蘇允六弟貞觀二首

無題

偕錢大敦一晚眺

過童大文讀書處

童裴銘招同小集漫賦

為烈婦孫氏作

贈道楷上人

題畫

病

病中邀姚八朱四過話代東

訪錢二湘舟夜歸並招枉過

大文敦一湘舟集寓齋晚歸即同散步溪

上

目錄

題守齋伯父山莊

過鶴湄叔父松影軒

別南浮山

將之汴示同學諸子

遠行曲

汴中送九兄士表之五臺

贈宋舊山

題佟蔗村詩集後

尤展成蔡九霞宋旣庭三先生同招胥江

讌集分賦

秀野草堂納涼歌敬和家君韻呈顧俠君

世舊

贈李可亭

依韻答友人一首

洗硯

送陳秋田之任荔浦

人日吳七雲李可亭同集詠物拈題得香

鑪限鑄字韻五古一首

社集詠物分得四絕句

芍藥花屏歌坐友人齋中與陸天隨李可

目錄

四

亭冀隆吉朱海士顧搢玉家養虛兄同

作

午日吉水李大宗伯成詩次韻得二律

破絃曲題莊書田落第四十絕句後

詠冰呈陳滄洲先生

題成過村空山獨往小照

依韻贈吳寶崖

憶西湖東寶崖再疊前韻

洗兒詩為吳震一舍人作四首

送朱鹿田之任蜀中

七夕後一日怡園雅集分賦二首

送成過村旋魏州即入楚中二首

書劉太乙樂府後次北固先生元韻

和李蒼存種竹

東堤吟為任疎齋舅氏作

雨中走筆示龔叔度

題查聲山太史寫經圖

賦得不知今夕是何年和族子元禮邀張

匠門繆湘芷同作

題遂安鄒廣文効忠圖

目

五

友人寄江上晚吟詩讀之有感次韻寄答

送楊薇中旋雲間

題畫

為郭子宮畫牛鳴雙村圖題之

賦得經賞重陽第五年

送姚衡彰之任繡水

題宋姜銘鷗邊洗醖圖

送宋吉金之任辰州

題潯陽送客圖為同年宋太史筠

為外舅巫麓筠先生畫牡丹題一絕



送同年宋太史筠乞養歸里兼呈商邱先生

雜言四首

社集查大龍耕賦春雪同查大學安王三雲岡龔四叔度儲三禮執徐大亮直胡大丹中沈三峙公郭二于宮朱大海士吳大小眉舍弟近雯作限肥字

送楊滙南歸里步留別韻

淮上口占寄內

晚行

目錄

六

出關詩

留別諸同年

日出城東隅

瞭甲店

曉發板橋

贈同年錢大甫生

盧龍塞

蘆峰道中

山海關

留別應四綜文

望海店望海

塔山

取道錦州不由松山杏山

贈錦令周廷槐

觀音閣僧畜一鶴能送迎戲題一絕

同年李珽惠銀魚鮮鯉

四通碑

至廣寧同年鐵五顯祖來迎

遇高麗貢使歸

寒號鳥二首

目錄

七

晤鄂六

盛京

題鐵五幅霞亭

題道院

寄盧龍周尉廷楨撫寧石尉嵐

皇寺

鐵五送至蒲河賦別

樊河漁父

馬憐花

采萋蒿

孤家子

威遠堡關

鎮北堡道中

柞樹篇

短歌

葉赫城

火石嶺

小姑山贈鄉僧志勝

大姑山

小姑廟

目錄

一統河

虎廟行

嶺雲行

悽惶嶺

稽林

驛騎探歐李子消息

五月四日渡混同江

糠燈

嬾老婆

囉囉街中頓

布塔哈烏刺

塞意

西拉站

法塔哈門

山行

五葉詞

過新城

渡腦溫江

固魯站

汲井

目錄

望見卜魁城

至卜魁城葺屋落成敬和家君元韻十首

學卜有感

雙柳行

草芙蓉

遊胡氏莊次星厓弟韻二首

敬和家君立秋前一日過訪訥拙菴元韻

八月十七日霜

敝塵行

九月二日雪



雪中集訥拙菴齋頭觀菊分韻得故字

詠史

東友人索野雞

語夢

晏起

老母命浴

失馬

弟莊謂余失馬詩得唐人失鶴斃驢筆致

意有未盡復成絕句

掃地

目錄

十

菊綻

客從京師來惠新歷

男觀承  
本永謹校梓

述本堂詩集

桐城方式濟沃園著

陸塘初稿

前有樽酒行

四座勿喧盡此樽酒今夕朱顏明日衰醜

蘭芷隔溪蕭艾當戶同氣異心不如陌路

射隼于墉弋鴻于天睢陽繁弱何術能全

大賈無金仙人無丹長安非遠蜀道非難

飽羅八珍饑吝一飯乞食則哀得食則怨

蟲語振林蟻穴撼嶽結冰在口守身勿藥

陸塘初稿

知我者誰執手道素壯氣赴義小心習步

熠燿華燈以攬容光褰裳追從跪進瑤觴

入山行

入山采野蘭行行忘遠道懷蘭日夕歸露濕山陂

草札札鳴夜機新絲光皎皎東鄰嫁襦多西園舞

袖好綺羅綴五色踈密陳花鳥顧此機中素隨意

出工巧誰憐入山苦刺藤碎指爪十日不盈匹辛

勤得蘭少來年廣布桑蠶室成須早

將進酒

瓊枝天雞散秋星幽崖燭火無濕螢歲蕤高闕開

重局兩旁斜抱金鷺屏參差桂葉拂朱櫺階頭翠  
莢堯時冀吳波碧漾狂鯨瞋霞光千尺潛雷霆降  
音片紙鸞羽青香風下吹車結鈴豹尾彪首作人  
形十二白虎來帝庭松花苔錦覆絲綖襲裘組織  
鴛鴦翎帝命張筵列羣伶貫珠歷歷雲為停甘臙  
膩炙綺食馨北斗醪亞湘東醺舉手獻壽前丁寧  
步搖沓舞羞玲玕君母辭却雙玉餅會教渴吻乾  
滄溟願君一觥益萬齡

古擊壤歌

山有腴田野有鳴泉負犁抱犂樂我堯天但願天

陸塘初稿

二

子坐明堂行王政二千石賢訟庭花落無蒲鞭淮  
河安流支祁潛淵五載一巡守吏承戒令民無流  
遷西獻鷹犬北獻鹿與豸大軫米充俸高麗銅鑄  
錢千秋萬祀大有年

殘絲曲

蜀錦機長越羅短迎窗繡出鴛鴦暖阿姊辛勤阿  
妹嫁淚紅羞背蘭膏卸剩得殘絲如柳絮隨風飄  
落知何處絮無主東風狂我有天孫五色線茱萸  
巧奪雲霞光願縫堯衣與舜裳

子夜吳歌

儂歌舊竹枝歡唱新聲好新聲傳入狹邪家歡宿  
倡樓忘天曉近來儂亦能新聲遲歡不至空含情

城上烏

揚州城上烏傍晚城樓歇蔽日飛啞啞天光乍明  
滅揚州城中百萬戶香塵細碾平山路侑酒牆東  
倡繫馬街南樹前朝勝事稱紅橋珠簾盡漿聞吹  
簫一夜神兵渡淮水礮聲震動無堅壘血濺孤臣  
舊戰衣降旗不見城頭起雨濕沙黃鬼晝哭至今  
豐草埋遺鏃饑烏不識太平年猶想城頭啄人肉

估客樂

陸堂初稿

三

廟口靈旗風獵獵夜火喧呼停賣舶纜長銜尾橫  
江來鳴金立迫官船開夜深妾婦喁喁語沽酒琵琶  
唱金縷共說明朝賽水神浪靜高帆趁前渚今  
年珠價賤於穀十串秦珠換斗粟官船粟盡囊無  
珠顏色蕭條愧僮僕

阿那瓌

馬頭瀚海沙車尾龜茲樂駱駝能知風排立似城  
郭

大堤曲

堤上莫種桃亂紅沾惹郎船篙堤上莫種柳郎作



鞭絲鞭馬走春遊吳越秋到幽燕燕京宮闕高百尺  
麟毫翠羽嘗招賢書生愛覩皇居壯懷策三年不得上過眼鶯花愁殺人相思日日堤邊望

水車謠

布穀聲殘農事苦四野已振莎雞羽彤幢絳旆火車來耗斁炎威三尺土蘭塘艇子搖晴波雙槳漫發蘭塘歌藕絲荇帶船頭多玉山誰顧田無禾柳根乍過水車見走雪跳珠自流轉恨不足踏江河翻灌潤千畦一時徧柳葉暗柳陰濃天空不見雨垂脚月斜空受彎堤風老農老困向人泣筋力全

陸塘初稿

四

非年少日家有丁男可相助昨夜入城納官賦

仰天謠

仰天高高萬仞乘鋒車策神駿鶴背人王子晉道遇之煩問訊執玉手牽霞衣北斗酌桂漿將欲療我饑風如刀雨如鏃枉矢垂芒貪狼瞋目我馬折蹄我車脫輓路狹履穿蹢躅躅

善哉行

採得茂陵草搗作不死藥一食顏色鮮再食髮枯齒牙落崦嵫折竹驅飛鳥玉洞瑤池長寂寞障泥刺錦珊瑚鞭拳毛萬片桃花旋朝踏鳳城霜暮出

龍樓烟詔使馳宣誠修省惟君進德臣能賢拜手陛下千萬年

短歌

有思不一報黃金空盈斗有怨不能伸利劍空在手炭可吞兮身可漆濯涇濯渭三緘口檢點恩仇豫讓橋行人莫向橋頭走

少年行

紫袍黃綬金為魚昂然七尺美且都十五弄柔翰十六登賢書朝朝侍直承明廬下馬賦詩上馬射天子親賜魚須珠朝回酣讌出宮釀後列粉黛前

陸塘初稿

五

笙竽謫仙舊隸瀛洲籍路人莫艷當門戟爺握機衡兄僕射婦翁官居二千石

團扇曲

剪冰統製團扇團扇落郎手借得涼風便句棄捐豈是郎情薄闌干白露秋聲惡團扇在篋顛倒淚痕妾心不化原頭灰千秋萬世知郎恩

玉笛引

遺釵斷髮填宮井擲笛魂歸春苑影牆外無人三兩聲碧墀鋪月梨花冷記得西園侍宴時君王愛度涼州詞長調穿風無氣力銅盤露賜傳催急白

楊瑟瑟迷金盃纖塵光掩昭華琯歌臺小妓慣偷  
吹誤漬殘脂口香滿蜀山破夢漏丁丁不敢牀前  
自報名迴廊弓印驚鸚鵡夜夜親來續簫譜

飲馬長城窟

鐵驄擐甲臨賊營霜花滿地無戰聲燄旗十丈妖  
星薦虎賁力盡車徒征歸來雲錦散原野草肥水  
滿長城下長城水多死人骨終朝飲馬傷馬腹萬  
厩新移近秦甸官錢積買青芻賤去年牧飼役諸  
番今年考成在州縣得受天家首宿恩功高汗血  
何足論病脊毛深駒又大墮<sup>叶</sup>阿誰敢覩長城破

陸塘初稿

六

送客詞

駝鳴山舟橫渡千古心傷離別處送客行行從此  
去各自東西南北路南北路休繞邯鄲道夾道垂  
楊掩衰草一枕黃梁未熟時才人廝養隨風老南  
北路休泊瀟湘曲赤岸平添半篙綠細雨如絲叫  
鷓鴣蘆花擁夢孤蓬宿為人生長吳越地桂嶼蘭  
塘時景異綺羅艷暖杭稻香但當白頭死向家山  
傍送客行傷遠遊西鄰讌樂東鄰愁

出東門

出東門休徬徨霓為旌風為航鸞鳳導我前虎豹

離我傍天帝不醉海塵不揚樂莫樂兮遊扶桑反  
顧咸池回炎光願聞九成登龍堂歡會無極兮漫  
息余車於舊鄉

古謠

伐鼓於朝招搖指酉架鷹牽狗來作太守

子夜變歌

昨宵夢見郎郎在鳳凰山今宵夢見郎郎在芙蓉  
灣

妾對明鏡愁愁深顏已悴憐彼鏡中人與妾愁相  
似

陸塘初稿

七

不敢迫郎歸寄郎同心結郎心如妾心何妨三秋  
隔

隴頭水

河水濁江水清妾似隴頭水清濁誰分明昔為田  
家女擇壻嫁邊吏田夫入城不隔宿邊吏年年在  
邊地聞道涼州新破虜燉煌已入興朝土戌卒受  
賞官封侯血裹冰霜凝繡斧主將笑賜雙嬋娟等  
琶夜醉瞿瞿眠橫塘水接隴頭去送妾清淚流君  
前

禽言



割麥插禾

割麥插禾雨少蝗多蝗口不食縣官催科

脫却布袴

脫却布袴泥深前路寧污我體惜此匹布

詠懷

故人隔霄漢兩寄芙蓉裳一以潔明德一以昭文章  
汎舟北川渚輟履南山岡嬉遊恣行樂振眼頽  
流光陰翳蔓草生仁義路已荒百家騁詭怪高談  
似煒煌矯修猛前趨導引誰為倡淮水遠浩浩關  
樹森蒼蒼心恐負知己羽鱗空報將俛思慰離居

陸塘初稿

八

永夕長徬徨

饑入衆虎穴希以奪其食寒升積雪厓蔽體藉叢  
棘計虛旋滅身持危須務實奇士未得志擁耒事  
耕植靜女掩虛帷攘腕當夜織蟋蟀弔淒風倉庚  
鳴淑日物運各有期延立向蓬華

黃河數千里昏旦浮霜渥之子慎毋渡河中廻濁  
流流濁將奈何汚體古所羞驚濤况須臾漱岸崩  
沙邱行人失顏色試問君何求擊汰星尚耿一日  
志九州豈不察禍患物外輸閒鷗鷗飛避矰繳人  
行蹈深憂

神仙亦孔戚塵劫忽難狗乞兒懽朝暮啼瓊

事淡忘掃除待揮帚得失細則劃用

不苟鼓琴陋室中歲月抱孤守鑒往識臧否省

洞妍醜母為傷賤貧憔悴致

旅亭

竹木盡寒瘦蕭蕭風滿亭水生空外白雲破領頭  
青獨立看飛鳥枯吟見晚星蒼茫天未客秋思正  
冥冥

登雨花臺

高臺近城郭登陟助吟狂雲樹蒼如此風帆去未

陸塘初稿

九

大一春餘燕雀六代寄笙簫詩侶留方外還來看  
夕陽

雜憶

管茅作屋簷重架壑疏邱路自通嫩篠細

莢雨短莎在杏花風一泓水靜朝雲外幾處

啼午夢中舊碧新紅消息遠徘徊心在曲欄東

芋畝魚池護短扉儘教盤核列成圍買來山兔注

唇滑網出河豚上箸肥問價幸隨詞賦賤獻新

與歲時違翻嗤張翰扁舟興八月秋深始辨歸

芒鞋草色杖頭錢消得清閒半日緣二月

滿塢背山雞犬將成田輕陰帽暈迷花霧疎雨籬  
開釀酒天想煞江南好風景勾鶯引蝶自年年桃塢  
菊田在金陵城北

六朝遺勝獨秦淮藕漲新添水一涯錦纜幾行天  
上度珠樓兩岸鏡中排竹枝風滿詞人珮蘭葉香  
生遊女釵小艇納涼垂柳月不收書畫米家牌  
橫塘隨意摘船遊城北園林景倍幽座徹金荷窺  
戶月風敲寶蒜入簾秋有時得句旋題壁鎮日看  
山不下樓淒絕夢魂重到處藥苗槐子帶清流  
年年愁思悴人顏安得輕帆信意還裘敝秋風騎  
馬地餌香春水釣魚灣碎琴恥不成名早抱膝知  
應擇境閒他日賦成處小園叢桂足幽攀

陸塘初稿

偶述

蕭晨陟懸巖薄暮淵渚矚景慘以悽君子在行  
旅有客效前驅願言歷修阻戶發高枝氤氲散  
天宇仰焉實可攀扶掖忻相許竊我跨下鶴奪我  
手中斧假我仙籙名便欲成軒舉悔悟亦已晚為  
媒藉妒女試問操戈人胡不歌相鼠  
異獸遠人跡苦饑忽一出名狀古無傳猛往工潛  
伏飼以盂中餐三年勤養育牙爪倏然張攫主堦

炬目鄰家癡牧兒道旁收棄犢鞠之閱歲餘畝  
供驅逐春隨一雨犁秋挽盈篝粟

大行不為險大河不為急二十為君婦眷愛誰與  
匹誓死不相負東方有皎日齋鹽誠苦辛養兒今  
過膝君枕妾所繡君衣妾所織君煖妾無裳君寢  
妾無室故園姊妹羣薄命羞同立君情復何施新  
人盛顏色寄語新人知妾在郊原泣

寒雀託崇柯下上飛文禽刷羽無所栖乃來故山  
岑故山森荆棘豈比青葱林鸛鳴天半癡雲蔽  
晝陰隻身潛深谷同類懷清音居者樹頭枝食者

陸塘初稿

十一

松根苓足以遠網羅挾彈休相尋何時返舊巢啾  
啾遞悲鳴

一室

一室翛然遠市聲掃除隨意寄閒情續成清夢知  
秋靜改罷新詩覺病輕留竹不嫌當戶暗曝書應  
審隔宵晴門前無那天涯路芳草連雲故故生

呈有懷伯父

湖光十里水雲屯一老棲遲藪澤尊珍重好花防  
酒盡調停幽性耐蟬喧投林鴉亂風生樹散社人  
歸月挂村寂寞草元身事足不勞車馬過柴門



縱川作

聚族誰安士林舊託根黃塵雞犬寂白日虎狼  
尊佛壞僧離寺兒啼吏過門炊烟看水驛飽食幾  
家存

晤山啟三兄

扁舟何處至風雨秣陵關貧以依人甚心緣閱世  
閒探囊餘一卷掩淚過千山我亦飄零者栖栖道  
路間

賦得子規聲裏雨如烟

子規聲裏雨如烟漠漠春陰太可憐遠樹半昏前

陸塘初稿

圭

夜月落花剛趁薄寒天山樓萬木雲移谷江店  
旗風到船最是迷離失歸路客魂相伴又今年

寓中偶成

芰藕池荒勝事無寒潮幾曲護幽居斷水流盡垂  
楊底獨立平沙看打魚

淺莎鋪碧待春耕彷彿秧針一掌平枕上夢回知  
雨過前溪新漲入田鳴

修梧野竹自成村寂寂虛堂感慨存雙燕不知何  
處去飛來啄木似敲門

古木禪房步屨宜老僧尋藥荷鋤歸一回清課渾

無事斜日籬根曬衲衣

借得西鄰放鴨船兩三人泛一湖烟不知誰弄黃  
昏笛喚起前川夜月圓

江花江水動江天萬派江聲夕照邊客子捲簾羨  
帆影好風齊送下江船

至龍眠喜晤二兄蘇允六弟貞觀

半畝園依六代城索居景物已頻更長橋月冷棟  
花落古渡風高淮水清投岸片帆天外客到門春  
草夢中情却憐故國歸來日席帽相看太瘦生  
藥鑪禪板愛追攀苔徑重重靜掩關漉酒共邀高

陸塘初稿

圭

閣雨科頭時看夕陽山狂來說劍能驅病客裏吟  
詩亦破閒自是同心復同調子規啼罷不思還

無題

朝為吹花開暮為吹花落不為送歸帆春風情乃  
薄

偕錢大敦一晚眺

岑寂翻嫌閉竹關芒鞋同踏翠微間半湖新水沒  
春草萬瓦寒烟補斷山簫鼓賽神村女散茶瓜留  
客野人閒輕舸更有他宵約紅藕月明香一灣

過童大文讀書處

重簾飛不到纖塵似此清幽恰稱君藤老濃陰能  
淡日竹深涼影欲成雲孤亭擬向山根補細水遙  
從石罅分課罷詩篇風正午齋鐘數杵隔林聞

童裴銘招同小集漫賦

亦有高樓俯大川詩人來是雨餘天湘簾不設宜  
憑檻蕉葉難勝但煮泉斷港潮通深柳外一江帆  
落夕陽邊主賓若盡閒如我幽興還同坐晚烟

為烈婦孫氏作

東園桃千樹灼灼春華敷衆卉匪不嘉隨風葬泥  
塗一樹被芳名不與松栢殊孫氏有淑女其先理

陸塘初稿

古

學儒十三勤織素十五習詩書出入嫺禮義無忝  
名家妹同邑李公子絃斷嗟鰥魚好速藉媒灼卜  
之光門閭視歷當六合親迎近歲除雜綵飾車輪  
繡幕懸流蘇公子未娶時沈疾憐形癯驚驚並寒  
水枕席空相俱仍以處女身奉養於舅姑阿舅佐  
皖郡春驛馳羶車公子病愈革立骨而剝膚與婦  
異寢室隻鳳棲庭梧顙斗天可呼願以身代夫公  
子曰我死爾則將焉如婦誓死同穴曰義豈他圖  
嚴妝見姑舅殯歛相諮諏願舅置兩棺婦當捐微  
軀易晞覩朝露中夜哀慈烏掩淚轉吞聲束髮脩

裙裾天明拜堂上婦志終不渝阿兄發三歎勸阻  
辭欲撓吾豈田野婦先人理學儒十三勤織素十  
五習詩書讀書明大義義在何敢隕中表來仇君  
捫舌生躊躇特地求一見侃侃陳良模爾有衰齒  
母爾有髫齡孤爾死慈闈老何以慰居諸爾死前  
妻兒愛養誰恩扶不若留此身慰老將遺雛行沾  
聖朝恩高節標令譽婦乃正顏色君言毋太迂義  
理孰兼盡惟擇一以居忠臣殉國難萬事皆其餘  
阿姑酌以酒膾臠豐庖厨七箸進如常談笑若懽  
愉告舅以官箴要旨符典謨深坐日已晡入室行

陸塘初稿

五

徐徐孰為新製衣孰為嫁時襦孰為夫所用孰為  
婦所儲大者為金璫細者為巾帨筐箱獻高堂瑣  
屑散女奴獨有珠蓮花懷之等璫璫叩辭復入室  
樓鼓鳴夜初阿兄隨之入然燭羅盤盃媿媿述舊  
聞神閒意復舒手擘珠蓮花一一吞其珠藐孤出  
總帳匍匐聲呱呱伏地不能起哽咽牽衣袪婦曰  
吾語汝汝慟翻愁余汝守父書傳我死安泉途今  
夕非死期汝意毋多虞送兄與俱出北斗垂天隅  
盥手整襟帶登牀還跣趺尺帛繫牀側溘逝驚斯  
須宛無傷脰痕異香騰空虛三日始蓋棺帛者咸



于于使君開戟門童叟奔街衢人得瞻其尸面白  
唇仍朱適得寫生手著筆勤追摹闡揚當路責廟  
享和鐫釘臨節不可奪古義迷榛蕪巾幗成聖賢  
椒英謝涅汙千載凜生氣一死寧悲吁

贈道楷上人

短衣破帽意從容祇在蕭涼古寺中不問世情真  
是嬾並忘佛字始為空閒窗硯撲晴江霧高閣燈  
昏老樹風一笑紛紛叩關者阿誰幽思許相同

題畫

一天霜鴈落汀遲竹塢楓林欲霽時坐向孤亭少

陸塘初稿

其

人跡料應吟得感秋詩

病

客身惟善病愁思暗相乘動是經旬卧鄰山不可  
登風聲驕古木雨氣壓秋燈寂寂無人夜虛堂閉  
一僧

病中邀姚八朱四過話代柬

寂寂蓬茅強自寬等閒暝色暗簾端閒雲滿院詩  
魂定瘦骨一牀秋雨寒夜課却憐前日減好花須  
卜幾時看招呼幸有牆東伴莫遣茶鐺宿火殘

訪錢二湘舟夜歸並招枉過

消殘永晝坐踈櫺小步還同到短亭接浦蛙喧新  
水白出林犬吠晚烟青望迷佛火風生嶺吟過魚  
簪月在汀門外碧梧陰漸滿遲君閒與註茶經  
大文敦一湘舟集寓齋晚歸即同散步溪

上

高賢竟日同追歡斜陽飲盡酒意闌千層烟柳岸  
欲合一片火雲波不寒誰家縹絲深竹塢有人呼  
鴨平沙灘君今此去何時見愁倚庭前舊藥欄

題守齋伯父山莊

何年種樹水之涯老葉濃陰已徧遮荒竈作餐三

陸塘初稿

其

畝芋閒窗為歷四時花門來舊雨夜呼酒屋過香  
風晚焙茶幾處潮痕通浦澈翠烟浮艇響魚叉

過鶴涓叔父松影軒

偶攜雙屨到湖干柳色荷香上小欄野老隔村先  
送酒主人戴笠自垂竿疎鐘度雨四山晚衆鳥啼  
烟一水寒短艇若容常過此客歸應待蓼花殘

別南浮山

木葉半脫山容開客子臨去還登臺亭如一鷗出  
浦澈石蹲猛虎披莓苔身穿洞口雲影疾鏡裂湖  
面漁舟來重遊興廢不可測等閒萬古滄桑哀

將之汴示同學諸子

又是淹留素景終莫嗔行李太匆匆城邊霜色寒  
陵樹市口簫聲落日風煮米慣攜新藥器剪燈慵  
理舊詩筒客情冷淡秋山路白草黃花致畧同

遠行曲

結束語童僕雞鳴看天曙辭我鄰里親曳屨出門  
去出門口無言寸心淹百慮請取囊中琴暫坐理  
絃柱一彈示知音音新知者故人情戀鄉井冰霜  
况歲暮此身值賤貧焉能樂完聚嶺高猿狖墜水  
急蛟龍怒行行將何之白日沙飛路

陸塘初稿

六

汴中送九兄士表之五臺

風急雁無序分飛古道旁短衣同下淚一劍獨含  
霜樹色投荒驛河聲別大梁明朝風雪裏我亦理  
征裝

贈宋舊山

好琴不在彈學劍不在舞犬羊賤皮骨鳳鳥重毛  
羽髣髴罹患難无妄茹荼苦啟戶納雷霆攜家走  
風雨奔輪歲月失西域復東土智者決肥遯屠刀  
聊一鼓大笑典與墳糠粃何足數行間蝌蚪死篋  
中蠹魚腐神思構奇雲筆力挽强弩卷帙目未親

才華恣詡詡自立筮貞吉勤勞幹父盡惕若罕交  
遊羞與齷齪伍坦途易陷危趾高致刀斧懷刑合  
大義朴實吾深取嗟我遠行邁寺樓炊瓦釜風激  
紙窗碎苔漬佛容古居我以鶴巢飽我以麟脯用  
意殊纏綿輝光訝初覩燼殘丁荻簾談深卓松塵  
酒酣聽君歌磊落隨時吐竹屋約秦淮幽情屬農  
圃杜老南北鄰誰是湖山主

題佟蔗村詩集後

誰謂河山遥拔脚動萬里丈夫閑一室聞見近卑  
鄙矚彼都國奇異同驗經史艱難述行路曦輪笑

陸塘初稿

九

彈指海水白日淡棧樹青燐起犬牙錯刀劍羊腸  
透荆杞火燒益州雲雪消巴蜀水嶺南荔支肥江  
東蓴菜美攬景入短策裝輯梵夾紙心遠顏謝塵  
力參庾鮑旨橋欲字丁卯年須次甲子人生幾兩  
履存作陵谷紀

尤展成蔡九霞宋旣庭三先生同招胥江

讌集分賦

平江風定水黏天擊鉢聲高雜管絃一代東南蓮  
社客數行書畫米家船墨痕細落沙頭雨歌扇斜  
遮渡口烟漢上題襟林下飲莫輸盛事古人傳



秀野草堂納涼歌敬和家君韻呈顧俠君  
世舊

六月炎日烘矮屋火雲直挂金鴉足一枕羲皇夢  
難入設境遊心向深竹顧家草堂堂何名坡老篇  
中剪寒穀泉引澄泓石疊高有花堪弄水堪掬大  
字金陵野叟書黑鐵杈兔毛禿到門曲折過平  
橋風響簫簫撼新玉簾紋鋪地琉璃黃桐影撲窗  
苔蘚綠插架牙籤任意翻堆盤菱藕寒香馥鶴羽  
徐招度曲聲一羣好鳥春山谷按節遊絲颺碧空  
充喉細籟鳴清隄更饒樂事芳尊裏渤海斜傾瀉

陸塘初稿

干

流水飲中之仙數阿誰太息前賢呼不起拔劍嘗  
作王郎哀荷鋤却怪劉伶死拇戰凝神眼望天罰  
盞促乾手捉耳爛醉三搗衆樂譁拈隔琮琤玉闌  
底木葉蕭蕭夜雨來魚龍活活秋濤駛歌罷復飲  
飲復歌奇兵布列斜陽壘衆賓皆醉我起舞簇坐  
圍觀興同鼓麴部頭銜未敢充獨煮霜華續茶譜  
須臾兩腋清風生石罅籬根暮烟吐柴門相送白  
月高蕩滌煩襟淨天宇竹枝杖短塵尾長一日偕  
君快千古襟襟人情奈何許輸與吾曹心栩栩磊  
落誰賓復誰主不厭萍踪淹十暑

贈李可亭

不盡蕭蕭木葉飛錢塘枯坐釣魚磯從來天地多  
秋意如此江山看夕暉作伴祇留筇竹杖對人長  
著芰荷衣秣陵舊圃逃名地待爾騎驢到竹扉

依韻答友人一首

可憐約束沈郎腰太瘦生難付畫描脣待補時言  
未巧頭當責後髮偏凋祇緣去惡成薑性漫為醫  
貧乞藥苗多謝淡交能好我蒲牋一曲慰昏朝

洗硯

短檐晝未午捲簾氣軒朗微風引香篆鳴禽靜書

陸塘初稿

主

幌閉目此默坐洗硯一神爽痼癖專好硯端溪慙  
孤賞選石更選式行簾惟攜兩相彼囊與琴古制  
良工仿包藏天地秘結括任鹵莽欲叩山水音空  
寂謝時響潤逗梨雨飛暖拭春膏長滴泉浮墨花  
溪雲會來往寄我平生趣元靈屬司掌相依斗室  
深題詩適俯仰

送陳秋田之任荔浦

兩山並立鎮鄒鋒山尖挂日關龍從詞人佩印辭  
鳳闕慨慷欲著循良功茲邑名好物產盛荔支想  
像非凡叢圖經考徧竟寂寞母乃樹老山還空嶺

南郡縣多此物歲歲送入甘泉宮古惟貢實今貢  
樹枝葉低亞胭脂紅洞光九孔出蟻腹背華五色  
明龜筒丹砂砑石堆雜沓夏纁璣組編玲瓏

天子宵旰德業大奉養不礙輸千舸君去莫上唐  
美書急宣

帝德開愚蒙看君癯形類秋鶴神清去坐冰壺中  
地幽訟簡足吟嘯新聲按拍詞逾工蠻烟蠻雨衙  
鼓濕枕椰寒翠遮房櫳閒時勸種荔百樹召棠萊  
栢將無同飽餐絳雪及朋友驛使致我梅花風

人日吳七雲李可亭同集詠物沾題得香

陸塘初稿

圭

鑪限鑄字韻五古一首

耽古抱幽癖瓶硯聊備具几上銅博山助我苦吟  
趣斑駁天垂雲氤氲山出霧氣色互凝散光芒倏  
含吐拂拭塵翳淨防閑酒痕汙昨夜春風生萬類  
啟閉沍正蕤辟寒香畫灰撥微炷縷縷艾納熏輕  
烟逐書蠹良冶誰氏手本質豈天賦冷煖憑他人  
宿火戀朝暮煅煉出精華洗濯保貞素真贗判歲  
代媿妍核尺度一物是與非古今慎陶鑄

社集詠物分得四絕句

吳榜

菱葉平鋪浪影齊歌聲乍起艣聲低滿船明月半  
塘寺搖到楓橋雞亂啼

越羅

曳雪蒙烟尺許寬春衫裁就比冰紈錢塘江口風  
來處簾底愁生半臂寒

秦鏡

咸陽烈焰久消沈一片寒冰自古今怪底鹿盧懸  
殿陛玉臺祇照美人心

楚簾

檀欒劈碎萬簫簫細織微波稱竹牀一枕夢回人

陸塘初稿

圭

八淚痕涼雨滴瀟湘

芍藥花屏歌坐友人齋中與陸天隨李可

亭冀隆吉朱海士顧搢玉家養虛兄同作

九街春盡晴掃烟琴成已奏薰風絃將離壓擔曉  
入市交枝簇蒂從花田呼童出買趁朝氣露珠裏  
萼神娟娟主人愛客列奇玩百緣不惜青銅錢大  
瓶直屹水晶冷小瓶低綴琉璃圓團圓六曲抱書  
案虹蜺彷彿工雕鐫坐席迎花留一面朦朧眼暈  
光纏綿有如斜山疊雲葉亦或立海明霞天不然  
樺燭照紅袖分司夜飲排歌筵濯儒意態久寂寞



芳菲晤對徵良緣平蕪數里軟沙路豐臺旭日町  
畦聯燕泥輕沾碧油幕麴塵分糝流蘇韞蹉跎十  
載阻夙約自憐瑟縮吳蠶眠深堂艷影映新醪况  
合叢珮逢諸賢就中鄉思誰獨兀江南詞客真狂  
顛揚州婪尾舊園夢賣花聲過垂楊邊花開花謝  
歸不得錦橋翠館空啼鵲愁來擲筆忽大叫長眉  
老子呼來前琴音嫋嫋度花去花霏作雨琴鳴泉  
明朝顏色願常好因花索酒時周旋辦他洛下飛  
英會好瀉錢唐藥玉船

午日吉水李大宗伯成詩次韻得二律

陸塘初稿

五

聞道垂簾對古函香羅疊雪賜朝衫裏蛛剪虎寧  
從俗噉鳳吟鸞自不凡聲望近天高似斗韶華過  
眼疾於帆年年射黍君恩厚未許雲畦輒荷鏡  
手攜敝帚拂經函難覓顏郎紫布衫驚馬一鳴偏  
失意冰魚三蝕未超凡學成燕市臨風筑隔斷吳  
波載雨帆仙艾石蒲盈藥籠願隨木柄少陵鏡

破絃曲題莊書田落第四十絕句後

黃帝鼓瑟命素女雁行叫碎芙蓉雨五十絃中聲  
最苦破絃朽柱二十五莊生奇製四十絃一絃一  
柱風淒然神膠枿髮吳絲纏蛟龍夜蟄溝水咽

鳳春冷桐華鮮問君此曲何由彈袖拋歷歷明珠  
圓化作血淚塗毫顛昨歲紫皇闢三殿鈞韶繚轉  
江山徧采風迎入客星車樂府新詞口稱善大羅  
次第羣仙籍丹筆親題名在乙  
御試卷次第八  
上親置第二名布衣宣  
賜鸛鵲裘石閣清班虛左席誰言咫尺天門高鴻  
璫鈴響揚雲旂為媒有鳥鳴咬咬叩額玉狗逢雄  
虬坐令羈羽棲寒巢殘牋落管霏瓊屑一聲何滿  
雙蛾結繁絲遞促層冰裂二月東園狼藉花九秋  
荒圃飄蕭葉同是枝頭歎摧折致我聞之腸斷絕  
急須剪去金鴛鴦免使酸辛聽鶉鴂

陸塘初稿

五

詠冰呈陳滄洲先生

先生以廉直忤大吏誣陷論死  
特旨免罪充詩館纂修  
同館諸公集飲賦席上冰即用冰韻得七律一首

座上光凝出室冰嚴霜苦雪憶相乘心原是水清  
無比暑亦長寒價始增近榻何堪焚睡鴨堆盤應  
笑惱癡蠅太陽解釋知恩重玉露金莖一例承

題成過村空山獨往小照

吾聞深山惡木千尺高參差蔽日潛山魃猛虎叫  
嘯萬谷裂猙獰怒目吞噬驕羅浮花落玉女老茯  
苓芝草隨風凋丹臺石洞不可即翩然靈鶴誰相  
邀武陽有佳客望遠情飛揚嬾馳金勒拖明璫畫

骨神含藏科頭髮並松杉禿寨裳手攬芙蓉  
紅十丈欽芳趾空山一碧攜詩囊晨將入廬  
霍暮將遊嵩衡桃花雞犬三千春辦作佯狂玩世  
人吾鄉龍眠山亦好蜿蜒橫黛纖翳掃以峯巨壑  
森開張百道飛泉傾樹杪披圖約畧故山路雲水  
蒼茫辨來去急染霜毫語畫師黃茅補作藏書處  
霹靂回兩奚足懼伴爾白首山中住吁嗟乎澗礫  
犖确岡巒封眼花耳冷如盲聾我本無錢買山負  
麋鹿爾亦浮名絆挂無根蓬帝城艷李兼寒楓怪  
詫雙鳥飛西東收拾五嶽羅心胸何必蒸嵐潑翠

陸塘初稿

壬

巖花瀑雪歷歷凌孤筇

依韻贈吳寶崖

時寶崖奉

詔

歷朝詩餘

螭方塘報新夏訪友

成過村

城西索覆竿夕陽僧

寺初逢君姓字纔通降階迓耳食博奧搜墳邱擁  
書雄據百城霸叩之金石鏗然鳴豈盜虛聲乏實  
價相要風雅共仔肩道在毋以不敏謝詰旦過我  
棗花裏談深晷影斂星舍芒角全露郭璞傲偃蹇  
微慨女顏罵塞旗鼓勇登騷壇雄堞崇墉一朝下  
神奇遽見吟帙高古事脫腕腐化風寒翠袖倚  
修竹蓬飛鬢雪愆期嫁坡臨僕射美貢焚日曝扶

南懼消蔗編摩甲乙

天子詔絕勝毫雖作耘稼九品之位一畝宮昌黎  
奚待吹噓借臺邊既充駿馬骨華厖良樂優暇  
芳馨遺贈窈窕姿臨風孔蓋將騰駕

憶西湖東寶崖再疊前韻

名賢消暑僧結夏憶昔遊筇與飲竿一聲柔艣別  
吳城西冷到眼湖光迓韻事思追白傅歡英風嬾  
問錢鏐霸波心曲檻引伎船岸口高帘譜酒價符  
帶穿魚愛葉肥蓮房踏鷺防花謝塔影眠雲度遠  
寺竹翠沾衣憇傍舍塵鞅但愧難勾留喚樹閒禽

陸塘初稿

壬

若謂罵葑草堤邊弔古情晚鐘遞促殘陽下湖山  
一經詩人眷惡劫能保滄桑化至今綽約西子態  
淡妝濃抹仍初嫁問君住近錢塘門療渴鄉愁曾  
夢蔗大好扁舟歸去來泛灩支流灌晴稼胡為躑  
躑繇塵間明月清風盡虛借他年我亦購鄰屋放  
鶴栽梅快餘暇香柄憑誰寫舊踪六橋烟雨雙虹  
駕

洗兒詩為吳震一舍人作

寶樹春風第一枝海中不厭果生遲舍人賜錦頭  
猶黑山雪休吟白傅詩



九天香雨浴長庚玉女盆添薪水清一幅霞綃輕拂拭聽他啼作鳳凰聲

僊僊九鶴伴迦陵久禱新林嚮佛燈好把緇郎呼小字前身疑是翠微僧

禁筦絲綸屬鳳毛宦遊生小侍雲霄嬌雛待長韶華易騎竹應能送早朝

送朱鹿田之任蜀中

天入萬峯攢鵲啼棧徑寒黃巾追往事朱邑幸之官復業民無幾催科政待寬從今行蜀道歌唱不知難

陸塘初稿

庚

七夕後一日怡園雅集分賦

眼前裙屐盛未覺客星殘綺思留餘巧深情續古歡林陰清落硯河影淡依欄幾度題詩處烟嵐獨此看

泉冷溪千折雲流樹一圍地仍寬綠野秋亦透朱扉鱗起當風洒潮生挂壁衣最憐烏鵲倦盡日不驚飛

送成過村旋魏州即入楚中

古槐花落亂鴉翻居傍瞿曇夢不溫蓬鬢影邊傾白墮檐鈴聲裏坐黃昏藤條曳雨投詩社笠子浮

霜出寺門流滯算來剛一載暮觴留得舊名根

海上成連去有期曲中餘響結相思病蟬離葉防寒早瘦馬馱書覓店遲路近暫歸曹翰宅秋深定拜屈原祠蛾眉此日多謠詠漫炙松肪讀楚詞

書劉太乙樂府後次北固先生元韻

趾跼蹐眼模糊見君一卷新樂府頓使風病清頭顱海濤嶽雲闕光怪頑金斷鐵投洪爐往來上下廿一史筆顛驅古如驅奴王風淪沒漢魏作音節夏擊無差殊質而不俚腴不艷茫茫後學空追摹或巧吞剝演舊說寄人籬下循牆趨或苦支離失

陸塘初稿

壬

本義馬牛舛悖難相符籍建攘臂繼李白力小味薄徒區區宋元以往問誰好揮手笑謝楊廉夫夫順學士茶陵客胸中千箱奇蹤異事細采擷造題佛人拘歌哭朝野小吉匠斧排蛟龍屠予書西涯集洞尊島佛頻南膜三復此編得近似更實其骨華其膚竄竊剽賊鄙時輩呖牙齟齬驚羣月謂不合古絃調宮商梗塞歌喉珠滿牢震動神出舞雀羽再拂衝風呼願將千篇萬句譜入夔皮大角逐散蚩尤霧豈祇瓊筵玉館雞箏碎響和笙等

和李蒼存種竹

北園新筍生君家有昌谷青光寫楚辭春粉落盈  
掬燕地長苦寒草木寡樹蓄花市古僧院擔頭森  
削玉探囊一竿價旅食五升粟覓鋤破閒雲汲井  
代涼霖細韻到石枕清陰上書簾自是瀟灑人藉  
以媚幽獨行看洛陽吏脫卸芰荷服城中休種花  
叢篁印床綠

東堤吟為任疎齋舅氏作

瀛州古郡城東偏金堤百里高巋然堤傍雁齒簇  
萬椽嘉禾繡錯翻雲阡我曾馳走桃花蘂維時初

陸塘初稿

辛

到江南船律兀山影當我前攬身髣髴升崖巔沙  
平草闊鋪茵羶馬容列轡車轂聯鳩工營築知何  
年守土者誰巍哉賢荷鋤老叟言便便指說地昔  
卑臨淵滹沱源會漳滏連沚淪頤淡恣深漩長鯨  
揚鬣西風顛瓠子撼擊驚危弦尾閭一洩無餘延  
浮梁沈瓦光採天樹頭湮沒踈鳴蟬陰霾珠室鱗  
纓塞左右村塢荒炊烟呼號乞食相扶牽流離性  
命劇可憐前官昏畫糟邱眠水衡日糜千緡錢新  
官才智能防川哀鴻目覩泣涕漣櫛沐倡率勞胝  
胼葦皮柳骨繩排編碌碌鞅結長木纏撞鉦賈力

齊爭先積霑厓窟滋蛟涎將成復潰憂心煎擊曲  
籲告通精虔馮修頃刻旋靈旃有如驅羊後者鞭  
從茲聚族海作田盍歸來乎擘蕙櫨雨蓑霧笠安  
故廛粉鞞幢牓雞豚豳散布晴旭茅籬邊粉榆社  
鼓聲蕭蕭七載煦燠瘡痍痊神君慈愛棠花鮮五  
斗罄乏清俸捐自今溯始蒙生全羣請籀隸貞珉  
鐫公曰無庸辭之堅勒銘旌伐何有焉野老此語  
非諛譏吾舅之政絕比肩淮泗石岸聞崩騫東南  
蕩溢病濕攀招搖遠指牛宿躔廟謨親授勤且專  
司空底績圭錫元吾舅善政胡弗宣阻遏上達職

陸塘初稿

辛

誰愆况有毒羽盤鷹鷂險夷世事迷筵筭行人公  
論平衡權作為此詩書玉箋將欲拜手奏九乾

雨中走筆示龔叔度

君不見少陵老叟歌偈側一居巷南一居北彼嬾  
朝天索飲伴嗟我與子長為客客中但有朋從樂  
左肩右袂遞挹拍司空廣厦庇寒士子騁雄文據  
文席我攜禿毫賦枯樹誰把春膏養花魄以我與  
子較胸臆唱斛量愁更贏百平泉秋淺玉船深去  
年遇子牛女夕新歲君自瀛臺來席帽絲鞭問所  
適聞我賃屋共短巷陡覺忻懽露顏色寸腸落落



置冰炭斯世交遊酌損益臭味早幸漆投膠踪跡  
近類藤緣石析疑好借堆格書出城互用看山屐  
十日五日靈鳥匿惡溜千條挂檐白牆鼠壁蝨夥  
枕簟牀脚古苔積一尺泥髑汗髑混燥濕門窗在  
望行不得芭蕉葉老菡萏摧風送暮雲雲似人  
生百年苦易滿珍重朝昏怕離隔乃知背面寸步  
等萬里胡為狂時放論直咤天地窄

題詠聲山太史寫經圖

風雨長齋守墓門  
夢我先後泣深恩  
法華寫罷丹青拙  
不畫行間血淚痕

陸塘初稿

三

賦得不知今夕是何年和族子元禮邀張

匠門繆湘芷同作

寒星猶帶草堂明  
嬾向光陰紀去程  
豈似深山難問歷  
渾同流水却無聲  
門前芳草幾時綠  
鏡裏霜華昨夜生  
中酒逃禪都不是  
却憐羈客此時情

題遂安鄒廣文効忠圖

遂安城大如斗賊兵來縣官走  
儒官罵賊賊縛肘  
乘機遁出豺狼口  
集衆擊賊挺在手  
妖星一掃寧  
雞狗賊伏莽去還來  
城門火栖烏哀登陴  
矢石驅風雷  
狂氛惡霧層層開  
釋重圍士民喜歸我  
絳紗

惟理我舊書史孤忠未顯微官死當年佐陣兒折  
齒兒今抱圖獻天子

友人寄江上晚吟詩讀之有感次韻寄答  
江城有茅屋白板面江開一折門前柳頻殘笛裏  
梅片雲將夢去雙鯉逐潮來剪燭吟君句歸心入  
夜催

送楊薇中旋雲間

秋深江上布衣回能掩柴門便見才世路指同蓴  
菜滑冷懷知共菊花開長亭約伴風驅雁舊徑尋  
詩屐破苔猿鶴相嘲好相答昭王臺畔滿塵埃

陸塘初稿

三

米價東吳豈浪傳腐儒身事合蕭然後山前水藏  
書屋赤日黃埃種秫田泣別不成千里雨謀生難  
戀五湖烟鱸魚如未枯三泖張翰猶堪著釣船  
江時南早故云

題畫

廟口西風冷積苔暮山黃葉欲成堆一枝艇子烟  
波裏知為尋僧訪鶴來

為郭于宮畫牛鳴雙村圖題之

依山愛山靜依水愛水清山重水複宜逃名先生  
有名藏不得東屯西崦營茅衡牛鳴村東西立人

家對擁湖光碧一系縹絲斷續聞隔岸招呼渡

揖村口打魚入城賣鳴榔日日喧牆外堰尾橋頭  
蝦蜆腥瓦盆佐酒庖霜膾千竿之竹二頃田東村  
結屋尤幽僮朝鋤亭畔雲暮汲門前烟燕泥浣袖  
春波湔浣花製就題詩箋此中大可詩人住十年  
領畧湖莊趣釣叟漁郎約往還世間傳得擊音句  
于宮翠羽麟毫詔選才才人不許栖蒿萊芙蓉渺  
渺遮層埃吟身羈紲黃金臺我作雙村圖君作雙  
村史雙村兩見丹青裏前有程生補後楊子兩  
人意匠殊精工生綃剪霧披空濛驚飛乍浦寒沙

陸塘初稿

三

裏鶴載孤舟短笛風草堂藥圃悉路徑

村西東口角流沫指爪澁拜告弗敏羞雷同征人  
塵鞅苦躑躅我今割取秋盈幅楓葉微酣田布秫  
動君歸思尊鱸足長願兵烽淨川陸免教惡劫移  
陵谷雲水鈎連護喬木名成將返讀書屋畫圖指  
點鑑湖曲

賦得經賞重陽第五年

韓翃公句也子宮約同人賦  
九日詩分此

燕臺席帽受風偏沾得茱萸瀉玉船檢點舊詩秋  
口紙遲回鄉思雁橫天幾番人對黃花瘦昨夜寒  
從細雨傳寄謝婆娑亭上客流光下載半行羈

送姚衡彰之任繡水

依稀楊柳夾官河欸乃城陰夜半過舊夢我憐彈  
指似一官爾奈折腰何攜家書富添吳榜奉母春  
溫剪越羅日日樓頭賦烟雨勝他王粲客愁多

題宋姜銘鷗邊洗酸圖

一年不飲一升酒高陽之徒半吾友十年蔽體無  
貂裘忍寒待客謀觥籌狂奴故態狂如此畫裏何  
緣得逢子子家門前榮戟紅層樓曲苑連春風子  
家堂上夜珠白繁絲脆管留賓客愛子胸懷特疏  
曠無人亦對山花放春聲鷗汎響晴雲斜坡坐久

陸塘初稿

三

溪邊聞脫帽解衣吞百酸山花細落林塘晚狼藉  
深罌雜破觚醉來好倩花枝扶鸚鵡杯鷓鴣杓小  
童且斟子且酌但使杯滿莫杯空直喜溪盈怕溪  
涸洗滌惟期酒味真不屑杯濃琥珀薄浮藻平添  
麴米香顧我非魚魚亦樂羣鷗拍拍休驚飛主人  
已有忘機約可知飲酒貴得趣此外無非是糟粕  
我欲贈子中山千日之澄醪授子莊周五石之大  
瓠送子移封酒泉去淮南雞犬水中鷗拔宅相隨  
醉鄉住

送宋吉金之任辰州



西上洞庭去飽看湖外山數程雙槳到八月五溪  
灣政聽水聲遠詩吟秋色閒地偏成吏隱幽事正  
相關

題潯陽送客圖為同年宋太史筠

月影蘆花共一灣蓬窗猶寫舊雲鬟今別有青  
衫淚不在哀絃十指間

少時車馬博知名漫撥琵琶訴不平辛苦入宮諸  
姊妹白頭銀甲學彈箏

為外舅巫麓筠先生畫牡丹題一絕

筆端香瀉露團團不數豪家百寶欄記得洛陽春

陸塘初稿

三

正好畫長曾及午前看

外舅曾為平和令

送同年宋太史筠乞養歸里兼呈商邱先  
生

初裁宮錦闕前趨便著萊衣侍鑑湖冷職人偏羨  
金馬歸心君不為尊鱸山中愛日春方永河上看  
花枝好扶紅杏尚書才力健尺綃重補學詩圖

雜言

吾愛仙人子託跡明霞畔奇哉碧瓦居罨靄香風  
扇大樹蟠晴雲瑤花布微霰頻探玉洞春同侍清  
都宴塵埃誰見招身落千尋壑海涸僵修鯢霜飛

叫孤雁搖尾意羞澀舉目神驚顛天寒日影斜自  
續單袍綫

我來匪為寇將以婚媾求君胡強言笑尺步藏戈  
矛握手問行路長江橫巨舟謂茲江水清聊與恣  
浮游中道忽相棄四顧風烟愁緬懷夙昔情致之  
應無由安得精衛來銜石填其流深澤變坦途使  
我馳騁傷今望濟心一夕霜盈頭

卧看牛女星耿耿河西東相望亦匪遠桂楫不可  
通別離春復秋憔悴誰為容烏鵲惜一毛何勞翔  
虛空大鳥弗然怒鼓翼生奇風澎湃覽波濤憂心

陸塘初稿

三

常忡忡

出郭值老嫗痛哭當交陌詰之得其故弱子他鄉  
客迢迢萬里程歸飛無勁翮層崖虎豹叢中夜驚  
魂魄人生駒隙間婦年已半百一子視如珠何堪  
久離別昨朝寄書去云我頭盡白血淚有時枯渺  
矣天南北吁嗟遠征人聞之情惻惻

社集查大龍耕賦春雪同查大學安王三  
雲岡龔四叔度儲三禮執徐大亮直胡大  
升中沈三峙公鄭二于宮宋大海士吳大  
小眉舍弟近震作限肥字

時二月望日

長安此日雪還飛未許尊前試袷衣帶濕淺藏芳草綠勒寒微遲杏花肥曉風無力低飄瓦夜月多情故映扉誰道少年愁似我青春雙鬢著來非

送楊滙南歸里步留別韻

於爾最關情緇塵莽拂纓命嫌花待閨裝較葉還輕乞米理殘帖攜書戀舊檠有才終不賤莫認可憐生額三贈別詩有刺刺可憐生之句故云

淮上口占寄內

銅駝陌上謝風烟未買揚州鴨觜船一自辭家看明月算來一百六回圓

陸塘初稿

晚行

不嫌舟似葉初見月如弓秋到湖頭樹帆乘廟口風暮鴉寒點點遠岫碧濛濛小泊知何處蘆花一水東

述本堂詩集

桐城方式濟沃園著

出關詩

留別諸同年

不死去京國流離見主恩冰霜餘草木日月共荒原紫陌他生面青楓此後魂相思寄清淚中外驗書痕

日出城東隅

日出城東隅照見城上樓客子行荷戈全家投荒陬征馬慘不嘶親戚擁道周貽贈問所欲下馬斯

出關詩

須留邊庭六千里去與豺虎儔強說歸有期慰我永別愁平生五嶽志振足輕阻修東風揚路塵新柳綠未稠混迹忍瑕垢結念恣遨遊敢不重賤軀父母雙白頭

瞭甲店

日角崢嶸抱玉璽雕旂翠葆騰霄起天策難回上將心萬馬趨趨渡遼水詔集幽州耀六軍荒郊繡甲排繽紛鐵光碎日霜花洗凍鳥高飛避陣雲一戰先虛平壤策趙卒阬殘究何益開邊才遜茂陵雄十城空污游魂血吁嗟乎古今興滅青蒿露月



明冷照關山路兩間茅店數聲雞驅車人赴龍沙  
戊

曉發板橋

薊城朝雨板橋西濕草痕痕碾燕泥斷嶺農家榛  
子鎮嵐光明滅鵲姑啼

贈同年錢大甫生

字鴻儒永平教授

故人居冷官不見三飛霜相見復不樂赭衣上君  
堂吞聲撥繁緒且酌燈下觴前庭夜鵲喧殘帙影  
在牀側耳聽君言君言何感傷斗祿寄一身妻孥  
隔江鄉簪組無顏色消息殊茫茫疇昔憶通籍志  
氣頗軒昂數奇歛孤憤道合焚離腸逝水迴素波  
願鑒青雲光他年雁帛音定過陽山陽

盧龍塞

穹天寂林木荒日浩埃塏朝辭瓜竹祠午過盧龍  
塞塞意忽滿眼天地覺殊態昔鎮今畿郊津梁非  
要害萬里收羌戎極幕更經界粵稽古天下斷鼇  
漏私載堯舜禪垂裳宣尼侈歷塊幽陬隅四  
海何陋隘畫足哂前規決眚壯昭代迴望薊遵山  
春雲接盤蓋

蘆峯道中

蘆峯村到蘆峯驛犖犖聲中曉霧殘多少春山來  
畫稿倪黃肥瘦倚天看

山海關

海霧橫車箱翠嶽捐馬首長城半山海關勢良不  
苟撻石本奇功延袤萬里走雲根插洪濤能與坤  
軸久秦皇大眼界戶庭視九有川嶽等卷勺凌跨  
任指剖等閒樹藩籬馬足衛馳蹂中外自此劃天  
役鬼神手鴻濛至其時運會一樞紐乃今四海一  
馬用熊羆守關前車麟麟出入辰及酉城頭照碧  
燐埋血千載後戰守總茫然驪山骨已朽

出關詩

三

留別應四綜文

字渠細

一條關路雪流沙從此題書滯歲華經過籬門記  
開口好教邊雁識君家

望海店望海

黑風吹影瘴青天蒼莽中原一髮烟種竹種桑誰  
得管眼中波浪馬頭鞭

塔山

塔山塔山名何年不見抔土片石兀律當我前那  
有五丁開未聞壯士拔平沙短草迷漫連天一望  
數十里但見冷日鋪荒烟將毋玉斗移早令天柱

斬十三萬人髑髏血冤陷地軸山亦絕秦關蜀閣  
天下雄巴氏笳鼓漁陽烽天險猶然不可恃况茲  
曠壤風摧蓬時移物換新鬼舊覆亡畢竟伊誰疚  
鎧甲成灰丞相降書生敢效元黃鬪君不見皮島  
高旗塞北斗豸冠代狩霜威吼十載防邊老將頭  
一朝擲落腐儒手天下不於馬上治斯言斟酌籌  
兼濟空嗤衛霍本人奴何曾頗牧隆邊寄遙東日  
出雲霞繪初何爭乎有險無險高山與平地

取道錦州不由松山杏山

一路平沙指大荒等閒堞影曉相望昨宵雨過春

出關詩

四

城綠此去雲沈成壘黃相印北歸慚赤節將星東  
下惜紅狼飄零過客悲身世燐血何心認戰場

贈錦令周廷槐

字綠湖

敢怪逢迎少多君慰接勞邊風萬里客海邑五更  
濤署冷鴉聲亂民肥馬骨高可憐一攜手銜淚解  
綈袍

觀音閣僧畜一鶴能送迎戲題一絕

慧業無因向佛修思鄉亦似客低頭霜溪一別鷗  
鷺伴楓葉蘆花第幾秋

同年李珽惠銀魚鮮鯉

字廷玉錦人

魚鰕何必數南江一夕鄉心借箸降挂漏髯坡瓊  
島集豈無雙美佐春缸

四通碑

北風號枯楊三尺迷孤墳碑字磨半滅諱忌無完  
文古棺出黃土朽骨化青氛豈是免穿窟空穴深  
棲雲生為玉門侯一劍威千軍野史參疑信功罪  
書紛紛咸陽陵草秋南山對氤氲勝彼冬青樹聚  
舞饑鴉羣寒寒生匪躬窀穸何足云藉言慰忠魄  
佇立延斜曛

至廣寧同年鐵五顯祖來迎

字蔭遠承德人

出關詩

五

行行日已遠望望瀋陽城念子隔數驛羽翼何由  
輕隻馬迎我來問我所歷程昨朝風雨惡蹊路崎  
不平蹙蹙君馬蹄燎衣對孤檠安居滿親暱困躓  
乖平生山月不照水馬知雲中情執手默無語涕  
淚一再傾

遇高麗貢使歸

箕子久無祀周封尚有疆衣冠九賓列球貝百蠻  
倡雲色籠騏驎星裝近鳳凰弓材何必禁威信肅  
梯航

高麗以鳳凰城為界使歸禁梯航

寒號鳥二首



深林鳥號寒啾啾夜淒楚啼哉造物情不使生毛  
羽營巢矢來朝日暮復哀語依倚熹光恩顧盼自  
容與崦嵫無停車寒燠須臾許苟安智慮失過恃  
末路苦持此鑒古今人物同一數

邊山盤千林鬱鬱蒼烟裏豈無一枝棲或畏衆鳥  
詆文與不章身脫羅差可喜炎方翡翠居邱隅任  
所止抱志往相從三躍不能起百舌媚華春慈烏  
困霜杞誰語梧桐岡噉音一憐爾

晤鄂六

鄂禮字執卷

使者星輶急征途兩度逢曉燈別山雨斜日巨流

出關詩

六

春雙鳥去來意三生離合踪臨河直揮手汀草似  
愁濃

別山過蘄州三十里巨流河距本天府百里

盛京

一從遼水頌河清百雉千秋定鎬京王氣遠連鳩  
鵲觀天威直壓鳳凰城

高麗分界城

金魚第宅貂楊幄銅

馬田疇鳥喚耕奕禩兩都聲一概護

陵休更說邊兵

題鐫五幅霞亭

草亭不盈笏四面繁春葩誰以青女機織此明綃  
霞基茗坐朝夕主好客亦嘉鄰人屋上烏來啄桃

李花君言勿驚顧戒彼兒童譁斯乃避弋雛風雨  
憐無家雛飽不忍去迴舞凌烟斜啄花蒂實結味  
勝東陵瓜願充君盤盂永飫君齒牙來年紅杏高  
簾牖晴周遮會有九苞鳳為君吐光華

題道院

夜與天俱靜森森殿影重星低長近閣風細祇依  
松丹室含龍氣苔窗印鶴踪渾疑清嘯處衡霍最  
高峯

寄盧龍周尉廷楨撫寧石尉嵐

兩地迂累車人逢去國初溪聲咽卑耳

盧龍溪名關樹

出關詩

七

引臨閭撫寧古關名鄉語塵昏裏酤顏燭跋餘深情重回  
首不獨憶灤魚

皇寺

金碧遼水隈雙刹光岌業旅病春欲殘西郊散晴  
燥雜花隱參差青松高匝獸環貝屈鈎獅首珠  
戴額獻邊鏤脂肪循龕展璣璣欄前矗碑文捫字  
細咀啞大書天命年頌述開創業滅土七十二乃  
奏遼城捷立寺表具瞻報佑及迦葉碑尾臣工名  
衆星緯相協皇哉草昧初規模已宏立番僧眉列  
霜袒跣據高榻聞我關內來叩事言喋喋答以

聖人安兵戈久閑戢歷數豈佛功  
惆恍空門法果思延午景雲暖  
雀聲集出門坐樹下濃翠墮裾濕

鐵五送至蒲河賦別

勞骨不遑席脂車迫東馳晴日照大野  
去去從此辭相送蒲河陰感激潛酸嘶  
戀景重須臾念當生別離我有數行淚  
欲墮還自持死化桑下蠶為君吐衣絲  
生同比翼鳥夜夜長相思生死如浮雲  
素交山不移

樊河漁父

鷓鴣聲裏破絲網楊柳風邊獨木舟  
眼中征戍幾

出關詩

八

人返年少賣魚今白頭

馬憐花

蝴蝶高低立翠烟草香留待牧秋田  
漢家苜蓿無人識却向車前喚馬憐

采菱蒿

故國汀洲色茸茸擷淺沙短簑青過雨  
平野綠圍車泥迹偃行鹿饑聲起亂鴉  
齒香謹晚食忘却在天涯

孤家子

地名

四面圍黃沙獨樹依孤廬比鄰問誰與  
朝夕樹上

烏暝雨急所止叩門烏驚呼主人笑對客僕馬無  
一須入門攜婦去破壁塵未除昏燈忍饑坐盼盼  
清夜徂幽築豈避世車馬當路隅沙寒瘠不毛桑  
隴非耕畬太平長兒女安識牆垣孤自古離亂愁  
兵戈起通都

威遠堡關

過奉天二百三十五里

鎬豐憑鎖鑰無險亦名關雞唱同嚴客鴻飛易度  
山泥九春柳密堠火夕陽閒此外更荒漠蕭蕭征  
馬班

鎮北堡道中

故北關也出威遠堡二十里一

出關詩

九

北關遺壁草連空烽火平原靜暮風十里雨絲到  
山驛棉花街口一燈紅

柞樹篇

柞木何蓊蒙參錯逐崖谷十里五里陰千山萬山  
綠細榦撐斗口大圍脹輪腹午憩層蓋張暝趨暗  
魑伏白榆不可見青松生亦獨頗訝鄙賤質易承  
雨露鞠聞昔寧古戍千聖但虎踞星羅今六城置  
驛走康陸村烟接稽林匝莽灌木剖柞擴牆柵  
積柞壯庖突儘供狼藉用免折隆棟甘心異漢時  
宮五柞廷下蠹拔兒緬姬周棄置等蓬蓽帝王取



舍殊貴賤易標目吾成柞樹篇聊作邊材錄

短歌

曉起望青山萱花盈古道采萱欲忘憂佩之益枯  
槁豈有壯士懷聽命寸莖草勿謂百年短計日不  
為少憂更多於日忽忽憂中老蕙蒞化為茅三歎  
秋風早

葉赫城

威遠堡外九十里

道旁立兩城殘堞冷朝雨傳言古王居兵車盛旄  
羽山上復山下兄弟各分土其地界喉舌其官拜  
龍虎國家初開疆三戰戒流杵維時九部落力靡

出關詩

十

識

真主雲從破堅墉長驅廓海宇殺王俘民人規模  
益雄武苗裔仍軒裳境邑但垣堵過客流播傷不  
暇紀曩古空城草木長狐狸自悲語史臣頌功勲  
滄桑漏應補

火石嶺

威遠堡北插柳為界亦名柳條關

山接柳條關三日天光窄厓巒東車路衣縞帶嵐  
色曉發火石嶺揖與衆山別遠黛有餘情低眉送  
行客

小姑山贈鄉僧志勝

鄉音驚遠塞瓢笠問奇踪九域寧無土何年來此  
峯姓名鎖浩劫歲月付踈鐘同是辭根葉蓮花勝  
斷蓬

大姑山

大姑山對小姑山百里烟光兩翠鬟明月下山天  
似水峭帆疑挂碧湖灣

小姑廟

密林斜磴夕烟輝玉女明璫散石扉夢裏鄱湖碧  
千頃一從淪謫幾時歸

一統河

出關

十一

帶水自盈盈天家重此名波臣知漢大率土頌河  
清貢入諸藩道冰開萬里征風高蘆管急莫使暮  
濤生

虎廟行

刈穰名山前猛虎穴立廟警虎虎踪蔑圭楹豆楠  
豈神棲假託長疑衆鬼譎或聳我冠或介冑儼主  
窮山排玉節鬼胥牌書捕虎字頌胸至目屹持鐵  
血食由來神異應鞭虎魂飢  
民弭毒匪  
淫祀厥職無羞遵俎設山澤久燼炎  
火九關將  
母繡斧折胡為天地貫猙獰履尾茫茫卜凶咥

嶺雲行

下嶺復上嶺雲斷復雲續上嶺雲在林下嶺雲在  
谷雉鳴深草間飛向雲中逐前嶺一縷黑俄頃衆  
山秃細雨四面至清風時一沐雨絲密霏烟雲氣  
黯布幄旁峰吐殘日雜鳥叫叢木山川異炎涼變  
景不移目嶺下有人家遙指白雲宿

悽惶嶺

嶺陰名歎喜

悲喜不在山紛紛征戍者去哭此山頭來歌此山  
下

稽林

又名船廠臨松花江自奉天至此十三站八百五十里

出關詩

十三

古者雞林地漚影海東國字異名畧同鎮臨大江  
側江水浮松花湍澹蛟鼉宅黃茅十萬家人烟壯  
濤色對岸千岡巒林木密如棘枯栢大十圍蒼皮  
翳山黑往歲羅刹羌樓船偶肆慝設戍灘沙高取  
材便戰船恭聞 太和成 康熙中重建太和殿 遠致千牛力由  
來資棟梁曾不限方域願布明堂政舞羽歸至德  
瑣尾檣烏閒江流清可食物害消鯨鯢民命遠兵  
革

驛騎探歐李子消息

邊山丹實問烟叢歲歲櫻桃薦廟同何不移栽上

林裏也教草木認新豐

五月四日渡混同江

邊江新漲急浩浩一舟過高瀉白山雪橫連黑水  
波近松午風落倚岸夏雲多競渡來朝事臨淵愴  
汨羅

糠燈

糠粃亦生輝能分蘭焰微霜荻橫骨瘦黍漚裏肌  
肥客對星星鬢山昏寂寂扉映囊貧計拙今日始  
知非

嬾老婆

糠燈藥也

出關詩

十三

斷木銜光遠居然八尺檠枒杈勁三足臃腫上孤  
莖不問釭花喜聊辭燭淚傾通明看色相粉黛亦  
虛名

囉囉街中頓

日午僮僕饑喘怯前壁陡青烟出孤茅索飯雜門  
牖主婦前致辭麤糲不適口良人食官賦采樺入  
林數樺皮良弓材官令霜時走深愧遠客來蔬肉  
一無有飯飽出門去給錢袖斂手頻年秋大熟種  
糜輒盈畝獲多價亦賤安惜此升斗聞此客意安  
更訝邊俗厚心懸謫戍鄉長恐土膏醜俯仰遠溝



壑盡室作耕耦

布塔哈烏喇

珠江也官歲采珠於此采後於山采於野並為東鎮寶產

部曲千駟強前代邊疆冠神龍起天潢沙蟲腐頽  
岸鬱鬱城市狀稠沓訖井開生齒鮮編民徭役半  
流竄清冷汨深淵珠光倒星漢南海豈寂寥貢舶  
扶桑畔維地不愛寶邊產歲無算令嚴私采罪官  
采春冰泮巨蚌剖歲瓠獨木舟名革囊繫腰肝鮫室凜  
失墜入眼波泫泫采復采貂足繭復何憚

塞意

一渡松花水荒涼塞意真沙昏無際月草短過時

出關詩

十四

春野雀村厨客山魃夜火鄰不毛傷絕地溪藪少  
沾脣

西拉站

落日在荒渡陟岸奔山椒撥草辨古轍失足多坑  
壕昏黑驟雨至僮僕相呼招咫尺不得顧各各棲  
蓬蒿夜半山風腥戰栗虎豹號披濕默擁膝啟明  
見林梢引望前步艱貫飲如猿猱左壁陡插霧右  
壑深吹濤單車一尺土輪外無秋毫蹲石魑魅塞  
偃木蚪蛻交駑馬欲驚軼性命誰其操罔轉坦陌  
出頓覺舒鬱陶放膽下坂滑回首來路高投驛支

枕暮得逸豈償勞智士昧前算夷險隨所遭

法塔哈門

奉天以北第二關過稽林百八十里

山口巖局月照營等閒客過待雞鳴此身已在重  
邊外不怕陽關第四聲

山行

斜徑入深林罔頭平一掌人在林中行雨在林外  
響心神謝泥汨紆迴得幽爽林密颯秋聲雨驅暑  
氣往故山涼葉村忽作悠然想

五葉詞

碧山瑤草驕蘭荃鬢髻五葉光芊綿厓歌谷轉箭

出關詩

十五

牙密土膏放煖龍耕烟靈根不死千年在留與丹  
臺助嵐彩金骨仙人石鼎漿一呷能令壽山海者  
峰渺渺軒轅邱地脉沃盛徵天休上黨新苗雲液  
薄深林誰復窮冥搜兔臼已收紫芝滿玉桃樹下  
嚴司管青毛使鳥罷銜符兒戲東方欲擅腕法星  
奏補三章約輕死空求延命藥斫桂雖無繡斧加  
蹣跚已折元鳥脚天外九衢春瑟瑟六丁直日關  
梁塞溪畔胡麻夜起塵落魄愁來赤松客

過新城

舊為白都納站西距船廠十一站六百十里東北距卜魁七站五百三十里

泥垣四面繞烟萊孤軫侵程及曉開江近驛移臨

水去市荒人為換魚來稽林西瞰崇岡斷龍漠東  
連野渡迴羸馬屢過遷戍地長征猶未息虺隤

渡腦溫江 過江即卜魁界

急流雙汊湧沙根一抹波光帶日昏想像瓊州潮  
拍岸片帆初到海南村

固魯站

百里不見人飛鳥絕羽翰塞路寡程則馬首增漫  
漫雞鳴飽一飯日夕不及餐蒿藜求暫憇復恐陽  
烏殘修景且晏達短晝思冬寒來經新城西盤鬱  
紛村巒遠戍羨近戍已判雲霞端艱難不在險砥

出關詩

十六

陌嶽崎觀躑躅扶衰親銜憂摧心肝

汲井

長陸大火流倦眼眩迴眺白日無纖雲平莽盡一  
照汗毛澁羸蹄渴肺灼憂抱陂池聞前途僕御起  
懽噪來及牧馬場洩勃亂泥淖深蒿古時井汲遠  
藉良導蛟涎腥癭瓢蟻蠓恣騰趨吐吐沈墨鄉汨  
汚地脉竅涼泉憶幽谷松枝煮山銚設觀沃心脾  
冷然發清嘯

望見卜魁城

一片沙昏數尺牆斷埤烟景亦蒼蒼怪來戰馬防

秋地說是書生送老鄉五十三亭燕樹隔六千餘  
里楚天長勞肩息後尋詩料雁月笳風拾滿囊

至卜魁城葺屋落成敬和家君元韻

窮荒豈復羨軒楹抹土誅茅手自營桑海鳥衣天  
外夢勃漫韋幙意中情三年沸鼎憂危色百日征  
車輾轉聲誰道驚魂招未得嘯歌隨地寄浮生  
平沙千里接城根不是山村與水村有夢嵐光青  
到枕誰家樹好綠遮門樓臺露墜螯弧冷韃韃風  
高節鉞尊邊戍苟安輦鼓靜草頭吹角散霜痕  
笑解貧裝載不輕牛腰書帙半車橫揶揄滿路原

出關詩

十七

成癖辛苦隨人倍有情語弄聊從歆棄避眼花漸  
對舊藥生南華齊物離騷怨誰是誰非辨未明  
日侍眠餐雙白髮難餘猶幸是完人烏私得向殊  
鄉遂鴻律何妨甲令新齋肅瓦盆頻祝哽冬溫紙  
帳且甘貧嶺南蘇過今同竄絕勝袁閔土室春  
度日消閒事頗能弟兄鄉思怪頻仍基因敲落柔  
苔破硯為吟多古麝凝著草乞鄰朝斷易風簾額  
斗夜燒燈送迎恰是東西屋雨檻晴窗好共凭  
長天雁入愁雲暗高關心隨淚眼凝衣拂邊塵嫌  
短袖花占遠信護殘燈朋儔鵲鷺今何在踪跡漁



樵且未能祇作萍蓬初失路饑驅湖海誤擔簦  
靜無剝啄類荒郊寒雨閒庭不補茅耳剝宵吟聯  
蟋蟀眼憐塵網織蠨蛸敢言玩世同嵇阮未信逃  
名學許巢寂寂書堂揚子宅旁人指點莫相嘲  
二三鄰屋簇蒿萊垣短無心理斷坏飲馬柴門爭  
井入迎神畫鼓趁風來雨餘瓜豆從人乞日落弓  
刀看獵迴白幘青錢虛步屨不開詩酒興蘊頽  
難難萬里乍遷移草草安居百事遲晚食計荒春  
稗曰早暄倚待護花籬牆添雞柵來年地薪借牛  
車解凍時陋樸不應嗤塞俗農家風味想如斯

陶詩

六

祇送韶光不送愁遣愁何處覓清幽夕陽巷冷牛  
羊氣平野天低狐兔秋豈有桃源容大隱竟從榆  
塞說閒遊多勞故國鶯花待白板黃茅古渡頭

學卜有感

著龜不自測乃敢測風雷人事何趨避天心有往  
來龍文歸一畫象緯括三才註脚嗔倉史鴻濛倚  
禍胎

雙柳行

卜魁城中草木稀卜魁城外黃沙飛白日未耀天  
光徒好雲不宿茅簷底東家雙柳長過屋輕陰綠

漾清風起過門有客行且止披襟涼納寒潭水江  
干叢生細於指直去城南三十里刈盡柔條根復  
萌年年生滅樵歌裏想像書牀撲烟霧選栽欲問  
柴車路待得成陰知幾時故園老却長干樹

草芙蓉

草花似菊從土俗名

釋草荒經漏寒籬認菊黃虛無秋岸水零落塞天  
霜聊作陶家徑難栽屈子裳浮名託江國誰與惜  
孤芳

遊胡氏莊次星厓弟韻二首

郭北麟麟古道過戍樓三里接湖波沙堆斷處人

出關詩

九

烟出露得秋城一角多

雙雙白鷺掠雲過茅屋人家對淥波為道年年新  
雨後魚苗一樣到門多

敬和家君立秋前一日過訪訥拙菴元韻

炎煬息繁囿涼風蕩豐芭舉步厭肆屢謹厯競流  
水念我霞外人離居不一里入門卉草閒下車僮  
僕喜經旬枯坐心懽騰咽故紙結蘭投素芬烹葵  
櫨新蕊情親重見面况復餐嘉旨坐歎鬢毛禿邊  
荒老殘畧我有白髮親追隨比萊子尋歡邁良偶  
愁緒紛以理廣聞掉妙舌祛惑叩微拈曠壤轉根

蓬汗漫忽聚此世俗白眼交誹詆互如市對君能不飲坦懷合遐趾攬袂氣迎秋歌聲一再起

八月十七日霜

土牀入夜氣骨冷火不溫起視手種花委仆牆籬根早霜纔一夕不緩須臾恩荒邊無林柯後彫誰與言柔條受戕伐悼惜同蘭蓀人生歷寒燠容易更朝昏

敝塵行

蠅飛薨薨朝至暮眼倦日長不得卧驅一未去八九來垂簾聲納雷霆大買塵却訝荒城有銀絲木

出關詩

干

柄邊兒手入握欣然快所需疾颺怒逐千軍走秋老霜寒蜂蠆死雙眸空闊乾坤裏破壁高懸等棄捐團扇良弓類如此吁嗟乎裙屐風流久消歇江東王謝無家客耳底清言何處聞條條冷挂殘燈雪

九月二日雪

江南九月秋光開凍雲不近江城隈燕山九月朔風起雪花光照桑乾水客住邊城值九月眼中纔見邊城雪邊城雪飛皜皜九月纔飛不為早芙蓉未冷江南花蘼蕪已壓燕山草羈人見雪何須悲

祇似燕山九月時居人共道今年暖遷客來多天意轉此地初開草昧年迎秋冰雪酸風剪雪遲飛春早度玉門或有春來路

雪中集訥拙菴齋頭觀菊分韻得故字

颯沓蓬無根飄颻葉舞樹漠漠天風來平野一相聚秋花淡入室苦雪紛在路踏雪忘雪寒良約導吟步對花恕花瘦物命託邊戍曖曖復牖光清陰沍衣屨枝蒂自芳潔籬落何新故餐英盡美酒不學湘江訴

詠史

出關詩

干

明駝無復載瓜還屬國城空白刃間已報賊兵臨瀚海空勞天使出榆關東門舊事聊抒怨北斗嚴威敢犯顏渴吻寒漿罷宣賜金盤惆悵侍臣班東友人索野雞

雪霽沙禽馬首多憶君雕羽匝林柯腐儒抱膝三旬坐晉帖勾成不換鷺

語夢

語汝欲何依茫茫來去非中原有骨月生命少輕肥病合終宵眼燈橫舊著衣莫驚塞風斷好好客魂歸



晏起

炊晚餓加飯夜覺酣朝寢盈虛眠食間償失豈揆  
審寒聲戶外雪曉汲怯凍終晴時好客踈况乃朔  
氣緊益使貪睡心慵慢謝譏哂逐客勞役甘意外  
養元牝尊生識

主恩形骸遠去聲釜鼎共此日月光隨方成夢醒

老母命浴

四十兒將老恩深寢食餘潔躬尊稟受沐德愛居  
諸室暖窗留日邊荒塵謝裾此身存難後啼笑作  
生初

出關詩

五

失馬

空外似聞嘶處近車前猶記舊蹄痕隨來道遠憐  
同命說到功高愧少恩骨瘦豈堪充夜獵天寒莫  
更放秋原飯牛歌裏斜陽下獨步平沙望遠村

弟莊謂余失馬詩得唐人失鶴斃驢筆致  
意有未盡復成絕句

舊棧荒涼卧雪深草枯何處踏雲岑籠頭莫漫偷  
兒怨同是千秋識駿心

掃地

抱帚倚戶立寒風吹衣巾凌晨汲土井灑掃庭陔

塵掃塵不掃雪留取寒意真棄帚出門望邊塵浩  
無垠俯視穢草積仰見浮雲陳放廢怒晏安希夷  
清心神胼胝在几席一室勞躬親強鍊未死骨動  
息遊窮鱗家破散如雨一僕隨征輪詡功見顏色  
傲情誰能嗔

菊綻

盆菊瘦亦花尺莖綴錢小荒地苦栽培強說顏色  
好憶從鄰圃移南階漑昏曉八月藏戶牖扶護費  
詢考怪挾傲霜姿翻畏寒霜早煦育伴書帷榮落  
願長保艷艷故園枝忍性隨邊草

出關詩

五

客從京師來惠新歷

改歲知何地寒暄茫昧間久能甘任運即此是居  
山霜祇戀殘鬢風宜解慍顏琅函來日下氣候準  
柴關

龍沙紀畧

桐城方式濟屋源著

方隅

邊荒沿革傳聞異辭黑龍江尤為絕域古史書而不詳  
盛朝大一統之化方隅日廣余備極搜討得梗槩焉蓋  
自奉天過開原出威遠堡關而郡縣盡外有七鎮曰稽  
林烏喇曰寧古塔曰新城曰伊蘭哈喇屬寧古塔將軍  
轄由新城之白都納渡諾尼江而北曰卜魁曰墨爾根  
曰艾渾屬黑龍江將軍轄皆在奉天府東北  
廣輿記載沿腦溫江上自海西下至黑龍江按後魏有

龍沙紀畧

黑水部唐有黑水府府治在今開原縣而今之稽林寧  
古塔新城隸焉以黑水名者因黑龍江尾也黑水部四  
至無考今腦溫江在蒙古境內

卜魁站名

土人謂

在新城之北八百里距七站或曰大

力人為布枯曾有布枯居此故名今曰卜魁誤也或曰  
有達呼里人名卜魁耕於此或曰元置軍民萬戶府五  
一曰孛苦江今卜魁枕腦溫江而孛苦江未知所在舊  
站去城十五里地名齊齊哈喇立城後移站於城城因  
站名官文書皆稱之

墨爾根河名鎮城依河西在卜魁東北四百二十里距

六站相傳康熙初年掘井得石有莫來耕三大字繁唐  
年號余按唐疆宇不及此且非誥誡勒石語也

艾渾在墨爾根東三百四十里距五站一名艾許言可  
畏也鎮城在黑龍江西岸江之東有舊艾渾城相傳元  
黑龍衛城也自鎮城西北千一百里為雅克薩城舊址  
過此而西又千餘里今邊界立有界碑

按輿表黑龍江將軍境東至海五千里西至喀爾喀界  
一千八百一南至松花江八百里北至俄羅斯界三千  
里據卜魁言也其言松花江指白都納之左與諾尼交  
會處俄羅斯自西北袤延至正北為地甚廣今界碑在

龍沙紀畧

二

西北昂班格里必齊河之東而北有山為限  
考四境元時盡隸版圖明代皆蒙古席帛達呼里紅呼  
里索倫散處之

國朝之初悉歸附焉後俄羅斯侵入境內築城曰雅克  
薩又順黑龍江而南據呼麻拉康熙二十三年

上命寧古塔副都統薩布素率舟師由松花江溯黑龍  
江上流伐之彼自呼麻拉退保雅克薩城大兵於艾渾  
立城與之相拒康熙二十八年圍雅克薩城攻之急彼  
遣使間道詣

闕額請



命解圍聽其去而雅克薩城廢西距千餘里立界石艾  
渾遂永為重鎮以薩布素為黑龍江將軍從征軍士自  
寧古塔遷婦孺家焉復於墨爾根設叅領卜魁設副都  
統分兵為協鎮康熙三十二年薩帥以墨爾根居兩鎮  
間首尾易制奏請移節而艾渾改駐副都統康熙三十  
八年復以墨爾根地瘠不可容衆奏移卜魁而墨爾根  
增置副都統今將軍仍稱黑龍江者沿艾渾立官之始  
也

俄羅斯古大食國歷今一千七百一十餘年元太祖與  
其弟分收地其弟滅俄羅斯即以封之曰察罕汗白為

龍沙紀畧

三

察罕汗即可汗之稱國仍舊名元入中土沿腦溫江黑  
龍江置驛歲與察罕汗通問慰江岸殘址猶有存者其  
王都曰脫博斯奇城近邊曰泥撲處城色楞額城尼爾  
苦斯城尼爾苦斯有總管駐守入通市者皆泥撲處人  
別其種曰羅刹誤老鎗又誤老羌

卜魁城之南諾尼江以東通鏗河以西蒙古杜爾伯特  
地與表云杜爾伯特東至黑龍江將軍界一百四十里  
西至札賴特界三十里南至郭爾羅斯鎮國公界一百  
四十里北至索倫界一百里

杜爾伯特以南至松阿里江北岸蒙古郭爾羅斯地按

與表郭爾羅斯東至杜爾伯特界八十里西至本部輔  
國公界一百四十里南至烏喇將軍界一百四十里北  
至杜爾伯特界一百二十里蓋杜爾伯特地象曲尺與  
郭爾羅斯錯故東北皆倚也

卜魁城西渡諾尼江蒙古札賴特地與表云札賴特東  
至杜爾伯特界三十五里西至郭爾羅斯鎮國公界二  
十五里南至郭爾羅斯輔國公界一百五十里北至色  
衣鏗山無交界余按西至當是科爾沁鎮國公界郭爾  
羅斯似誤與表載科爾沁鎮國公地東至札賴特界可  
證

龍沙紀畧

四

黑龍江以南拖心河以北諾尼江以東鄂爾姑納河以  
東八圍人索倫地

黑龍江以北精奇尼江源以南虞人鄂倫春地其衆來  
精奇尼江以居

鄂爾姑納河以西枯輪海以北鄂羅斯虞人地

枯輪海以南喀爾喀河以西巴爾虎地

山川

卜魁以南至新城數百里皆平漠其三面之二百里內  
亦無山過此則巖巒環疊多從興安嶺發脉而溪澗陂  
湖之水潑洄於境內者以數百計皆蒙古名莫曉其義

最大者三江黑龍精奇尼諾尼也寧古塔屬之松阿里  
烏蘇里二江與諾尼黑龍會為混同而受境內諸支流  
故並紀之江曰烏喇河曰必拉湖曰諾羅海曰鄂模

黑龍江源明一統志云出北山 盛京通志亦祇云出  
西北塞外今按江源出俄羅斯境其上游為敖嫩河敖  
嫩源出阿母巴興安諸山之南東流六百里與科勒蘇  
河合又東北八百里受衆流為黑龍江北會泥撲處河  
經泥撲處城東又三百餘里北流至昂班格里必齊河  
界碑入我境東抵察哈鹽峰凡一千五百餘里復東南  
流六百里經多斯峰呼麻拉故墟之間至額蘇里與精

龍沙紀畧

五

奇尼江合其合處猶未至艾渾數十里也

過新艾渾城東門稍東南流經拖里爾峰博枯里山西  
北至蘇爾喜峰之北又折而東經茂峰喀木之間至葉  
爾白黑河與松阿里江合西北視艾渾城已千里矣  
江在俄羅斯境內河之自西而東入江者九曰巴爾稽  
曰阿哈楚曰他爾巴哈泰曰圖魯泰曰他拉巴爾集曰  
特楞曰俄克碩曰俄倫曰昂依德河之自南而北入江  
者三曰撲拉訶集曰圖里格曰溫多

其自界碑橫而東也河之由西北而南入江者九曰阿  
集格格里必齊曰卓爾克奇曰昂班格里必齊曰俄羅

曰倭爾多昆曰烏里蘇曰博倫穆達曰額爾格曰必勒  
覃也自南而北入江者四曰鄂爾姑納河曰末河曰尼  
牧勒河曰旁庫河鄂爾姑納為俄羅斯界河故其名獨  
著小河匯此而入江者十有一曰依木曰牛耳曰墨里  
兒肯曰特爾布爾曰根曰開拉里曰伊密曰特納客曰  
魁曰莫勒根曰札敦而伊密特納客魁莫勒根札敦五  
河又匯於開拉里以入鄂爾姑納達於江

枯輪海週匝千里在黑龍江之南開拉里河之左其南  
有烏里順河烏蘭泉及俄羅斯之克魯倫河皆北來匯  
於此由鄂爾姑納達江克魯倫河發源之山與黑龍江

龍沙紀畧

六

源阿母巴興安南北相望亦大川也

枯輪海東南八百里內又有噶爾必海烏蘭海市育里  
海以受南北山之水其支河七曰阿母巴哈爾渾曰伊  
蘭色模曰喀爾札布魯克圖曰訶爾訶齊曰西巴拉泰  
曰呼魯思泰曰喀爾喀各以距三海近者入之而仍由  
烏里順河北注以枯輪為歸宿

江自察哈鹽峰而南也至呼麻拉城始有支河曰呼麻  
拉河由西北入也其匯入呼麻拉之小河四曰他哈曰  
呼集里曰窩勒科曰呼蘭其發源多斯峰下者有河曰  
模林發源阿拉爾山下者有河曰墨勒爾由東北入也



斜與墨勒爾相對由西北入者曰枯丁河又新艾渾城之前曰昆河博枯里山麓曰孫河入孫河匯流者曰占河皆由西北入又朱德赫山發源者曰墨里爾克河圖勒爾山發源者曰博吞河皆由東北入與孫河相射江自蘇爾喜峰復折而東也峰之左曰牛滿河峰之右曰哈拉河又茂峰之左曰吉林河茂峰之右曰枯木奴河又有朱春河枯育魯河蘇魯河必占河由東北而入江者八也又卧龍旗河五耳噶爾河西林母地爾河西鴉蠻河匯牛滿以達於江者也與牛滿斜對曰擴爾芬河過此又有五音河嘉里河富河債河葉爾白黑河由

龍沙紀畧

七

西南而入江者六也

京通志云黑龍江即薩哈連江薩哈連者黑也金史云混同江一名黑龍江水微黑考混同源出長白山舊名栗末江遼改為混同江土人呼松阿里江金志誤宋瓦又傳誤松花其流自南而北黑龍江自北而南其與黑龍會歷二千五百里之遙則兩江不得混稱明矣松阿里江北與諾尼江合流折而東北受黑龍江又南受烏蘇里江匯注於海因其納三江之大故名混同則其上游未會於諾尼仍當稱松阿里江也金祖伐遼將攻黃龍次混同江無舟楫乘豬白馬竟涉世宗大定二十

五年封混同江神立廟致祭蓋坤靈所鍾由來舊矣精奇尼江 盛京通志不載精奇尼形容之詞如云誠哉是也江源出境內極北之山在察哈鹽峰之北將及千里江形如弓東南流八百餘里合西里母低河復折而西三百餘里至額蘇里與黑龍江合

河之自西北而東南入於精奇尼江者二納爾赫蘇希河拖喀河也自東北而西南以入者十有七最大者曰阿爾集曰寧尼曰西里母低也其小河由阿爾集以達者如爾格也烏能也烏拉喀也由寧尼以達者勤都也帖牛也由西里母低以達者陰鏗也畢沙也陽奇爾也

龍沙紀畧

八

那拉也鄂爾模爾科也木鼃也翁額也外此曰烏爾格曰託莫曰貝敦烏爾格與江發源一山雙汊並下不百里而合託莫貝敦發源於都立奇山後迤邐以入而江將盡矣

諾尼江即腦溫江 盛京通志作諾尼蒙古謂腦溫為碧諾尼意同今呼嫩江明一統志云源出西北邊外不可考蓋江之在明為甌脫而一統志載之者第指其與松阿里合流處故不知其源今按江源出宜呼爾山山在黑龍江之南與安嶺下江流自北而南經查克達奇山之東額勒克爾山之西循墨爾根城北門復稍轉西

下抵卜魁城西門凡一千四百餘里與松阿里江合  
河之自西北而東注諾尼者十有八曰東郭羅曰喀拏  
曰孤壘銓曰訥都兒曰多布科爾曰謳銓曰甘河曰雞  
窩兒曰努敏曰必臘曰格尼曰阿倫木曰枯爾奇魯曰  
杆兒曰機勤曰哈岱坎曰拖心也東郭羅發源于興安  
嶺與江源斜並遙望水光夾瀉近接宜呼爾山故誤謂  
諾尼兩源並出也至諸河互有支幹雞窩兒由甘河達  
江必臘格尼由努敏機勤由枯爾奇魯河哈岱坎由杆  
兒河拖心由綽爾河

河之自東而西入諾尼者十有二曰納玉兒曰喀魯兒

龍沙紀畧

九

曰倭多曰密奇爾曰墨陸爾曰木訥爾曰訶魯爾曰墨  
爾根曰羅拉喀曰訥木爾曰塔葛爾也密奇爾由墨陸  
爾達江木訥爾由訶魯爾達江羅拉喀由訥木爾達江  
又納玉兒喀魯兒之間有湖曰依克車勒克奇湖不通  
江  
境之南界松阿里江發源長白山北流四百餘里經稽  
林鎮城之東又西北流二百里出法塔哈邊折而西繞  
白都納城南西北三面凡三百餘里與諾尼江合其上  
游之支河不具載自合諾尼東北流一千六百里北會  
黑龍江又四百里南會烏蘇里江是名混同江江之南

屬寧古塔其北為境內地河之自南而北入江者六曰  
拉林曰阿爾褚庫曰非克圖曰奇普拉曰馬淹曰呼拉  
哈西北入江而流長者曰亦肯河其小河由亦肯以達  
者曰希非勒曰博訶里曰發兒圖渾又有敖乾河音達  
母河阿母巴河皆西北流以入馬河之自北而南入江  
者曰呼輪河其小河之由呼輪以達者曰通銓曰納民  
曰額渾曰額集米曰呼拉庫其呼輪以東河之南匯於  
江者曰額羅曰富特庫曰木淋曰阿集格富拉渾曰昂  
班富拉渾曰西林曰昂班烏那渾曰西帛曰昂班呼特  
亨曰巴蘭江之北三百餘里有團海發源汪濊出坎匯

龍沙紀畧

十

小河十有三東達於江曰烏莫盧曰哈木奇曰依春曰  
查里曰必罕曰窩集曰活曰吞曰洪烏曰木孫曰圖曰  
哈羅曰阿西克灘  
烏蘇里江發源西噶塔山之北在寧古塔之東千餘里  
歷千二百里北與混同江合將入之數十里東西岐而  
為二自是東北流合黑龍精奇尼諾尼松阿里烏蘇里  
五江之水歷千餘里入海此千餘里內河之自北而南  
匯入者二曰奇母尼曰枝魯河之自西而東匯入者十  
有九曰努雷必兒特曰克赤曰富達兒他拉哈曰莫兒  
奇他拉哈曰格林曰勾根曰科兒古曰卓羅曰多林曰



赤克圖哈曰必占曰犀陳曰梅枯曰亨滾曰齊林依曰喀圖米曰約米曰里赤曰法特海其由格林河以達者為朶索米河由亨滾河以達者為哈達烏爾河厄米勒河河之自東而西匯入者二十有三曰敦敦曰巴拉兒曰必兒古曰由特曰哈爾集曰希拉河曰粘達哈曰合里曰刀灣曰希兒巴希曰訥母登忒曰敖梯曰約民曰葵馬曰夏里曰馬哈兒赤曰赫勒里曰發停曰器寧曰阿科起曰巴喀曰敖達里曰科齊按黑龍江發源俄羅斯境自西至東凡七千餘里精奇尼江源以南松阿里江源以北南北凡三千餘里百谷萬派莫不循度朝宗

龍沙紀畧

十一

重潤之慶車軌斯同誠哉王會之大觀也

興安嶺一曰新安嶺或曰蕙嶺之支絡也盤旋境內數千里襟帶三江之左右為衆流發源由卜魁至墨爾根艾渾置驛嶺上巡邊者渡諾尼西北數百里則陟降取道松柞數十圍高窮目力穿林而行午不見日石色斑駁若趙千里畫幅間物有石洞洞中几榻天然如琢行者關草得之藉少憩焉

察哈爾峰在黑龍江東北隅山形如剖壁面西南背東北峭削千尋根插江底土色黃赤無寸草腰亘兩帶深黑火光出帶間四時騰熾不絕大雨則烟煤入雨氣中

延單波上巡邊者舟過其下續長竿取火為戲兩帶相去數丈許竿止及下帶也山背萬木蔥鬱藍翠異狀雖窮冬不凋

經制

卜魁將軍副都統各一員統八旗旗各協領一佐領五防禦一驍騎校五火器營參領一員值訓練八旗量撥官佐之無定制先鋒營佐領二選於八旗非特設也墨爾根副都統一員八旗共協領四防禦二旗各佐領二驍騎校二惟鑲藍旗佐領驍騎校各一無火器營而先鋒營如卜魁制艾渾副都統一員協領與墨爾根同旗

龍沙紀畧

十二

各防禦一佐領三驍騎校三火器營統於卜魁參領訓練如卜魁制先鋒亦然

卜魁兵二千有四十滿洲漢軍暨索倫達呼里巴爾虎充之艾渾兵一千二百無巴爾虎餘同墨爾根兵九百皆索倫達呼里人三城佐領滿洲二十有九又灰鴉拉別部籍入滿洲者佐領三索倫十有一達呼里二十有八巴爾虎四漢軍六計八十一員分轄其衆歲於九月大閱

卜魁戶口二萬有二十七墨爾根五千七百三十八艾渾一萬三千有二十四漢軍達呼里巴爾虎兵役以及

站丁點奴皆與焉商賈往來無定亦立冊以稽

三鎮二十驛各千總一筆帖式一丁三十名馬三十匹

牛二十頭管驛官二各司十驛一駐卜魁一駐墨爾根

土人稱為站官

卜魁水師營總管一四品官二五品官一六品官二四

品五品六品者猶之佐領防禦驍騎校也皆漢軍為之

艾渾官制同而統於卜魁總管水手皆流人充役卜魁

三百一十九艾渾四百二十七流人漸多或老懦者則

輸費正役曰幫丁水手食兵餉之半故一正予一幫

戰艦百隸黑龍江者六隸諾尼江者四蓬漿貯水師營

### 龍沙紀畧

七

庫八月將軍副都統率水師揚旂鳴鉦鼓使風於中流

凡三日

戰艦五年大修十年拆造就材稽林故稽林又名船廠

凡凡案詭瞿之屬皆附船致之卜魁艾渾諸城

卜魁艾渾官莊各二十墨爾根官莊十一莊二十夫夫

輸穀十石準制斛草五百束歲歉則計分以減今貯倉

者卜魁積十二萬石墨爾根艾渾各三萬石卜魁初立

城值歲饑將軍沙納海盡發倉穀以賑并撥附采珠船

以濟布塔哈烏喇引罪入奏議於來歲屯種還倉請勅

蒙古助牛力

上允其請溫語褒之邊人至今感述其事

索倫本名索我羅地產貂以捕貂為役居地詳方隅分

八圍共四千九十餘人就用其人為佐領六十九員轄

之更設烏和里大依里奇大統焉烏和里大猶總尉也

依里奇大為副皆八旗人其在城之索倫兵七十餘人

則初設鎮時收入八旗者不在八圍之內亦不應捕貂

役

達呼里索倫屬俗誤打狐狸語音與蒙古稍異間雜漢

語當是元代軍民府之遺索倫達呼里諸部涵沐

聖化貢身朝廊近頗以材武自表見有為近侍者邊人

### 龍沙紀畧

七

榮之

三城兵籍達呼里居數之半卜魁滿洲兵五百八十一

四巴爾虎二百四十達呼里九百二十五艾渾滿洲兵

五百八十漢軍一百二十索倫與達呼里共五百墨爾

根索倫與達呼里共九百

巴爾虎者喀爾喀中之一部也居地詳方隅其戍此者

關入俄羅斯境大軍征俄羅斯來歸遂編入旗今充兵

者二百四十人即以其人為佐領

三城軍器之散在兵者以時修補新舊相授受火器貯

官庫操練時出之

卜魁官馬千牛千羊萬歲計其孳息均賞三城軍卒墨



爾根艾渾各遣人來應打草役皆腰長鍊著樺皮冠五月三城各遣大弁率百人巡邊至鄂爾姑納河河西俄羅斯地察視東岸沙草有無牧痕防侵界也往返各五六十日卜魁往者渡諾尼江指西北過特剛枯爾峰與安嶺涉希尼客河開拉里依木等河草路瀾漫無轍跡辨方而行剗大樹皮以識歸路墨爾根往者亦渡諾尼江西北過興安嶺盤旋層嶂中其路徑為易識艾渾往者從黑龍江湖舟北上折而西過雅克薩城故墟至界碑路多蝨如蜂其長徑寸天無風或雨後更熾行人嘗虛廬帳以納蝨而宿于外帚十數齊下人始得

龍沙紀畧

五

餐齧馬牛流血身股盡赤馬軼覓深草間見蝨高如邱知其必斃棄不顧矣囊餼糧於樹歸時取食之近頗為捕生者所竊乃埋而識之渡河伐樹為筏馬馮水以過俄羅斯居有城屋以板為瓦廊廡隆起層疊望之如西洋圖畫耕以馬不以牛牛千百為羣放於野欲食牛則射而仆之曳以歸邊卒攜一縑值三四金者易二馬烟草三四斤易一牛

秋盡俄羅斯來互市或百人或六七十人一官統之宿江之西官居羶幕植二旗於門衣冠皆織罽為之禿袖方領冠高尺許頂方而約其下行坐有兵卒監之所攜

馬牛皮毛玻璃佩刀之類易縑布烟草薑椒糖餉諸物以去俄羅斯來文二函一彼國字一蒙古字貴官與商賈名悉載康熙丙申歲來文稱察罕汗一千七百一十六年蓋遡自有城郭人民始也署銜具先代官職於前重世祿也將軍以其文達兵部理藩院

出爾罕者兵車之會也地在下魁城北十餘里定制於草青時各蒙古部落及虞人胥來通市商賈移肆以往艾渾墨爾根屠沽亦皆載道輪蹄絡繹皮幣山積牛馬蔽野集初立劃沙為界各部落人駐其北商賈官卒遊人駐其南中設兵禁將軍選貢貂後始聽交通凡二十

龍沙紀畧

六

餘日

貂產索倫之東北捕貂以犬非犬則不得貂虞者往還常自減其食以飼犬犬前驅停嗅深草間即貂穴也伏伺喻之或驚竄樹末則人犬皆息以待其下犬惜其毛不傷以齒貂亦不復戕動納于囊徐俟其死人歲輸一於官各私識毛色彙佐領處五月將軍至墟場選以貢凡三等官給價有差不入等者聽鬻

紅呼里索倫屬俗誤紅狐狸應捕貂役隸八圍之內鄂倫春與俄羅斯接壤隸籍者五百六十五人十佐領轄之輸貂如索倫制

混同諾尼諸江以產珠布塔哈烏喇歲有打珠船來采以貢有珠之河水冷而急以大船夾歲瓠植篙透底數人持之囚者負袋緣篙而下得蚌滿袋貯歲瓠中官督剖之未成珠者仍棄於水私采之禁等於刷參歲瓠獨木舟名打鷹流人役也人歲輸二鷹以海青秋黃為最貢無定數多不踰二十常倍備之以防道絕艾渾墨爾根各三十架送卜魁將軍彙選之

江冰始獵參領以下獵雉將軍獵野靛於通銓河備貢數通銓蒙古地先期移文告之

正月雪後黃羊乃大集水師營率水手步獵之挺擊輒

龍沙紀畧

七

中

築城不以土視隰地草土糾結者掘之尺度如墜曰堡塊厚數堡高不盈丈圯則按地分旗飭兵修之

時令

四時皆寒五月始脫裘六月晝熱十數日與京師畧同夜仍不能卻重衾七月則衣棉矣立冬後朔氣砭肌骨立戶外呼吸頃鬚眉俱冰出必勤以掌溫耳鼻少懈則鼻準死耳輪作裂竹聲痛如割土人曰近頗稱暖十年前七月江即冰不復知有暑也

墨爾根山城寒益烈卧炕必為通夜之火更設大鑪然

薪于側焰甫盡則寒氣入室卧者驚而起矣數益薪始及旦

春月多風四月下旬草始芽間亦早茁而漠風乍寒輒復搗牧馬屆五月乃能飽齧也

雪有遲早卜魁常在八九月艾渾八月墨爾根七月雪不必雪也晴日亦飛霰或皎月無翳晨起而籬逕已封旭光杲杲雪未已也

雪化簷無垂澌偶懸三五寸羣以茲卜豐歲

積雪在地氣暖則潛消而無流溢視所積日益耗而其墳然向日者仍堅凝如故也

龍沙紀畧

六

冬月窗壁挂冰皆滿踈櫺間如飾晶玉午後窗牕不能作字火炙之與紙俱落春暖乃自消蓋鎔竈噓氣所積也空室則否

秋分之後微霜以降著花減色名為甜霜更十餘日一霜而百卉皆盡如出湯釜是名苦霜

九月地皮裂

望後月上時與中土異日落月隨上也廿二三如中土十八九時

南風則雨不雨亦陰晦北風晴

風俗



族類不一客民尤夥兼以黠徒歲增桀驁未化頗稱難治幸法嚴無所逃尚畏警不敢肆耳官解文案防檢甚疎而無敢為奸弊者又其風之近樸也

一夫力作數口仰食而有餘而炊飪浣汲春磴之事婦女並習勤苦故居人置奴婢價嘗十倍於中土奴婢多者為富以其能致富也

各部落聘婦例納牛馬其遠者貧者或挽媒定其數先以羊酒往如贅壻然待牛馬數足而後歸其夫焉夫將老終不能給慙而去亦聽之其女及所生終其身於母家近亦稍除其舊俗矣

龍沙紀畧

九

鄂倫春婦女皆勇決善射客至腰數矢上馬獲雉兔作炙以餉載兒於筐裂布縣項上射則轉筐於背旋迴便捷兒亦不驚

索倫人以射獵為生挽弓皆踰十石嘗自縛於樹射熊虎洞身曳之而歸尤善躡蹤人馬有亡失者蹤之即得越數百里而知蹤之離合且能辨其日次亦異能也

上元賽神比戶懸燈歲前立燈官閭屠僧名於神前拈之鎖印後一方之事皆所主文書可達將軍揭示有官假法真之語細事朴罰惟意出必鳴金市聲肅然官亦避道開印之前夕乃自匿去

臘月八日達呼里紅呼里男婦並出獵兔取腦為速產之藥

除夕懸弓矢門枳間相傳我

太祖皇帝曾於除夕克強敵

帝業由此以成諸屬國豐頌之遂沿為俗

降神之巫曰薩麻帽如兜鍪緣檐垂五色繒條長蔽面繒外懸二小鏡如兩目狀著絳布裙鼓聲闐然應節而舞其法之最異者能舞馬於室飛鏡驅祟又能以鏡治疾偏體摩之遇病則陷肉不可拔一振湯之骨節皆鳴而病去矣

龍沙紀畧

十

多魅為嬰孩祟者形如小犬而黑潛入土埕惟巫能見之巫伏草間伺其入以氈蒙突執刃以待紙封埕門然燈於外魅知有備輒衝墮而出巫急斬之嬰頓甦婦著魅者面如死色喃喃如魅語晝行有小犬前導巫亦能為除之

病家束草象人或如禽鳥狀擊鼓作厲詞以祭喧而送之梟其首于道曰逐鬼

東北邊有風葬之俗人死以芻裹尸懸深山大樹間將腐解其懸布尸於地以碎石逐體薄掩之如其形然失馬則亟註毛齒聞於官得馬者不敢匿當官歸之酬

以匹布

馬病然草於路牽馬側立口咄咄作呪詞

### 飲食

三城之地艾渾為腴產粟黍大小麥墨爾根產糜穠麥  
卜魁土最瘠惟產糜糜似小米而黃即稷也關西謂之  
稌夏秋間以未脫者入釜淺湯熟燂暴以烈日焙以炕  
火礮而炊之香軟可食冬則生礮香稍減

穠麥麩厚而粗即燕麥也其實下垂如鈴又名鈴鐺麥  
卜魁人曰移鎮之初此為常殮購糜不能盈石價倍今  
之稻米十年內始種糜而鈴鐺麥從墨爾根來僅以飼

主

牛馬間取作粥斗得粒三升頗香滑多食作氣達呼里  
貴之以其易飽也

稻米甚貴販自瀋陽用以待賓客食病者

三城並產蕎麥甘香如雪宜饅餅中土所未得有

卜魁四面數十里皆寒沙少耕作城中數萬人咸資食  
於蒙古糜田蒙古耕種歲易其地待雨乃播不雨則終  
不破土故饑歲恒多雨後相水坎處攜婦子牛羊以往  
羶廬孤立布種輒去不復顧逮秋復來草莠雜獲計一  
畝所得不及民田之半竊見

國家立官莊給牛種一兵卒之力歲納糧十石則地固

非瘠而力亦可用今流人之賞旗者且倍於兵依而行  
之則歲徵糧不啻萬計而桀驁之輩使皆斂手歸農又  
策之至善者守土者宜亦計及此也

茶自江蘇之洞庭山來枝葉粗雜函重兩許值錢七八  
文八百函為一箱蒙古專用和乳交易與布並行  
掃土為鹽味稍苦色黑去卜魁東西各百餘里地名喇  
嘛寺產此三城皆食之白鹽則來自奉天

黃米釀米兒酒閱日而成糜亦堪釀味甘而薄祀神用  
之取其速成而潔有醴酒之遺意焉

艾渾產蘇子榨油南人食之輒嘔久乃可嘗也

### 龍沙紀畧

主

東北諸部落未隸版圖以前無釜甑罍醑之屬熟物剗  
木貯水灼小石碎水中數十次淪而食之商賈初通時  
以貂易釜實釜令滿一釜常數十貂後漸以貂蒙釜口  
易之三十年前猶以貂圍釜三匝一釜輒七八貂也今  
則一貂值數釜矣

卜魁西北二百里山崖松柞蓊鬱江水後作炭者乃往  
故直賤於冬

### 貢賦

貢莫貴於貂與珠已載之經制其黃羊野羴雉鹿之獲  
於野者作邊土之物貢宜矣至於盡其土實厥篚惟錯



納於王家雖蔗節桴沙之微並宜志懷方之盛焉

海青即海東青出遼東鷹鵠之最俊者明一統志云小而健能擒天鵞今出黑龍江左右

鷓鴣雉屬出艾渾深山中及札賴特地雌者毛色若灰雄若濃靛訛呼黑雞歲捕生者入貢

遮鱸魚類白魚而首銳無骨味若鱸一名赭鱸一名細鱸歲貢百尾九月棲江濱捕而畜之

歐李子柔條叢生高二尺許花碎白實如小李味酸澁寧古塔艾渾皆有之

花水出艾渾色赤望之如豆入口成液離枝十餘日輒

龍沙紀畧

重

化為水以蜜收為膏充貢

老鎗菜即俄羅斯菰也抽臺如蒿苳高二尺餘葉出層層刪之其末層葉葉相抱如毬取次而舒已舒之葉老不堪食割毬烹之畧似安肅冬菰郊圃種不滿二百本八月移盆官弁分畜之冬月苞紙以貢

菱六稜而小產諾尼江去皮乾之

蕎麥麵更三四磨者白如雪

艾渾麥麵甘香勝中土所產作餅鬆美

白堊如粉入水十餘日制其燥塗壁不裂

物產

杜實產艾渾小而赤似桑葚味酸

夸蘭蘑菇生卜魁城東草地內七月入市夸蘭者檀廬樅木所立之周遭也木氣入土生蘑故名今因其白色黑蘭名為花蘭乃強解耳

老鎗穀莖葉如雞冠高丈許實如枰櫚子深赤色取粒作粥香美

花有蜀葵兔葵萱蓼鳳仙長春刺梅金錢土人呼兔葵為鬼臉葵

雀兒花色翡翠似鴛鴦菊而單蒂跗橫枝上如鳥之翔閃緞花以色名似龍爪而小山丹而曲

龍沙紀畧

重

草芙蓉不知何以名葉細如皂莢花黃同菊瓣規高者亭亭二尺許

萬年菊花葉類草芙蓉色黃枝柔蒙密延蔓一本可百餘花或曰即層瓣高麗菊也

高麗菊產朝鮮枝葉類萬年菊單瓣色黃赤相間如虎皮

日奇花類蝴蝶花而小一莖十數花辰收申放數必奇故名葉如萱

蒿苳蓮即罌粟六月始花高尺許葉如蒿苳單瓣微紅中土人攜千層五色種布之輒變

菊亦畏霜五月出枝瘦弱八月移盆入室臨南窗下十月花大如錢

棠梨郊園間有之土人繫繒條於上曰神所憑伏臘祀之有戕其枝者則怒不知何所取義

城南三十里有柳叢生細不及指高不及肩杏亦然無成樹者花小不實土人老死不知鮮果為何物也

藥味有益母草赤白芍藥防風黃芩百合木賊蒺藜甘草車前子麥蘗冬五味子薄荷黃精艾渾產黃連然皆

雜烟莽中萎於霜雪無採剝者

羊草西北邊謂之羊鬍草長尺許莖末圓勁如松針黹

龍沙紀畧

圭

色油潤飼馬肥澤勝豆粟遠甚居人於七八月間刈積之經冬不變大宛苜蓿疑即此中土以苜蓿為菜蓋名同也

索倫產馬身長足健毛短而澤

鄂倫春無馬多鹿乘載與馬無異廬帳所在皆有之用罷任去招之即來有殺食之斯不復至

鄂倫春地宜樺冠履器具廬帳舟渡皆以樺皮為之

黑龍江產魚惟鯽一種諾尼江無蝦蟹而魚屬皆備五

月魚車塞路長二尺許者值十餘錢六七月水漲則人魚不入網江凍鑿冰取之價十倍夏多鯉冬多鰕鰻味

淡而腥

勾星魚鱗斑然如列星長喙漁者間以箸探其口齧之至死不釋段刃之釜中猶躍躍也腥穢不可食

堪達舍駝鹿也項多肉陸佃埤雅云北方有鹿形如駝即此色蒼黃無斑角堅瑩如玉中有黑理橫截之鏤為

决使理周於外一線勻圓選一决於數十角直數萬錢弟世莊有詩曰臙腫額端欺鹿角郎當項下鬪狼胡可

憐骨碎三軍指曾助天山一箭無

沙雞鳩形鶉毛足高二寸許味勝家雞

老鎗雀一名千里紅與雀無異惟顛有紅毛產俄羅斯

龍沙紀畧

圭

地至以十一月四而取之炙食甚美籠畜之輒死無蟻

蚊不入室

五色石產黑龍諾尼兩江岸通明如瑪瑙紅圓者象含

桃或取以飾念珠

空青漁人間得之不敢私匿將軍酬以值遣官奏進或

弁卒自得之即遣送京師奏其名例得

賜紵帛

龍骨艾渾江岸數尺下恒有之或曰龍蛻或曰孽龍謫而死者



屋宇

屋皆南向迎暄也日斜猶照故西必設窗間有牀牖八月墜之夏始啟

屋無堂室廡三楹西南北土牀相連曰巳字炕虛東為然薪地西為尊南次之皆賓位也

土垣高不踰五尺僅可闌牛馬門亦如闌穿橫木以為啟閉中土人居之始設門相傳未立城時惟溝其宅之四面為界

拉核牆核猶言骨也木為骨而拉泥以成故名立木如柱五尺為間層施橫木相去尺許以蘼草絡泥挂而排

龍沙紀畧

壬

之歲加塗焉厚尺許者堅甚于甃一曰挂泥壁

工匠皆流人技拙而直貴土著人架木覆茅婦子合作戚友之能匠事者助而不傭

草屋茅厚尺許三歲再葺之官署亦然煖於瓦也庵廟則瓦

卜魁柵木為城將軍公署私第皆在夾植大木中實以土寬丈許木末高低相間肖睥睨四門外環土城累堡為之周六里而面二門近南者臨水寬廣可數百畝江漲則通流墨爾根艾渾重城皆植木為之

入土城南門抵木城里許商賈夾衢而居市聲頗嘈嘈

外此雖茅茨相望然草寂烟寒終是塞垣氣象且不若中土荒縣郊外惟菴剝四五而已余有詩曰夕陽巷冷牛羊氣平野天低狐兔秋又有曰山雞來井竈畫犬吠衣冠觀者可畧見其意

龍沙紀畧

壬

序

鉅人之功業與才人之詞章天之



類有不同而成就之則同版築漁鹽海濱市販極人世流離困頓之境而帝臣王佐勃然興焉所謂動心忍性增益其所不能者也孤兒羈客絕域塞垣當上下無交之日而白石

**劉梁發**

**音聲**

**令人**

讀之流連往復而不能去所

**桐城**

**望族**

**祖水**

軍太保問亭先生實兼有之

部公父中翰公皆以高才著聞於世康熙辛卯水部公坐鄉人累謫遷塞外中翰公隨行時先生未

一

弱冠偕其兄重趼徒步奉侍重闈怡然色養帚馬通為薪點潼乳為餌暇輒讀書窮討經籍作為歌詞道性情而記風土有白華華黍之遺音焉爾時先生窮益甚益不欲自棄凡險阻隘塞畜牧防守攻戰備儲無不周知者間亦往來故里涉洞庭遊大梁登泰岱歷吳會所至周覽名勝託之詠歌浩然有牢籠一世之意雍正十一年平郡王奉命統師北路夙知先生才奏掌書記

世宗憲皇帝授中書舍人以行軍中多所贊畫有兼人之能嗣值

皇上誕膺寶籙遠夷效順奉

詔撤兵於是先生由銓曹擢用監司躋方伯其撫吾浙也值婺州苦旱民食不給先生設法以振全活無筭既總制直隸為羣岳首河渠井牧關隘諸務所肩任尤重先生宣

**張**

**壁畫**

上德意舒陽肅陰民懷吏畏凡

**歷**

**壁畫**

**四方**

**咸取**

**則焉**

**迴憶**

**少時**

**跨驢**

**背坐**

**船辰**

心計者至是悉見諸施設無有阻闕向使先生席祖父之盛振翼文壇其俯拾魏科如搯左耳然不能讀萬卷書行萬里路其才必不能閱通肆應若

二

是即其詩亦僅成一家言耳何遽足以刻畫衆形含和萬籟為宇宙間必不可腐之文耶然則天之成就先生有獨厚者矣先生鐫祖父詩集既竣乃檢未遇時所為詩凡八卷卷自為識以予少時貧賤遊學都下其艱苦之狀有略似者因屬序於予予受而讀之一二名彥評先生者見其學問淹博筆格雄渾比之少陵固宜予以為先生之遇亦有與少陵相類者唐以詩賦取士而少陵以布衣拜官先生亦以布衣通籍唐史稱少陵為審言孫審言善詩故少陵得詩派之正先生克紹家學又與



少陵同至於生逢

堯舜柄用岳牧直可以少陵許身稷契之願見諸  
實事則又少陵所萬萬不及先生者也先生勉乎  
哉甲戌九月嘉興同學弟錢陳羣

序

桐城宜田先生起家中書舍人累任中外要職秉  
節鉞晉宮保保障上都天下震於其名業之盛而  
余自忝尹京兆二年之中公牘往來荷款接較家  
則始知先生用心之所有會先生排纂家集鏤板  
既竣余受而讀之益用懽然膺服則又以知其由  
心微事之有自來焉雍正乙卯之歲余始官中書  
從衆中望見丰采嘗私語同輩曰是公長趨闊步  
意度凝遠宜有異人者因踵門願得交於先生而  
先生遽辱授分每文酒之會輒惠然來久廼成大  
好乾隆元年舉行鴻詞科海內徵士大集閣中同  
牒舉者推先生為冠冕

廷試之日平郡王監試先生嘗為平邸記室參軍  
事引嫌不赴其才高而過自歛退即又如此凡先  
生今日之名位與其事業則固於二十年前知之  
何者見表知裏靜者之所明也用晦而明道家之  
所尚也理有固然無足異者顧猶未為知先生之  
深先生之用心心乎為

國家愛養百姓者也先生之為國家愛養百姓乃  
其本事祖若父之至性以事吾

君者也先生少擢家難間關單步索鱸萬里跡其  
傷心拂鬱之境備見於出入關塞諸篇有古豪傑  
之所不能堪者而先生之氣愈和神愈謐畧無怨  
懟不平之鳴洎乎遭時顯貴為所得為惟一意奉  
公上紓軍國之籌下以究民疾苦而於人世嗜好  
一無所營當其淵然獨居歌聲若出金石不異向  
者逆旅蕭條時也吾聞之求忠臣必於孝子之門  
又曰貧賤憂戚庸玉汝於成也蓋人惟躬閱乎飢  
寒勞苦與夫嶮巇萬態而後可以悉人間幽隱之  
情亦惟名閥舊族萃山川英淑之氣而又積賢達  
之義訓自襁褓而飫聞斯其學之成能為有用之  
文章而移其事以報國余既稔知先生之用心於  
其行事而證之於詩又得其所由然因樂為之闡  
以諗士大夫之志遠大者錢唐年眷侍生陳兆崙  
頓首拜書

五

述本堂詩集目錄

東閣剩稿

渡江作

同家兄自都門北發

寧遠溫泉

山榿

開度寺

威遠堡邊門

稽林渡松花江

法塔哈邊門

目錄

卜魁雜詩二十首

貞女吟

憶大兄

觸感二首

種圃六首

望城南

卜魁竹枝詞二十四首

雪

寒

郊遊



諾尼江漫興

蠅

析舊車為薪

家兄來書擬春初抵塞將至奉憶之作

家人寄珊瑚苔

早出

得大兄書

感懷

夏寒

夕陽

目錄

十

垂釣

立秋

聞笳

即事四絕句

過某氏居

暮立

城頭草

早枕

傅舍萬得木化石以為鎮紙索賦長句

夜歸

大父作塞居十首叙曰昔人有山居村居

湖居詩獨不可為塞居詩乎觸目成辭

一慨亦一笑耳同大兄敬次原韻

家兄盟若先生詩並載

友人邀食臘八粥

過訥拙菴先生問病歸途同顧山叔作

八塞詩

大父遣赴奉天三首

白都納城

入巴澣道

目錄

三

野宿

巴澣門

望奉天城

巨流河

早發二首

羊腸河

茆籬村

入山海關

五日宿關下

和店壁聽雁題句

永平府

卑耳道中

月

述懷

送立誠十叔南歸

喜晤訥拙菴先生自塞外歸因贈三首

聞拙菴先生於熱河

行在奉

詔供奉 內廷

題冬青樹下芭蕉

目錄

四

立秋

連雨

雨夜

雨夜作家書

送王子嘉先生歸遼陽

懷南草

雙雁

寒知

艮嶽

食柿

寓許署東園呈王素園先生

送大兄之汝寧

晚步

生朝

鏡心亭

挹爽亭

夜坐東王琢如

遣悶

送別大兄返京師余遂分道赴楚

武昌

目錄

五

從兄惟端自蜀歸廣陵遇於漢江之濱悲

喜交集因賦長句並以贈別

夜泊岳州

洞庭阻雪

遊洪山

同潘臨谷再遊洪山

折海棠作瓶供

鳶燈

折枝詞

賦得雨過杏花稀



自楚返江寧口號

還家四首

五日

秦淮泛舟

秦淮十絕句次高崇如姑丈韻

喜雨

雨寒

豎步吟

恭謁 孟廟六韻

途中看花口號十五首

目錄

六

泰山秦松岱廟漢栢唐槐各賦一絕句

途中值姚氏妹生朝詩以念之二首

到京

病

訥拙菴先生招寓半園養疾

半園偶作示宗山儀

宗山儀買種新菊索賦長句

九日隨同家伯家兄集飲半園之嵐影樓

即席分賦得興字

病懷

僕病

晤戴會嘉二首

雪中訪訥拙菴供奉

癸卯正月廿四日作

凍柳

聞族人奉

詔出旗

移居

題康東侯忘言亭次沈大千韻

大風連日

目錄

七

風定

雨

晚霽

五日

松花江行送給諫趙奏功先生巡察稽林

定思弟出旗南歸贈別二首

送別大兄由開封赴南陽幕

與大兄話別重有所感

瓶中殘菊

移寓石志瀛東溪軒小眉兄綺亭庭聞兩

弟過晤登畫舫樓分賦

冰窖

冰檐

冰牀

冰燈

先君子向為外祖平和公製采石圖承兄

弟求之屢年未獲三妹多方構致書來

稱幸寄答四韻

訥拙巷員外招食臘八粥因而有感

對月

目錄

和石東村郊居六詠

千里家叔於都市得曾叔祖侍御公舊硯

題曰下巖子石又隸體鐫識邵村二字

材製非宏而樸潤可玩叔概以為賞因

作歌以紀

見有傭短驢誇疾走者時以哀之

畫陰

登畫舫樓作

偶成

東溪招同小眉二兄飲畫舫樓賞月分賦

四首

聞鐘

雨後歸途有作

寄答佟怡齋總戎惠綿紬

送石東溪重遊盤山二首

初雪憶石東溪盤山

答石東溪寄示盤山近詩

讀石東溪盤山詩

除夕

元旦

目錄

九

正月見友人齋中牡丹盛開感而成詠

小眉二兄館東華坊相過情話因之有感

杏花

遊萬柳堂有作

大兄來書擬五月回都門觸感四韻

畜魚

燕

都門贈燕

望大兄不至

熱



雨中夜坐

客圖黃山三十六峰徵詩題松林峰

取雨水煎茶

訪石東溪昆仲東村三首

詠白蝴蝶花同高逢五兄作四首

雨窗小睡

夜來香

詩成

晴意

示野人

目錄

大雨復作

石東溪寄示雨後至東園詩次韻奉懷並

寄令弟承謨顯菴

附原作

雨中柬問石承謨村居近事疊前韻

題孫孝廉用果尊人農隱小像

過師范兄問病

雨中憶同小眉二兄雞鳴山遇雨舊事誌

四韻兼以奉懷

除穢

立秋日晴

七夕雨

中秋無月二首

雁字

叩舷吟

買舟南歸

留別石東溪

舟行即事和姚天如韻

觸感

天津衛二首

析津道中

目錄

孤雲寺

雨發天津

早發二首

寄懷高本六兄

野宿

食蟹

晚泊

懷石東溪

霧

曉發白楊村

帆影

即景四絕句

舟行滯甚因謀捨去感而有作

換船口號

任篁友四丈同諸中表南歸舟次前後相

望泊岸過從頗慰行路奉投四韻

夜緯

四女寺

月

夜風憶家兄塞上

目錄

三

夜泊遣懷

早起

挂劍臺

夢武伯南

晚舟獨立

東阿道中

上閘十韻

下閘十韻

南旺

蜀山湖

守閘遇雨

感懷

南陽湖二首

半帆

微山湖二首

有憶

皂河阻淺

張定山明府舟中即席成詠次韻二首

清江浦感舊

換小船到揚州東西疇二兄

目錄

圭

輯錄近詩寄石東溪並題長句

宜田彙稿

丙午元旦

偶述

姚六雨岫移寓三山門外佛寺雪後過訪

有作

上元五首

觸感

卧橐薦暖甚

感憶舊物四首



三妹畫牡丹並題以詩依韻和之即索圖

墨菊一紙 附原作

城南口號六首

燈下蘭影

贈中洲禪師一首

清涼山桃花十二首

石東溪書示問芳亭詩十章奉答四韻

題香海居荷花

姑母澗濱閣作五日詩用前人也將白水

蘸菖蒲句命同賦

目錄

古

詠風蘭

過千里叔不值

早過千里叔因邀同朱景山秦淮泛舟即

事十絕句

雨

舟中蛩語

峽中歌

舟夜

生朝

皖城中秋四首

拜余忠宣公墓

大龍山中初見桂花

庭前秋海棠手植甚盛行後來歸霜露已

盡詩以惜之

泊采石夢與石東溪遊詠竟夜

寄內

舟夜

作寄東溪書

初雪懷東溪

病二首

目錄

十五

病中得東溪書

自題專席吟

冬至前夜雨書悲

寄三弟采石

過中公和尚閒話

雨夜

驚醒

豪薦歌

雨夜作寄三妹書

送別表弟高繼允省親長葛

客枕

讀金山集題十四韻

炭壑行

再赴安慶

北望

至采石

搭船謠

舟中小年

舟謠二首

旅夜

目錄

十六

買得古銅短檠字之曰凝宵並寵以詩

讀離騷題六絕句

書騷

守歲詩

丙午除夕

丁未元旦

元旦微雨試筆僕子請作吉語笑而從之

元旦讀騷

東西家

阻風安慶城下

舟行折捨

暮抵采石

春陰

飢二首

又飢

客飢因贈

三妹寄醺萋蒿

雨後偶步秦淮

五日書感

丙日晴

目錄

十七

麓菴上人書閒情賦揭壁索詩解嘲

偶讀家鹿湖先生詠物八詩亦各系一絕

句

客窗舊植秋海棠傳恭大兄以主人將去

地亦他屬春月移去後滋布轉盛謂當

賂以詩予亦因之有感不能默然遂得

二首

三十初度四首

清涼山中秋

輓陳奏颺四首



送麓菴上人歸省武昌即往遊匡廬黃山

四首

姚氏妹生女

謝友人惠齋因錄放翁醃齋十韻詩答之

浙米聲

舊硯製匣成歸自揚州曉窗試墨東郭鑑堂

哭石東溪六首

夢中哭憶東溪

檢亡友石東溪舊寄見懷諸詩幅緘而藏

之寓悲一絕句

目錄

七

除夕步至清涼寺

句容道中

海烈婦祠

短簿祠

專諸墓

西湖

岳墓

湖上六首

又一絕句

感宋祖許錢王歸國事

渡錢塘江

錢塘江觀潮

富陽道中

嚴州道中

七里灘

又

釣臺

謝處士墓

翟溪道中

歸舟連雨

目錄

九

舟漏

杭州旅次有感

姑蘇道中

舟過惠山因雨不得謁武公祠堂

鎮江觀打鱗魚

舟謠

歸之次日送別亮書伯父翼亭泳亭兩兄

之揚州舟中談詩抵暮感成四韻效家

禽山體余亦將赴采石

謫仙樓觀蕭尺木先生畫壁歌同吳四世

勲

采石江岸感所見

傷心行

巫緒傳舅氏用余舟行折捨前題成四韻

復和一首

贈日者王宗周

吳鈍人先生邀同穆升九諸君集飲太白

樓

夜熱聞蟬有作

岸水歌

目錄

太白樓

三官洞

先君子舊為外祖平和公製采石圖三妹

於甲辰夏購得之乙巳冬攜弟本歸金

陵展視之下觸憶成悲今妹于歸采石

弟相依焉承與伯兄亦有願卜居筆墨

前因重增哀感濡淚題詩得四十二韻

兼呈怡齋緒傳兩舅氏

老將

老僧

老女

老妓

老賈

老馬

老鶴

老樹

遊白鶴觀舊址示某道者

題畫葵

張建卿為務滋弟作松下長竿圖索題長

句

目錄

渡江訪郭勁草真州同寓項園之百尺樓

夏景即事漫賦長句

紅橋偶成

揚州程汧江編修家喜晤伯父扶南先生

兼讀春及草堂詩賦呈四韻

扶南伯父問及近詩口占

立秋雨夕

石東溪死期年矣屈日為詩哭之並寄令

弟東村都門

車笠歎



貞觀叔見示讀史詩亦得四首

京郵至得石東村書聞令姪潤郎墜井死

潤為亡友東溪長男哭以二十二韻

有贈

送松安上人省親再赴卜魁塞上

看蠶詞四十章

松漠草

上平郡王新拜定邊大將軍統師北路

癸丑七月承以布衣蒙

恩授內閣中書舍人隨征北路感賦四韻

目錄

重

從征定邊大將軍王掌書記與諸兄弟叙

別書情四首

居庸關中秋同大兄作並寄諸兄弟

過岔道鎮讀延慶州牧郭勁草去思碑

招華

歸化城二首

歸化城拜大將軍費襄壯公祠堂

青冢

大青山

鼠蒿歌

暮

雪

煮雪

鄴踏步

十一月三十日夜抵軍門

寄懷大兄歸金陵

寄憶三弟

傳上公惠几賦謝

月中野望

癸丑除夕

目錄

重

甲寅元旦

友人寓屋懸紗燈屬作詩

雪

待雁

望遠

五日

金蓮花

芍藥

媚蝶花

示友人二首

寄懷潘陽康東侯

寄懷潘陽艾大倫元

七夕

璫廬

寄懷葉聖嘉二首

從軍雜紀一百首

大行皇帝輓詞四首 雍正十三年八月

次土木驛見郭勁草使君過延慶感部民

樹石與謳題壁之作即次原韻奉懷

為舍弟瑾懷作

目錄

五

又

麓菴上人主席平山因薦赴京養疾夕照

寺數月矣時余至自軍中將復他往前

一日晤郭勁草知之同車往訪留連盡

暮蓋與師別七年而離合又并此一日

馬歸途詩以誌感遂得四韻三首

綺亭弟赴龍南任即扶二親柩反葬桐城

詩以憶之二首

題王甘泉侍御畫卷

寄懷石東村盤山二首

麓菴師卒於京邸師於余為物外交而情

契深至余得以世法器之聲長詞溢遂

積四首並寄暉公霞公兩師各一紙

焚詩歌為石東村作

題吳翼堂太史靜觀圖

目錄

五



述本堂詩集

桐城方觀承問亭

東閣剩稿

余去金陵北至京師在康熙癸巳歲是冬偕伯兄東出關浮沈遼瀋間乙未之春省侍卜魁閱五載閉門無事吟詠送日積之成帙嗣復刪汰過半良以窮愁歎不若遐方之見聞可紀故猶不欲盡棄取其剩者著錄於篇

渡江作

耕疇託南土衡宇臨江清江風吹北渡愴予去國

東閣剩稿

情長河復當前濁浪凌縱橫南望日以遠北向日有行驅車冒氛霧早暮誰能程飛飛墮巢鳥日夕隨哀鳴焉知道傍客棲息違平生鳥鳴猶故處客行方遐征嚴關指辰壯霜雪常淒盈僕夫問前路異地寧詢名

同家兄自都門北發

逢陋懷

帝閣高雲瞻夙願羸馬來九衢塵泥跡已限匪惟限塵泥猶悲向荒遠去去關嶺長回頭隔鄉縣塞草無冬春晨衣積霜霰湘纍惜儻仞孤懷孰由獻

白日迴幽陰恩光希一見避弋類淒風相憐宿鴻雁

寧遠溫泉

泉在梵寺中

大地入冰天靈湫豁沸泉塵心滌鐘磬凍馬趣鞍韉氣欲高雲霧溫餘幾歲年踰身兼沐髮戍客愧多愆

山楮

盛京粒小味美又名楮梓

一騎貢秋風山楮粒粒紅摘林霜落蒂馳夜月盈籠品以君羞重根依王氣崇櫻桃唐故事香薦寢園同

東閣剩稿

開度寺

前代軍器庫基

武庫何因樹寶幡百年興廢已荒墩毫光佛火銷狼燧夜拆軍聲歇象門金帛豈酬征戰骨星霜空壓短長垣好憑鐘磬晨昏裏敲醒西風壯士魂

威遠堡邊門

斷柳憑分界羣山退守邊周京嚴鎖鑰藩落控烽烟避繳鴻宵度當關虎畫眠相譏怪儒服辛苦著長鞭

稽林渡松花江

萬壑空明外千家練影中扶桑常表日沮漆舊朝

東蕩滌存荒遠微茫接混同何當舟楫便邊勢溯  
長風

法塔哈邊門

已在重邊外尤嚴大漠防開關無去馬落日有奔  
狼草間燒痕綠雲堆積影黃閣門悲遠望千里更  
何鄉

卜魁雜詩二十首

驚心豺虎窟風雪是何天白髮三年淚黃沙萬里  
鞭團圍憐竭蹶魂夢久顛連莫道邊庭苦相依重  
膝前

東閣剩稿

三

不作萍蓬想何妨鹿豕依忘情隨醉醒無意怨芳  
菲晚食終朝肉酣眠盡夜歸自然成俯仰一笑掩  
柴扉

雙綠何年樹高陰訝獨尊春風曾不度凍雪竟能  
存青眼應憐客荒沙莫問根柳州人種柳相對憶  
中原

到處為農色扶犁急晚溝逢人話禾黍顧我少田  
疇心已傷瘡馬歸應學飯牛柴桑春雨足愴怳陸  
塘洲

陸塘余家故莊也

野草亦能花簾櫳認爾家有天同墜露無地避寒

沙得句情偏艷依人態更加芳名傳楚客蕭艾莫  
深嗟

芍藥移原野攜鏡駕小車草鋪青作路花望白成  
渠土重防根瘁陰濃遲雨踈許多斟酌意香艷待  
何如

草木人稀識軒岐頗具名地辜材有用天豈物徒  
生辨性緣多病拈鋤偶獨行愛移仙品種春圃灌  
黃精

蔬畦郊遠近籬逕踏來迂野色紛瓜豆秋聲冷轆  
轤市兒朝換米鄰圃晚攜壺遙憶青門地通侯笑

東閣剩稿

四

故吾

諾尼帶城綠心意豁潺湲冰泮深春水雲堆入夏  
山健兒調馬去稚子釣魚還日日江邊路來看夕  
照間

步隨意獨去心豈眼同寬籬落秋風遠牛羊夕照  
寒縈愁憐草漠驚險踏沙瀾暮色空回首中原一  
髮看

戎馬邊無際重城鎖市囂人奴餘墨涅兒戲亦弓  
刀大走茅柝捷雞栖炙垤高莫須驚鹵莽還復稱  
麤豪



歌哭迷踪跡朝昏一室吟漫操寒瘦論其奈雪霜  
心白眼判身世黃沙任古今書空惟咄咄殷浩爾  
情深

南門一里市何地復何營塵卧牛羊鄴風呼狐兔  
聲刀錐喧賈客冠履訝書生酪酒攜荒幕誰憐覓  
醉情

戍拆下黃昏邊荒甲士尊弓刀嚴夜令星斗靜高  
垣江國誰歸計冰天無定魂強將殘卷伴楮拙戀  
鑪溫

冷漠霜初闊長圍野盡囂將軍弓力大壯士搏生

東閣剩稿

五

豪雪後黃羊集風前錦雉高班禽獎多獲夜火醉  
香醪

籬籬安苟且終歲寡逢迎草長門如野星羅屋似  
營曦光過隙易霜色壓茅平祇作深山隱寥天轉  
不驚

雲淨高空夜西風兆曉霜客心驚八月天意肅殊  
方枝護寒窗艷鴻飛漠月荒等閒甘苦異閱歷已  
尋常塞霜分甜苦苦霜無烈

酒境止微醺輕寒夜未分春聊生落莫愁且逐紛  
紜斗靜孤橫月天高淡著雲曉檐喧鵲語飽睡不

曾聞

草色枯牛背殘陽曳凍輪何嘗榛莽棄能易布茶  
新饜冷皮包飯搓冰手藥龜翻看邊塞上力作少  
游民土人凍搓以冰雪使冷極發暖則不數裂

飄零難問地毳帳復繩樞草長秋城隘天荒暮月  
孤數行迷過雁三匝剩啼鳥萬古淒清意狂歌託  
唾壺

貞女吟

松柏挺寒枝蘭蕙艷秋草含芳際天時靈毓各遲  
早黑風吹危巢分飛墮雙鳥比翼那能期悲鳴樹

東閣剩稿

六

三繞未嫁送征夫心情憺綿渺羞下覲面淚語澁  
意已曉守茲金石堅何妨天地老悠悠楚水長漠  
漠闌雲杳一室萬里心艱難恐不保冲然達天命  
素志何皎皎浮雲豈終朝叢枝不終槁佳會卜非  
遙皇天鑒貞抱

憶大兄

白髮愁無已經年絕手書全家待衣食終日倚門  
閤羸馬冰橫路寒璫雪裹車孤征何處跡相望淚  
沾裾

觸感

傾蓋成素交義氣盡一見昨聞銘同心今聞絕會面  
洗洗清河長滾滾黃河疾請看清濁流到底不相入

### 種圃

小圃地三畝近在屋東隅治之人力艱棄之人事疎借以鍊筋骨晨昏獨把鋤三日覺習慣勞苦不似初鄰翁隔牆語種穀勝種蔬翁言良善計欲耕非畱畝此圃因屋買否則並圃無瓜豆布南種遲早生性殊邊風審氣候翁久此地居勞翁待生成

東閣刺稿

七

### 鄉味烹荒厨

細種掩薄土雪消潤土質不信圻有期生機慮寒澁披衣看及晨失喜青莧茁隙地移傍畦待長均疎密園牆苦不高啄蔬半雞腹割雞飽肉味賣雞得高值得值益種蔬肉飽詎永日含糗宜素賞願言常蔬食

野花不識名淡紅媚清曉瓜棚借引蔓經秋開未了不害此徒榮渾欲忘纏繞胡來鬼臉葵醜名以終老妄擬籍陽卉滋亂勝于草侵地比強梁除之苦不早急治防來年子結遺患擾結想界寬畦菜

### 青花亦好

佳產遑問地佳名視所賞薇以餓夫榮蓴著高人想邊沙種紅莧品味覺無兩葵蓼賤顯齋當春勤培養菜老不堪嘗此獨非其黨葉葉凝脂膏露滴紅一掌肉食弓刀兒委弃視草芥餉客必烹薦方

法傳始廣異哉知已私獨肯小園長挈爾歸中原千秋樂佳壤

偶然過鄰圃老叟瓜陰著歧蔓紛刪除繁花隨葉落怪問斯何理氣脉分則弱比之莠與禾不圖將肆虐叟毋擬非倫種類別善惡茲則本同氣相妨

東閣刺稿

八

恐未確吁嗟損益心營營私厚薄物性體並生何遽見隕獲

豈無長鬚奴悍情不為使豈無鹵斯鋤破缺費整理人事惜前勞蹣跚不自止有井畦盡頭日落汲之始罷灌雨纔淋駿奔雲突起水氣移崩雷長空月如洗一嚼冰瓜寒假寐涼陰裏濕葉搖清風園門時閉啟

### 望城南

望城南出城步荒草幾圍冰雪深頽垣五尺烟沙護近城列剝修何年寶幡局促弓刀戍粥鼓鐘魚



早暮間四野悲聲竄狐兔欲飛不飛鳥翼傷欲落  
不落日光暮放眼茫茫幾千里側身天地何依附  
回憶來時初進城失喜城中有人住今在城中作  
住人愁見人來復人去去人常少來苦多寒沙一  
掌長安路

卜魁竹枝詞二十四首

諾尼江上水潺潺五月冰消艾渾山流到混同天  
更碧松花一派白雲間諾尼江在城北五里南流至混同江會  
松花江入海  
邊天春事近為農野燒荒荒二月風千里火雲吹  
不斷滿城都在夜光中

東閣刺稿

九

沙搏三月草芽乾曾少春遊遠樹看漠色乍青還  
乍白東風吹暖復吹寒春草初生經寒復稿

老樹爭言神所棲千條沙雨道傍垂昨宵畫鼓方  
行禱莫遣行人誤折枝城南獨柳土人皆神祀之歲其枝輒病

野杏叢條雜亂芳樵車寒折一枝來居人五月矜  
紅艷不信江南二月開去城三十里有杏叢生細如指無成樹  
者

芍藥千叢聚一窠移香人特訪郊沙小車艷引分  
明路十里東門蝴蝶花

東門十日雨微涼拾得蘑菇入市香野水恨教迷  
去路兒童閒殺柳條筐

江上歲瓠春水清而灘渡口風正平篙撐十字縱  
橫樣破網牽來水面行歲瓠獨木舟名

網截江魚百丈開家家所膾發春醅應知漁火驚  
宵浪不見提鮮趁市來漁者必夜半乘歲瓠網江心及晨入市  
風大浪急則不得魚

風漾沙痕落水痕采菱傍水綠初繁邊兒邊婦攜  
筐出多半相逢在北門

樺船攜趁渡頭忙來往輕飛逐鳥翔收拾烟波人  
散後一肩帆影斜陽緞樺皮為渡船長六七尺可容二人

五月巡邊草茁茁西行輕騎抵河涯無皮樹下堆  
高塚歸路餽糧去日埋五月巡官率百人巡邊至鄂爾姑納河  
河以西為俄羅斯地視東岸沙草有無

東閣刺稿

十

牧痕防侵碑界路瀾漫無轍跡擇大樹去皮歸時認樹知舊路也餽糧不  
能攜者囊挂于樹或掘地埋之隆土作塚形

二百菰毬乳葉香馬頭封裏貢秋霜荀奴箇妾應  
相詫異種離奇避老羌俄羅斯菰抽臺如蒿莖高尺許其葉  
葉相抱成球取次而舒已舒之葉老不  
堪食割球煮之味甚美函紙充貢

九月通鏗獵騎紛乃刀大雪從將軍一時馬上齊  
聲賀親射雄獮六百斤江水後獵野獮于通鏗河雄老為貴

鄂倫春隸索倫圍廬帳千家裏樺皮大樹驚貂憑  
犬得深山野鹿任人騎索倫人分八圍應捕貂役鄂倫春又在  
索倫之北與俄羅斯接壤地產樺冠履  
皆以樺皮為之無馬多鹿乘載與馬無異用羅任去招之即至捕貂以犬與  
索倫同

犬偵貂穴在深蒿伺穴噙來更不勞貂惜毛戕甘

受齒犬防齒重不傷毛

貂雅索倫之東北捕貂以犬虞者其毛以犬犬嘗前驅見其傳喚深草間即貂故皆生得也一虞人歲輸一於官

估客金鼓聲在臂虞人

貂眩紫堆腰相逢不用頻

爭直易金惟憑實金貂

金貂之類極邊所少商賈初通時以貂易金隨金之大小貂滿於金而後肯易

今則一貂數金矣

肉盡還驚枝未摧爭呼神享笑顏開月明覓得枝

頭飽昨夜羣鴉今又來

泥撲處人禳病祈神列植松樺于野徧挂牛羊肉羅拜其下

行人爭說避燈官叱咤聲中法不寬昨日街頭呼

駟僧今朝馬上肅衣冠

鎖印後閣屠僧名立為燈官揭示有官假法真之語細事扑罰惟意出必鳴金

市聲肅然至開印前夕止

東閣刺稿

十一

誰家壁寫翠筠橫連臂邊兒識未明牧豎忽來誇

見慣東門塘子章叢生

邊客家有圖竹於壁者土人指為章叢生處曰塘子

椎鬟半結獵蹄輕射得鴛鴦不識名說與相思交

頸鳥無端邊女也多情

婦女髻髮垂肩曰練椎

夫役官圍兒苦饑連朝大雪雉初肥風馳一矢山

腰去獵馬長衫帶血歸

鄂倫泰婦女皆勇決善射

門閉炊烟暖禦風家家竈火炕頭紅客來更撥泥

盆焰羊胛餐香炙馬通

冬蔽重門而牖其光是為風門

了蠟山頭樹柞樵諾尼江北少行塵待來十月冰

平岸日夜牛車作炭人

了蠟山在諾尼江北二百里江水後人往作炭路無宿所皆夜不絕行

雪

雪戶鍵三月春光剩十天久安邊氣異翻使客寒

捐寂寞攤書眼昏騰煮竈烟爭言宜穡事土磧漸

融堅

寒

冰雪三冬慣春寒豈竟寒客心移節候邊思起瀾

漫晝暗室逾靜簾垂香不殘芳菲無可惜一任晚

風酸

郊遊

野寺紆晴步春江淨客心殘冰飄落日短草卧雲

東閣刺稿

十一

陰雁訪來時路花開故國岑不堪高閣望回首塞

垣深

諾尼江漫興

斜陽風定半江水破網人牽獨木舟雲影漸移沙

外岸鐘聲微落寺前樓

蠅

邊熱不能久營營胡轉多味投羶酪易人奈棘榛

何引類乘炎起迎秋怯雨過那堪彈不去苦欲伴

吟哦揚廷秀詩我知我正吟詩

析舊車為薪



薪折舊乘車炊烟壯晚廬不樵真失業飽飯且安居致遠材原且埋輪事已虛幾回停落斧推鑿憶成初

家兄來書擬春初抵塞將至奉憶之作

期近團圓思轉深痛中竭蹶豈能禁麻衣萬里呼天淚凍雪千山負米心京國書纔開舊臘閤門望苦到而今傷心強說春風聚長大先須作枕衾

家人寄珊瑚苔

珊瑚苔惟吾相有之赤苗鮮澤徧覆巖石濯而暴之碧色清香可食

珊瑚苔寄故山香皖水誰攜白下航萬里封題來宛轉六年情味憶蒼茫巖鋪紫戟春苗嫩裏冰

東閣剩稿

圭

花碧帶長渴吻頓清吟齒興石芝疑似夢中嘗

早出

窮邊生乏計何暇說生歸夜枕愁無米朝寒更典衣自知人事拙不訝世情非強步出門去漫天雪正飛

得大兄書

萬里書能寄行踪紙上尋絮連情語亂缺冷淚痕深汾雁霜浮水江楓雪作林風塵說經慣欲慰白頭心

感懷

青草道傍長白雲天上浮白雲復青草行路何時休男兒縱得志出門難自由忍此百年身車馬付悠悠折坂無善迹急湍有危舟越鳥墮北風飄忽萬里愁羽毛遭零落鄉井豈易求江南歌好春塞北悲高秋落日邈重關哀鳴激楚囚寂寂夜啼烏啼烏未白頭

夏寒

暖待春將盡寒驚夏轉深氣遲伸蟄候草東向榮心燕雨沾朱戶蟬枝坐綠林薰風九天上吹不到邊陰

東閣剩稿

吉

夕陽

秋草枯時塞眼長天低野寺暮雲荒戍笳聲裏沙和雪一片寒陰淡夕陽

垂釣時江水大漲

野草連天盡驚移巨浪看江帆城下水魚火寺前灘塞鳥橫秋闊吳楓入夢寒乾坤飄蕩裏聊把釣魚竿

立秋

冷雨飄無際斜陽乍有痕天光歸黯淡秋氣入黃昏茅漏風侵夜牆欹水浸根荒寒移歲晚坐對觸

愁繁

聞笳

笳聲吹暮野秋影闔寒扉  
白月荒無外黃雲慘不飛  
關河雙鬢改鄉國幾人歸  
欲譜絃為曲難禁淚濕衣

即事四絕句

總帳新看列翠翹歌聲冷入斷雲遙  
綺羅風裏香為路不用魂歸賦大招  
料量歡愛復如何滿眼西風有碧莎  
急管繁絃齊下淚不知悲思阿誰多

東閣刺稿

十五

淒絕新詞製未成蠻華疊板一含情  
清風獵獵鳴枯草轉調如聞媚倚聲  
宿世香銷紅豆枝不堪聽徹曲終時  
白楊風雨多蕭索從此新聲別付誰

過某氏居

終古沙埋碧血愁生存華屋重回頭  
鴨闌鴛社知多少不及張家燕子樓

暮立

畏寒重窺戶手足如有縛愛茲星月光  
短步舒卷躩白雪壓茅椽因風時吹落  
牆頽寶徑成鄰燈孤

屋角豈不動悲淒吟思求暫託苦欲抽肺腸所見  
空寥廓銀河移天樞潛波有誰覺百年夜居半念  
此意蕭索未信春風期何時噓屈蠖櫪馬伏殘芻  
荒雞雜遠柝覓睡學忘情爛漫謝六鑿

城頭草

土城五尺高三尺城頭草雨露攀崇根寒風待秋  
早野火飛不上炊烟時綠繞獵獵鳴悲聲森若林  
木槁冷色接衡茅開門望昏曉夜月縈荒烟寒空  
帶飛鳥結子墜春泥青青何處好何似車馬痕送  
客長安道

東閣刺稿

十六

早枕

早起嫌無事因教藉避寒閒吟一枕足有米百憂  
寬夜雪鐘聲散檐曦鵲語謹樵車牆外路響動曉  
風酸

傅含萬得木化石以為鎮紙索賦長句

吾聞奇章牛氏寶湖石品題甲乙同和璧又聞坡  
老雪浪仇池篇璵璠玉色几案前茲石白何有木  
文石質枝痕紐前身大谷土花斑直窮王會羌渾  
古千年老樹摧風雨沈濤氣核化堅肯不與凡條  
同朽腐為榆為柞誰能辨虞人取之淬刀箭置身



翰簡亦何為器使居然班筆硯僕骨之山康干河  
松根花石松紋多窮崖棄置類如此挺幹空嗟面  
目訛木有廉兮石有理砥行一室交君子

夜歸

城陰寂寂鎖蒿萊歸路頻驚戍鼓催凍月半輪銜  
雪出寒沙數里傍車來獵雲散騎環宵帳野燒飛  
烟掠燧臺遙指衡茅棲冷夢一星燈火露荒陬

大父作塞居十首叙曰昔人有山居村居  
湖居詩獨不可為塞居詩乎觸目成辭一  
慨亦一笑耳同大兄敬次原韻

東閣剩稿

七

咄咄詩成疊疊篇詠歌一室笑荒邊擬同笳拍傳  
千古浪逐羣愧昔賢樓倚遼天飛畫角驛連羌  
部控霜弦書生不識開疆事莫問蒿萊紀歲年  
抱甕居然學圃身畦均架疊費精神花蔬界別三  
弓地瓜豆筐分隔巷鄰青摘兒童喧款客碧連齋  
室靜怡人籬門夜月棚陰雨健履欣看倚杖頻  
浙瀝風回遠近笳棲枝何處覓歸鴉征車古塞三  
秋草落日長安一掌沙牧馬厰開平野闊呼鷹聲  
入亂雲譁相逢樂事誇邊土翻笑書生苦憶家  
纔說迎秋急禦冬未寒先改雪霜容幾年病骨瓊

東閣剩稿

六

猶冷八月水泥戶早封窗護葦蘆留景短夜煨櫓  
枯坐烟濃可憐裘敝年年線燈火慈幃手自縫  
蓬樓豈識廟堂謀羽檄傳飛積雪邱滿眼旌旗搖  
別夢誰家楊柳怨封侯憑將碑字標辰極容易音  
書過隴頭鴻爪印泥魚鳥隊霜風零落芰荷遊  
愁中書卷隙中駒萬里寒氈竹素俱聊爾寄心銷  
寂寞究成何事笑胡盧鳴弦帳外雲朝動磨盾燈  
前酒夜呼衫履郎當甘衆棄年年高卧避城隅  
二三友屋望離離情好偏深共難時幻境須銷當  
日夢清談不礙外人知藥除小病商醫穩花訪輕  
車散酒遲來往青鞵蓬戶艷且從萍梗慰淒其  
羈旅難銷情思多蠻鄉雪塞較如何才人未必皆  
狂放異俗空知待洗磨裙屐風流歸鹵莽樓臺花  
月邈山河青犁黃犢平生志紙上虛磨牧豎歌  
歲事寧將旅抱寬似憂脫粟滯公安三年水亂千  
村哭八月霜飛萬竈寒菜把矜嘗鄰父饋糜車爭  
糴市聲謹荒江舊貫魚梁禁剩可生涯付釣竿  
故園楊柳綠鬢髮曾結青谿舊草龕每怪春鴻飛  
向北劇憐粵鳥字懷南豐辱自昔才難稱病臂於  
今減不堪歸老桐廬寧待老湖山佳句和雲菴

前題

方觀永

囊讀宮端出塞篇重闌今更待窮邊詩書兩結根  
繩禍堂構空貽孝友賢雨冷燕泥尋舊巷沙寒鴻  
影落驚弦銜悲敢道霸棲苦且向顛危祝大年  
十笏蓬檐萬里身南雲西日倍傷神鷓鴣枝上求  
三窟豺虎聲中託四鄰學易為占京洛信買柴時  
過故鄉人關山久識歸難事觸感空勞入夢頻  
一片悲聲入暮笳南飛愁抹夕陽鴉炊烟夜隱顏  
城月野蔓門封古巷沙自是眠餐歸寂寞不勞車

東閣剩稿

亢

馬避喧譁浮踪轉羨瓊廬客水草年年到處家  
梅花書屋啟寒冬十載香廊憶舊容金谷夢魂人  
自遠玉門霜雪夜常封江亭幾處徵歌艷官閣何  
時對酒濃土室自憐僵凍骨衣衫誰寄白裕縫之微  
寄白樂天輕俗詩云衣衫難為遠裁縫

事鮮成謀轉不謀且將狂態傲荒邱夜郎月對三  
人飲公子詩輕萬戶侯獨樹涼陰尋野外半竿秋  
水坐江頭招攜更有論文客一徑花時許共遊  
半生局促類駟誤我儒冠歲歲俱孔顓騰聲須  
折簡臨邛落魄慨當盧機校虛聽階前織水火常

勞夜半呼誰信王郎頭早白一編寒餓抱邊隅  
檐茅砌草影迷離寂寂顏垣月照時霞思欲尋猿  
鶴語秋心惟訴雁鴻知花侵短袂垂陰薄墜擁寒  
食得夢遲坐自傷情眠未穩一天星斗夜何其  
零落江離客感多盈囊沙草欲如何窮愁味永齋  
鹽樂浩蕩心從歲月磨絕塞有天開壁壘長空無  
路泛星河濡毫不紀弓刀事滿耳悲笳一放歌  
世情惟付酒杯寬斷梗波濤覓易安勤向羽毛修  
雪短任教形影吠雲寒花交淡友三秋晚鳥送華  
音一枕謹閉戶養殘容苟且吟思白水舊魚竿

東閣剩稿

辛

風塵飽沃鬢髮偏側天涯寄一龕望遠音書來  
劍北看人行行李去江南門依龍驤寧勞刺自審簞  
瓢已慣堪何處清狂容我癖高題捫蝨樹間巷石曼卿常卧一簞題曰捫蝨

友人邀食臘八粥

孟粥甘融出世香情依法會契空王虛傳寒食花  
饌節賺得愁人望故鄉

過訥拙菴先生問病歸途同顧山叔作

問病過良友到門及鳥宿坐我烹新茶藥性勸方  
錄遂忘歸路遲黑雲幕高矚積雪辨高低寒光如



引燭寂寂牛馬風市靜類荒谷談笑步兵隨幸免  
行影獨偶然入酒肆一醉生和燠暫時竹林歡豪  
放頗不俗戍柝怵嚴更令下弓刀促巷犬吠羣豹  
凍滑屢不于望望短牆橫燈火明茅屋閉門謝餘  
淚殘瓊喧夜讀

東閣刺稿

主

述本堂詩集

桐城方觀承問亭

入塞詩

余侍塞上踰五年伯兄方謀食四方余因不敢  
言他適也歲庚子懷寧任公督學奉天屢馳書  
相召不得已大父遣赴幕未兩月伯兄都門書  
至謂吾兄弟相去僅十五日程三關之阻已踰  
其二尚不得面耶讀之悲不自勝遂策騎而西  
自卜魁達京師歷春夏越四千餘里有所得輒  
筆之而未暇錄也夫去荒漠絕域之區而履遊

入塞詩

處故地見親戚話故鄉攬山川文物之盛如出  
幽暗重觀天日是固恒情之所甚樂而余轉獨  
以為悲者長城之高矗天劃然中外陟盧龍顛  
峻回望遙東邊漠杳冥吾親處其下矣不肖之  
軀將安往耶卜魁戒途為康熙六十年正月二  
十六日是日奇寒殺人畜無算邊人驚為未見  
余以弱質得全父母之軀而來吾兄之側亦幸  
矣歲雍正丁未居金陵去無所之因取向所未  
錄者輯之得若干首計去辛丑之春業經七年  
用以誌夫不肖子之與吾親離者已七易寒暑

而尚未得一省視也

大父也赴奉天

重闌倚衰白我行將何之尋常未易別况乃天之  
涯饑寒驅冷餒汗漫無家歸生計在干人得失難  
預持敝裘支凍骨羶酪充路饑辛苦付前途孤踪  
行李微回首望朔風淚眼垂冰絲翻笑窮途泣一  
身何多悲

征車促行色出門重回頭歷歷家人面後會寧豫  
謀幼弟牽我衣涕淚不可收撫摩為拭淚給以非  
遠遊弟兄各飄泊獨汝膝下留去去摧肝腸何以

慰邊陲

八塞詩

二

痛哭辭先靈孤櫬懸野戍從此萬里天瞻雲空陟  
岵來日拜庭前音容杳孺慕何時封樹安終身守  
隴墓寂寂龍眠山悠悠關塞路春草枯中腸悲風  
鳴磧樹

白都納城

一名新城隸稽林鎮黑龍江鎮東界止此城臨  
諾尼江發源卜圖東北諸山艾渾卜魁兩水師  
戰艦歲修就村稽林由混同諾尼達於松花江返權稍遲則東  
阻自此驛路由稽林至奉天千四百里取道蒙古入巴澣邊門  
近數日程

已盡龍江界依然雁塞天城低春水驛冰鎖上流  
船短市輪蹄隘殘更風雪懸如何近都邑巴澣更

荒邊

入巴澣道

烟沙一望客心驚遙指西南十日程夜雪蒿深殘  
燒斷長天風定亂雲橫三秋馬牧分藩界萬里龍  
庭護鎬京久靖烽塵來往路書生短轡遂長征

野宿

野宿必依廬帳求井也車輓相聯並草一匝隸馬其中  
人宿車上曰野營又曰冷營

遙指行廬入暮天營依一匝短輪連黑風飲馬人  
呼井白雪眠車夜裏羶強抱夢魂來斷磧又聽輶  
輓起荒烟柳條數問邊門路傳道冰沙不易前

巴澣門

八塞詩

三

關門壕路隘冰雪柳條通鏢鎗嚴荒漠屏藩接鎬  
豐依山聯短市近客有春風且喜停車夜居然旅  
店中

望奉天城

陵樹雲光合春城曙色微和風開遠塞佳氣映朝  
暉鶴語三年住烏枝萬里依并州望鄉地今作故  
鄉歸

巨流河

千里寒濤客淚凝記從風雪裏行滕可知今日船  
邊水換過來時十度冰



早發

遠樹蒙長天微雲抹風色曉氣愛澄清心傷是孤客

鴉聲亂曉寒衣裳風格格立馬重添裘行人忘五月

羊腸河

羊腸渡口水潺潺楊柳橋橫亂石間欲問關程何處是馬頭無限夕陽山

策筇村

高下雲橫夕徑賒一層山盡有人家策筇村口迴

入塞詩

四

環水石磴松棚喚賣茶

入山海關

柳榆風色徧關門猶憶冰沙舊轍痕去夢羈情成隔世今朝客路是中原城頭自照秦時月海上難招姜女魂立馬更傷回望處白雲遮斷塞山昏

五日宿關下

酌殘蒲酒旅魂愁燈舫秦淮憶舊遊夢醒江城今夜水亂山攢處月如鉤

和店壁聽雁題句

落日山城氣若秋何人旅恨壁間留此身久愧南

飛雁不聽寒聲客自愁

永平府

孤竹千秋仰舊封關河一氣走盧龍無山不帶長城路有寺都盤絕頂峰共指崇祠馨餓骨強拈殘蕨信遺踪北平自古邊防地節義真知勵戰攻

卑耳道中

稻畦數里水村幽雨過秧針綠乍浮樹裏鶯泉農唱晚客身疑在陸塘洲

月

荒沙一片月宛轉到長安夢恍中宵色心同故國

入塞詩

五

看雲階天冪冪關路夜漫漫不照烏頭白空歌易水寒

擬古

澗底鬱青松虬枝結深草地勢無可乘凌霄姿空好秋水長新荷乃在蓬萊島非不貴且潔得時苦不早古來慷慨士不肯寂寞老徇名輕水火終愧君子道長嘯入深林無為歎枯槁

送立誠十叔南歸

墮羽驚塵兩不知十年關月杳相思竹林夢裏今宵酒筵拍聲中入塞詩燕市暫來還擊筑越巢飛

去本無枝飄零骨月千端淚又是青門送別時

喜晤訥拙菴先生自塞外歸因贈

萬里歸來是故人恩波盡為洗邊塵風光暖送還  
家路冰雪天培有用身鳳闕高車延短筇驪歌凍  
雨憶初春相逢祇看詩囊裏柳色關門一番新  
老樹陰濃徑碧苔半園花月舊亭臺去年圖畫同  
君看今日林扉為我開先生塞居時曾圖半園亭沼見示投轄多情憐  
末座承恩盡室醉深杯萊衣笑進團圞酒纔自西  
清退直回

冰天曾和草堂題錦里名傳杜老齊藤杖今移吟

入塞詩

六

月地詩人舊住浣花溪大父移居先生龍江舊寓痛違菽水難乳  
憑寄音書雁不迷若聽鶯聲思舊侶應憐獨鳥到  
幽棲

聞拙菴先生於熱河

行在奉

詔供奉內廷

甘泉宮畔拜絲綸十五年前供奉臣先生向以曹郎供奉中正殿長

樂鐘回天外夢夜郎月照禁中身藜光夜湛開青

瑣貝葉親書獻紫宸先生精梵書素被龍命暇日上林看過

雁好音曾否慰邊塵

題冬青樹下芭蕉

風動絺衣綠扇開零陵紙色映蒼苔王維畫作凌  
寒種合傍冬青樹下栽

立秋

已覺寒乘候真知秋易哀風連昨夜動雨傍夕陰  
來望遠身常寄瞻雲雁少回未應餘熱盡祇恐塞  
霜催

連雨

凝雲將密雨信宿意如何耳滴新愁入心懷舊歷  
多冷飄湘水闊滑寒太行過萍梗猶今日桑乾急

入塞詩

七

逝波

雨夜

秋雨常侵夜涼風欲動衣愁聲窗近樹暗影燭臨  
扉羶雪何堪憶尊鱸豈易歸傷心南去雁盡帶塞  
霜飛

雨夜作家書

結緒千端劇臨楫一字無瞻依憑寸紙霜雪望窮  
途夢入邊天閣燈親旅夜孤愁聲禁冷雨為續淚  
痕枯

送王子嘉先生歸遼陽



料理烟霞到短筇由來閱歷任疎慵寧將意氣同  
金盡但覺人情遜酒濃栗里易教尋舊隱藜牀不  
用歎浮踪他年遼鶴如堪訪擬住千山第幾峰

入塞詩

八

述本堂詩集

懷南草

桐城方觀承問亭

住塞北五年難尋鄉路望江南一曲不唱邊詞  
此庾信之興哀亦江淹之寫恨迨夫嚴關既入  
隔斷吹笳易水重來還聞鼓筑似金河之一雁  
蘆弱寧飛逐滄海之羣鷗波驚不定邯鄲道上  
問客夢但有歸心濁浪河邊近鄉路真成擊楫  
輕舟徑去非關建業江遙長鉞歸來又食武昌  
魚在依依楊柳共愁鬢以逢秋渺渺湘波獨招

懷南草

魂而向夜登大墳以遠望淼南渡之焉如春入  
新年舟回倦客風輕五兩下君山一點之青浪  
擁雙孤破淨練千痕之白泊菰蘆而傍暮乍聞  
商女吳歌綴桑梓以無家直似楚囚秦贅十年  
化鶴空看城郭依然萬里冥鴻孰是羽毛全者  
味江鱖與陸莧人言似張翰蓴鱸唱殘月於曉  
風我到值秦淮簫鼓恒情足樂幽抱惟傷巷冷  
斜陽誰識春庭舊燕階空夜月幾聽風木啼烏  
嗣宗或閉戶視書系月不出王粲之登樓作賦  
吾土寧非敝輿羸驂失芳草王孫之可貴登山

臨水望白雲關塞以何長斯歡詠之未終有悲  
吟之難已越禽可喻聊同舉翼於懷南代馬難  
留又逐嘶聲而向北

雙雁

雙雁影相依南征傍客飛似憐棲息共不怨稻粱  
微沙雨來非易金河獵未歸去年邊塞上送爾淚  
霑衣

寒知

寒知關塞早七月已深秋念到重關遠心將萬事  
休莫詢明日路那盡五更愁不信乾坤裏真乘岸

懷南草

年

上舟

艮嶽

艮嶽空餘三尺土思鄉橋上淚如雨二帝魂歸戀  
舊遊不識西湖艷歌舞

食柿

柿品重烏柿名自梁園久渴吻求秋林嘉實駢垂  
帚園翁知客廉攀柯聽自取濃陰團火雲虬卵疑  
炙手玉露裏金漿熟暖輕霜後豈必松陽植如向  
華林剖入塞矜新嘗羶酪十年口觸物默然悲山  
雲頻舉首古人覩蓮實分甘憶慈母 母嗜况在

茲邊荒能致否微物適親心所獲亦已厚安得樹  
北堂茲木稱多壽詩有七絕一多壽

寓許署東園呈王素園先生

園小依庭靜官閒愛客來水縈曲樹拂晚軒  
開看放冰衙鶴宜擎梁苑杯知多平日興詩句徧  
樓臺

送大兄之汝寧

秋風雁影動寒林相送誰憐南浦吟祇為多愁成  
失路即教暫別亦驚心淮源已覺江鄉近潁水應  
添客淚深弔古夕陽王祭宅平與城下急踈砧

懷南草

三

晚步

遠樹風迴落日橫蕭蕭寒色半孤城偶成吟便多  
商調試聽秋全無好聲莫問蹉跎緣底事翻從寂  
寞起閒情黃昏立徧方塘影蘆荻花邊待月明

生朝

壯志虛慚弧矢懸萍踪又滯汴河邊鄉關去此還  
千里客路經今已十年孤館曉成詩自壽中秋人  
對月將圓却思昨歲遼城酒辛苦猶能慰膝前

鏡心亭

碧沼環明鏡孤亭立海漚斷塵天入畫幽賞地宜



秋荷暖常熏座蘆深恍在舟清漪動人影月午近前樓

挹爽亭

信步橋邊去茅亭坐夕陽氣凌秋更爽風度水生涼草帶紅晴岸松濤瀉斷牆晚雲占夜雨蛙鼓亂方塘

夜坐東王琢如

酒初消處喚茶鐺小院新寒傍水生樹葉打窗非俗響野花當戶綴閒情詩成深夜燈無焰人靜幽齋月倍明幾度微風來曲徑愛聽官舍有書聲

懷南草

四

遣悶

羈樓不記幾昏朝攜得詩瓢復酒瓢繞徑蛙鳴何所為窺窗鳥語若相招閒量夜雨高秋岸漫趁斜陽過板橋倚樹更聽黃葉落西風蘆荻正蕭蕭

送別大兄赴北平余遂分道之楚

大河南北莽寒烟客裏離情各泣然總是風塵歸未得不同樓宿更堪憐到時燕筑愁中酒去路湘波險處船敢道中原辛苦地雲山迢遞有窮邊

武昌

江上寒烟堞影浮熊封千里倚安流遙看賈舶叢

斜照不是樓船擁上游楊柳何年依漢水萍蓬此日去荊州低徊往蹟司勳句黃鶴巍然萬古樓

從兄惟端自蜀歸廣陵遇於漢江之濱悲喜交集因賦長句並以贈別

夏滙江流流不極漢南楊柳凋零色寂寂攀條憶故鄉看盡東霞復西日去來幾許渡江人日日相逢不相識嗟誰握手最情親總向天涯學問津十年兄弟飄零淚萬里驚疑夢寐身兄何來長風吹下灤灤堆一船書畫蟲糜冷三峽星辰猿嘯哀兄何往不為刀錐與塵鞅龍眠山遠暮雲淒燕子磯

懷南草

五

橫秋水長燕子磯揚州路曾記當年送別處雁懾孤鳴上苑弓烏棲三匝誰家樹關雲江水兩茫茫夢裏音書對屋梁空憐廿四橋頭月照徹寒沙一片霜黃金臺下先後走竭蹶無緣求聚首轉蓬猶拂塞垣塵聽筑惟傾燕市酒黑風一夜墮完巢驚塵落葉總飄搖幾人羌月愁聞笛幾人吳市暗吹簫迢迢舊夢空青草相思但恐朱顏老今日誰知會面奇黃鵠山邊飛過鳥下江舟不可留久留祇益客中愁明朝我亦洞庭去悲送三湘水北流

夜泊岳州

日夜江流瀉洞庭烟波無際一城局危帆矗岸愁  
欹折冷拆飄風入杳冥莫使火驚孤雁宿浪吟詩  
與大魚聽蓬窗坐待朝烟動洗眼君山萬古青

### 洞庭阻雪

長風吹臘雪人在洞庭船雲影白無岸浪花飛上  
天沙昏沈夜色蓬短壓炊烟却羨寒汀雁波聲穩  
自眠

### 遊洪山

春郊豁晴雲幽意愜羈旅十里東門田青青遽如  
許繡錯接高峰香光明紺宇徑轉藤蘿顛袂拂烟

### 懷南草

六

霞舉聳身翔雲根截然割塵緒蜿蜒幃長松青蒼  
色太古回視桃李艷紛紛山下土傑閣披層陰重  
檻欹吟塵平湖襟遠天鳶魚成仰俯鐘聲時一聞  
塔影日卓午石罅逗清烟僧房茶欲煮誰為許元  
度遊人紛纖縷遠霧蒙城陰勞勞去何所日暮不  
須歸漁歌起前浦

### 同潘臨谷再遊洪山

好山不倦登好友洽幽性履齒草痕深籃輿山花  
迎捫蘿慣經行樹鳥飛相認昨朝車馬誰雜沓擾  
鐘磬賴有萬松濤為我洗清境四野春氣滋巒光

延綠蔭烟景呈高欄徘徊凌絕磴安仁尋舊題三  
年迷曲徑嵐影待重來白髮傷新鬢浮生安足論  
努力愛名勝夕陽下前蹊農歌歌未竟迂步牛羊  
田悠然策餘興

### 折海棠作瓶供

艷影拂垂絲東風入手吹屏簾移絳繡筆硯惹  
脂銀燭朦朧夜香杯婀娜時春陰如可借偏護折  
殘枝

### 鳶燈

烏逐金丸起乘風夜未歸二更孤月上一線曉星

### 懷南草

七

飛毛羽明高影樓臺颺遠輝來朝傳禁火剪拂更  
依依

### 折枝詞

捲簾樹隔朝烟動晴光嬌鳥聲相弄碧紗窗內最  
含情一枝欲折增珍重雙瓶注水供雙枝夜夜燈  
前伴香夢脂痕粉澤影參差艷色深情遞相送酒  
盡三更睡未醒花飛一片春無用幽叢猶恨玉階  
遙餘寒好護銀瓶凍

### 賦得雨過杏花稀

唐周朴句

雨過杏花稀輕寒漠漠飛乍飄紅淚濕已覺綠陰



肥村遠明殘影樓高淡曙暉江南春社裏回首思依依

自楚返江寧口號

故鄉舟買楚江津三月桃花春水新說與湘波連  
夜發十年我是未歸人

還家四首

歸心日夜石頭城望見翻教百感生江上萍踪隨  
浪影山邊春雨作秋聲身經沸鼎空殘夢徑遠寒  
烟失舊衡骨月滿心愁見面不知悲淚向誰傾  
抱恨全家寄海隅歸來翻覺一身孤春風樓倚思

懷南草

八

花萼暮月梁空冷燕雛乍聽吳儂歌轉澁似驚邊  
角夢頻呼相逢親友悲相問十載鄉音盡改無  
星塘路訪白雲岑四尺崇修難後心風雨一番寒  
食過松楸幾樹夜烏吟龍眠山帶江聲遠雁磧沙  
沈血淚深陟岵永懷天末恨墓門春草獨沾襟  
梁燕新泥竟傍誰平生堂構繫深思斜陽暗訪門  
邊路舊樹全凋牆外枝飛繞豈無棲足地安居却  
憶讀書時青溪烟水無人管終擬歸來杖履隨

五日

五絲牽續舊魂歸蒲柳清陰景不違載酒船中風

細細采蘿江上雨霏霏人經紫塞頻年夢路問烏  
衣往事非烟水且拚鄉國醉鱖魚將罷莧初肥

秦淮泛舟

十年夢斷擢歌聲不盡江鄉此夜情簫鼓乍傳風  
外近樓臺依舊月中明波光鏡湧魚龍出橋影杯  
移蜿蜒橫昨歲憶傾關市酒征車剛度古長城

辛丑五日八山海關

秦淮十絕句次高崇如姑丈韻

擢聲宛轉答笙歌片片燈光掠水過髣髴宮衣聯  
燕隊亂紅影裏舞迴波

懷南草

九

競渡傳喧看打招簫聲初過大中橋鐘山更指紅  
橋路深濬新添十尺潮

榴花灼灼柳層層十錦牆西路艷稱水面歌聲搖  
畫艇樓頭釵影墜紅鐙

翠袖徵歌幾處樓涼風吹近大橋頭江潮帶月休  
歸去十里珠簾耍玉鈎

楊柳橋橫賣酒旗石關干外雨如絲一聲簫度涼  
雲裏恰是朦朧月上時

青溪樓閣繡輕羅皓月鯨星曲曲波不是清光偏  
照水分來銀漢色原多

鮮魚研雪酒研砑艾虎釵橫小絳符載得紅裙榴  
火艷笑他北里醉菖蒲  
載酒船搖內外城秦箏越管生蓬瀛於中獨有摩  
訶曲不是吳儂子夜聲  
三更明月落潮頭楊柳江風一縷柔二十四橋烟  
水濶試乘簫鼓到揚州

懷南草

十

述本堂詩集

桐城方

豎步吟

山海經載帝令豎亥步自南極至北陸知為若  
千里步康熙壬寅之歲余自湖南歸金陵北上  
赴奉天復回京師南北徑萬里有類於此故集  
時所為詩而即以名之癸卯里辰京邸詩並錄

恭謁

孟廟六韻門內更次

心肅更衣次庭趨古檜班巖崇瞻氣象并列洗塵  
顏人異幾希際天同平旦間功寧下神禹德自配

豎步吟

尼山泗近如相委鳬高豈易攀宮牆繩大路安宅  
幾知還

途中看花口號十五首

春當好處客辭家賴有僮人異地花一種江南香  
色在畧輸風味有風沙

雲畫茆檐錦濯溪青山繡錯影高低香蜂自導春  
程去得意何人費馬蹄

行行楊柳帶新烟曲曲花開照水妍路入前山剛  
不見十分紅綴斷崖邊

數枝無力困輕塵隴畔風前別有春袖底飛英吹



特地似私驢背是詩人

老樹偏能爛漫開重重花遠絕塵埃非關客眼貪  
饕甚翠嶂分明壟斷來

烟低月鏡曉仍寒花罨春嬌睡未殘我欲圖成難  
著筆睡中花向鏡中看

朱朱白白自遙林烟雨全歸次障深不問生涯春  
幾許客來惟有看花心

凝雲踈雨澹輕烟容易花光到

眼前  
村翁曾

不解江南人喚養花天

女兒妝罷鬢髮底桃花一面酣約伴前村攜

豎步吟

十

手去每逢花處又重簪

碧雞坊裏海棠顛挿帽擔筇分外妍馬上一枝紅

更好美人春亦事香驪

一畦青雨破犁痕叱犢聲中客到門知是路傍名

利子停鞭買酒杏花村

野人不解惜花妍花自含情乞客憐昨日揚州城

內見一株例賣十千錢

清明時節樹朝鴉幾處兒纔與婦髻似此冢邊空

有淚如何客裏不看花

兩行官柳送迎風南北花開次第紅誰許長征兼

有此看花直過泰山東

稽首茅菴古白華道傍人獻道傍花慈雲座下無  
多願每到花時客在家

泰山秦松岱廟漢栢唐槐各賦一絕句

千尋石上倚千株冠劍猶傳五大夫轉冀雨風時  
得見烟濤併寫嶽雲圖

參天黛色接遙峰膚寸雲迴欲化龍人代茫茫微

斷碣元封元歲帝東封

龍去槐空枯復枝露巖暘谷共恩滋當年想見花

黃後頭角爭看欲化時

豎步吟

三

途中值姚氏妹生朝詩以念之

同懷於汝倍堪憐別思今朝有淚漣憶遠親慈從  
早歲却依兄弟是中年持來勁節原終古悟得飛

花亦偶然願爾長年兼不恨試裁曇貝禮金仙

忠臣節婦女奇人代仰清芬德倍純未用花穠陳

錦悅真從玉立見松身母儀機杼勤兒讀內政齋

鹽佐我貧正有春寒衣更著尊生且共惜芳辰

先五世祖斷事公殉建文之難女川貞姑未嫁夫死苦節以奉姑母高祖姑  
清芬烈德祖德詩於貞姑有忠臣配節婦生女亦奇人之句清芬適姚氏  
十八而寡無子守節至八十餘歲平居雖子弟不衣冠不敢見

到京

朱門十萬鳳城開何處黃金舊築臺岐路羊腸行  
不盡秋風驢背又重來鴉飛上苑巢添樹雁去瀟  
湘岸有苔索米空憐齒編貝未邀一飽在塵埃

病

燕市來千里秋風吹一身眼繁心獨冷憂舊病緣  
新葭木原多事陰陽詎賊人攤書惟伏枕亦足謝  
昏晨

訥拙菴先生招寓半園養疾

銅里園開蔣逕幽忘年過從比羊求花光夜月初  
懸榻嵐影斜陽數上樓豈是維摩能閉室耐他蒲

豎步吟

四

柳恰逢秋擬修禪悅從君好鏡淨曇香迴不愁

半園偶作示宗山儀

園林佳趣涉綢繆淡日閒庭意轉幽白墮謀傾終  
日醉黃花新買一肩秋借依小病除塵事靜對良  
朋抵勝遊指點重陽登賞處預飛詩興在前樓

宗山儀買種新菊索賦長句

擔分寒圃曉烟凝三徑新添艷幾層高下籬邊團  
冷露參差簾外爛秋燈影依旅客元同瘦霜啟晴  
窗好共凭肯效淵明禁寂寞杖頭還貰酒如澠

九日隨同家伯家兄集飲半園之嵐影樓

即席分賦得興字

振衣拂晨霜足蹇登臨興黃佩集芳樽郊驛二三  
徑林園久借榻癯影託清境推枕怯憑高病却秋  
颺勁傑閣繚危闌迴旋凌仄主頰山雲澄爽  
堪持贈阮謝慙追隨猶帶屐底盛龍山杳陳跡藍  
水空勝詠蒼茫今古心落葉催觴聲糾紛窗影移  
層檻晚重凭感茲京洛塵偶適麋鹿性短草度蟲  
吟高空排雁陣把酒嗅黃花長歌聯競病

病懷

驚對秋光老寧辭瘦骨寒簾開霜影肅草卧露痕

豎步吟

五

乾病益思親苦心輕行路難暗魂飛遠塞忘却在  
長安

僕病

煮藥炊烟手自將奴慣病倍郎當憐予未免風  
塵瘦對爾翻添筋力強幾度鶯花虛酒榼連朝風  
雨括詩囊轉思匹馬懸孤劍容易騰身走塞荒

晤戴會嘉

相逢帝里別遼天岐路情深遂十年已任飄零  
難後暫傾歡笑故人前當壚問醉誰邊酒入市  
袖裏篇獨是烏頭歸國願共聽燕筑一



靖遠左三十餘年

科名未了文章事此意能知獨有君捧檄心勞將  
白髮買山志在謝青雲尊

陶徵 官冷偏

宜鄭廣文莫道上書歸未得已看高足絕塵氛

雪中訪訥拙菴供表

長安似我恒饑客戴雪猶能一訪君戶外濕痕初  
破屐室中暖氣自生雲坐深為悵人將別酒罷還  
悲日易墮幾許心情同難後相逢不厭話紛紜

癸卯正月廿四日作

客歲由荆江赴武昌是日遇風覆舟

風波輕一試魂夢懾經年歷險知天厚端居轉自

豎步吟

六

憐飄萍成底事破浪亦徒然莫道邊塵闊形依大  
塊全

凍柳

千條凍裏積雲荒白草全爭翠帶長冰折長城朝  
繫馬風淒羌笛夜思鄉飄殘弱絮隨萍水瘦盡纖  
腰是雪霜望眼靈和舊根蒂待攜烟雨傍宮牆

聞族人奉

詔出旗

忽聽雞竿下鳳綸衰門今荷

主恩新銜羈謝作髡鉗侶聚族重為里閑人累困

十年終見睨網開三面正逢春窮荒尚有孤臣淚  
欲訴無因達 紫宸

移居

安居何處更移居祇此殘瓊擁破書北舍南鄰俱  
落落楚囚秦贅自於於衡茅風過隨時補卉植春  
回擇地鋤語燕頻來知有意邀方共爾託蘧廬

題康東侯忘言亭次沈大千韻

抱膝宜幽築披帷得此翁檐前虛夜月座上有春  
風古調絃音外高情物象中太元紛問字多事笑  
揚雄

豎步吟

七

大風連日

鄙屋驚披中蔚蒿衝沙逐處亂雲高三春祇合勤  
噓拂萬竅何因苦怒號雁影南來愁倦翼胸河西  
渡懾狂濤羈縻莫問扶搖志厠落蓬飛任所遭

風定

日斜風定啟柴扉亂指昏鴉遠樹歸雲影漸迴孤  
岫迴月光猶帶暗塵飛山河氣異鄉心苦草木寒  
多春事違夢引去年江漢上崇蘭香泛楚波微

雨

邊寒移二月風雨日相尋不用傷春眼因堅閉戶

噓薄 檐溜 清音坐久忘岑寂聊為越  
鳥吟

晚霽

濕雲猶著樹高鳥乍迎風淡景開平野澄寒蕩遠  
空未憐芳草綠空對晚霞紅誰惜春將老邊天到  
雁鴻

五日

江上人傳競渡詩昨年此日憶歸期綺羅舊俗香  
仍在簫鼓中流櫂屢移別後樓臺飄遠夢愁中蒲  
柳觸深悲依然今夜如鉤月又照邊關殘酒卮

豎步吟

八

松花江行送給諫趙奉功先生巡察稽林  
船廠本名稽林在奉天東北八百里合寧古塔白都納為一鎮

稽林何地名何從古稱肅慎金黃龍王畿直北三  
千里遼海嚴關復幾重開原以外無州縣沙白雲  
黃迷遠傳大東首鎮控要荒鎮倚邊江作天塹松  
花水瀉碧濤長混同北下天茫茫極邊更有諾尼  
水南流亦到混同江混同橫接艘渡諾尼權沂  
松花路三千犀甲重防羗歲歲樓船飭堅固水師專為防俄  
而設廟廊本重籌邊計玉斧牙旌盟帶礪一從專  
閫築三城坐使單于歸節制健兒驅馬盡歸田井

竈叢生闌闌烟鞭梢鹿子秋風獵手底魚苗夜月

筌長林遠嶺延江岸龍蛇氣吐青蒼亂鴻濛窟宅

毓珍奇茂鞠雲霞蒸燦爛江頭大木鬱千章曾獻

王家作棟梁萬牛力致九天上長楊五柞相輝煌

康熙中修宮殿曾取木於此先朝更寶松花石琢成鳳尾同和璧拜

賜簪毫侍從臣欽洞端溪俱避席松花江江對面

布塔年年採珠獻清泥破霧有多名漁人偷識光

如電松花江江遠脉寧古臺山真氣茁三桎五葉

紫團芝玉椀金漿好顏色川嶽精靈效

聖朝與書包匭紀全遼教登城倚藩籬近長白山

豎步吟

九

聯王氣遙黑水之間稱樂土漸聞韃韃修章甫韓  
范寧勞百萬兵

帝簡清華憲文武鸞臺鳥集

詔初頒雲騎星輅出漢關大弁雄軍遵約束湏漿

酪酒歡迎攀邠卿持節家聲舊何用金城嚴斥堠

喉舌星瞻北斗遙榆關鷹羽飛章奏吾聞塞上五

月吹薰風凌浙江豁波溶溶公好布德流無窮又

聞八月邊江冰早結寒威凜凜光瑩徹跂公之政

嚴且潔浙潮莫憶故鄉津高擁星旄向朔庭試看

沮漆朝宗水常與周京作翰屏



定思弟出旗南歸贈別二首

難後

君恩意外歸臨岐不用怨分飛扁舟自抵江鄉易  
十載誰教客夢違塊獨逢人成久棄根株似爾未  
全非衡茅珍重團團事我已無家問舊扉

秋風歸不託鱸魚楓葉桐花認故居益顯雲山當  
別後未妨萍梗閨生初鶴還華表高天遠雁度燕  
城古木踈舊夢縈塵如有憶客情惟實數行書

送別大兄由開封赴南陽幕

風塵何處是歸鞭旅食難為久住緣劍鋏漫遊魚

豎步吟

十

鳥隊荷衣獨去雁鴻天瞻雲榆塞分襟淚入夢荆  
門繞樹烟寂寞不逢朱郭輩洛陽前路正堪憐

與大兄話別重有所感

悲歌燕趙遇人稀風雪河梁滿客衣九曲獨尋千  
里路三年前作一行飛陰分召茂恩猶在餓抱翳  
桑願已違好買夷門郊外酒殷勤一弔信陵歸

瓶中殘菊

幾見辭根艷霜風仍後凋松窗增護惜籬遲久蕭  
條濁酒頻相對寒香孰與招依稀陶靖節形影未  
全消

淵明有形影詩

移寓石志瀛東溪軒小眉兄綺亭庭聞兩

弟過晤登畫舫樓分賦

曲徑聲傳屐齒齊欣從客院慰霜淒但教鴻雁頻  
求侶莫問鷓鴣少定棲新婦連朝羞閉置重陽前  
約廢攀躋高樓恰稱雲霞興遠樹層城日未低

僧房習靜倚城陰

小眉兄  
庭聞弟

友屋攤書接禁林

余與綺  
亭弟

爾萍蓬各棲止轉教風雨易招尋凭將瘦影憐叢  
菊吟罷新詩起暮砧別去餘情猶可想篝燈一卷  
夜同深

冰窖

豎步吟

十一

影閉鮫綃泣根同蟄蠖盤千層海水立六月午風  
寒白日埋低照黃泥琢舊癖何人臨險仄誤認石  
如磐

冰檐

光來肩影動冷入市聲遙譬果強名核如雲薄覆  
綃晶盤高座薦香杓玉人調爾獨炎蒸裏翻教渴  
未消

碎冰為板

冰牀

似牀而植板為足高尺許裏以鐵役夫曳綆行冰上趨  
捷如飛

車圍行加捷人因倦更宜有綏如馭馬無地與支  
龜雪豈留趺印膚還際剎時誰知衽席上履薄有

同危庚信小園文牀有龜

冰燈

縹緗爲燈形以水淋之更結明透可觀

巧鑿陰山骨微分煨火溫孤少含水色四壁透霜  
痕祇伴金枝艷誰從玉鑑論高樓寒燼落無那近  
朝曦

先君子向爲外祖平和公製采石圖承兄  
弟求之屢年未獲三妹多方構致書來稱  
幸寄答四韻

手澤曾將尺幅留多年風雨倩誰收關心已足徵  
聰識孝思還能遠構求楮墨光華爭勝蹟文章著

豎步吟

書

述重貽謀謝庭慧質原憐汝觸感開絨已淚流

訥拙巷員外招食臘八粥因而有感

記從孟粥聯高會飽飯頻年懋塞窮那道長安僵  
凍雪仍招令節坐春風升沈事已遷駒隙離合身  
如住夢中轉對長筵增遠恨瞻雲不改在遙東

對月

十日春疑殘暈看金波初擁碧雲端似經臘凍光  
難滿漸轉風輕漏未寒元夕酒杯賒令節頻年霸  
影對長安六街照徧繁華色誰與清吟賞夜闌

和石東村郊居六詠

修室

衡門依舊逕盤谷比新居心已忘華陋身能事掃  
除開軒連野草插架購農書烟景還多務春風次  
第餘

築垣

分場憑作界補竇恰齊肩要使田疇色都歸戶牖  
前晚風鄰圃樹明月一家天畫取茅亭近新開籬  
徑烟

堆山

亦具峰巒勢來歸指顧間愚公移有力米老拜非

豎步吟

書

頑黛映柳邊色苔生雨後斑一般邱壑趣點綴碧  
溪灣

掘池

畚鍤假農忙沙痕拓綠塘雨中楊柳岸風外稻花  
場燕喜銜泥潤魚吞洗硯香定知春草興有夢到  
西堂

開圃

點染徧幽棲經營到灌畦隴雲輸隙地春鳥啄新  
泥蒂擷青門老籬環碧澗低相過應剪韭漸擬綠  
痕齊



引水

日暮枯桿聲酬歌起濯纓畦分幾派曲沙走一痕  
清未效翻車巧徒勞抱甕情便教趨有梗已少不  
平鳴

千里家叔於都市得曾叔祖侍御公舊硯

題曰下巖子石又隸體鐫識邵村二字材

製非宏而樸潤可玩叔概以為賞因作歌

以紀

君不聞浮樸作硯新道支象魚剖鯉人稱奇夢中  
貽語信神物湘水茫茫終失之又不聞右軍琢石

豎步吟

古

成風字光華用發蘭亭記纔值楊休二萬錢會稽  
老叟陳區肆銅臺不乏千年瓦墨磨人暫供揮灑  
充雲委地自鐫龍伯樂何人能顧馬叔父江東老  
步兵詩囊劍鉸鎮隨身松滋毛穎閒成傳金爵觚  
稜與作銘長安市上閒遊處皎月團荷驚屢顧胡  
人玉女漫睥睨弘農出處相知素下巖重暈桃花  
痕鐫摩石側誠堪據八分體勢蠅頭書故物知傳  
先侍御波濤雷電自完堅畚播於此詳因緣似看  
賣後平泉石轉憶周旋艷昔年昔年射策金門用  
霜臺凭几龍蛇動鄭虔三絕震寰宇至今筆墨黃

金重真知微物以人靈俗子何堪與結鄰珊瑚但  
架徐陵筆鼠鬚合寫黃庭經自愧無文惟削札耕  
石多年空鑄鐵鋪雪凝烟和穎飛撫茲心重吾家  
物敢呼潘友與泓兄祖硯匪獨珍瑤瓊竹林更示  
弓裘意幾許新詩唱和成

見有傭短驢誇疾走者詩以哀之

朱輪填縱橫玉勒恣遊冶光延大道傍觸目香塵  
瀉亦多緩步人曳履自瀟灑惟知直道從寧須曲  
徑假嗟爾傭短驢出入甘苟且數里疲不于十錢  
較多寡裂垢襪作鞍障泥革搓鮮挺然執鞭兒追

豎步吟

古

呼不暫捨連蹇豕負塗策敝那能打有時赴疾驅  
突若鼠竄瓦窄巷遇貴官呵叱不得下肉消一拊  
髀靴剌雙決踝元冬冰欲僵朱夏汗盈扎蒙積既  
縈塵蹉跌復藉苴借問將何之聲名趨洛社氣且  
餒休儒文猶詡董賈跨鯨海騰波控鶴雲翔野豈  
無下澤車亦有欵段馬超超安衛跛躄嚚蕭啞  
大雪灞陵橋笑殺探梅者

晝陰

一天生雨氣數點過風聲誰道為霖意翻仇望歲  
情亂塵猶自舞落日不教晴好是南軒卧無勞問

晦明

登畫舫樓作

夏峰疊檐楹天光入鑪冶主人有高楼坐卧常相  
假如登千仞岡復遊廣莫野層雲閱赤日黝色映  
深赭遷延夕陰沈涼思劇瀟灑遠風初動樹踈雨  
一飄瓦振衣領餘閒冉冉緇塵者

偶成

窗月白如此幽人殊未眠愛看庭樹影移近短牆  
邊

東溪招同小眉二兄飲畫舫樓賞月分賦

豎步吟

六

銀河夜沐暑雲清閭闔崔嵬俯禁城行盡六街塵  
土窄始知高處月偏明

蟬露初濃帶酒香風吹瓜果散筵香醉鄉漸入清  
涼境似此何須白晝長

登樓聊遣客中情坐月還宜畫舫名却憶揚州城

下水十年同醉櫂歌聲

北兄於揚州

雨打萍踪日日遙却因佳會作同遊若教花萼名  
堪借長住春風不下樓

聞鍾

長樂曉鍾清高風散遠晴幾人趨殿陛獨客傍

宮城野寺霜初動河舟路未明平生淒斷處回首  
夢魂驚

雨後歸途有作

猛雨散喧市雨罷橫塗泥亂水益阻過跬步成險  
巖所恃馬力健雄氣斂輕蹄牆逼伏溝穢石滑欹  
路岐趨避宛人意遲疾隨地宜審動誠良德有心  
寄顛危失馭才偶溢何足愆平時居人探門巷屢  
聞誇權奇窄巷須頓轡恐汚徒步衣勿辭側讓頻  
羣跡爭坦夷十里間城闕馬勞身益疲歸來頗自  
笑亦未免奴譏嬾惰久晴晝偶出意已違會須絕

豎步吟

七

酬答窮年堅下帷

寄答佟怡齋總戎惠綿紬

一束輕裕元相詩嵩雲遠墮惠風吹分來挾纈三  
軍暖寄到裝棉十月時草映青袍猶舊色歌成白  
紵少新詞幾年裘敝燕山路慚愧緇塵浣素絲

送石東溪重遊盤山二首

幽獨曾為物外棲重遊秋爽足攀躋白雲仙蹟供  
長嘯紅葉僧房續舊題謝惠能詩宜共往向平有  
子更雙攜一程官道隨行客誰信尋山費馬蹄  
名山識面潞河東來往遼闕路盡通望眼弹羣悲



涉姑甘心馬首負遊筇淮南又失隨雞犬剡北方  
愁覓雁鴻將家兄雙踵塵泥頻自愧羨君容易到高  
峰東溪時以洪武正韻見贈因通二韻成詩以答其意

初雪憶石東溪盤山

三更兼雨落十月未寒深映空庭色偏清此夜  
心兩年塵並洗上年一冬無雪一櫂路難尋為憶高峰住冰  
花綴梵林

答石東溪寄示盤山近詩

看君到處有新題想見幽踪一杖攜雪色難分山  
上下水聲不斷澗東西忘歸合作多時住選勝應

豎步吟

六

思獨客棲未盡烟霞慳夙願還吟句好當攀躋山盤山有東西甘澗

讀石東溪盤山詩

宣城妙手印心燈幽討如看逸興乘已倩名山供  
客屐更尋遠寺得詩僧和時塵霧愁難遣讀罷烟  
霞思不勝試較舊遊篇什在力深晚律信堪憑

除夕立春已十日矣

京國韶華歲再過亦知寒盡見陽和雲昏榆塞春  
無路冰泮桑乾淚作波細數殘更思寂寞難憑一  
事慰蹉跎忘憂酒欲澆胸臆憂大於身竟若何

元旦

旦日負暄茅屋下已覺媚客春光多江南梅柳不  
暇憶塞北烟雲猶未和夜火雞竿罷傳  
詔曉風鷄序趨鳴珂思排東闕叩蒼輅九閭高高  
將奈何

正月見友人齋中牡丹盛開感而成詠

昔傳姚魏花爭植芳菲節亭館艷春風洛陽向三  
月對賞今何時香色宛可掇不信盆盎新東郊草  
未茁誰教避日幢寒陰護飛雪燕市歸豪門豐臺  
售奇術頗聞藝花兒力作與農律農重違時憂花

豎步吟

七

陋因時拙窟地闕鴻鈞陽蒸歛蠶室祝融失常司  
冬藏詎能密繁瘁本乘除一發根已折造物吁無  
權草木皆見逼桃李競妍心紛紛固所悅芍藥金  
帶圍紫微木天質獨有東籬枝誓不因人熱淵明  
千古入與花俱隱逸匹夫志堅貞非分豈所屑富  
貴亦佳名氣數終被奪

小眉二兄館東華坊相過情話因之有感

室邇鴿原有和聲聊從京洛慰飄萍書攤舊物仍  
商讀硯比荒田作耦耕青草長懸關塞夢烏衣易  
感故鄉情寂寥枝上寒鴉影幾處斜陽傍禁城

杏花

碎錦坊前發曉枝遊人何事怨春遲尚看剗北寒  
塵裏不負東風二月期

遊萬柳堂有作

馮益都相國所建元康希憲有萬柳堂  
在豐臺馮益因其名也屢易主者漸就  
荒圯近或改呼為塘門從則併為花寺矣

勝地曾傳金谷同當時臺榭未全空新流雨泛殘  
紅片古逕陰高萬綠叢不用滄桑詢漢劫可堪潭  
柳憶桓公名銷謝墅裴莊後水石徒知屬梵宮

大兄來書擬五月回都門觸感四韻

三冬冰雪走邊車旋軫偏逢劇暑餘棲擇已嗟人

豎步吟

辛

異雁饑驅空歎食無魚塵顏隔歲還攜手淚眼何  
天重倚閭望斷關雲茫遠策傷心重讀寄來書

畜魚

春前畜活雙鳥雛樊籠束縛相啼呼羽毛豈不鑒  
矯好對之四體欲不舒眼前微物取所適濠上之  
樂乃觀魚百錢入市選金色鬚鬣畧具三寸餘紅  
桃昔傳海上名羣遊盆盎縹沾濡引移巨甕水三  
尺如出溝澮通江湖魚勞賴尾詎佳尚天生綺質  
銀鱗殊青萍綠藻具掩映明霞碎影沈菰蒲剖粒  
習知少驚餌鯖鱠不足充庖厨新泉一夜兼雨注

深潛淺泳無時無蜉蝣蠃泛水肉腐化紛紛蝨蟲爭  
其居得水氣生入水死萬物大塊等乘除遭逢何  
用翔溟渤魚乎魚乎聊自如

燕

未愁金彈逐自認舊巢營命侶春朝影銜泥日暮  
情梁間憐語巧花底故身輕試問將雛意寧須大  
厦成

都門贈燕

海國春風裏雙飛無限情吳宮花舊好越社雨初  
晴底逐空城雀矜脣上苑鶯銜泥竟何處塵墜舞

豎步吟

壬

衣輕

望大兄不至

書訂春風到有期望歸闕雁已多時虛懸客計紛  
紜想記作天涯約畧詞漂蕩影迷羌水渡炎蒸氣  
闊塞雲垂荒程舊識傷心地歷歷寧寬入夢思

熱

遊踪詣舊歷炎威貫北塞赤帝司有恒幽燕例可  
禦寒暑地各偏乘除理不倍過夏屢京華茲義堪  
信在火龍忽思逞義馭遂冒昧海氣騰煩蒸流毒  
徧大塊直欲褫葛絺何暇憎襌襪撫茲揚粵性難



為金石耐時年際長征憂患嬰世累淺水沸江淮  
烟峰橫泰岱十日縮短蓬兼旬附驢背焦風數千  
里噓納結肝肺至今病肌膚遺癢成痼癢念此意  
豁然端居復何愁屢聞道傍喝呼救驚闐闐豈不  
惜奔走饑驅無可避人間性命輕匪止哀若輩秋  
露有涼時炙手勢未艾輪扇交庭前水帛懸室內  
四體誠獨適心神率中潰元散服未終青蠅跡已  
穢方懷燎原憂安問昏火退緬彼林泉人時序等  
遷代冷然北窗風高卧無興廢

雨中夜坐

豎步吟

五

宿雨無猛勢虛室生夜涼明星闕昏火近此燈燭  
光炎燭值久困金石銷微茫枕簟延夕蒸倦骨徒  
徬徨安知畢月占兼借秋風長北窗有端坐亦足  
傲羲皇泉甘仰露甕凡潤沾鑪香蠅薨與蚊雷晦  
跡半寒僵霜蛾不知命鼓翼明繁傍靜觀物理微  
明昧異行藏桀驁識守雌昏冒鮮括囊山經詳紀  
載流覽窮潛翔淵明曠遠人高志眇八荒搏控等  
細事感歎成短章吟深雨轉劇答和聲浪浪

客圖黃山三十六峰徵詩題松林峰

馬鬣挺虬枝匡阜列翠障泰巖表秦封寥寥受虛

詎遜此偃蓋姿林立千仞上萬棟撐鴻濛鱗鬣難  
名狀豈無他木奇霜雪自凋喪陰影高雲流濤聲  
巨壑漲三十六峰青柯葉等無恙憶昔勝郡遊百  
里山在望輟駒路方促巢鶴志空尚過境結虛想  
撫圖增悵快精靈楮墨陳蒼根茯苓餉赤松不可  
期平生履幾兩

取雨水煎茶

雨入三更靜風生兩腋輕新餘瓢飲味正仰夜階  
聲山遠龍能汲天低雲共烹功成期潤物不列衆  
泉名

豎步吟

五

訪石東溪昆仲東村三首

幽懷尋宿約孤影入遙天樹暗村同色郊晴曉帶  
烟呼人遠園外問路積流邊信是東陵客名從野  
老傳

舊作春前住新從雨後來水通橋得路柳覆麥成  
堆近事還碁局高吟暢酒杯盤瓜非世味客至未  
空回

荆花君足樂榆社影常圓我有兄行役心傷地極  
邊相逢聊短話多病受長憐願託飄萍路常歌伐  
木篇

詠白蝴蝶花同高達五兄作

羅浮洞口雪參差，恍恍尋香入夢時。  
幾隊仙風吹不散，夜深飛上月明枝。

莫將柳絮鬪身輕，露濕風翔無限情。  
招得遊蜂為舊侶，粉光香影認前生。

飄飄翅影拂牆東，人在西園曉露中。  
薄粉輕烟誰撲得，幾回紈扇誤迎風。

韓憑塚上月如霜，周昉圖中景正芳。  
誰向枝頭重繪影，別將粉筆倩滕王。

雨窗小睡

豎步吟

香

分明聽徹夜階聲，攬鏡朝看太瘦生。  
依舊愁霖成兀坐，聊從小睡學忘情。  
窗風濕濺烏皮几，鑪火煎枯短腳鐺。  
天色似教同夢醒，乍看今日夕陽晴。

夜來香

含風綴月蕊擎枝，祇此幽蘭借色宜。  
釵影半橫人倦後，衣香又到晚涼時。  
隋宮小字新芳譜，庾嶺仙根舊夢思。  
一種清芬苞墜露，幾人夜氣託先知。

詩成

石邊雲影樹邊風，門外溪流門內通。  
几潤香濃無一事，詩成多在雨聲中。

晴意

十日雲陰曉漸移，微風初撼濕輪遲。  
乾坤喜動重開象，豐歉憂深未判時。  
鵲語可真占燥濕，蛙鳴不解辨官私。  
恩光但愜蓬門願，何用千間廣廈為。

示野人

風雨何妨蓬葦欺，瓦盆饘粥自相宜。  
城中多少連雲宅，不見牆欹屋漏時。

大雨復作

白日如故舊相逢，未終夕片雲從東來。  
天光迷咫尺，穢濕蒸虛空。  
因風易成墨，今勢移江河。  
猛氣交

豎步吟

香

戈戟蓄怒走蛟龍，返鬪拚益力常恐屋瓦傾。  
無地容蔽席，夜榻呼驚魂。  
窗燈救死色，風凜禁藥嚴。  
更柝亦告息，屋漏改故痕。  
沾濕不暇惜，向來十日陰。  
擬竭元冥澤，新晴宜永賴。  
往復理可測，天心多近違。  
人事空促扼，屢聞禾黍疇。  
漸徙鮫人宅，故人住東村。  
書來增憂蠱，為農識艱辛。  
遠近關休戚，屈指大火流。  
西成期更逼，造物知終仁。  
時序仰興革。

石東溪寄示雨後至東園詩次韻奉懷並

寄令弟承謨顯菴

偶乘健興即衝泥，行慣遙村路不迷。  
隴樹迴風吹



野水人家倒影浸前溪  
蔬亭外銜杯晚夢草池  
邊得句齊列屋新歡開別墅可因冥雨憶窮栖

附原作

雙輪未惜蹇層泥  
草隴烟茅晚更迷  
遙指前村疑隔岸  
驚看舊路忽成溪  
殘霞紅漾綃紋淺  
遠岫青排黛影齊  
慚愧休居無定著  
往來空自歎栖栖

雨中東問石承謨村居近事疊前韻

苔痕應積履痕泥  
正有連朝雨氣迷  
分圃界邊栽活樹  
當郊流處拓成溪  
松編翠幕垂檐濕  
蔓衍青

豎步吟

去

門擷蒂齊幽事即今多  
勝槩兼葭心溯水雲栖

題孫孝廉用果尊人農隱小像

名永慶其大父微君鍾元同產也

松石自古意溪流亦清響  
中有懷葛民披圖勞像

想禾雲夏峰高麥浪淇源廣

本傳云或耕淇源或耕夏峰垂五十年

犁鉏遂

百年此意真長往  
遐哉徵君初音共竹林  
賞學稼

以名居空山得閒壤

農隱隨徵君隱百泉山頗其居曰學稼

仁耕在去莠義

種勿助長菑播見根繩  
世德傳非爽鰲面傳以白

澤飾將誰罔貽訓  
有斯言襟期揭高朗  
清風去未

遙哲嗣譽無兩  
一觀元方歡逾增  
太邱仰

本傳云永慶而生子曰

用果既長問平生所為永慶曰汝為他日誌狀地耶汝視吾面鰲也而傳以白奈觀者笑何

過師范兄問病

亦知欲本少詎有病相攻  
染是長途後源傷急難  
中住時愁暑雨歸路待秋風  
真惜天涯聚空憐弱骨同

雨中憶同小眉二兄雞鳴山遇雨舊事誌感四韻兼以奉懷

雞鳴山有曠觀亭風雨經時際  
杳冥萬瓦平翻高浪白  
長江遠失數峰青  
少年志豈池中物多難身  
從水上萍咫尺城闌鄉國思  
愁心各向夜階聽

除微

豎步吟

去

掃除事更急塵埃篋笥齊  
承戶牖開犢鼻褌中斑  
黥癬蝸涎几上濕生苔已愁  
旭日三旬失尚隔秋風一夜來  
多少江南好天氣獨將細雨效黃梅

立秋日晴

久雨無須怨損禾  
晴光依舊滿山河  
六龍自絕浮雲蔽誰道秋風借力多

七夕雨

七夕閱佳期雙星自終古  
樓以兒女情默願牽絲  
縷便將絲縷度輕雲誰  
鮎泣寒雨銀漢應添  
淚作波橋成鳥鵲竟如何  
仙家日月非蹉跎津梁

秋失江河影祇覺人間別恨多

中秋無月

寒雲故故玉蟾邊階露添濃客未眠祇是尋常三五夜也愁孤負一宵圓

清光不揭夜仍賒叢桂香中燭影斜畧似淵明懷抱惡重陽無酒菊空花

雁字

漫評鵠時與鸞翩萬里凝雲一幅箋自寫秋心孤月下斜呈脫葉亂星前題時別恨懸青塞讀處寒聲滿碧天惆悵江湖人去後雙魚尺素影空傳

豎步吟

一

述本堂詩集

桐城方觀承問亭

叩舷吟

歲乙巳久雨為患燕齊間平地水千里陸行阻絕時將攜季弟南歸與海寧張定山甬東仇丹植仁和姚天如約買舟偕行舟大而尾漕艘日行三四十里不可耐至靜海遇任丈篁友乘小舟遽至云將追附安慶漕艘以歸時新檄漕艘歸衛甚急挽牽連晝夜客舟夜行懼標掠宿必投津市委蛇前後終不能越之而先任丈取疾去數日余乃決計附漕艘以行而安慶漕艘已在五百里外矣至毫鎮傭刀舟三日追及之丹植遵陸他往定山天如與余俱抵清江浦扼於關樓檣亘數十里泊十五日不能進浦人曰以千錢易小舟乘下流一日夜達揚州矣用其言果然留揚十日渡江而歸是行歷七十餘日凡五易舟求適而反勞求速而終不達行路之難有如此者裘敝金盡名紙一束生毛而詩則居然成帙矣定山天如各錄一本以去

買舟南歸



塵土三年客霜風十月舟行藏同瓠落去住任萍  
浮唱晚疑商女瞻雲遠戍樓歸心憑去雁獨抱塞  
天愁

留別石東溪

此生那忍更分襟獨鳥空知返舊林三載長安無  
善步一人知己慰初心尊前設醴甘如素雪後分  
璚暖至今歸思幾拋叢菊淚又緣驪唱泣琴音  
焚券高風不可希何緣惹謗珠璣相依尚恨分  
憂少遠別真慚始念非里社雞豚空舊迹秋天雕  
鶚易高飛漢廷書上承恩日報我休教尺素稀

卽艤吟

二

舟行卽事和姚天如韻

堤橫霜柳薄海溢岸沙寬水自朝東易風猶近北  
寒問村沽酒足舉網得魚歡緯脚斜陽下何妨上  
峽難

觸感

難餘遠涉奉庭闈陟岵心傷事已非璚幕有天空  
入夢布帆無恙欲安歸岸沙幾處河全改官柳千  
行葉盡飛十二年中來往路烏啼月落露霑衣

天津衛

揚帆下直沽緩浪輪東潞遲遲三日程蓄勢漸奔

驚詎有河漢傾懷襄成指顧蜿蜒岸沙高倏忽兩  
無據夕日蕩元陰長風撼高樹三夏積愁霖九河  
失故步雄螽圻遙疆滄桑閱行路舟人誌舊涉指  
點色悲沮此中千耦耕更列萬家住洪波瞬息移  
天心邈呼籲鯨沫餐禾雲蜃氣結晨霧棘澤墮哀  
鴻嗷嗷待朝暮幸陳郡國籌上厓

天子慮賑發活升斗百里爭趨赴繪圖不繪聲宛  
轉悲婦孺官柳延淒風堤草變冷露匍匐固所甘  
朝脛難遽渡啼號性命輕波臣冀一訴江湖亦巨  
陰吐納貞常度豈乏舟楫便不列津梁數近海昧

卽艤吟

王

朝宗狂濤空震怒遜此一葦航永致千艘賦託足  
羞魚龍羣遊眇鷗鷺川瀆職專司漆沮飭東注惟  
民止王畿疏淪豈容誤

析津道中

城依碣石近瀛寰問俗停橈閱往還穉子驚鹽知  
避吏舟人逐客為臨關魚龍水闊浮孤樹鴻雁風  
高歷萬山短草嚴霜無盡地生涯不獨旅緣慳

孤雲寺

泊傍孤雲寺空懸野鶴心不因行路倦那識閉門  
深海氣連朝霧秋風動遠林吾生隨泛梗信宿愧

秦陰

雨發天津

雲勢凌風遠潮聲帶雨寒烟濃侵曉密秋老怯衣  
單魚市人家近鯨波窟宅寬濕帆開更落新沂一  
程難

天津以南十三程皆上水

早發

暗流爭咫尺鼓櫂一何喧驚雁頻移岸啼雞又一  
村衾寒增水氣窗薄抹霜痕夢息囂塵外披衣日  
正暄

晚泊知何地朝行每破程浮家真幻事高枕遂長

《叩舷吟

四

征檣楫乘流與聞雞起舞情十年關塞路心折馬  
嘶聲

寄懷高本六兄

落葉辭本根寒聲裂馳驟鴻雁不成行霜風或邇  
近吾兄異里縣肩隨失孩幼宛轉十餘年燕塵居  
各儻握手心更傷禮見初難後相認鬚眉新知非  
顏色舊失墜既冥漠饑驅復顛仆幸不淪異物誰  
能免枯瘦骨月慎扶持芝蘭況同臭浮雲萬事輕  
墳篋迭昏晝奈何荆筑聲復與驪歌逗我行非雄  
飛兄留且塵囿回首平生歡月日不屢邁朔風吹

河舟遠夢空相就把誦康樂篇臨行珍懷袖欲和  
屢淒然指令霜舡扣

野宿

野宿警荒更舟人坐待明意中邊笥儉身外楚弓  
輕相鼠埋朝影哀鴻起暮聲江湖多偏側誰遣客  
長征

食蟹

左手持螯右手酒一生已足餘何有作郡何如作  
客閒水驛霜程隨所取芙蓉岸遠稻梁肥一帆千  
里客初歸鱸魚風味應同許恰是江南九月時

《叩舷吟

五

晚泊

一帆和雁落遙村渡口人家盡閉門獨有漁燈寒  
水上伴他纖月挂霜痕

懷石東溪

碧月青松共此心無時無地不披襟遊踪一卷詩  
相和情話三更酒易深何處雪風尋剡櫂昨宵魂  
夢過楓林小山思入柯亭路好護書牀舊綺琴

霧

天地有晝晦霜露戒寒始霧積塞八荒空聞蒸野  
水赤鳥翔層泉濕墜滅晨昏刻形仰櫓干風占徒



云爾舟師喧理楫授受迷尺咫予方蜩縮眠觸境  
怖四體滹沱昔問渡巨漲排崔嵬飛鳥愁過翻南  
北墜行李浹旬見津涯初得臨河浹喧闐拱泥淤  
輪蹄屯壁壘對語隔濤聲踣立攢臂指眼花眩莫  
窺原烟噓千里修蛇騰直上長鯨怒屢徙如遇蚩  
尤戰詎擬公超市毒勢逞愈壯陰氛噓未已奔流  
挾勞楫激蕩無完理馬足畏亦縮人面色欲死彼  
岸亘虛沙失足墜無底幾同穆滿軍蟲沙長已矣  
三日召魂魄輕生蹈深悔投策伊何人意氣終沮  
餒生人行役常跬步慎周砥即曰乘安流孤征竟

卬舷吟

六

何以長風從西來天光揭蒙否朝陽几席間且看  
輕帆啟

曉發白楊村

一帆初挂早霜天野鶴飛迴警夜眠寒水自明沙  
岸影輕風不散柁樓烟網河地遠蛟龍跡春稗人  
修草木年試問湍聲聞行路村翁笑撫雪盈顛

帆影

霧揭風牽映水濱檣鳥飛去掠斜曛平拖巫峽三  
更月冷浸瀟湘一幅雲漁港冒疑懸曉曝襄陽畫  
不軸波文何人日下歸無恙同寄江湖影莫分

如孟

歸舟詩長安日下影又落江湖中

卽景四絕句

泊處疎林帶暮烟舟移十里復當前依依帆影聯  
絕下曲曲河流抱岸圓  
籬落含風水浸烟斷沙村口雨餘天一行柳過寒  
鴉影暮色隨人上釣船

誰伴輕寒客晏眠水光村影各依然收罾月暗垂  
楊渡掠岸燈明賣酒船

靜夜風吹暗浪生荒城雖近缺聞更詩成不寐真  
閒事數聽鄰舟鼠鬪聲

卬舷吟

七

舟行滯甚因謀捨去感而有作

孤生眇大塊甘作萍踪浮南歸偶然遂襍被託行  
舟行舟何巍業洪波俯清秋綠鷁亘長翻檣鳥飛  
上頭未問利涉資轉益貧裝羞几榻寬可步卷帙  
散不收沽岸酒自吸臨風詩與酬勞塵藉少憇雲  
山供卧遊焉知風雨橫步步成阻修十朝既曠廢  
百里仍遲留巨摧侵品宮無乃河伯尤鄉心寄泱  
泱兀坐類楚囚列屋岸沙崇屹對忘中流環窗擬  
敝宅居柁稱高樓吾生合甕牖詎可雕牆求漁人  
踏孤艇日暮隨輕鷗舉手招我笑剡木制有由竭

來四體適常懷中道憂三歎捨之去變計匪迂謀

### 換船口號

小艇真宜泛宅情畧同傳舍歷長征移來卷帙三分載亂入漁舟一箇輕不任帆檣風去住易隨堤岸水縱橫纔知巨楫江湖上虛受人間利涉名

任篁友四丈同諸中表南歸舟次前後相望泊岸過從頗慰行路奉投四韻

先後舟聯次第程真從意外遂親情尊開暮酒堪留榻蓬起朝烟儼望衡旅夢預尋江土水詩吟各和權邊聲也知萍跡終分去風雨何妨滯客行

### 叩舷吟

#### 夜緯

挽牽常向夜邪許各成腔挾枕風移岸揚帆月去窗問程遲柳間歸夢趣楓江一櫂吳譚裏鄉心未易降

過柳林間乃由下水

### 四女寺

地屬恩縣有宋氏五女家長若華次若昭若倫若憲若荀唐貞元中人祀焉若憲故名四女寺始末詳唐書五女因父母無子相誓不嫁衣冠如男子以承父母歡寺中境像固之然碑記所載與唐書不皆合

村南列高冢村北崇古寺微名標巾幗千秋誌勝地貝水媚含珠寶萃靈輿氣生為家國祥死致鄉閭祭土人艷稱說引据各訛異約畧史傳文碑字參憶記顯名唐尚宮隨肩宋姊姊才德表大臣典

籍司中秘五朝嗣清華六宮盡師事邈厥從父年力學家聲繼縈女恨非男同心誓不字匪惟娉婷惜直代萊衣戲玉尺量九天神授良有自遭逢事亦偶顯揚志無愧至今俎豆馨豈論文章貴同懷黜其一若憲以罪廢形模圖景仰歷劫無隕墜巾服雖不倫孝養明初志子道體人情正未須深議彤管揚清芬禮昭風末世慈烏集廟門相感亦善類客至非遊觀感深增歎喟

### 月

水得清光迴帆連夜影多望村迴白草頽岸瀉金

### 叩舷吟

九

波江遠烏南渡關長雁北過嚴寒方萬里孤照意如何時家兄方赴卜魁

### 夜風憶家兄塞上

昨夜寒風起知從極北來鰥魚原少寐霜雁亦空迴漠影冰初合笳聲曉更哀傷心憶行役不為泣塵埃

### 夜泊遣懷

修帆帶林薄影與孤雲流雲行得遠岫帆落空沙洲寒陰動日暮短草霜色浮獨繫有虛艇羣飛沒輕鷗茲夜正深永前路何阻修舟人卧偃仰風波



早起

挂劍臺

挂劍臺 張秋鎮有徐君墓墓旁短碣吳季札挂劍徐君樹入字樹不存矣元都水監滿慈撰記云相傳家有景德

夢武伯南

叩舷吟

行寄異縣我行方孤舟天寒萬里夢一息通綢  
繆相視顏色瘦各有平生憂歌泣不自持惆恍瞠  
雙眸衣霜拂短草履跡渺寬流魂魄非壯健風波  
誰侶儔書來未及答京邑事遠遊良覲詎可即勞  
緒失所投寸心蓄耿迢迢遞空三秋起視鴻雁翔  
誰能更挽留

晚舟獨立

白板扉連草色青  
泥岸繞波痕人影斜  
陽待渡雲光獨鳥歸村

東阿道中

上閨十韻

積石關橫木長流截利刀龍門千尺下鼇背一層  
高遠勢迎迴湫牽呼急巨艘駢肩聯鼉衆手捷  
猿猱纜挺專車骨篙撐礫蛸毛移山遲日馭過岸  
得秋毫土色驚行客金聲雜怒濤烏江力詎拔赤  
壁戰何鏖東峽防藩觸危樯凜棟撓青天看鳥過  
頰尾信魚勞

叩舷吟

壁戰何鏖束峽防藩觸危檣凜棟撓青天看鳥過  
頰尾信魚勞

下閩十韻

船下閘必纜後倒挽之以留其勢

石撼崖聲坼秋鍵水勢滔蛟鯨方蓄怒燕雀盡飛  
高巨揖愁終渡奔流挾所遭舡虛惟受寸柁側不  
容毛挽後重添笮持前審用篙猿趨升欲墮鷁羽  
退須操猛氣盤橫鶻長身掣巨鰲驚心趨電歟回  
首失風餐詎策乘流興何妨上峽勞誰能持介石  
長此凜深濤

南旺

水分南北流趨南較勝其下有七十二泉又名午旺泉

地橫劍脊水乘梭千里歸心託大波七十二泉迎  
送路分流真喜向南多

蜀山湖

夜風百里催帆席汶水湯湯送行客蜀山湖邊曙  
色長樹遶參差漾寒碧朝烟不散雲千縷遙憐梁  
阜青何許由來遠水淡天光恰有輕陰送微雨空  
明何處著纖埃萬點波文曉鏡開湖邊白鷺飄霜  
去湖上青泥載藕來衡廬列映行舟斷終古河流  
不相亂導濁分清咫尺間割取河身峙堤岸湖水  
焉知河水勞年年疏鑿送征舫試看蓑笠涵脩影

卬艖吟

三

祇載漁舟綠半篙

守閘遇雨

一片湖陰合空濛起遠波寒先噓霧濕晚更挾風  
多水下初程易帆健一閘過浮踪審遭際逐處且  
蹉跎

感懷

山遠烏啼夜霜淒雁在林思親瞻極塞對弟語傷  
心身漸卑行役愁能隘古今無家問前路有淚入  
秋砧

南陽湖

湖水不到山山根列茅屋舉網得湖魚炊烟爨山  
木

日影波平地霞光樹接天半山來曉汲一鳥破疎  
烟

半帆

一灣岸轉近西偏短草斜陽盡接連似縠波文誰  
畫得半帆風挂往來船

微山湖

樹影分臨水人家盡背山對村操艇過負米趁墟  
還

卬艖吟

三

白鷺遠為羣白屋近可數但有網如林不見耕成  
土

有憶

江海何天有定程乾坤此日是孤生幾人高義容  
張儉自古窮途哭步兵骨月心傷朝雨散風波夢  
落夜弦驚五年最憶悲棲地同聽西風塞馬聲

皂河阻淺

有土不能耕波濤蕩平地有河不受涉舟楫遜淺  
揭蛟鯢厭故宅哀鴻泣隹類并作行路艱舟車兩  
失計我行歷燕齊逆浪愁所致坤軸迷津涯隄防



莽決棄流謙信恒理趨盛東南勢鼓柁朔氣乘迎  
賸義馭駛何言漲虛沙盡失攸徃利千櫓列築堵  
匏繫亦居次劃如膈臆疾方食扼其氣程近期轉  
關歸心挫秉銳人生足力完胡為頑鈍寄行且懾  
危端坐自成疣贅銀漢橫中宵貫月何津逮不逢  
成都卜憂端彌進退

張定山明府舟中即席成詠次韻二首

蘆花拂子

蓬窗雅製荻新材塵尾休將玉柄猜蘸水束成絲  
縷縷臨風拂落月皚皚攜從秋老無蠅至談到更

印船吟

十四

深有雁來恰稱輕舟隨釣叟素衣相對少塵埃

琉璃瓶內金魚

井汲胭脂色貯鮮移來丙穴認壺天珊瑚影泛層

冰出緋玉光分一袋懸繒藻祇疑看壁然犀不

用美臨淵丹砂餌就仙源近楓葉桃花映葛泉

桃花魚名

清江浦感舊

蘇河陳滄洲先生

緊昔遡淮水倚櫂長河濱奔流走渴日道遠愁窮  
鱗高賢景在望節鉞崇聲名欽慕自髫幼舊守頌  
神明迢遙借致年喜識龍門新父執拜牀下當此

倒屣迎坐我寬衣裳拂拭忘煩蒸敢弛達尊敬如  
遇家人親藹容對竟口念慮若為伸同心隔憂患  
涕泗說先人交情一生死高義薄秋旻公詩貴拱  
壁書法重黃金衆中數稱許厚意借獎成葛衣引  
後乘奉炙先牛心感深默就道公亦事遐征旌麾  
指滎洛叱馭衝炎塵精禱必露宿檄罪潛蛟鯨南  
維永真麗作楫佇楓宸用賢聖作辟上瑞非河清  
龍蛇遽遭厄遺憾悲蒼生素靈返湘水天柱摧南  
衡瀨氣塞宇宙偉抱光星辰甘棠雪不凋官道撫  
遺陰金隄延治蹟猶得窺經綸眇茲絮酒願欲薦

印船吟

主

無青蘋高深積餘思涕下竟誰陳

換小船到揚州東面疇二兄

舟乘一葉路兼程掠岸瓜帆飽夜聲百里寒濤初  
醒夢二分明月倍多情耳煩歌吹遊應倦眼見江  
船去更輕雪堰梅花香可載不妨倚櫂待詩成

輯錄近詩寄石東溪並題長句

憶學詩年年十五韻脚初矜字句數漸長稍從累  
牘看自怪臨文語易苦既經多難網羅入遂使窮  
棲闕塞阻地匝秋笳吹夜霜天迴春雁飄寒雨沙  
黃葦白絕人烟長歌當哭何端緒竄同蘇過侍重

關酷罰何天失瞻姑淚盡三年風木聲羣鳥為我  
帝霜樹宛轉凶罹鼎沸餘如絲氣換長虹吐髀消  
居决十三年至竟風塵無住所書空咄咄古何人  
夢穴悠悠悲獨語泚蹄肯為訴枯魚捫舌還憂坐  
城府夜郎痛飲落長庚蜀國殘春拜杜宇心血平  
生古錦囊飄零自織愁千縷曾隨燕筑住邊塵亦  
聆楚些過湘渚此日南天獨鳥飛遙憐江上聞雞  
舞霜柳千行兩岸風短褐無溫破帆補回首山雲  
有戍樓忽教泛梗依鳴榔筆陣長驅檣馬間黃移  
淮海青齊魯偶然點綴入雲烟或聽波鳴成激楚  
已拚半世困遭逢何妨千首供羈旅攄寫惟知性  
情真驚人有意吾無取石子論交憂患年不為雞  
壇得稱許謂我南征合有詩要識孤懷身所處寸  
心得失寧具論一人知己堪千古

中舷吟

其

述本堂詩集

桐城方觀承宜田

宜田彙稿

人情莫不思得歸故鄉余五年之間再返金陵  
而遊處之情曾不若處非其鄉者之行止為適  
也此其故何與蓋處非其鄉則自視客也而客  
之心易遣既以為鄉矣而無殊夫客試思生我  
長我之地何以轉而客我則思親思昆弟思宗  
族觸感為悲而俯仰之間常不能以相忘然則  
亦何為久居而不去乎吾嘗登高而望矣山川  
土風之美顧而樂之高深濤峙若與吾之精氣  
相流通覺平生遊歷之地舉不足以移吾情因  
知人生之所以重故鄉者又在此也陸塘有田  
百畝曾王母吳太宜人始遷金陵所置也以  
患難棄去王父母嘗訓承兄弟曰汝輩能服  
先疇乎當以贖此田為先承兄弟謹而識之幸  
所願之得聚室而居扶犁荷插為一鄉農因天  
時則地利老死無出鄉足矣古祝辭有曰宜稼  
于田農所企也亦客所志也因自號曰宜田即  
以題識午未申金陵之詩



丙午元旦

駒光塵影十三年第一春朝故國天寒傍鍾山埋  
舊雪貧無屋瓦列新烟依人骨月成團聚愧我屠  
麻雜後先轉憶尋常羈旅慣關河風俗任茫然

偶述

匹夫踐舜禹童蒙臻睿聖將相與神仙未暇悉論  
評人生百年中成就稱至盛古今四千載史事書  
莫罄雙輪互推磨一室殊夢醒泡影唱新言幡然  
移世聽意亦相引維聊以儆貪佞胡為頽放流如  
朽弗思勁敢譏周孔勞而同蟣蝨性問死未知生

宜田彙稿

上

若促蜉蝣命歲事成三時農簡器與政辰閏數屢  
積一葉氣先應志士奮厥功感發征邁詠儻謂來  
日多悠忽尤深病顯藏願各赴造物無專柄期順  
天所寬寸陰聖所競

姚六雨岫移寓三山門外佛寺雪後過訪

有作

朔風吹雪積寒陰鴻爪遙蹤野鶴心一徑江城移  
榻去連朝蕭寺閉門深醉填註脚添騷怨雨岫方釋  
離騷音義

冷送年華入梵音乘興秦淮同剡曲直將孤櫂到  
雙林

上元五首

余自癸巳北上閱十三年始於春時住  
白門上元之夕宿雨轉甚一燈兀坐迴  
憶此十數年一再出關客京師還遊荆  
湘間當茲夕之所歷歲易其地黯然不  
能無感因各誌一詩得家字韻

年年見月苦思家第一圓時惜歲華雨散歌聲填  
里巷風摧樹影耀雲霞香霏梅障春宜酒冷對書  
燈艷有花欲向傳柑尋舊俗踏泥門外即天涯  
山能築綠火能花帝里風光一倍加馬過衣香千

宜田彙稿

三

隊色龍銜燭影五侯家共聽北里歌方艷獨閉中  
庭月不諱兩載題詩悲去境直將冷詠答繇華甲辰  
乙巳客都門

留都風景逼京華金鎖天開節候嘉北塔燒燈明  
寶髻

東陵積雪燦銀花思歸江國春無路誤認鄜州月  
是家却憶山雲鄰遠塞易隨清影望寒沙癸卯寄室  
奉天

憶將斷梗託浮槎無復春回誌歲華宿傍漁燈村  
影寂聽殘篷雨夜聲譁鴻飛覓食頻年路鹽卜隨  
緣此日家一樣愁霖驚節候楚天魂夢恨猶賒壬寅

自澧州至荆門沙河舟中值風雨連日

五年春酒侍邊沙萬里空增物候差野戍燈連明  
短草童歌風遠答鳴笳關河已任分明晦風雨誰  
能問室家白髮良宵心最苦莫移冷月照天涯自丙

申至辛丑留塞上九五歷上元

### 觸感

住城無一椽負郭無半畝憑高望黯然而吾土何足  
有年年空憶歸問心復羞口惟有邱壠存他年庶  
可守

### 卧臺薦暖甚

宜 景稿

四

已從蒿滿徑真藉草為茵布擁公孫被門無陶氏  
賓長安三日雪關塞十年塵夢抱孱筋骨飄蓬愧  
卧薪

### 感憶舊物四首

青田石印

程穆倩鐫文曰知足知止常足庚寅歲先  
君子賜承寶之壬寅赴京師驛背震撼遂致  
毀折悔恨寧有極耶

青田三寸石碧水敲凝凍鐫磨出好手般倕兼籀  
誦趨庭拜賜餘寶之不敢弄知足知止文訓勉意  
所用驢背走燕塵踈防誠惜惜本求守勿違毀積  
為心動圖書燼劫火豈惟一物重手澤十年珍觸

### 視增深痛

金經字冊

先宮詹公手錄百本承得第二十七本命氏  
裝潢成帙匠復轉屬他手遺首三幅末之不

得遂成恨事

名書通今古載多釋氏文豈真福利見前哲緣紛  
紛溺佛徇世好愚智均所珍轉以瞿曇法為護鍾  
王真宮端遺手澤八法追先民臨池晚彌篤一字  
懸千緡金經楷百部用意良有因歲月考近遠散  
守徧交親小子寶其一琢玉求玉人焉知鹵莽報  
轉將殘佚陳山僧同有藏焚夾完如新昨年憶展  
對慙汗沾衣巾京師西山僧慧本藏有第六十二本

宜田景稿

五

茄楠扇墜

辛丑歲 於巴齊塞上

南海徑寸香希購同尺璧木德蘊奇馨幽人器朝  
夕樸寓道味存柔與女手適斷瓢晰膚理蒸梨滋  
潤液不綴靈芳園不近參軍席懷袖承薰風蒲葵  
芬一葉惟將鉛養華焉知塵注劫塞草失追尋三  
年迷麋跡杳如芳珮春永墮青冢月沈埋豈所甘  
遭逢恐亦厄沒勃雜弓刀蘭桂從誰惜

古鏡

鏡體甚薄以多土革命 新之拙手劇治中裂獨邪  
厚處周遭無缺重輪內外一如環形人謂非破鏡不  
祥之比故至今存之時寓遼陽蓋康熙甲午歲也

秋銅出古冢元光暈碧血墓蝕逾千年土花半磨



滅黃塵攜萬里雲暗關山月慵窺皂帽霜不拭璫  
裘雪願從鏡桂看一使清光揭吳剛不用命突鑿  
蟾蜍窟鳳翅翮翻飛菱花惜摧折幻茲壁影圓復  
現重輪出破鏡化為環應非不祥物君恩盼餘暉  
或照烏頭白

三妹畫牡丹並題以詩依韻和之即索圖

墨菊一紙

別有秋風冷淡花須將繪事洗鉛華畧如提甕椎  
鬟意服飾非宜處士家

附原作

宜田彙稿

六

菊瘦蘭貧植謝家愧無春色繪年華剩來奩底  
臙脂水學畫人間富貴花

城南口號六首

寒陰日日傍春城但有微雲不算晴却禁尋春人  
不住鏗鏗履齒踏歌聲

江上山連郭外山層層圖畫水雲間塵泥跡共風  
帆影祇有儂來一个閒

城南第一數梅花茶社三又復五又預識開遲遊

客返不論花事祇評茶梅有三輪三色者名三又梅五輪五色者名五又梅最為奇詭

偶凭紺塔俯青蕪城郭江山攬畫圖不是高層停

倦足恐侵雲霧轉模糊塔至五級常鏤閉不得上

雨花臺畔草初青幅幅山開面面屏行倦即教隨  
地坐笑他騎馬上高亭

山根鑿處水涓涓消盡人間好事錢不是尋常看  
花日也邀客試永寧泉泉在雨花臺下

燈下蘭影

美人蕙帳嬌春目晚露溥光傍銀燭墨池不倩趙  
王孫自寫生綃真一幅洛女朝寒洛水濱湘娥暮  
倚湘江曲瘦態相憐或共時陶家形影籬根綠轉  
憶無人空谷中月下參差媚幽獨香生靜夜忽不

宜田彙稿

七

聞庭樹回風燈掩幄叶靈均作佩採仍疑黯淡魂  
歸宛相屬

贈中洲禪師二首

禪師本京口舊閱避難披緇住錫黃山

三十年著黃山賦纂集古成句凡八千

七十三言非讀破萬卷書不能辦也

老任耽吟破俗禪愛山本結住山緣半生痼癖同

支遁末路浮名笑閬仙憑眺猶傷江國舊師有金山感懷四律

傳誦交遊每占坵壇先欲知身世經桑海靈運支傳

是皎然

清涼古寺最高層  
瓶鉢何來問廢興  
剩使長江供浴佛  
猶延劫火到燒燈  
林灰梵葉重生蒂  
山挂詩瓢便卓藤  
恰喜手扶龍象了  
獻花巖畔許同登

金陵息清涼寺適寺火遂肩重修之任

### 清涼山桃花十二首

水山高下石城根  
莫認山村與水村  
祇為花開迷去路  
遊人指作小桃源

天與山河作繡妝  
兩家後主釀春芳  
傾將一井臘脂水和就  
六朝金粉香

臘脂井相傳在清涼山東阜今靈應觀前

瑤池花發集仙班  
應是天孫帶醉還  
欲把神工誇

### 宜田彙稿

阿母直將雲錦裏  
春山

兩山紅隔一溪迴  
曉露絲葩相對開  
可是春風知關富  
王家栽與石家栽

城上花穠十萬枝  
野雲如火不勝吹  
好凭堞影江光裏  
看到餘霞散綺時

驂虬駕鶴影班班  
千樹桃花曉露山  
何處春光塵夢裏  
滿城日出未開關

桃源路襯野香深  
菜正花時罨畫陰  
應怕錦林汙寸土  
直教滿地布黃金

脂肉芙蓉一色凝  
仙家猶自思難勝  
靈源悟道關

何事來問清涼古寺僧

進香河北倒鐘場  
千樹花傳府後岡  
幾輩遊人依水去  
一時籃輿過山忙

酒照紅邊路盡迷  
草當青處坐全低  
攜來曉幄蜂香隊  
歸去斜陽驟耳梯

霧轉烟低夜逕開  
絳雲堆裏影樓臺  
衣香人面歸何處  
獨共山僧月下來

落紅片片載香魂  
流入秦淮新漲痕  
從此漁郎重問渡  
惟歌桃葉與桃根

石東溪別墅在都城東十餘里高阜長楊

### 宜田彙稿

九

引連官道予之南歸  
餞別於此訂後晤之期  
余指席前所見曰  
此花復芳當共酌此

地也時日易遷關河  
猶阻東溪即其地構  
小亭顏曰問芳書來  
道意兼示問芳亭詩

十章奉答四韻用致  
黯憶

柳外一亭立村邊  
古道橫地憐經歲別  
書悉故人情草木知  
新候關河阻舊程  
把詩增涕淚敢忘問

芳名

### 題香海居荷花

初日照芙蓉山圍一鏡中  
碧邊微有浪香外更無



風分檻皆成畫連隄各映紅青溪潮近遠挂機若  
為通

姑母澗濱閣作五日詩用前人也將白水  
蘸菖蒲句命同賦姑母成五首其一聯云  
友遺角黍如分困自寫殘詩可當符為之

### 閣筆

也將白水蘸菖蒲作客年年並此無續命絲牽遊  
子恨歌騷身共逐臣孤歸來江國猶萍梗望去秦  
淮空畫圖尊酒盤魚供易醉看人貧薄亦歡娛

### 詠風蘭

懸當風處絕無水土之生而花葉繁艷不殊亦異種也

### 宜田彙稿

十

疑是當門種被鋤芳魂吹度舊根株杜蘭香墜凌  
空艷少女風懸含笑圖藝去湘江嫌土淺倚來謝  
樹倩人扶落花飛絮還惆悵肯信飄蓬影竟枯

### 過千里叔不值

問童忘去地避暑及朝空路覺單回遠心商早出  
同幾家南北巷終歲馬牛風不遇情偏洽題詩送  
小筒

過千里叔因邀同朱景山秦淮泛舟即

### 事十絕句

涼風不到讀書窗何處堪令飲興降試踏青溪橋

畔路十分水浸玳榴椿

阮曲南頭隔巷鄰良遊不易此嘉賓相邀一笑披  
衣出也是今朝無事人

近水軒窗一面開市樓於此少塵埃遊情飯罷從  
容甚招手橋邊艇子來

樓檻寬圍水近東棊枰聲落茗香中停橈恰受風  
來處繫得垂楊綠一篷

帘影招招認客舟張家澆店映淮樓碧闌干外壺  
觴過更為遊人惜令籌張家澆店見食譜

水上琵琶月下簫順郎賀老艷相邀回舟試逐歌

### 宜田彙稿

十一

聲去緩浪輕風過定橋

花函釵影鳥飛銜竹寫波陰柳欲兼隨處聞歌堪  
侑酒傍誰平檻莫窺簾

柳外城低竹外亭溪迴鍾阜列高屏不知王氣何  
形似但愛船頭一片青

輕陰樓上綠蒲觴斜照橋邊茉莉筐滿眼佳遊商  
後約算遲幾日是端陽

燈隱簾衣兩岸樓獨眠歸櫂水西頭也因我醉諸  
君去不是山陰興盡舟

### 雨時赴安慶舟中

雨入江楓冷况當風正秋葛輕休傍夜蓬短且遮  
頭潮勢乘方急蘆聲攪未休客程五百里第一日  
淹留

舟中蛩語

在野何因忽在舟誤從牀下託綢繆應憐遠道孤  
吟客與話寒江入夜秋蘆荻聲中燈影亂蓬梳隙  
底月光浮須知覓徧藏身地祇有幽風不詠愁

峽中歌

蘆荻洲江中流遙遙一綠不知處分江作峽安行  
舟巴江峽束瞿塘怒終古行人不敢渡何似銅陵

宜田彙稿

七

舊縣間蘆葦高橫岸作山岸波不衝鼉鼉何攻天  
風不怪奔豚何拜有時白浪排雲飛上天乃是蘆  
荻之花秋風明月相盤旋江上波濤惡江中估客  
樂大舟如山行自若蓬影眠波欲蔽江長嘯呼風  
轉蓬脚隔洲相望攀難附乘風破浪誰為助欲有  
其樂求其具

舟夜

弦月升仍落湍風坐未眠楓林偵鬼火膏粟斷江  
船地讓烏棲樹空凌鶴唳烟無因訴飄泊付與夢  
魂憐

生朝 皖江舟中

此日又乘舟吾生命合浮孤兒原忍淚故國但牽  
愁用壯商著策全形託水漚高吟江月白對影傲  
千秋

皖城中秋四首

時高社氏之青漢樓少廷尉衛阜先生  
別號作樂

憶對初弦後都為冷雨時今宵逢忽霽令節更成  
奇一鏡光猶濕千江影漸移高樓孤迴地無感亦  
生悲

有月人皆照無家我未歸每憐歡笑共自覺性情  
非鳥避江湖影烏覘庭樹暉不應歌舞地也作遶

宜田彙稿

七

梁飛

階下月方滿堂前客未稀繁聲歌桂樹紛影舞裳  
衣酒罷聞蛩語更闌見雁飛向來廣坐上斟酌向  
隅非

燕市昨年月并州作故鄉鶴歸遼有語雁入塞成  
行乙巳秋家兄舍弟  
自塞外歸晤京師忽照南天水全疑北地霜扁舟繫

遊子流落近江湘

拜余忠宣公墓

墓在皖城西門外里許傍有忠宣池夫  
人蔣妾耶律妾耶律子德臣女安安甥

福童同時盡命士卒從死者千人有馬卒某塚猶存祠前大觀  
亭前臨大江後拱二龍山蓋郡勝地

六載孤城控上游睢陽壯節共千秋池留一勺清



無底江為三更咽不流死士冢邊悲鳥集大觀亭  
外戰雲收試看兒女埋忠處末路真令危素羞

大龍山中初見桂花

鼻觀香銷十四年年虛對桂輪圓皖東山裏淮  
南樹記得相逢樵逕邊

庭前秋海棠手植甚盛行役來歸霜露已  
盡詩以惜之

含嬌憐幾日寂寞傍牆陰蛩語經秋恨花開思婦  
心捲簾人已去墜露夜初沈不分東籬菊尋常色  
易深

宜田彙稿

古

泊采石夢與石東溪遊詠竟夜

孤舟獨坐憂難已偶爾詩成亦心喜高吟月夜復  
風天遊魚出聽奔潮止徻狂忽憶同心人萬疊燕  
雲山對峙三秋吹過鯉魚風洛下書生近何似夢  
中怪爾遽能來憑誰指與寒江水君有盤山集再  
遊我添澤國吟千紙相逢不欸互高歌狂奴故態  
常如此語君此是采石磯太白仙人元未死高踪  
更有謝元暉住近青山松柏裏醉態猶傳宮錦袍  
遊情莫問陵陽里仙靈許我叩巖扃惆悵白猿呼  
不起恍回權下海門東烟樹參差石城是吾廬舊

即傍青溪幾度歡遊待吾子曉風殘月影蒼茫淡  
粉輕烟春旖旎請聽一曲望江南江南好景歌方  
始忽換甘州第一聲白鶴橫江舟掉尾自捉衣襟  
注目呼勞勞亭畔君歸矣

寄內

遊不成歸漫五年關心北塞與南天離情雅足紛  
難託不得分飛到爾邊

舟夜

寒潮有暗聲初月少遺影一行蘆荻秋能助江風  
緊

宜田彙稿

圭

作寄東溪書

欲折梅花寄一枝江南江北曉風吹書成那得詩  
重寫驛使匆匆正去時

初雪懷東溪

雪作輕花晚更吹茶香燈影傍書帷依稀君去盤  
山路楓葉題詩寄我時

病

論瘦纔因病何妨瘦有名對人增侘傺問鏡不分  
明故國身如寄天涯夢屢驚轉從憂極處未敢薄  
浮生

關不通南信江能阻北程瞻雲天萬里坐霧日重  
城豈獨悲生事都難語世情途窮翻憶昔涕淚一  
身輕

病中得東溪書

京洛交遊地惟君數寄書相憐俱故國苦憶少安  
居身試驚弦後家承墮甌餘尚聞寬吏議慰我病  
新除

自題專席吟

余在北為歸在南為寄蓋嘗以此自悲丙午  
十月間先王母之變窮途慘沮不知所出

宜田彙稿

六

皖采之行將有所告也而終不能為余計蘇  
子瞻云苟無其財雖聖賢不能自致於跬步  
况數千里關塞之遠哉一身狂走無可訴語  
一寓悲於詩記云有喪者專席而坐因彙丙  
午十月至丁未冬所得詩為專席吟

大功且廢讀汝服齊衰期時見汝涕泣何復為詩  
辭長者責誠是違禮心自知聊云歌當哭哭未如  
歌悲生久非所願死又非所宜百憂包一身一身  
無家歸或疾痛展轉或風雨淒其一讀陳情表再  
讀蓼莪詩燈昏少人語窗外聞烏啼啼聲宛音節

含悲詩和之詩成涕被面鵲血積高枝命曰專席  
吟此情將訴誰

冬至前夜雨書悲

天地都歸冷雨中難從剝復問時窮滴殘枕上三  
更血吹入檐前一夜風雁正飛時濡短帛烏當啼  
處濕寒叢夢中踏作邊關雪驚醒牀頭火不紅

寄三弟采石

歸已無家聚本難髫年離思劇辛酸江迴百里風  
濤闊夢醒今宵枕被寒長姊如依兄教訓慈親  
代報爾平安傷心莫望邊天雁刷羽眠沙影盡單

宜田彙稿

七

過中公和尚閒話

古寺陰崖閉雪寒梵王高座亦眉攢須知世上逃  
名易祇有城中乞食難道在不離孤笠破詩成常  
挂一瓢團空山笑殺尋山客曾效馮驩缺再彈

雨夜

忍淚不曾流偏禁暮雨愁瓦寒聲帶雪木落意兼  
秋對此燈昏眼能令人白頭窗風知卧去獵獵更  
無休

驚醒

猛然驚醒淚漣如不合中原我久居萬里寒沙虛



斧鬣一天衰草倚門閭風傳江上雞聲冷秋過遼  
東雁陣踈踏盡勞勞亭畔路乘流無計泣枯魚

棠薦歌

稻束編成者為薦鄉村即地陳棄厚天餘以寢謂之軟鋪

打稻場邊霜落早家家門外堆黃棠飯牛歌罷牛  
不饑蓋屋編簾事皆了更須軟榻選長條幾回婦  
抱同兒掃重茵不異習織柔暖德居然載枯槁蓬  
蓬笑指竈烟紅洗脚登牀飯初飽城中充作馬刀  
餘豈知夢託華胥好誰家卧起不朝餐樹仰空庭  
葉落少古有長安卧雪人牛衣對泣聲常悄抄將  
玉粒藉黃絲俗稱薦為黃絲褥眠餐合讓田家老自憐十載

宜田彙稿

大

無溫骨鋪茅遂換邊裘禿問身本是蓬蒿人寢憂  
今稱齊衰服君不見陶家剡薦為留賓賢母千秋  
憶苦辛越王錦繡千夫國還向深宮矢卧薪

雨夜作寄三妹書

風雨中宵獨爾思依稀燈影對窗時一年本是愁  
中聚百里初生別後悲客舍有衣皆作質貧家無  
米強為炊題書欲寄憐空寄那得詩成不淚垂

送別表弟高繼允省親長葛

辭家何地復趨庭子舍還從客舍停千里征途能  
獨去百年離恨是初經長河水畫龍鱗白少室山

飛驢背青入洛機雲收作賦不關書劍歎飄零

客枕

客枕愁無寐因寒且任眠留燈照霜戶警柝入風  
天憂大從誰理心孱強自憐隔窗聞熟睡七十是  
衰年

讀龔山集題十四韻

龔山高祖行詩法追香山詞惟任淡樸意本出咀  
研槩括盡纖毫緒理常安閒栗里並夔州叅觀得  
其詮繪四壬子圖名流艷爭攀滄桑歷世變飄蕩  
凋朱顏遺民見悲詠鸚武非句妍自訂四遊草諒

宜田彙稿

九

節光山川嶽崎三十載身賤名益傳明農晚易號  
意與明園宣處士詩藥廬標藝行密之文忠公同志老益堅  
文章根至性歷歷吾宗賢傷哉際劫火客死終狂  
顛無兒當不恨異代尊斯編

炭鑿行

炭長三尺稱將軍鵠鴿色選胡桃文載向朱門取  
高直朱門暖室生香雲其次衡斤復不賤北風一  
月江船斷朝鍵雪戶暮冰階雪裏寒灰有誰念多  
勞炭賈妙新術賣炭朝朝餘炭屑炊蘆灰和水為  
泥截竹形成模用鐵築炭聲如築堵聲累累如堵

以基名分明射利土苴盡轉稱窮檐得暖情有客  
初歸自幽冀畏寒復少禦寒計一錢入市一九來  
竈火胎紅光欸麗揚州編筏號雞籠卵翼恒溫的  
正中一輪袖納東方日每恨吹灰日易矇自憐冷  
骨無由換土堙多年伸縮便薄窗短几坐來僵斂  
身就熱烘烘無焰何須怨灰死尚有堅冰填腹  
裏手烘墨審凍難開眼冷烏銀流出水

再赴安慶

風雨迷前度江流出舊痕舟牽須有際蓬轉忽無  
根導雁尋湘岸歌魚去孟門再彈人欲賤斂鉞問

馮煖

壯望

有雲但隨向北鳥有風但吹向北枝鳥飛樹動有  
時息雲香風迴無定期客身如鳥心如樹雲出不  
歸風不住北風一夜向南來鳥飛覓食江湘路剩  
有孤雲化雪飛回頭千里心傷悲

至采石

弟妹依依話夜闌圍鑪小聚亦為歡誰知即是傷  
心處慈母燈前影正單

搭船謠船為桐槽子

不蓬不樓何以為舟有客乘之將遠遊五尺艙四  
面木減頂凶蓋棺感其義何居名鎖腹坐如甕復  
如井帖耳江聲憂伏枕一寸之下即黃泉舉手之  
高無青天但見船來須換船吹簫擊鼓樓船高堵  
豈無虛閒終不借汝

舟中小年

楚俗以臘月二十四日為小年祠祀諸神如  
除夕江南惟吾皖行之

行人割豕復烹鮮臘祀村村豔小年戶肅先靈來  
水際舟邀估客醉燈前依依舊俗眼真見落落吾  
生心自憐倚待朔風人睡熟衰衣一慟大江邊

舟謠二首

江行阻西南風風皆有名稱因紀之

宜田彙稿

主

雪後西雪晴必西風也

江水奔如萬馬蹄長風初送一聲雞舟人不起寒  
相語算定今朝雪後西

送年南

冬月常北風臘盡則復多南風以便估客謂之  
送年南

短篷日坐水中龕估客揚帆下石埭地名自是多事  
歸即得天風特與送年南

旅夜

郭北門邊茅屋欹江南岸下波光馳偶然思出迷  
所嚮還復歸來空爾為雪積窗寒月初上燈殘夜  
永火欲吹野人不識歌騷意怪我讀書胡淚垂



買得古銅短檠字之曰凝宵並寵以詩

善價歸予日凝宵錫爾名鼎彝分古色几硯檠深情踈短體原稱光微眼易明還憐殘燼夜消得淚縱橫

讀離騷題六絕句

每怪三閤過激傷焉知至性託文章今朝忽有露襟淚好讀離騷便不祥

家在吳頭楚尾邊楚聲悲激復嬋媛一燈酒醉三更後自命能談山鬼篇

曾泛江波踰洞庭水仙祠下見精靈當時月白風

宜田彙稿

三

清夜悔不高聲讀與聽

疑鬼疑神作九歌先王廟壁問還訶莫悲憔悴江潭甚文字當時少網羅

楚雖二戶竟亡秦冤憤難為遜國臣每讀一篇臨水哭雪菴和尚是何人

杞人何事獨憂天楚國空憐有墜淵未與美人成一笑閒情且誦遠遊篇

書

大字書騷紙十丈揭之窗間與壁上又將細字寫蠅頭便面連行一目收二千四百九十字不許人

間俗子記紙錘湘竹疊斑痕一字都凝千點淚攜向秋風夜月天更尋水際與山顛楚聲讀罷此聲喚奇服高冠忽見前暇時更欲書山鬼一函寄向湘江水並將天問交還與大夫說者紛紛殊聒耳

守歲詩

人事息嚮晦茲夕何多營不眠如歲何守歲含深情丈人發嗟歎兒女歡循名窮年汨征邁善利焉能程獨此寸陰惜若與天意爭去日胡以舊來日胡以新我心漠視之一燈坐短檠窗邊函雪影枕上來江聲主人念寂寞殷勤杯酒陳起酌借餞歲

宜田彙稿

三

不飲向誰傾歲行忽如客客乃餞歲行荒雞四五唱星斗天縱橫揮手謝歲去一卧遂達晨歲住客仍住白日開青春

丙午除夕

生別離兼死別離茫茫舊恨與前期也知天上無今古底事人間有歲時雪後風還從北至燈前影不向南悲何人尚作恒情看道我窮途感淚垂

丁未元旦

一燈除夕夢遙邊醒後新年憶舊年幾欲寒衣驅塞馬翻令乞食上江船賤貧自覺悲原淺身世誰

能立不遷

余今年三十

最是依人添得淚看人骨月酒杯

前

元旦微雨試筆僕子請作吉語笑而從之

青帝行春仗蒼鱗導日軒灑塵芳甸淨驗氣水鄉  
溫瑞共占端策恩應洗覆盆依稀凝掌露微潤拂  
衣痕

元旦讀騷

作客新年主人屋望遠銜悲不能哭不哭當歌歌  
奈何閉門一卷離騷讀離騷激楚無好聲思美人  
兮含深情含深情當更讀大夫好語亦從俗開春

宜田彙稿

三古

發歲白日出

思美人章開春發歲今白日出之悠悠

東西家

東家寡婦饑夜哭夫死甕中無一粟西家賓客召  
滿堂選艷凝情感絲竹借問東家西家誰同堂兄  
弟大功服咄哉此事在衣冠禮不云乎功廢讀衣  
冠此事蓋有由太傅東山壞風俗君不聞宰夫揚  
解責調曠悼子在堂猶未葬休論葛藟庇本根鄰  
有喪兮春不相

阻風安慶城下

客心乍見江水喜一日東流五百里波迎魚騰各

殷勤何須更喚檣烏起宜城渡能江名妒婦津此間  
寧復得汪倫多情剩有長江水欲送行舟風與爭

舟行折捨

捨讀去聲庚開揚都賦艇子捨風

張帆千里行眠帆十日住逆順遵天風江程有常  
度咄哉下水舟忽與風爭路水勢憑東來風聲勒  
而去黃頭智狡強艣力沿泝掉尾突橫風傾欹  
未暇顧側舵剪飛濤危帆撐破布如竊封姨奔急  
避飛廉怒寬流三十里截斷沙崩處蛟龍迹蜿蜒  
蒼鷹勢盤互周覽巨滔中往復若扞戾參差射潮  
軍魚鳥各趨驚未問輸贏齊捨有輸贏得風為贏猶嫌指揮遽

宜田彙稿

三古

暮雨激寒潮高雲吹敗絮百折歷危磯兩岸茫所  
赴蓬窗卧漸濡艣席坐屢仆衆舟呈險色顧我復  
何據因感志士心修途悲日暮倒行而逆施一擲  
輕瓦注瓦毀不復全波驚豈容誤慙非破浪雄每  
為恒情懼願付榜人歌盡唱公無渡

暮抵采石

歸來骨月慰情親日暮看催進艣頻不是舟人知  
客意舟人即是此間人

春陰

春晴行亦阻何事怨春陰總是無歸客偏愁強住



心座中誰舊雨江上自孤吟過盡千帆影驚攀柳  
色深

飢

飽亦與飢同長飢客意中何心甘寄廬此日耐飄  
蓬交遠書難寄憂多告合窮昨朝江路見元有信

天翁

帖靈吾輩乞手腕亦何辭斂色慙傭僕高聲讀舊  
詩門從昨日閉卧得古人師亦有茅檐月清光到  
缺時

又飢

宜田彙稿

三

詩富豈支飢因飢更作詩來朝原不問去境幾曾  
悲鶴瘦鳴臯影蟬清帶露枝誰言人夢飽病亦未  
思醫黃山谷云飢人常夢飽病人常夢醫

客飢因贈

我幸昨朝飽君胡此日來堂前溫舊榻竈下冷殘  
灰此意慙妻子高情重溯洄古人蔬糲薄猶有客  
成猜

三妹寄醃菜蒿

香啟奪盤齋遙函到暮炊色分春水淡味漬海霜  
宜弱跡中閨手思兄異地悲食貧憐共爾滿嚼愛

連枝

雨後偶步秦淮端陽前一日

晴光時一揭意若為端陽柳外風猶濕鴉邊影乍  
忙千舟思鼓健一水貯溪長獨有行吟者看雲緒  
盡忘

五日書感

屈原賢大夫曹娥弱女子千秋有五日端在兩人  
死末俗成歡朝天中節何始人傳續命絲我憶胡  
繩纚人喧競渡舟我憶懷屍起投荒觸深痛風木  
搖荆杞終古大江波不為沈寃洗人情重陽辰忽

宜田彙稿

三

忽愁霖裏心傷見現期遊子何棲止蒲香不設觴  
濕坐窗陰啟一募齋白碑再書離騷紙高歌忠孝  
魂涕下不能已側耳何多聲簫鼓秦淮水

丙日晴

久雨頻看歷真占遇丙晴干支何理數月日此期  
程特顯當陽照如舒見現情浮雲倘竟蔽千古孰  
能爭

麓菴上人書閒情賦揭壁索詩解嘲

熟誦閒情賦莫猜何妨題壁傍經臺淵明攜入廬  
山社惠遠當年也愛來

偶讀家鹿湖先生詠物八詩亦各系一絕句

丹霞蕊映碧松喬莫問千條與萬條總為芳心知託附一時枝葉盡凌霄

凌霄花

寸草能分東壁光不愁蓬戶暗宵長從知身後為螢火還與車生伴夜囊

宵明花

忽見春枝眼倍華休疑幻術問仙家五侯燭影開繁蕊也是人間頃刻花

頃刻花

好共忘憂對一枝世間無病更須醫神農百草嘗皆徧似此花應氣味奇

療愁花

宜田彙稿

夫

一叢抱影影周遮倦繡牀前日又斜底事情多銷不得合歡草伴合歡花

合歡草

葛花香染一叢青興慶池還近內庭欲問當年妃子睡可曾倩喚海棠醒

醒醉草類書載此草生興慶池南

葉底吟蛩枝上鵲禁他月夕與霜天獨憐寸草多情甚常伴愁人夜不眠

不寐草

命名還愜窈人情兒徧窮途何處生自種門前若

救窮草

客窗舊植秋海棠

大兄以主人將去

地亦他屬春月移去後滋布轉盛謂當貺

以詩予亦因之有感不能默然遂得二律

栽花難問看花期心為憐花花轉移此日幽人凝手露

去年思婦斷腸詩

去秋歸自皖城花已過期

輕陰密葉嬌相倚

舊夢芳叢冷自疑莫是萍蓬同客恨新從池草託根枝

較來肥瘦影參差應有香心報主知開徑客尋雲

月夜捲簾人問雨風時庭依春樹聯芳譜砌倚秋陰託桂枝

兄庭前植有海棠桂樹

猶恨宵零回首地菊花不是舊東籬

三十初度

宜田彙稿

堯

弱冠孤兒淚傷心又十年無家歸故國有夢落還邊死抱高閣訴生尊瘦骨堅薄寒催早起孤影曙星前

塞雁驚霜陣林鳥啼夜天生應人共命秋對汝增憐莫漫悲棲食無勞問歲年江湖飄遠影前路總茫然

山寺一朝過

坐清涼山寺一日

依依出世情聊因忘我相不

是證無生鉢冷分僧飯燈高靜夜城笑他孤矢意

終古勸長征

高臺悲遠望江氣挾雲昏幾許孤帆客都爭一水



痕羈情驚去夢萍跡守枯根冷眼顙波裏真  
月恩客歲是日在安慶舟中

清涼山中秋

萬里清光咫尺間更高寒處作躋攀枯聲鳥乳  
霜樹白髮僧同立夜山滿照江流無濁影下  
市盡秋顏征鴻莫認南飛翼來路分明是塞

輓陳奏

余歸自采石奏颺歿十一月已卜葬南郊矣

一棺何處土人共哭元方已恨招魂晚猶疑別夢  
長生存豈華屋回首竟荒岡幾日春遊路悲風擬  
白楊

宜田彙稿

手

高齋相坐夕孤權欲行時謂我春歸路應多江上  
詩後期猶遠念小別竟長辭風雨孤琴在臨絃久  
淚垂

不遇年堪待長貧道益堅才偏來鬼妒名且借詩  
傳心血奚囊盡高歌里巷連共悲新夢識大札禍  
才賢奏颺病歿卒

老父風塵去孤兒弱抱存家無儲儋石淚已盡閭  
門友道慚終古騷歌問舊魂玉樓天上路倘得慰  
煩冤

送麓菴上人歸省武昌即往匡廬黃山

一笠飄然又下山征途盡在水雲間人貽南阮雙

遊屐筆寫西江兩翠鬟路到還鄉生我相心勞將

母寓塵顏何因弟子臨岐語轉送湘舟屬早還

西上江流遡暮烟凭高記此悵離筵花開別院三

秋老月過空山一夜圓菊遠楓微彭澤岸瓶輕衲

重石城船漢南到日如相憶楊柳曾經客舊憐

雲海天都幻湧泉香鑪紫氣遠生烟愛山癖寄孤

雲外歸路閒收一杖前萍梗無緣成獨住江湖有

興欲同顛新詩紀勝應投鉢添得懷人定幾篇

破硯殘書學打包騎驢常是費鞭敲未從東郡逢

宜田彙稿

手

韓愈訪得詩人似孟郊天長陳厚村麓菴池口停橈長荻

岸山中驗雪老梅梢麓菴期冬月還山歸來依舊跣趺坐鐘

磬聲頻為解嘲

姚氏妹生女

女子亦稱祥啼聲宛在牀多情憐自出降代少同

行內外家難問劬勞事始嘗含飴虛遠望聊藉慰

高堂

謝友人惠齋因錄放翁醺齋十韻詩答之

祇是貧家味還因饑歲奇正思饅食下不為酒酣

時手訣中閨妙願香下士知冰壺思有報聊倩放

翁詩

浙米聲

讀書窗靜曉浙米忽成聲正欲饑驅出如傳夢飽  
情鄰炊烟並裊客計耳偏清當日庖厨遠叟叟義  
未明

舊硯製匣成歸自揚州曉窗試墨東郭鑑  
堂

迎硯清江上珍歸片楨輕新詩吟早起一物愛初  
成髹几光同潤元香色共瑩多君書畫舫遠載有  
餘情襲美寄硯曾作詩迎之

宜田彙稿

圭

哭石東溪

風吹江上舊魂來夢裏分攜曉雁哀前數日夢與東溪作別甚悲已

到相思成死別重教淚眼把書開秋墳幾日生新

草梁月何心照夜臺東溪歿于夏杪至是冬初始聞信回首交遊京洛

地寸心淒折欲成灰

依依郊墅引長楊駐馬曾為罄別觴顧我衣風吹

敗葉看君淚眼落崇岡因尋岐路憐芳草遂有孤

亭倚夕陽望遠深情頻問遠幾回書札最難忘都城

東郊二十里為東溪別墅余之南歸東溪宴餞於此殷勤訂後約余指席前所見曰此花復芳期共賞耳天涯從此遂負風諾東溪因建亭其地顏曰問芳作詩十章見寄嗚呼故人往矣嘉樹之封黃墟之感寧堪回首耶

秋雨城南句可憐江湖別恨幾新篇題來一卷書

同寄望去千山淚暗懸遠爾音沈生死夢翻成識

盡合離緣平生好我吟情在乍忍尋聲楚些邊今年

季夏拾舊與東溪唱和及別後相憶諸作彙書一帙為寄抵京之日東溪歿將一月矣

平生志業總蹉跎銅柱家聲馬伏波久被明珠讒

意以寧辭巨棟委巖阿一鳴共信文終貴再獻誰

知泣更多絳帳不寒陵草冷致身儒術竟如何東溪

以先世遺累錮廢十年甲辰舉順天鄉貢會試兩被薦終不得第石氏世承勲貴至東溪始以文學擢總利

天遠難教壽爾躬幾年未契飲高風承家事已同

楊侃爭死心常義孔融沸鼎驚波成閱世冷吟狂

宜田彙稿

圭

醉當書空何人一輩知名姓賈誼無官紀太中東溪

以先世負官物輸已財既盡待罪所司終無一言及諸弟

湛湛江流淼逝波心傷宿草更如何天涯剩轉孤

蓬在薊北應無舊雁過此日招魂誰作賦當時擊

筑共聞歌素車白馬重來路想到悲風易水多

夢中哭憶東溪

一片飄零淚千端生死心故人恩最重悲夢夜常

深雨雪孤前路風塵滿舊襟詩成無可訴絃斷曉

窗琴

檢亡友石東溪舊寄元懷諸詩幅緘而藏



之寓悲一絕句

故人手跡數篇詩曾為相思泣路岐今日重看兩  
行淚可能長是別離時

除夕步至清涼寺

我意尋山出人情逼歲除惟應行避市不問坐無  
廬矯鶴凌空水飛鴻點太虛尚嫌僧有事供佛采  
園蔬

句容道中

以下杭遊草

朝辭白下城衣裳浥行露揭揭道傍風塵影不暇  
護人我祕一趨如織復如驚望中句曲山烟光凝

宜田彙稿

五

日暮遠翠不因春一氣但清布知是神仙居猶傳

絳崑著許葛杳難攀經樓高莫赴百里近鄉關初

矜眼在霧虛願結巖巒侈言求鶴羽孫綽圖天台

詞人惟作賦

海烈婦祠

烈婦北徐人隨夫陳容僞寓毘陵奸人林某誘  
附清殷家焉計遺其夫因逼奸海海度不免密  
級衣上下體甚固乃自縊死事覺林伏誅毘陵人為立祠祀之

良人作事誤既往無可悔念此身後身未應死即  
委鍼痕密自殮且緩須臾死吁嗟乎烈婦能死亦  
猶人匪同溝瀆但自經千條萬縷紉血痕強暴前  
無骨肉親必如烈婦死始足稱守身崇祠歲歲長

河岸過客衣冠無裸裎

短簿祠

祀幾廢王侯祠猶崇短簿香烟不求福但勿令公  
怒

專諸墓

骨肉與寇讐七劍異所用抱義秦廷死遠勝魚腸  
中吾因弔專諸轉憶易水送

西湖

淥水寬隨一櫂新緣堤山色近依人頻遊恨不晴  
兼雨小住須拚暮復晨到眼景光無好句回頭塵

宜田彙稿

五

土豈閒身情懷此日知何似病樹前頭萬木春

賓客句

岳墓

天王不葬南朝土

金歸宋偽骨  
見癸辛雜識

埋恨埋忠此終古眼迷

花柳作旌旗耳幻江湖突金鼓舊京陵廟風沙路  
焉知更有蘭亭樹異代常留南向枝衣冠再拜鵲

啼處

湖上六首

梅花落盡到孤山過客空懷處士顏惆悵斷橋溪  
畔路閒吟踈影暗香還

四面湖山一櫂開兩堤花柳盡新栽城中官換蘇和仲更有何人載妓來

長弓大箭底紛紛驚斷笙歌幾處聞多謝將軍真解事湖邊不用射潮軍

湖上吹簫傍月明依稀常憶美人情當時傳徧新

詞好且試先歌曹妙清楊廉夫作西湖竹枝詞和者甚衆予獨喜士女曹妙清一詞云美人絕似董嬌

姚家住南山第一橋不肯隨人過湖去月明夜夜自吹簫

羅江東杏舊吟魂墓草空教瀝酒痕麋鹿牛羊君

自識無人知訪定山村昭諫為錢王上表宋祖詭言錢塘兵火凋敝有天寒而麋鹿來遊日暮而牛羊

不下之語昭諫墓在定山村

宜田彙稿

美

碧琉璃泛勝金羈西湖舟名行過南屏日又西一半湖

光看未足豈徒留下是西溪宋高宗幸西溪以天暮不及至乃云西溪且留下

又一絕句

玉宇瓊樓水接天人言月下是真仙可憐今夜一

輪滿欲借湖千底處眠

感宋祖許錢王歸國事

獨容歸國事超倫北漢南唐總戰塵自是趙家乾

淨地他年留與渡江人

渡錢塘江

海上潮生霸氣強湖邊春是美人妝已難射弩為

軍士更遜吹簫學女郎錦繡千夫空越國布帆五尺去錢塘詩成不見羅昭諫幾處烟波下夕陽

錢塘江觀潮

海天乍擁一痕青灝氣初乘月魄形戰勝魚龍無退志喧排鼓角動寒聽伍員淚血雙睛死半壁山河萬弩靈我憶英風憑下拜鷺鷥飛導滿沙汀

富陽道中

理楫去錢塘迎潮生戒心舟人算期信避地有常程心懸一潮險轉狎江流平一日盡百里風便水不爭船頭出青山岸肅影並迎山親知水狹江忽

宜田彙稿

美

換河身叶江峰亦對峙黛色浩難名安能帆槳間揖讓如故人叶氣靜驗潮遠攬勝得吾情行過富春水看山應漸深

嚴州道中

春山三百里青蒼延一氣兒孫與丈人焉能辨名字近觀草樹形遠疑陁峴勢亂水抱迴巖人家補斷位樵跡驗幽深舟行別向背暮或散春烟朝惟聚雲纔萬狀走鴻濛心喻口莫譬薄才愧昌黎南山聊舉例羊裘寓客星中間釣臺置輯瑞朝五嶽蓬壺成避世斯地有斯人山川非無謂至今嚴州



名千秋並流峙

七里灘 江潮止此

丁里江回伍相潮子陵臺下水蕭蕭鴟夷為感羊  
裘意到此都教盛氣消

又

問水何能清嚴陵釣臺近終古驗潮平斯人心不  
競

釣臺

避地一竿水清風百尺臺也因天子貴知有客星  
來魚餌香應悟羊裘冷獨裁經過愧塵土且欲濯

宜田彙稿

三

纓回

謝處士墓

臯羽宋遺民心傷丞相戮挾酒上高臺設位三日  
哭流歌招楚聲悲咽不能續涼天風正高壯氣助  
擊竹竹石一時碎死葬此山麓友人方吳輩

方鳳吳思齊

感誦許劍錄因築許劍亭交道敦末俗清風傍釣  
臺水山護迴曲終古客星孤惟君繼芳躅治世不  
能臣亂世不能辱傷哉不辱心諒節恥周粟何似  
漢祖時千秋處士福

崔溪道中

山脉引地峻水下若奔弩帆牽不受風終日費篙

艣水狹山益高山迴舟若阻直疑舟在山如鳥事  
翔舞百里三日程重巒坐城府轉愜邱壑情幽勝  
恣討取曠其青蒼氣滌我塵肺腑寧徒故人面他  
年存記覩猶恨夢中舟已失幾峰數問地復問程  
蓄眼歸時補

歸舟連雨

潮聲兼雨至潮退雨猶聞衆水輕孤櫂千山惟一  
雲臺高容獨釣客過洗餘氛行到嚴灘上淋漓知  
為君

宜田彙稿

三

舟漏

客子卧方靜舟人語乍譙雨聲爭水急雲氣壓山  
寒避漏披衣濕留燈照夢殘短篷三尺外何處更  
求安

杭州旅次有感

湖上寒風樹不花城中烟縷日將斜可憐春燕來  
無主門掩王家與謝家

姑蘇道中

石遶長隄樹遶烟艣聲催過亂流邊月明滿照前  
灣水兩兩吳歌答夜船

舟過惠山因雨不得謁武公祠堂

公諱承謨令無錫三月治

行稱最卒於官邑人立祠惠山祀之

望中風雨惠山陰舊宰祠堂立上岑數里烟波成  
浩渺五年松栢憶蕭森碑留峴首思恩地人抱西  
州痛哭心正使舟行難遽去不愁勝跡負登臨

鎮江觀打鮓魚

層磯截蹴江新漲夜網能知魚所向山椒月出引  
虹繩銀鱗光帖金波上此網嘗從四月開汝魚何  
事定能來深潛水底非不智魚亦於人何預哉東  
離海門無百里魚乎初路貽深悔不尋神物侶蛟  
龍誤觸危機均魴鯉侯門一箸透深淵頭網擎來  
值萬錢兵船岸馬無顛蹶敬憶  
先皇絕貢鮮

舟謠

春水不停橈春風徧柳條不愁風逗水常是夜乘  
潮

歸之次日送別亮書伯父翼亭泳亭兩兄  
之揚州舟中談詩抵暮感成四韻余亦將  
赴采石

昨朝江上歸來路今日舟中送去時萬古不消衣

帶水數行何處月明枝鄉關聚首皆成客我輩贈  
人惟有詩阮籍詠懷康樂夢暫時裙屐得追隨

謫仙樓觀蕭尺木先生畫壁歌同吳四世

壁西嶼眉華嶽壁東匡廬泰岱嶽為太白故鄉晚卧廬  
山有讀書堂泰華則太白嘗遊之地

太白仙人去何所遊踪正爾江山古錦袍片石艷  
餘輝層樓占勝依江渚明月波光四面空長庚不  
墜影瞳瞳鯨蛟欲動磯痕濕嵐樹常圍烟雨中烟  
雨空濛疑潑墨驚看海嶽齊飛立誰探萬古鴻濛  
奇掃開四壁丹青色峨眉積雪千崖凍廬山對峙  
寒陰重銀河一派噴珠簾華嶽三峰壓高棟秦松

宜田彙稿

罕

岱影各森森海風似有濤聲送真圖惆悵落人間  
川嶽精靈視眩然當年畫此伊何意蕭翁妙手來  
蕪關閉閣深思三閱月一朝落筆元精垢手皴脚  
踏無不為直欲飛身壁上石胸中吞却幾雲夢九  
點烟凝眼底窄精周八極入無間意象山河同四  
凸舉手贈與謫仙人一笑長江橫遠碧岷峨秀毓  
降精鄉屏風疊峙讀書堂登覽題詩發浩唱雲臺  
日觀爭光芒騎鯨此地恣來往烟雲變態宜供養  
況託平生遊覽情高深拂拂凝英爽蕭先生古逸  
民燒殘劫火空一身文字功名擲敝屣秃筆年年



塗故紙非關邱壑寄超然指點滄桑有如此幽衷  
一卷離騷讀行處江臯聞痛哭拜手三閤招古魂

髣髴高冠曳奇服高冠奇服何為乎含情繪作離

騷圖椒蘭鳳驥妙渲染瑤鐫一幅千璠璣尺木有離騷圖刻本

世傳吁嗟乎繪事通神何足怪張吳粉本今安在一

藝平生見性真有意須存筆墨外青蓮晚去夜郎

西湘楚情深猿夜啼竭來去國孤臣淚况抱邱蕪

易代悲清風久溯鳩江上對此題詩增悵望樓凭

海月鬱青蒼人與江天共清曠吾聞魯國亦有青

蓮祠安得蕭翁持帚揮聖之即今護持鬼物愁然

宜田彙稿

聖

屏後來弔古會須知青蓮不獨能詩客莫認蕭翁

是畫師

采石江岸感所見

昨朝江上閒遊處鏡柄人趨沙岸路更有輕舟逆

浪來風吹近岸聞悲呼傷心浪逐十三尸一一移

來辨親故炎天肉腐無收人耕夫買席埋江步傳

言舟近九華山千里進香來婦嫗佛聲夜半竦魚

龍衝颺忽起長鯨怒千尋虐墜冥冤深三飯不展

慈航度吁嗟乎世間求福何終極客心久畏風波

覲爾婦依然執爨身何處深閨有沈溺君不見皖

江之北不祥人母老家貧不治生金錢捨寺香焚  
頂懟母臨行出惡聲此余昨年所見亦拜佛九華曰朝山者

傷心行

孤兒哭母江頭立母死風濤尸亦失江邊路近然

犀亭安得然犀之火燭淵深照徧海門三百里沈

冤一一呼全起生何為死如歸仰視白日無光輝

君不見曹娥江波茫茫曹娥十四弱女子抱父出

水稱無雙

巫緒傳舅氏用余舟行折捨前題成四韻

復和一首

宜田彙稿

聖

忽驚捩柁鉞前衝剪斷江濤幾萬重起落一帆爭

驚鳥縱橫千里鬪魚龍雲吹敗絮朝難盡磯激寒

潮晚更逢逆境幾人成利涉輕將天險試行踪

贈日者王宗周

月窟天根待探竒道前民用得稱師成都市有高

人在處訥名從世學知一寂心原涵萬有雙瞳路

轉眩多岐著筒香靜簾陰曉愛聽清言析舊疑

吳鈍人先生邀同穆升九諸君集飲太白

樓

舊是騎鯨地閒憑載酒來江山初過客今古一銜

杯壁寫蒼崖合蕭尺木天垂淨練開振衣逢遠霽倚檻信悠哉

夜熱聞蟬有作

一氣炎風裏齊聲碧樹端平生清露飽此夜萬星乾倦骨已無寐孤吟亦未殘低蛩忽分響汝意倘知寒

庠水歌

道傍斜日炎埃飛田中無水禾不肥農人夜起看天色密樹影乾星四垂柳邊瑟瑟風乍起家人向圩塘水赤脚單衣曉露涼一歌著力齊聲始層

宜田彙稿

畧

層波踏雪刮刮車翻輪綠萍逐水泛禾根高田水滿低田灌迢迢阡陌連還斷莫愁無雨勞人力且喜春前濬溝洫待雨猶堪遲十日誰家已到苗枯色水深一寸千黃金一碧更借鄰田深

太白樓又名江東第一樓

才名死亦艷江山第一樓頭客共攀韓冢千秋同醉裏錦袍何日不人間長庚已失然犀影賀監應從跨鶴班最是關情波際月夜郎曾伴逐臣還樓西

為溫嶠然犀處

三官洞在采石磯

直下江流深不測何年架屋住孤僧鑿開井竈依山石過盡帆檣見佛燈鼠舊拖腸成隱穴犀誰然火近高層從知水斷崖懸處陵谷都教泯廢興洞有白鼠聞呼鼠道人則出山穴中為異跡

先君子舊為外祖平和公製采石圖三妹於甲辰夏購得之乙巳冬攜弟本歸金陵展視之下觸憶成悲今妹于歸采石弟相依焉承與伯兄亦有願卜居筆墨前因重增哀感濡淚題詩得四十二韻兼呈怡齋緒傳兩舅氏

宜田彙稿

畧

吾宗遡柱史待御村公筆墨傳三絕側聞身後悲門內鮮遺蹟能事迫世好每後兒孫獲况茲愛日心忍為終天設念此痛失聲十載麻衣血先人耽著述不為窮荒輟歲月隘簞瓢遺編恨猶缺生平水石情圖畫每為悅尺幅重寰宇一朝空笥篋請乞向他人重緹執予錫弗播均厥辜悲心結慙舌茲圖憶兒時屢聞外祖說經營京國年意象山川攝患難隔故鄉遷變無由覲風雨繁哀思流轉從誰惜弱妹守深閨孝思力能竭多方費釧金百年歸手澤承也霸燕塵書來稱幸劇自昔謝庭憐聰明兄



不敵一事見性情離思增愧積是時甲辰秋星霜  
駛再歷歸來拜靈前展圖當几席絹素綴殘痕香  
光凝舊泐幸全天地恩不入詩書刼品題徵衆賞  
父執皆前哲生死觸堪悲遑問升沈別片積入眼  
明吞聲讀未徹我祖當年詩志返林泉蹠忍看江  
上雲冷墮邊山雪翠螺非不高蒼江非不潔不底  
汨羅深不梯帝閭接小子亦何心居然理歸楫有  
弟依妹居于茲新卜宅捧圖感前因計兆鍾離畫  
妹甘甕自提弟謹門常閉堪依邠氏恩根繩慰飄  
泊次第骨肉完重闡迂歸轍此山鮮可茹此水甘

宜田彙稿

哭

可啜我祖富吟情庶足娛衰白獨是陟岵心山雲  
望已滅塞雁飄驚弦霜烏棲夜魄圖中千萬松風  
木常嗚咽

傳詠八題義取於老成五詠後餘老儒老  
農老僕興闌輒止姚雨岫易以老馬老鶴  
老樹欣然如其所擬而成八數

老將

千場曾出塞不損一人還此日逢亭尉何年入玉  
關劍風飄素髮銅鼓羨烏蠻樞馬衰同命情深秣  
飼間

老僧

空山無歲月影靜佛燈長杖倚南朝寺龕披一鏡  
霜悟深天入定身在世俱忘白髮人間有悲心企  
象王

老女

未易良媒託方深隱願酬雨昏菱鏡夕風起藕塘  
秋坐立惟依母針縫不下樓笑他楊柳色少婦轉  
多愁

老妓

珠箔舊恩空春移翠繡叢鶯啼元有夢絮落不生

宜田彙稿

哭

風擁髻愁迎燭徵歌怨洗紅須知湓浦淚司馬已  
衰翁

老賈

客爭心力盡家付別離頻漸覺黃金滿難消白髮  
新五湖身退越七國祚移秦遷史功名外多傳富  
壽人

老馬

力盡歸荒秣寒嘶動遠天骨從時眼賤功失故人  
憐舊識關山路新收苜蓿邊猶堪一雪夜穩導萬  
軍前

老鶴

幾經毛羽變不入劫塵風正爾孤山路相逢梅影  
中龍鸞依偃蓋雲水契高冲莫向遼城去千年語  
暫通

老樹

昧種春秋始深盤兵燹中神依孤廟破勢拔一山  
空枯有傍枝葉聲多夜雨風擬從榆櫟社重問舊  
陰崇

遊白鶴觀舊址示某道者

白鶴去何所高臺荒幾年江聲孤殿圻松影一山

宜田彙稿

哭

圓舊蹟求前侶新規寡勝緣黃金走都湊人不好  
神仙

題畫葵

曉日侵尋夜露涼真宜出世道家裝撫圖忽憶傷  
心事太白題詩去夜郎

太白有流夜郎題葵葉詩

張建卿為務滋弟作松下長竿圖索題長

句

長松作勢隨奔潮山崖一色青嵯峩僧繇妙手開  
靈境蒼然尺幅風蕭蕭松為格韻石為骨寫真益  
見形神超一邱一壑自謂勝謝庭玉色凝清標青

鞵布襪良有願長裾高屐還相嘲位置居然烟霧

質蒼髯皺面稱平交釣竿入手意頗稱莊筌坡笠

隨所操水心巖夢堪自鑑濠上之樂無塵囂潛鱗

一躍鶴雙起水流不競雲飛高世間桂餌觸芒刺

湖山風月輸漁樵客星隱映桐江水淮陰乞食徒

爾曹百年此意且心領東遊渤海觀飛濤翡翠絲

垂虹百丈珊瑚樹拂枝千條未求五嶽真圖見暫

踏三山試釣鼇

時弟有山左之遊

渡江訪郭勁草真州同寓項園之百尺樓

夏景即事漫賦長句

宜田彙稿

哭

樓高百尺雙桐樹樓上清風自來去曼都仙人鶴

不歸自有此樓無人住遙憑黛影隔江山一線江

光依北固淨練餘霞高唱間待來我輩登臨助猶

恨樓虧二尺功江身不貢帆檣度

樓更增高則大  
江滿望故云

門外

河通一葉舟乘興江頭數鷗鷺幾處名園曲水幽

一聲漁笛中流暮歸來暮笛送江風直到高樓人

住處轉從凭檻理遊踪隱隱園花與江鶩不巾不

襪自蕭然竹牀鬆几元粗具眼前敗意無俗子夢

起懷人得佳句北窗一枕礙涼颼惡竹何妨飽刀

鋸萬瓦平移鳥影來一塔正放珠光注渡江我亦



上斯樓榻分十日消良晤回首京華車馬塵客踪  
宦蹟何依附大江南北瀾炎埃於越勾吳聊作賦  
小住為佳佳奈何欲往心猶畏前路

紅橋偶成

簾屏移近櫂歌聲曲港寒潮暗浪生不肯迴舟風  
雨夕輸他遊女愛山情

揚州程汧江編修家喜晤伯父扶南先生  
兼讀春及草堂詩賦呈四韻

十載詩名日月邊江天星有少微懸得歸難後桑  
麻願未了人間文字緣太史榻分書四壁竹林酒

宜田彙稿

辛

對月初弦宗風句淑夔州老翡翠蘭若莫浪傳

扶南伯父問及近詩口占

缶還似甕歌相和瑟不如竽調未明千首詩函兩  
行淚哀笳一半是邊聲

立秋雨夕

落日無餘影微燈有近光三秋初向夜一雨欲終  
涼客夢扁舟水邊衣八月霜西風莫吹急南雁是  
孤翔

石東溪死期年矣屆日為詩哭之並寄令  
弟東村都門

死別竟無夢馬知魂所歸秋應添宿草淚但裏征  
衣昔寄書猶在重看雁不飛人琴同一慟千里共  
依依

車笠歎

君乘車我戴笠他日相逢下車揖此道今人亦恒  
習君擔簦我跨馬他日相逢為君下紛紛世俗無  
難者非關憂患與死生斯言何足繫深盟有客疑  
茲轉相詰我聞太息增深情乘車乘馬將奈何是  
車是馬何足多車傍但恐旌麾擁馬上休教頭踏  
訶車傍馬上何喧赫光延大道連阡陌流蘇隊結

宜田彙稿

辛

錦障泥畫轂光聯珠曲輓後奉先驅雲霧屯行人  
歛避飛塵窄輕裾長袖知何許願指之間隨仰俯  
自憐趨走生光輝笑看途人衣襤褸駙馬都尉尚  
書郎避導摠衣謁路傍艷稱金谷昨宵宴擊碎珊  
瑚七尺長西第東園多食客五侯燭影蠅聲熱簾  
策寧須骨相奇膜膵最厭齋鹽色曳裾有客自命  
賢可憐裘馬無新鮮當關不納遭訶斥馬上車中  
豈易前莫問新交與舊識自道尊嚴體無匹况隔  
雲泥二十年步行者誰頭戴笠步行者誰頭戴笠  
豈期今日車中馬上羞相值亦有回車屠市信陵

君屈已求賢非故人又有劉峻車中人衣葛故人  
之子聊求活惟有當年丞相名張祿車下人猶呼  
范叔綈袍戀戀故人意馬刀一死誠堪贖

貞觀叔見示讀史詩亦得四首

爵崇五等位元樞漫擬奇勲入畫圖汗馬忽教辭  
朔塞寒驢安得傍西湖長城月墮高秋冷大樹風  
摧一夜枯望斷北邙山下路墓門無地覓啼烏  
元規塵欲汙千里樓護鯖還飮幾班此日清流投  
濁水何人熱客不冰山青蠅尚自憂叢棘黃雀曾  
誰識報環莫笑雞鳴稱下士一聲人已度秦關

宜田彙稿

五

百拜塵高上將壇人人功績著呼韓惟聞小弁歸  
尸革豈脫寬袍出箭瘢籍註伍符爭鬻爵身稱都  
尉忽銷官翹關負米終何益不繫爰書法已寬  
兵符祇合散貔貅手版何曾貫絳侯空說將軍專  
閫外敢辭廷尉望山頭一時名士趨芒屨八百孤  
寒飽麥舟莫論千秋青史事恩私人自憶崖州  
京郵至得石東村書聞令姪潤郎墜井死  
潤為亡友東溪長男哭以二十二韻

既得故人書兼詢故人子書中祭姪文驚呼汝遽  
死淚眼疑書辭分明證來使蟲沙化并泥輕生詎

如此而翁宿草思為爾悲重啟童年實冢嗣泉路  
何依止南國歎萍蓬北風摧喬梓暫別歷三霜同  
聲付一涕自汝誦讀年深知性純美十歲學余書  
波磔宛長紙十四為文章清詞萃牙齒諸弟而翁  
前爾貌稱神似玉質疑庭階雛鳳冬郎是殤壽亦  
何常凶填胡屢倚遺詩出篋笥哀音兆妖鬼誰遣  
薄浮生仙童語奇詭潤數月前常語人云我  
會當辭人世為仙童矣季父撫諸孤  
真聞夜十起人琴繼風慟呼天但疚悔塞井亦何  
為此意同覆醢唏哉孝友門福善無恒理東園邈  
舊遊阮謝成凋萎試語待重來遙聲咽千里

宜田彙稿

五

有贈

萬里關重鑰何天客徑歸危情烏鵲夜間道雪霜  
衣石欲填精衛人難識令威傷心鄉國近側翅更  
冥飛

送松安上人省親再赴卜魁塞上有序

上人名重閑吳縣陳氏子也年十四父母以  
罪戍邊寄養舅家既長授室閱歲有言其父  
母在卜魁者無從問而知也日夜涕泣誓求  
二親所在度其行當踰萬里貲給不可繼遂  
棄其妻為僧杭之靈隱寺五年下山遊方五



臺徧歷雁門諸關塞無知卜魁之名者遇同里僧印唐告以故唐有兄為刑部吏戌籍名地悉可稽閑走京師叩之始知卜魁為黑龍江地而龍江在山海關外也行抵關下適新令禁僧道甚嚴久之居人導從大毛山口得出危磴絕澗虎狼交迹于道數迷惑不知所嚮然邂逅必有所藉為食頃地往往得之望外踰柳條邊以達瀋陽凡千餘里自瀋至卜魁又二千餘里附邊販出巴澣口皆蒙古境地嚴冬野宿凍瘡無完膚行者咸藉炙酪得

宜田彙稿

五

飽閑拾馬矢炊稗一盂風雪昏晦輒不得食也行偶後遇盜盡掠衣裝以去寒噤幾死遇救乃得達計初夏出關凡八閱月抵卜魁父母窮老為官奴閑首香拜道募金贖免往謁我眉云將祈福以報施者時康熙己亥歲也後數年復至卜魁就父母所居緝茅一椽為齋誦地人爭給錢米有餘悉以拯罪配之凍餒者居八年父母相繼歿負骸骨歸葬於鄉遣成為奴者得歸骨前此未有也閑廣顙坳日槁項柴立終日默坐不苟言笑習於釋氏

學已久自謂有所得而至性深厚託身縑流以赴所願用心艱苦則古之獨行無以過也舊是傷心地同為屢役身十年歡暫面萬里痛衰親古有瞿曇法今知慈孝真一瓢資吻雪雙踵策山榛路入羝羊隊關開虎豹塵春仍枯漠草冰欲泮荒津亘古悲窮髮吾生屬鮮民烏頭瞻豈白鵲血拭猶新羨爾伊蒲供依然菽水陳含情看暮景回慟向高旻已證觀空義還薰異類仁因風一振錫遙海憶聲輪

宜田彙稿

五

述本堂詩集

桐城方

看蠶詞

蠶之事自初生至下簇常四十日而畢順其俯仰之候時其饑飽之節謹其寒煖燥濕之宜均葉飼拚曲薄遠穢蠶聚精壹志與之始終俾情者考工記蠶人職關余謂當是蠶絲之事戴記蠶則績而蠶有匡又月令具曲植遂匡則匡往往逸去延緣梁壁間多其守視之勤有如此故曰看蠶蠶當大起後準六斤為筐

看蠶詞

以時蠶古所同也杭人呼筐為隆

人看六筐極八而止分力合作稱絲效功情而營私者咸共詬恥之是其所以為蠶者又善教也吾所聞於越人者作蠶詞四十章章四句詩和詳以補詩之不及因其里質寓以勸諷采謠而前俗者或有取焉

節待中春川浴精傳大火星靈漬鹵搏灰勤在仙時補入蠶經

二月中旬浴種莫蠶連於筐以百花葉水灑之先是臘月十二日淹種以石灰汁或鹽水曰搶

或祇沃以清水而風之曰露各從其用乾而藏之蓋蛾灑子氣有不齊不必粒粒成蠶故淹之以去其秕薄者蠶紙曰連淮南王作蠶經

寒食節為令節馬明王是蠶王紅女來修廟祀靈陰指近公桑

周禮夏官為質掌質馬禁原蠶鄭注天文房為天駟辰則大火蠶與馬同氣物草蠶再蠶此蠶書月值大火則浴其種也舊祀先蠶為馬祖晉楊泉蠶賦既差我馬惟蠶之祖蓋為馬祈福謂之馬祖為蠶祈福謂之先蠶蠶有龍

看蠶詞

二

頭馬頭之形搜神記載蜀人祀蠶女為頭孃又馬明王蠶王皆今之俗稱然宋嘉祐方書名蠶蛻為馬明退其義必有取矣蠶王見續酉陽雜俎

為滿為收日吉在牀在抱身勞報道長孃新育烏兒合記生朝

清明前期裏蠶連以重棉置煖地視桑葉大如錢時擇滿收成建日懷之夜卧亦令近身視種放綠色則蠶出如蟻海物異名記蠶初出曰炒越人呼為烏兒又以最先出者為報頭二眠後



間有形化者呼為長孃以其育自牝蠶也然亦不得而跡之有之為蠶旺方其初生小大迥異既大眠即差若及其上簇不復可辨越俗以臘月十二為蠶生日

翠屑煖生蠶紙采饒百草春深不信誰家女伴祇教鬪取釵金

清明日采百草乾為屑蠶初出時罨覆之則得煖易長亦采繁之遺制也

正用糊筐作具還須補牖迎暄人趁槐陰綠後一肩紙賣前村

看蠶詞

三

桑皮紙糊筐貯初生蠶蠶畏風室有微罅皆彌以紙

處處橋通曲水村村徑遠柔桑去去柴門忌客家家書揭蠶忙

蠶家忌客皆揭蠶忙知禮四字於門范成大詩云三旬蠶忌閉門中

十二形成支屬百五日際佳辰任飽湯團疊雪欣看粉蘭鈔銀

糝肖繭麵肖十二支屬之形并湯團以祀蠶神麵粉白則為絲白之兆漢舊儀載苑窰婦人寓

氏公主為蠶神之二名又山海經載女子段絲其蠶神乎

正是禁烟時節休教乞火鄰家那問傳來蠟燭恐妨分去蠶花

清明日人家彼此不得相過取火謂之分蠶花為大忌也

鶯羽攤烏細細豎沙刮替層層是杓網盤異用不離人傍宵燈

視蠶蟻蠕動以鶯羽拂而勻之為攤烏飼二三日後殘葉沙矢積為替子亟體刮之以免蒸濕

看蠶詞

四

為過替頭眠後日一替三眠大眠日再替每將眠之時更須急替遲則斑病至老不作繭也以竹片或桑木為匙用以擘分初生蠶桑杓大如杯柄長三尺許蠶盤空隙或布葉不勻則以杓搥而補之麻綫結網為兜蠶除沙要具較箔稍小漆而乾之視沙燠已厚以網蓋蠶布葉令滿蠶穿網而上則昇網除沙畢連網置箔上待有積沙又將網一扇如前遞用最為省功網目疎密視眠之次第三眠之後使可容指無其具者率用手捉常苦人力不給而誤盤於上簇時用

之以竹木為框踈簾為底長廣小於箔而大於筐

糝粉斑糠早具香楓細箬均攜桑分家町野町炭採梅溪畫溪

白米綠豆為粉羅葉上以飼三眠蠶解熱毒出絲白靱箔蠶飼粉十餘兩即減葉三四分可助葉荒豆以臘日藏者為佳清明日火米糠令焦研極細謂之斑糠於眠起時密灑蠶身能收濕氣其非應眠之時忽不食是為被厭焚香楓箬葉可解諸物皆於平時備之桑經接換者為家

看蠶詞

五

桑葉茂而厚種樹書云桑以構接則大構即穀桑也其不接者甚生枝據謂之野桑但以食原蠶不貴也蠶炭產梅溪畫溪二鎮一在安吉一在長興

蚬且蛇蛭並毒蒼蠅蚊蚋兼譁攫鼠先通竇徑迎貓畧似田家

蚬且蜈蚣馬蛭形如蚯蚓皆能食蠶蠅喂則生蛆蚊嗜輒死鼠亦食蠶為蠶室者必有貓徑蠶貓價頗增 蠶家伺蚬且至則密置之甕中湯煮繭能使新絲加重此又理之不可解者

束拈為砧代木采桑切葉成絲驗取初眠七日頭揚不食其時

束麥拈圍尺餘齊其兩頭用為砧切葉如縷以飼初二眠蠶戒用木蠶食木屑損肥澤也又名葉蠹蠶出後七日式盡變黃結口不食為初眠首喙上仰不動如眠也眠時宜倍暖靜室密飼勤眠亦不待七日間有一二不眠者去之

放食蠶逢齊起二眠葉待加盈正好攜筐結伴願教夜雨朝晴

眠經一日夜盡蛻而起揀俟起齊飼之如投葉

看蠶詞

六

太早則以後眠起不齊矣起時食葉倍加謂之放食復三四晝夜二眠二眠初起飼宜倍勤為看蠶要候也飼一二次後葉不必縷切割之可已大眠前食濕葉則病不成繭宜布拭之箔晞之記云桑子公桑風戾以食之風至葉乾乃以食也

蠶分一薄數薄難合三眠大眠食葉聲知何似終宵風雨燈前

移蠶就寬為蠶音宜一作驟初眠後漸長宜漸分箔三眠大眠後為難海鹽圖經云難早則足



傷而絲不光瑩遲則氣蒸多濕病即分箔之謂也二眠後約四五日三眠眠成過替又五六日大眠三眠後可飼以整葉大眠起雨葉霧葉皆所不忌葉燥並當灑水令微潤飼之

四月輕風麥秀連朝細雨村寒炙薄須防殭病中宵盆火勤看

蠶婦常著單衣以節寒煖寒則進火煖則減徹采采筐盈幾過分番沃葉頻輸信約黃金桑下不同魯國秋胡

桑葉二十斤為一過貴直錢數百賤或糞置之

看蠶詞

七

畜蠶而買桑者必預約價屆春以時采給不則訴於官罰違約者或不復需之亦必準所訂而與直焉諺云桑樹底下不點頭言不可輕諾也又有以葉輸租者曰抄桑

割麥插禾早起紮山看火宵勤底事怕桑貴了依依鳥語頻聞

割麥插禾見樂府禽言紮山看火亦禽言也湖人謂之蠶鳥蠶室多用火育人倦可虞鳥語其警之乎又桑間有鳥呼桑貴了蠶家飼養不如法遲至食小滿葉則費多而絲轉少

抽飼齊看吐喙沸絲又到揚花已見考娘箔滿須教繕婦燈遮

量減眠蠶之葉專飼未眠者使之速眠謂之抽飼俾眠起齊而無晷熱之患眠時驗其喙有紫蔭為吐背受風則不能吐驚怖則已吐復縮皆為不成眠也將眠則吐絲葉上為沸絲將起替上絲滿為揚花四眠皆同大起後六七日視蠶身喉足俱明必嬾食昂頭緣筐遶走是老熟將繭之候俗呼為考娘亟須上簇矣越俗呼竹燈藥為繕婦上簇時用以照夜而不可使蠶見之

看蠶詞

八

繭成輒如其狀

出火初暄窗日亮山畧受簾風捉向新筐舊紙文心益妙蠶功

三眠蠶一名出火蠶蓋前此天寒蠶穉須煖以火至是可出也大起上簇後間一闢戶曰亮山蠶二眠後分健弱并置一處則三眠不齊揀捉已未眠者分飼之是為捉績貧家間以字紙糊筐謂資於文人心巧云

虹起旋收東渚雷行漸遠南山處處棚圍色喜家家地碓聲閒

蠶見虹驟減小十之一二聲響皆所謹避聞雷  
在箔輒昂首不食作繭往往絲斷宜閉室周列  
盆水以止其畏竹木作棚高四五尺奠以薄束  
葉層簇如山名為山棚圍以草藉五日而去之  
曰除託

草縛參差似樹繭攢磊落如星吐盡千絲萬縷受  
人幾度丁寧

稻草去衣截長三尺許束而陳之火炙薄下蠶  
皆緣草而上吐絲作繭自衛為上簇俗呼上山  
乃祝之云絲須白繭須重誦誦不已勤視兩晝

看蠶詞

九

夜而繭成矣

阿母中宵倦眼小姑盡日蓬頭忽見雙公作繭頓  
令新婦含羞

有不戒其容止者蠶感其氣雌雄一繭名曰雙  
公然亦嘗自有之名同功繭以織則麤作綿則  
純

下簇紛紛害蠶重鄰相賀成風共喜衡斤論值十  
分收比年豐

繭成一晝夜採收之為下簇閉置甕中為害繭  
下戒遲窖必密防化蛾嚼繭也一眠後斤蠶得

斤絲為豐減十之三為歉斤繭得良絲二兩為  
對花繭十二斤治絲一車

絲白何殊粉白早知吉兆清明可記清明粉繭都  
從兒手親成

喜見朱絲作繭頻教客至開尊八十前村翁姥也  
扶杖到柴門

繭貴白黃但織絹亦有綠者微紅者雜用作綿  
朱色繭間一見之則村閭傳觀相慶焉

驗取青闌合緒剝除蠟透柴坳禮獻大眠夏候祥  
騰巨焰春郊

看蠶詞

十

蠶大起後吐絲以青闌為佳紅闌則知其必歉  
絲之精者為緯三繭絲充貢名合羅初下之毛  
繭外有浮衣為蠟透子剝而攤之令通風涼繭  
之帖草四癰者名柴坳繭不堪治絲祇可做綿  
三眠既成百室賽祀謂之獻大眠自元旦至上  
元村民以竹葦束炬然之名曰照田蠶火光巨  
者為勝

繭煮千丸出水絲抽百尺當風行去綠楊村裏家  
家絡緯聲中

釜注清水煮繭即盆纈也去其亂葦淹得清忽



以箸挑之其名朶際又有送絲鈎收絲軸等具一引至盡一繭為一忽十忽為一絲三繭合一絲者為最細手足並用軋軋有聲受傭者擅為能事焉

節屆櫻桃九熟聽鳴小滿三車賣出筐絲匹絹門前添種棉花

九熟者麥梅笋王瓜桑甚枇杷蠶豆豌豆與櫻桃並熟為九也三車縲車水車油車也杭諺云櫻桃嘗九熟小滿動三車

為織為綿異製作經作緯殊筐已分湖郡嘉郡更

看蠶詞

十一

辨西鄉北鄉

絲之良者織紵與羅次紬帛又次織絹色駁及同功蛾口柴四等繭縲剩軟繭惟堪作綿浣桑木灰煮熟濾以清水擴而重之為手透子複製竹為綿環擴手透而重之成大綿兜撚線亦可織即綿紬也湖絲甲天下而以歸安德清為最其次嘉之桐鄉崇德杭之仁和絲產北鄉者可作經三眠之初南鄉移北亦然大眠後則不能變矣石門又以西鄉者為經其西北氣勁之故與

縲素擎來倍潔縲元染就猶香好付佳人刀尺製成公子衣裳死盡春蠶八百采絲未以斤論更費千梭衆手忍教裁割成褌

繭重者五斤可得斤絲薄止十餘兩

稱種莫愁桑少生兒已救家貧添種柔條昨歲期迎新婦明春

凡蠶布種先知布種之紙輕重加重幾何即知明年蠶成當幾筐審桑之多少為畜種之準大率蟻四銖出蠶一筐食葉可二百斤又云斤蠶

看蠶詞

十二

即需葉百六十斤蠶多桑多而人力不繼亦無能為功也

坼破繭頭縷縷布生紙上班班好付主人遺種明年代作絲還

雄繭尖而小雌繭圓而大均擇堅白厚重者收之七八日後化蛾齧繭而出視其拳翅禿眉焦尾赤肚者初出與最後出者去之留美好者交令周一晝夜解之以小筐鋪甚厚桑皮紙雌蛾布種其上仍令覆養三五日而後摘去海物異名記蠶卵曰蛺眇如半芥而扁黃漸變黑點點

勾布無一重累唐李郢詩云漠漠蠶生紙

隱去蛛絲匝匝幻來蛾翼蓬蓬不學蛛牽蛾撲龍

精本是天虫

蟲字省文

蠶成繭六七日則眉羽而蛾天虫者蚕字之文也讀天上聲俗用為蠶字以為崇蠶之稱又寫作蠶其文合神虫二字取義亦類此

報信絲擔江上早生蠶在春前估客歌忘唱稅牙行計不論錢

柘蠶之絲麤勁禹貢縠絲爾雅棘繭之類是也產諸暨縣出最早來杭買者稱為報信絲過關

看蠶詞

十三

不稅入市不爭直蓋貴其早獲而歲產不過百斤為易與耳孔帖載滇池食蠶以柘蠶生閱二旬而繭即此

試問寒珍幾輩二蠶又見絲成愛爾天生蠶轉都無近觸遙驚

永嘉人謂再蠶為珍育至八輩有珍愛珍寒珍之名嘉湖至五六蠶杭至二蠶而止二蠶之早者為頭二蠶即原蠶也芒種時出蠶忌香穢觸變畏聲響二蠶則否人謂二蠶實聾瞽也其絲多累綿氣微不潔所生之種又為明年頭二

蠶矣

三眠子陋北種二番葉盛新枝甚酒桑羊越乘獻羔斯饗豳詩

越蠶四眠有一種二眠後即大眠者名曰三眠子期早收薄絲亦麤南中不嘗畜之桑飼頭蠶而葉盡新條復生者為二葉五六月間以飼二蠶採而不剪桑甚釀酒枯葉飼羊不殖皆桑之利也

恰恰倉庚春鳥依依絡緯秋蟲幾處星河織女也應偏照吳東

看蠶詞

十四

蠶事惟浙西湖嘉杭郡為盛浙東之寧紹江南之蘇常尚不及什一也

舞袖千層采影纏頭一曲清歌那見寒燈少婦兒啼幾度停梭

錦繡千夫越國綵帆十里吳航祇為曾栽境內成都八百株桑

桑之宜蠶者海桑山桑黃桑甚少葉密而厚子桑花桑草桑甚多葉稀薄蠶食之不肥東陽縣志桑種甚多世所稱者荆與魯也浙西所植枝條柔短魯桑之類也湖桑即荆桑也荆桑飼蠶



其絲堅韌本邑頗近之

說者謂前人詠一物而多篇者皆取於無漏事見余蠶詩而少之夫蠶事著於經而雜見於載籍采而類之當非甚難余則謂所聞於越人者如此苟非其俗之所有不暇記也程子謂吾輩不耕而食不織而衣夫力既不出於已矣使聞吾言而一動心焉因以思其作勤之苦則吾之有言不當於其事近而尤有徵者耶若夫辭之不達言之不足以諷則所愧於前人者宜不少也宜田自記

看蠶詞

五

晉簡文見蠶不識而愧之凡三月不出曰寧有賴其末不識其本者夫衣之賴蠶也猶稻也然而識稻者或不識蠶余惟七月豳詩首陳衣食乃復以衣先食而言蠶事又視稼為詳禮之祭義也亦云蓋稼更四時加日縣久明動晦休尚有餘閒蠶則三閱月而歲已畢矣其節短故其期延其物瑣故其事猥少遼緩之即偏然而反古人所以鄭重言之而土非塗泥不宜桑柘則有老身長子不知此事者彼抱布蚩氓何足道而士大夫履絲曳縞亦復茫然如坐雲霧此與

跋

六

菽麥不辨何異然不聞有抱簡文之愧者何也吾家宜田中丞所生長非蠶鄉而民寒寒之務求盡物之性窮物之理人民謠俗條舉件繫歌以永言舉百雜碎著之篇而名之曰看蠶詞其詞含英咀華而繹之即不識字者皆曉因憶六十年以往某公莅浙人有言蠶上山者某公不知何等語顧反怒曰蠶安得上山其人力辯數乃置聞者皆猶然笑之嗚呼使此詞出於數十年之前鐫于申之俾皆相傳以熟即安有惛惛不辨為千古笑端者揚子雲曰蜘蛛之務不如

蠶之綸為九州被補五色裳皆於蠶乎是賴即  
皆於中丞是屬然則此詞也無逸之陳艱難也  
設有以茶經酒史相唐突者幸勿以知言許之  
淳安方絜如文翰書後

黃省曾著蠶經一卷言吾杭蠶事甚詳至禾中  
茗上土俗宜蠶往往見於叢書小說未有專家  
夫十日十二辰相次知其把蠶幾女食桑幾葉  
然則茲事甚大非止一物之勤而已士大夫之  
學至於主名山川託興草木於此一事諷詠闕  
如豈通人之識耶吾師問亭先生以命世之英

跋

十七

餘事及於翰墨早歲客吳中於土人所得蠶事  
如千條紀之韻言凡四十首自為之注其緣物  
麗則則爾雅之音也其釋文該博則又古人之  
選也寄懷遙遠取其近而有徵於民事尤致意  
焉光因憶宋人建行都於杭太常王湛請設蠶  
室蘭館行親蠶禮當時廷臣無風雅之才不能  
第其嘉頌以道其事今時大典聿行誠以吾師  
之詞被之神絃使八能之士按律而吹于以宣  
布天時阜繁品類當無愧雅頌之遺況於衣被  
之澤猶在湖山千里間耶光生長是邦居田間

久不能無在躬不知之恥然則讀吾師之詞知  
不可以韻言忘著作之本意已受業仁和顧光  
謹跋

曩聞之仲兄說經之言曰蟋蟀在堂詠勤苦也  
蜉蝣之羽刺惰游也古之詩人思慮深遠感時  
寓物則往往於一事見之所以念民勞動本務  
也豳風一詩農桑衣食之語纖悉已甚自古之  
人言之則經也而非詩至於掇拾花草描繪風  
日樂徵事之多寓閒時之景則詩也而非經若  
夫使人聞聲愴懷覩物興事是非得古人之意

跋

十六

其能若是乎善乎朱子葛覃之箋曰后妃親執  
其勞知其成之不易是以心誠愛之雖極垢敝  
而不忍輒棄也說詩若此者可以知小民之依  
已三吳古農桑地也仲兄往遊其間既閒無事  
人有以蠶事告者喜其詳盡用韻言譜之疏其  
義名之為看蠶詞歸而篝燈相示口吟手畫如  
見紅女之辛勤回顧當身不覺敝衣之有餘溫  
也迨兄開府兩浙撫念前事停軒駐蓋詢老進  
髦凡有裨於蠶桑者輒條件而疏陳之蓋昔者  
采之於謠俗今者措之於政事若操左券不為



空言焉夫汜勝之書龍輔之志文矣而不近齊  
民之術致富之書近矣而不文豈如是詞義依  
於經言取其雅雖一方之風之詩乎而能使讀  
之者憬然念夫寸絲一縷成之不易則所以節  
物力去逸淫民勞則思之意雖風人所稱何以  
加之爰亟請於兄而付之剞氏乾隆己巳孟夏  
上澣弟觀本謹書

跋

九

述本堂詩集

桐城方觀承宜田

松漠草

自軍中往返京師有作附後

自京師東北行五千里而遙抵卜魁塞古之黑  
水部也余以敝車羸馬裹糧嚙雪其間者垂二  
十年甫息足又自京師西北行八千里而遙抵  
阿爾泰山古金微今準夷界也余鞬弭弓矢而  
不知勞磨楯草檄而忘其懦儼然為國宣力之  
身非復曩時羈旅之狀亦自詫其踪跡之奇矣  
先是寓京師時平郡王好賓客屢召未赴雍

松漠草

一

正壬子秋道經奉天時王有

山陵之役乃始謁王行館中王方作書命書巨幅  
未竟忽擲筆眩瞽王知余羸疾案前時人復一  
本輒親劓之趣從者煎以飲余十指泥汙弗惜  
也余心感焉自是至京師數進見王一日謂余  
曰吾家三世為大將軍今西事未畢吾若有行  
子其偕乎余慨然曰古有長纓之請草莽臣非  
無志也居無何王果拜定邊大將軍之

命統師北路責前諾願以布衣從王許之矣繼復  
言之相國鄂公以軍府書記無私往者乃上余

名蒙

世宗憲皇帝垂詢先世嗟歎久之授內閣中書舍人以行於戲過越之

思不世之遇也偕大隊以癸丑八月戒途十一月

至軍門明年六月進屯阿爾泰山南十月回烏

良蘇泰大營又明年冬撤兵台米爾從王還

朝是行也師無震驚簡書之暇得詩三百餘首並

錄王所作近百篇移帳倉卒值野水大漲駝陷

而笥顛於背盡失之塞外山川百韻及諸長篇

不可復記所緝拾者僅三之一或謂宜補作余

松漠草

二

以過時而溯言之是強言也強言非詩也于耐

圃學士以為然爰以所存若干首叙而錄之如

左

上平郡王新拜定邊大將軍統師北路

宗賢升夙譽密勿贊訐謀特重元戎命能分

聖主憂金符新鑄字玉節遠凌秋告

廟陳齋介

臨軒錫路鉤霜初遙雁翮日尚近螭頭師吉猷增

壯邊長地盡收縱橫圖可指主客勢須籌夏草纔

肥馬春屯漸習牛真知多算勝直使負嵎愁勲烈

承三世

王曾祖以下三世為大將軍

忠勤蓋四陲行方乘歲德歸定

捷星郵一聽靈鼉曲環看介馬傳猶聞譽琳瑯曾

是愧應劉願述青城事崇祠拜費侯

大將軍費揚古討平準噶爾歸化城三和

祀之歸化城本名枯和屯譯曰青城為北征孔道

癸丑七月承以布衣蒙

恩授內閣中書舍人隨征北路感賦四韻

官重絲綸地

思深草莽臣薇香聯四世

先曾祖觀察公先王父永部公皆並仕中書先君釋褐後亦銓次中書

槁雪現三春劍佩新戎幄衣衫舊塞塵廿年羶雪

淚此際倍思親

松漠草

三

從征定邊大將軍王掌書記與諸兄弟叙

別書情四首

作賦曾容為揖客論兵更許列材臣烽區虎穴今

何地火色鳶肩古有人望去旌旗橫舊劍攜來筆

札近新綸封侯骨相知誰似觸眼秋風起塞塵

軍聲直北特秦關上相籌邊駟正還

相國西材鄂公經畧西北兩路軍事

共識

皇心憂閭寄重勞隆準出畿寰旌門始令勤謀敵

綸閣微銜亦綴班自愧無才思有報敢同拄頰向

西山

杜詩高帝子孫盡隆準



平生極塞幾驅車凍吻曾經鹽雪餘馬角永懷天  
外夢鸞光新捧日邊書廿年風木悲岐路此日江  
舟返敝廬大兄南歸封樹猶依南望淚從戎即在致身

初

從陽江接秣陵船故國分從帶水還大兄與定思弟歸江寧庭策兄歸桐城

詎有高車嬉宛洛益思弟遊南陽偶因五馬向蠻滇瑾懷弟隨陶鏡園太

遊中一時雁影淒寒陣幾處驪歌逗別筵京邑前期

遊高說高逢淮端緒亭諸兄弟皆待選京師遙氛何日靖歸年

居庸關中秋同大兄作並寄諸兄弟

堞影蒼烟鎖亂山旌旗開處月臨關光遙古塞霜

松漢草

四

同滿秋在高峰夜正閒側耳雁鴻天遠際騰身魚

鳥隊中間停驂命酒酬佳節好好清暉映佩環

過岔道鎮讀延慶州牧郭勁草去思碑

看山盡處復看碑大字丹題治績垂碑用朱書示異他碑也舊守

平生稱久故居人十載繫謳思兒童竹馬爭迎路

過客輜騶小駐時為語使君清興在重勞官職尚

能詩

招華

在張家口外三百里有城基周十里餘視積土之高以準牙城歷歷可數近北廢塔周立有碑載皇慶中加上孔子大成封號檄下諸路勒石廟學完好可讀蓋元靜安路集寧縣地而廢塔則縣學宮址也堂廡特高洋池橋柱礎尚存有石像二一侯服帶下垂劍一伯服執圭當是四配十哲之遺皆敬仆荆榛中矣碑陰列官吏姓氏外書名者又四等一鄉黨者

少玉堂縉紳嘗以詩文舉頌翰所有而贊成者一時習齋文士經生日以講承道藝者一里間疏通義以勸工者一部民修其家以供香火者余手錄存之為文以記並作古詩一首

頓轡荒山隈高原宜騁矚豐草畔周迴城隍勢隱

伏池水折西坳山形敞南陸稍看壕路平猶有細

流曲建置繫何年方廣量馬足砌礎石微呈巽甕

土半出近北立頽垣門逕它相屬樵卒指古冢斜

日豈碑蠹摩抄字半明尊聖詳紀述遙遙元郡縣

廟學髮荒麓高者堂廡基低應泮水畜唏哉俎豆

場頓覺心意肅回頭語後來騎馬入無續琢石貌

先賢皆具侯伯服佩劍兼輦珩執玉端蒲穀溲勃

松漢草

五

爾邊兒忍令汙顛仆恭承賢聖祀日星徧九域何

論一隅地賴糊興廢速所悲蟲鶴化終遠牛羊牧

碑陰姓氏繁衿袞第名目學博與農官當年煩教

育蜃氣散樓臺笳聲換敵祝推磨四百年過客碑

重讀腥風晚更來塵暗狼狐族地多野獸

歸化城

平臨朔漠控諸邊犄角雲中勢更全萬竈不驚烽

在野千夫盡闢草成田名王駝馬秋高後貴主樓

臺山翠前一笑功名誇衛霍易尋殘碣度燕然

遙看漠色開穹帳亦有光風徧里閭三晉流人依

上木廿年兵事富漁鹽山連貢道青常拱草向殘  
秋綠尚兼試問干城膺重寄可能軌轍倍清嚴化歸  
地暖九月猶雷雨草有青者

歸化城拜大將軍費襄壯公祠堂

一戰收邊日

先皇駐駕初

御衣親賜著碩畫史詳書地歷軍容盛人瞻廟貌  
如功名隆怯薛姓字拜休屠冢象祁連峻胸吞瀚  
海餘關山遺壁壘烽火又周陟眇爾軀新孽依然  
狼故墟頻年勤廟畧此日費邊儲

松漢草

六

聖主恩相倚諸公計豈踈英風懷往烈竚馬久躊  
躇

青冢

一杯秋草艷春生千古香名恨亦平舉似宮人斜  
畔土豈無顏色是傾城

大青山

歸化北三十里寒暖迥異矣

大青山外夕陽收陰壑風高凜暮秋回首孤城三  
十里一時馬上盡披裘

鼠蒿歌

駐置不無水井隔重嶺非宿所馬矢絕少有地鼠蒿  
萬墳穴口掠為燥薪可供千人之炊鼠名侏儒里行  
足前短後長性惡濕近水則無之匱吞者寒也地高寒故名

磧中鼠爬沙作穴深何許草間出入路分明穴口  
蒿封一尺盈自非飲河腹不倖太倉飽蔽風蔽雪  
兼餽糧三冬計足荒原草邊兒已免牛羊牧過客  
偏逢車馬宿俯拾須臾滿抱來水擔隔嶺炊俱熟  
暮餐得飽更朝餐相看行侶各歡顏等閒瀚海復  
天山努力休嗟行路難君不見馬通盡處鼠蒿乾

暮

山近道仍賒弓刀暮影斜有程空數上聲驛余取道軍  
臺今廢無樹與棲鴉馬嚼冰連鐵狼奔雪帶沙莫教輕一  
聽頭白是悲笳

松漢草

七

雪

白日荒荒暮黃雲黯黯深風凝寒一聚雪入夜初  
沈撥火冰連草眠沙鐵是衾旌旗呈顏色刁斗和  
孤吟幕柱埋全短弓衣重不禁駝鳴僵更起馬失  
遠猶尋亘古悲行役遙天宅至陰吞殫千載事挾  
續一時心已報單于逐休遲瀚海臨擒吳懸一旅  
險蹟動雄襟

煮雪

雪供炊代水裾影擷紛紛近幕搏荒草遙山割凍  
雲雁聲孤喙冷抵隊一餐勤舊夢倉江國梅花煮



共芬

鄴踏步兩山夾峙中亘黃沙曲曲平行宛若河身不知所極

草經昧初燒全斷沙擬河流合更分地隔一山陞  
瀚海天低萬里漲黃雲寒鴉遠沒知何去餓馬長  
嘶忍乍聞百戰匈奴迷失道令人悲憶李將軍

十一月三十日夜抵軍門

障道馳重險軍門闢大荒旌旗山並舉冰雪幕同  
光辨面戈攢火開關鑰墜霜星河寂刁斗萬里正  
蒼茫

寄懷大兄歸金陵

松漢草

八

別已憐秋晚歸應逼歲除途經九折後家創萬端  
初臘酒成先祀春花識敝廬遙知三徑好棣萼近  
樓居

寄憶三弟

京洛思歸已不任看雲復此塞垣深兵前草木風  
生野江上楓蘆葉墜林王事非關雪恨鄉書偶  
託雁鴻音祇今憶爾雙銜淚永痛當年慈母心

傳上公惠几賦謝

荒林規片木隱几客從今圖史供常儉風塵坐偶  
深未飛磨盾檄那廢據梧吟喜潤龔開室知勤拂

拭心

月中野望

轅幕無聲磧影移中天明月望生悲烽閒塵靜馬  
初去雲遠星寒雁獨遲懸度山邊千磴索遮留谷  
口萬旌旗沙分似水山橫關何處高昌覓故碑

癸丑除夕

深塵積雪帶烽烟銷盡關河幾歲年壯志悲心同  
此夜吹笳擊鼓竟何天三更酒對元戈下萬騎雲  
屯赤嶺前遮莫離情與鄉夢一燈人抱羽書眠

甲寅元旦

朔日戊寅立春三辰皆寅歲德勝於東方為兵  
占佳兆

松漢草

九

紫塞壇開第一春青陽歷紀肇三寅山迎劍佩光  
初曉風到旌旗色倍新吉頌韓碑書試筆鑪烟仗  
綵憶超晨橐衣笑釋儒冠後禮共龍沙祝雁臣禮  
次

有家古數藩王

友人寓屋懸紗燈屬作詩

室處寧餘事嘉辰亦槩遷幻來蘭炬艷逗此月華  
妍土壁懸霜影星門接戍烟夜長光正好須避枕  
戈眠

雪

山雲忽吐墨空雪已成花影亂日方午暮飄風更

斜草痕青乍歇陰地白還加起滅妖氛易胡天共一嗟

待雁

絕塞古金微春歸雁未歸一天烽火夕萬里雪霜圍已識書難寄寧關影避飛江南江岸上信有稻梁肥

望遠

啟戶朝朝雪搏沙面面風一年三月暮孤戍四山空草短遲郵騎烟寒入旅鴻鄉書足萬里望遠意先窮

松漠草

十

五日

五月五日酒研朱幾人絕塞為歡娛剗羊幕外懸皆赤擲雉沙間叫得盧鄉味到則思麥杏清陰何處泛荷蒲未離冷雨羶裘禿纔見薰風草木蘇湘水千年沈憤骨娥江此日殉貞軀何妨魂魄為雄毅亦有功名入畫圖月下吹簫空夢水風前競渡是援！高旗西日羣鴉落倦羽南天一雁孤少婦深閨緘錦字含情遠寄辟兵符

金蓮花

澤生高尺許五月開花如黃薇而色深層辨五出微香蕊萼具蓮形其含放之頃亦彷彿焉葉在葉刺之間莖中空西北塞至準夷境內皆有之拾遺記載滄洲產金蓮花如蝶形當別是一種

菡萏疑香色借金佛圖澄去塞垣深千戈復是腥風裏何處堪依不染心

芍藥花層瓣香色畧如中土東北塞艾渾卜魁諸處皆有之

釵莖髻朶宛芳叢誰種燕支山下紅應笑江南人萬里看花幾歷塞西東

媚蝶花

五月開花滿山谷深翠如馬蘭瓣如簪菊五出別又五瓣其前半瓣撮為一房緣黃深栗許五合如臘梅花含蕊如蘭其後半與巨瓣錯出花背為翠管五如蠶之股末細而內鉤如鳥爪之抱木莖細曲有如果者葉三歧如芥一莖三四花嬌翠可愛以其形之似蝶而分合有媚致平邸命名媚蝶花屬誌以詩

蘭心學綴蜂房小翠影穿疑蝶翅連譜入滕王圖畫裏也勝獨媚漠風前

松漠草

十一

示友人

頻年征戍祝刀環幾度呼韓夜叩關不為林猿窮益附即教宛馬得應閒

至尊宵旰巖廊上元宰馳驅朔漠間聞道秦中諸父老

十行詔下淚潺湲

辛亥歲宣諭陝甘吏部學習同邑左鵬使歸為言如此

寄懷瀋陽康東侯

廿年關塞路瀋水最淹留宛在伊人室都消異地愁招魂憑剪紙命酒出新筍檢爾三年字眠余百尺樓麻衣方躑躅皂帽屢沈浮永結冰羶痛空憐



馬鬣求烏啼鵲共樹驪唱續乘輶忍別今何地難  
期後重遊燕臺猶過雁楚澤未盟鷗詩和空中字  
心同物外游自慚非駿骨安問脫鷹鞵

聖代恩如海衰門暖換秋薇香叨奕葉蓮幕借前  
籌幸不霜生鬢何妨劍佩鈎寸心惟許國此意豈  
封侯已用璫裘俗須銷烽燧憂勲名傳介子詩思  
李涼州往哲期相企孤懷孰與儔故人康伯可高  
卧想林邱

寄懷潘陽艾大倫元

倫元為筆帖式屬

三陵佐

郊園犢駕訪猶曾潞水驪歌黯不勝

壬子別於通州

書寄塵

松漢草

十三

泥惟舊雨

恩恢煦日到層冰從戎不敢羞孤劍載筆還聞近  
五陵萬里相思翻少夢也知荒闊太無憑

七夕

時駐紮舒魯圖傍科布多河源大風晝夜

半規月照雙星迴萬里天從大漠橫卧鐵幾人閒  
更望驚波此夜恨難平任教馬渡羌渾去那得衣  
煩織女成夢醒鍼樓寒已近可憐砧杵玉關情

璽廬

時駐紮科布多河源

大荒西外貌行廬紉柳旆璽廣厦如青草牛羊依  
戶牖白雲鴻雁曠天除山連狡窟盤沙遠風捲寒

河嚮夜初一笑干戈兼几硯古無行路況端居

寄懷葉聖嘉

關程如織信仍稀況是天涯卧鐵衣塞障東西七  
千里可憐雁不解橫飛

幾回相見各萍蓬皂帽丹砂作寓公他日扁舟歸  
竟得西湖原在五湖東

從軍雜紀一百首

余賦述征百韻既殘佚不復記憶耳目所  
經荒漠鮮據聊復綴以小詩川嶺境俗氣  
候物產情志事實各以類附而其中時與

松漢草

十三

地仍相次焉裴矩西域之圖居誨于闐之  
記邈難觀矣企其似之亦欲使樹績西遐  
者徵諸異日耳

宗城寄重大將軍授鉞專征掃塞氛

御賜謙公勤勇字捧從金殿護彤雲

雍正十一年六月命平郡王為定遠大

將軍統師北路進剿準噶爾上親授勅印

朱筆書四字佩之

皇子諸王手玉卮軍容祖帳盛郊圻牽來

御馬端黃纓排去豐駝植繡旗

大將軍王具旌旗儀仗出京師德勝門

皇子暨諸王大臣自圓明園至清河祖餞

短衣入座酒盈觴內府珍烹任飽嘗

聖主恩無遺小弁書生榮更列前行命內大臣海堂賜隨征官校於清

軍都關外溥雲收木脫風疎氣已秋過嶺不知何

郡地行人馬上早披裘居庸關舊名軍都出關過八達嶺秋氣已寒諺云行過八達嶺皮襖加一領

礪落千尋眼怕開馬頭一線倚崔嵬奔騰水舞蛟

涎去曲折山盤龍背來宣都保安州之西山名老龍背一徑崎仄不可方軌下瞰秦河深數十丈

駕鵞泊下水分流鳴咽關門起暮愁北渡風還依

去馬南流水不送行舟張家口外百餘里兩泉起處為鵞鵝泊分流至口會入洋河

嚴程四十七軍臺漠漠風沙遠漸開壩外莫言邊

口近馬頭惟送雁飛回自張家口至烏里雅蘇泰軍營凡四十七臺十六腰站出口九十里至大壩為

松漢草 十四

第一臺壩即嶺也蒙古稱達巴罕

殘陽如水照寒沙黃葉枝頭赤菰鴉今夜客從孤

帳宿莫教風起逗鳴笳邊外鴉赤喙

一程界嶺路東西乍覺巉巖費馬蹄幾處牛羊新

隴關烏桓今亦事耕犁出口以壩嶺為界

依山穴室起炊烟接隴人耕屋上田秋至輸糧無

別役客來賣酒有餘錢自張家口至山西殺虎口沿邊千里塞民與土默特人咸業耕種北路軍糧咸取給於此內地無輓輸之勞

雲西堡上雲岡寺百尺樓頭萬佛身稽首津梁同

有願慈雲長護萬征人雲西上下兩堡在大同城西三十里上堡有雲岡寺依山鑿石為大佛三並高

五丈三尺五寸殿樓三層環山左右就石之大小鑿為種種佛相龕洞層列不可數計後魏拓跋氏建

榆柳陰高樺木稠交柯接葉亘長溝都無獵騎兼

征騎一任山雞野鹿遊近歸化城有里山高樹密中多雉鹿呦鳴雉集不驚過馬

健兒捉馬如捉羊身騎驛馬無轡韁駿尾入手雙

耳下跳踴莫去空怒張馬之未鞍者曰額爾賓跳騰不受轡勒蒙古健兒以竿索約繫其腦項捉而騎之行次拾華物就牧場大將軍馬數百圍索塔中印烙有伍巴什者捉馬馬怒立什於馬上磨身擒其雙耳服全離鞍馬前後努突項蓋下終不得脫去又一馬踰牆驚奔逐之三十里絡腦而還什是日凡羈數駿未嘗少喘息亦壯士哉

大青山下古城青冢依山一例名祇為才人多

傳會便教春草亦含情大青山在歸化城北三十里產石青歸化城舊名大青山也蒙古謂青為枯枯

過城人拜費公祠長此英風鎮月支更有六郎山

下廟三軍齊道好男兒大將軍費揚古平定策妄阿拉卜坦英風遠振歸化城立祠祀之楊廷昭廟在大青山下

土木兵連河套雄台階不正帝移宮可憐一代門

庭寇角稽今如鳥在籠今土默特即明土木世嗣告絕朝廷擇部內一人授為都統以領其衆居歸化城

征車繹繹路滔滔快馬明駝客自豪累石道旁知

有井爬沙穴口信多蒿荒漠井泉埋蒿雪中不易覓行人於道旁累石誌之野鼠名侏馬里罕後股偏長前爪甚利作穴沙中嚙蒿食穴口以蔽風雪雪深埋草又以充食蒿長尺許無一參差余作鼠蒿歌



水得清甘草亦豐馬情客意兩從容邊途此事關  
心甚略似江湖曉暮風

索笥紛陳累馬馱僕夫僵凍詎能訶沙堆影裏行  
廬晚煮雪敲冰事正多

高秋磧月影徘徊萬幕無聲一雁哀最定五更眠  
不得鐵衣傳警帶霜來

獨樹高榆數畝陰枝枝葉葉自蕭森神棲爭下行  
人拜悄託靈狐語夜深

麻尼竿子植風旗旗上經文面面吹功德直如人  
自誦旗破風吹無止時

松漠草

十六

亂石堆成嶧博高斷鞭折矢擲周遭行人有贈神  
皆喜馬鬣何妨拔一毛

山能修雨水能風信有憑依在此中袞袞征塵寧

盡洗纖纖呪石亦微通

雁影西風去不回寒鴉何事遠能來黃雲漸起清

泉少行過關程十六臺

癸丑十月六日抵此

一鳥不飛冰雪寒百蟲不憇沙草乾此是洪荒枯

後海要留萬古劫灰看

不草不木蓬蒿齊蟠沙壓雪積高低采之刺手爨

無焰駱駝飽眠馬餓嘶

易折難斯支榦殊無皮不葉以常枯沙寒水濁山

容醜畫出新樗惡木圖

松漠草

十七

誰從古洞導流泉石井丹砂口塞烟獨向幽巖摩

剝字清甘一呷已如仙

疊石臺高瀚海中邊人猶指漢時功行行七十峰

何處愁見飛沙與斷蓬

揀同晶玉任披沙小比葡萄大比瓜漢使儘教攜

滿袖却愁歸路少星槎瀚海產石如瑪瑙具五色中空隨其大小欹正治器頗可玩大道所經行人拾綴殆盡

金錢不惜買明駝龍額雞膺具相多五日猶齡三

日飲等閒瀚海幾經過駝具十二肖形鼠目牛蹄虎耳兔唇龍額蛇項馬腹羊首猴毛雞膺犬股豕腎

瀚海之水草惟駝不畏牛已復出野為駝一作同韓詩合口駝嚼如牛同駝能回嚼則不似之

一帳孤存絕漠邊披羶飫草自年年呼兒半七沾

羊酪美客長繒作馬韉余行頃瀚海中忽婦攜數人至蓋望烟知客過也問其居孤帳無隣問所有乳

羊數十間所食則指道旁草莖其質脆其味鹹冬月不枯淪而食之偶啣乳酪比之肉食給以餅果為未經見者不敢輒以入口嘗見蒙古種帳皆相就而居此或其罪謫之人乎

牧人遺火夜燒荒近暮風來地栢香何處馬通烟

松漠草

十八

更起健兒獵罷燔生麀栢糾盤高一二尺又名倒地栢蒙古名阿爾察與內地側栢無異馬食之糞

作栢味

塞草名傳得理蘇冠絲細織費工夫誰知馬到那

林路不耐環看色盡枯得理蘇草潔白光韌京師用以織涼冠一冠直數金過瀚海至那林一路產此

枯勁徧野馬不食之

百里山長似案平曾邀玉几錫嘉名

六龍行處旌旗色猶有雲霞早暮生各多里巴爾哈孫西北望鄂里爾圖有山

如案其類平衍長百餘里軍中老輩為言聖祖親征至此蒙賜名玉几山

作炭空山銀似水淘沙深井粟成金由來此地稱

多寶佛字元碑細細尋厄爾得尼招在喀爾喀王策令部內厄爾得尼寶也招乃招提省之地產金銀

故稱寶寺寺前有元至正年梵書碑文猶可辨又都踏步地濱瀚海高山巖石色光瑩同雲母石縫中片片層疊如鱗耀然映日則之成層人言鑛產鉛金此其苗芽之外見者皆在荒漠不毛之地造物之精英盛矣哉

戰雲層罩塞山低一鼓聲傳萬箭齊多少遊魂歸

不得夜聞鐘磬傍招提雍正壬子六月準噶爾寇邊至吉爾馬泰距厄爾得尼招已近虜據南山我兵

列長陣與山對分兵繞至虜後砲發半山虜陣大亂山盡處即鄂爾昆河時方也種堰水益深多墜河死索倫精兵萬箭齊發殺數千人餘皆夜遁凡臨陣有若雲霧籠罩視人面目不甚辨則為勝氣反是必敗也老於行陣者言之皆同

柵木為城阻峽中終年無雨更多風屯田方畧同

西夏端賴醜渠灌水功查克拜達里城在三十六臺地產查克木故名南阻山峽北倚推河為重鎮引鄂爾昆河屯種略似寧肅渠功不資雨澤

斷磧寒沙亦異哉草無生處木誰栽昨朝查克城

松漠草

十九

邊過多為行人送炭來燒查克木成炭擲之鏗然有聲得火即然高焰終夕埋深灰中閱日不耗評炭

之良宜無踰此者

遙指羶廬傍路岐何來水草見新移操斤琢石誰

能爾地亦呈形地所宜四十臺畢爾格圖道傍白石枚列圓下銳上不相著附凹處門形儼若羶廬行

人昏暮望之每欣然有投止之思

連屯列戍古河濱稞麥陳因燕麥新地煖霜遲今

似昔年年田鼠化為鴽綠旗兵屯種於吉爾馬泰傍近鄂爾昆河稞麥即青稞燕麥即穞麥元太祖嘗

墾種於此田鼠曰吉爾馬有曰泰月今田鼠化為鴽之屬也

黃羊之角青羊皮皮可縫裘角可觸何似當筵傾

酪酒烹將大尾飽凝脂喀爾喀羊尾獨大呼為大尾羊味勝他產



盤羊角重苦身輕何事翻教陟險行到死不消狼  
腹恨空餘嚙矢效鼯鳴盤羊喜行山顛仄徑中狼自後挽之還與狼鬪其角視水結為大而作勢常猛狼徐避去如是者數四力倦而墜狼遂食之其角為體有遠響

春草青青秋草黃獵衣一色草中藏年年獵取無

虛日數徧征人袴褶裝四十二臺察罕託輝產獵有二種馬獵大脂黃羊獵小脂白夏月蒙古人資為四食其皮為裘毛色春青秋黃與草同候性潔窟中有上下層上卧如沐而食其下更穴其傍以草禦寒

磧轉山攢我馬勞行人休倚少年豪未寒已覺天

風勁不酒能令肺氣高過推河以北冬月人多喘急益天高風勁氣不能敵耳或謂瘴毒非也

草初青處馬添程萬里軍書十日行漫道一烽連

遠塞平安火至祇空明自京師至軍營計六千餘里郵筒八日可達草青馬壯纔須七日

### 松漠草

二十

御札琅函秘六韜軍門迎拜五雲高開時珍重投

靈鑰禮罷從容解佩刀將軍大臣皆以重機鈴迎送行九拜禮軍中帶刀為儀自大將軍至士卒皆然相遇輒比試以為樂

元日風光滿旆旌軍門譙賞洽歡情高擎鹿尾兼

羊尾喜聽鴉聲似鵲聲鴉聲如鵲歸化城已然

禮重朝元集首春穹廬大可坐千人兩行宿衛分

騎士一輩名王列雁臣元旦行朝賀禮蒙古諸藩皆至禮畢班坐廬帳中命茶如儀大將軍王親兵多衛士

射鵲拋球興未闌相逢博塞亦為歡傾囊買得汾

陽酒自古沙場一醉難燒酒產汾州販自歸化城直增十倍

龍堆六月草生油羊滿山坡馬滿溝檢點紅衣磨  
箭鏃由來防夏不防秋五月草生六月羊馬得飽而肥入秋一霜盡枯矣山溝多草冬夏各有所宜史稱以公量馬謂盈溝也

眠深夜雨醒朝春何處晴雲擬夏峰怪底風來寒

撲面四山雨歇換冰封盛夏夜雨晨起則四山皆冰矣

雨欲生寒風正斜奔雷掣電勢交加龍來陰嶺真

兒戲雷電光中舞雪花暑雨變雪搖空蔽地與電光相映亦奇觀也

花開短草錦如織冰砥長河石似浮寒燠不知何

向背盆蔬六葉已迎秋盛夏野草長僅兩寸開細花具五色縱者烈日光映如石在水種蔬栽莖為盆曉移就日晚置室中經月餘具六葉而霜秋已至無復生意矣

### 松漠草

三

香脆真教沁齒牙矜看碧蒂裹瓊紗一千里外推

河水澆出炎天徑寸瓜推河種瓜蔬六月中旬王瓜長半尺都致軍中矜為奇味

不畦春雨剪荒沙未薤胡蔥許並誇空惜霜根隨

白草寧知雪候薦黃芽野韭長三四寸味同家植內地冬月窖韭生芽名黃芽韭

曾傳蔥嶺近燉煌更歷千山蔥故鄉首霜未肥春

馬力休循先健索駝裝沙蔥細於葦雞長數寸辛香可食駝嗜之而肥唐時休循部居蔥嶺下

野鹿多酸寧作脯山雞太瘦祇盈拳飽餐不離爛

羊胃一割難求生羖肩北邊無豕軍中有畜之者味亦劣

已饜朝腥與暮葷黎祁一味倍清芬多煎崖蜜蒟

園芥莫喫河魚喫水芹西人還豆為菽乳得之以款上客人人食甜與風嗜煩殊益沙磧氣燥肝波托

也河魚惟似鯽者一種味腥肉腐多食損人水芹與燕產絕似有大毒誤食之洞泄不可救肉食多賦惟芥能爽

難消腹閉魚羹飽剝可牙疳馬腦醫身病不教同

伍覺正逢敵至報恩時

喀爾喀兵之成札布河者資河魚為糧多病閉治以大黃之劑寒中腎經者兩膝黑病深則齒落血出名青腿牙疳急以酒和白馬腦食之札布河譯曰泥沙

高山易積雪邊雪濁水難敲冰上冰窟凍三冬愁

飲馬氣羶六月喜無蠅

濁水雖赤疑冰亦然而水下之水因凍而凝於冰表處復上溢而凝是為冰上水飯變清甘

籌支倉粟連肩負車載山柴衆手推日午城中烟

未起夜來井凍罷朝炊

軍中宿冬馬悉歸厥綠旗兵採薪南山數十里外推挽至城以供炊爨而售其餘甚寒井凍即無從得水近城又鮮積雪此行廬之逐水草為得地宜也

松漢草

三

隊引千駝復萬牛龍庭轉粟草初稠於今上海新

開道日夜糧城聽唱籌

察罕搜爾柵木為城駐大軍近移烏里雅蘇泰遂屯糧於此運道由上海較軍臺為近

籌兵轉餉廿年中賈客牽車百貨通復使金錢歸

內地莫言若輩盡無功

一紙官程下朔荒任騎大馬割肥羊

聖朝威德真無外不比供租與納糧

役外藩者持理藩院印票所至供羊馬如牧羊或全或半或一蹄視使者貴賤婦子露處空廬帳以居使者名為擊鷲拉即捉役之謂始於康熙年間諸藩咸願效公遂著為例

亥步山連首尾長崑崙脊毳略相當諸藩夙效馳

驅地

聖代今嬭駕馭方

張家口外九十里山名察罕拖羅該為白首六千里至軍營糧城山名察罕拖羅為白尾中間

如住魯科山為心鄂姑思奇山為肺額思格山為肝阿魯山為脊亦如句曲地肺大係地喉岐山地乳之類蓋諸藩地境起止聯如一身而行地莫如馬故以為喻也豈為柱天萬脈由起而北綿亘幽寒莫詰為背為項為脊為毛見赤龍經

玉節金符肅隊過風清大纛擁瑯玕兩行翼附千

熊兕八面旗行萬馬駝

甲寅六月大將軍王自烏里雅蘇泰進駐科布多城師行節印在前內閣學士領親軍護視駝馬頗行星旗前導王屬官吏各執其物隨纛後又一隊大將軍輜重以次文武官弁及輜重各一隊八旗兵校及馬駝輜重凡十六隊又一旗殿後以督兵重之不前者纛傍兩翼各精銳數百名以備不虞先鋒二隊行侍常在數里十數里外

黑水生兵控萬弦穿熊磴虎勢無前虜中咋舌傳

新謀獺帽將軍副定邊

索倫八圍隸黑龍江將軍即古黑水部皮為之準夷畏之見輒却走定邊右副將軍塔爾岱黑龍江新滿洲人屢破敵有威名戴獺皮小帽如索倫製準夷稱為獺帽將軍

轉戰金河寇已深裹創惟見血衣襟傷多馬蹶鳴

還起同是將軍報主心

副將軍塔爾岱嘗深入敵陣身被七創奪其馬義創復戰仆馬忽起揚首長鳴而起衝突與俱不離左右馬色正黃索倫產也塔公置棧親飼之

嚴烽別隊議分兵諸將書名各請行見說揚威新

授印一軍勇氣倍前旌

凡分兵命將先選兵如數自恭贊大臣閣學士以上名大將軍擇將既定用紅紵奉令箭下教具機宜授之以行當待命之際諸軍不知所屬諸將未悉所嚮令出一軍趨之如水之赴壑焉副將軍印惟分駐乃用之同在一營則送大將軍所其諸將印如建武揚威有名號者皆頒自內府遣發時佩之

戰馬環陳十萬匹推牛徧饗五千人就中孰是龍

駝種破敵君來看陣塵

征兵三萬配馬十二萬匹擇地分嚴委蒙古官兵牧放以時驗其肥瘠

少驚兔鹿走山前雪裹狼狐出道邊五百關東射



生手一時馬上盡樓弦

何處泉流覓草萊遙山指似暮雲開不愁雪至兼

塵至碧眼祛衣導弁來蒙古人名椎者身不滿五尺雙瞳碧色三十里外物大如羊能辨其形極寒山

川起止名目靡不修悉如所經泉伏高沙中既識其處再至雖昏夜不失塞上雪客為舒里罕與風塵起皆易迷道惟在則萬無一慮賜三品職寵以英冠軍行則從蒙古謂經典曰推讀吹

狼跳河寬五尺盈潛通海眼接濤生竭來斷磧驚

沙地耐可魚龍偏側行狼跳可過河窄故名然其深莫測土人謂通海眼車馬有覆溺者驛頃即失所在

頗靄高峰祖少天時逢冷瀑復溫泉松奇石美層

層見千里名山一脉連頗靄為喀爾喀境內名山松多泉美其最高峰曰郭託潭騰格理譯言少天也

山南溫泉數處泉有魚產黃石如琥珀蒙古名胡巴製為器物瑩透可愛頗靄綿延千里或斷或續蒙古人以其所產木石辦之或連數山或相間

松漠草

二十四

數百里皆確知某山為正脉也

山北千松青翠稠山南無草水西流移從王會圖

中看禹畫今知隘九州頗靄阿爾泰山陰盛產松榆山陽濯濯無寸木鄂爾昆河源出頗靄圖拉河源

出韓山會入厄格色楞河繞俄爾斯南界西流與結諦河合歸伯該爾湖阿爾泰山西之水皆入額爾齊思河西流空窩圖湖又萬餘里歸西海鄂爾昆寬闊也額爾齊思峽也快束如江為西北第一巨流

馬頭遙映最高峰雪積氷攢幾萬重更看雪邊雲

起處兩般白共一山濃

三十三山一脉蟠中峰特拔冠羣巒飛泉灑作平

湖水環映山山積雪寒阿爾泰山之東有三十三庫伯其中峰特出者曰汗庫伯猶言祖脉也下臨希爾

吉思湖源泉飛瀑頗著靈秀

黃塵詎墮鱗千尺綠玉猶擎角一雙行到空陰河

上望靈雲漠漠水淙淙康熙辛丑六月信勇公傳爾丹於空陰河北得龍角長六寸許短叔近根堅綠

若王奏獻之其地名盧柯素泰龍曰盧骨曰柯素茲向多龍蛻也空陰譯曰湖蒙古字為空各衣各衣本一字讀為空陰

葉不成團藕不絲湖光朶朶認瓊姿將開欲墮無

人見一樣風清月白時北布爾津河西北喀拉湖產白蓮莖柔亭亭無異中土惟瓣厚無香葉歧如茨根

似藕而無節葉當別是一種雪蓮花產雪山葉如蒲皆以其似蓮而名之耳

皮厚斑勻樺樹高叢叢檉柳復荊條弓材箭竒宜

頻採又落陰山八月鵬塞外山多樺木紉其皮為屋並可為舟容二三人與荆皮並充弓材檉柳柔而

直宜為箭葉箭羽以鵬翎為貴

紇干凍雀倦飛鳴鼠穴相依倍有情負雀乘暄矜

松漠草

二十五

乍見不知原是舅憐甥鳥鼠同穴科布多河以東偏地有之方午鼠蹲穴口鳥立鼠背蒙古人謂雀為

鼠之甥鼠名鄂克託素譯曰野鼠色黃雀名達蘭克勒譯曰長脰皆陝西渭源縣有鳥鼠同穴山鼠名歐雀名鷄

不勝綏曳不鞍騎似馬名羸種亦竒賢島深圍湖

水闊有生真可脫銜羈野蕨較家畜者稍大惟土黃一色慈母湖之南有山如椅名黑爾根西克譯曰

賢島三面臨湖中多茂草羸踞為窟出飲湖水常百十為羣有泰其駒者終不受鞍勒乘之曾不能成步

慈母湖涵百頃波窮鱗乞活事如何餘氛淨洗師

行地飲馬纔爭一窟多距布多城二日程有湖名窩克阿拉里譯曰慈母湖相傳康熙年間大軍征

策安阿拉下坦敗遺此湖居經年所部食魚為活因比之為慈母今王師駐此北流阿爾泰山尚千里天威所暨視昔為遠矣

如是山名畢赤圖度人經字用金塗一番雨洗風

磨後猶向層巖禮曼殊畢赤克圖有字之謂也山在頗靄之南石壁如削錫度人經用古梵書填以黃

金傍有畢赤圖壩四指字通整徑尺蓋元時遺蹟焉

何年成吉思皇帝琢石茲山事亦奇冠劍若為威

遠服雨風猶與濯英姿北齊書多河主薩克山麓有石人具蒙古冠服相傳為元太祖像以示遠國之願瞻仰者

頻疑月夜與霜天星斗全低毳帳前積雪難消烽

在望更於何處避愁眠喀爾喀山諸部夏晝冬夜至六十三四刻地軸已高晝影為近夜帳恒明

報恩何日斬樓蘭壯志休嗟綠髻殘冷幕相逢杯

酒後呼燈各解佩刀看

挽強上馬雪黏天十指如拖乍舉鞭

賜出名香不龜藥頓回餘煖在鞍韉廣南巴爾薩油丁香油皆能治凍瘡塗手

松漢草

三

鼻不鞍

稱身衣履正寒深驛到家書復好音喚起古來征

戰士也應同結感恩心征兵之家寄衣履通書問函重十斤以下僉旗籍姓名彙數千函驛致軍中自古未有之曠典也

古未有之曠典也

礮聲初散曉霜天陣影旋移令再宣萬馬如雲分

五色一旌映日在中堅合滿漢蒙古索倫兵大閱

八月金微雪已深奇兵飛度最高岑縱橫虜境三

千里驚散牛羊不敢尋阿爾泰山譯曰金山或云即古金微極高峻八月雪齊馬腹定邊左副將軍喀爾喀王策令遣兵七千以十一月度阿爾泰山越二千里至額爾起斯準噶爾部衆遁去

野燄烝薪座燄釭山風勃罕上旌幢弓刀一道呼

名急碎葉城邊夜受降兵過阿爾泰山準夷乞降者數百帳

唱罷陰山勅勒歌歸程騎馬復牽駝遙憐黑碇山

邊路猶是孤城阻索河科布多河在烏里雅蘇泰西北千里源河為城大兵駐此科布多箭寨也阿爾泰山東面之水皆入此河與札布韓河合由愛拉克湖伏流入於烏卜藏湖愛拉克譯曰酸乳烏卜藏譯曰寶藏索河西岸山名推忒呼為聖嶺之義語本梵經

諸藩帝胃悉邊臣藐爾西羌舊牧人善馬不知修

職貢大宛無計禦強隣準噶爾本蒙古厄魯特人元置駝馬牛羊四部分駐西北邊準其牧馬部也今外藩四十九家多元後裔準噶爾語言字畫皆同蒙古而諱言為蒙古人以此哈薩克在準噶爾之北與布魯忒連界即古大宛國其人悍驚善火槍來去倏忽準夷畏之

西上河流有斷沙蛟鯨聚沫便為家他時萬馬投

松漢草

三

鞭過更聽嘶聲向渥洼準首阻伊里河而居其河深廣須舟筏乃渡西路自巴爾庫爾軍營至其地二千六百餘里較北路為近大宛渥洼水在準夷北界或云在沙州蓋鳴沙山下沙井之誤

封狼故磧復生羆兔窟深深虎負嵎王師貸汝十

年死惡劫兇鋒自剪屠準首策妄阿拉卜坦康熙年間來犯邊敗死其子策凌襲為台吉殺其異母弟舒努達瓦策凌二子嫡子多爾際那木札兒庶長子喇麻達爾札亦相繼

紫極新綸下萬方春嘘露渥徧遐荒一烽未徹金

微戍忍見萌芽悖太陽雍正十三年七月撤兵移駐台米兒土邊備立巡哨阿爾泰山東西禁準夷游牧

畏吾兒部古纏頭烽火連城苦未休願掇葡萄隨

漢使年年瓜熟貢伊州哈密古伊吾墟唐改伊州與畏吾兒土魯番皆為回部其俗以白氍毹頭

補 30-502



為貴舊禮服故通稱纏頭自哈密西至土魯番城八百里又西約三千  
其境土庫察城阿克城凡一數處一城多至萬餘家其人分務耕作錦  
帛略如內地產絲綢葡萄無核味甚美其城民近準夷境者頗為所侵累  
聖朝寬大威恩內附循此一路至葉爾奇木為回部邊境在伊里西南準夷  
地界人復偷情食用皆資於回人哈薩克亦回屬也由兀良海可通彼北困  
強鄰西南盡失其外敵則伊里所恃之險如他罕奇等嶺亦無所用之當坐  
見困歟矣此合西兩路之全勢而言之也

大行皇帝輓詞四首 雍正十三年八月

鳳紀方重數

龍髯竟莫攀哀音聞率土

遺澤詔遙闕永念承平業何殊締造艱

憂勤十三載日昃幾曾閒

照不遺金鏡權寧假太阿

松漢草

二六

神功奠青海瑞應燭黃河鼓舞風雷捷生成雨露

多如何迴日馭虛擬魯陽戈

傳聞

大漸日猶自切邊籌赤嶺初分界烏蠻舊仰流綢

繆臨玉几付託重金甌未悵幽寒地

重輪煥九州

薄植叨

殊遇全家荷沉湔許身戎馬地遺恨鼎湖年枕甲

慙何補含毫黯莫宣

月陵松柏路翹首鬱寒烟

次土木驛見郭勁草使君過延慶感部民  
樹石興謳題壁之作即次原韻奉懷

羈情宦夢兩俱銷自寫新詩慰寂寥壁有紗籠知  
歲月人從碑字證謳謠青山白髮今何許黃葉緇  
塵且任飄萬里離懷寬入塞細侯風韻未全遙

為舍弟瑾懷作

北塞不知處滇南萬里征夢中呼忽起與子俱有  
行可憐相背飛馬知鴻雁程我際秋風初一一吹  
邊聲慙焉念此別落葉驅風萍相思輪四角相望  
晨孤星何關舊栖歸倦羽遠如迎奇情歛亥步壯

松漢草

无

觀迴滄溟重慰京洛面兼寫晨夕情鄰屋表高樹  
涼風滿前楹余癰戒近出得酒呼同傾試問點蒼  
山攜來幾障屏我遊亦有訴絕漠難為聽

又

故人麾五馬省蘭握餘馨蒙睽古何地白髮遠不  
驚風波遽失墜瘴毒無全形仲也久不樂故人恩  
可銘坦夷萬里至崎仄變所經念此意蕭索絲繡  
空爾情

麓菴上人主席平山因薦赴京養疾夕照  
寺數月矣時余至自軍中將復他往前一

日晤郭勁草知之同車往訪留連盡暮蓋  
與師別七年而離合又并此一日焉歸途  
詩以誌感遂得四韻二首

我遠能歸師下山相逢幻跡異歡顏迦陵鳥唱雲  
隨路瀚海鴻飛雪度關幸緩塵岐千里去且迴車  
作一朝閒七年世味紛何許暫得依留塵杖間

瓶鉢千山意邈如高懷觀近聖人居師赴京時迂道謁孔林

裁曇貝諸天上妙寫金絲一奏餘祇有維摩能示

疾却教何季肯餐蔬弟子龔某衣冠從學支公健興殊凡輩贈

我虬文亦異書師貽印語皆名筆

松漢草

三十

清涼山逕古蓮臺聽講聽鐘月幾回開士忽教成  
獨往尊師中洲和尚浮生未免有餘哀天童弟子傳衣重夕  
照因緣客屐來話舊一堂兼話別郭林宗對共徘徊

綺亭弟赴龍南任即扶二親柩反葬桐城  
詩以憶之

年來兄弟各鄉關獨爾羈栖籍未刪那道明珠歸  
合浦即教攻玉借他山

君恩定契天心在官卦能修子職還廿載雨風沾  
薄祿松楸血淚已難攀

我亦天涯屬鮮民暫從遠塞作歸人宮衣未脫戎  
衣重墓樹常遙隴樹春待與吹簫寬旅抱旋聞載  
鶴向江津寄書一語為君願官好依然客舊貧

題王甘泉侍御畫卷

甘泉二十年前與同學十二人分詠花果因繪所詠為一圖各手錄其詩於後者十人告歸者三未仕者二人原叙云云

憶昔驅車闕至路稽林鎮倚松花渡林巒千里輔  
膏輿韎韐叢區雜泉布分明屏翰通神京客子何  
心向成城焉知蓄眼弓刀地俟爾依人絃誦聲婦  
孺翁杖兒童舞父母吾儕來召杜伊誰碩畫獻  
彤廷吳東柱史昇寧宇百年生殖啟成規邛笮開

松漢草

三十

疆事總非不煩忍土牛羊牧畧似新豐雞犬歸經  
過我亦萍鄉客戍鼓不驚行受牒聽咄滿屬召公  
棠有願欣瞻烏府栢青箱白簡襲清風朝退蕭然  
一室中坐深夕漏章初就思入停雲句盡工停雲  
思遜丹葵願豈容回首粉榆羨金鏗玉叩萃嚶鳴  
春華秋實圖羣彥廿年中外各芬揚禮圃書園麗  
澤長餐英自飫高人味不採依然王者香秋容墨  
采紛羣族晚節非關媚幽獨五雲瑞蔭育靈根君  
家自有音聲木鴻名峻業嗣高華雨露終期萬彙  
加頌公之德非浮誇耕廬樂土籍荒遐君不見平



將大漠三秋草化作河陽一縣花

寄懷石東村盤山二首

猶厭喧多跡近村恒遊地復慕仙源曾傳此意聞  
鴻塞真見斯人住鹿門巖畔易成新井白雲中還  
長舊雞豚誰知萬里思君處轉隔盤阿翠一痕  
山好曾邀謝詠多當年巖壑意如何人琴已痛埋  
殘葉今見東溪廢遊盤山詩以霜葉題詩見寄塵鞅空知黯逝波酒命柴桑鄰  
處士山眉花參蓆匄病維摩法天西征幸未君虞老  
待我將詩到薜蘿

麓菴師卒於京邸師於余為物外交而情

松漠草

三

契深至余得以世法哭之聲長詞溢遂積

四首並寄暉公霞公兩師各一紙

相逢忽忽歎離羣別幾何時又哭君直作浮生無  
住著也愁造物太紛紜半生知己塵中淚百拜高  
踪杖外雲惠遠書同靈徹句剩遺篋笥用香熏  
清涼古寺昔頻遊每罷鐘聲為下樓師舊為清涼上侍常暇坐擊幽真鐘  
則對不面客江上梅花寒共覓山中菽葉晚相留虎溪  
惟余不別橋外三更月余每至寺盡日師常歡送半余歸路燕子磯邊片席舟送我  
長淮風雪去關心破衲伴征裘戊申師樸被同舟至寶應大雪始返  
何心客路問平臺驚嶺孤雲去不回十紙書殘飛

絮冷師在平山曾十寄書約余南歸雙林榻伴舊花開可知隋苑鐘初

度詎有瞿塘擢即迴師歿時年纔三十八辛苦頻年江上寺見

扶龍象出寒灰清涼寺災尊師中公構復之師用力居多

一代宗風叩帝都惟從夕照坐團蒲空知示疾同

摩詰最有精言付曼殊師以文譽聲名至即開闢夕照寺禪師甚相推重不以弟子畜之曼殊為世

尊友故以為喻定水潛神疑化速名山舊約覺情孤暉兄霞

弟淵源在記得中公座有吾暉靈霞外兩師並中洲大師高弟與麓公為一堂法眷者

焚詩歌為石東村作

嗟予與子吟詩癖掇拾多年作無益君詩脫手人

盡知每遲子和愁新敵石閭兄弟工選體陳石閭景元橘洲景忠

松漠草

三

放謫乃有黃松石黃松石穀君才掉臂行其間眉山一

老甘避席李眉眉山昔住盤之中幽迴萬朶青芙

蓉高情亦寄盤山跡從此新詩益倍工朝吟暮宿

東西澗惟從冷鉢分僧飯壞壁微呈蟲篆痕幻來

山鬼燈前看燈前酒罷獨高歌山空夜盡將奈何

意象之間啟窺伺虛名寧復事揣摩不有功業炳

日月復鮮浩氣流江河何事聲音出蚊蚋坐令歲

月成消磨千古文章定何似杜老恒饑李賀死冷

猿乍嘯林霞生猛虎欲動崖風起此時東村意良

喜對客焚詩客盡驚無復光英救片紙吁嗟乎東

村善為拙善為工嗒焉一笑天地空曩絕此意將  
誰同我有多篇焚不得教兒且誦伴衰翁

題吳翼堂太史靜觀圖

九州不可極寓境即吾有波遠鷗白馴葉靜蟬相  
守寂寂洞與邁聞歌識戶牖江湖近婺光茅檐宿  
牛斗于彼遠帆人蓬萊可到不褰裳往從之此意  
殊不苟信美亦云樂珠宮列蕙畝人情惜故栖那  
能不回首松竹籟高風冰雪鏡纖垢俯仰詎有待  
去住良亦偶披圖非陳迹坐我躊躇久

松漢草

三

司馬子長之述離騷稱其志潔行廉而極之明道  
德之廣崇治亂之條貫其言為甚備論者以為原  
遭亂無聊不能自已非如後世能文之士竭心力  
以供著作從事於此而韋其傳焉者也然其二十  
五篇之中情至而物芳辭繁而義苦無論後之人  
也即其弟子宋玉景差之徒為之登高望遠臨水  
送歸以自為文則可矣視原之作相去為何如耶  
劉揚諸人襲其詞而不得其意擬之反之為原詬  
病于原何損益乎惟唐杜子美以五七韻言陶鑄  
風雅得原之意其生當天寶亂離之際家國播遷  
後序

愁苦陞鬱有所感觸一見於詩其託意也深其取  
類也博其於文也直而不踈麗而不雜子長之稱  
離騷無少異焉夫是二子者遭遇特窮其心皆不  
欲以文詞自見乃其所作成一家之業如此此固  
才之過人而實其人原本自有所不可及也世之  
艱飢羸寒蒙難抵厄挫抑無告窮矣而不能文文  
矣而不能傳傳矣而不能大且遠者是豈不係其  
人耶吾師宜田先生少更患難從其先人羈栖塞  
上凡二十年斯人之奇窮自古之難處其與左徒  
之在江潭拾遺之居同谷孰難易焉而先生繫懷



君父流連友生惻然一出于忠孝作為詩歌恢奇深厚浸入于前古蓋其本原之地有大過人者不求見於文而文已傳推此意也雖奴僕命騷可也嗟夫夫古人之窮或終其身而不息而今先生已致身通顯其所遭遇前後若出兩人是天所以成先生之奇而益不可以窮達論先生矣先生家多名人祖孫父子之間淵源有自而多窮干遇今其詩具在先生刊而行之以其少作附存於後不自別異者蓋有小宛念昔先人之意焉嗟夫是不可感也耶先生集凡有名者十數種自出關至從軍

後序

二

皆自為之序光受而讀之抑塞感激泣然不知涕之流落也于是以有古窮人之說以白于先生當寓言之意若以此為論次先生之詩則淺之乎言先生已乾隆十有八年太歲在癸酉四月八日受業仁和顧光謹序

才不鉅不能發造化之微遇不韙不足彰性情之至故文章如李杜則三才萬象盡見端倪原本出風騷斯孝子忠臣並遵軌則遷流百代屈指幾人泥古者肖貌求聲誰復空諸依傍炫俗者標新領異曾何裨於興觀惟公間世而生得天者厚桐山鍾阜地兼吳楚之靈玉樹瓊芝門掩郗王之秀論家學則書詒丁顗卷至八千擅文名而賦擬陸機年纔二十胸中武庫早知萬甲能藏手底蠶叢真似五丁獨闢屬門庭之多故遂險阻以備嘗重聞侍璫雪之鄉雙踵策風沙之路間關負米馬頭生

後序

三

角以何年薄幕呼燈鼠穴乘牛之入夢身同鶴骨鍊冰雪以逾堅色映鳶肩表風塵而直上無何宗王授鉞幕府談兵朝為韋布之儒夕拜絲綸之命金微連紫塞那知墮指寒深玉帳枕琬戈祇覺酬恩氣壯師占貞吉雅歌而穆醴還陳烽報平安磨盾而班銘載作坐使櫓槍之氣淨掃遐邊歸依日月之光洊通顯籍樞機密勿家聲聯四葉薇香簡要清通人望屬一廳藤蔭不數稔而旌麾自致武緯文經以一身而水土兼資臯颺益贊惟遭逢之曠絕兼根抵以盤深故其激宕為聲詩實可陶鎔

乎品彙金元蹟古霜笳 鐵馬齊鳴燕趙歌悲漸  
筑與雍琴迭奏一覽衆山俱小烟光遙點齊州三  
秋萬弩爭開潮信初回江上題壁弔青蓮學士月  
擁蛾眉登樓招黃鵠仙人花翻玉笛魚龍夜水添  
來繞筆驚濤蘭芷春風併入盈囊碎錦蓋才多而  
善用十萬可將於淮陰亦氣盛無不宜八九真吞  
夫雲夢若夫側身天地結念君親風雨泣梁山銜  
索抱曾參之痛江湖懷魏闕寒芳縈屈子之思遭  
道兮曷歸憫予家而遑恤書傳雁蹟幾回對月  
思兄兮隔鵲原盡日看雲憶弟歷歷大雷之景依

後序

四

依采石之情仰慈蔭以靡瞻俯悲泉而忽涌推其  
友愛及爾交親葛藟思庇其本松栢貞盟於晚  
歲石曼卿蓉城已化契若平生陶淵明蓮社來遊  
情深方外酌酒橋君之墓偕遼鶴以同悲分瓢支  
遁之林指海鷗而獨笑窮達不渝其素性天彌見  
其真廼其束腹高吟心殷飢溺褰裳問渡志切澄  
清譜蠶事於卅章幽風可繪紀軍容於百首王會  
成圖此皆政學所見端遂為古今之絕調哀前後  
廿年八集壽金石以長存合祖孫三世一編信淵  
源之有自

同螢照學類蛩吟念蓬梗於當

時諳知辛苦預鉛黃於此日粗識指歸詎云餘事  
作詩人真覺斯文若元氣佐

虞帝揮弦而理益奏九功惟叙之歌從衛公削簡  
以須還裁一品會昌之序東吳後學張鳳孫拜手  
謹序

後序

五



序

吾鄉方官保恪敏公以經濟之才

聖治膏澤被萌庶功業垂信史而又秉受異姿嗣

增家學作為詩歌超軼閎肆自進於古蓋以名臣

而兼詩人之盛者也公自少即以詩名壯窮微塞

南涉江湖其詞多沉鬱慷慨固古人所云詩以窮

而工者然詩人之情詞因時而變易朝辭諫達各

有所宜豈必盡出于窮愁而後工哉

刻行世者有八集其七集皆雍正

隆以後官位轉登淳意鴻文上荅

序

天藻政事之暇亦間自揅翰吟詠而已刻者蠶詞

一小集而已自丙辰以至戊子之作別為薇香燕

香二集凡五卷藏于家今公子南耦尚書將赴閩

越督軍過江寧出以示鼎鼐竊論

國朝詩人少時奔走四方發言悲壯晚遭恩遇叙

述溫雅其體不同者莫如查他山今公詩前後分

集頗同他山其述情紀事直達曾懷自能兼包古

詩家變態亦無愧他山也然他山侍直頻年不出

禁闥公則督領畿輔遠使龍沙障決流以奠民生

籌過師以助

聖武忠惓感奮之志憂愍薦至之忱舉見詞間存  
諸續集非第如他山紀

恩揚美而已論公詩至是當以匹唐燕公曲江之

倫故曰以名臣而兼詩人者也鼎鼐家與方氏世有

姻親公與家伯父薑塢先生相知尤密於鼎鼐為丈

人行而鼎鼐昔里居公居江寧鼎鼐仕京師時公又在

保定竟不獲瞻謁階砌今南耦尚書將以公後集

付工雕板俾述為序鼎鼐不辭固陋而輒為之蓋以

攄平生仰慕之情又以發海內論詩者之意也嘉

慶己巳九月同里後學姚鼎謹序

序

述本堂詩續集目錄

薇香集

望西山作

賦得山雞舞鏡

東園芍藥應教

東園荷花應教

戊午元夕雪後

圓明園

賜宴百官觀放烟火恭紀長句

西園上巳次胡泰舒舍人韻

目錄

清明雨次韻

春盡夜

孫曉村第四小女禮致謙稱誼崇父執成

詩二首爲餉並示曉村

題張渭南舍人課耕圖

己未元夕西苑寓直

題畫犬

從相國西林鄂公視河至礪山喜晤郭勁

草使君出瑞雪圖見示即題四韻

五月十二日舟次德州時雨嚮夕入夜轉

甚枕上成詩

七夕

西園寒食次孫曉村舍人韻

孫曉村饋新篋走筆奉答

雨中桃花次韻

同沈泊村中翰過佟氏瑞園

仙源

雨後夜坐

對月同蔣希元舍人作

西苑荷花

目錄

爲姚三崧太史題畫

夜聞鶴

松安禪師自塞外負二親骸骨歸葬吳門

過京師爲之感愴賦詩

奉和相國西林鄂公勘永定河自長安城

南途中書懷元韻

東淀道中

連雨書悶

都門晤益思三弟旋送南歸有感而作

同制府高東軒先生臨以大清河宣導永



定下游將定議入

告賦呈四韻

爲李眉山題牧牛精舍圖

壽高東軒先生

奉和相國西林鄂公

內賜園蔬十種恭紀元韻

葱

韭

芥菜

白藕豆

目錄

三

紫藕豆

銀茄

水茄

南瓜

瓠子

春不老

九月八日直廬雨

題商寶意刻溪秋泛圖

癸亥元旦奉隨家宰史鐵崖先生率僚屬

詣

萬壽宮行禮

題相國高東軒先生讀書圖

癸亥元夕歸途大雪有作

喜雨詩呈家宰史鐵崖先生時攝制府篆

戴卯君廉使左遷直隸候補茲奉

命隨制府尹公經理淮徐水利賑務即留江南待

闕賦送四首

慶都謁堯母陵

定州

勘滹沱河有感兼懷大兄

目錄

四

聞蛩

客畫蘆鴈見貽感成一絕句

邦均道中望盤山憶石東溪

乘傳赴開封過圓津菴小憩有作

高郵再晤喬五慕韓

勘河至海口作

范公堤

泰州河

芒稻閘

石羊溝

藿甘園五詠

春草池

鰕菜亭

春詠樓

接葉亭

見梧軒

正月二日喜雪

恭和

御製恭謁

泰陵禮畢奉

目錄

五

呈太后便道詣五臺瞻禮曼殊易州道中得詩二

十八韻元韻

恭和

御製石門店示直隸總督那蘇圖并隨駕地方官

元韻

恭和

御製幸蓮池書院元韻

丙寅十月奉

詔攝山東巡撫啟行之次日署中報得子家兄命

名曰魯誌

恩命也成五言四首寄大兄三弟

歷山遠眺

趵突泉

珍珠泉

趙北口道中

雄縣

冬月護新栽桂

讀楊忠愍劾嚴嵩疏稿卷子題十韻

泊舟步至移興寺看桃花即事

燕香集上

目錄

六

閏七夕

食蓴羹作

于耐圃侍講將按試衢州枉過論詩竟夕

盆蘭有並蒂者成四韻

戟山書院拜劉念臺先生待漏圖遺像

曹娥廟

姚江道中

曉晴登湧翠樓

次嘉禾喬五慕韓來晤

題喬慕韓窺園圖



吳好山貽乞貓詩依韻奉答

蔣韜文爲寫貯蘭圖小照

移節畿輔同家兄舟次京口中秋之夕三

弟自金陵來赴喜而成詠

中秋泊京口憶西疇二兄阻舟瓜步

趙北口道中和邵五陽韻

曉發西淀

恭和

御製庚午二月西巡途經畿輔青疇潯潤秋麥方

萌即景示總督方觀承及其屬吏用致交勉

目錄

十

元韻

恭和

御製重幸蓮池書院

趙北口

水園恭紀長句

蒙

賜人蓀恭紀

恭和

御製閱永定河隄

賜示元韻

蒙

恩晉階太子少保

獎勵有加感愧交集恭紀四韻

三月初三日

駐蹕南苑行圍

上親射八兔分

賜扈從大臣並臣觀承恭紀

蒙

賜貢橘恭紀

庚午三月初八日

目錄

八

上親耕藉田時臣觀承扈

蹕至京師

命同京尹班侍耕所謹於終畝後帥農官耆老謝

恩觀耕臺下恭紀二十四韻

庚午九月

聖駕巡幸中州於初五日

駐蹕保定臨漪亭

行宮蒙

賜七言近體詩一章恭和

御製元韻

蒙

賜大緞東貂小荷包並

頒隨行文武各官有差恭紀四韻

九月初七日

上駐蹕定州之衆春園

親灑宸翰賜臣觀承績懋保釐四字扁額布政使

恒文按察使玉麟並蒙

賜額一曰宣風一曰慎憲恭紀六韻

衆春園射鵲蒙

賜花翎黃褂恭紀二首

目錄

九

正定城北二里許舊有旺泉乾隆十年鑿

以爲正藁水利積土成臺泉周其址上

建導醴亭郡守王楷繞臺種菊盈萬本

適於重九日奏蒙

聖駕紆轡登高仰惟

注念農功見於

詩詠泉亭靈蹟遂成不朽而泉之利亦因以常存

吏民莫不歡幸是日

駐蹕郡城

行宮

錫宴作樂

賜王大臣等佩囊有差紀

恩述事得十六韻

重九日蒙

賜內苑新棗恭紀

恭和

御製閱濬沱河隄工元韻

蒙

賜御廐青白馬恭紀

蒙

目錄

十

恩於河南

行在頒賜寧綢絨領恭紀

蒙

賜哈密瓜恭紀

恭和

駐蹕梅花亭因繪梅花小幅并題以詩

御製元韻

恭題

御製梅花小幅敬誌八韻並呈協辦大學士太宰

梁公少宰彭公少司馬劉公



御書唐臣宋璟梅花賦

命鐫石梅花亭北廊即以

御筆

賜臣觀承恭紀長律

御製墨梅一幅題詩四韻

命鐫石位於梅花亭之北廊西壁

御筆即

賜臣觀承恭紀四首

次韻圓津菴壁間舊句示藹然禪師

庚午除夕譙集次韻

目錄

士

乾隆辛未正月十三日恭逢

聖駕奉

皇太后南巡江浙臣觀承謹率屬扈

蹕至景州紀

恩即事

恭和

御製命臣加賑去歲被水諸郡縣詩以言志

書賜元韻

余在浙時嘉興蔣鈴用白描法爲寫小照

裘叔度詹事見之謂白描終難求似如

其言令武林徐鵬重作裘公爲介富陽

董學士補竹石因成四截句并柬裘董

二公

大兄三弟奉

二親安葬洪山書來告期望遠銜悲成詩四

首時辛未清明前二日

雨後過蓮池書院

題張少儀望雲圖即次元韻

題許橄亭叢香小憩圖次韻

立春之次日得雪盈尺喜而成詩

目錄

士

冬齋八詠

紅梅

蘭

松

蠟梅

水仙花

金橘

天竹

迎春花

辛未除夕再用王立亭許橄亭庚午除夕

前韻索諸同學和

燕香集下

壬申元旦再和前韻

涿州道中雪時壬申初春十日

千像寺

捕蝗次廣平宿清暉書院荷亭有作

宿田盤少林寺

元夕讌集盆蓄紅梅初放即席成四絕句

索諸同學和

送梅循齋總憲致仕南歸

目錄

三

得西疇二兄書並見懷四絕句依韻奉答

癸酉秋初力疾赴順德過圓津菴贈藹然

禪師再疊壁間前韻

謁清節廟

初落一齒

宮保望山尹公三制兩江備述輿情兼書

嘉美爲贈

賦得露似珍珠月似弓

四月既望京師保陽同時請雨閱二日甘

霖徧沛志喜四韻

聖駕東巡重謁

祖陵禮成恭紀六十韻

大兄居金陵爲尚齒之會七人樂巢二兄

寄示七月十七日藿甘園即席四絕句

效香山體依韻奉答

樂巢二兄見貺王石谷柳陰漁樂圖賦答

十二韻

波羅城九日寄懷樂巢兄

荔青軒賞菊有作

憶菊東樂巢二兄

目錄

古

送三弟之任秀水并懷錢香樹家朴山兩

先生

於永定河因隄爲屋喜其曠朗成詩

防河駐長安城公解念客夏六月大兄方

籌南歸來自保陽相聚撫時觸境悲痛

成詩

乾隆乙亥歲

萬壽聖節侍

讌熱河叨蒙

珍賜恭紀四詩同時被



賜者大學士傅公領侍衛內大臣旺公協辦大學士虞山蔣公冢宰諸城劉公少農武進

劉公

黃縹縷牙朝珠

佛手柑

荷包

紫檀如意

聖謨廣運平定準噶爾恭紀

雉卵

重陽夜雨書懷

目錄

五

距塔子溝數里有廢塔

阿壩道中遇雪書懷

酒泉送客即席示鎮道諸僚

嘉峪關登籌邊樓作

安西

戈壁

安西道中口號

哈密東城

哈密西城

白孔雀

巴里坤軍營三首

丙子元旦歸自巴里坤次南山柵口

丙子元日懷吳兩民中丞

題邠州大佛寺

長安道中四絕句

慈恩寺杏花

城南桃花

灞橋新柳

邵店玉蘭

驪山湯泉

目錄

六

洪洞謁臯陶祠

固關入直境喜雨并示井陘獲鹿二令

龍門縣

恭和

御製駐蹕景州諭直隸臬駕諸臣

晚坐得月亭小酌同少儀諸君作

飲吳中女貞酒同少儀諸君作用前韻

波羅城九日

赫山行館盆菊初放張少儀王立亭蔡鶴

汀吟咏競爽亦和一首

病中得西疇書並錄示近詩有與馬半槎  
同時卧病代東之作觸境嬰懷依韻寄  
和

漕河宿給孤寺示禪僧鑑慈

聞表叔度少宰奉使巴里坤軍城時嘉平

二日滄洲途次雪中因憶去年以是日

出嘉峪關詩以懷之

奉

命同劉繩菴吉敏齋兩少農勘津滄牧地數萬頃

悉聽民墾種將春得雪喜而成詠

目錄

七

盆梅三首

白梅

綠萼梅

紅梅

丙子除夕

丁丑元旦

酴醾盛開成二絕句

勘漳衛水溢宿圓津菴疊前韻

雨後宿苑東菴

雨過河間邑令吳山鳳來迎憶其去年任

獲鹿時余有途次喜雨詩在三月三日  
今春得澤尤早境會適合宜誌新咏  
前韻

視河舟次夜雨疊前韻

河舟書所見三疊韻

為慶雲前令甘怡題歲甘橋額四疊韻

南運河道中五疊韻

水村杏花六疊韻

舟中臨張長史草書七疊韻

買食野菜遂得多品八疊韻

目錄

友人饋滄酒九疊韻

同座客話金陵風景十疊韻

舟中咏燕子十一疊韻

次天津作十二疊韻

海河十三疊韻

銀魚十四疊韻

蛤蜊十五疊韻

孤雲寺十六疊韻

北運河道中十七疊韻

牧令承檄種柳表道村民趨事官路河隄



皆徧喜而有作十八疊韻

得三弟書十九疊韻

永定河道中二十疊韻

鳳河二十一疊韻

東西淀二十二疊韻

水稗二十三疊韻

題永定北埝館壁二十四疊韻

雨餘行館即事二十五疊韻

紫泉二十六疊韻

雞爪泉二十七疊韻

目錄

九

慈航寺為禪僧鑑慈作二十八疊韻

以疊韻詩寄陳星齋奉常索和二十九疊

韻

丁丑仲夏過圓津菴悼藹然禪師用前韻

奉使商邱五日即席分賦

遊商邱太宰西陂別業兼呈宋蘭暉先生

相州雨夕宿大生寺示德修上人

比干墓

咏梵寺凌霄花

雨中舟過天津官雲程侍御貽盆蘭賦此

為答

通州感懷

次韻舟中桂花

丁丑八月十日直沽舟中自壽作並寄南

中諸兄弟

九月八日南運河喜遇馬十三湘靈表弟

來自維揚就晤舟中余方赴古北約湘

靈先至保定署中

津門途次九日並柬湘靈

運河秋漲漕艘踰期奉

目錄

三

命赴天津經理俾速南下無虞冰阻尋又承

勅同山東鶴中丞勘九河故道宣減漕渠途次成

詩四首

次慶雲作

汶陽旅次見菊因憶古北波羅城同張少

儀諸君行館有味連亥子兩秋今仍同

作

棉花實重農功乃自昔不見賦詠因述二

百字

冬夜雨中同劉林一馬湘靈話故鄉風景

因成四韻

題宋慤庭杏花春雨圖小照

馬湘靈歲暮歸里門取道維揚詩以念之

燕香二集上

戊寅元旦乘暖至蓮花池小步

燈夕津門行館盆植牡丹白桃花盛開各

系一首

元夕次靜海水村同張少儀王立亭戴西

軒陳肇州分賦得圓字

津門燈夕賓僚吟咏競爽因憶三年所歷

目錄

三

又成四韻

西疇寫小照詩帙後索題句

題蘭陵呂宜人所畫姑母高太孺人詩意

圖寄又華賡于昆季

蘭陵惲哲長爲繪百花屏幃題四韻見意

野花作瓶供

熱河道中

五月三日喜雨王純鄉太史作詩見貽依

韻和答

即景次韻將以來日按部邊屯

上都河道中

載清堂前疊石爲小山集飲其下取石有

數卷山意足爲首句成四韻張少儀劉

林一戴西軒王行上陳肇州沈石亭愷

次桂州兩弟闕其句次亦各得一首

偶拈秋聲四題效文衡山體

蟬聲

蟋蟀聲

絡緯聲

落葉聲

目錄

三

赤城溫泉

宣化黃命可潤修城之役以除積沙爲功

城西綠壕植柳層疊數萬株風枝所蔽

沙不得入因立萬柳亭因柳川之水相

澄映爲勝蹟余以戊寅初秋至宣化樹

皆成陰臨觀可樂題十六韻以表斯亭

白磨姑

赫山行館和少儀司馬用丙子年元韻

貫衆苗

古北口道中



廣仁嶺

中關道中

戊寅中秋節署舉子信至時方侍

燕熱河

行在欣感成詩

河西營

入門

詠二番桂次張少儀韻

表弟高又華來署度歲

野人獻礪轉成八韻

目錄

三

雨後赴河間過興村有作

河間行館桂

北倉行館中秋次戴西軒元韻

聖武遠揚平定回部西陲永定大功告成恭紀

恭和

聖製二月二十七日郊勞將軍兆惠富德及諸將

士禮成紀事

卮

蹕盤山喜雨

三家店喜雨用前韻

寄巢兄南墅初成作詩索和疊韻寄答三首

東鹿傾井

長城嶺道中

古蓮花池十二詠

春午坡

萬卷樓

花南研北草堂

高芬閣

宛虹亭

目錄

三

鶴柴

慈幢精舍

藻泳樓

繹堂

寒綠軒

篇留洞

含滄亭

集歸去來詞字題程雙橋京兆南陔松菊

圖時京兆將有養母之請

再題雙橋南陔松菊圖即送其歸養

阜平道中

正月八日勘道長城嶺次梨雲館遇雪

自龍泉關上長城嶺望五臺作

攜耆兒迎

駕叨蒙

恩渥銜感成詩

泛舟蓮華池和少儀司馬韻

蓮華池紫藤盛開同賓從往觀歸而惺懣

酴醾下因出憚南田畫藤相評賞追次

張少儀司馬藤花舊韻諸君並先有作

目錄

五

臨漪亭牡丹

詠白牡丹

唐縣道中

錢東麓侍郎攝京兆勘水畿南往返連得

遇晤即事賦贈四首

東淀隄溢錢東麓侍郎攝京兆勘水至文

安即同臨視奉簡三十五韻

中秋對月

錢香樹先生入

朝與九老會招余於令子東麓秋卿邸第小飲賦

詩爲贈依韻奉酬

香樹先生題扇頭丹山雛鳳詩示耆兒依

韻答謝

香樹先生以玉琢曼倩爲耆兒佩疊前韻

致謝

盆花在幕夜燭臨窓各系一絕句

白梅

帖梗海棠

萬全行館家人寄到芍藥數枝詩以答之

次韻張少儀載清堂賞牡丹花見貽之作

目錄

五

閏月五日

賦得霜葉紅於二月花

豐臺人送牡丹除夕盛開即席成咏

安河告成恭紀用州牧黃可潤韻

寄題大名府署晚香堂

途次偶成

裘叔度少宰奉

命會勘水利以詩見投依韻奉答二首

恭和

御製上元後一日小宴廷臣元韻



恒謙齋以安西道入

覲擇甘藩赴任迂道永定河相晤賦贈二首

題張有堂少宗伯樂全圖

荔青軒百合盛開寄題二絕句

臨漳雨中即事

燕香二集下

乙酉元旦

恭題棉花圖應

制十六章

布種

目錄

灌溉

耘畦

摘尖

採棉

揀曬

收販

軋核

彈花

拘節

紡綫

三

挽經

布漿

上機

織布

練染

附進圖跋

雪夜

寄懷愛善川制軍

壽尹制軍七十

東托中丞

目錄

壽來相國八十

過文安淀隄有懷錢東麓少農

爲族子稻孫題 曾王父所遺梁硯

喜姚次功太守擢運河道兼到手書却寄

春行喜雨之作

歸來口述

題吳水雲照

淀舟即事十二首

壽錢香樹司寇八十即次其贈沈歸愚宗

伯九十詩仙謠元韻

三

勘海河回天津道中喜雨

雍正丙午金陵爲師歐弟題松下長竿圖  
茲弟來保陽復取前意爲圖索題溯次  
前韻時乾隆乙酉十月

定州衆春園觀雪浪石石失百年矣今得

自臨城土中乃復勝蹟之舊走筆示州  
牧沈廷臯誌之

自題四清圖照

自題種松圖照二十韻

丁亥元旦

目錄

无

張古漁爲畫山水大幅各題一首

走筆深州牧索其客黃琛畫

曹素功菰粟齋墨歌

鄭謙基寄到羔皮阿膠詩以答之

丁亥五日由永定下河口至天津

扈從淀津途次賦呈相國尹公四律

熱河

避暑山莊蒙

恩同

御前大臣二十人

賜宴延熏山館恭紀

相國尹公製詩爲壽次韻奉答二首  
少儀諸君疊惠佳篇再用前韻和答

古北口道中即事

上元後二日連雪志喜

次答幕僚

自易州回雪中早發

壽石寄閒七十

題葯根和尚行吟圖

瑞玉雙鴛

目錄

三

玉雙荔

玉枸櫞

和闐玉韞

古玉硯屏

山梅玉供

男維甸謹校



述本堂詩續集

桐城方觀承宜田

薇香集

望西山作

朝望山光青暮望山光紫片雨過前林塵清目爲洗不聞鐘磬音時響玉泉水

巒光延綠蔭五里十里遙苑柳多映帶山松常孤高冠蓋日有遇幽人不可招

陰壑生涼風往來吹衣裾閒雲不相待我亦勤所趨塵汗忽盈把慚愧山中癯

薇香集

賦得山鷄舞鏡

余舉鴻詞科未與試擬作此篇

廷

天邊彩暈翔朱鳥鏡裏花冠擬翠鬟

禽經首有彩毛爲山雞

自愛不須臨水立人憐忽現舞衣斑雀屏命侶情

何限蟾窟梳翎態自閒勃窣嬰姍金距健鉤輶格

澤翰音蠻依稀翮闕坊名錦

南越志山雞善闕

生長崖棲

石照顏詎藉淮南丹五色由來魏闕殿中間鷺雲

曉簇重輪側雉扇星移會弁班衮蔚細輝光莫定

臺高奩轉影猶攀霓裳度月衣爲羽洛浦銜符玉

映環用玉雞洛水銜珠事潭水鴛鴦嬉宛轉菱花鷗綬度迴

還仲將作賦才難盡崔護成詩畫一般

崔護有山雞舞石鏡

詩文采莫教徒自炫好依鳳日翥丹山

東園芍藥應教

爲艷名花直砌寬真宜浴鵲與棲鸞色深寶髻三千隊香透春衣十二闌舊藉雲根爲近侍易沾露蕊傍仙官祇今歲歲宮黃側不肯花時後牡丹

東園荷花應教

錦湜花明葉覆綃鶴洲鳬渚任香飄風軟一綠微兼浪岸引連紅不避橋太液池分天上水畫船人起月中撓瓊房數朶前溪影乍掬梁園雪未消蓮蓋僅有之

薇香集

戊午元夕雪後

圓明園

賜宴百官觀放烟火恭紀長句

朱子全書載有發州人周四會放烟

火唐仲友招喚來此以呈藝爲由又趙孟頫贈放烟火者詩云人間巧藝奪天工鍊

藥然燈清畫同是烟火之戲昉于宋至今藝人猶擅其技

輕陰雪綴蓬萊宮玉山瑤草羅房櫳微垣近夕迤

虹駕瑞氣充宇起燭龍羣公拜舞

聖人喜堯英生階陳寶宸仙韶一奏動林巒彩仗

叢輝班劍履紫榆司燿拜新華截竹攢蘆裏絳紗

蓮臺吐焰菩提座菊盞噴金處士花環照盤麟與

苞鳳仙魔列隊虬蜺控五慈真從百鍊成大毬合  
是南州貢却望崇隆萬目燈穿珠編貝自簾屏媽  
然玉女投壺罷一幅銀河挂夜星夜星炯炯噓蜃  
市滄海六鰲常照水紅蓮湧地舞波迴畫衣綵袖  
空中起起同牆進拜萬呼太平萬歲字成圖朶雲  
不散通明殿釣樂微聞導夜珠須臾光景復異狀  
掣爍金蛇走空曠寶氣霄騰劒縷痕赤城標舉霞  
千丈雄排赭壤位中央鶉畫旌旂色五方飛才擊  
礮勢始振枉矢絜弩機皆張木不摩兮石不輒飛  
廉赤標相奔發陽輝舒榮寒盡除驚雷起蟄萌俱

薇香集

三

達

宸遊布令嚮南離萬國朝正受福時單于觥獻龜  
茲舞沼魚圓鹿同馴怡佛圖澄自西方至蓮花金  
粟身前世春燈指共佛燈明經聲唄入歌聲細古蒙  
諸王與番僧號哲布尊丹巴呼圖克圖曾傳王屋  
者俱列張豹尾外番僧向夕梵誦如常瑞流烏歲政宜修火德符祈墉鑽燧周家法願頌  
豐年享大醕

西園上巳次胡泰舒舍人韻

曲水依芳淀高吟朗

玉宸新晴元巳日舊事永和人岸草遊痕淺宮花

畫漏勻良辰在休沐祓濯亦閒身

清明兩次韻

雨暗春庭曉塵清冶陌遊思鄉人上冢望遠客登  
樓淺草雒新雉殘花拂故鳩風光迴老眼何處綠  
蘋洲

春盡夜

花淡韶林鶯語稀由來此地儉春暉極知近候晴  
猶好未免關情送却歸濁酒不隨香炷盡遠鐘漸  
動曉風微故園有夢從誰惜濃柳江城絮正飛

孫曉村第四小女禮致謙稱誼崇父執成

薇香集

四

詩二首爲餉並示曉村

拜起意謙謙情文兩不嫌家人占有喜嬌女句初  
拈淑質蘭兼玉清思絮勝鹽而翁憐愛最更許老  
夫添

鳳池退食慰情良每愛明珠置座旁楚語半含京  
國諺左家新效白兒耕擎來玉鏡原姻婭話到金  
陵亦故鄉他日烏衣隣舊巷椒蘭並挹謝庭芳曉村  
有仍居白門之約

題張渭南舍人課耕圖

爲農亦多務觸眼事等閒結廬地何許腴此冰雪



顏相逢故鄉人爲畫故鄉山故鄉有茅屋位置山  
田間推窓田在望野老相追攀喬桑坐嘉蔭流水  
話潺湲晚禾青可藉早秔香倍餐陂牛下日夕林  
鳥倦知還君情秘餘慕我夢常相關青溪亦幽築  
數載別江干江田賣未贖贖無飢寒艱難計倘  
就歸路尋烟鬟龍眠宛舊逕遲爾蓬萊班

己未元夕西苑寓直

馬次周注史潘  
在田侍讀同作

雲移壁月輝春苑樹繞銀花啟

御筵出蚌珠懸瀛海上如龍火照赤城邊兩逢令  
節香添夜一聽歌聲夢欲仙勝侶分曹吟綵筆九

薇香集

五

華燈裏競新妍

題畫犬

齊人夙嗜獵終日不得獸犬劣將奈何疾耕以求

富富能致獐淖

用呂氏  
春秋語

庶足騁原囿吁哉一微物

志意殊難就誰令丈席餘如牽百里走上質非執

飽視日評非謬爲擅逐麋能顧兔不輕驟豈伊南

嶽產恒從北地購聞君行倚杖何用鷹鷂副看君

坐無羶安警門戶叩愛此雄猛姿未損緇鈴舊支

遁昔在山神駿乃在廐

從相國西林鄂公視河至碭山喜晤郭勁

草使君出瑞雪圖見示即題四韻

三年不見杳前期問訊河干作吏遲入境隴雲歌  
麥秀披圖瑞雪繪春詞一尊館驛歡重續九曲乘  
槎遇亦奇欲采風謠酬使節高名許和相公詩草勁  
有和相國題雲水書屋詩

五月十二日舟次德州時雨嚮夕入夜轉

甚枕上成詩

低雲度夕陰乍觸帆檣近迴風復枉渚塵暘非曩  
境欲雨聞微腥驗氣水鄉勝猶虞旱魃虐未授魚  
龍柄蓬背忽有聲灑然入清聽暗增理楫喧暇審

薇香集

六

林颺定濯露貺九天一夕蘇我病燈前清夜徂醒

後寒響勁爲霖信真宰太息關民命未增河水尺

已堰田苗寸憶昨歷平原行李霑新潤勝予一葦

航又食德棣輝炎役兼五旬茲邦詩再咏

暮春過  
平原有

喜雨喜雨嶽靈沛崇朝千里施未盡曉起望神臯屏翳

策遐軔

七夕

綺節艷鉞樓初欣宿雨收閒雲能讓月遠漢自橫  
秋攬袂虹垂浦吹笙鶴度嶺獨憐塵想在鄉夢託

吳舟

西園寒食次孫曉村舍人韻

踏徧晴雲溯暖流更逢鶯語弄春柔  
紫薇勝詠傳仙苑絳蠟輕烟散綺樓  
案領新香邀賜食花簪短髮笑盈頭  
江湖魏闕情何恨莫使鄉心起暮愁

孫曉村饋新簍走筆奉答

筐簍盈寸綠嘉饋掇平沙念我食方淡  
因君味更賒芹泥香滿握荻岸水新芽  
想到春江路鄉心二箸加

雨中桃花次韻

薇香集

七

武陵溪畔本無塵雨重烟低別有春  
濯錦倦時歸浣女題門濕處到詩人已愁  
酒對凝粧晚猶恐風飄入夜頻夢去秦淮  
憑問渡香添一棹水痕新

同沈泊村中翰過佟氏瑞園

雨深苔路淨病起葛衣輕几榻無餘事  
園林到晚晴野花閒自媚水鳥喚多情  
乍覺荷香近初迴荻岸橫

韋曲花常好平泉興若何綺羅如故在  
琴酒孰爭多屋老穿藤出橋危墜石過  
荒寒餘客思跡擬舊烟蘿

君家茗水上我憶古青溪對此成幽隱  
何年別故栖人生屐幾兩暇日手同攜  
試唱新詞好休令歸夢迷

仙源

仙源遙引十洲長曉日空明貝闕涼已見

恩波涵苒藻會聞香菱緝衣裳爲郎白首羞窺影  
有夢青溪黯憶鄉咫尺宮牆流度後人間原許問舟航

雨後夜坐

雨歇郊園暮窓開野色青歸雲不礙樹淺水亦涵

薇香集

八

星茶熟兼花氣詩成託灝靈涼宵秋得似的的度流螢

對月同蔣希元舍人作

月到將圓夕風生欲霽初雲光自闇闔花影已庭除  
對客忘巾幘高吟豁綺䟽最憐供一笑鐘鼓享爰居

西苑荷花

雨過池荷漾碧瀾鴛鴦鸕鶿各相歡舟邊不採花  
常早天上分流水更寬別院紫薇香近岸地隣如船仙藕玉爲盤趨晨有客真多幸朵朵瀛洲帶露



看

爲姚三崧太史題畫

蔣質甫學士茶花履軒戶曹蘭張晴嵐

侍講牡丹吳明經墨梅合繪成幅

風吹百卉競春心造物之技癢畢陳一花一命疑  
所受各出手眼相鮮新吾鄉太史發奇思膠絲續  
簇呈華春金閨碩彥玉堂暇顧吳衛陸殊常倫寶  
珠不列旌槍隊紅別與蓮苞隣蘭清梅古輟吟  
筆以意寫之尤得真午花成竹各異態倪黃合作  
矜世珍寸心大化劑深淺脂痕墨暈皆神存春華  
庶子擅芳郁洛下第一姚黃名筌稱富貴熙野逸

薇香集

九

春屏移入蓬萊雲倘共論詩審工力昭容題處應  
逡巡

夜聞鶴

鶴聲遠近不可即靜夜朗朗吹天風清籟合出珠  
樹上寂卧如聞江海中西巘閒雲恣羽翼丹崖秋  
月依房櫳明朝有意訪幽躅道逢白髮稱仙翁

松安禪師自塞外負二親骸骨歸葬吳門

過京師爲之感愴賦詩

不是遊叅學打包二親遺骨裹邊郊可憐鷺嶺松  
門路忍聽慈烏覓故巢

觸深悲涕灑遙天有恨難銷漫十年相見不叅曇  
貝義與君俱廢蓼莪篇

一度相逢一愴吟依然世網綴塵襟他時天竺邀

同步須信江河有舊心庚子晤師塞上壬子再晤都門俱贈有詩師住杭之

靈隱寺

奉和相國西林鄂公勘永定河自長安城

南途中書懷元韻

丞相停車省物情寒帷野色潤初晴環看隄影雲  
中下乍有河聲樹外行雞犬遙村分鷺粒魚龍前  
路導霓旌棠陰不改捷菑舊民氣新秧喜共生

薇香集

十

東淀道中

楊芬港下漁乘夜癘柳村邊水浸根東淀月分西

淀影南隄沙淺北隄痕

編籬面面水成村並網船歸直到門一任兒童喧

鴈鷺更無塵土浣雞豚

隄橫斷柳草含烟斜照孤村鳬鷺邊野水春生秋

易落網初收處稗成田

魚苗春水舊縱橫屋後荒田近可耕清漲易通支

港去渾流遠隔大隄行

連雨書悶

山妻解事酒常具隣友能來句共參竹檻荷塘深  
閉戶未妨梅雨住江南

都門晤益思三弟旋送南歸有感而作

頻年客計與歸心好在鵲原有和音去境翻成塵  
夢淺春宵相對酒杯深花開幕府山邊屋鶯老楊  
堤江上吟可爲倦遊知止息共看短髮不勝簪

同制府高東軒先生臨視大清河宣導永

定下游將定議入

告賦呈四韻

海門千派大河通涇渭雖分淪注同直以精誠爲

薇香集

上

保障不矜才智見神功魚龍岸導旌旗影雞犬村  
恬草木風昏墊無憂民氣樂欣隨辰告慰  
宸衷

爲李眉山題牧牛精舍圖

吾聞善養生者如牧羊視其後者而鞭之

田開之語鞭

之有不至將無彭羨愁多岐卓哉眉山翁所尚殊

異茲有牛善所牧未病渴與飢既不歌適楚國亦

不歎雉朝飛悠然游息隨所適人牛皆瘠君牛肥

君牛肥定何似真者在田畫者紙呼之不出牛云

耳

壽高東軒先生

岳牧敷元化畿封表上宸勲名並流峙福德契天  
人蒼嶽圖初見丹砂瑞已臻天中符令節甲子衍  
周旬要識躋堂盛宜聞拜酒頻前旌方叱馭高閣  
罷留賓社日追思永終身孝慕純壽日即太夫人忌日蓼莪  
歌黯黯松柏望莘莘白髮今童孺丹衷古大臣雩  
壇恭露禱部屋省周巡却蓋炎曦下乘橈濁水濱  
追隨心爲遠規畫智如神瓠子空沈璧桑乾且颺  
塵懷山應有激圻地漫無垠萬派終歸海經天合  
注辰狂瀾迴既倒舊谷濬長陲蜃氣樓臺集三角淀開

薇香集

上

河達津土人常於其處見蜃市也龍身蜿蜒陳槎浮潮欲上領沛  
勢初循頌叶如川至功垂作楫新菖蒲生九節仙  
植啓靈津

奉和相國西林鄂公

內賜園蔬十種恭紀元韻

葱

由來葵菽譜幽風十月還歌獲稻豐

御苑正垂鄣土黍新香先賜茗山葱

韭

豐根土舊剪還長雨露培多漬更香遮莫秋菘誇



並美何如

內賜得先嘗

芥菜

真嘗辛澁是秋蔬翻笑蓴羹滑不如諫果畧同餘  
味永寒齏須作隔年儲

白菰豆

莢影踈垂蔓影癯憑誰小摘佐天厨未妨日給堂  
餐儉正可分嘗暑氣蘇唐書中書園蔬日給衆官

紫菰豆

豆棚花亦燦林臯結實如花味重叨

薇香集

五

賜出上林斑筠籠擎來中使貫珠袍

銀茄茄花夜開

月含鮮蕊露斟羹柔茄宜將素簋盛一自涪州題  
句後至今人陋紫彭亨

水茄

甜勝冰瓜嫩比菰玉泉瓊圃味應殊何人一例甌  
圍看鹽豉頻煩問有無

南瓜原注俗名倭瓜蓋番南種也

夢引蠻香色綴金何如西圃貢珍珠休論遠物充  
筐美畧助窮簷得飽心

瓠子

露葉幡幡綠一圍瓠瓜星映摘靈暉曾知爲脯爲  
羹意不羨人間肉食肥

春不老

針透茸芽葉綴綸青泥洗處勝溪芹好隨舜蕙兼  
堯韭長薦辛盤歲歲春

九月八日直廬雨

秋陰傍水寒猶淺嵐氣侵衣濕未妨別院黃花初  
對酒遙山紅樹半含霜纖埃不到詩清境同舍多  
逢人故鄉惆悵平生幾兩屐滿城風雨近重陽潘用

薇香集

六

邠老句

題商寶意剡溪秋泛圖

霜輕木末水澄溪溪影山隨棹影低中有高人戴  
安道衆山響處一琴攜

石梁深處訪天台逸興山陰憶溯洄悔不當時過  
江去却從江路看潮回

青溪得似剡溪無我亦曾描歸棹圖却笑長安相  
見地雪中騎馬馬新瘡

癸亥元旦奉隨冢宰史鐵崖先生率僚屬

詣

萬壽宮行禮

春城鑰啓曙光微  
花嶼含煙曉更輝  
積雪都融民氣樂  
暖雲初近

帝郊飛履聲天上趨陪肅

宸座階前拜舞依  
回首鵷班餘舊夢  
幾回衣惹御香歸

題相國高東軒先生讀書圖

嶽峙復淵深  
炎霜不受侵  
身為霖雨潤  
復見地天心  
一室無餘事  
平生惜寸陰  
鱣堂人問字  
道氣肅孤襟

薇香集

五

癸亥元夕歸途大雪有作

纔消臘雪徧春田  
更舞空花著樹妍  
來去有心隨  
步即淺深無意散  
村烟笙歌合是忘  
寒夜燈火真成瑞  
有年記得瀛洲陳  
綵仗紛翔喜氣

聖人前  
戊午元夕雪後寓直西苑觀放烟火

喜雨詩呈冢宰史鐵崖先生時攝制府篆

層雲出谷樹迴颺  
一雨爲霖暮更朝  
天意偶教遲  
閏歲農情頓覺換  
新苗潤連尺雪春  
同瑞暗引輕雷夜  
漸遙行處郊原千  
耦色逢庚換甲徧  
謹誦  
以庚戌日范成大詩或云逢庚變或自換甲始

肅肅方壇展幣誠  
爲遭風馬佇霓旌  
封中海嶽通幽宅  
天上星辰仰玉京  
執劄纔陳迎燕舞  
鳴騶兼聽叱千聲  
飛章拜奏珠宮曉  
滿渥

皇畿慰

聖情

戴卯君廉使左遷直隸候補茲奉

命隨制府尹公經理淮徐水利賑務即留江南待

闕賦送四首

褰帷向南國舊節煥

新恩詎抱孤芳冷  
重看就日溫江湖  
思巨楫禾黍

薇香集

六

向空村定識憂勤意  
心心答

至尊

邑徙鮫鯨怒春迴鴻雁哀  
十行

詔屢下六沴氣全開  
大府周新澤仙曹集  
盛才棠

陰江路近爭認使君來  
時揀發部郎赴事淮徐

風采欽前輩心期感夙緣  
語常無忌諱閒即和詩

篇水石情同迴冰霜骨更堅  
每憐車馬地禪榻坐

茶烟  
先生時寓梵寺

絮外復風前停杯話別筵  
遙旌遲埃吏歸夢託江  
船到日鱗擎網災餘憤授田  
早知郵頌羨聲在化



鳩邊

慶都謁堯母陵

堯寓至今存巍巍母德尊祥鍾冀星野名擬漢宮  
門邑宰添陵樹鳥程進士居人采澗繁井亭千載  
下飲水合思源亭覆古井為堯母井

定州

韓魏公呂申公蘇文忠公皆以名臣知定州

澶淵役罷困強隣定武邊長屬重臣一自吞遼成  
失計重能入洛竟何人河山俯仰尋遙甸水木依  
稀託衆春片石不關人代異至今雪浪淨無塵東坡  
雪浪石今移置衆春園舊址巋然完好

薇香集

七

勘滹沱河有感兼懷大兄

康熙辛丑六月同大兄渡滹沱

值暴漲失足陷沙中備極危苦今河東北徙近城下距柳林舊渡十里矣

詎挽河東注兼愁浪北擠冶流分更合竹箭采初  
齊斷岸猶龍跡堅冰逐馬蹄不知津渡改還問柳  
林西

失墜遽深淵危舟不可牽風前舊萍梗境內此山  
川導騎遲春岸歸鴻悵遠天平生辛苦意栖息逾  
中年

聞蛩

時督賑寓固安郊寺中

短草度低蛩秋生古寺中僧歸燈細雨水落夜初

風幽訴情難盡微吟意許同露涼聽在野聲更起  
哀鴻

客畫蘆鴈見貽感成一絕句

九月寒風浪作花哀鴻幾度暮聲譁可憐回首江  
南路何處春洲荻淺芽

邦均道中望盤山憶石東溪

山近仍愁隔遠氛廿年關路若為勤數往來兩京  
至獲一珠圓忽現上方塔谷冷深埋處士雲舊鉢不  
歸東澗水冷猿能誦北山文高情磊落空餘子楓  
葉題詩獨憶君乙巳九月東溪約遊盤山不果行以楓葉題詩見寄

薇香集

八

乘傳赴開封過圓津菴小憩有作

前旌已度馬仍遲逕啟僧房茶熟時小憩情殷塵  
外夢名賢坐近壁間詩寺壁有正定梁相國春庭商邱宋太宰題句  
草樹輝禪悅古道津梁仗佛慈回首廿年風雨路  
鴻泥覓徧境全移此以辛丑七月遊大梁雨中過

高郵再晤喬五慕韓

六年離合夢行處覓金隄己未年視河相一水舟晤寶應舟次  
相及餘情手重攜竹林高屐會時雨令姪桂樹小  
山栖載酒慚孫覺王程祇暫稽文遊臺宋蘇軾孫覺秦觀王鞏同遊  
載酒論文於此

勘河至海口作

雲梯關外海雲重百里鯨鯢徒舊踪黃河入海舊在雲梯關今

東徙將百年矣勢豁兩堤因讓地流兼三瀆自朝宗蜃樓

乍近星槎晚蟹舍全依露葦濃不信蓬萊人罕到

轉教清淺礙魚龍有謂海口淤塞者蓋未親見也

范公堤

有謂堤過水道設閘則海水倒灌皆臆說也

白駒草堰復丁溪

附堤三衆水恒東潮暫西自塞

丸泥如病噎幾回誤擬范公堤

泰州河

壩南百里水平波衆港叢帆是泰河已致魚鹽依

薇香集

九

海近易輸淮泗注江多

芒稻閘

減潮河之漲入江以此閘爲近因泰河淤淺多洩則碍鹽艘故鹽官

多利其開

石砥灘牛柳卧株一痕新漲役千夫却愁又到分

司檄未許頻通召伯湖

石羊溝

鴻溝鑿處導金灣一縷潮通客往還乍喜扁舟依

荻岸今朝重見隔江山

藿甘園五詠

春草池

春草池邊春水清春池岸上羅紫荆長長短短映

花發三三兩兩見魚行魚行歡水底鳥飛集枝上

枝上鳴春風樂意常相向

鰕菜亭

東南鰕菜美何必艷蓴鱸已刈迎秋稻兼收泛水

菰心同在濠濮跡易擬江湖添種亭邊柳風綸繫

釣船

春詠樓

棣萼樓邊正好春藿甘園裏是閒身一年十二圓

時月長照看花對酒人

薇香集

十

接葉亭

接葉膠清陰茆亭亦以製不畏秋風來松桂栽近

砌

見梧軒

出入見梧子

樂府歌辭團團湛秋露手掇鳳皇毛列種

三株樹

正月二日喜雪將按部正定

氤氲瑞色啓元正

元旦微陰意遂有瑤華簫句城十

日候迎春氣淺長筵暖敵夜風輕鵲巢階亞簷枝

重牛棧村連隴路平健興飛騰恒麓近來朝真傍



玉山行

恭和

御製恭謁

泰陵禮畢奉

皇太后便道詣五臺瞻禮曼殊易州道中得詩二

十八韻元韻 丙寅九月十三日

輦路轉

橋陵鑾旌導礪勝明裡伸典肅

安節奉時乘錦甸張雲縵晴嵐映日昇

蹕清塵不起軫動谷皆應萬木紅初染長溪綠徧

微香集

三

澄瀑分南派水易水南派為瀑河關峙北崖氷在德險何

恃觀民喜不勝時豐歌介祉令協布休徵鄆杜連

青壤綯茅近碧嶒如壩詩載咏遺秉瑞堪憑拜手

蠲租

詔丙寅年免賦聽謳比戶稱直隸正賦

恩膏天並戴微綰吏無憎更荷

絲綸出為憐縲綬增時奉旨減釋直隸山西罪囚蓼蕭沾浩蕩

雷雨動輶輳野鳥皆朝鳳林鳩豈化鷹澤汪淪髓

入嵩祝聚聲騰講閱苗兼獮游循弋共冒百靈方

護野萬旅孰分層易水歌空壯金臺跡漫登郊原

一覽勝材武各呈能聲教宣時豫

宸章著日競邊雄當右輔出龍泉關山翠向高凭珠嶺

排仙髻香巖引聖燈

九重徧釐祝萬國共

歡承緬憶

巡方歲康熙四十九年還詢供奉僧重昭侯度羨再見法

輪輿佛日瞻懷擁

慈雲覆塔校

聖情敦孝履綏慶集

孫曾

微香集

三

恭和

御製石門店示直隸總督那蘇圖并隨駕地方官

元韻

皇極敷元化小臣承其流浩穰徑千里何異在庭

陬民穀數所聚本計半田疇

恩膏歲補助不啻常獲收更頒大官錢為買方春

牛慶雲民乏耕牛官為買給澤以洫遂利與舉祛其墊隘愁消

積水

王居頌屢渙大有欣逢秋銓艾聯近臂茨梁極遠

昨蚩蚩安作息焉知致此由咨儆

殿陛上來瞻阡陌頭水旱當未形心先

聖人憂蠲租沛

明詔協氣徵洪庥盈盈易水畔主伯亞旅儔

時巡閱周覽

天語屢詢謀無俾吏治雜尤防民俗偷

嚴威霽法觀口噤臣職修益勵持盈誠勿懈先事

籌司道守牧令所見及此不

宸章垂大訓金石貞研求慚汗乏寸術仰贊

至道休

恭和

薇香集

三

御製幸蓮池書院元韻 丙寅十月初九日

書聲止列舍自天降

乘輿諸生屏伏迎

鑾音過少須紆情

萬幾暇致勗三冬餘芳規宗在昔鹿洞與鸞湖無

爲乘軒鶴無爲食稻鳬冀北空羣顧周南化澤俱

一經與萬卷或通 御製詩一經苟 詎取章句徒固

不爲餽啜抑豈爲名乎濂溪衍緒澤絳帳羅紅藻

拜瞻講堂上

聖蹟標皇模李嶠 御題講堂緒式濂溪扁額 尚憶

匡衡壁亦有兒寬鋤陳詩受

賜歸

恩榮諸道殊

宸章原至教本俗聯師儒

丙寅十月奉

詔攝山東巡撫啓行之次日署中報得子家兄命

名曰魯誌

恩命也成五言四首寄大兄三弟

家人書沓至側室報兒生夜卜燈何喜朝看鏡易

明聊應慰遲暮不用試啼聲笑共賓僚語

薇香集

三

新恩急去程

假節臨東岱甘棠拜上層魯邦欽小子世德邇高

曾俎豆山同壽任城北有壽山淵源地共稱門庭慚薄植

清白勉差能先曾祖任山東兵河道僉事崇祀名宦東郡山川實爲先澤所在

得子兄尤晚伯兄來寓藩署於今年正月如孫始始

含雙駒宜北產再索是中男襁褓喜相似墮虎樂

且湛何論賢與貴藜藿老同甘小園名藿甘

繼此掌珠摩休教伯仲訛比肩隨父叔同氣認枝

柯三弟繼生男則昆季之序一如父叔告廟香應續藏書澤未磨傷

心 王父母逮事定如何



歷山遠眺

平湖風起湧輕潮城外波連城下橋高處水光如  
不隔嵒華雨點峙金焦

釣竈泉

岱陰之水伏流至歷城西南發爲此泉  
三穴上湧雪濤數尺導爲樂水爲清河

滙爲嵒山湖北達於海

七十二泉名第一河湖海與放千瀾岱陰直下雲  
根濕潮勢恒高月暈寒學士吟篇揚白雪趙文道  
人法雨散春湍泉北有呂仙祠生槎舊識城南路不改真

薇香集

二十五

同井冽看余於甲子六月奉使過歷城遊此

珍珠泉

甃池與濯纓泉合舊有濯纓亭流度撫  
署北垣滙爲明湖入小清河歸海

鑑此一亭古量從十斛多月明應吐蚌露下想傾  
荷冥海潛通穴澄湖近不波隔牆移小艇先聽濯  
纓歌

地籍東籬舊林迤北渚連珠盈漢水曲香灑桂巖  
邊浴騰雲濕方冬泉氣游魚蹙浪圓容情商茗  
梳日涉品廉泉

趙北口道中

馬頭塵盡出扁舟趙北燕南樹正秋一水蒹葭連  
數縣長橋星月界寬流村糧入甕兼魚蠟獵火遺  
矰沙鷺鷗行處霜晨淒澤鴈幾回旌轡爲遲留時有外至飢民

雄縣

遙連涿野蔽周疆俯瞰清波綴易陽橋名泊遠已添  
禾萬隴堤成合種柳千行公孫竊地稱京小汴宋  
籌邊引塹長故壘不尋林澗路扁舟還傍水雲鄉  
冬月護新栽桂

薇香集

二十六

天上若爲新雨露淮南還認舊枝柯護來葉向風  
中少記得香從月下多本性非關畏霜雪幽姿終  
是憶巖阿依稀官閣梅花好一度題詩已姓何  
讀楊忠愍劾嚴嵩疏稿卷子題十韻

焚香讀諫章展卷氣如生此日餘鶻血當時比鳳  
鳴身歸一尉遠獄借二王成危語規徐相陰謀領  
懋卿狂瀾存一柱沸鼎掉孤行恩失君絃合公精律呂  
學經傳塞帳橫公貶狄道時延紅遺編收浩劫特  
祀首神京武選郎十罪宜同罪齊名等易名朝廷  
憂小吏邊障宿殘兵沈忠愍爭邊事尚書夏廷諤  
問何官曰錦衣衛經歷沈鍊

也大臣不言故小臣言之遂罷議為併雙忠淚能  
副以効嵩十罪謫佃保安尋被害

傷萬古情

泊舟步至移興寺看桃花即事

短棹輕波信所如偶尋花好到精廬團蒲座上香  
同細古柏叢中態有餘咫尺便為楊柳岸高低不  
辨武陵漁滄洲亭外黃龍船朵朵紅雲度綺疏  
有捷地滅河應備臨視其地建小亭植桃花  
甚盛

薇香集

三

述本堂詩續集

荆城方觀承宜田

燕香集上

閏七夕

去閨心情感別離李義山詩願去重逢今記閨為  
期微憐玉露添淒冷稍覺銀河有改移未泛星槎  
潮八月已聞緱嶺鶴多時老耽佳節邀常在不為  
頻頻乞巧絲

食蓴羹作

漫誇玉膳復金盞鹽豉從教細品題筍碗澁多偏

燕香集上

一

愛滑蓮房粉墜不沾泥何人舊憶秋風裏有客初  
嘗越水西一笑江湖歸七筋松鱸名與季鷹齊

于耐圃侍講將按試衢州枉過論詩竟夕

啜茗逢花下論詩到夜分珠泉香得似丙寅歷下

泉石鼎句重聞為言方與梁階平東海宜寧幟漁王

洋南施亦張軍施愚山與宋荔裳齊兼葭有遺詠

回望邈江雲荔裳題燕子磯僧寺五言四首最愛

未收集內

盆蘭有並蒂者成四韻

燈下輝繁蕊庭前瑞曉風應添幽獨夢合是素心



同謝女邀芳佩湘娥倚舊叢好攜清露外香夢夜初融

戢山書院拜劉念臺先生待漏圖遺像書

即先生證人社舊址

執簡衣冠古憂時涕淚長江湖身屢黜鄒魯道重光舊宅山同仰遺編穴可藏春風吹短戟采薦有餘香

吾家舊驄馬風義重平生家少廷尉仁植公爲卿史時巡按兩浙與先生訂交講學願識宗傳意如欣私淑情山河遙問社甚相推重

弟子盡知名蘭芷荒岡外重聞絃誦聲紹興守新其祠位以

燕香集上

二

從遊殉節二十二人從祀

曹娥廟

握登山外舜江沱千載崇祠拜孝娥潮正高時翔鶴鷺衣當沉處走蛟鼉珠宮夜濕鮫人淚芷岸朝淒楚客歌薦罷青蘋摩薛壁靈碑漢晉兩無訛

姚江道中

一水界雙城千舟破長練舟去江海深城開里巷見

環山海勢長倚棹江雲黑風起動層波非關暮潮急

曉晴登湧翠樓重陽後二日

數起看雲夜漸闌疎星河漢有無間過旬冷雨如兼夢啓戶朝暾忽照顏獲稻聲中爭饅餉插花樓上當躋攀重陽有約端須補幾處遊人半在山

次嘉禾喬五慕韓來晤

相思阻淮海相望忽江湖兩驛帆初見星槎雲不孤論詩依靜夜問俗媿前途坐對掀髯久烟波跡未殊

題喬慕韓窺園圖

古來窮經幾皓首足不窺園事亦偶廊階草木羅

燕香集上

三

清妍園在寧爲廣川有相逢一笑快披帷書畫船從罨畫移南尋禹穴渡江去此髯襟懷不易窺時慕韓有越東之行

吳好山貽乞貓詩依韻奉答

攜得銜蟬比玉猊錦茵乍觸雪紛披已憑託重書藏處更覺功高睡穩時

不藏蚤虱不沾埃卧近闌花午正開消得涪翁詩句好那須更費裹鹽來

蔣韜文爲寫貯蘭圖小照

林塘揭清境水竹各盈畝叢翠列高陰幅瀲離纖

垢新涼氣候佳息影慙所有繫昔輞川翁滋蘭稱  
勝友采根青山谷貯花黃磁斗歌湖竹館間幽事  
相授受白描李公麟舐筆愛忘醜苑彼梧筠姿澤  
我毛髮壽清簞展小童寬衫便衰叟製葛襖為蔽  
衣始於  
暢春園為非關牀印跌未忘書在手風生晚靜初  
避暑之服  
露下香移候鳳實與鳳棲輝覽豈近牖微芬夙有  
託同心若為偶歸來羅含宅坐對芳階久

乾隆己巳移節畿輔同家兄舟次京口中

秋之夕三弟自金陵來赴喜而成詠

千舟水與暮潮連潮過舟輕荻岸邊北固山高帆

燕香集上

四

盡下大江風定月初圓徘徊鴈影因求侶安穩驪  
珠正抱眠桂檝星槎人近遠都來佳節在尊前  
一水移旌歷舊鄉縣官負弩愧何當

君恩祖德天同大弟勸兄酬夜正長巖畔宅歌新  
桂月中人舞舊霓裳鐘聲兩岸霜微度大被今  
宵未覺涼

中秋泊京口憶西疇二兄阻舟瓜步

手攜詩卷過江來烟雨樓邊棹並迴一縷歌聲盈  
水際百年襟抱少塵埃廣陵此夕濤應大瓜步前  
途牕未開明月波光如不隔却教兩地憶銜杯

趙北口道中和邵五陽韻

一水淀東西重來路不迷禽魚依短棹烟火罩長  
隄遵渚占鴻漸騰驤憶馬嘶環瞻

行殿外常覺瑞雲低戊辰二月  
行圍承以布政使奉役

曉發西淀

晨風吹遠水匝霧復縈霜樹著花繁白隄橫葦乍  
黃村疑孤嶼現鳥避眾帆張為識鱗宮近新添珠

貝光

恭和

御製庚午二月西巡途經畿輔青疇潯潤秋麥方

燕香集上

五

萌即景示總督方觀承及其屬吏用致交勉

元韻庚午二月初七日

塵清芳野雨先滋麥隴青多

駐輦時

帝澤乘春歡近甸民風述職愧攸司

宸章下照晴雲滿雨雪沾徧之  
後欣值連晴宮樂微傳畫漏移

共沐

恩稠歌歲稔二月六日  
賜宴作樂丞倅牧令皆與駐蹕保定敢忘交儆

勗惟寅

恭和



御製重幸蓮池書院元韻 二月二十三日

菁莪澤蔭

翠華邊一脈濂溪水注蓮講席叨榮欽乃聖

宸章作訓寶惟賢芳辰日麗花迎幄化雨春深藻

潤泉自愧來旬兼秉節

虞巡恩渥紀頻年

趙北口

水圍恭紀長句

庚午二月二十四日發權端村二十六日至趙北口行宮

大隄如墻澤深塹十二長虹夾青甸西瀝東澗天

所營趙北燕南地誰判叶排引清濁涵日月派別

燕香集上

六

淳濡陂郡縣敬憶

仁皇水獵年塗黃為習舟師便穿雄掠霸走魚龍

噴雷啓蟄冰開堰

水圍常在驚蟄節後篙師紀獵日有程二

十五淀程西淀

東西兩淀以趙北口為界 增火須盈十朝獲髓

翠自足千夫膳叢蒲攢蔣託靈滋坻沼畦瀛添結

撰至今綠宇摹穹碑猶有形雲護

行殿畿民望

幸三十載

時巡法

祖昭乾健香臺界嶺劇清寒

五臺山 回首

鑾轡下天半叶直教平地湧方壺為愛晴波開淨

練珠宮貝闕葺仙居環望檣烏迴幕燕憶循水牒

溯輕舸每訝沮洳久形變西觀承為監司時循視東

數倍逢秋滌藪岸梢蘆截港箴泥人種澱千靈護

野海童來遂使崑噓愜游行翔舸天上擁鯨鼉快

槳風前排驚鴈叶晨曦照浦宿霧揭

黃蓋一川光滿徧旗門兩兩乍若失畢具團團互

相援令嚴圍合波不驚詫避潛鱗鳥目眩鷄鷺鷄

鷗鷁駕鳬不計其數百千萬誰其驅之四面至明

為水鳥當去之候是日觀承率鎮道等乘舟圍後則見風翔雲集當圍船上布滿空際若有致之者

燕香集上

七

淀村老

民咸驚嘆謂向於河伯陽侯相後先遠舟聖祖時問亦見之

如鳥鳥蔽舟黑雲盤空波激灩風頽氣急散復合

高墜礮光低帶箭衛士無聲但催舫

御衣不罪飛流濺潮騰衆馬步止齊機捷長龍左

右旋

皇情暢矣

命收禽

五字詩成呼筆硯

御製白洋淀水圍詩有五字適因成之句是日

御火鎗獲五十餘禽矢獲二 水村漁父跼頌彬

神武三朝歡再見虞旌繼發

詔減園卵育春深網開面白洋三宿權蓮花白洋定在

更尋禹畫

勤猷念自趙北口登陸臨視永定河工騶虞化合玉呈圖象漢屏

畿永清宴

蒙

賜人後恭紀 二月二十六日

邃谷傳仙種重縑啟

御封黃金難比貴白髮易為容液注盈盈水香生

細細草空知扶質朽何以報

燕香集上

八

恩濃

恭和

御製閱永定河隄

賜示元韻 二月二十九日

渾流古無定不治本無事自來兩長隄永定矗碑

字乍覺河患失為檢農田貴設官重修防牘壩椿

埽備莽濬六十年改導亦因勢尾間藉淀廣壅沙

漸失利勝芳與三角俱淀名蓄眼久平地趨下下增

高葉淀淀之次且復籌歲修何由冀長治故道屢

議復利杳害先至相望七百村莫讓盈丈渠叶當

其夏濤險心驚撮土潰但有崇捷菑焉能惜錢貲  
叶豁壩俾傍洩汎至得屢試頻年獲安瀾收效尚  
在是叶臣職惴惴司初至審利弊近甸厓  
疇咨了此殊不易

巡觀如舊歷一一別宜忌詎可鹵莽為深惟今昔  
異頻申陞築戒須省淪注義緬彼六工下地濶宜  
為計拓使波流寬行任泥淤寄數十百里中  
頓轡勤

指示稍存兩隄舊無拘故道議淀近沙不入海遠  
水終致拜手

燕香集上

九

謨訓垂

宸章繹精意

蒙

恩晉階太子少保

獎勵有加感愧交集恭紀四韻 三月初二日

丹誥酬庸典青宮論道臣

恩慚資叙淺

褒重弼諧均與大學士等同被寵命極北依光近周南頌

化淳宮綸傳閣報

花樹及華春



三月初三日

駐蹕南苑行圍

上親射八兔分

賜扈從大臣並臣觀承恭紀

抵熊檻虎電驤過

行苑班禽兔淺莎脯並蒼麟脍勝雉

賜從

親射飲

恩多

蒙

燕香集上

十

賜貢橘恭紀

賜捧金盤色並黃盈盈珠顆蘊瓊漿

御筵似摘三春蒂楚客空珍九月霜豔比傳柑燈

向夜渴初消酒袖添香却思昨歲衢江上親揀勻

圓入貢筐

浙江衢橘充貢

庚午三月初八日

上親耕藉田時臣觀承扈

蹕至京師

命同京尹班侍耕所謹於終畝後帥農官耆老謝

恩觀耕臺下恭紀二十四韻

協氣初凝吉

皇心夙告虔月周天轉

蹕西巡於二月初三日啟日馭

帝臨田祗事原無踰彛謨永不愆

澤敷休助徧功飭播勤先蠲潔壇青玉崇隆幄翠

旂霄衢光杳靄閭闔勢高連問夜羣趨仗覲星亦

傍躔鏗音

鑾輅近秩序虞鐘懸饗醴芬

王社更衣肅

御阡長繒聯羣歷廣昨廓榜延景淡風微度塗平

燕香集上

十

土半堅司農陳黛耜京尹進絲鞭器審金根載班

隨

玉趾旋農歌春歷歷社鼓曉聞聞未問公卿貴還

嗟保介賢

三推豈但已千耦亦何便樹色

升臺際禽聲布穀邊泉香循壤脉雲物煥穹圓聞

道並雙穗

親承几百籩明染歆玉薦多稼瑞瑤編勞酒

恩添渥吹豳樂共宣環沾甸徒葦齊拜

聖人前教思昭侯度欣心滿國厘風行九州牧頌

洽屢豐年

庚午九月

聖駕巡幸中州於初五日

駐蹕保定臨濟亭

行宮蒙

賜七言近體詩一章恭和

御製元韻

就日情欣載獲時

清光省覽普無私田家喜見渟汙退

聖主恩如湛露斯

燕香集上

士

詔發廩儲恒早計災賑需米節奉  
旨裁漕二十萬石

諭歌聞巷

陌少調饑

宸章字字關民隱敢使旬宣曠職司

蒙

賜大緞東貂小荷包並

頒隨行文武各官有差恭紀四韻

堆疊雲霞近闕牆聽呼名

賜倍輝光紅文錦束黃封重紫色貂穿綵綫長

聖主恩元周頂踵小臣心已却風霜更添榮處聲

纓外袋比緋魚纈佩囊

九月初七日

上駐蹕定州之衆春園

親灑宸翰賜臣觀承績懋保釐四字扁額布政使

恒文按察使玉麟並蒙

賜額一曰宣風一曰慎憲恭紀六韻

四字昭穹象光應冠九州

天褒勵後起臣職愧前修墨灑春園潤朱勺

寶篆浮旌庭瞻肅穆璇宇稱雕鏤

有訓欽成烈無私奉

豫遊宣風與慎憲勉共

燕香集上

士

主恩酬

衆春園射鵲蒙

賜花翎黃褂恭紀二首

光飄片羽五雲端拜

賜春園翼

翠鑾畧似騏文君子弁由來貂珥侍中冠風前短

髮羞難稱仗外新纓覺改觀咫尺畿封勤岳覲

高恩許並近臣看

賜衣天上被

恩光中使擎來色嫩黃故事勲親稱



異數新班侍從列前行迴環自映旌旗隊趨走還  
宜袴褶裝歸去朝衫重檢點添輝金紫佐  
垂裳

正定城北二里許舊有旺泉乾隆十年鑿  
以爲正藁水利積土成臺泉周其址上建  
導醴亭郡守王楷繞臺種菊盈萬本適於  
重九日奏蒙

聖駕紆轡登高仰惟

注念農功見於

詩詠泉亭靈蹟遂成不朽而泉之利亦因以常存

燕香集上

古

吏民莫不歡幸是日

駐蹕郡城

行宮

錫宴作樂

賜王大臣等佩囊有差紀

恩述事得十六韻

旂蓋轉風輕秋高

蹕更清一泓依路淨九日愛花晴亭外新泉水恒  
陽古郡城臺高猶隱樹菊晚漸舒英拾級層層豔  
凭流朶朶明

翠臨天遠霽黃蘗野周盈草木光  
宸詠山河愜

聖情南移渾不溢西望嶽如迎恒山地劃遼隣界闕

連宋故京慈雲常覆塔法雨正飛薨傑閣今仍麗

龍興寺宋時重建康熙年間改爲隆興

離宮舊所營在隆興寺西真香彌梵嶺正定距五臺山爲近令節

集仙瀛許聽鈞天奏頻宣外吏名題糕芬玉琢調

濯飫金烹更

錫萸雙佩同叨秩上卿秩一品者得賜二枚維南歡獻

壽嵩麓效先聲

燕香集上

五

重九日蒙

賜內苑新棗恭紀

貢合函風候靈園味不移捧函朝摘地

渥賜晚筵時絳佩香同握是日拜賜絳囊丹心茹自知一

嘗欣再拜真欲壽安期

恭和

御製閱渾沱河隄工元韻九月十二日

今年渾水發其勢亦及城水退沙突高顧乃與岸  
平近水二村落耒耜來爭耕耕處昔洪濤  
翠輦遠曾經崇樅

示宜立指顧成定寧津吏相告慶河伯效其誠湍  
流漸南徙萬戶同欣生仰惟

天子聖惟

聖又多能紛紛五壩列亦竭螳臂曾拜手頌

訐謨

重臨紀蹟成臣職司川涂淪導少所更永定侍

提命慮水與隄爭

禹貢無隄字水由地中行

二句即定河詩

御製閔永

睿製垂千古要順就下情畿封六百里會滏恬清

聲滏沱至衡水與滏水合

燕香集上

六

蒙

賜御廐青白馬恭紀

寵並羣公

賜恩隨

六御行踏雲青有色照夜白兼名細字牌年齒諸

藩貢漠城從今無剩力期爾有同情

項牌並記貢馬藩王名

蒙

恩於河南

行在頒賜寧綢絨領恭紀

蹕翠頻邀

賜錦榮更傳嘉織貢南瀛長途篋裏

恩尤渥故國桑絲眼倍明細疊雲痕來少室頓忘

霜冷在秋城衣塵欲拂清漳路幾許晞身就日情

時方赴彰德迎

鑒

蒙

賜哈密瓜恭紀

靈瓜束載自崆峒屬國安西路盡通到日爲經霜

更綠剖時真比玉生紅當筵

賜出中締貴行路珍將袍袖籠石蜜遜甘梨遜爽

思消渴吻露盤中

燕香集上

七

恭和

御製駐蹕梅花亭因繪梅花小幅并題以詩元韻

四韻

御寫綠萼梅幅額書梅花賦題詩命協辦大學士臣梁詩正吏部

侍郎臣彭啟豐兵部侍郎臣劉綸臣方觀

承和進即各親書幅末時庚午十月十

九日也

攬勝探梅企昔賢圖成欲認古驪仙寒香乍覺花

迎樹澹影疑窺月照川

題處迴廊常映雪移來孤墅亦生烟芳亭

翠幄簪毫近許綴微吟讀

睿編



恭題

御製梅花小幅敬誌八韻並呈協辦大學士太宰

梁公少宰彭公少司馬劉公

讀罷東川賦梅花香古亭

皇情欣攬几幽意艷

題屏綠萼圖仙本瑤箋出藏經梅幅用藏金紙長一尺五寸寬九寸

許捧來紛蕊雪懸處對山青

詩帶風華寫御製詩風華爾許在詩編歌賡夕漏聽是日聞命

和詩已漏下二鼓調羹依玉案珥筆侶

彤庭詎有塵能洗真教字共馨登瀛齊

燕香集上

大

渥遇攄藻近芳型

御書唐臣宋璟梅花賦

命鐫石梅花亭北廊即以

御筆

賜臣觀承恭紀長律十月二十日

當時北地尋寒蕊何處東川問故廬一賦能傳冰

玉艷千秋重煥

日星書心同鐵石評論舊讀向瓊瑤刻畫餘

愛樹思人良有以御跋云古人云思其人并

矣粘香繪雪定何如於他日奉使之便繞梅花賦

石畫梅龍銜幅墨朝光展鶴步階苔夜影踈仙筆

正推鄒大理詩吟何遜幾躊躇

御製墨梅一幅題詩四韻

命鐫石位於梅花亭之北廊西壁

御筆即

賜臣觀承恭紀四首十月二十一日

亭依

輦路樹臨流為有梅花地更幽不斷

御香來几上併和新雪綴枝頭

庚嶺香生十月時迎寒真見雪參差依稀

燕香集上

尤

翠罕春風路鄧尉山邊第一枝

月中借斧修冰蕊石上移根映玉柯合是亭廊有

雲護夜來添聽鶴聲多

南枝春導渡江舟一卷香從萬蕊收繞屋更添三

十樹

天葩常捧最高樓

次韻圓津菴壁間舊句示藹然禪師

重來已是七年遲申子三月奉使大梁過此更憶孤踪問路時

在康熙壬寅七月豈為勞人多佞佛因尋古寺又成詩秋

花近砌憐幽寂法雨垂空仰慧慈時秋田望雨老病漸

增造與官看君一榻未曾移

庚午除夕讌集次韻

華燈燠館酒初傳福斂

宸章照四筵歲亦多情當此夕案無餘事到羣賢

畫成客憶蒼巖格楊煥章為詩好人來秀水船邑

秀水寧張裕度歲更有長康勞顧盼欲將衰醜澤新年

錢塘徐甲仙是夕來

頻年黍谷記筵開保陽凡七南越東瀛有去來丙寅

在歷城戊白髮已添坡老詠坡翁詩白髮蒼顏五

其北門猶愧冠公才庭前瑞影初凝雪江上歸心

燕香集上

三十

不問梅拜手逢春欣待輦起看列宿正環台恭逢

聖駕南巡於新正啓鑒

乾隆辛未正月十三日恭逢

聖駕奉

皇太后南巡江浙臣觀承謹率屬扈

蹕至景州紀

恩即事

時巡舊典法

仁皇

親導

慈輿愛日長裡

帝觀民同有事

冕端壇幄饗康莊是日祭祈穀壇禮畢啓鑒

傳餐列伎宴諸王臺省班兼扈從行入座單于驚

獨異尚看左耳綴珠璫是日諸王九卿及朝正外

子來賜宴放烟火有準噶爾頭人薩拉爾者新挈妻

衆星拱月連千炬五老觀圖共一燈猶憶十年前

得見西園火樹艷層層合子燈有拱月觀圖諸名

內廷得觀圓明園西廠烟火之盛

無風不夜月中天寶饌金枝敞

燕香集上

三十

御筵于薦歌憐聯袂舞齊聲都唱太平年十五日

蹕新城縣之五里舖放合子燈并陳雜伎

夜半魚龍關合圍火珠旋轉劇光輝須臾電掣雷

砰處真有千鱗破凍飛

連天岸火射流烏遍水舟燈照渚鳧趙北燕南傳

盛事冰嬉火戲並成圖御製趙北口觀燈火

一燈千燈忽自明小爆大爆何多聲應谷雷琅洽

豫動乘陽甲圻催春生

日華舊館宛池臺何處挂桐覓古苔從此春風崇

禁藥真看紅杏倚雲栽十五日行宮爲河間獻王



日華館舊址產杏味美

看人如堵火如林未放笙歌入夜深

轉憶貧家一盞對燈火聯句從知後樂

聖人心烟火諸戲至初更即罷

傳柑拜

賜袖初歸一餌瓊丸便不饑元宵更有盤擎雙鹿

尾麝同香襲新同肥

歡聲夾道自村村許近

龍光識

帝恩四十年來黃髮老拜瞻

燕香集上

五

聖祖拜

文孫有旨所至聽士民瞻仰有司不得呵阻

省耕省斂復何憂歲歲畿封仰

豫遊有

詔蠲租三百萬陽春先已遍南州時奉江蘇積欠二百

二十八萬安徽積欠三十萬又特蠲浙省本

年正賦三十萬兩

帳殿初升造

膝時問問疾苦屢

疇咨頒金發粟

詩言志國本民天

訓在斯御製五言古體詩一章題云命

來往燕吳

御路長休論雪色助梅芳春田已遍瓊膏潤

宸詠先傳餅餌香二十二日自景州啓庚午二月

餅餌香之句御製五臺山東境途次大雪回鑒至保陽詩有夢色先傳

恭和

御製命臣加賑去歲被水諸郡縣詩以言志

書賜元韻

春原蕃庶草日煦新雨滋蒼黎託日甸如草恒春

燕香集上

五

時

時巡渥休助意足相怡熙偶遭水數縣寧遺歎一

隅津霸固已阨瀛莫良可支

詔下急加賑挽漕無後期春蟲凍猶蟄民疲奚能

為

仁天形歌詠不啻聞

嗟咨

謂臣牧民職往哉慎乃司譬彼嬰兒啼啼飢將告

誰

聖訓聆多要於此尤孜孜

余在浙時嘉興蔣鈴用白描法爲寫小照

裘叔度詹事見之謂白描終難求似如其

言今武林徐鵬重作裘公爲介富陽董學

士補竹石因成四截句并柬裘董二公

玉堂不到少仙姿泉石相邀亦後期任爾淺深濃

淡筆於今無復畫蛾眉

白髮蒼顏五十三

用東坡句

圖中老態我猶堪因逢新

歲頻看鏡疑是春風酒面酣

圖作於辛未新春余年五十四矣

梧竹清陰夏簟寒水邊風外貯谿蘭富春山接蓬

瀛路佳景纔分幾筆看

燕香集上

西

不爲耽幽水竹深稍移清氣在園林書呈舊本香

新蕊此際知君有會心

大兄三弟奉

二親安葬洪山書來告期望遠銜悲成詩四

首時辛未清明前二日

兒老親初葬書遙緒萬端山形歸去夢土色寄

來看薄斂追思久靈輜再見難心傷兼悔及江

路白雲漫

憶自成童日都爲多難時遠懷繫遊子永痛失歸

期執紼開重漠尋巢越舊枝廿年銜土願表墓尚

無碑

展盛新宮秩叨榮舊

賜金

承爲直藩時蒙先人葬事

恩榮所及感銜世世賜白金五百兩待營葬

逢當年霽下定用午時陰際適晴

恩賁九原深一日生無養終天痛在心顯揚竟何

補孝哺睭微禽

不葬原無仕

第三弟

含情獨守邱

大兄

恩增兄弟重疚積

子臣羞春草星塘路

洪山與星塘祖塋相近

高源皖水流他

時寒食淚一一灑松楸

雨後過蓮池書院

燕香集上

五

艇泛荷香外泉通雨過初池塘向清曉帶履愜寬

舒迂徑因迎鶴忘筌更放魚山公無暇醉童冠且

相於

題張少儀望雲圖即次元韻

白雲渺何許望遠動孤吟不夢鄉關路增淒遊子

心官移畿地重教格旬蠻深

尊人主貴陽書院

圖畫看萊

絲何曾塵瘴侵

曾隨邊馬隊忍聽夜烏吟老我盈襟淚憐君捧檄

心家承萬石舊名上九重深

當道文章爲誦蘭咳

近無憂年髻侵

時少儀迎養北上



題許橄亭叢香小憩圖次韻

桂芳山之幽家近淮南路天風向攀折吳剛斧未  
鑄不結車旗光為憐羽衣素明月照連叢秋颼吹  
宿霧圖中巖石姿豈待招乃赴金粟影前身鼻觀  
香今悟小住亦為佳無俾猿鶴妬

立春之次日得雪盈尺喜而成詩

春風噓崇朝春雪瑞盈尺灑乘春氣柔霑勝冬候  
積簷際綴冰花依然呈六出叶農祥晨在東寒景  
月生霸萬井淨纖塵六沴消遺孽為憶農家歡開  
門望隴麥意存餅餌香尊餘歲酒熱去年居庸道

燕香集上

三六

寒帷玉山潔協氣充畿郊穀日隣佳節復茲優渥  
同牟田比舊穫膏雨繼深春期召百日澤雪後百  
日內當  
有謝雨農  
占甚驗早起步前庭方珪映几席清境洽餘情  
香近梅花白

冬齋八詠

紅梅

老幹着繁花先春色倍加南枝暄舊影夜雪艷誰  
家酒近依紅燭香寒隔絳紗題詩驚歲晚官閣興  
簡賒

蘭

佳人倚空谷歲晏付前期冉冉來芳佩盈盈浥露  
滋幽將梅影並香與篆烟移好在羅含宅春咳發  
舊枝

松

蹲柯四五尺偃翠十三層鶴逕移晴雪僧巖影夜  
燈根無嫌土少葉自帶雲凝古屋梅花下寒香許  
共凭

蠟梅

月下同癡影春前獨冷芳詩能邀玉局品合近空  
王後山和東坡蠟梅詩  
何年落在空王家崖暖初融雪檀薰不為香

燕香集上

三五

羅浮仙夢曉驗取蝶衣黃

水仙花金陵人蓄之文薺綺石位置加  
妍

綴石含幽影燈沙濯舊苔芳馨貽水國几席遠塵  
埃作賦騷人去凌波仙子來江干有歸夢漠漠侶  
寒梅

金橘產閩之沙縣翠巖諸山中花時北  
移則不實

踰淮香不減嘉樹頌同詞果摘金臺小花移翠嶺  
遲彈丸窺過鳥簇繭綴層枝正有南州夢休吟北  
客詩

天竹畫家別立松梅三友

疑花今是果折竹舊分株綺席拈紅豆斑簾絡絳珠移從蘭若社寫入歲寒圖記得東園雪垂頭醉共扶

迎春花

又名探春繁蕊黃色京師冬月廟市多有之

老願春常早花名喜探春全鋪金作蕊小障麴生塵梅信初勻蠟柑香欲破唇風光傳帝里爭買趁墟人

辛未除夕再用王立亭許橄亭庚午除夕

前韻索諸同學和

座上清詞紙徧傳椒花隔歲憶長筵曲從再顧添

燕香集上

三八

人想酒為頻斟愛客賢十日春回吹黍谷

二十日立春

三山路杳採芝船

上年除夕前徐甲仙來自津蒼門為寫小照近未得其消息

顏白髮知何許畫稿詩筒又一年

歲暮音書得屢開

連接大兄書

驅車更喜弟能來江鄉

舊憶團圓影海邑新稱保障才

三弟新授即墨令

春至謝

庭憑夢草行經薊雪勝看梅

時一冬少雪

遙瞻積翠山

邊路

宸詠光先接曙台

余以新正二日赴昌平敬立居庸臺翠

御製詩碑王光庭

詩雅頌通宸咏天文接曙台

述本堂詩續集

桐城方觀承宜田

燕香集下

壬申元旦再和前韻

春庭問曉漏催傳侯服欣承肅筵過位禮容班衆吏早朝詩思慕前賢風輕乍拂依樓樹水淺初浮近岸船行處聞歌添送暖村餘黍稌入新年

元辰幾見曙旌開暖律先旬偏閨來歲月關心成

底事賓僚入座盡清才秣陵人至觴新酒官閣詩

成艷早梅好去神臯春益近細將雲物寫星台

燕香集下

一

赴居庸取道海甸

涿州道中雪時壬申初春十日

微風起東北雪意成俄頃噓塵乍可拂沾衣漸難

屏塵靜風轉高林枝搖素影闕嶺三日程

居庸道中大雪

復此際清境幽崖凍未合陰鶴遠猶警玉女舞瓊

琚春衣為重整從古霰先集兆開霧同逞督亢撫

殘圖空餘縞素冷我行方褰帷遙光映里井農語

出烟際傳香到餌餅岸臨紫泉潔樓濕珠宮迥紫

在新城流瑞氣充畿郊連疇澤新穎

千像寺



東峯標霧揭古寺踏雲閒一徑珠宮外千巖紫氣  
間塵身垢復淨石佛慧仍頑彼岸誰能企茲遊暮  
未還尋僧芋栗飯迂客檜松顏更識盤西路無憂  
筋力孱

捕蝗次廣平宿清暉書院荷亭有作

稻引千畦葦岸通攜來襟袖滿荷風曲梁城下香  
如海初日樓邊水近東擬放扁舟塵影外便安一  
榻露光中帷堂患氣全消處清興與鷗魚得暫同

宿田盤少林寺

松陰宿處即桑陰寺近中盤已可尋半嶺雪消寒

燕香集下

三

尚淺一峯翠轉路初深風生鈴塔依人語月挂簷  
巖照夜吟三十年來塵夢濶初酬一夕住山心

元夕讌集盆蓄紅梅初放即席成四絕句

索諸同學和

點染寒香上故枝紅羅亭畔映春姿閒隨薊北看  
花眼也似江南對雪時

橫斜標格繫人思我是湖山舊總持驗取故園春  
信早幾多香影在南枝

爲護窻風向夜闌雙株倚旒伴清寒依稀官閣題  
詩後添得揚州一樹看

燈前一半蕊初開門外從教踏落梅月色正多花  
正好夜涼深院儘銜杯

送梅循齋總憲致仕南歸

隸首書成橐筆年早聞絕學繼談遷

三朝望峻烏栖府千里春回白下船文綺自

天須寵澤飛花滿地簇離筵如公臣節能終始謝

傳東山較孰賢

兩世交逾孔李深拜牀時見古人心憶從海國寒

帷去笑指桑田並馬吟戊辰公奉使至浙勘海塘時水由中小壺濱海悉成

膏卷裏瑤華新折贈公有勘海詩近荷錄示江間鷗社舊招

燕香集下

三

尋敬亭山接青溪路目送歸雲思不任

得西疇二兄書並見懷四絕句依韻奉答

家傍秦淮舟傍河燕城一水近槃阿每憐潮至浮

雙鯉便與殷勤導去波寄金陵書每煩轉達來詩及之

書題人日草堂邊好語春朝用意餘九九消寒高

會裏幾多佳句入新年元旦立春兄有百年難得歲朝春七律五首並寄示

消寒社會唱和諸作

饒涎欲共海潮生海上香螯到雪晴消得廬陵詩

句好祇愁難遣故鄉情客臘惠車螯并到詩筒歐陽公有食車螯詩

緘來舊墨試新詩愧少龍香偉麗辭想見竹林高

興發掀髯擁几疾書時惠墨并錄示同息翁伯所製宣德龍香御墨長歌馬半槎以贈息翁者

癸酉秋初力疾赴順德過圓津菴贈謁然

禪師再疊壁間前韻

依依曲徑引筇遲相見逢秋甚瘦時學道維摩新  
去疾拂塵蕭寺舊題詩憑持慧筏適津遠共信祇  
園大衆慈病藥飢餐僵頓起歡顏各向鏡輪移然  
有收養病民之善舉守令並助成之

謁清節廟

清風留片碣孤竹有高臺北海身同潔西山事可

燕香集下

西

哀薇香庭舊植松老徑新開千古平灤曲山川絕  
點埃

初落一齒

齒生胡復落老將返其孩既落希重生妄想良可  
咍新年一齒豁病起微吾衰由其動搖初痛觸日  
數回詎忍去令速念與生俱來比玉收篋筍脫蒂  
思根芟編貝具仙骨古人安在哉吾齒三十二缺  
一不須哀倘惟歲一落耄猶餘幾枚朝來更攬鏡  
霜髭亦近顯加餐並飲酒笑口宜常開

宮保望山尹公三制兩江備述輿情兼書

嘉美為贈

節樓三建大江南自昔隨車雨必甘鄭相謳思今  
孰嗣吳儂疾苦獨公諳杖藜人獻新筍酒跨竹兒  
迎舊駐驂好是雙旌低拂處青溪柳色尚氤氳  
相門才子本無雙筆底龍文健獨扛象緯羅霄珠  
歷歷典謨落手玉鏐鏐廿年慈榜通仙籍幾度蓮  
輝照瑣窓網得珊瑚成國器未誇陸海與潘江癸卯入詞館即典文衡今少宰芝庭彭公丁未禮闈首拔士也

燕香集下

五

一持符竹指番禺便擁麾幢到古吳半壁江淮資  
保障千村日月靜追呼勞民並妥鴻宅造士羣  
郎駿馬圖試問恩波寬幾許太湖西去接鄱湖由公  
政東遷贊江南河務游歷巡撫總督兼署總河學  
政前後善政多端士民頌不去口  
玉帳西南控百蠻伏波銅柱望中攀全消兵氣狼  
歌裏大啟文風鹿洞間地寶日興錢似水邊籌夙  
定米為山五溪六詔豐碑在終古摩挲碧蘚斑公  
制滇黔時乎定晉元傑賊廣羅才俊於五華書院  
示以文章準的調劑諸銅廠歲給中外鑄錢數千  
萬緡此皆功績之尤偉者

太白峯連劍閣高初衝樽俎燧烟銷歡騰士馬聲  
先壯膽落羗戎氣不驕三疏特紆充國議一軍齊  
唱范公謠歸來受



詔凌烟上褒鄂英姿好細描公兩赴蜀中籌辦軍  
精兼畫西藏善後之

策  
虛舟著處本無心千頃澄波挹素襟範俗祇期民  
返樸懲奸豈尚吏鈞深勤吹黍谷回春管廣播薰  
風解慍琴政府即看仍世業手調伊鼎需商霖於公  
江寧使署構屋如舫顏之曰不繫舟

賜書珍重護芸封家法堪追萬石蹤丹穴有雛俱  
是鳳渥洼無種不稱龍青油幕繞芙蓉麗紅甲杯  
傾琥珀濃入座徐劉皆勝侶一堂酬和日春容  
情殷仰止廿年餘一昔春明話舊初柱石羣邦推

燕香集下

六

領袖桑麻故里藉吹噓百朋忝荷瓊琚贈雙鯉憑  
通錦字書作頌清風慙吉甫聊將懽意託樵漁

賦得露似珍珠月似弓

可憐九月初三夜露似真珠月似弓香  
山句也余以菑捷之役同張少儀戴西  
軒駐永定河干景與時會各賦一首

一痕清趣共簾櫳小院蟬鳴斷續風遠夢荷香猶  
弄水新暉桂樹亦分叢桂盆寒生織室殘綃上村廬  
有被  
水影映銀濤萬弩中輸與閒情同此夕香山詩句  
老彌工

四月既望京師保陽同時請雨閱二日甘  
霖徧沛志喜四韻

麥隴漸漸禾隴滋輕霏密注夜何其曉晴已報四  
郊足閏候直如三月時農占云麥收三月雨今零  
年四月逢閏雨為應時零  
禱深宮憂每旱靈蜺近渚躍非遲昨年尚憶驕陽  
滿一雨為豐未後期去歲五月十一日乃得渥雨  
仍慶有秋賦喜雨詩賔僚咸  
和

聖駕東巡重謁

祖陵禮成恭紀六十韻謹序

乾隆十有九年秋

燕香集下

七

皇上自熱河

行在東巡狩恭奉

皇太后再謁

永陵

福陵

昭陵於

盛京遂朝羣臣行慶施惠率舊典也維時聲  
教四訖遠人來王侯尉一於東西重黎  
正其南北山車澤馬呈地寶以無方雨  
畢風箕致禾祥而有慶

天子于是備法駕侍

安輿出自中闕邁乎吉林涼颼薦而溽暑清湛露  
晞而晴光遠蒐苗循古制詔司馬以三  
驅蕃阜勝春田擬騶虞之一發悉率左  
右人欣沮漆之從會同諸侯事軼岐陽  
之狩負弩矢者百十部君長共凜

天威獻壺漿者數千里邊氓羣依

慈蔭盖此輿情之愛戴實皆

祖德所貽留禮巨鎮之崔巍雄瞻虎踞撫遺弓而

惻愴思結龍髯爰詣陪京拜

燕香集下

八

陵寢誠著而

天容有穆優見愜聞香升而

列祖居歆禮和樂備既受釐而飲福遂輯瑞以肆

朝東踰箕子之封北盡狼胥之域莫不

被冠帶奉共球屏息侍宸款關受約以

享以宴柔遠之道隆議赦議蠲錫類之

恩渥問高年而藹若家人訓黎首以無

忘故俗懷題聿煥表茂績於丹青簪綬

叨榮錄微勞於畚鍤惟

一人孝隆繼述斯含生之屬並效尊親惟四海治

治雍熙斯

聖母之心彌增悅豫臣身依首善職在清塵邀賜  
級於鴈行聽班朝而雀躍光華紉綬同  
賡八伯之歌佳氣龍蔥敬進萬年之頌

霜露

橋山積松楸

睿思懸孝繩

三謁後典繹十年前

輦路承

歡遠

燕香集下

九

帷宮問寢便千營環細柳萬騎發甘泉是處籌車  
滿經時桂菊妍卿雲飛曉仗愛日煦遙邊渠帥爭  
除道藩王謹執鞭奔趨如不及期會各無愆遂合  
魚麗陣平開隼擊天輕蹄追掣雷健翮落鳴弦頒  
獲仍行賞充庖更割鮮旨甘良備矣邊豆實供焉  
迹緬

興京古基開鎬邑先星與鍾王氣虹渚護祥烟似  
帶松花合如屏繡嶺連海珠常不夜仙藥最延年  
作鎮尊長白燔柴告吉蠲懷柔河嶽徧瞻覲

寢園虔弓劒欣重撫衣冠儼昔傳威神馳石馬呼



吸土靈蟻

文母徽音嗣

湯孫繼體賢宗潢添譜牒勲胄集旌旃並用家人  
禮恭趨

列祖筵馨香升黍稷肥腠效牲牷陟降

三陵匪精誠

六代聯周廬馴鳥象具位肅貂蟬萬國歡心洽千  
秋景福駢旋旄過沛宅弭節指邠廛雞犬當年似  
瓜壺舊俗沿兒童皆壯齒父老尚華顛介壽頻稱  
兕于公載獻研由來根本固端在樸淳全洞達

燕香集下

下

明堂啟中和禮樂縣受朝陳玉帛

錫燕出金錢鞮韎來重譯車書萃八埏嘉賓親白  
馬遠部暨朱鳶喜溢

護蘭色詩颺芭藻篇

慈暉暄蔀屋膏澤潤桑田赦用金雞放租爲赤縣  
捐耆年施惠溥佐命建祠專

雨露恩無已榛苓思益拳輿情增挾纘

聖藻數揮絃塞景披圖得農歌擊壤編文明真大  
闡武烈定丕宣城已三方築人能七札穿金湯成  
衆志弧矢耀高躔宛馬千蹄捷燕犀萬甲堅坐看

清絕幕行見勒燕然陽月廻

義馭丹楓簇錦韉雲迎

雙闕鳳戶照九燈蓮虎旅歸環衛螭頭侍列仙趨  
晨羣待漏作頌競懷鉛臣忝司垌牧身親厠從員

恩波蒙更渥

王路率無偏快覩

鴻猷炳欣承

寶祚綿攄忱賡雅什拜手上華牋祇自慙蠡勺無  
能測海淵願同民樂愷長荷

帝陶甄嘉瑞

燕香集下

下

珠丘衍榮光

斗極纏豐岐流慶地億載奉犧牽

大兄居金陵爲尚齒之會七人樂巢二兄

寄示七月十七日藿甘園即席四絕句效

香山體依韻奉答

佳詠傳來比樂天白門高會頌長年七人五百八

十四樂天要與唐賢映後先

晚圃秋花照水妍更教掃石坐羣仙他時袍笏歸  
來日入座還應效米顛大兄新築園石

依然琴鶴偕歸路樂巢兄爲上邈矣湖山結勝緣

春草池邊留好句烏衣人誦謝庭賢園有春草池  
青溪幾曲任流連步屧園林各灑然想到芙蓉江  
岸潤歸心一共峭帆懸

樂巢二兄見貺王石谷柳陰漁樂圖賦答

十二韻

舟出無遠水漁歸識近村村邊翳高柳舟水晚益  
喧相依宛隣屋相憐如弟昆得魚必沽酒得酒輒  
忘飧雜坐苔藉岸醉卧樹當根遠風送橫吹別浦  
波微痕高蹤愜徒侶五柳陶令門兄作縣江兒童  
西以病歸匹鷗鷺留罍兼罍樽烟波佇來集圖畫已可捫亭

燕香集下

五

亭西塞山青溪櫂潺湲桃花綠洞口茅屋羅山樊  
門庭領夙約摹對常欣存

波羅城九日寄懷樂巢兄

嶺度層雲樹拂霜行程漸欲老秋光詩吟憶對黃  
花好病起從添白髮長南院履空尋舊約朔城酒  
亦問重陽茱萸徧揅憐歸晚海邑江舟鴈幾行兄時  
寓保陽署中並憶大兄金陵三弟即墨孟思吳門

荔青軒賞菊有作

曾記迎秋著意栽添來庭院錦成堆連叢色向淺  
深見近座枝分次第開興引東籬先問酒詩題官

閣當看梅餘香爲護霜風晚嗅葉餐英日幾回

憶菊東樂巢二兄

去年秋好對花開今歲花遲客未回青女寒霜耽  
寂寞幽人空谷憶徘徊晴窗驗色才舒蕊雨徑移  
根更護苔知己得逢陶靖節倍添香影待銜杯

送三弟之任秀水并懷錢香樹家朴山兩

先生

一官移近地再起荷

高恩弟任即墨吏議去官中丞  
優考疏薦特簡斯邑公論陳連帥

溫言及弟昆陛見時蒙  
天語詢及繭絲新緒理鶴羽舊霜痕

燕香集下

五

問渡江梅發舟先過白門

松楸長幾許鐘磬舉何時洪山先塋  
擬建小巷有夢依先隴

含情戀故枝花開春鴈過水滿夜航移烟雨樓初

上能無動遠思

湖山成往跡棠憩媿遺陰此去琴堂近重添謝樹

深俗奢應示儉治古在宜今絲粟關民瘼知余屢

檄心予撫浙奏弛絲米之禁特嚴漕弊

朴山留碩果香樹挹高風詩已傳陶令鄉應表鄭

公晨星人近遠宦轍路西東不棹津滄水雙魚豈

易通



於永定河因隄爲屋喜其曠朗成詩

小住亦云佳分隄土作階軒窓明遠水圖史秩清  
齋暮樹深深柳層波隱隱涯魚龍秋一派使節映  
黃淮

碣石潮初上連疇綠正平防川兼問歲望雨復宜  
晴倚檻清秋色流雲靜夜聲再來幽曠地真洽避  
驚情

防河駐長安城公辭念客夏六月大兄方  
籌南歸來自保陽相聚撫時觸境悲痛成  
詩

燕香集下

五

觸熱來因念子由衰年惜別重淹留東西屋共芳  
蘭徑時階蘭上下牀聯棣萼樓再別已成人隔世  
一行又見雁橫秋重泉有路尋惟夢夜半河聲咽  
未休

乾隆乙亥歲

萬壽聖節侍

燕熱河叨蒙

珍賜恭紀四詩同時被

賜者大學士傅公領侍衛內大臣旺公協辦大學

士虞山蔣公冢宰諸城劉公少農武進劉

公

黃縹縷牙朝珠

華星玳瑁照聯珠

曉殿分班玉珮紆正色垂綬增貴采神功入骨荷  
雕鏤光依

藻火山龍近貴比懸黎結綵逾一串玲瓏風遞響  
剛聞法曲奏天衢

佛手柑

兜羅綿相現黃金

黼座親拈契佛心貢篚頒同台鼎重傳柑宴比上

燕香集下

五

元深摘時月桂香生指捧處仙盤露滿襟拜手願  
添

無量壽一痕千輓映朝簪佛生而有千輓文在簪

荷包

五色明霞簇曙袍

上方珍又佩囊叨儼然

錫命尊輦帶肅爾容儀慎錯刀坐接芙蓉欣結綬  
行添萸菊好登高搜羅夾袋思前哲曾爲天家貯

俊髦

紫檀如意

巧製何須琢水晶旃檀一片宛天成挂來九節芝  
同色敲向三山石有聲賜笏並傳恩鄭重賓筵時  
出舞縱橫指揮若定欽

乾握計日西遐頌蕩平

聖謨廣運平定準噶爾恭紀 謹序

殷旅三年之克力勦綏邊周人六月之  
征功勤禦侮漢奪祁連而臨瀚海幕北  
尚有籠城唐伐吐谷而平高昌詔外未  
歸戎索然猶旂常銘烈竹帛揚休哉定  
之勲前王所尚殊尤之績振古爲難我

燕香集下

十六

皇上握乾綱撫坤圖掩唐虞之舊域頒正朔於八  
荒六府修和百嘉邇遂輯師旅于內天  
下不得專尺兵一卒之用卑藩服于外  
天下不得私尺土一民之有乃準噶爾  
恃其遐阻驚桀弗馴迨達瓦齊肆其凶  
殘鴟張非類叛則討而服則舍

先朝之綏馭夙有成謨應乎天而順乎人

聖主之籌猷還昭獨斷蓋其瓦解之形已見淵駸  
之衆遂多款關請吏者踵至一時舉屬  
內附者動以萬計惟

至誠之御物不介而孚斯

仁者之用兵有征無戰攻車同馬令行而衆志同

趨授鉞分旄器使而羣才畢效

王師所指士氣無前朝移郭畢之營夕抵伊犁之  
渡勞來安集若甘澤之起枯禾摧陷廓  
清似疾風之捲殘孽百十部君長胥弓  
負矢以前驅數十年逋逃反縛面啼而  
求活達瓦齊與其孥屬等狼奔豕突魚  
沸鳥焚聞笳鼓而心膽俱寒入檻穽而  
爪牙頓衄吞舟莫漏遺卵無完白組俘

燕香集下

十七

來宜論藁街之法朱旗捷至先騰赤縣  
之歡實歸則軍有贏糧勁後而馬餘蹏  
足計其時日捷於干羽七旬糜我金錢  
未抵神倉半粟衆建而諸侯有土何須  
築塞上三城長歌而壯士入關并不費  
天山一箭凡此師行之盡利實由

廟算之如神於是禮

太室以告成勞開

明堂而行大慶典惟由舊恢宏

兩世之貽謀善必歸



親允協萬年之垂裕沛

絲綸而錫類指帶礪以酬庸遠人獻舞於象胥侍

子編名於宿衛玉門以西三十六屬國

盡爲冠帶之倫斗極之外二十八分星

悉應璿璣之數窮軌轍於圖經未載五

里一障十里一亭占節侯於日月所臨

南正司天北正司地觀人文而化成天

下九功兼七德俱隆

建皇極以敷錫兆民五福與庶徵畢至美矣盛矣

巍乎煥乎昔班固勒燕然之銘宗元陳

燕香集下

七

淮西之雅揄揚本臣子至情鼓吹乃昇

平盛事臣學慚荒落敢同文士操觚守

在郊垌親見單于繫頸輒忘固陋俯述

懽愉恭裁百韻之詩無當六義之指手

之舞而足之蹈仰宣赫濯之聲靈闕以

管而測以蠡莫贊

高深於涵覆

析羽崑崙外扶桑渤澥隅梯航還九有撫御協三

無窮髮加冠帶奇肱入繪圖表裁金作字瑞輯玉

爲符風雨遵瀍澗絃歌習魯邾即看同軌日那有

不臣區蠢爾狼胥部居然虎負嵎

廟謨勤遠馭天意肯稽誅厥醜相吞噬其人苦毒  
痛一時胥款附萬里接噶于

日表瞻依近

恩波浹被殊周廬安廣厦結駟騁高衢食則餘梁  
肉寒仍予袴襦自歸戎已尉不用癸庚呼一擊期  
清野兼收藉識途戀深寧飽颺感劇願前驅氣已  
風雷振機難旦夕需奇猷成果決淺見破拘迂擢  
甲人思奮臨軒

帝曰吁勗哉毋緩寇滅此始朝鋪遂啓龍蛇陣分

燕香集下

无

徵鶴鶴徒旌旗馳兩道籌策秉中樞木峽關西出

金微界北踰箕張而翼布似火復如荼百堠宵聯

燧千門晝合縐堅犀明組練駿足軼駒駝地昔經

鏖戰山猶峙峻塗

威靈騰汗馬剪伐蹙封狐所向無巖嶮何來有淖

汙飛行宜著翅捷走信連踵宛若摧冰勢曾無伏

莽虞勁兵添鐵額蕃族到虬鬚陣不施營壘歌還

雜採蘇耕夫從荷鍤媿女或提壺令肅軍容整羣

亡賊勢孤大河臨指顧狡窟破須臾臂孰能當轍

情皆發覆孟游魂驚獨竄同室憤相屠投籌中流

渡移書衆部趨負戈咸喘息脫帽各睢盱彼亦懷  
心腎誰甘事虎羆

詔從天外展誠向帳前輸拜舞迎回鵲傳宣走骨  
都懽如身挾纊怖覺汗流珠信結千年誓窮歸卅  
載逋投林遑更擇餘沫敢還煦設餌甘牛酒藏機  
密網眾徑迷熏穴鼠聲亂失巢烏俯首嬰長組駢  
肩就短笈罪姑原脅從患必斷根株事業靡遺憾  
天人叶

睿謨直成不血刃奚事要飛芻一舉清沙漠三靈  
應鼓枹冰霜稀絕塞水草徧平蕪士飽爭超距寒

燕香集下

干

輕少裂膚隴雲黃獻瑞闕柳碧回枯說使勞何有  
師貞險自无禡牙春始半振旅夏剛徂神應增斯  
極前徽有是夫比軒良勝矣視漢益瞠乎

宮闕開鳩鵲衣冠集鴈鳬當天陳鎧仗匝地起笙  
等鏡吹徐徐奏

綸音疊疊敷

尊親崇

顯號方畧紀閎模告秩威儀盛

垂旒睟穆逾馨香升

紫殿環衛列金吾蒼壁黃琮儷西靺北譯俱呼韓

來質子大宛貢神駒便使新歸衆仍田舊土腴班  
分盟有長旂綴色寧渝約束嚴中旅趨隨等廐騶  
世藏三尺券歲賦百頭帑圍接靈臺迴秋添湛露  
濡池亭張廣譙鐘鼓共清娛五等金貂貴千行劔  
佩紆銘勲重彝鼎

懋賞煥彤旅勞酒頒平卒游歌從列儒詩篇賡枋  
杜遭會慶依蒲穀有千箱積人欣十日酺戰袍歸  
路晚藜杖里門扶羈韉攷繁弱縵纓裹湛盧止戈  
昭

大武議獄體中孚泮水鴉音化穹碑

燕香集下

主

駿業鋪剛柔原互克威惠實相需

典訓傳豐鎬淵源接泗洙昔嘗觀禮器行更肅冠  
昂仁義爲干櫓裁成及砮砮氣潛消武健

澤徧沐顓愚刻玉

堯巡洛披球

禹會鼇潮平空越弩花艷發吳歆臣忝分專節心  
常慕執爰捷書承

輦轂喜色動郊郭每覩星章入深知

盱食劬頻煩紆

廟算容易靜天弧



祖烈恢彌遠

慈懷樂且愉方輿窮亥步圓景正暘塢河海長清  
晏黃池絕覬覦琛歸丹浦賁禾納玉山租有字輝  
華牒無言贊大鑪願從八伯後拜手效都俞

雉卵

昔曾摩藥轉便擬問仙雞雉子班何似鶩兒色漫  
齊雌雄渾莫辨埒築探還迷夜雉驚星落朝飛避  
彈低錦膺思一蛭豐草失相攜貢玉盤陳核春筐  
裏用綈端宜共

廟薦幸不飾閨笄

熱河取畫眉鳥鷄爲簪飾

屢報騎官獲新從

燕香集下

三

鹿塞齋

春薦例用雉卵古北提督采以貢

重陽夜雨書懷

夜長風雨動秋聲寂寞重陽得句情嶺樹冷搖霜  
入塞江花夢濕錦爲城扁舟近縣歸猶晚三弟一秀水  
雁遙天去正輕淚灑人琴憶松竹音書無復問期  
程

距塔子溝數里有廢塔

塔鈴無語佛燈消半掩寒雲豎寂寥城郭人民空  
指似別移烟火向山椒

阿壩道中遇雪書懷

雪山高處正凝眸雪裏山光遠更浮萬帶池鹽微  
辨路路經小鹽池一星戍火獨明樓愁濡雁羽來蒲海  
冷憶鶩聲入蔡州此去狼狐踪易覓未須獵騎費  
春蒐

酒泉送客即席示鎮道諸僚

泉在肅州城東外通討來

泉醴渠以資灌溉

名泉舊近漢時關沙映長渠雪映山一勺漫從清  
濁論幾人曾照別離顏偶因送客攜尊至應笑臨  
流飲馬還安得嘉州同此席笳鼓舞劍興重攀

嘉峪關登籌邊樓作

時乙亥杪冬三日

燕香集下

三

燉煌西外酒泉東萬里登樓驛盡通望去單于新  
毳帳牽來都護舊青驄水分夾谷邊重繞山到陽  
關勢畧同冷映高旌移暮色塞雲開處月如弓

安西

古郡控安西孤城靜鼓鼙一軍傳曉出萬馬聽寒  
嘶都護青驄貴纏頭白氍齊瓜州回民以白布蒙首爲禮服稱爲纏頭  
藏瓜冬入市種麥水勻畦回人與衛民疏勒河地水種麥不資雨澤  
接陽關近天連雪嶺躋沙鳴風任起沙鳴山堠立  
路防迷夜帳星星峽地名在兩山間朝冰步步谿伊川更  
何處千里漠雲低

戈壁

已報前軍進寧辭我馬勞風沙聲正遠冰雪氣常  
高芻輓須頻給泉流亦偶遭獵雲驅瀚海廿載興  
猶豪予於雍正癸丑從征北路經行瀚海亦即戈

安西道中口號

嘉峪關當嶺勢回籌邊樓外漠雲開行行大草灘  
前過未許窺邊牧馬來

回回舊部堡爲城纔是關門第一程莫問瓜田尋  
貢道前朝此地少人行

赤金湖上草芊芊刈草千夫種衛田莫向山中窺

燕香集下

三

寶氣先從峽口認方泉

長流一水自東西踏裂層冰萬馬蹄行到黃蘆岡

上望高城初見夜烏栖長流水地名分東西路沙漢千里至哈密乃見城郭

哈密東城

安西分兵戍守鎮臣統之內蔽甘肅外

轉軍糧爲西塞要地

黃蘆岡外去程賒紅柳城邊夕照斜漠影一行初

見樹冰痕十月亦嘗瓜南山轉粟梯長坂西塞收

兵牧淺沙鄯善車師諸屬國都從此路問中華

哈密西城

古伊吾地唐爲伊州俗以白氍纒頭爲

禮服常冠有若赤幘直西土魯番皆其

族即回回部也其長名玉素富先世歸

命封貝子所屬萬餘人分居五堡其地

終年無雨引湖水種麥樹有桑楊梧桐

紅柳黃松果有葡萄石榴桃杏瓜尤著

美雪嶺不寒流泉不冰春月綠南湖三

十里杏花如錦園畜孔雀生卵以雞菴

之白色者產自土魯番羣遊錦翼中尤

可珍異繡氍纒織素婦工頗勤巾帽鞍韉

燕香集下

三

多尚采飾又一部自土魯番挈屬內附

移居瓜州亦有五堡其長封一等公

幾葉伊吾守舊封朱冠白氍拜

恩濃雙城並倚當遙塞五堡都來作附庸飯麥栽

瓜人自足簪花織布婦爲容刺梅湖上添新水親

灌葡萄入歲共刺梅湖在城西五十里

白孔雀

產土魯番南境哈密貝子貢之京師貝子置孔雀園畜之生卵以雞菴之采素不移其種

翠錦分行眼易明羣遊鶴鷺亦多情屏間玉立無

塵到月下風吹有暈生曙影交鳴銜尾去孔雀相交雄鳴



上風雌霜毛借暖愛雛成越裳白雉應同瑞不倩  
鳴下風星槎龍載行

巴里坤軍營二首過東大坂即為巴里坤軍城二十餘年準噶爾不敢窺邊

層山初度阪傍水舊宜城已過天驕馬寧須歲治  
兵晨星依短堞夜雪赴遙程會報餘氛靖猶催萬  
騎行

單于亦多族

帝澤概王臣貢道隨春草浮槎向舊津請纓曾北  
漠假節又西秦匣底看長劍無嗟白髮新

燕香集下

辛未

丙子元旦歸自巴里坤次南山柵口

南山千萬松中積盈丈雪大石踞松顛雪更高於  
石我行際春期邊寒氣猶結仰邀雲日光照面融  
眉睫看山去忘遲古戍出層葉柵障因樹為春回  
翠成羃草生亦滿山雪消在四月初開一徑嶢無  
憂九阪折為憶遠征人高功酬令節茲山石可銘  
緩緩尋歸轍明日過東大坂新修盤道將成其巔有唐碑字跡漫滅惟餘山柱國尉遲恭六字可辨

丙子元日懷吳雨民中丞

雨民奉命  
稽察兵車以乙  
亥元日同至良涿隨赴陝甘倭焉改歲因  
之有感

千里共一塵雷電行王師策馬向春朝與君相見  
時畿南方秉節上谷稍褰帷相送渭北雲行人君  
似之天官書秦君歸會有期使節忽已移我行復  
就君徂旅傳西陲陽關踰千里轉與故人期瓊廬  
夜相並羽書凍更揮改歲復今日隙影遷路岐南  
山陟崔嵬去去從此辭冰霜入短髮鏡影添新絲  
風塵重回首離合動深思努力軍國重餘閒慎自  
持

題邠州大佛寺

丈六金身一卷石茲山佛現自何時不聞禪誦登

燕香集下

華

樓見兩壁幽風七月詩州牧張文結顏為幽風閣

長安道中四絕句

慈恩寺杏花

曲江何處問樓臺紅杏花時少舊栽猶有春光貽  
過客慈恩寺裏一株開

城南桃花

桃花幾樹艷春城帽影鞭絲傍晚晴三十里香舟  
在水不遊杜曲負茲行客言杜曲溪岸桃花三十里最為勝境

灞橋新柳

遠水寒烟地寂寥無多春柳尚垂條行人不為攀

離思祇覺關情是灞橋

邵店玉蘭

雪塞經行草未芽青門二月已栽瓜依稀更入江  
南路幾處園林木筆花

驪山湯泉

在西繡嶺山下華清宮初名溫泉宮又名繡嶺宮

繡嶺宮前石近扉靈湫屈注霧烟霏春巖淑景初  
融幙遠塞寒塵一振衣水淺香鳬游已歇夜深玉  
笛聽應稀朝元閣畔閒松柏占盡當年輦路微

洪洞謁臯陶祠

作士期予治知人做帝難陳謨諧益稷任法陋申

燕香集下

美

韓古霍山遙峙靈分水右蟠崇祠承位置松柏頌  
丸丸

固關入直境喜雨并示井陘獲鹿二令

細雨濕前旌春風畿甸行層田青綴嶺遠樹碧依  
城雲共闕門啓花分邑界迎欣聞

行慶日

帝澤槩東瀛時伊犁平定告祀孔林

龍門縣

出陘猶迷縣遙程更向邊有山皆作障無地不成  
田馬踏巖花過駝行塞草便秋風吹古驛暗數北

征年余癸丑從征曾至龍門屬驛

恭和

御製駐蹕景州諭直隸臬駕諸臣

玉輅陳畿郊彤雲連嶽路岱祀秩方春孔庭儀有  
素恭承禮典崇爰施慶惠屢

霽顏下守令廬

念先眈庶

咨詢悉晴雨東作敦上務千畝穰初齊一騎戒毋  
遽金石申

訓勉絲綸勤注措給助逋寬期民咸起僵仆叨

燕香集下

美

恩淪肌髓瞻忭爭趨赴所愧臣職愆寒汗承  
碩慮欽

聖揆後先如天仰

仁恕

晚坐得月亭小酌同少儀諸君作

暮色映前汀千畦領一亭檻邊秋水白籬外夜燈  
青對酒從高論行歌每靜聽休言游已倦且欲坐  
忘形

飲吳中女貞酒同少儀諸君作用前韻

落葉方無賴杯行肯放空那能將髮黑實可助顏



紅諺美故鄉水美不美鄉中人思歸棹風依稀三

徑好詩興晚香中

波羅城九日趨事邊城凡三度重九

三年此地雁鴻聲何限登高望遠情酪酒濃時添

塞帳獵雲開處傍秋城暗懷惜別人將老乘興題

詩病已輕差喜菊花遲為閨肯因風雨滯歸程今年

閨九月

赫山行館盆菊初放張少儀王立亭蔡鶴

汀吟詠競爽亦和一首

邊霜猶護一枝看漫憶闕程隔歲寒去年以九月赴嘉峪關

燕香集下

九日叅軍須共酒多時彭澤已辭官三弟官秀半水以病歸

寔曉日烘晴艷一點秋燈照露團坐對南山供好

句籬烟遙映晚楓丹

病中得西疇書並錄示近詩有與馬半槎

同時卧病代柬之作觸境嬰懷依韻寄和

六十年相若眠餐近若何書來淹凍漬詩誦起沈

疴幽事跡如見嘉招酒易多詩多從誰尋大藥與

客向深蘿桂樹歌凝席籬香手灌窠秋懷憑繾綣

病骨當摩挲白下居曾下青山夢未訛遠遊須有

際貞性本無頗尚憶闕衝雪方籌海靖波倚鞍思

雙鑠撫枕愧蹉跎余西征邁疾久乃獲愈息影蕭齋晚回頭

匝歲過僧寮叅玉版官閣問瓊柯示疾原非疾如

魔不是魔時西疇有外休嗤瓢五石馬半槎和

之句任照鏡雙蟠興得江山助春隨杖履和故

人乘款段端喜就吟窩

漕河宿給孤寺示禪僧鑑慈

行塵初憇月盈灣旌纓頻年閱往還樹影不移濃

淡處河流數問淺深間僧添白髮緣何事地近青

山忍獨閒聽罷鐘聲呼飯熟道旁曾恤幾鰥顏

聞表叔度少宰奉使巴里坤軍城時嘉平

燕香集下

二日滄洲途次雪中因憶昨年以是日出

嘉峪關詩以懷之

故人風雪向遙邊回首闕程便隔年萬馬易隨春

苜蓿計其到一城長倚古烽烟欲窮壯觀樓千里

嘉峪關有憶到寒光月上弦見說單于尊漢使儒

臣籌國事鞍韉

奉

命同劉繩菴吉敏齋兩少農勘津滄牧地數萬頃

悉聽民墾種將春得雪喜而成詠

風起飄林末雲沉近海隅波光移碣石人跡向寒

蕪柳絮庭初見梅花歲已徂山河凝亥步草木曉  
春蘇野老思耕犢園人悵牧芻千旄欣至止表  
識前驅試踏瑤爲圃同看冰在壺歡聲垂  
永澤瑞應滿黃圖

盆梅三首

白梅蓄三年矣今歲花開轉盛

三年薊北雪中看信有孤芳共歲寒隴首音書緘  
去歲還如玉笛未吹殘客歲有秦中之役

綠萼梅

烟霏瘦萼影參差仙袂相逢駐少時記得泉聲翠

燕香集下

三

微寺玉屏映水一枝枝金陵樓園翠微寺僧院西  
南二面有梅屏缺幹水花

盤紆糾曲如天成藩障蓋數百年物也下臨八功  
德水清音澗潏暗香浮動追憶四十年前讀書其  
中直是置身仙界也

紅梅

酒照芳燈奈爾何興來官閣共婆娑香添昨歲紅  
猶好鬚對今年白已多

丙子除夕

華燈餞歲發新醅正有梅花繞座開江國夢隨香

際去玉門人憶雪中迴去年自巴里坤回閨添客  
肅州於除日就道

詠逢春早臘月望日立春寒報軍書入夜催是夕西  
師過境老矣

駒光憐更速起看列宿畫雲臺

丁丑元旦

六十人今老風光老又新庭梅初映雪臘酒自生  
春歲稔瞻雲氣郊融近

玉宸欣逢泉紫色應澤髮如銀方有清塵之役以  
來朝赴紫泉行宮

餘醺盛開成二絕句餘醺一名獨步春

江南春晚此花開淺白層黃相間裁長嘯堂前真  
獨步酒邊添得暗香來

林檎花綴一株看雨蓋風枝耐曉寒學舞霓裳曾  
比似道家裝束近前闌黃山谷詩倚闌偷舞白霓裳

燕香集下

三

勘漳衛水溢宿圓津菴疊前韻

道柳陰隨落照遲歸鴉共客暮鐘時星河鶴嶺內

山今宵夢月日僧房前度時余匝月間往來過德  
此皆以二十七日

薄敢云川作障民瘼端在吏能慈憂來試聽瞿曇

語藥可醫龍水可移內邱志載昔有高僧噴雨氣  
仰空歎曰病龍行雨可憫也

已而龍來求醫得愈爲移甘泉近寺以報之

雨後宿苑東菴

地在清苑縣東故名菴成  
延安肅慈航寺僧主之

別院儼僧家鐘魚事已奢僧移殘歲榻人獻近村

花月霽檐開鏡春游雨淨沙初程三十里無減亦

無加



雨過河間邑令吳山鳳來迎憶其昨年任

獲鹿時余有途次喜雨詩在三月三日今

春得澤尤早境會適合宜誌新詠疊前韻

好雨屬田家隨車願每奢一春人在路隔歲縣移

花麥隴香生餅

瀛隄綠映沙

時巡歡補助

濺澤更新加

視河舟次夜雨疊前韻

枕簟亦浮家舟輕水正奢蓬聲添岸雨箋詠落燈

燕香集下

五

花海鶴孤橫夜江鴻迥立沙已醒南去夢不用棹

頻加

河舟書所見三疊韻

渡口幾人家相看樂事奢網魚依岸柳驅犢避村

花滄酒初開甕南檣欲蔽沙十年來往路春興若

為加

為慶雲前令甘怡題歲甘橋額四疊韻

道界高津古河行人病涉甘令集衆力成長橋請名于余余以慶非屢豐而令能用

民力未易為此師曠占云歲欲甘甘草先

氏事理如家長橋役匪奢官賢棠勿翦歲稔齊先

花載道歌行轍崇題紀斷沙拈毫愁腕弱為爾興能加

南運河道中五疊韻

春艘粒萬家估客樂繁奢北去朝宗水南來夾縣

花百泉開衛瀆全派挾漳沙導海成雙注功高豈

易加滄青之捷地與集兩減河久陞雍正初年怡賢親王高安未相國奏議濬復自是南運鮮水患北運之王家務筐兒港兩減河制同

水村杏花六疊韻

近水阿誰家園林春未奢數枝添夜雨隔岸見朝

花問酒村橫渡聽鶯柳映沙猶憐帆影外霞綺一

燕香集下

五

痕加

舟中臨張長史草書七疊韻

千字壓羣家淋漓氣尚奢公能神以酒我欲眩生

花過開猶尋紙千字文卷後原題舟發如錐豈畫

沙帆陰移硯側已報一程加

買食野菜遂得多品八疊韻

野藪買邨家春盤味轉奢薺甘纔展葉費苦獨遺

花蓀費菜正月食傍水青依籠綠堤綠覆沙何人

芹筍候餐向故園加

友人饋滄酒九疊韻產州北麻姑城又名麻姑酒須家釀久藏

乃佳市沽者味劣

問訊酒壚家仙醺望敢奢麻姑能釀藥槎客正觴  
花香起荷生沼清盈水瀝沙多君藏已久不覺量  
為加

同座客話金陵風景十疊韻

王謝舊人家風光六代奢桃根春水渡桂樹小山  
花溪曲燈隨舫潮迴月印沙平生遊歷地清麗更  
何加

舟中咏燕子十一疊韻

簾幕向誰家雙飛樂意奢舟迴人共語岸濕杏初

燕香集下

三六

花茆屋猶尋巷芹泥或帶沙日歸春社晚香夢影  
交加

次天津作十二疊韻

潮海鎮千家肩摩俗舊奢一春浮蜃氣比屋鬬鶯  
花久雨勤通洫新晴趁漉沙屢豐良足慶富矣又  
何加

海河十三疊韻

即大直沽也南北運河東  
西淀之水皆會一百二十

里入海

碣石輦

天家津門萬派奢雲移遼北粟風到海南花自昔

無烽火曾誰認界沙海口橫沙如闕漁船必乘潮乃能出入春潮濡  
戰艦閒較凍痕加

銀魚十四疊韻

天津海產也冬月呼為冰

深探海若家一箸已云奢細欲浮銀縷珍還養雪  
花幸無逢燕啄亦鮮避鳬沙白小羣分命用杜因  
憐數畧加

蛤蜊十五疊韻

海上釣人家南烹味並奢瓊漿芬桂屑錦背濯苔  
花楚客螭調酪秋風雀墜沙江河多品類賦擬老  
饕加

燕香集下

三六

孤雲寺十六疊韻

雍正乙巳年舟泊此有

僧歸亦有家門外水雲奢夕岸銷塵影風帆過浪  
花桑陰重問路竹捷屢移沙檢點詩閒在飄零興  
轉加

北運河道中十七疊韻

過澗湖

皇家春流勢已奢遙邊輸雪浪

上游潮白二河發源北邊疊道

峙桃花

桃花口疊道為要工萬舸香生粟千夫夜汰沙河多

設爬夫以刊漕船輕帆隨岸曲驛近纜還加過天津入北

十里水程倍之



牧令承檄種柳表道村民趨事官路河隄  
皆徧喜而有作十八疊韻

堤柳設公家兼增景物奢風絲常近水雨樹間開  
花笠午蟬清樾犁陰犢軟沙鶯啼再來處綠是舊  
叢加

得三弟書十九疊韻

書到北還家春光入夢奢隔江新岸柳二月小園  
花已載鶴歸渚弟作令秀水新歸因逢雁宿沙看雲憐遠  
棹離緒觸紛加

永定河道中二十疊韻

燕香集下

三

經野幾能家魚龍窟宅奢堤成排種柳浪過感飛  
花農事高低堰神功來去沙河之靈在兩岸深谷瞬頃輒變不逢  
清淀路那照鬢霜加南岸外即東淀所經

鳳河二十一疊韻

集澤便為家金堤費已奢時方築東堤邨稀蘆界綠郊  
暖麥分花細躍移靈沼源出南苑微波導墊沙永定河沙停水  
下賴鳳河轉輸入淀漁榔重淀外新水峭帆加

東西淀二十二疊韻

分疆遼宋家雲水到今奢千里堤橫柳淀南隄延七百餘里  
名千里長堤三春浪拍花經天從注海用李長吉語讓地復

畦沙居民多耕占淀淤隱隱蛟龍宅風潮晚更加海潮潮河  
而上

水稗二十三疊韻

兩淀多有之作粥味美為村漁之利

播種滿農家簞車望轉奢同收禾是米常近蓼開  
花水長猶遮岸並出水上雖深不沒風飄亦墜沙漁舟歸乍  
晚豐獲載新加

題永定北堤館壁二十四疊韻

梁燕已如家簾屏不在奢朗澄堤外水清映竹邊  
花舊識隨鴻爪相將宿鷺沙詩成徧邀和旅興壁  
間加

燕香集下

三

雨餘行館即事二十五疊韻

一雨徧隣家蛙田鼓吹奢蔭添行館樹香接上林  
花地近南苑鳬浴池新水鷗明岸遠沙餘情紓物候枕  
簾惠風加館額惠風時至夏月防河駐此

紫泉二十六疊韻

元時泉出紫色在新城縣北之龍堂村經衣錦

店入于白溝河

郊浣上清家靈源導更奢一痕衣錦店千樹夾城  
花魚咏含香藻虹垂映素沙恭聞  
仙蹕近紫色望應加

雞爪泉二十七疊韻

泉出定興縣之閭臺村流至安肅菰莊營

其土宜松名黃芽菜因溉此泉味甲諸園

業圃自家家畦泉若闢奢春風吹菜甲夜雨長萍  
花流細曲歸淀由電河入淀痕清半入沙平生疏水願  
為淪道心加

慈航寺為禪僧鑑慈作二十八疊韻寺臨曹河

渡為畿南孔道鑑慈名元通發願收養梵  
癡余率守令助之經理冬月嘗至千人鑄  
大鑊供四百人炊鑑與就養者同食一驢  
甚勤苦余贈以詩有僧添白髮緣何事地  
近青山忍獨聞之句

鐘舖具僧家真看願力奢飢人方索飯弟子漫拈  
花航渡一莖葦車痕百道沙頻來禪榻畔共我髻

燕香集下

早

絲加

以疊韻詩寄陳星齋奉常索和二十九疊  
韻

詩寄太常家知余春興奢千村逢好雨上苑想新  
花未送酒盈甕猶慙金揀沙鐘鏞如有和重聽大  
聲加

丁丑仲夏過圓津菴悼藹然禪師用前韻

樹影添濃粥鼓遲依稀拄杖導門時百年過客醒  
猶夢幾度逢君偈與詩邑乘合書名釋傳路人爭  
誦給孤慈星郵到此閒應好剎那光中鏡屢移

奉使商邱五日即席分賦

蒲荷香泛綵為舟江上簫聲憶舊遊人倚星槎遙  
問渡地當垓澤半橫邱多才入座文兼酒五月登  
樓夏擬秋時猶衣棉太白梁園弔古梁園迷往跡  
西陂魚麥丘淹留宋牧仲太宰建西陂別業禹鴻  
臚之鼎取元結句為寫西陂魚  
麥圖

遊商邱太宰西陂別業兼呈宋蘭暉先生

共指平泉路遙瞻閼伯臺雨餘林綠淨風便芰香  
來門啟村耕近舟撐夜網回橋廊隨徑曲雲水豁  
天開園西水滙成河延長百餘里西陂所由名也

燕香集下

早

柳陰迤對岸岸轉水同遙月渚帆初見西陂水漲  
下通于毫  
有至者風亭笛共飄葦蒲俱淡宕鳬雁各招邀更  
遠岑樓目林端碧浪搖

聖蹟垂名構宗臣返舊山園額西陂  
御筆也太宰擴為退休

之百年巖桂古一曲鏡湖閒東海詩同調公與王  
新城合  
刻有南州轍共攀公巡撫江蘇一  
任閱十五稔家聲貽讓德初

服紹崇班先生為太宰少子歷官奉天府尹致仕

魚麥圖成後禹鴻臚之鼎作  
西陂魚麥圖真知世味殊地仙寧

復讓闕吏舊相趨綠野芬猶在皇華興不孤擬憑  
舟水地清夢接江湖



相州雨夕宿大生寺示德修上人

禪關深處即雲窩老衲何心問笠簑隔院高盤膝  
蔓古到門清映竹陰多涼宵款客陳瑤簟幽事看  
君向薜蘿猶憶魏公池館盛鶯花閒任一春過魏公薨相州郡有花園會歲飢涉春未嘗一遊客投以詩公答云細民溝壑方援手別館鶯花任送春

比干墓

千載幕猶祀三仁履亦齊丹心臣勵節白石聖留  
題墓殷比干墓四土剩殷墟舊祠完衛水西拜  
瞻松柏路未惜遠衝泥

咏梵寺凌霄花

燕香集下

聖

弱蔓不自高古柏忽異色灼灼數千花霞綺映簷  
日愛此奇麗姿宜傍優曇植猶恐秋風來堅脆殊  
本質附託審物情何由謝緣飾

雨中舟過天津官雲程侍御貽盆蘭賦此

為答

蘭皋元近水舟際忽移香之子崇明總多情解佩  
芳因風想庭砌帶雨夢瀟湘亦有蒹葭詠應憐臭  
味長

通州感懷

余以戊寅八月十日生丁通州在大父官中書時也

薇堂世澤桂添枝六十年前墮地時雨露早濡天

尺五關河遂越路多岐往來關塞路皆由此千軍漠北攜長  
劍九載畿南建大旗報

國丹忱身已老傷心頻誦蓼莪詩

次韻舟中桂花

香風吹送武林舟似伴嫦娥作遠遊江近芙蓉波  
漱灩座添蘭蕙夜清幽三年別夢邊霜早二妙吟  
詩海月浮酒任頻斟花佳放不須苦憶故園秋

丁丑八月十日直沽舟中自壽作並寄南

中諸兄弟

霜晨攬鏡髮添華路入香林水正賒

時奉命督漕天津泊近

燕香集下

聖

梵老至直如僧注臘秋高真比客乘槎清齋葵菽

堪為壽遠夢松楸抵到家載取南舟今夜月眼明

巖樹桂新花舟中盆桂盛開

徐忝村村路有香幽圖耆艾效躋堂杖藜不異叢

芝鶴冠蓋無須盛酒漿樂歲幾人飢待饘寒天下

里病為坊畿地義倉養局州邑經理皆編願歌曼壽酬

元化十載何能補寸長

三年前喜伯兄來季弟初逢罷縣回獨向秋濤操

艇出遙聞官閣報筵開伯兄六十稱觴余方防一

人少處歡猶念他日歸時老更哀曉起逢窓詩在

紙欲憑雙鯉寄泉臺

故園兄弟數行書瘦骨同經憂患餘齒豁未妨餐

遺通耳聾翻任笑軒渠謂綺亭兄偶因夢去扁舟遠預

擬歸來比屋居廊廟江湖思夙夜百年鼎鼎定何

如

九月八日南運河喜遇馬十三湘靈表弟

來自維揚就晤舟中余方赴古北約湘靈

先至保定署中

武林別思幾經秋橫海風烟暫泊舟千里魚龍波

曲折河南舟所經數行鴻雁影夷猶竹西歌吹閒賓

燕香集下

四

館江上詩名舊選樓應是交遊曾厭蜀那能白髮

不盈頭

客裏登臨已少歡長隄惟見水痕寬未謀一醉空

攜酒與放扁舟暫解鞍去路漸迎楓葉滿歸時未

到菊花殘寒香歲晚同珍惜細酌秋燈話夜闌

津門途次九日並柬湘靈

海雲千里秋河水十日漲長隄何蜿蜒大道本遐

曠風吹早暮程往復帆在望此地無高臺亦足免

惆悵濁酒不盈尊看花惟小盞鳬鷺或飛來白屋

猶孤蕩幸不憂阻饑

帝力齊感仰遠澤有勞人書札訊無恙江湖已寒

深扁舟忽相向別久輕餘情問老各異狀那無酒

與斟獨有詩可餉離合泯紛岐漁歌晚猶唱

運河秋漲漕艘踰期奉

命赴天津經理俾速南下無虞水阻尋又承

勅同山東鶴中丞勘九河故道宣減漕渠途次成

詩四首

天廩雲垂北津門海近東千檣籌可數一水軌俱

同短草初露露歸帆漫信風稻梁隨地足遠澤少

哀鴻時江南河南被水奉旨分賑漕粟充賑

燕香集下

五

重拜絲綸出稍爲貝博留古河千里迹已溺

一人憂雷夏尋遙澤東方領上游望洋寧遽返真

藉挽頽流

隄堰形何曲淮黃勢並高荆山聞屢鑿淮水試分

舫玉粒須膏澤金錢免驛騷時南河大工並舉恩諭悉酬雇值

時巡籌底績誥誡

聖躬勞

斷續賓僚侶遲迴鞍馬間周原頻阻水接郡少逢

山魯縞霜侵夜南舟酒破顏邊巖憶行館重咏菊

花斑客歲以九月寓熱河



次慶雲作

慶雲爲海隅至瘠之區乾隆八年旱歉  
連歲蠲租復永免額賦三之一更發帑  
爲買牛種樹鑿井父老感述

朝廷恩澤輒相嗚咽

露氣潮痕黯不收孤城已盡海東頭蓬茆十室寒  
常早莠稗終年飽即休井養有泉添沃澤橋成無  
棣減湍流憂民治歲臣何事

聖主恩深每預籌

汶陽旅次見菊因憶古北波羅城同張少

燕香集下

早六

儀諸君行館有咏連亥子兩秋今仍同作

遲菊逢行館微霜落近邊兩年淹舊詠數朶接寒

烟汶上逃名地湖干賣酒船安山尚憐幽興在燭

影對新妍

棉花實重農功乃自昔不見賦咏因述二

百字

地接公桑滿場連我稼同秋原寧墜雪植杖乃逢  
翁芋外枝低影葵邊花細叢樹圓深裏碧蒂密間  
垂紅核核瓊分辨絲絲繭綴茸霜蘆依岸渚風絮  
漫房櫳共井膏頻沃分畦景倍融欣隨農報獲擬

待婦爲功大地憂寒蟄斯人飾保蟲蕃蕪宜有自  
衣被遂無窮貝草名稽古揚州織早工貢從禹甸  
入賦豈漢年通夜紡家家軸朝彈處處弓定知均  
稷播每惜漏幽風尺度煖恒載元黃色並哀休論  
麻辟績詎逮帛熒瘡莫辨六經字猶餘千載蒙廣  
南空蔽樹塞北但飛蓬物土傳初俗邦畿洽屢豐  
興歌共遺秉掇拾任盈籠

冬夜雨中同劉林一馬湘靈話故鄉風景  
因成四韻

微風拂拂雨濺濺已到輕寒十月天茗椀頻添新

燕香集下

早七

活火

時里門寄客歲詠益梅詩梅花重檢舊吟箋憶及白門翠微

寺綠萼

爲憐預結山邊屋湘一擬小息老須歸郭

外田

林一話金牛記取官齋同剪燭數枝殘菊影

猶妍

題宋懋庭杏花春雨圖小照時懋庭侍養南歸

風雪送長征車馬燕山路羨君馬首南燕嶺成迴  
顧江梅白於雪忽到舟橫處歸程合有圖吳湘歌  
競度風吹北堂春花艷南園樹礪柳倚清波柴門  
掩香霧策蹇將何之戴笠聊小住雨濕燕猶飛花  
浮魚共聚地匪卜幽深身如離傳遽慈和奉輕軒

載誦閒居賦葆爾圖中真歡言託豪素長干一葦  
航通津閱瓜步望望網師里深情邈洄溯

馬湘靈歲暮歸里門取道維揚詩以念之  
風雪燕城去單車馬少游歸應逾改歲詩莫起新  
愁壽世摩青簡生兒慰白頭犀錢憑早寄露喜望  
衰眸湘靈與余同庚聞有生子之望

燕香集下

粟

述本堂詩續集

桐城方

燕香二集上

戊寅元旦乘暖至蓮花池小步

勝蹟林塘曉春風步傑初閒情應讓老禮久從  
疎竹外泉堪鑑花時徑欲鋤增東坡詩護及  
公餘謂蓮池書院諸生

燈夕津門行館盆植牡丹白桃花盛開各

系一首

屏簾隨曲折乍許問春濃池館裁何有香爐暖合

燕香二集上

一

供長安分夜色數朶綻歌鐘莫便催花盡還思對  
酒重唐花鮮能以時復開

不是歌樓李猶疑弄落梅窺燈映人面乘月到天  
台春水雪融岸芳筵玉作杯盈盈津渡外素影接  
豐臺

元夕次靜海水村同張少儀王立亭戴西

軒陳肇州分賦得圓字

海月初騰碣石圓河水漸豁大隄邊雙旌夜館邀  
文酒百里津門任管絃坐近帆燈添野色聽多村  
鼓是豐年歡聲昨歲趨



行殿雷動星環

御座前

上年 聖駕南巡元夕扈從至任邱

津門燈夕賓僚吟詠競爽因憶三年所歷

又成四韻

種瓜城畔酒為泉

丙子假節陝甘駐肅州

青淀橋南月似烟

丁丑扈侍

有興還同今夕醉多情仍比去年圓童

歌聲滿村村近客咏燈分字字妍更欲探奇瀛海

上驪龍正好抱珠眠

西疇寫小照詩帙後索

伯父息

生評點

余與論詩短札並載

燕香二集上

二

書至輒累紙新詩亦綴幅情欣珍懷袖來對宛清

矚評吟更沓陳何止書尾續暮閣飄風鈴坐我篝

燈讀歸鴻動遠思落月透檐曲呼君几席間彷彿

慰幽獨雲氣濕髭鬚烟霞上衣服戴笠將何之浮

邱舊山麓風雨寫歸心坡仙企芳躅後來漁洋老

襟情亦可掬

漁洋詩集有戴笠小像

客訪春江潮名高東海

瀕望望龍眠山宗風峙巖谷阮謝愜交歡高談屏

凡俗皤然八十翁健興事品目

息翁伯赴廣陵舊遊之招飲酒高會

以詩名流爭踞席羅笙簧門庭久推轂尺寸守顏

鑄瑣屑附遵牘論文敦夙契憶就江舟宿

余已已北泊

京口西疇來舟中談詩竟日十載換華顛相思隔川陸故國合

腴顏清風領松菊離覲詎有常願言慎涼燠

題蘭陵呂宜人所畫姑母高太孺人詩意

圖寄又華賡于昆季

姑母高太孺人於雍正乙巳作五日詩

觀承尋歸自京師和詩有云也將白水

蘸菖蒲作客年年並此無况味可想五

日詩徧傳江南北同里吳恭人和詩載

雙清閣集中江都許宜人涿淨軒有詩

紀其事今蘭陵呂宜人為寫詩意成圖

三

並題元詠於幀首信可傳矣憶童時見

姑母畫梅幅寄揚州某閨秀題句云一

枝寄與揚州閣是我江南對雪時先君

子亟賞之自今思之忽忽五十年矣能

無泣然姑母淑德芳徽為兩姓女宗非

僅以文筆見稱門庭以內至性過人為

觀承幼所稔悉因舉似古淑媛題詩誌

之歸又華賡于昆季藏之俾後之人知

太孺人之篤于天親所遭又如此也

五日菖蒲詩裏畫一枝梅雪畫中詩魯姑屈姊緹

紫女筆墨何能繪孝慈

蘭陵惲哲長爲繪百花屏幃題四韻見意  
春鋪秋染爲誰工香色參差意態同四座正兼風  
日美百年肯放酒杯空寧將錦繡爭時艷得比桑  
麻見歲功老我就中投氣味桂巖叢外菊籬叢

野花作瓶供

野花爭弄色異地孰詢名碎錦茵堪藉微香座易  
盈託根何不擇對客豈無情筆硯沾餘寵新詩數  
首成

熱河道中

燕香二集上

四

榆錢柳絮各隨風簇簇山桃映日紅漫惜邊塵移  
節候猶餘春色貺衰翁

草萊盡闢剩汗邪伐木誅茅便是家注籍流人三  
十萬都將擊壤換吹笳

五月三日喜雨王莼薌太史作詩見貽依

韻和答 太史爲相國文恭公曾孫

地脉疏潛壤時方徧濬河渠星壇禮上穹千疇歡既洽一

雨遠俱同霽動

恩先渥奉 詔清刑

皇虔感易通 親行祈禱聖駕奏書馳夜半電燭海雲東

雨中修奏已漏下三鼓

即景次韻將以來日按部邊屯

暫覺囂塵遠頻吟景物空山連靈囿綠葉遲晚霜  
紅脯鹿行廬火呼鷹過嶺風那能學矜貴新婦置  
車中

上都河道中

歌殘勅勒天如盖路繞灤陽水不回一片黃雲千  
載淚秋風吹上李陵臺

載清堂前疊石爲小山集飲其下取石有  
數卷山意足爲首句成四韻張少儀劉林

燕香二集上

五

一戴西軒王行上陳肇州沈石亭愷次桂  
州兩弟闢其句次亦各得一首

石有數卷山意足掬取涼雲向深谷舊種中盤粒  
葉松新移近淀行根竹步來巖影月邊明捫處苔  
痕雨後生芙蓉欲泛前池艷蕉菊還依使院清古蓮華池近在署前

偶拈秋聲四題效文衡山體

蟬聲

脩然高唱蛻塵緣不爲頻啼恨未捐幾樹濃陰秋  
露下一枝餘韻晚風前晴窓坐久喧仍寂午簟吟



多倦即眠化簫常乘清氣在眼中槐柳任寒烟

蟋蟀聲

乍分蟬韻聽低昂唧唧秋陰草露涼靜引空廊無  
塵響暗窺短砌有燈光依人欲訴來床下與客多  
情語夜長關勝也知終寂寞不須回首半閒堂

絡緯聲

瓜藤豆葉散清音何處縲車倚暮陰九月授衣寒  
已至一燈催績夜同深疾徐各替蠶娘手展轉能  
傳織女心河漢欲傾霜露滿莫將杼緒傍繁碁

落葉聲

燕香二集上

六

纔逢槭槭孤村外又踏蕭蕭野寺中夢枕初回全  
似雨打窓幾度乍因風江湖水落喧枯岸簾幙霜  
多獵舊叢日暮離筵聽豈盡不將社酒更治聾

赤城溫泉

山容如箕中沸暖泉鑿砌深丈許旁距  
數武復有冷泉相濟以和洵靈澤也導  
爲二池覆以連楹名瑞雲室附泉松石  
潤茂草木榮暢迥異他山

層山轉蒼翠旌旆去悠悠烟景未易即何暇問深  
幽偶因向灰徑稍得濡前郵澗黍黃欲墜野花香

正浮風聞青松障其下豁靈湫女祁領異境不惜  
迂道求巖局叩初啓鶴鷺相夷猶丹砂伏雲根氣  
上爲重樓清音韻雜佩孰是弄珠傳雕鳧少近砌  
香葉還通溝陰房盛翕赫罔象潛冥搜咫尺復異  
派清冷澄冰甌感沸岐遠脉趵突同輕漚動挾燄  
燄勢靜惟活活流爲觀和會意宜無札癘憂橡楠  
仰

聖蹟浴日垂邊州至今光照室宮沼神龍遊遐哉  
赤城標雲霞恐未侔身稅咸池振衣凌高邱勿  
愁寒霜早恒噓暖律留一洗笳鼓競再叶絃歌稠

燕香二集上

七

含情望仙嶺長嘯聞清秋縣北有邱長春仙蹟

宣化黃令可潤修城之役以除積沙爲功  
城西緣壕植柳層疊數萬株風枝所蔽沙  
不得入因立萬柳亭引柳川之水相澄映  
爲勝蹟余以戊寅初秋至宣化樹皆成陰  
臨觀可樂題十六韻以表斯亭

嚴城當朔漠曠隴合風沙舊失苞桑固誰將戍堠

加前政以沙擁城

爬䟽功在野保障事如家雉堞

排初聳龍堆剗竟窠一槐徒鄭重

域有槐龍古蹟

萬柳正

周遮颺起墉飛隼烟濃樹帶鴉楮添叢翠列帚拂

亂雲譁更繞隄重叠全通水直斜真宜亭傑立遂  
使坐幽遐昔走狐兼兔今聞蟬共蛙初秋無敗葉  
暇景到高牙緬彼輜軒整欣茲草木華西風塵不  
起

北闕路非賒古衛川名柳

興朝縣是花人情問桃李

兼種桃李多株

我意種桑麻欲

譜龔黃美休將一事誇

白蘑菇

元柳貫藥水秋風詞沙頭蘑菇一寸厚表楠詩蘑菇綴玉釘今產多倫諾爾為珍味

沙頭真綴玉琰琰名著灤京十詠中乍掬霜腴凝

燕香二集上

八

塞酪早知香味洽秋菰攜來都市矜芝蓄

價視常磨增數

倍裏向江淮備藥籠

南中用以發痘疹有奇效

猶記故園葵菽

候黃菇入饌與金同

黃菇金陵所貴

赫山行館和少儀司馬用丙子年元韻

歌聲已遠悵雲殘小住重來耐塞寒合向巖巒攜

賦客未須槐柳列刀官待霜籬菊層層出摘月山

檀粒粒團一笑語成忙更寫五花幾誤筆流丹

貫衆苗

產古北口外水木陰翳中近根處與菰

無異而兩稜細葉如毛不啻莖生則有

異長纖如鞭而鉤其末老則舒為六葉  
邊人呼為野雞膀以其形似也而究亦  
不似考之實貫衆藥苗生嚼無菜味淪  
食甘滑益人

廟薦用之仲春采以貢

畧似菰穗與蕨拳

俄羅斯菰長四五尺老葉盡退莖末層層苞裏大如雞卵名曰菰毬冬月東三省函紙充貢

非莖非葉摘青煙何關肉食思嘗

鼎不見朝飛豈墜弦著粉便同蓴帶滑充筐合共

韭爭鮮蔬名藥品終須譜為訪叢陰碧澗邊

古北口道中

燕香二集上

九

不因去馬始開關小尉孤城盡日閉前路白雲紅

樹裏都忘按部是邊山

廣仁嶺

過嶺十二里至熱河

行宮

嶺迴紺宇夕陽西勃窣秋雲徧馬蹄紫氣微垣瞻

已近真同步步上丹梯

中關道中

櫺葉青紅野菊黃秋山風物近重陽客程自足崖

巒興不用登高作意狂

戊寅中秋節署舉子信至時方侍

謫熱河



行在欣感成詩 兒生於八月十二日

吉語傳宵夢生兒到曉郵與翁同甲子添汝對中

秋

寵溢羣公讌情矜萬戶侯笙歌雲近足桂樹月當

頭

直作孫曾小如依門戶深蹉跎半生事浩蕩百年

心鏡影窺新鬢書床理舊琴耽吟須有和老鶴傍

秋陰

小字宮臣錫耆英

御筆書譜原傳益壽

燕香二集上

恩並及充間玉樹晚猶茁靈椿健有餘相提更相

祝老憊轉愁余

是日宮保吳宜菴提閫八十壽上親書節鎮耆英四字賜

之因錫小字曰耆吳公六十一歲舉二子今為別駕矣

有弟書遙寄思兄淚暗紛關心空便老此喜竟無

聞聲愛鵲原續香宜蠹簡熏先疇吾所重健犢勗

耕耘用杜詩健如黃犢走復來之意

河西營 地距木蘭園場十餘里

豐草依靈囿秋雲滿近山雙村共圖畫一水界潺

湲占籍流人遠更番戍卒閒塵清諸部落戶牖障

畿寰

入門

喜氣溢帝聲新看繡褱迎入門皆笑口窺戶已呼

名犀玉包頻解箋詩和屢成謂親友纔知娛老計

瑣屑盡關情

詠二番桂次張少儀韻

香飄庭樹認初繁却憶花開已上番月下光留金

粟影酒邊舞換羽衣痕早芳有約椒同佩南中採

成香晚節多情菊共存結子漸看風在蕊巖阿為

護舊霜根

表弟高又華來署度歲

燕香二集上

已聞

闕下綸音改猶報畿南烏影來又華選授廣宗令以余屬縣改赴山

西待萬里蠶叢辭偃蹇一官鶴載尚徘徊風傳鈴

閣重移榻十七年前榻余清雪待梅堂共舉杯時

望懿叔問年今五十華顛歲晚益相催

野人獻礮轉成八韻

北方礮新麥為條食之謂之礮轉轉讀

去聲陸放翁詩拭盤堆連展即此連讀

如礮江南呼為麥蠶以其在蠶時也越

諺櫻桃嘗九熟小滿動三車麥乃九熟

之一

如辨復如絲爭嘗九熟時輕漿初破粒密穗正垂  
岐乍覺香生餅從抄綠滿匙兒筐迂遠隴婦饁佐  
朝炊斛斛傳豐稔村村作餽遺矜隨芹有獻試嚼  
齒還宜故國餘風味衰年足朶頤已憐櫻笋近聊  
誦放翁詩

雨後赴河間過興村有作  
時久旱於六月得雨因連閏夏尚冀有秋

未惜衝泥去初欣徧澤時籌農天與閏比暘吏逢  
醫舊徑衡茅靜新亭草木滋三年前過此春雨早

燕香二集上

七

題詩興村小亭鐫丙子二月河間喜雨詩

河間行館桂

荔青軒下數枝開要識香從靜裡來簾外秋風塵  
幾許幽情相對轉徘徊

泛月影連秋水白  
丁丑之秋督賡詩箋拂漕津門舟次

御衣黃  
戊寅八月侍宴熱河行在萬樹園恭和御製桂花詩有云分明香在諸天上掩冉枝攀萬樹中為諸公所賞  
舊香

北倉行館中秋次戴西軒元韻

霓裳仙夢躡遙蹤近曉疑聞上苑鐘  
頻年是夕扈從行在

明月初逢秋水滿丹楓常帶露華濃門前影過帆  
檣疾葉杪香飄酒盞重回首江天雲度後雁鴻聲  
遠不相從  
己巳中秋同大兄三弟艤舟北固山下

聖武遠揚平定回部西陲永定大功告成恭紀  
謹序

國家既定伊犁之五年拔達克山部長素爾坦

沙殲逆酋大小和卓木率其族屬頓顙

於邊伏受約束西陲大定先是準噶爾

恃其險遠獸伏狄居遏絕歸義之衆

先朝累興師撻伐未拔根株乾隆十九年夷孽內

閩部衆紛披

燕香二集上

七

皇上飭軍吏誅厥罪盡剿絕降下之俘達瓦齊以

歸於是左右哈薩克東西布魯特莫石

委心歸命款關請吏大小和卓木者本

準夷累囚乃敢辜

恩伺隙扇其羣醜逆我顏行

皇帝申命將士窮竟窟宅克庫車諸城大如葉爾

奇木遠如哈什噶爾皆以次剪定兵涉

萬餘里士氣益奮感二孽於伊西洱即

拔達克山境也素爾坦沙畏威效順盡

馘以降一時安集延霍罕大小數十部



皆來獻見暨自穆壘以西阿爾泰以北  
綿亘二萬餘里悉據其山川要塞險夷  
道通歸我版圖臣謹按回部在伊犁外  
與大宛隣其唐書所紀天方回鶻伊吾  
之苗裔與自古不能臣服

皇上睿知文武

聖謨獨運戰守數萬里若燭照數計然自烏魯木  
齊西至伊犁暨諸回部城隘設官分屯  
星羅棋布使數百千年深阻幽暗之區  
咸耀於光明誠前古所未有天地運會

燕香二集上

西

於茲一新也臣恭逢

盛世親親非常之功又嘗蒞事塞上得諮諏其形  
勢宜有所稱述自知舛陋淺薄不足奉  
揚

休烈而歡喜忭躍之誠不能自己竊附

廷臣之末撰爲七言古詩九百五十七言謹再拜

稽首以

獻

聖人立極崇天鈞凡有血氣皆尊親八紘之外又  
八極被化豈佚幽都民唐虞方州劣萬里時會未

至開無因因時者

聖

天所啟順

天而動功斯神我

朝遠馭廓戎索窮髮編駒服羈絡不煩戶牖重防

維敦向藩籬敢侵薄喀爾喀諸藩昔以有吐谷渾

孽準夷準夷境地近北爲古渾驅獮其衆強肉弱西

界穆壘北金山雍正十三年定準噶爾邊界西界

喀爾喀部落千里幾度征綏煩

廟畧回鶻之種雜羗羗伊吾盧部伊犁西回部即

燕香二集上

圭

盧亦曰伊吾俗役於強隣比耕牯回部諸城在準

人務耕織工藝業拘厥酋長如栖雞波羅泥都駐

準夷食用皆資之葉爾奇木城小和卓木名霍集占駐譬彼燒當

什噶爾城準夷誘而拘之收其賦役

方助漢書燒當南得虐燼乃賸達瓦齊準噶爾

布坦死策凌立策凌死子多爾際那木札爾立爲

其庶兄喇嘛達爾札所殺達瓦齊策凌之外子也

阿睦爾薩納助之殺達爾札而自立

嗣阿睦爾薩納多所求索遂相攜貳

天戈一揮白組繫其穴既掃其庭犁釋茲累囚返

田牧義聲感動纏頭族我師既定伊犁釋大和卓

木統其回衆不道同巢伏梟獍乘瑕黨叛來觝觸

乙亥八月阿睦爾薩納叛走小和卓木二豎未使  
附之尋竄歸舊穴復詭計戕我領軍

就殲除全部何由定反覆開排衆議

授謀猷載鼓神兵躡窮蹙庫車城墮及和闐哈什

蟠連地極邊自哈密至土魯番瓜州公今封郡王額般和卓舊部也又二千餘里

庫車城又六百餘里阿克蘇城又二百餘里烏什

城又七百餘里葉爾奇木城又二百餘里哈什噶

爾城又七百餘里葉爾奇木城又二百餘里哈什噶

里曰拜葉爾奇木之南有城曰和闐曰克日沙牙當

車尚距螳螂臂洞脅須張鷟拳蚩尤作霧山魃

失庫小和卓木被圍都尉屯雲壁壘堅鼓音不衰檣庫卓乘霧遁去

數動十百良足當萬千此際深溝守黑水主客之

勢亦孤矣戊寅冬將軍兆惠直薄葉爾奇木道遠馬瘦被遮於哈拉烏蘇譯言黑水固守三月賊不敢逼

銅梁鐵遂志成城罷卧焉能過貉子刺劍

甘流石穴泉探巢飽得土囊米掘地得泉兼窖積之米數百斛軍心益奮謂由來挾纊見軍心合有祛衣導神趾俄驚有神助

飛將到援枹副將軍富德率師進援萬騎聲傳鐵蹄趨內外軍合

驅贊阿里哀兩軍銳合驅重險七遇憑陵擣積俘

大小和卓木攜其妻孥遠遁泰贊遮道降人齊脫

帽漫山導卒爭吹蘆無前直欲賈餘勇有捷皆能

應

睿謨即如富將軍援兵阿泰贊馬適盡失醜徒僅至皆承睿算于數月前者

身免沸鼎游魂偷息喘拔達山臨鞞轟揚白氍蒙頭汗流面能知大義絕懷攜肯與逋因共屠燹邳

支頭逐露函馳貳負尸隨械車遣既籍其土撫其

民芻荻在野粟在困設官泰用戊己尉自哈密以西如闐

如烏魯木齊齊如拖克遜如哈爾呼珠如紅廟如金

河及伊犁回部諸境土皆宜粟麥四人謂禾爲烏

魯禾都尉寬賦預減庚辰緡恩免甘肅采花織

錦于闐女回部婦女鑄幣同文正朔臣和闐產銅

銖每五十文爲一緡格直銀一從嘗暖水瓜初熟

喜和伊州曲換新哈密土魯番久列藩服新附回部皆其族屬伊州即哈密有暖泉隆冬不冰

捷書奏到蓬萊日一片紅雲走千驛紅旗露布二十日行萬五千里

武慰

慈寧大渙

明綸光紹烈靈靴路鼓六代縣蒼壁黃琮九賓設

香升

至德答

昊穹氣轉陽和應璇室春觴介

壽日履長行慶恤下

恩波灑酬庸晉錫爵五等勞師行歌詩六章遠人

思慕重譯至圖入王會隨冠裳賦夷賓夏閱七載

遜此五稔平瀾狂往者盱衡西北塞四特交蹤吁

已潰華夷各厄魯特所部又有輝特杜爾伯特和碩特翹嘉君長盡朝



天霍罕諸城聲一槩霍罕安集延博羅爾及亥步

星探二萬逾新定諸路却視伊犁是腹內布魯特

及回部諸城皆貢道旁通臘達長天竺香雲添鬣

建葉爾奇木迤南約月餘程為臘達格部更南通

達賴喇嘛轉賞大宛之馬大食刀大食國即紅氍紫

蜀堆雲濤椰碗冰漿壓榴子銀罌綠酒香蒲桃地回

產石榴綠蒲桃無核味甚美

中朝效職貢還同邑里輸租徭地靈也復不愛寶

玉河珠淵采氣騰丹霄和闐即古于闐產玉古稱得地不足

以為國又云師之處所生荆棘紙上陳言詎足云

燕香二集上

文

似女闕觀噓廢食欲施雨露先雷霆不有芟夷那

生殖已

持玉斧定危疑更

發洪鐘破昏惑御製開惑論煌煌示用兵始末

奎藻炳日星涵蓋萬有鎔六經元氣淋漓洞窅窅

高文突兀撐青冥禹碑宣雅軼前儼御製太學碑勒銘葉爾奇

木伊西洱庫爾兩處何論班史燕然銘允垂奕禩作

謨典

敬勤一念常惺惺維

皇煦育綏羣生

神武不殺非佳兵要使萬古沉墨地徧睹雲日開

光晶置藩永與息蠻觸實塞盡遣歸屯耕濡之仁

義化驕蹇祛乃罪眚銷髡黥泰階六符正且平功

歌德舞賡咸謦

鴻名駿業邁三五

謙讓弗受殷

皇情曰予惟時率

祖

考之攸行

申錫

燕香二集上

无

帝祉頌

武成

佑德助順一一符

欽明

恭和

聖製二月二十七日郊勞將軍兆惠富德及諸將

士禮成紀事

黃屋臨郊簇禁軍隆儀特舉禮殊勲仙韶迭奏鏡

簫曲

睿藻先敷奎壁文法酒

賜酬餐雪苦戰袍解慰櫛風勤即看楊柳依依路  
雨露無邊萬彙欣

師貞嘉乃律無違重疊

恩綸下紫薇諸將功名榮畫錦

一人策策勤宵衣烏捷見集黃雲塞白氍新添紅

女機桑土綢繆欽

至訓圖寧自古在防微

扈

蹕盤山喜雨

山靜重盤夜雲生萬幕陰灑塵清近甸濯錦艷遙

燕香二集上

辛

林

杏花初放雪應十旬卜農占冬雪大則百日後有雨之應春隨元氣

斟

宮泉連野潤

遊豫洽

天襟

三家店喜雨用前韻

濕雲遙漲壑吹野易爲霖驛路連朝暮春田各淺

深

省耕方北薊送喜共西琛

時曰部既渥邀

宸詠聲聲入

舜琴

寄巢兄南墅初成作詩索和疊韻寄答三

首

謾謾松風倚舊陰

兄先世建幽棲廿載洽初心憑有四松堂

收野綠歸春墅更著亭茅眺遠林

來札中語

怡水鶴地近仙詩添新韻變園禽招邀社老稀同

輩不爲治顰酒亦斟

社酒治顰見談錄兄年八十甚健惟耳失聰

履道坊邊竹樹陰適郊真喜靜塵心春風杖履芳

菲岸雪色鬚眉錦繡林檢點魚梁添瑣事棲遲鷗

水集閒禽藿甘園指青溪路薄醞藜羹亦待斟

燕香二集上

壬

云叩門若爲看花至薄醞藜羹未乏斟

身隨塵海駛斜陰夢引江湖黯舊心莫以雲興方

出岫豈知倦鳥便投林梁間乳燕憐新穀

余六十甫得

子江上飛鳥憶孝禽

兄子輔讀輔華謀食四方奉養無缺剩得高情

兒輩說白頭兄弟句同斟

東鹿傾井

相傳光武軍行過此渴甚無汲具命軍

士攀之井遂歆傾今有亭覆井旁奉光

武像

白水龍初起堅冰馬盡隨孤亭猶表岸

燕羹培井



亦鐫碑未費征途汲寧因改邑移東邑有香烟垂新舊城  
幕塵瓦色壞琉璃羆虎歸何處牛羊欲下時千秋  
餘麥飯野老薦馨宜

長城嶺道中

關嶺望周遮盤空一逕斜老從筋力減景入屐痕  
加衆壑翔雲海高峯燦雪花千秋添映帶葉葉上  
朝霞

古蓮花池十二詠

春午坡

林風散朝步巖逕意所適巖畔羅春花晴光艷如

燕香二集上

五

織佳賞貴及時何爲香偶即

萬卷樓

萬卷不可讀層樓猶遠望梁棟扶古香黛柏等無  
恙

宸詠垂星文歷歷雲霞上

花南研北草堂

水石自幽賞笙瑟亦清音瑤堂悅賓燕文酒近芳  
林古藤方交花髮舞力難任

高芬閣

荷香熏遠水檻影俯清漪新月坐初上閒情理釣

絲蕉風動絺葛涼夜未須歸

宛虹亭

山近豁渝泉烟波自清境穹龜五百年伏護一漚  
影何當具扁舟更向江湖迫易水伏流穿滿城抱陽山爲一畝泉導入蓮池

鶴柴

池邊雙白鶴水宿不雲飛明月敞虛閣蘆花吹縞  
衣清聲諧子和高步待同歸

蕊幢精舍

隔水見紅墻因風度清磬竹樹逕從深車馬跡已

燕香二集上

五

屏濯濯青蓮花共適禽魚性

藻泳樓

孤藤冒高樹巖石形蒼然登樓前後見一水環風  
漣樓頭動藻影樹石皆空懸

繹堂

高樓駐夕影寒泉滌襟垢石罅并甚甘冽嘉會歎良難寸  
陰惜所受此堂可爲儀此觴可飲酒

寒綠軒

分藂映孤花數枝自娟秀雨中種即看開軒坐清  
晝置之松石間老以霜雪候

篇留洞

捫石見璇題，豁訝逕初識。秋雨長苔痕，陳跡忽已匿。歸鶴避遊筇，閒雲此相值。

含滄亭

雨水並如泡，茲亭亦何小。昔我觀滄溟，日出蓬萊早。亭邊波動日，池面烟含島。

集歸去來詞字題程雙橋京兆南陔松菊圖時京兆將有養母之請

夫子扶

皇化觀成首，善時何爲眄。松菊欲往問，耘耔親室

燕香二集上

五

瞻雲遠歸心，有鳥知門庭。風日富觴酒，及春期

泉木關天趣。邱園遠世情，無琴欣獨得。息駕倦孤

征，未覺容顏老。常懷景物清，寄言形役者。內樂可

遺榮

將事時清路，言詩或命疇。自來經觀貴，無復諫書

留

京兆歷官翰林御史嘯傲容光宇，風期感善流。幾時倚春

權相酌話童遊

再題雙橋南陔松菊圖即送其歸養

亭亭巖際松，藹藹籬邊菊。託根何必同，結契在所獨。遂以淡蕩姿，而侶幽貞躅。伊昔塵海中，交遊少

徵逐君爲故鄉人，曾未杯酒屬。及官共京圻，乃稍晤言熟。乍如飲醴醇，久益接蘭馥。耐寒盟素心，餐英貯虛腹。方期歡會長，胡乃分攜速。君言有老母，每飯哽必祝。豈不戀明時，奚嘗輕爵祿。倚閭實苦辛，趨庭敢不于。會茲王事殷，屢鬱懷中牘。歸夢繞南陔，深情寄尺幅。孟冬日在尾，郊時返

黃屋惕息伏丹墀，臣心鑒於穆朝奏。夕報可仁哉，天覆育聞者悉感忻。余懷顧蹢躅，松脂爲茯苓。菊水出甘谷，食飲可長年。此論疑未篤，君家多老壽。人瑞世相續，將毋得地殊。山川聚清淑，抑亦和致

燕香二集上

五

祥一門效敦睦，歸持藍尾盞。盍分爾高堂福，韶光正復舒。樂事良已足，而我眇邱墟。焱風莽寒木，此日東都門。祖餞集華轍，攀追限河梁。送子千里目，覽湖沂秦淮。一水衣帶曲，庭枝故無恙。芳隣行可卜，還君畫卷歸。寄我新詩讀，何處重論心。春波眼中綠

阜平道中

下澤無恒雨，高田亦滿車。引流兼浸稻，間石復堆瓜。舊向僧巖靜，重來戶版加。十年生聚願，亭堠蔽桑麻。



正月八日勘道長城嶺次梨雲館遇雪

陰嶺忽呈色春枝亦綴花梨雲吹更積楓葉冷還  
加客歲八月杪長城嶺道穀日爲農瑞山風問酒  
中大雪時紅葉方盛

家清塵同渥澤愛踏去程賒

自龍泉關上長城嶺望五臺作

重關一徑嶺崔嵬雪影朝光凍未開樹老根猶盤

戰地嶺有楊延昭挂甲樹雲深路不隔香臺五丁力鑿層陰

散三竺經聲好相來夜火天花齊照出五臺產菌名天花採者嘗夜半伺之

幾回人作聖燈猜

攜耆兒迎

駕叨蒙

恩渥銜感成詩

提携豚犢亦何知

天語親承

輦路遲造

膝幾人容抱子

攜耆兒至佩包以賜

御前蒙

親解

眷懷昨歲

詔迎醫

曾蒙恩諭爲耆兒種痘得奏請

御醫

珠囊佩解

龍衣上

玉食頒嘗齎哺時

覆育恩深衰莫報教兒頻誦紀

恩詩

泛舟蓮華池和少儀司馬韻

遊情尚得理殘春更傍前溪拾釣綸蔓引好花開  
又半水通澍雨換全新閒中未易賓僚勝老去真  
攜子姪親珍重臨流歌在藻

品題今不是凡鱗

蓮花池紫藤盛開同賓從往觀歸而惺懨

餘醺下因出憚南田畫藤相評賞追次張

少儀司馬藤花舊韻諸君並先有作

燕香二集上

三

春園綺思紫蒼藤健筆突兀如騰鷹詩成闕和花

再艷力駢羣雋追前乘入門興發蜂導午雨餘水

氣添薰蒸迎風揭幔亂襟帶鳳翎一色垂簷稜高

磴盤旋成俯掇流蘇欲結千繁繩柏撐古黛透夕

曛琉璃金碧輝重層列牖合對

薰琴座隔院還照文殊燈此時髮陀一再舞空憐

白髮飄翳歸來命酒覓所適麻姑手贈滄波澄

餘醺小花含野致檀冠道士褐服僧長嘯堂前昔

觴此新詞早屈辛次膺

丁丑春賞茶

飛英已閱歲

五載伯雅猶受斗八升得憇花前罷塵役如與休

息宜優矜為花求似亦好事品題一就熙筌曾甌  
香主人稱巨手翠餘羅絡光軒騰眩眼晨霞纂素  
壁誰移池上懸香繒詩成最後先客醉眾中我老  
寧爭能

### 臨漪亭牡丹

雲霞多處認樓臺中有名花春正開異彩朝陽見  
層疊臨流新雨絕塵埃

宸章閣下黃聯屋

時茶蘼盛開

太保峯前綠映苔

有大石題

太保峯三字明安肅鄭襄敏家物也

曾是芳辰趨走地隔簾猶透

御香來

### 燕香二集上

天

### 詠白牡丹

池館香分使院清攜來洛下譜同評世人也覺  
臙支費國色偏宜縞素輕漫對風光吟綵筆要從富  
貴見高情都緣身在春多處不事穠華亦盛名

### 唐縣道中

馬踏路恒上風吹衣漸寒塵輕銷夜雨地僻近烟  
巒茂嶺雲光遠秋河岸影寬霜風銜夕照冷艷待  
人看

錢東麓侍郎攝京兆勘水畿南往返連得  
遇晤即事賦贈四首

行縣人爭覩衝泥君獨勞先憂籌百室晚熟救千  
溝夜氣魚龍靜秋風鴻雁高桑乾排柳色京兆柳色本少

炬火映旌旄

帳殿瞻猶遠環隄去正長屬車空有約叱馭定難

忘東麓與余皆以未與野寺從留榻孤城為築防

東麓與余皆以未與野寺從留榻孤城為築防

感蒼茫東麓為言每見隄溢輒先有青蛉叢繞其

不是乘槎客同勞望歲心一程迴遠水萬隴入秋

陰屢得行相及因教坐共深他時風雨思轉覺費

招尋

### 燕香二集上

无

### 官廩急民依

王綸澤近畿天看開霽色人比授寒衣土室茅重  
補秋原麥易肥送君臨廣淀萬壑正東歸

東淀隄溢錢東麓侍郎攝京兆勘水至文

安即同臨視奉簡三十五韻

長隄障千里清淀儼具區分疆跡遼宋天塹因沮  
洳浮沉七百年魚龍求其居蓬萊數清淺城郭俯  
瞿孟易樂源西至滋漑滙東趨千墟歛一壑冥冥  
雲氣俱秋水少拘束秋雲常模糊戈鋌挾猛雨風  
柳無留株一綫附蟻蛭何以安耕漁穹龜不守窟



螺蚌乃紛如崩雷下急峽迸寫愁無餘京尹行却  
蓋汴牒訪村間人烟寂遠擢土寺拳宵趺亦知鯨  
鯉鄉吐擲戒迴迂驚濤移晷刻昔夢沉鐘魚精靈  
謹呵護陵谷爭須臾文安官道雨積東麓乘小舟往暮止荒寺待旦急行潰隄  
之水已至所我聞操舟至相對增感吁場圃空已  
涿舊健急所需勤民祛患害封事陳艱虞堯年救  
一青未至憂淪胥還復畦菱葦誰能畫川涂淖淦  
別南派弭節失寬舒桑乾盛北流闕徙及雍奴海  
門三百里兩淀藉歸墟橫沙望如闌中穿潞與沽  
衆注有不下巨浸如停汙吸納候白露搯肘鮮良

燕香二集上

三

圖升隄騁四望夜月環冰壺拍浮鷗鷺近接翼城  
上烏曲防涓滴過執畚千人呼公才總赤縣籌治  
誣嘉謨讓地信偉論尺寸慙牽拘側聞黃河溢改  
道賈魯渠周原忽思逞地中行江湖墻頭非地中  
慎無河伯誣

中秋對月

時駐固安有菑捷之役

輪湧金波露並團水邊城郭到新寒五旬風雨光  
初見幾處江湖影正寬別院蕉桐猶映酒野田葵  
菽亦登盤故園叢桂歌應好夢隔淮南萬派看聞  
決中年全派奪入賈魯趨臨淮

錢香樹先生入

朝與九老會招余於令子東麓秋卿邸第小飲賦  
詩爲贈依韻奉酬

東南耆碩幾人存寵讌新叨

詔語溫喜就斑衣聊憇駕得從素侶暫開尊江湖  
日月

君恩予竹柏因緣歲晚論更閱十年同此會干霄  
又見起桐孫是日見先生兩孫皆甚秀發

香樹先生題扇頭丹山雛鳳詩示耆兒依

韻答謝

燕香二集上

三

容易看渠六翮成飛騫敢望比羣英生男自昔無  
多願只愛如瓶瀉水聲

魯公書法坡公句百丈光芒吐墨麟僥倖頑兒得  
奇寶清風披發性靈真

香樹先生以玉琢曼倩爲耆兒佩疊前韻

致謝

編貝懸珠巧琢成尚書親佩入耆英敢膺備福傳  
家物要聽新詩曼玉聲

盆花在幕夜燭臨窓各系一絕句

白梅

寒燈疎影坐顏頰香在簾屏遠近間夢入故園僧  
有約數株新雪寺門山穀安禪師爲主瑩菴於菴側山岡徧種梅竹

帖梗海棠

海棠春又海棠秋歲晏宜教秉燭遊未摘紅鮮隨  
幹曲先從綠嫩愛陰稠

萬全行館家人寄到芍藥數枝詩以答之

邊城四月草新芽驛信空探使院花忽墮雲霞分  
几席劇憐香綺護風沙堂名長嘯看棠舞荔青軒前茶蘼上藤花剩托殘春娛老眼清吟  
爲爾興能加

燕香二集上

三

次韻張少儀載清堂賞牡丹花見貽之作

芳名剛向畫圖誇時張壯丹畫屏已徧新香姚魏家不爲

荼蘼春興減公竣回署茶蘼已過便連芍藥酒杯加慵歌別

夢含朝雨艷引詩情倚暮霞近甸風光傳綵筆何

須遠問洛陽花

閏月五日 前月是日方于役潞河

蒲香猶泛酒鱗羹更宜羹令節歡須補衰年閏有  
情呼兒隨渡艇泛舟蓮花池與客話江城今夜秦淮水  
娟娟月又生

賦得霜葉紅於二月花

青楓烏柏度微霜亦有空林映夕陽記向溪園逢  
早艷疑從巖谷闢新芳一枝舊繡鵲啼歇幾片明  
霞雁影涼爲憶芙蓉江上路星津如火照歸航

豐臺人送牡丹除夕盛開即席成詠

歲酒初迎暖名花却報開一叢移錦繡三月認樓  
臺舊約春城去新香荀令來東風吹近曉梅信不  
須催

安河告成恭紀用州牧黃可潤韻

萬圃千畦次第開春渠節節互潏洄柳隄翠擁  
鑾輿至桃漲珠翻

燕香二集上

三

睿藻來肥國正須肥地脉養人先要養禾胎關心

農畝無窮事尚有飛鴻在水隈

寄題大名府署晚香堂

魏公爲政地來問晚香堂勝跡詩猶寫斯人道不

忘關河留古郡鎖鑰綴空墻五禮虛垂石三賢遠

姬芳曾傳蓮泛綠試待菊舒黃企領邦千里思傾

酒一觴當時兼鎮鄴何處屢移漳身傍東籬老心

憂北敵長從誰論出處亦復羨柴桑

途次偶成

縣路迂村復傍田村村耕鋤散晴烟春風乍拂行



旌過多在楊絲麥浪邊

裘叔度少宰奉

命會勘水利以詩見投依韻奉答二首

捧出

宸章墨未乾

少宰頃蒙

賜詩

恩暉先報竹平安

又

日堂扁額

賜愛直緣舟楫才元少

更識宣防事獨難績繼南徐兼北豫情殷暑雨又

祁寒九河何處論疏淪端委從君拓掌看

衰筋強振愧中乾援溺寧能片席安獨力終輸羣

策好坐言始覺起行難兩園清淀千涂集一派荒

燕香二集上

三

村五月寒

文安積水

德意同宣勤噢咻幽風圖向甸郊看

恭和

御製上元後一日小宴廷臣元韻

傳柑節過雪晴纔法

觀初逢鎬宴開鈞樂微從

春殿起好風先自近郊來南枝益暖香承

案西玉斟誠酒獻杯圖畫登瀛欣比數

有宴圖更具儀秩

容賡拜詠康哉

廷臣與宴已定十八人適當入觀恩許綴班

十行

恩詔澤羣倫問左笙歌近接隣有象春濃民氣樂  
無爲化洽治功臻素餐愧領封圻久嘉會叨陪禮  
數均取次芳郊迎

翠蹕杏花靈雨播清淳

恒謙齋以安西道入

觀擢甘藩赴任迂道永定河相晤賦贈二首

左轄星郵述職初欣聞颺對渥新除宜禾並列藩

維遠飛輓能將

國計紆

謙齋屯種烏魯木齊數年即漢輪臺地

崇蒂陰猶分甸服

曾任霸昌道

桑乾水略似唐渠

寧夏有唐渠

疆開十二軍州

燕香二集上

三

重

甘肅新置

休養方勤用武餘

萬里屯耕策控弦歸來鬚鬢盡蒼然論交京洛追

前夢垂老封圻愧後賢暑雨車停堤柳外香風驛

憶隴梅邊關西宿德兼師表

時官師楊佩之總督陝甘

行省新

猷定不愆

題張有堂少宗伯樂全圖

人事苦不足求全卹易全先生真靜者至樂故充

然圻輔持衡舊溪山託興偏相看圖畫裏何必二

疏賢

結習元難忘行藏一卷書艱宜知稼穡侶或得樵

漁有子鶴能和諸孫玉不如眼中蓬閣地松桂各扶疎

荔青軒百合盛開寄題二絕句

小院簾垂樹影斜低欄曲折透晨霞何人剪綵斑  
北人呼卷丹爲百合以其根似也俗稱虎皮花

合歡花下共香生花正開時促去程好護綺窓餘  
艷在題詩對酒總關情

臨漳雨中即事

細雨濕牛羈春泥費馬蹄桃花渠水上楊柳鄴城  
西舊燕迷荒渡長魚竦大堤何曾分壤邑萬隴麥

燕香二集上

三六

雲齊

述本堂詩續集

桐城方觀承宜田

燕香二集下

乙酉元旦

疏蘭護植老梅旁併作春朝第一香官閣能閒詩  
便寫衰年逢閏日初長鄭公晚節名園記白傳端  
居履道坊愧我身同凡草木不離階祀受

恩光

恭題棉花圖應

制乾隆三十年

乾隆三十年四月繪進棉花圖說特貴命臣書所作詩句於幅末七月繳進

燕香二集下

一

布種種選青黑核冬月收而曝之清明後淘取堅實者沃以沸湯俟其冷

以柴灰種之宜夾沙之土秋後春中頻犁取細列作溝墜種欲深覆土欲實虛淺則苗出易萎種在穀雨前者爲種棉過穀雨爲晚棉

細將青核選春農會見霜機集婦功千古桑麻文  
字外特摘

睿藻補函風

灌溉種棉必先鑿井一井可溉四十畝種越旬日萌乃畢達農民仰占陰晴俯瞰燥濕引水分流自近徹遠杜甫

詩云農務村村急春流岸深情景畧似此地植棉多在高原鮮溪池自然之利故人力之滋培尤急耳

厚水兼聞汲井譁桔槔聲裏潤頻加千畦自界瓜



蔬色一雨同抽黍豆芽

耘畦苗密宜莠苗長宜耘古法一步留  
疎朗耳時維夏至千鋤畢興一月三耘  
七耘而花繁茸細猶之穀五耘而糠秕  
悉除也苗有壯碩異於長莖者為雄本  
不結實然不可盡去備其種斯有助於  
結實者又或雜植脂麻云能利棉

科要分明行要疏春經屢雨夏晴初村墟槐柳人

排立備趁花田第幾鋤

摘尖苗高一二尺視中莖之翹出者摘  
去其尖又曰打心俾枝皆旁達旁

枝尺半以上亦去尖勿令交採則花繁  
而實厚實多者一本三十許甚少者十  
五六摘時宜晴忌雨趨事多在三月時  
則炎風畏景青羣縞袂相率作勞視南

燕香二集下

二

中之修桑摘茗勤殆過之如或失時入  
秋候晚雖摘不復生枝矣

也如摘茗與條桑長養為功別有方要使莖枝垂

四面得分雨露自中央

採棉花落實生實亦稱花惟棉為上然花  
似葵而小有三色黃白為上紅則

結棉有紫色為紫花不貴也實攢三瓣間  
有四瓣者函紫其中呼為花桃桃裂絮

見為棉熟隨時採之此枝已絮彼枝猶  
花相錯如錦自八月後婦子日有採摘

盈筐所不與南畝之鱸相望霜後葉乾  
採摘所不及者黏枝墜離是為積棉至

十月朔則任人拾取無禁猶然遺棄滯  
穗之風益微畿俗之厚焉

入手凝筐煖更妍裝成衣被晚秋天誰家十月寒

風起猶向枝頭拾賸棉

揀選自種迄收田功畢而人事起矣棉  
水泥者惟供雜用爰類擇之以分差等  
曝布之以資久貯時當秋獲場圃畢登

雲堆則京坻盈望戶則葦箔紛羅擘絮如  
卒歲已農占以十月朔晴主棉賤故俗  
有賣絮婆子看冬朝之謠驗之良信

乘餘場邊午日暉堆雲擘雪正紛霏廣南有樹何

曾采任逐晴空鳥毳飛

收販三輔神皋沃衍種棉之地約居什之  
二三歲恒充羨輸漕四方每當新棉入

市遠商翕集肩摩踵錯居積者列肆以  
斂之懋遷者牽車以赴之村墟趨墟之  
人莫不負絮紛如售錢潯易鹽米樂利  
匪獨在三農也棉有定價不視豐歉為  
增減惟於斤衡論輕重凡物十六兩為

燕香二集下

三

一斤棉則以二十兩為斤豐收加重至  
二十四兩仍二十兩之直也轉鬻之小  
販則斤值十六兩而取贏焉

衡稱由來增歲稔舟車不獨向南多

聖朝物力霑無外又作高麗貢紙馱

軋核軋車之制為鐵木二軸上下疊置  
之車中留少罅罅上以較引鐵下以鉤

持木左右旋轉餒棉於罅中則核左落  
而棉右出有核曰子花核去曰瓢花瓢

之精者曰爭花核多而細者棉重上棉  
一瓣七八核故有七子八棉之諺稔歲

畝收子花百二十斤次亦八九十斤子  
花三得瓢花一其名大小白鈴者最為

佳植

疊軸拳鉤互轉旋考工記繪

授時編織星踏足紛多製爭似瓢花落手便

彈花淨花曝令極乾曲木為弓彈之弓長四尺許上彎環而下短勁蠟絲

為弦推弦以合棉聲錚錚然與隣春相應移時結者開實者揚丰茸紫熟著手

生溫疊而卷之謂之花衣束以取煥則輕潤而熨帖也紡織者資其柔韌經之

綸之無不如志矣

似入蘆花舞處深一彈再擊有餘音何人善學焚

絲理此際如添挾續心

拘節日漢者必合而後可以引其緒南中曰擦條其法條棉於凡以筵卷而

杆之出其筵成筵縷如索取以牽紡易曰束帛芟芟或謂帛即古棉字猶面

為酒之類薄物淺小而有白貴之義意象似之用備一說

燕香二集下

四

花甬一卷寸筵織素凡生寒輶玉尖抽綴畧同新

蘭子條條付與紡車拈

紡綫紡車之制植木以駕輪衡木以銜鉞隨弦動自然抽緒如縲絲然曰紡綫

單緒獨引四日而得一斤以供織日紡合兩緒三緒以足供縫綫之直加所紡棉

十之三三勻不毛起者加十之五吳淞間日紡紗以足運輪一手嘗引三紗五紗

用力較省

絡緯聲中夜漏迢輕勻綫績比絲縹茅簷新婦誇

身手得似絲織價合高

挽經理其緒而絡之以為經南方用經床枝豎八維下控一軀四股次第

旋轉北則持木架引維重而卸絡之勢若相嬰薄者一架容數維重約四兩許當

其心閒手敏茅簷笑語間坐立皆可從事比經床為便捷也

南牀北架製隨宜過絡迴環一手持素腕當窓憐

慣捷阿誰長袖倦垂時

布漿布漿有二法先用糊而後作絳者為漿紗有先成絳而後用糊者為刷

沸湯入糊盆或已合之經束如索絢鬻以一名支稜絡之成總乃上軸稍引兩端

以帚刷之索衍陸離有條而不索或漿氣未勻紛綸縷復加爬梳俾縷緒胥

直無或不伸自拘節後功莫密於此

縷縷看陳燥濕宜糊盆度後撥車施爬梳莫使沾

塵污想到衣成薄濇時

上機機之制與絲織同袖受經二人理之杆受緯一人行之經必鬻必漿

燕香二集下

五

而緯則否引繩高下手足並用盡一日之力成一布長二十尺粗者倍之拙工

得半而已昔傳元時有黃道婆者自崖州至松江為織具教人多巧異所製遂

甲他處今松江間記之於花神廟祈棉之廟也稱花即知是棉產棉之地皆然

猶之洛陽人稱花即知是牡丹是可以觀所尚矣

種棉直與苧桑同抱布何知綺繡工月杼星機名

任好不將巧製羨吳東

織布南織有納文綺積之巧歲人弗重也惟以鎮密勻細為貴志稱肅寧

人家穿地如害就長檐為窓以織布埤松之中品今如保定正定冀趙深定諸郡

邑所出布多精好何止中品亦不皆作自害中也棉之核壓油可以照夜其滓

利云肥田而結橐亦中橐有火力無遺



軋軋機聲地窖中  
窓低曉日戶藏風  
一燈更沃深宵燄  
半匹寧酬竟日功

練染

織既成端精麤中度廣狹中量乃授染人率施五色水以漂之日以

暵之則鮮明而不浥敗于是加刀尺爲襦裳質有其不之無數蓋積終歲之勤苦而得之也家珍惜之情不殊紈綺也夫麻桑之織不可以禦冬寒帛纈之溫不能以逮貧賤惟棉之用功宏利溥既以補蠶桑之不及而鋤耘溉獲其事直與稼穡相始終蓋合耕與織並致其勤焉

元黃朱綠比絲新  
自昔畿封儉俗淳

聖詠益昭民用切  
屢豐澤徧授衣人

附進圖跋

燕香二集下

六

臣謹案棉古作縣凡純密者之通稱今隸從木以別於絲而其名乃有專屬稽之載籍實曰吉貝亦稱古貝禹貢揚州厥篚織貝傳謂貝即吉貝木棉之精好者蓋自草衣初革桑土初蠶其事已與稼穡並興矣周官典婦功之職既絲枲並掌又別設典枲掌布絲縷紵麻草之物明其爲類衆多所治非一端也而箋疏者胥畧焉迨齊梁間職方始能詳其物土與其名類迄於唐而木棉多見歌

詠然大抵言樹高尋丈者耳今之庫枝

弱莖花似葵而實似桃春種秋斂者民

間但呼曰棉故謂布爲棉布唐宋時滄

邢趙貝諸州嘗貢之而明人王象晉謂

北土廣樹藝而昧於織南土精織絰而

寡於藝似亦未爲篤論也洪惟我

聖祖仁皇帝省方勤民幾餘

閱覽謂棉之爲功不在五穀下摘揚

天藻著爲

鴻篇昭垂萬古恭逢

燕香二集下

七

皇上仰治之初纂輯授時通考一書特以桑餘之

利木棉最廣詳加采錄以輔農功其事

益與耕桑並重

國家際

重熙累洽之會

歲澤涵濡太和亭育地不愛寶厥生益蕃臣備員

畿輔伏見冀趙深定諸州屬農之藝棉者什八

九產既富於東南而其織絰之精亦遂

與松婁匹仰賴

聖主福佑頻歲告登畿民庶豐履厚煦嘔於如春

之溫更以其餘輸漑大河南北憑山負  
海之區外至朝鮮亦仰資賈販以供楮  
帛之用蓋其本土所出疏浮而不韌不  
中紆練也夫西域之屈昶高昌之白氈  
海南之烏麟文縵皆木棉類耳而前史  
豔稱之非以產自遐陬梯航難致哉今  
者

聲教四訖天方大食自古不賓之人重譯獻琛屬  
錦冰絲充斥外府等諸常珍惟此黃穰  
青核含暄抱陽日滋阜於周原撫撫之

燕香二集下

八

間人習耕鋤家勤織作使夫林林總總  
者不繭絲而績不狐貉而裘豈非扶輿  
之瑞產昌生之靈貺耶古者樹墻下以  
桑而五十可以衣帛時猶未能徧澤也  
今則無老幼貧富取不窮而求易給衣  
被天下之利博於隆古矣臣職在宣敎  
謹以咨茹所及自棉之始藝以至成章  
受采列爲十六事各繪爲圖圖系以說

恭錄

聖祖仁皇帝御製賦於冊首上呈

黼座以仰承

聖主茂時育物爲斯民開衣食之源者至周悉爾  
雪夜

遙連九月雨併作一冬寒簾捲輕花入庭依積素  
寬深塵移歲暮衰鬢對更闌不映梅邊色空憐月  
下看

寄懷愛善川制軍

平安幾度報雙魚萬里何殊比屋居每餉龍團春  
雨後正回鶴夢晚衙餘文書近喜塵俱掃襟抱遙  
知雪不如一勺蓮華池上水期同滇海照清渠

燕香二集下

九

壽尹制軍七十

如來金粟證前身生甫剛逢浴佛辰三紀封圻推  
老輩

兩朝寵渥冠親臣

國資經緯兼文武人仰威儀比鳳麟自是大和鍾  
獨厚仁風煦處總如春

黃閣曾參帷幄功更端模楷傳

青宮一時童隸知君實重譯蠻夷識潞公節制每

兼三省大川陝兩江皆連三省  
在雲貴時廣西並受節制公旬宣徧歷九

邊雄東南赤子恩尤浹幾輩生成雨露中



早年華國有文章視草親依

日月光詞館羣才歸大治公以翰林掌院學廬陵士教習庶吉士

一辨得真香公酷嗜歐陽永叔文登門士必龍頭選調鼎人

皆玉筍行門下士長洲彭大司馬韓城王修撰俱廷對第一人新泰武進劉公亦執弟

子之樣筆即今逾老健名山取次壽琳琅

政劇何曾廢讀書樂山還結望山廬署齊讀書處顏曰望山

從知顥氣通靈府那有浮雲滓太虛不朽勲名青

簡在無私心事玉壺如閒來泉壑搜奇處魚鳥同

遊還古初

業紹韋平啟後英八龍還共五彪生有令子多男十三人

燕香二集下

十

尤羨多才子續緒兼能續令名鈴閣綵衣爭獻酒

瑤京仙珮聽吹笙香山入會從茲始一度丹青一

度榮辛未慶典大臣為九老者年皆七十以上貌之圖畫

弘南一曜許朝天計日飛鳬集玳筵共仰仙班崇

閬苑定邀

睿藻譜薰絃榮光已奏東瀛績時大治荆紫氣遙山湖水道

凝

北闕烟引領雲霄最深處願隨翔鶴附吟篇

東托中丞

皖江如帶節樓旁天塹由來控馭長豈為時清忘

牖戶更因民悅壯金湯沿村桑苧成陰美繞幕芙

蕖浥露香聞道政閒眠食健澄心即是駐顏方

構祠江上表孤忠大府垂光仰鉅公拜錫褒題輝

棟楠長噓靈氣護濤風思牽蘋藻星霜永蔭接粉

榆雨露同寄語服疇羣子弟共遵禮教答康功

壽來相國八十

樂奏雲門設九賓趨朝剛及受寅辰姓名早已傳

遙海丰采真堪動遠人

三錫恩隆春雨露百年身富鶴精神更看鵷鳳聯

翩起接武丹霄拜

燕香二集下

王

紫綸

過文安淀堤有懷錢東麓少農歲辛巳久雨為患東麓時兼京尹勘水至文邑見蜻蜒飛繞長堤不可數計其處堤夜潰禾隴盡沒奏蒙發帑數萬修堤排水村民始克復業

水面蜻蜒堤面飛游魚宿雁蹇忘歸遙村不見朝

烟起萬隴俄驚舊路非念此深慙羣牧長及今重

喜耦耕肥行旌細雨思京兆曾憇青青柳一圍

為族子稻孫題 曾王父所遺梁硯

傳硯家多有茲名古處存平生師友契奕葉鼎彝

尊手澤春雲藹畬田宿火溫勉哉勤爾殖 祖德

記淵源

喜姚次功太守擢運河道兼到手書却寄  
畿封作牧振聲猷又見巖瞻屬細侯歷下亭高新  
發詠晚香堂靜舊聞謳入疆有慶

恩先渥治水如民職並修爲愛春波分汶古直通  
雙鯉到瀛洲次功由大名府調泰安復調首郡

春行喜雨之作時聞南中多雨

餘寒沾爲閨好雨渥逢春尚有山兼雪都無地受  
塵一犁初向曉萬隴各懷新至喜同田畯村村識  
旆巡

燕香二集下

士

南國雨添稠蒼龍扈

豫遊民從星有好春與澤同流錦重花迎

幄波層藻動舟瀛郊青

輦路更濯翠盈疇

歸來口述

人道丈夫憐少子衰遲如我更何如牽衣似舞階  
前彩弄筆從沾几上書合是提携惟戀母每逢行  
役倍思余歸來一笑迎門立細語喃喃學起居

題吳水雲照

出岫閒雲自在行出山泉水本來清道人偶現飛

鴻跡寫入雲泉見性情

奕奕鬚眉照碧漣前身摩詰畫通禪鎮留一卷烟  
霞在較似浮名耐久傳

淀舟即事十二首

踏徧長橋柳影來幽生行館菊新栽扁舟載去臨  
秋岸不學芙蓉艷早開次趙北口取盆菊置舟中

河經玉帶新捐珮隄到張青小束腰張青口堤爲  
兩淀陸處  
雲月半分西淀水車船齊出苑家橋苑家橋界東  
西淀水陸通

幾處烟生水面漚長堤一線坻中流新移壩外龜

燕香二集下

士

鼉窟爲擁千波下石溝

文安淀水偪隄引注石溝  
遂除隄患

明允祠前一水長長村柳色映門廊行人指似山

塘路小泊吳儂話故鄉

長村前河後淀列肆如蘇  
州之山塘

穹碑繪仰日星容漢詔

親書表勸農六十年來重淀路碧波心裏護魚龍

千里隄橫迹未移迴環州邑近長陂可憐遼宋分

疆地撮土猶存蘇薄祠蘇明允遙領文安主簿

千扉板白一牆紅禰祀香燈短棹通帝冕仙衣都

不辨水村幾處藥王宮

俗祀黃帝爲藥王扁鵲  
人並有其稱今瀛縣間多

奉之榜曰藥王宮



雨後空明絕點埃蓬窓倚對夕陽開遙村暝色收  
曾去別港青泥載藕來

行過塘頭復淀頭葦花近屋稻盈篝持螯消得津  
門酒一棹江南九月秋

十里荷香散彩鈿不逢翠袖劇寒烟閒花逐客臨  
秋浦本色佳人自秀娟長隄左莊以下夏月菱荷

揚芬港外過靈潮貝闕雲邊籠絳霄海鶴依人新  
占籍十洲仙侶羨漁樵東淀揚芬港為駐蹕之地

海門千派去如梭濕水從容導鳳河躍出名魚銜  
瑞藻始知靈沼近恩波鳳河源發南苑一百八  
十里導永定下口澄清之

燕香二集下

古

水入於大清河歸海

壽錢香樹司寇八十即次其贈沈歸愚宗

伯九十詩仙謠元韻

東踰碣石西崆峒先生曾次浮雲空一從養疴謝

宣室十年却埽歌詠黃虞風語兒溪畔鴛鴦水烟

雨樓高接綠瀾聞道猶龍柱史身康強轉勝金鑒

裏芝為圃玉為池園公綺季相攀追詩筒

天上互酬答碑版人間爭購之早年勤苦資熊膽

母教家聲兩不忝京華卅載才名稔較轡王楊兼

宋沈相如乘傳諭蜀回駟馬驕鬣黃金枚伯樂一

顧冀北野龍媒腰褭盡入天廐供驂陪朝聯柏梁  
吟暮點石渠筆頗牧真看禁中出往往宵籌傳丙

乙陳謨弼教佐清猷

知遇平生罕傳匹求之近古樂天歟秋卿致仕居

東都等身之書富五車千株花木環精廬當代耆

英侶山水歸愚宗伯天隨里迎

鑒江許共拏舟祝

嘏春明偕襍被是時羣仙集紫都瑤觴特舉芳茵

鋪香山故事衍三九歸田二老首荷

天子親傳呼惟月為卿士趨晨扶杖几燕國有象

燕香二集下

圭

賢絲綸實紹美家法傳來工相馬玉尺提攜斗南

下撒闡

詔許省晨昏竹箭蘭蓀載盈舸即今屬車扈侍再

舞斑衣時膝前仍效嬰兒嬉曲宴俱霑蕭露澤清

聲同和

黃風詩

天章特賁雲五色俸錢增

賜尚書額

青宮晉秩致優崇

丹宸垂諮展籌策白眉季子更承

恩十五名聯攀桂客龍生驥卿生公有孫秀挺還  
似翁似翁能讀廿二史經十三前身慧業參優曇  
青松遂以女蘿託白壁行待藍田探我未七十亦  
附劉盧隊他日江湖歸老贖爲翁復作九十詩仙  
謠扁舟載酒藕花深處歡相對

勘海河回天津道中喜雨

海雲堆絮雨霏烟百里城村蜃氣邊爲值潮生聲  
漸起可因川涉禱初度平添翠色霑遙隴便隔腥  
風洗近塵拜手零修龍見日潤先碣石徧畿田  
時方零祀

燕香二集下

七

雍正丙午金陵爲師歐弟題松下長竿圖  
茲弟來保陽復取前意爲圖索題溯次前  
韻時乾隆乙酉十月

石城古渡三山潮門前潮過山岺堯離家問渡舟  
北泝江潮湧雪聲蕭騷寒輪轉向燕山道短衣結  
束身騰超鬢鬚盡改不可識撫茲筆妙留風標巖  
壑未讓餘子置塵鞅寧免高人嘲紫陌同車空昔  
夢青溪比屋擬隣交四十年前手玉色緡絲篲竹  
矜所操將園復理圖再見無多池館除紛囂新營  
亦具濠濮想他時隔巷墻毋高先代名德學乃仕

幾人遠矚牧與樵獨向磯邊酬夙約鳬鷺潔羽遊  
侶曹偶逢津叟涸蓑笠試尋海客談烟濤歸去江  
梅對癯影久憐庚甲同柯條  
弟與余同庚寫向閒庭翔  
幾鶴有舊圖長餘老樹翹雙鰲

定州衆春園觀雪浪石石失百年矣今得

自臨城土中乃復勝蹟之舊走筆示州牧

沈廷臯誌之

閒題雪浪一卷石近倚雲根大茂山玉局多年悲  
土壤春園舊路失烟鬟重教字向摩厓洗真喜珠  
同合浦還健興尚留袍笏在詩成相對當躋攀

燕香二集下

七

自題四清圖照

雪後坐荔青軒出錢叔寶四清圖觀之  
時蘭陵張古漁無錫華吉厓在座二生  
墨繪丹青擅能一時謂當於卷尾圖余  
小像使瘦筇與疎枝相臨映不獨先生  
能爲梅花寫真寧非韻事乎旣成諦視  
之空花耶幻相耶然花之前有我我之  
前有花吾雖老猶將踐吾約以證吾詩  
清光拂落香翠枝捐璫結佩凝幽思日斜江上或  
孤映歲晚山中相贈貽夙護靈根色無改重摩陳



迹吾已衰瘦筇七尺商所適園林雪後花開時

自題種松圖照二十韻

白首歸來種萬松用坡翁句萬松深處隱羣峯前路翠  
水縈三折後嶺梅花秀幾重芝瑞曾聞馴鹿過土  
香真有卧牛逢得陳初服常依壟已近層岡敢曳  
筇褐覽寧論朱紱貴素馳仍以繡鉏傭貞根合鑿  
冰痕透芳粒先滋豆汁釀葉化蓼莪吟更望枝交  
棣萼影恒恭余與伯兄約附先壟春巢哺寄雛烏穩秋壑聲  
傳侶雁雖友石漫隨翁仲隊班巖儼肅大夫容多  
年盤爪應棲鶴一樹呈鱗欲化龍日照高林森旆

燕香二集下

大

戟風迴列岫響笙鏞石楠似蓋連楸櫟文梓承橋  
夾檜樅百尺任攀青萬長千秋總付白雲封茆添  
樾蔭歸慈護喬映山雲識氣鍾上冢每分僧住屋  
倚廬追數客離蹤餘生久抱終天恨永願惟思九  
地從就省霜清躬掃潔陪遊月出愛陰濃恍移室  
處芬為障幻比身衣綵可縫說向兒孫動悲慕肯  
將手足貫衰慵若還修問蒼顏叟歲歲正陬與暮  
冬種松有臘月拔正月種之諺雨水即非時矣

丁亥元旦

禮經幼曾讀七十老而傳所傳未暇悉今乃儕其

年邦畿領地治日月照常先

恩高任良重心力孱華顛戶牖春光生素籥民氣  
宣素餐十九載責效無埃涓耄期謹侯度抑抑武  
公篇

憲啟晴松高坐近冰梅小香意漏先春翠色掩羣  
槁雪積薊門寒星侵官閣曉衰夢觸深思故國山  
重繞寂寂墓門松初種何時老亦有後嶺梅白雲  
望猶杳今年先堂初立余題種松圖有後嶺梅  
花秀幾重之句

蒼顏五十三半百弟踰四合離三十載未嘗同度  
歲學禮十齡兒夙興待家祭咏有故鄉音抹餘春

燕香二集下

尤

帖字故鄉亦匪遠家人先後至夜雪孝廉船十六  
世民

賢孝廉自清風御史裔十八世遵衢  
自江寧至門庭歲酒歡

都忘遊宦寄後飲情所甘先歸語須記小葺春草  
池寬留杖藜地南北巷依然春朝集羣屐

閨歲候常晚陽德盛四始暖氣薰春城百尺遊絲  
起泉豁滑冰膚雪消膏耜趾書雲證屢豐相見人

面喜茆檐室家完焚瘞各棲止通省留養局  
五百六十處新棉

裏袴襦餘瀝憂釜錡村路識行旌明日赴  
天津問勞洽

衰齒清塵會有役省耕澤頻紀潮聲溯淀津民歌

答千里

張古漁爲畫山水大幅各題一首

林廬遠人跡圖畫隱仙壺水落松千尺雲依鶴兩  
雛高峯天闕迥細路石梁逾暖氣浮空翠方春杖  
欲扶

烟蘿多遠徑庭院各仙山澗繞鳴琴去舟邀採藥  
還林田秋再穗楓岸露初斑舊種巖香滿高歌試  
一攀

走筆深州牧索其客黃琛畫

琛錢塘人

知君佳客有黃筌自寫籬香愛冷妍雪後我來伸  
紙問一枝應記斷橋邊

燕香二集下

干

漁郎漫指武陵舟縣遠河陽景孰儔好是春風留  
客住桃花深處繪深州

曹素功執筆齋墨歌

黃山六六峯峯峯產奇松曹阮二水交澄溶天生  
墨材擅天下精能孰繼廷珪蹤廷珪去今八百載  
劍脊龍紋幾丸在元明妙製亦多人轉眼烟塵隨  
却改

興朝作者獨數曹輕煤薄麝萬杵勞水濡不壞點  
如漆半挺可直千錢刀後賢復能世其業豹囊珍  
護青麟膏鴻儒鉅公交口譽姓字上徹

楓宸高却憶吾家老子魯九元三極心良苦名高  
物忌召思讐寂莫金壺賸空譜于魯造九元三極  
墨自謂前無古人  
程君房與之競秦寶鏡吳純鉤神物化去不可求  
何如執筆齋中菁英且日出子孫長作松滋侯老  
夫意氣雄筆壘興來須遣雙螺待藿甘園譜爲成  
圖看潑春濤接雲海

鄭謙基寄到羔皮阿膠詩以答之

豹裘真宜飾素絲衰躬還繫故人思未求退食從  
容地恰稱春寒料峭時

公超過市跡尋橋阿井狼溪法更調良劑不勞頻

燕香二集下

主

問訊春來新喜食能饒

丁亥五日由永定下河口至天津

物候公程底並忙停旌命酒即蒲觴網收清淀魚

兼羨耕近汙邪麥早嘗五載詩情花記閨壬午閏  
五日于

役初六朝舟渡水生香可憐潮落月初上空照秦

淮引夢長

扈從淀津途次賦呈相國尹公四律

文昌宿衛領台躔

輦路清塵夾繡旂潞國英姿看馬過公乘馬  
見者欣頌

瀛洲景物待帆牽春疇細雨高低岸廣淀微風遠



近船雨後舟發趙北口

琴詠一堂衢唱起元臣賡進已多篇

洛陽名擅鄭公園身退江湖地避喧何似林亭依

近苑更資舟楫在高源春暉人仰

恩華重晚節天留碩果尊賜園西苑名絢綠野春建晚香亭

記成須潤筆俸餘却問絹無存

東南雅望庾公樓江上風清使院幽心似虛舟曾

不繫名從新構抵重游金陵節署有池館公題有金陵節署之名今並於園中

依規建之烟波淮海千帆出圖畫金焦一卷收選勝攝

山尤好句高情長與白雲留

燕香二集下

五

藜床皂帽夙相招海上文星已映標公幼侍文格公居錦州

束縞論交千感集先祖水部公道錦州與文恪公訂交一箋述德十

年遙舊有投贈長句華罇有約開東閣幽步無綏訪午橋

翹首

山莊應計日秋風重話木蘭橈

熱河

避暑山莊蒙

恩同

御前大臣二十人

賜宴延熏山館恭紀時乾隆丁亥七月廿九日

璇題仙館十洲深祖題額聖高下橋迤遠近林影

傍游魚依葎步隨馴鶴向苔岑遙泉一夜添新

雨老樹

三朝接舊陰韶樂漸聞風已細熏琴先洽

聖人心

列坐金鋪繞

御筵交欣一德

玉音宣

問年

恩及元臣次謫次惟相國尹述職班叨侍從先暑公長余三歲

燕香二集下

五

散蕉桐雲外路香霏荷芰雨餘天輕波忽共鳬鷗

遠身在瀛洲侶盡仙雨後中使操小艇同羣公循河出

相國尹公製詩為壽次韻奉答二首

春風及物坐薰然秋樹松筠老更堅共仰鴻鈞能

壽世敢同鶴髮贅論年公詩有後余齒序僅三年之句曾移蓮擢

波猶煖秋初重到蓬山月向圓瑤草琪

花容採掇魏公獨詠晚香篇

壽星躔日正儀方闕嶺何曾別井疆時在熱河山莊恭逢

壽聖節萬滿聽笙歌臨

御苑真看樓閣繪仙鄉承惠仙山樓閣圖駐顏欲問茱萸

酒健飯新欣黍稌香

天貺願承耆福在

思賜

歲封耆福扁額

長依台斗祝

堯觴

少儀諸君疊惠佳篇用韻和答

高吟敏捷水爭流片片雲霞晚未收綺思每來天

遠際詩人合住瀼西頭閒聽牧笛迴村隴老愛秋

螢近夜篝疎野自憐猶故態漫言里巷有歌謳

古北口道中即事

風吹烏桕滿林霜馬首涼雲入塞長前路每聞衝

虎跡崇局真欲礙鴻翔分邊度嶺草仍綠過縣看

燕香二集下

五

花菊未黃乍喜兒書傳使院遙程歸及桂新香

兒耆

書至方護存晚桂待余歸賞

上元後二日連雪志喜

冬雪未足至是始報霑徧

春城傍暮雪飛花村隴占年麥未芽合是天心遲

爲閨轉逾臘候望能奢收燈夜市人歸早碾玉寒

庭月上斜拜手封章呈瑞色素雲深處透晨霞

次答幕僚

積素連垓野旌庭靜不喧應時吹黍谷過境冷樵

村麥覆青餘甲箋題玉有痕賓僚歌共好幽思觸

梅繁

自易州回雪中早發

夜館光初映晨車路不喧鴉聲叢廢縣牛迹逕斜

村澤霧霏先瑞

先是連霧爲巒雲接素痕四瞻冬雪之應

陵樹近瓊玉粲枝繁

壽石寄閒七十

嘏詞纔致杖鄉辰艾酒長筵又一旬膝下郊祁官

並貴卷中庾鮑句還新琴書有味閒方覺竹柏多

緣老益親此日荷香飄太液踏歌應侶采芝人

杵臼交深四十年塤篪迭唱有多篇謝庭在昔難

追矣魯殿於今獨歸然杖履盡隨佳子弟鶯花莫

燕香二集下

五

負好林泉陪游洛社遲前約心企城南尺五天

題葑根和尚行吟圖

上人來自水雲鄉幾片閒雲鶴柴旁鶴亦依人成

小住幽情同寄海天長

師詠鶴柴有幽禽如幽人身以四海宅之句

只談文字不談禪水竹風松結淨緣爲問遠公蓮

社裏何人會得撫無絃

瑞玉雙鴛

美人採蓮香水暄手執紫玉弄潺湲花花葉葉劇

情思紫玉落水成雙鴛

玉雙鴛



十八娘家玉琢枝錦紋珍比粟紋奇誰從月下擎  
雙蒂滿滴瓊漿欲識時

玉杓椽俗名佛手柑

身枝不比黃金鑄手指真成白玉纖底事煖生香  
亦好清齋間共佛珠拈

和闐玉韞

截肪還餘決拾材貢琛萬里地靈開昆刀與記和  
闐字曾助天山一箭來

古玉硯屏

玉形圓扁橫四寸直二寸九分  
色甘青沁幕皆黃鐫桃李園序  
塗以泥金末跋云熙寧四年辛亥在武林  
適得古玉一片精瑩可愛時雨初晴筆墨

燕香二集下

三

間具有天趣楷書桃李園序愜意事也蘇軾並跋

太白文章宴桃李坡翁書畫擬神仙閒摹古玉含  
精氣回首熙寧七百年

山梅玉供鐫孟襄陽尋梅

如畫溪山春弄姿寒香朶朶玉橫枝幅巾拄杖添  
癯影孟浩然身更不疑用張祐句

述本堂詩集十八卷內閣中書方維甸家藏本

國朝桐城方氏三世家集也凡依園詩略一卷星硯  
齋存稿一卷垢硯吟一卷葆素齋集三卷如是齋  
集一卷皆方登嶧撰陸塘初稿一卷出關詩一卷  
皆登嶧之子式濟所撰東閭剩稿一卷入塞詩一  
卷懷南草一卷豎步吟一卷叩舷吟一卷宜田藁  
稿一卷看蠶詞一卷松漠草一卷皆式濟之子觀  
承撰登嶧字鬼宗號屏垢康熙甲戌貢生官工部  
主事坐事謫黑龍江卜魁塞式濟有龍沙紀略本  
附刻此集之中今別著錄觀承別有薇香燕香諸  
集亦別著錄

瑞竹亭合藁二卷附文一卷

詩一卷

〔清〕王愈擴 王愈融撰

江西省圖書館藏清光緒三十一年刻

本

附《四庫全書總目·瑞竹亭合

藁四卷》提要

序

壬子秋與吾友彭躬菴聚首於吉之水雲菴中未幾別余還里猶憶躬菴與余談次謂吾來吉郡得一門下佳士王侶薪因識其兄進士若先二人俱博學好古以能古文名見者聞者爭相推重吾閱其文深嘉其才品識力東坡兄弟後所僅見者也余中心藏之屢欲過訪不果而王子兄弟且來若先中道病作同泰之金蓮山命弟侶薪詣菴請謁并攜文取正余評文之暇見其起居端重知爲非常士也居數月辭歸

瑞竹亭合藁卷上

魏序

一

次年春余赴金蓮山謁若先留寄又同避兵雲塢與若先兄弟促膝議論左史以下各盡其所見因出竹亭合藁屬余序余於侶薪文業已校訂今閱若先文大小修短各有意思不苟作尤長於論古人與弟侶薪頡頏是時若先成進士四年侶薪才念二齡二人所言有抱道窮山之士所不能言者人但知王子兄弟之文爲不朽不知不朽者何在但知王子兄弟之文有用於世不知其何以用也天下奇才志士磅礴鬱積於胸中必有所發不發於事業則發於文章名



理之言經物濟世之說在世人皆可以襲取獨其所  
以不能名言之故斟酌古人之是非宛轉低徊苦心  
精思則亦惟天下非常士可以想見其餘何足以知  
之而況於襲取而偽託之乎今古文徧天下莫不自  
命不朽然志識卑陋不出米鹽杼臼之間及夫臨文  
拘牽萬狀首尾衝決是其終身所經營意皆在於速  
朽而顧求爲不朽左矣噫其孰能如王子兄弟之文  
之繼美前哲遠駕時賢而爲西江非常之士耶康熙  
十二年癸丑菊月上浣年家眷同學弟甯都魏 禧

瑞竹亭合藁卷上

魏敘

二

勾庭譔

序

古今之以文傳者代不數人求其文與人不爲世所  
疵類大江以西當必以歐陽公爲首稱矣公起家制  
科而宋制猶近古其制題不過問經書大義文不過  
論策詩賦未嘗割裂破碎上下拘忌以爲摹畫口吻  
膚色靡曼之文如季明之甚者也而歐陽公子瞻兄  
弟既得第猶心疚少年應舉之文謂爲穿蠹經傳移  
此儼彼以口舌得官深自慚憾歐公成進士始大改  
其所爲以爲庶幾有立然言出而罪辱隨之有爲彼

瑞竹亭合藁卷上

彭敘

三

獲譽爲此受伐之歎子厚亦謂文章一道得之難知  
之愈難至自比於蜀日越雪其亦有激而不能自己  
者矣有明數百年天下聰明才辨之士屈首沉溺殫  
有生之精力揣摩變遷務求一當而殊絕者又未可  
必得老死兀兀不能自奮徒令天下之人才學術強  
半靡耗于其中其既得之者則遂有官守錢穀簿書  
訟獄之繁律令刑罰之懼日惴惴以順時遠戾猶恐  
不給夫古人學而後入政今所學非所用又不能以  
政學一旦佐明堂出政教下及民事舉行先王之大

經大法定非常決疑變抑幾何其能濟也間嘗與吾友王子若先吾門王子侶薪私語歎息今進士服官須次且十年有志者慕歐公改爲之言因盡革其幼學之習沈酣古人之書與良友討論辨析出而嫻習典故周見聞察識人之情僞以自植其身明理道增長意識敏練通達而歸之於實用卽不必相及古今數人之列而不愧科名爲當世不可少之人歐公所謂道勝者文不難而自至而兼收焉此亦士君子之所當爲者也而王子兄弟則固已知之早矣若先成進士已七年侶薪亦補弟子員二人循循雅飭於父母邦族無閒言益自砥礪思有以勉其所未逮視仕宦泊如也今雖以兄弟年來所爲古文藁付梓正以質諸海內名鉅非汲汲要譽者比吾安得不代爲揭之吾於二人之文久已評定茲復詳加點次反復吟玩其書序傳記雋爽淡折其衡論往古精切透亮識力高見地遠舉凡世道民生盛衰盤錯之際了然心口豈可以尋常測之哉大率王子兄弟之文並皆絕去雕繪獨抒性情而未嘗不參以古人之法要無不

可傳者不必盡倣歐陽公專家之言然後爲吾西江之文也康熙十五年丙辰蒲月上浣年家眷同學弟南昌彭士望躬菴譔



序

泰和王子竹亭以能古文名於時天下非常之士則獨稱其志識丙辰秋與吾友彭躬菴相見於富田曰吾往言王竹亭今爲湖西一人無疑吾今而後其可以死矣夫予驚嘆急欲見之而竹亭且來中道病作已詣予金蓮山又同避兵於雲塢所言皆天下偉人大事並恨相見晚然竹亭終好古文相與議論左史以下各盡其所見又出平生所爲文使予論定竹亭之文大小修短各有意思不苟作尤長於論古人是時竹亭成進士已七年其言有抱道窮山之士所不能言者天下皆稱竹亭之文爲不朽不知不朽者何在知竹亭之才有用於世而不知其何以用也天下奇才志士磅礴鬱積於胸中必有所發不發於事業則發於文章名理之言經物濟世之說在世人皆可以襲取獨其所不能名言之故斟酌古人之是非低徊歎息百折而不忍下其苦心精思則亦惟天下非常之士可以想見其餘何足知之而況於襲取而僞託之乎今古文遍天下莫不自命不朽然志識卑陋

瑞竹亭合稿

魏序

二

不出米鹽杵臼之間及夫臨文拘牽萬狀首尾衝決是其終身所經營意皆在於速朽而顧求爲不朽之文噫可嘆也雲塢去郡城數十里去孔道數里時郡中大攻戰礮聲徹左右耳而予方序竹亭之文與竹亭上下古今意氣益激昂閒暇惜躬菴先予去不得使之一論定也康熙十五年丙辰寧都魏禧勺庭撰

瑞竹亭合稿

魏序

二

瑞竹亭合藁卷上目錄

與同門李子靜閣學書

與宋岸先書

上趙韞退觀察書

與淮郡丞于慧男

復陳誠秀才書

曾也愚詩集序

休園詩集序

江在湄明府詩餘序

瑞竹亭合藁卷上目錄

青原叶妙上人詩集序

送澂雪上人序

募修益州寺序

放生會序

留贈朱藕男序

瑞竹亭記

王印周老師園居記

江頭論樹記

從姑山圖記

石上飲酒記

油口觀瀑記

大小姨灘記

小武夷枌櫚寺記

冒雨遊枌櫚靜室記

雲半菴記

西陽山寶藏寺記

遊西陽山觀臂石記

遊東谷龍坪記

瑞竹亭合藁卷上目錄

遊雲巖玉虹菴記

遊西谷記

胡隱君傳

沒人李春傳

成璫劉瓚論

張奐論

荀彧論

司馬攸論

約法三章論



劉義康論

袁粲劉秉劉劭論

江敦謝瀹論

六朝論上

六朝論中

六朝論下

李密論

相州九節度論

田宏正論

瑞竹亭合藁卷上 目錄

張承業論

書王彥章傳後

祭給諫潘起代老師文

張族祭封公畢卿文

宜園種樹對

字母新圖說

瑞竹亭合藁卷上

泰和王愈擴若先 著

邑後學上田蕭敷

政蒲邨 敬五

甫校刊

與同門李子靜閣學書

兩度入京皆承老門翁先生飲食教誨以砥礪名節相規退而顧影自喜然其念存乎己也後得尊刻安南使事觀之先生偉略明信孚於蠻貊既戰勝於樽俎矣又從道路之言悉諸立身大節益舉手加額信

瑞竹亭合藁卷上 李子

當代偉人爲天子致萬世太平者固不在遠也旣又自疑先生方回翔館閣於天下大利害事固未有不與聞而以擴之所見今天下漸遠兵革者近二十年矣非有烽火之警又非有橫征暴斂之苦而小民愁瘁無生人之樂爲有司者惴惴於考成苟且目前思其故不得也雖草野憂時總屬妄臆而詠歌昇平則彼此初無異殊近從邸抄中見朝廷興教化崇節儉諸大政熙皞盛治殆將復見蓋雖不及聞啟沃之詳而觀乎嘉猷嘉謀之見於施行者已可知矣擴嘗考

古今治亂其跡雖不同而君子彙升則未有不治者  
今朝廷君子甚多以擴所服膺者則先生暨熊青巖  
張瑤山三先生尤表表在人耳目間以三君子德同  
位同致君堯舜之志無弗同熊先生與先生既朝夕  
侍從而張先生近亦還朝草野之願望昇平者豈不  
在旦夕間耶昔蘇明允致慕於歐范富尹余蔡六君  
子而一不得見爲恨觀其所上書惟歐公富公僅得  
見之而猶費書辭委婉道意若彼四君子者則終未  
之見也今擴因同門之誼數得請益於先生而熊先

瑞竹亭合藁卷上

李子

二

生則亦敝座主祝公先生之房首也苟以學道往或  
亦不拒而瑤山先生則同里籍婣誼少所從遊者也  
際遇過乎明允愉快何可言況擴曾受學於施愚山  
老師得聞立身之概又朝夕從張先生遊志氣稍稍  
堅定知一切升沈得失皆有定命絕意營求則其以  
得容於三先生爲幸者既無夤緣繫援之私復非交  
遊請託之比其願頗易爲足至於擴所每念念不忘者  
惟是以三先生得行其道君子彙升致吾君於堯舜  
則和氣滿宇宙間而鳥獸草木尙欣欣咸若擴雖不

類竊與微末小臣其有不致慶幸而愉快者哉偶因  
風便附候起居知大君子責人原不在尋常禮文之  
間故敢以空函進惟求鑒其嚮往之誠耳擴再拜  
彭躬菴曰公亮愷切正氣骨鯁備見乎辭吾鄉先  
輩法程今猶未墜不易得也

魏勺庭曰詞意雅健絕無唐人上書氣洵可把誦  
與宋岸先書

擴白擴生平不敢輕量人以不肖而尤不敢妄許人  
以賢蓋所謂賢者必其臨財廉取友慎不輕爲然諾

瑞竹亭合藁卷上

宋岸

三

卓然有以自立於生死患難之交居嘗以此意求之  
天下多不概見卽得見之矣吾之識不足以深知其  
人而信之終以爲未見也彼見一人卽奉爲聖賢推  
爲豪傑毋論此無足輕重之譽爲真賢者所不受而  
轉盼之毀我謗我賣我以自便者卽此輕口譽人之  
人擴中夜惴惴因是以不敢擴嘗問人于浮山愚者  
大師師亟稱易堂諸君子擴不敢遽信也去歲得交  
于躬菴彭先生久而信之愚者之衡人嘗恕而躬菴  
之論人嚴惟恕可以多得人惟嚴可以真知人而不



受交遊之累躬菴之所稱許者程山而外及門屬望則夏君暨足下兩人擴之來盱江也意得從弔唁敝座主之後一通姓名不意足下又他往徬徨卻立心不怡者久之十一日哭起代老師于室唁世兄于苦次又迫于賤事不及待足下于今十六日買舟行世兄哭而送以禦侮相屬擴肝腸迸裂念世之能爲毒者擴力能報之記所謂主人能則操兵而隨其後是也而不能禁人之不相毒當今能禁者惟足下亦非恃足下之力遂足以相禁也而恃足下之心心能生

瑞竹亭合藁卷上

宋岸

四

才能生術併可以感人之心使之生其才與術而其人之力亦遂爲我之力以共成此忠厚長者之事唯足下留意夫擴之於足下未嘗通一使謀一面而遽以肝膽相託足下誠賢者也余友躬菴之所信也耳餘當利害嘗試敗生平數十年之交而朱生於太學一言至數款娛十年生死不相背負人之相知與否詎在殷勤往復握手出肺腑云爾哉足下諒之

彭躬菴曰堅悍精湛當者百碎卻以真氣大義包裹出之自是學問本領不同

上趙觀退觀參書

年月日愈擴載拜言擴幼遭多難落魄坎壈世運所及念非其所自取故不肯乞憐於人懼其無故受厚恩不能報重使此心不安抑自念人之乞憐於人大抵爲窮餓計爾得之不得並有限量況不得亦未必遽爲溝中之瘠至于利害切生死則休戚相關之人有時掉臂去之惟恐其相及若塗炭垢膩之不可近雖大聲疾呼徒增詬詈何益乃於未嘗求乞之中勢分懸隔又非有先世故舊無端受生死大恩施及舉

瑞竹亭合藁卷上

觀察

五

家如執事之於愈擴者固宜如何報也因憶往事今十八年矣想執事視愈擴不過如牛羊之齧鯁如蟲豸禽魚之及于水火偶生悲憫遂垂拯援非謂其才氣果有可取將貯爲藥籠中物又非以愈擴能爲左顧之龜銜玉環之黃雀雖愈擴廿年以來朝夕念之執事胸中久已忘此事且不復知疇昔受恩之眾有王愈擴其人者今雖圖報未能重舉往事爲執事陳之歲戊戌愈擴年近二十嬰木索赭衣行市上將就死刀鋸竟不自知忽棘闌同舍生有面善者見而哀

之輒喟然曰此子生髮未燥以孝義至此耶淚隨言下擴始悟身已陷大法不得活時方向暑獄中大疫癘囚死者日數人耳目鼻口及二便皆流血臭穢不可言狀囚死須報率停屍二三日愈擴既與爲伍旦暮薰蒸亦遂委頓念不死于刑其死于病決矣擴死則老母必涕泣死老祖母無人養亦必死老父則固欲死者流離他鄉聞卵破巢覆其趨死尤速不意執事憐愈擴特檄出之所司故違其期出獄時已病甚不知人鄰人募獄卒以薄板舁歸危殆未數四越百

瑞竹亭合藁卷上

觀察

六

日始杖而起是愈擴之得比于人數延及今日父子兄弟一堂保聚者皆執事之賜也執事仁心及物自湖西三郡以至他處其之死而生受恩如愈擴者若干人然感恩圖報者不一二見即愈擴亦不過言之于人矢之于心爾徒然未能酬萬分一也施者難報德者尤難古今浩歎擴深自慙負無以自殊於人人每一念及起立徬徨愈擴方逃死魚腹奔走於衣食執事正席優處尊其何能報庶幾執事所臨几顛連如愈擴比者皆獲更生百爾君子聞執事之風一齊

興起是則擴等受賜之人雖無以爲報而執事之心固已快矣愚公移山付之子孫愈擴不過執事此身已爲烏有況子孫耶其能報與否愈擴終不敢自必也

張鹿牀曰不言能報恩而古今來之善言恩者莫過此矣仁人孝子頑夫獷卒一齊淚下魏勺庭曰情緒一線宛轉悽悽如夜月三更聞杜宇之嘯

與淮郡丞于慧男書

瑞竹亭合藁卷上

淮郡

七

蒼桐白衣頃刻變幻追憶執事在吉時含哺鼓腹者相忘也亦如隔世矣僕思方朔避世之語妄意金馬門一席行值封姨之怒幾飽江魚薄功名齊生死蒙莊七篇誠有味乎其言之留滯金陵如逃空虛忽禹航卓方水先生惠然好我剪燭論文聞人足音跼然而喜意復如是卓先生慇懃僕繕刻所作文乃自有詩詞若干卷徒爲他人枕中之秘不能公諸天下豈天欲奇其遇特以此盛德事留待執事耶不然何其窮也今世材官驟張鮮衣怒馬掇拾視封侯而儒生



抱萬卷書逃死不暇卓先生不通執事安知其不終窮也卓先生爲令甫翁先生詩文忘年友樸草中必有往來唱酬之章或爲選者逸去未可知篤故舊表揚詩文執事意中事也僕爲卓先生慶幸飲之酒以促其行因寄卓先生以僕之窮聞於執事出無衣止無襪被從人貸得十許金刻集不能十之一旋亦罷去尚不吝餘明之照四壁者乎江山之處女貧而無燭者卽僕是也猶記執事當時見有過客題詩取亭者愛其好句分俸追送之至今人傳爲佳話僕固不

瑞竹亭合藁卷上

淮郡

八

魏勺庭曰多佳致

復陳誠秀才書

僕自初識字頗欲多讀古人之書稍自發露弱歲卽值國家多故家大人復以屢世科目所得之於先朝者舉而還之先朝旅食他鄉鮮可以飽僕每向不相

憐者乞升斗以養朝夕顏忸怩而心不怡者輒數日強自解慰開卷未尺許而室人又以菽水將竭告矣居嘗歎窮愁著書之說如左手畫圓右手畫方古人特欺我耳及丙午庚戌謬爲有司所錄窮愁稍減十二而冗又倍之詩古文何物豈粗心者所能辦僕每對素心之友以千古相期勗乃年過三十無寸長可貽來者視昔人惜分寸陰益自慚懼足下窮愁不減於僕曩時而生事葬祭無缺禮所作詩文又能過之不知足下何以得此然足下不鄙僕惜僕而猥以

瑞竹亭合稿卷上

秀才

九

能文相推許未見泰華嵩衡反指培塿拳石爲山岳僕於是又嘆足下意雖盛其識力猶未出僕外也今足下不急急於自傳而欲乞僕之一言以傳其先人此尤足以重僕之愧以僕之質薄而心粗非數十年積理增長意識原本六經貫通出入於諸史何敢易言傳贊此子瞻集中尙未多見而僕敢冒昧爲之其無益於令先君明矣僕方戒行迫促若萬一必不可辭請俟舟中以須復命尊先集及佳文僭加點次仰副下問之意附上不宣

彭躬菴曰慎重作文不肯輕易下筆八家中恆多如是

魏勺庭曰氣味自佳不能捨去

曾也愚詩集序

人之異者必山川之氣所鍾而山之奇秀則高賢逸士從而疏鑿之爲亭臺陂池又從而遊宴詠歌之而山之氣體精神始發越以名後世永安諸山山之奇秀者也乃有曾子也愚人之慕山水而至者咸樂與也愚遊而也愚又好自爲遊故也愚之杖屨與山水

瑞竹亭合藁卷上

曾也

十一

無虛日閑中有蓮道人胡幼茜兼擅詩畫也愚出而看山必見諸圖畫歸與道人唱和歌聲出金石過者聞之恆徘徊延竚不能去也愚詩益多而其名益日盛永安之言詩者必首也愚暇日以其詩若干示予予見而美之而尤以也愚之樂爲不可及也愚顧有其磊塊不能平之氣時時見之於詩若以爲是戚戚不自得此何以云耶吾嘗遊中原原野曠衍之地或數十百里以至千里並無一山其有山亦多逶迤坡陀無劍拔傑起之狀而險怪秀異者多在寥落幽僻

之鄉然則山之異者非天地不平之氣所結耶今夫丹砂璞玉金石諸瑰異以至千尋之名材天地之秘藏皆於是焉出彼原野曠衍之地所生者不過粟米麻絲尋常日用物耳也愚今行年六十猶從制藝中與諸少年旅進退求售於一夫之目是山之務爲粟米麻絲者也其戚戚焉不自得豈其有然耶予謂也愚之丹砂璞玉金石千尋之名材將必在于詩其益加淘之汰之琢之鍊之斲之削之使其用被于天下庶幾山川不平之氣將有所洩與也愚其何途之從

瑞竹亭合稿卷上

曾也

十二

也

彭躬菴曰贈言具有真意古人所云以此爲長策勸君歸敝廬也文亦折頓近昌黎一派

魏勺庭曰平衍中每出佳論正如山川陂迤時見蘆叢也

休園詩集序

自予夏作小序而後世之序詩者踵起而不絕其初本懼詩學之不明序以詳其義例非爲作詩者延美而致名也然使作者之性情傳而不盡傳其姓字作



詩者卽可以無憾後世人能詩詩必有集集必有  
序贊美之言盡辭焉而後止非是則序不作然吾觀  
古今來或傳其序或傳其詩終不以贊美之詞傳也  
余幼學詩自小序註疏以至於朱子之說詩咸得覽  
觀年二十來見人作爲五七言近體復私心好之自  
漢魏三唐以至近代之詩雖未及廣爲搜討而其大  
略頗得伏讀究於古人之指茫然不得其所歸亦嘗  
求之於人矣知者未必遇遇者未肯輕爲余告若是  
而自號知詩而又欲爲人序之敢乎哉卓子方水少

瑞竹亭合稿卷上

休園

三

而好詩剗削浮華歸於古淡紬繹之無聲色臭味可  
以尋求故雖有大名吳越間而自言知希今老矣客  
長干僕賃不給顧不屑與名貴人周旋一日見余文  
悅之不介紹而前手休園詩若干卷示余令爲之序  
至于再三不倦夫卓子不知余之不知詩而序焉是  
亟得毋猶有乎文之見耶三百篇以後之詩皆文也  
余序之可也若不言其所以然者則世有知詩者卓  
子曷往求之夫卓子之性情遠矣

魏勺庭曰世人爲詩序盈篇累牘實未曾序詩一

句一字也終不以贊美傳一語爲時人痛下鉗錘  
從未有能言之者後人讀其序而知其詩卽不得  
見休園集亦何恨乎

江在湄明府詩餘序

余少學爲詩不成去而爲詞喜其綺麗逗露得以縱  
其才思因極其意之所之至於美人香草時見筆下  
友人見而戒之乃更去而爲詩今年過三十矣詩未  
窺三唐門戶而詞亦日遠乎宋人交營並失則降才  
之拙也夫人才性不同匪獨詩詞不能並工卽專力

瑞竹亭合稿卷上

江在

三

于詞而辛陸短於香倩秦柳不能豪縱譬諸草木之  
區別遷其地不能爲良飛動之與翼折齒長短之不  
相截續卽天地若有靳焉則甚矣兼才之未易易也  
磊齋江明府以名進士小試於百里地復留心詩古  
文詞咸有集而余友蕭子虎符公門人也更出公詩  
餘一帙屬余序且稱屬公少作今復不然然余以爲  
詞雖小道要其成咸有以自見蘇子瞻詩文妙天下  
而取信人主消謗議卒以瓊樓玉宇高處不勝寒之  
句人存心苟依忠孝卽微詞單語已見愛君之誠如

徒以辭而已雖揚雄擬經徒增噉點又何分于詩之與詞也哉公異日直館閣遭逢殊眷如王岐公當日宮嬪脫珥環而乞詩詎非盛事若紅杏枝頭春意鬧棄而不爲矣以是復于蕭子公或以余爲知言也乎

蕭虎符曰文情和雅不以巉刻爲工卻自秀逸動人  
魏勺庭曰如此無關係題說來卻有一段關係處  
自是本領不同

### 青原叶妙上人詩序

瑞竹亭合藁卷上

青原

四

詩者聖人之教也聖人不作其教不明於後世者多矣而詩獨以文字娛悅之具沿習不廢援筆所之因以自道其性情則雖今之詩非聖人之詩而要不可謂非聖人之所許也今學士大夫以及居人靜女武弁走卒能識字數千以上者無不樂以詩名而方外高僧亦往往有詩集行世世儒不達謂浮屠氏捐棄一切不宜立文字以詩自見夫情動于中則聲形於外因而節文之而詩以成焉聖人之教良矣儒者旣任其放誕而無所歸彼釋氏以寂寞爲宗脫略世教

薄仁義禮樂爲不足事而獨不能廢聖人之詩從而學焉此亦程子所謂一部儀禮盡在於是者矣青原叶妙和尚廣昌望族去爲僧爲浪杖人高弟子余每過青原見其瓢笠蕭然淡薄無所求昌黎稱大顛能外形骸以理自勝叶公似之而顧好爲詩問序於余余喜其人與詩天真素樸不相違背不遠於聖人之教殆將有不屑不潔之意此叶公之詩所以可傳也余樂得而序之

彭躬菴曰稱許處有斟酌不隨世人波靡是平日

瑞竹亭合稿卷上

青原

十五

學問有本領

卓方水曰首尾呼應亦不外昌黎好大顛之旨

魏勺庭曰論指甚高

### 送澂雪上人序

延平之山崔嵬嵯峨其靈秀之氣鍾而爲人必有廉峻堅亮之士不受摧折者出爲世用與山川相應然求之而不獲吾之致疑於天地久矣己酉夏蘇子依巖爲我言澂雪上人之賢願介紹以見吾以其浮屠也置之繼覽延平郡乘載上人方技中止言其善繪



事備載所作琉球圖吾嚮慕益中衰而上人亦不果  
至今歲邂逅上人於延津雖未與之談視其貌有道  
人也及遊燕溪上人復同寓破寺中始悉其慷慨任  
俠及遭患難從園土中薙髮爲僧又知其子以才高  
蒙忌客死武林爲之泣然流涕二三十年來士之遭  
逢患難亦既多矣我生之後逢此百罹免爰之詩人  
何其言之多痛然吾觀昌黎所交賈島孟郊張籍皇  
甫湜之徒及歐陽子所稱秘演曼卿子美輩皆負大  
才流離坎壈不克見用而死則茲之處亂世又無足

瑞竹亭合稿卷上

送敬

去

怪而上人所作琉球圖記有云此國官人以世無名  
利心競之累民則爲王助耕計夫授糧無爭奪之患  
無有餘不足之憂人無所事事亦不羣然嬉聚或一  
二靜對自朝至暮惟清言茹煙而已或彈棋則有極  
盡其巧者是以人無勞心多致天年未嘗不撫卷大  
息彼琉球雖有君長號爲中山國不過大海中一彈  
丸黑子爾而其風俗猶若是尙何患難之加而浮屠  
之迷耶吾半生常罹憂患其少幸者未爲僧天倫之  
樂差足自慰然方其求死不得及瀕于死者間不容

髮則又視上人所遭爲過之宜其意之多合而言之  
足以相感也上人德化於閨門子婦二人皆矢志靡  
他兩孫有文采能自成立上人懷抱所未試者不於  
其身必於其子孫吾終於山川信之

彭躬菴曰就琉球圖記作一大段文字前後映帶  
出兩人悲感處丰神澹蕩大似歐公

### 募修益州寺序

嘗觀棟宇之毀建百年而止耳城郭之毀建千年而  
止耳人之精神則歷千萬年而嘗存者也吾郡名刹

瑞竹亭合稿卷上

益州

七

西來山離今城三里許其地爲古之甘泉門實在郭  
內宋宣和間益州應公禪師自西來結茆於是故其  
山名西來其寺卽名益州鼎革以來風雨之所飄搖  
鳥鼠之所窟宅寺存亡幾不可問忽李郡伯之夫人  
夢益州韋馱以佛像相屬金碧莊嚴稍復舊觀一時  
瞻禮讚嘆者僉謂非諸佛菩薩大威神力不能如是  
余以爲郡之古刹眾矣佛像之殘毀斷裂者不獨益  
州也諸佛菩薩既具大威神力何不皆遣韋馱入夢  
而獨於益州蓋應公之精神所至有莫之天閑者矣

今年春余遊齊魯之墟歷燕韓趙魏馬上尋圖史考帝王之陵寢諸侯王甲第園林其淪沒煙草僅可辨識者輒爲之攬轡大息徘徊不忍去而劉禹錫之陋室乃數椽獨存益嘆古今人精神相屬有莫知其然而然者應公發宏大願力行苦行其精神所託寧可代計今住持西白上人謂佛像既還舊觀不可無殿閣之丹雘以稱之是亦應公之精神所託也遂喜而爲之序

彭躬菴曰凡作文須于題空竅內搜一主腦主腦

瑞竹亭合稿卷上

益州

六

既得而畫龍點睛率然之首尾相應千轉萬變不離其宗古人文字所爲多方映發卻自一線穿透此道得也篇中扼定精神二字便自森挺倡人末幅推開點染尤深古法是募疏中最高之調魏勺庭曰能于無中生有設出議論色相是歐陽文忠公得意處

### 放生會序

天下事有不出於儒者之教而推其意之所從起合於聖人於以引而進之可以使人心風俗漸復仁厚

則君子尤樂行之如近世所刻太上感應篇及戒殺放生諸會是也夫因其不忍於人而推及於物又因其不嗜殺之一念而爲放生此仁人君子分殊充類之義也世儒輒謂鮮食以佐穀食豈采羅網刀箭之屬皆聖人之所不禁恣意饕餮無所紀極其亦不仁甚矣故君子遠庖廚及無故不殺不妖天不覆巢其說雜見於經書不啻辭繁而意複而鄙儒顧藉口於闢佛老以濟其口腹之欲抑獨何哉聖賢之所養者心爾心乎不仁則其忍有餘心乎仁則其不忍亦有餘夫至於不忍有餘則禮樂可興教化可行唐虞三代不難復見於後世梁武忍於殺人而反不忍於物謂藉是可以邀福滅罪君子於是謂之不知類矣余嘗謂上世之人由其心之無弗仁者推而及之於物今之人由其心之仁於物而或可推之於人以進於聖人之道戒殺放生卽其大端也已五叔父與某某議舉放生會不擇時不擇地每人乞錢十文積成若干擇一謹愿者使之權子母以其息買物放生且將勒石以勸後人命序於讀讀不敢辭爲推廣其意如

瑞竹亭合稿卷上

放生

五



此

彭躬菴曰放生意說得大雅今之人一語尤爲尖痛爲勝殘去殺之助全在綱領提醒耳

### 留贈朱藕男序

五方車書之會非獨前朝後市而亦賢豪者之所考風而問俗者也長老爲余言嘉隆時冠蓋文物之威不及見矣余兩赴計偕輟擊肩摩林林總總也今何時乎躍馬於市而轡不按矣韋布之士徐徐行無復患躡其履者朱子藕男適以是時來觀禮樂於辟雍

瑞竹亭合稿卷上

藕男

三

先藕男至者別藕男去若而人矣與偕至者藕男送之歸又若而人矣若而人後至亦皆送之歸而藕男獨留于是意其必有定見乎抑亦將取榮名以慰高堂乎藕男奉定嚴張先生爲師吾觀張先生言程朱之言勞不跛倚暑不裸食朝夕粗糲飲水夏葛冬褐敝裘不完若是者世之所號爲迂闊固陋者也相隨非笑之而儒者或以爲榮貪冒苟安於民生利弊不敢有所可否超取顯美遮前擁後若是者世之所號爲榮遇也而繩樞甕牖之士或有所不屑藕男將

所取乎往者選於鄉貢於春官明試於銓曹今則鏗

橫於司會薦剡交於道途舉天下人駘駘喁喁皆有

非分之望藕男獨抱遺書思以瑟而易竿亦可謂壯

矣果足以易彼就此乎吾聞張先生屢以疾辭欲歸

定嚴當事者不允卒於旅邸藕男視含殮經紀喪事

外接賓客內酬楮墨下至米鹽凌雜無不身自拮据

師弟子之誼篤摯若此吾與藕男生同里學同志吾

將以藕男歸告鄉之人俾復於古處而惜其久留於

是也今余又將歸矣不可以無言余又聞藕男同張

瑞竹亭合稿卷上

藕男

三

先生舟行值大風幾覆溺同舟人咸畏死有怨言藕男獨引義命相慰藉卒以不殆忠信涉波濤古人雖有是言然去年二月余舟覆於湖口當其初濡裳沒頂余亦不敢自信必活藕男張先生之篤信如此謂非有定見者能之乎若然則其留於是也非余之所知矣

彭躬菴曰篇中無限感嘆情緒婉切古意回翔

### 瑞竹亭記

余家世無亭臺人稱之爲儉或以爲鄙陋余小子七

歲時先人之敝廬尙無恙也偶見高王父瑞鵲亭稿

訝之問於家大人亭今安在大人笑曰若以爲真有

是亭耶州守公初入城卜居鵲噪於前不去逐之入

地掘得銅鵲以名其廬實非亭也余小子進曰卽銅

鵲安在大人曰先人意不在鵲其存亡何足計耶不

逾年寇至數年戎馬縱橫故居盡毀隨家大人逃死

窮山中流離轉徙不一處甚或居於虎穴翼日見虎

矢及禽獸骨裒然始怖甚間借寓舅氏書室號爲稍

安室在槎溪之上蓋外氏之先理學松巖公讀書處

瑞竹亭合稿卷上

瑞竹

三

也室後有瀟湘竹數百竿亦枯死忽復生筍數年成

林或以爲瑞家大人茂如也自是又凡四徙而後卜

居城西郭之甘泉門焉噫余小子今年三十餘爾所

經山河之變故及王侯第宅興廢皆不具論論家人

常事忽忽已如隔世每一入城瓦礫蔽地求所謂掘

鵲之處已不可知向使以銅鵲爲重器保而守之以

示子孫欲其無失豈烏可得哉甘泉門古城闔也不

知何代建置廢於何年雖近市然頗多隙地日侍家

大人種竹植花率取其易者故斑竹最多至數千百

竿斫取之斜植於地爲籬落以扶木香薷薇諸蔓本

忽一竹無根而活生枝葉且筍焉成竹漸多其活者

今猶斜生也客見之又以爲瑞家大人戲指竹旁一

小邱曰是卽余之瑞竹亭矣客曰此何名亭家大人

曰必庇材鳩工焉而後亭未有千年不毀者余之亭

不可毀者也不可毀斯瑞矣余小子思其言足以訓

後懼其久而忘遂次序之以爲記

周鹿峯曰余嘗讀柳州諸記離奇曲折眼前小景

天外奇情忽插入世變頓生激越此作酷似柳州

瑞竹亭合稿卷上

瑞竹

三

文字

表弟朱四均曰篇中追述祖德備列庭訓旁及外

氏起人繼繩之思至其論瑞字尤有關係覺彼侈

言禎祥好讀圖識者真是未嘗聞道

魏勺庭曰於掩映鈎連中時出正論遠思使讀者

深情不已真得永叔佳處

王印周老師園居記

古之爲園以事藝植故稱園廛漆林之稅自園囿興

而士大夫之居林下者臺榭陂池之勝樓觀之美率



皆稱之以園則又舉具園之最勝者而題之以嘉名  
漢唐之長安北宋之洛陽其最勝也然其可以爲此  
者非獨徵召過從極一時觴詠之樂亦見昇平無事  
眾君子自公退食委蛇優游草木鳥獸咸足以寫人  
之性情雖代殊地易而其載之詩與文者至今猶可  
想見明興二百年休養之餘吳越間園林號爲最多  
獨吾鄉樸陋園不一二數然名山大澤之遊賞奇花  
好鳥之悅於目與適於耳者固與他處無異變更以  
來此樂中廢時則韞退趙公伯衡周公愚山施夫子

瑞竹亭合稿卷上

園居

香

後先秉憲撫摩其瘡痍吾印周王夫子以文章道德  
匡植多士與愚山夫子相爲表裏而方外者宿復有  
藥地和尙提唱於青原山水之間在余湖西可謂一  
時之盛不數年趙公去周公左遷愚山印周兩夫子  
皆需次他擢藥公亦已厭世至於今民生囂然感念  
田園不獨漢唐宋明盛時林泉觴詠之樂不可復見  
卽求如向者羣賢泣吾湖西之日亦若以爲異世余  
小子亦因是不遑寧處奔走道路者且二年去夏謁  
愚山夫子於宛陵曾一遊敬亭山今來雲間謁印周

夫子復攜余遊所居之園入其中魚鳥忘機山靜日  
長登閣而望九峯三泖隱現窗外桑麻蔽野耕鑿相  
安其東則煙樹蒼茫盡海而止夫子之樂尙矣向使  
夫子大行其志斯世之安於田園者樂且未央而吾  
夫子之自適其適或且不如今日也園去城六十里  
去金山衛十餘里去黃浦二十餘里地最僻自夫子  
園之高者益之爲陵下者坎之爲池爲谷邃者曲折  
之爲洞固泉石一時之幸耶園成而不爲之名抑又  
何也余以乙卯長至前七日來遊後二日遂去秣陵

瑞竹亭合稿卷上

園居

香

盧文子曰嘗讀歐陽子有美堂記使人興太平之  
想讀蘇子靈璧張氏園記使人有仕宦之樂今讀  
此篇又使人感念今古頻喚奈何矣逸情深致縣  
邈動人

魏勺庭曰風致殊佳

江頭論樹記

凡樹必有俯仰向背其道取諸易易有陰陽奇偶有  
生尅有避就不知易者不足與言樹凡樹善寫者得  
其神次者得其情又次者得其勢最下者得其形唯

其形之求此概株駒也生意之存焉者寡矣凡樹之生也氣貫左則右枯氣欲張則先斂故東伸則西必縮上縱則下必峭凡樹自甲坼以至抽榦至舒葉造物者未嘗節節而模之寸寸而範之也至於歷寒暑滋雨露照臨日月離奇天矯諸態備具故善寫生者隨其筆之所之不先擬一形及其成也自有蔥蘢蒼鬱之妙凡樹未作時須有數十百樹在其胸中及其拈筆在手意中乃無一樹蘇子云胸中有成竹道其初也凡樹石生者必怒挺土生者必喜揚性之所生

瑞竹亭合稿卷上

詩

美

而有也觀其根抵知其枝葉猶之藝花者觀其枝葉知其樹蓐凡樹雖千枝萬榦而不離其本如手足之衛心腹如常山之蛇首尾相應不善畫者其生枝如鉸人如膏黏如附贅疣凡樹林立者必束獨立者必縱並立者必讓上下立者必相助凡樹之佳者人見之必曰似畫畫本求似樹也而樹反求其似畫故知畫中之樹樹之選焉者也選而藏之不期然而用之雲構之教余畫樹者如此一日行江頭見數樹奇正疏密盡態極妍雲構大呼曰此余畫也歸爲序次其

言命雲構圖出之

彭躬菴曰可作易觀可作文觀聞庖丁之言得養生焉正不止於養生也章法亦有似考工處

卓方水曰論樹凡九段段段不同錯綜變化吾無以贊之矣

弟侶薪曰得樹之神前人所未道破者

魏勺庭曰妙筆妙理正在不推衍作理語處意思深長

從姑山圖記

瑞竹亭合稿卷上

山圖

毛

盱江之山名天下者爲麻姑相望三十里復有從姑山亦猶彭蠡之下有大小姑也從姑之奇在石麻姑之奇在水水可釀爲酒往來盱江者不必身至麻姑飲酒而甘之而山之名益盛從姑則背郭向野其巖崎厯落窈冥深曲之觀俱掩蔽藏伏非身親歷之終不可得見惟山之顛峭拔不肯就屈抑余三過盱江皆從舟中望之余既屢擬遊麻姑不果今秋仲旅寓大得橋從姑朝夕在望始覺其異還舟從新豐市南下始知其有亭有臺率然命屐登山之半始知其勝



峭壁立兀傲自雄長意不肯俯從麻姑僧導余行見石壁所鐫字始知爲羅近溪先生讀書處過前峯書屋坐亭上始知有洞至洞口復下循巖阿攀竹而上有風從石竇中出冷然善也石勢插天中通微徑問同行僧始知爲一線天徑盡攀巖而上山僧架木度人若蜀之棧道始知其險徑盡有橋踞萬峯之巔越而過兩石對蹲頂平夷可容數十許人周旋四顧則眾山盡伏若城若橋若塔若舊王府若萬家雲樹阡陌田疇若車馬風帆皆在指顧間始知其曠歸與家

瑞竹亭合稿卷上

山園

三

雲構言雲構故好奇翼日遂往歸而圖之且作泉於其間余謂雲構子乃增其所無雲構曰冉冉山澤之氣然而爲泉自天地初成形而後何一非自無而之有者鹿跑以鹿虎跑以虎卓錫則又以錫今從姑之泉以余筆何不可余笑曰客遊者將索酒於從姑若之何雲構不答但縱筆揮灑圖成余爲之記

彭躬菴曰詳略貫穿映插處俱有法末幅數語最爲超曠

卓方水曰篇中言從姑之奇在石寫得曲折生動

其奇豈獨石哉

魏勺庭曰有格有致

石上飲酒記

余性不能飲酒歲種秫入腹止升斗亦用爲餽餽計耳然每當花月山水樹石佳處輒喜看高人飲或自取一觴酬之地壬子秋偕雲構遊閩江多佳石與雲構舉觴看石無虛日遂亦能盡一杯然每不得飲石上爲恨閩州脆薄所泊必泥沙平行不敢與石近視爲勁敵避而舟下惟恐不速常乘灘水飛度輒引

瑞竹亭合稿卷上

石上

五

滿相向意未常不在石上也一日停舟取薪舟子四人皆腰鑷登山余急命童子刺船近石躍而上石大如屋水環其趾隔水蒼巖古木適蔭石頂石巉削令一童子立船頭一立石隙中傳酒至俯聽泉鳴潺潺鳥聲魚影勸酬于杯罍之間余與雲構相視而笑不覺潑石上衣袂皆溼

卓方水曰高興妙人趣人

彭躬菴曰一派天機寫得活潑

魏勺庭曰大儒性量原自迥脫遊山蕩水披雲坐

石意豈在飲酒耶筆如虬龍騰空一塵不能沾滯

### 油江觀瀑記

油口近灘市也市中人好樓居多者四五層臨水上如挂壁然余舟行上下過之凡五度今秋往燕溪同雲構坐船頭聞泉鳴屋上欲一視之會舟方上灘逆流牽挽食頃不能咫尺遂捨舟行石上石林立溪中與水相離合每跳越渡之循草岸行草滑不勝趾右足隨陷泥中亟返大石上折過野田田層次如拾級余閱遊詩所謂畝履上天梯者是也時已近冬霜降

瑞竹亭合稿卷上 觀瀑

三

木落稻猶未熟水滿田中塍僅闊三寸許登頓大蹶左足復陷泥中從者掖而上獲徑焉徑轉有橋水從峽中出過橋下匯爲小池池中浮出一石若神龜負圖狀池滿復瀉如數疋練比之廬山康王谷玉簾泉具體而微過市中市不值集期日中店猶未張余輩履聲動石響振林木對望一山峭拔菁蔥山腰攢合萬樹中有屋如石旁一石橫卧又似屋山下水積爲潭魚艇五六集焉橫江而魚者曬網者烹魚對飲者而余舟亦已泊其中矣登舟澣足因笑語雲構曰今

貴家園亭輦石疏池費不貲曾不得此溪之百一而令爲詩若賦若繪圖以傳者賞之不置此溪獨以怪石洪濤錯生險阻爲行人之所驚顧而旁徨亟思去此而後快者豈非造物者之不善用其所長耶坐少息舟子鼓枻而行向之屋之似石者漸見複閣檻楯石之卧者又有兩石支柱乃真似屋間爲隱者之居乎仙觀乎抑禪室乎舟子漠然無以應問山名亦不知槩動峯迴了不復見

彭躬菴曰極真極奇極靜文亦行止自如有兔起

瑞竹亭合稿卷上 觀瀑

三

鵲落之勢遊記中之最佳者

### 大小姨灘記

閩西之灘羅漢以神名劍鞘茅鏹以器名鳳皇燕子鬬雞鷓鴣鳩道石鶴以鳥名虎口牛穴白羊以獸名騰龜魚濺以鱗介名鱗介之中龍最靈而青龍黃龍九龍龍港之屬則又名九龍灘之最險者也油口蓉溪三澗白渡皆有灘則以其地名麻漏之名以形黯淡之名以景色佛子錢龍名之以其事而佛肩佛足之謠尤與灘名並傳灘上必有草木曰竹林曰高桐



曰樟槎曰黃竹曰松柏曰杉曰梅不必一灘所獨產  
乃分之以爲名灘上舟所行處間呼爲孔孔至於五  
多矣遂以五孔名雷陰陽搏擊之氣也古無所謂公  
者而灘受之以爲名張司空張判官吳令人之以官  
名者也灘又以人名若大小姨則又以女人名兩灘  
相承而大姨灘在上土人就灘石要處鑿爲柱俾溯  
流者繫纜其上以助牽其險可知小姨灘視大者稍  
遜此大小所由名歟姨之何居或曰舟人至此力憊  
而噫以噫爲姨音訛耳或曰異之也當作異或曰夷

瑞竹亭合稿卷上

三

三

平夷也土人好反語故呼爲姨余考諸邑乘皆無之  
按此灘地屬沙縣沙縣人多呼男爲女其曰某娘某  
妹某姨者問之皆高冠而方領者灘初名大浪小浪  
因浪轉郎因郎轉姨彭澤小孤山下有彭浪石言彭  
蠡之浪直抵此石也今呼爲彭郎石而孤轉爲姑山  
上皆祀女神訛謬相乘何必杜拾遺不嫁伍子胥耶  
或又曰此土人所名也吾不如李白驟易郎官湖仍  
聽之

彭躬菴曰文法自昌黎送孟東野序來卻另有一

機軸

魏勺庭曰錯落斑駁古致鏗然殆兼歐柳之勝

### 小武夷柟欄寺記

去永安十里許連山突兀峭壁如削美箭雜草四時  
青翠木則松杉榿楠梅榕之類不知幾千萬本其根  
裂石蟠壁無土而生貢水貫其中舟行過之無登頓  
之勞而遊觀甚適舊名柟欄山自李忠定公目爲小  
武夷柟欄之名遂專於寺而山亦不復產柟欄云舍  
舟徒行其東岸可遊者曰小桃源西岸則有曰修竹

瑞竹亭合稿卷上

柟欄

三

灣曰葛里介乎其中者曰柟欄寺寺無他異然從永  
安貢川來者東西至必休於寺而柟欄寺以是益傳  
天下固有中無所自異而藉他山水之與爲鄰遂列  
名勝者寺建於石晉間其左爲鄧先生祠先生諱肅  
官左正言李忠定公弟子也邑令春秋致祭必齋宿  
于寺中

彭躬菴曰數筆卻斷制謹嚴無時蹊徑

魏勺庭曰老氣

冒雨遊柟欄靜室記

鄧耕欄先生有祠在溪之西後改祠寺右谷中每歲春秋上丁後一日邑大夫例當親至具羊豕祭如常儀時賓興朱明府勸事棘闈祀不及期今月廿有七日始卜吉行邀余及激雪溪友兩上人張子牧之從母舅韞荆族姪雲構作桃源葛里之遊會天大雨苔滑不可行朱明府先歸余輩宿寺中夜聽簷溜聲殊不愜翼日復雨從者亦愠見於色食後雨少歇溪公言寺有靜室在走馬巖下已躡屐行復雨同行者欲止雲構鼓勇先登余繼之激公年已七旬命兩童子

瑞竹亭合稿卷上

靜室

雲

掖之行余輩則皆持杖上下於松杉雲霧中卒至靜室室雖在巖下然望他巒岫已探其巔室前有池一泓澄碧雨後涼生行數十武石峽中復有小池青蘋綠藻與石上苔蘚相映衣履皆溼而意猶未止因念計偕時同車馬客行齊魯燕趙之野雨雪踏藉泥濘中不知其幾茲深山絕壑風雨晦冥之夕歷危險一無所爲其心安焉若自以爲生平僅值與有榮幸視世之塵容俗狀爭名利以相軋泰山孟門豈真巉絕其得失爲何如矣

彭躬菴曰通首從雨遊着色一結感慨便覺煙波無際身不止在此山中矣

### 雲半菴記

永安山水可遊者多雲半菴不在名勝之列誌亦不詳菴當要道遊者必過其門住菴爲谿友上人能詩畫性雅愛客常典衣鉢飯客不爲倦客遊小武夷諸處又必藉爲引導以故雲半之履迹交戶外已西夏余嘗一過雲半而谿公他往其徒亦能留客遂宿其中每坐大士閣看江上帆影而凌霄塔又得騁望兩

瑞竹亭合稿卷上

雲半

雲

谿三橋之勝與文筆天斗大秀蓮花諸峯相映帶塔下惟石奇水復爭來酬客恆坐睡徙倚至日暮猶不知返未嘗不顧而笑曰馬空於冀北之野女不見美於燕趙雲半之在永安亦猶是也江淮平曠地得一泉一石卽指而異之使移雲半於彼豈不聲名表見於人間也哉今歲復遊閩谿公在焉聞余足跡所至皆有圖記願乞附載且云第作之以示天下人不必藏之菴中也余異其言許諾且語之曰人見之目爲勝蹟而其中無谿公呼之不出無益也其或引天台



雁宕嵩華少室以相衡量不無小大曠奧之分焉然後知晦跡自怡者未始非欲用其所長也谿公之請堅矣余無以奪遂書之爲記併命雲構爲之圖

彭躬菴曰菴以好客傳遂得客報中數語廓開收處遠想曠識引入不盡

### 西陽山寶藏寺記

西陽山去邑百餘里余考邑乘義山亦名陽山兩陽山疑相混故以西別之耶然茲山於邑實東南隅不調禪師既開山闢黃龍坪更建寶藏寺轉石修徑東

瑞竹亭合稿卷上

西陽

三

西谷澗道及瀑布諸奇畢出西陽山之名日著而陽山以諸仙故或稱王山或稱子瑤山或稱匡山其視茲山在西偏故以是得名與昔匡智學道匡廬感真仙謂之曰此山陰山也非子所宜居曷往陽山而調公亦遇異僧告以遇蘆則入逢陽卽止兩陽山之奇何略相似耶寺負黃龍坪東西二谷之水匯於其麓爲最勝谷折東北行終合於蘆溪所謂遇蘆則入者也余嘗登快閣歷數峴姆玉華天馬子瑤三顧諸山及於西陽友人爲余述調公經始之勞及十里松篁

東西谷泉石之勝因言寇賊盤踞而後并焚於里人之稱兵者余徘徊顧望仰而嘆曰嗟乎變更以來天地傾洞自王侯甲第以至士庶人之一椽一茅宜其無有存者何以梵刹琳宮僻在荒山不爲人所覬覦劫火所及雖仙佛之力亦不能庇耶且吾聞調公之始至也結草屋山巔焚火四合經旬不滅而調公之居獨無恙豈其神於昔而不神於今耶抑別有以致之也或又曰調公初結草屋在此山之西二十里外然則西陽山亦有二矣寺重建于丙午余以癸丑八月來遊

瑞竹亭合稿卷上

西陽

三

月來遊

彭躬菴曰此篇似序而轉折間冷秀勁處深得韓歐之法

### 遊西陽山觀臂石記

余屢欲遊西陽不果歲八月彭躬菴先生至自南昌遂與亦菴中公約以二十二日偕行而蕭子孟昉又爲余具肩輿開通山徑先是苦秋熱僕夫有難色至期陰雲四合迄不雨遂行是夕宿小歇菴次日過牢固坳西陽之外戶也草樹陰翳而四山雲滃滃起

欲雨人行塲中十步外不相見躬菴朗吟古木蒼藤  
日月昏之句響振林木余亦口占一絕云劫後青山  
牢且固山僧道是陽山戶行人倦立最高峯白雲遮  
斷來時路過塲雲亦漸開松篁夾道可數里入寶藏  
寺茶罷轉出寺後得一徑云自此入西谷余欲往山  
僧言山雨連日谷中道滑不可行遂之雪澗雪澗者  
東谷之下流也仰視泉上流益怒石益奇行不得止  
遂與中公漸左主人漚公溯流上過小石梁歷三折  
磴一石突起空中瀑流其下問之漚公云踰跌石余

瑞竹亭合稿卷上

臂石

美

謂此山石可踰跌者甚多不得專以是名此自巨靈  
伸一臂扶遊人上青天爾眾大喜皆呼臂石臂石高  
十餘丈長可五六丈坐而望牢固塲已在足下初不  
覺其危也延佇既久石如欲動而谷風乍起萬樹怒  
號客意愈不自定始尋前路返寶藏寺時落霞照人  
衣山中遂晴

彭躬菴曰篇中只用晴雨點染拉雜臂石特偶見  
耳敘次楚楚俱有法不隳柳記蹊徑尤爲超脫  
魏勺庭曰筆力心思殆由天授非假人力遊山諸

作字字引人入勝

遊東谷龍坪記

返寶藏之二日晨起會食同諸公入東谷重登臂石  
坐其上俯視來者渡小石梁偃僕行三折磴數從上  
呼皆爲瀑水聲所亂諸公迄不聞瀑凡十餘疊合之  
長可百餘丈人觀瀑玩石行數十步輒止不忍遽進  
石或立或臥形狀多奇怪最高者爲無見頂瀑水之  
最長者推石門而石門左右百步內石皆奇誌獨稱  
臥佛牀何也里許爲願息墩勸進橋皆以佛語名余

瑞竹亭合稿卷上

龍坪

美

不解佛至此亦願息少時然後進渡橋數十步石皆  
伏水亦漸平如行平原幽徑中忘其身之在絕巘也  
徑盡四山環抱一區寬可二十畝疎篁清沼儼若村  
庄卽所云黃龍坪也登龍坪右山望虔南諸峯如波  
浪起伏破碎紛紜漚公指示文信國屯兵處且言信  
國初登一山山石搖動信國怒名之曰鬼石次登一  
山安穩名之曰寶石語似不經然忠臣義士遺跡所  
在輒令人思慕不能忘亦可感矣返從東谷諸公皆  
倦甚遇石輒憩過無見頂審視其石南北面各有一



藤抱石而上石頂高不易仰窺不知此藤竟作何狀與漸左攀緣以登兩力夫導余前者引後者掖久之乃造其頂見一樹露生石上與下雨藤提攜攀緣不相捨以滋其根余謂東谷藤蘿之奇以無見頂爲最躬菴謂東谷之石以臂石石門爲最三度坐石上不厭日昃至寶藏寺躬菴肅揖爲壽余方知是日爲八月廿五余生日也因歎前此遭國難家破身瀕死亡者數每歲是日念生我之劬勞輒以負米爲慚數年來甘旨幸無乏而同人值余初度屢召伎樂酌酒刑

瑞竹亭合稿卷二 龍吟

卑

姓余心益歉甚今獨與世外高人結山水勝遊談名臣之軼事振衣千仞俯視羣峯是亦有生之一幸矣彭躬菴曰從東谷澗石外另有發揮於東谷亦祇推無見頂所云佳處領其要也中後段感慨大有神行第侶薪曰鬼石寶石事甚奇土人人能言之不入誌乘何也得吾兄拈出遂令文山先生軼事聞於天下

遊雲巖玉虹菴記

山之勝在泉泉流爲澗觸石則水必怒激有聲有色而泉有時不附石懸空飛下爲瀑寶藏寺左右皆瀑其在寺外者推雲巖之雪湫其水自玉虹菴遠妙高臺匄巖諸石又匯鉢盂峯鼓巖諸泉之水流爲玉虹澗至雲巖始大肆其奇以入於雪湫歷舟壑而出與寶藏東西二谷之水同歸蘆溪雲巖偃蓋雪湫之旁夾岸望之如壘雲調公作橋跨雪湫以渡橋上觀瀑水雖甚愁鮮不開顏者因名之曰開顏橋橋久頽來徑亦荒蕪幾二十年好事者行草中或爲毒蛇所嚙

瑞竹亭合稿卷上 玉虹

卑

無得活以是跡亦晦而玉虹菴僅存其行又不經雲巖非觀瀑來者鮮至巖下先是孟昉命人斬刈徑中樹卽用樹編橋余輩遂得肩輿行望見雲巖乃下曳杖行歌坐開顏橋聽瀑聲如雷驚喜縱目或立橋上或聚坐雲巖下或立雪湫就而觀之其時二十餘人心無不在瀑者而同行一僧更攀藤蘿至雲巖之頂俯而觀瀑綠樹掩映僧芒屨簞笠衣破衲坐懸崖上則又皆舍瀑觀僧聚笑爲樂將返見下流諸石尤奇卻轉入舟壑又得一小巖可容數人余乃命僕夫負

而涉水坐壑中石上以杖激水噴起數尺如雪獅吼也至玉虹菴午餐遂歸山僧言玉虹菴後有兩序夾澗而居以清泉白石爲室中之渠惜未見留以待重遊時八月二十六日也

彭躬菴曰名手作記敘次山水外不免雷同便是印板俗畫工矣是篇起伏波瀾攢簇秀異如草蛇灰線都有暗脈非沈酣于古人之法那得變活如許

魏勺庭曰寫景活動是遊記最佳處

瑞竹亭合稿卷上 玉虹

望

### 遊西谷記

廿六日亭午玉虹食罷從此君灣入西谷灣右壁雜樹爲樵者所薪山石盡露礪砢層疊佳處大勝青原翠屏其左壁綠蔭扶疏想見龍嵒而已過濺雪坂望千尺飛練不見久之僅從樹中見丈餘意殊不愜更上數百級躬菴意不自得以登頓爲疲欲舍去又心念雲根及芙蓉闕問天臺之奇強掖以行望見雲根石突起十餘丈其趺足小石如虎子昂首仰視始色喜歡絕石孤立且近故樹不能蔽而旁石上復有樹

屈身下垂余坐樹上飽看雲根乃尋捫參栴栴先年爲山蛟所敗險峭不可行躬菴遂止余獨與超公漸左攀藤而上僕夫猿臂相引陟卻容崖倚古楓垂首下視跼跼恐墜楓大數抱西陽山樹多無與比蓋樹之不得保其天年者有數端近人則天於芻牧遠或野火延燒叢筍幽谷又以林木繁彼此糾纏相壓抑終無能自遂若獨翹出山頂最高處又苦猛風虐雪凍折摧拉之古人稱後彫無踰松柏然吾觀龍坪諸松皆纍纍無壯士氣亦託其地而然耶此楓旣遠人

瑞竹亭合稿卷上 西谷

望

又託根石壁左右無他木野燒不相及且免排擋每寒風凜烈石壁若懷抱之故能大若是然辛亥冬雨雪連旬堅冰樹稼大木亦折其頂無參天之勢則茲之存者幸矣坐久意定僕夫以手爲梯更互拓余足始登問天臺臺比他石高數丈下臨無地獨臺上一老桂婆娑軫轉枝葉橫出丈餘掩人目得不盡見其下差不甚怖問天臺卽芙蓉雙闕之一也或以雲根對他山一巨石稱雙闕或又云問天臺更在山頂路崩斷不可至然矯首望之樹蓊鬱無所見山高樹深



谷中從來無斜陽不知日早暮虞昏黑磴道顛頓遂扶杖穿樹而歸

彭躬菴曰只以樹字千轉萬變神化欲活筆飛墨舞矣諸篇俱於遊山歸夜縱筆起草若不經意真天才獨絕也

卓方水曰同派異境琢句造字不期工而自工

### 胡隱君傳

胡隱君名靖字獻卿閩之南平人也獻卿少任俠不事家人生產讀書但觀大概嘗以已意解經於傳註

瑞竹亭合稿卷上 胡隱

四

家言尤所厭棄其爲人外和而內剛高自期許欲有所樹立不屑屑從繩尺中較量得失以是不見用於世獻卿生萬厯間屬天下無事彈棋徵歌睥睨市上人無敢抗者嘗逐隊一試博士弟子有司以不中程度抑之卽棄去益務飲博遇曹公學佗奇其才飲之酒勉令自愛始折節益務學問而書畫益進然終不肯衰衣博帶作儒生狀嘗娶婦不合斥去浪遊三山聞林氏女子賢善讀書遣媒妁往請其寡母聞獻卿名卽許諾其女爲姨所惑不願從獻卿潛自縊得救

不卽死獻卿亦不强但令人詭以所作詩文裹他物訛置其室女潛讀而喜之遂爲夫婦後舉一子名穎頗似獻卿爲人獻卿好遊娶林後亦嘗不家食穎自識字以至能文章旁通書畫有聲庠序中皆其母自教之獻卿性豪邁見事明決嘗爲人畫策多驗人頗暱之以不爲世用益浮湛聲色中下至北里歌妓能詩畫有名者亦爭引獻卿爲重而獻卿亦藉以消其磊落不平之氣奇過最多獻卿既足蹟遍東南遇人落落罕當其意道逢冊使往琉球請獻卿往獻卿卽許諾因往得縱觀海外奇恠事爲之圖畫原本其山水風土人物習尚道里曲折作遊記數千言詞多隱奧觀者不知也或采置延平郡志中人止稱其繪事精絕獻卿嘿然不自明其意後丁大亂市井人多乘時竊金紫獻卿愧之遂絕意天下事然里有爭鬪必就質成當事常勦捕盜賊不可得造請問計獻卿爲指授方略無不獲者諸盜咸恨而畏之而遠近數百里居民賴以保全倚獻卿如慈母多來擁護之盜不得間而恨獻卿益深會有某者南劍劇盜也里中人

瑞竹亭合稿卷上 胡隱

五

承獻卿指公議沉諸江獻卿言是有第罪相等當并誅之不然且爲害後果逃去訟諸官尚不敢顯斥獻卿值司理黃某聞獻卿素豪意其多貲指使連獻卿而獻卿實好義喜結客所受貴人餽遺頗厚隨手輒散去家無餘財所知二三鉅公又數爲之言黃益疑獻卿金多能得人關說不以及已遂置之大法繫獄三載黃固知獻卿子穎才高懼報復欲并逮穎其友知之以告得逸去人既惜獻卿且哀穎多義助穎急父久獄朝夕哭竟客死武林然卒賴其力獄得解獻

瑞竹亭合稿卷上

胡隱

吳

卿遂自此薙髮爲僧就所隱之般若園爲靜室日夜焚香禮佛絕口報施人以世事問者輒張目不應與之論詩文則娓娓不倦其自給咸取諸書畫知與不知爭購之卽屠僧武夫無所事此者亦相矜曰此名人筆蹟也我寧無之故獻卿貧幸有以自活獻卿生平常落拓不檢飭以聲色自豪入獄時尚有一美姬年二十許舉贈所善鄭某鄭亦義俠士善視之後獻卿獄解仍以歸獻卿獻卿卒不肯一見姬所生四歲兒亦不復視鄭知獻卿意爲擇一文士嫁之兒亦竟

死獻卿爲僧十餘年余晚遇之延平年已七十與定交獻卿二子婦早寡矢志不嫁孤孫二人幼慧有祖父風余初讀琉球記一覽卽知其意大異之爲獻卿陳說獻卿嘆曰曹公死惟君知我

論曰田疇自劉幽州死隱無終山而鄉里爲烏桓殘毒乃從曹公一舉滅之誓死辭封爵不就人莫能窺其意嗚呼士懷才抱奇志不見用偶一用之心終無以自見其湮沒而不彰者可勝道哉卽獻卿有足悲矣

瑞竹亭合稿卷上

胡隱

吳

彭躬菴曰獻卿奇妻奇子奇子婦連類並見而獻卿奇處在吞吐間終不逗漏論爽意雋悲涼嗚咽令古今才人一齊吐氣

弟侶薪曰獻卿故與某禪師善留獄時夢師來爲之披剃獻卿旣爲僧改字激雪師葬葛里之御輦巖吾兄嘗同激雪遊葛里詩有云僧拜夢中師蓋謂此也又獻卿少年時置地爲別業詢其地名爲般若園甚訝之卒于此處爲僧蓋前定云魏勺庭曰奇士能以奇筆寫之自覺鬚眉欲動



没人李春傳

南方多没人其初漁者也志貪得入不測之淵近蛟龍不畏寒冬凜冽水澤腹堅眾皆塞向墜戶擁絮煨楫拙魚亦伏處江潭最深處没人方踴躍徒跣出至江岸以酒下疏少許裸身入水捕魚兩手持不足則口銜以上五六入不厭每上則身肉趯趯然跳不止其家人俟於岸者側面避風立螻屈龜縮彼方自矜得魚多有傲色其終歲所得易酒食衣服外不能名一錢蓋嗜利而愚者也李春獨以廉名奇矣春閩之

瑞竹亭合稿卷二 李春

吳

光澤人也吾宗大谿令是邑命吏以小舟載條銀送使至獅子灘覆焉聞灘多石林立槎枻水亂流其間終古激射斜穿傍貫其窟穴多不可勝計而獅子灘號最險物破碎沉匿未有能出之者是時亡失多難賠償大府則號召居民晝夜擊櫓巡守協帥亦令其卒操弓矢刀劍立河干以衛然皆相視束手嘆息偶語無能爲策有以李春告者檄以往春至命小舟偕長年水手數輩刺小艇近石先去帽次去襦褌袒服次去中衣裸而沒於淵方是時兩岸兵民數千人皆

屏息注視春入繞石尋十餘處舟隨之移春每出輒搖手示不獲眾嚙感願望已而春忽昂首大叫曰銀在是兩岸人歡呼聲撼林木益願望頃刻獲凡各處條銀送使者例鎔爲大錠兩以五十計至千則剗木納之鐵束其外名曰官鞘雖沉溺易撈取獨閩不錠不鞘零星大小輕重不等貯以竹箱箱沉水中已數日益脆薄不任重春持短入水縛箱四周以索引之所失條銀凡二箱一箱上一箱已出水面忽迸裂銀散墜水中日光水光與銀色相映如星流冶躍照曜

瑞竹亭合稿卷上 李春

吳

數十尺觀者嘆恨或曰是僥得而復於淵數也必不可完或曰得半焉足矣不愈於俱失乎或曰春力能取之天固以此示其奇或曰春詭云不獲私藏百十金置灘穴誰能詰者私議論不已春徐徐入水取窮三宿之力往返百十度卒無不獲者眾咋舌歎異李春之名大震

王子曰若春者不獨其技神也其性尤廉潔捐身趨公事不爲苟得異乎世之號没人者也殉利忘身至死不悟今之世大抵皆没人爾春没人反不爲利豈

獨賢于世之號沒人者乎或者猶曰春蚩愚人也爲官入水復三千金十取一置石穴罅間官不能詰獲厚貲無損于名孰與于終歲勤苦衣食不給乎沒人多有不爲沒者反遭詬病嗚呼此春之所以不概見也

彭躬菴曰借李春隱諷世人似本韓柳諸傳其序次描寫處出入史漢矣

弟侶薪曰篇中寫旁觀者忽愁忽喜忽嘿然忽噴噴多口忽貶忽褒只見矮子觀場胸中全無定識

瑞竹亭合稿卷上

李春

辛

先明末季臺諫正坐此弊吾兄之寄慨者深矣寫李春從容閑適自始至終全無一語朝廷任大事者不當如是乎將一部通鑑成敗得失反覆細閱便知作者注意處不止爲李春闡幽也

成瑨劉瓚論

君子之所恃以服小人者朝廷之法而已小人之喜一怒無往不用其私以撓朝廷之法而天下事遂以大壞君子惡之且欲殺之然方其殺之也猶且哀憫踟躕展轉而爲之求生不得夫然後一斷之于法

而已不與雖日殺人而其子孫不以爲仇其交遊親黨不以爲怨卽令死者復生生者不愧于其刑初非有所怨怒忿激致其罪而殺之也漢之末季君子惟宦官是惡必欲殺之而後快成瑨劉瓚遂于赦後殺其黨數十百人夫其罪應死法也赦後殺之是直用其怒以沽其直聲而激小人之忿而又以不奉法予小人以口實也鉤黨之禍所由起矣古之君子不得已而殺人惟恐其引而近之漢末諸君子以誅鋤強暴而殺人惟恐其推而遠之夫天下之妾婦柔懦感誅鋤爲已任其意未嘗不是獨其翹翹然自以爲能日號于徒眾惟所惡者是去而小人之恨日以深矣夫殺人者天子之法也天子不自殺而付之諸君子君子亦不敢殺而付之天子之法其生而死也死而生之雖天子有時不得自主而爲君子者乃欲違法而用其喜怒亦難爲上矣夫所號爲君子者自爲善而已非以是爲可以陵人也我爲君子而謂天下之小人皆可殺是方其爲君子之時先有一求勝之念

瑞竹亭合稿卷上

劉瓚

至



其去小人也有幾君子者獸之麒麟鳥之鳳皇草之芝蘭桂杜也麒麟欲盡殺天下之虎豹鳳皇欲盡殺天下之梟獍芝蘭桂杜欲盡殺天下之荆棘曰不必也亦有所不能天子以好生爲德夫固無是法也

彭躬菴曰不肯一字回護君子不肯一字寬假小人論極嚴正精確行文圓淨如貫珠

### 張奐論

竇武陳蕃之難曹節等以奐新至不知本謀使奐率五營士討武等以功封侯奐深病爲節等所賣固辭

瑞竹亭合稿卷上

張奐

三

不受後之論者皆病武蕃之疏不先延攬張奐反使爲節等用余以爲張奐之疏亦不減武蕃也士君子處世應機而發如水之赴壑其卓然有以自立如山嶽之不可動搖彼爲人所賣玩弄之如小兒女子然尙得謂之智乎且所謂變起倉猝者如巫蠱之禍陳橋之變戾太子與趙點檢之反皆人所不及料然君子猶謂父子之恩君臣之義在漢周諸人審處甚易矧中常侍盜弄國柄非一朝夕之故自安帝以來賢士大夫誰不切齒于中官者陽球親爲中官女夫尙

能奏殺王甫淳于登袁赦封易及附會中常侍之段熲奐乃忍心操戈與節等同仇曾是賢如陳蕃竇武者奐猶不知其人乎且世未有爲中官所讐而非賢豪間者也後奐上疏明竇陳之冤又與尙書劉猛共薦李膺又拒宦官請託不薦王寓卒被黨錮奐之志蓋可悲乎亦已晚矣呂后之沒諸呂使灌嬰將兵拒齊灌嬰恐爲諸呂所賣與齊連和且方其時嬰安知齊之非真反耶而奐乃以武等爲反何也嬰能致審於劉呂之介而奐不能辨中官之不當助奐之平素可見吾以爲非獨奐疏皇甫規與有過焉永嘉四年規薦奐詔以奐爲度遼將軍規爲中郎將九年復轉奐爲中郎將規爲度遼將軍兩人在河湟間不爲不久矣士君子有志於民生其設施之方拯救之術當思得天下之賢才與之揣摩講求周悉其變故庶幾共爲之足以相濟先後爲之足以相成卽不然而轉相告語有一人起而爲之亦足以相慰規之惡絕宦官至矣卽在羗事爲宦官沮敗不少乃與奐同官屢年於羗事外不一及之何耶雖然段熲討羗有功卒

瑞竹亭合稿卷上

張奐

三

以依附宦官名污身死與撫羗無成效又爲宦官所賣卒爲黨人夫黨人者規之以不得與爲恥者也與不誠賢矣哉

彭躬菴曰層層翻駁殺活備有總令與無通情其筆力嶄然真似短兵寸鐵無處著一閒字文章至此所謂精神大于身也

魏勺庭曰議論深至老成以規頰插配處文法尤工

周鹿峯曰胸有全史方敢藉一人立論若先蓋藉

瑞竹亭合稿卷上

張奐

書

奐以發其胸中之奇前後徵引使奐無所逃其罪逼真史才

余之責奐至矣或又以奐爲黨于中官去周靖不遠余竊以爲不然小人附會宦寺止以求富貴耳奐既辭侯爵又以薦李膺拒薦王寓取怒中官彼固何所求耶且奐親勒兵誅武後乃自悔代之訟寃其心蓋可原矣漢家受外戚之禍最酷不止王莽已也如呂如田如霍如竇如丁傅皆人心所最恨者節給奐將兵誅武時未言陳蕃同謀也奐以

外戚概視竇武遂爲之操戈而不辭耳便知蕃武同謀奐亦當不至是若謂竇武之生平可以相信則知人之明又非奐所能及彼王莽之謙恭又何可信耶大抵東漢人懲鑒前事恨外戚并恨外戚之賢者奐因蛇疑龍謂之不智則可黨則未也

自註

荀彧論

天下有亂賢者之責也賢者自以爲足救天下之亂而又以己之才力勢位不足有爲不得不擇一人焉以輔之庶幾可以大行吾志三代以下張留侯劉誠意伯之屬胥此道也至于世變愈亟救之之心愈切

瑞竹亭合稿卷上

荀彧

書

而擇之愈難其人于是就眾人之中擇其近可者而輔之而此身之進退不容復審逮其後也計未嘗不行功未嘗不立而名義之間無以自處不得不退而自裁以明吾志嗟乎是何所遇之窮耶昔者荀彧佐曹操平定羣雄成霸業及聞操九錫之議正諫不從吞藥自殺杜牧譏之謂或勸魏武取兗州則比之高光官渡不令還許則比之楚漢及事畢功就乃欲邀名漢代譬之教盜穴牆發匱而不與同挈得不爲盜乎司馬溫公又爲之辨謂比曹瞞於高光楚漢乃史



氏之文非或之言不得用以相貶且或不利佐命之功而利殺身以邀名豈是人情余以爲牧說固非而溫公之論亦未盡是也或爲操畫計擒呂布敗袁術袁紹紹子譚尙及馬騰劉琮之徒其人皆擁兵自強非有志于漢室者擬之教盜穴牆發匱竊爲不倫或之過蓋在功名之念大亟不能養晦需時遂至於此爾或少時何顛稱爲王佐及去紹從操操稱爲子房卽或之心亦豈不自以爲然彼固以爲天下之亂亟矣將欲救之舍我其誰環顧當時擁兵據土若劉表

瑞竹亭合稿卷上

荀或

美

劉璋孫堅呂布公孫瓚之屬皆不足與有爲於是依韓馥依袁紹屢擇而不得至于得曹操之非常倜儻者而輔之其心已果然如飢者之得食庸暇計其後乎及羣雄稍定而君臣大義反無以自處本期爲竇融之馬援而流而近于王莽之劉歆不得不以死謝名教噫可悲也初平二年關東諸將議立劉虞獨操極陳其不可慷慨詰責何嘗不以忠義自許人卽明智誰能逆觀其後當蔡京奉法之日秦檜恥事異姓之時雖大賢如司馬光及李綱趙鼎尙不能辨二人

之奸邪奈何據以咎操者咎或耶或之才略在張賓王猛之間其急赴功名意亦近似賓擇于當時謂無有如石勒者故不得已而仕趙猛擇于當時謂無有如苻堅者故不得已而仕秦若或之時則有一昭烈在也使或斂其雄心養晦待時則佐漢之功豈在武侯下乎要之武侯先有一寧甘老死之心不遇漢昭烈則終身不出耳此或之所以不及也

魏句庭曰斟酌荀或處是千古定論正可爲今日

士君子龜鑑而于英雄用世一段深情熱腸十分

瑞竹亭合稿卷上

荀或

美

愛護唱歎尤是此文最高之格

司馬攸論

論者皆謂秦立扶蘇則二世不亡晉用齊王攸則八王必不亂嬴秦之虐至矣曹氏雖爲漢賊然以師昭視之則君臣也以暴易暴其能長享天位乎其死也雖曰人事豈非天意哉扶蘇之不敢請蘇子論之詳矣吾以爲司馬攸卽不遽死於晉室亦未必有濟攸少以多才爲昭所愛屢託景王之故欲立爲後不果以是蒙忌晉武則旣甚矣攸亦何至自輕其生耶帝

王之子生長貴倨無良師友佐之小挫則視爲屈辱  
小有才則增其矜傲謂攸果賢者乎徒以乃父獎許  
太過及在廷諸臣推擬太高遂詡詡然自矜謂己才  
地埒于周公稍不如意怨懟隨之適足以害其身而  
已周公以其才其功三年居東無幾微怨恨惟惓惓  
然以王室爲念鴟鴞東山諸詩攸顧未之讀耶吾聞  
君子之于宗國任事則同其休不任事則懷其戚晉  
于是時嗣君闇弱戎狄窺伺衛瓘郭欽江統尙能言  
之謂地望如攸者可無社稷之慮耶慮之深則謀之

瑞竹亭合稿卷上

司馬

委

必周愛其死以有待養其身以有爲一不得志戚戚  
焉以死果何爲也漢東海王疆實爲太子徒以母后  
廢黜甘心遜位卒以謙謹貞順爲漢賢王攸之失政  
非有失國之恨也何遽不如疆耶君子曰疆之能爲  
泰伯子臧者天將以興漢也攸之不得爲慕容恪也  
天將以亂晉也惟天惡晉而欲亂之故攸死而更生

一問

彭躬菴曰當日史論贊攸多過辭使天假之年綴  
衣負圖果能光輔嗣君否愚謂坐鎮雅俗則有餘

若以靖八王之爭息五胡之氛則不足也雖然天  
之亂晉如攸者或猶可稍延晉祀而未及戒途終  
于憤恚身死苟馮誠罪之魁矣篇中極得此旨而  
識議皆足以副之快絕快絕

魏勺庭曰論頭好大有具眼

周鹿峯曰真史才也

約法三章論

三代之興也因有救民之意不得已而爲帝王後代  
之興也先有帝王之志斯起而救民天之愛民也切

瑞竹亭合稿卷上

三章

堯

矣能救之亦遂從而命之沛公初入關除秦苛法與  
百姓約其法止于三章秦民悅之天心命之矣龍文  
成五采其昭然者也亞父乃欲殺之不幾逆天而侮  
下民乎蘇明允論項羽又以羽不得天下其失在不  
先入關俾沛公得收秦民之心嗚呼羽能以百姓爲  
心積德累仁沛公雖有天下終必歸羽區區入關之  
先後何足復計天擇人而命之無成見也德有過焉  
者與之矣德又過於此者斯又與之矣雖夏商神明  
之後尙有時而奪之天心豈私一亭長乎李廣殺降



胡數百人尙不得侯羽之殘忍至坑殺秦卒二十餘萬又殺無罪之子嬰雖先入關必不得王又況遣長者仗義而往乃義帝之命羽安得而違之乎予嘗謂創國一也帝王有其氣象次之有其規模又次之有其政事氣象遠矣三代以下不可得而見也規模未始非政事然其爲一時之計與數十世之計設施固自不同而皆有可以得天下之理蘇子之論機謀焉而已審于天下之勢乘機而爭利如驚鳥之搏擊無有能拒之者亦未嘗不可以得天下而民心不附天

瑞竹亭合稿卷上

三章

卒

意因之此六朝五代干戈相尋而無有已也沛公三章之約氣象不及三代明甚而一時規模闊大簡易絕不似戰國諸君所爲四百二十餘年之基於此開之矣晉氏之季李特入蜀約法亦以三章彼以爲漢高之規模可以名襲耶觀李特尙可之謠而知其救民之不誠觀任明說羅尙之語而知其凶逆之如故實則未至名安用之史所載施捨賑貸禮賢拔滯特不終日之計爾特子李雄撫循境內約法七章政事稍爲可觀亦遂開拓土宇享國三十餘年然吾聞雄

之生也雙虹應夢大蛇遶身天之篤生霸主亦不易哉

盧文子曰論題原平平文開首數語遂籠一篇之要氣象規模從此發出立論最正

彭躬菴曰氣象規模政事從古帝王得天下之本盡是矣于此題發出真是眼光如炬

劉義康論

小人之當遠也不可與之有怨尤不可與之以恩彼

有恩於我則其責望必奢常難爲報我有恩于彼則

瑞竹亭合稿卷上

城王

卒

其所以致報者或不可受夫恩及於人威德事也恩而必報厚也一涉于小人當其挾恩以求報權猶操之于我得以徐審其從違及其以非禮之事致報于我則雖犯天下之不韙蹈天下之至險彼有所不顧甚至我不及知而彼已爲之事成而不義之名已歸於我事不成而我空受其禍是以君子嘗慎之惟恐其相及嗟乎劉義康何不幸而遇一報恩之孔熙先也義康早不自謹親近劉湛王履劉敬文孔徹秀等以致于敗其遺失固多然有命恒公主爲之營救文

帝泣誓蔣山封酒馳賜猶可弗至于死卒殺其身者  
孔熙先也熙先父默之爲廣州刺史以賊獲罪義康  
爲解救得免及義康遷豫章熙先密謀報效要結謝  
綜范曄等爲亂謀奉義康事敗被誅義康由是重得  
罪卒及於難夫詳于報怨略于報恩者小人之常也  
彼有所恨于君子雖睚眦之怨日常淬勵剗刃仇人  
之胸腹而後已其于恩之所在也亦未嘗不效奔走  
工詔笑指示天日以國士自許君子稍一挫折不難  
掉臂而去如胡越人之視其肥瘠甚或毛舉陰事因

瑞竹亭合稿卷上

城王

三

緣告密藉擠排以圖富貴者皆是也乃熙先之所爲  
顧不出此嗟乎義康何不幸而遇一感恩知報之小  
人也君子柄國用事未嘗無賞而不必以其所好未  
嘗無罰而不必以其所惡第以爲朝廷之彰瘡而已  
孔默之之得罪也抑法以活之謂柄國何吾意義康  
所爲如是者必多史特因孔熙先圖報一事故推原  
及之耳義康遇勦拉同氣之君卻遠權勢猶恐禍及  
乃威福自私至于如是雖微熙先之報恩吾知其不  
免矣熙先乃速之禍耳甚矣小人之不可近也

彭躬菴曰議論正大若規若惜

袁粲劉秉劉劭論

功不必自己立名不必自己成君子大公之心也然  
當宗社危疑之際卻遠功名則聲望不隆物情不附  
聲望不隆則無以鎮壓小人之邪心物情不附則臨  
難無可用之人是故古之聖賢平居雖無功名之心  
及事會之來功建名立赫然在人耳目間有所不必  
避惟不以寵利居之斯身安而主不忌且夫國家有  
事一時之功名必有所屬我避之而仍有一君子當  
之則國事猶有所賴若功名不歸之君子而歸之奸  
雄則被藉定亂安邦之勢陰持國柄民心歸附而才  
智之士思有所豎立者未免輻輳于其門羽翼旣成  
國命隨之矣曹氏篡漢司馬氏篡魏劉裕之篡晉蕭  
道成之篡宋蕭衍之篡齊皆比比然也國家不幸而  
有亂君子起而定之元氣雖耗尙可不至于亡漢魏  
晉宋南齊之末所謂君子者誰乎而奸雄得藉之以  
成其篡然吾以爲曹丕師昭之父子其所由來者非  
一日若蕭道成者始與袁粲劉秉劉劭等同受顧命

瑞竹亭合稿卷上

合論

三



未敢妄窺神器也桂陽王休範之亂道成出頓新亭進克東府振旅還建康百姓聚觀曰全國家者此公也蓋道成之勢于此成矣當大雷戍主初來告變之時彙能墨經從戎與秉勔等共起任事不專以討賊委之道成休範庸妄人易與爾未必不能成功乃拱手讓之以功名及其勢已成不忍忿忿之心起而討賊徒死何益吾雖悲秉彙之志而惜其不早爲之所也壬申之謀秉恒擾敗事固不足論勔屢立戰功彙時望所寄豈能無社稷之慮史載勔晚年頗慕高尚

瑞竹亭合稿卷上

合論

查

立園宅名爲東山遺落時務罷遣部曲彙傳則載其簡淡平素身居劇任不肯當事門無雜賓若是者豈非畏避權勢不肯以功名自居耶夫功名之會固不宜貪戀倘有意辭避不肯爲國任事亦豈純臣之心況委之以資奸雄乎漢之諸葛武侯唐之郭汾陽可觀矣若乃以震主危身者非功名足以爲累其所以居功名者非也吾又特著之以爲大臣法

宋明帝死時與蕭道成同受顧命者尙有桂陽王休範沈攸之褚淵蔡興宗等休範反亂攸之外任

褚淵黨於道成與宗先亡故論中不及之○蕭道成之篡或謂蒼梧王死時秉等不能討賊反以大權委之道成或謂彙秉謀討道成不當洩之于褚淵又謂彙彙平日當與淵和衷起復任事不當激成其怒致與道成爲黨此皆事蹟顯然古人已有言之者可無煩勦說也

自記

彭躬菴曰三人之才本非道成對手天意與齊卽不以權柄歸道成道成定有出路但顧命大臣不可無識議耳惜乎袁劉止堪守成難與濟變矣

瑞竹亭合稿卷上

合論

查

魏勺庭曰大議論不惟受顧命者宜留心熟復卽凡膺朝廷重任之臣亦當書一則于座右

江敷謝淪論

查

齊武帝時紀僧真得幸容表有士風謂帝曰臣小人出自武吏遭逢聖世階榮至此唯就陛下乞作士大夫帝曰由江敷謝淪我不得措此意可自詣之僧真承旨詣敷登榻坐定命左右曰移吾牀遠客僧真喪氣而退告武帝曰士大夫故非天子所命噫教化不立風

俗不正雖天子無如之何反相傳以爲佳話  
可歎也故論之

人之有貴賤也以道則有君子小人以朝廷之爵則  
有崇卑復有出于非道非爵之外者曰流品其源始  
于春秋之世卿極于魏晉之九品中正其所貴而貴  
之其所賤而賤之舉世奔走于其中羣吠若狂就其  
所貴者命之曰士大夫古者初命爲士三命而爲大  
夫是爵也爵人必賢而道亦與乎其中不然則有道  
而未仕亦稱之曰士魏晉以來所謂士大夫者不知

瑞竹亭合稿卷上

江數

矣

居何等也世祿子弟競浮習侈自號清流鄙薄世務  
夷然不屑此名法家所屏之寄棘而不齒者而彼反  
自以爲高蓋聖人之教不行久矣雖以晉宋齊梁之  
君敢於篡弑其主索魏敢於憑陵中夏而獨不敢移  
易此名甚且分別氏族敘次流品不難鼓其馘而益  
之薪可怪也夫聖人之道不明有時譽人以君子不  
勸斥以小人怒奸雄發憤且有以貽臭自矢者獨  
此流品盛行之時天子賞罰不足以勝草野之清議  
修名立節此其風氣使然然是翹翹者僅能以其名

示天下之榮辱而不能以其實正天子之從違匹夫  
慕義死忠死孝有時勝焉亦媿爲士大夫矣且數之  
移牀遠客幸而紀僧真以武帝之言先奪其氣無敢  
怨仇爾不然蜂蠆有毒況承天子命而來爲客不能  
得一禮貌於其臣豈情也哉漢張讓父死諸名士皆  
不至唯陳太邱往弔黨禍起賴以保全者甚眾君子  
之于小人固以有容爲大矣況其所謂士大夫者何  
足貴哉何足貴哉

彭躬菴曰魏晉六朝人爲名士風流四字耽悞一

瑞竹亭合稿卷二

江數

矣

生其餘毒後世猶被之得此清夜鐘聲應令通體  
汗下

### 六朝論上

予讀史至六朝未嘗不廢書而歎也篡弑之禍曹魏  
開之後此更姓得國者以篡卽不更姓而得國者亦  
未嘗不以篡也

石虎苻堅蕭  
鸞高演楊廣

骨肉之禍司馬氏開之

後此不肖者罹之賢者亦未嘗不罹之也

成李班

甚矣

殺機之不可動也其始一二人偶爲之轉相效尤遂  
無底止六朝之季雖無賢君至比於唐宋中主豈盡



不及而人心既壞求數十年之治平亦不可得是故聖人之治天下治其世運而已其制度文爲或反不如後世之備而太和翔洽鳥獸草木亦且咸若戾氣無自而生孱子弱孫繼之亦不至於太亂卽吾子吾孫不能繼天下別有一人起而繼吾之治亦卽吾之子孫湯武之於夏商是也是故唐虞以上有治而無亂夏商之季一亂而卽治六朝五代亂數百年而後治戾氣之所醞釀也其勢已極重而難返故雖以王猛之治秦元勳之治魏至于盜賊衰熄道不拾遺不

瑞竹亭合稿卷上

六朝

文

數年而天下仍大亂元魏起北方其開國非由篡弑及其亡也與晉宋齊梁之君無以異蓋孝武閹門無禮有以致之矣天於六朝之君或以閹門之亂或以篡弑或以骨肉之變循環而報之不必出于一途其祖宗有罪報之於其子孫焉其祖宗不必有罪子孫有罪亦報之於其身人理既絕天於六朝之君固不能恕也李唐不幸承其後而戾氣所積其禍猶中于骨肉雖曰世運爲之然有國有家者返之人事尙有不挽回世運之懼奈何閹門之亂

納巢刺王妃

沿襲禽獸

行而不知恥乎其後武韋報之楊氏又報之天於唐令主且未嘗恕況六朝耶

彭躬菴曰時至六朝全是一派殺機故李卓吾有種毒之說從此立論上自曹魏下至李唐其害尙猶未止生其後者安可不鑒乎知若先之憫世悼俗者深矣

### 六朝論中

甚矣殺機之不可動也六朝之亂其君實甚民則何罪爭地爭城驅之鋒鏑其得賒死者寡矣而又刑獄

瑞竹亭合稿卷上

六朝

文

殺之征徭殺之或殺之以酬其忿或殺之以爲戲石虎作太武殿作飛橋以土木殺人也赫連統萬城齊東昏王壽芳樂等殿陳後主臨春結綺望仙三閣隋煬高麗之船西苑之海山毘陵之十六離宮則皆殺之梁武帝戒殺生者也作淮堰殺之淮堰壞又殺之納侯景致亂江南連歲旱蝗富室亦懷金玉衣羅綺而死則又以饑饉殺之其甚者晉愍帝時斗米值金二兩趙石虎時粟二斗值金一斤苻堅時秦饑人相食隋末樹皮葉皆盡百姓搗蘖煮土而食之饑饉殺人

是爲尤多嗟乎天心至仁固有時而不仁耶抑氣運爲之天實不能操其權耶予以爲此正天之意也臣弑君子弑父兄弟相殘內亂禽獸行相沿而不知怪上行下效之無所紀極儼然號爲人爾有生之道自絕於天久矣卽有一二賢者自號清流不過彈棋揮塵隱囊紗帽相過從以聲音笑貌相矜誇未有卓然自立以世教風俗爲己任者也上焉者臺榭宮室極藻績金玉之飾下焉者曳絲履縞帶漿酒藿肉難作一旦載胥及溺是故六朝以來所謂豪華富麗者皆

瑞竹亭合稿卷上

六朝

三

聖賢所爲悲憫而戒懼者也天意當此以爲不殺之則不善者不止不多殺之則近於不善者不懼不善者止近於不善者懼庶乎生意之自復乎是故天之道以殺人者生人聖人之道以不嗜殺之心生人聖賢無權天殆不得已施其殺人之權亦可哀矣論者以六朝佳麗之遺奉爲美談是甘餐毒藥而以爲引年也而至今不悟何也

彭躬菴曰上篇止歷敘其概此更推出天意一段見天到此不得不盡殺惡人再造一番天下言者

無罪聞者足戒嗟乎人亦何樂爲天所殺哉

### 六朝論下

六朝之得國皆以篡弑然則不篡弑將不得國乎不篡弑不得國必其數之不當得也吾雖不得國猶得一不篡弑之美名夫固有篡弑而終不得國者矣

王倫桓立代拓拔六修拓拔紹燕蘭汗後趙冉閔成李期宋劉劭周宇文護

趙晉天於萬物苟

非其數之所應有雖毫髮不容妄取況于國乎篡弑而得國國固吾之所當得也以吾所當得之國竭巧盡計徒予其身以不可居之名予子孫以不可享之

瑞竹亭合稿卷上

六朝

三

實吾得國乎乃得篡弑爾且夫篡弑之名非六朝之君所懼也吾篡弑人亦篡弑實則奈何不懼況不篡弑亦未必不可以得國苻堅敗就慕容垂眾咸勸垂殺堅垂曰彼以赤心投我若何害之天苟棄之何患不亡不若保護其危以報德徐俟其釁而圖之既不負夙心且可以義取天下慕容農亦曰尊不迫人於險其義聲足以感動天地垂卒復燕社而篡弑之名歸於姚萇獨燕之君臣主於復國而不主於救民故戾氣還得而中之骨肉殘殺篡弑相仍勢固然也劉



裕蕭衍其始皆有非常之才所遇者桓立東昏侯固藉裕衍以得國之資矣倘能慨然崛起以湯武爲心其得國之正豈盡下於漢高惜乎裕衍敢於篡弑而不敢於討強暴必欲假齊晉之名以濟其事中懷實怯無所挾持故也漢高之取天下義帝足以妨之幸而項羽命衡山臨江弑之江中而漢之稱名始正裕之立恭帝衍之奉和帝果何爲也吾有救民之志其才又足以濟之天下大器舍我誰歸何必掩耳盜鐘也哉

掩耳盜鐘唐高祖語

奸雄之才不必其世及也而君臣之

瑞竹亭合稿卷上

論下

圭

名義千萬世而無弊吾特恃其才足以駕馭一時之豪傑必其不吾叛不知易世之後其才復有如吾者而名義不足以服之則必效吾之所爲而以爲不足任矣六朝之君竭生平才力勤苦勞瘁巧取人國其人率多耄老或身死而子孫爲之歷世幾何奈何犯天下之大不韙而弗辭耶

彭躬菴曰中篇言天惡惡人此篇言篡殺之人身享幾何徒令子孫受其荼毒所謂長歌之言甚于痛哭

倪閣公曰侃侃正論一片救世苦心補叔皮王命論所未發真可醒豪傑之心破奸雄之膽

魏勺庭曰中多名論可傳

李密論

古之英雄將有所爲於天下其於天下之時勢已與人之所自處籌之至熟而量之甚審及其起而應之如謀其起居飲食之宜不煩再計雖臨機決策轉移於俄頃之間百變而不可窮而其大意所存終不可得而易也蕭曹與劉季並起蕭曹讓季而季不復讓

瑞竹亭合稿卷上

李密

圭

蕭曹其自置者審也項氏徘徊於臣人與臣於人之間兩無所適是以終爲人禽六百餘年之後乃復有李密隋氏之末盜弄干戈者以數十計儼然據土稱王公相雄者不下十人而李密號爲最賢其幾死而幸全所慮艱難險阻不爲不熟密欲依人以成事則當如王陵其次當如竇融若必欲自爲亦宜以時定密之才過於陵與融而究其成也求爲南粵之尉陀不可得彼其於唐隋之興亡量之未審即己之一身帝王將相亦不知確以何者自處僥倖苟且降隋

降唐反覆變詐即不死於南山持此將安歸乎唐之舉事決意自爲其假名隋侑猶爲君子所譏況臣人以求免死復從而叛之密說楊玄感西圖關中此天下之大勢也柴孝和亦曾以此策說密徐洪客說密直向江都執取獨夫號令天下此天下之大機也取天下者乘機爲上控制形勢次之機之所在非智者不知非仁者亦不能乘誅君弔民以勝殘而去殺湯武而下不易語也唐之創業先取長安可謂得勢若放伐楊廣則固有所懼而不敢爲矣密或爲他人言之或聞人言瑞竹亭合稿卷上 李密而壯之終不能行蓋其濟世安民之念未素定爾論者誤執票盡人散之言謂密既得洛口回洛諸倉不當散以與人豈知洪客之意固有所在與梓人之爲室也先計其廊廡之廣狹堂奧之深淺畫宮於堵落成而尺寸不移謀先定也若得一木始鋸一椽獲一坯始築一基移此儷彼朝三暮四雖茅茨土室終無成理況本無作室之志姑一試其斧斤者與初唐高經營關中致書於密陽推奉之藉作外蔽密圍於術中尙不自悟以爲唐公見推況謀叛於既降之後雖

士卒哭之或嘔血死亦何救於敗亡也哉

彭躬菴曰明於天下之大勢故指陳剴切乃爾此等論正非蘇家父子所知

魏勺庭曰如此文乃可當俊傑之言而筆力亦復嶄嶄

### 相州九節度論

善用兵者用人謀而已矣然亦有時而用天暑以渴之水潦以淹之寒凍以折其膠雷電以挫其氣霧以設伏風以縱火雨雪晦冥以擊其懈然用之道有二

瑞竹亭合稿卷上 九節 圭

有因其已然而用之者劉錡順昌之捷使人潛入敵中見電光輒起殺賊李愬乘雪夜烽火不接徑入蔡州是也有測其將然而用之者王方翼知有雨豫營於山阜周瑜知有東南風焚操軍赤壁是也用其將然者似爲稍難然以誠以智天無不爲用誠則可以格天智則於陰陽燥溼之理審驗之於平日而當機不眩非舍人事而專求之於天也盡其人事因其機乘其便而用天遂神於用人唐時九節度之師合攻安慶緒敗於相州論者咸歸咎魚朝恩此以人事言



是已合十餘萬之師頓之堅城之下軍政不一其取  
敗也人人能言之吾獨以相州之敗由於大風晦冥  
兩軍驚潰此潰而北彼潰而南初非爲賊所敗也使  
未潰之先有善於占候者逆知是日大風先告其眾  
且不妨神其說謂吾能致風則士心先定大風晦冥  
猶有可以乘勢取勝之理而何至於驚耶侯景叛魏  
歸梁慕容紹宗討之紹宗知梁兵慄悍先誑其眾曰  
我將僞退以誘敵及戰魏兵不支其實敗而退也眾  
信紹宗前言奮勇再進卒以勝梁是故田單之託言

瑞竹亭台稿卷二 九節

美

神師高駢之詭稱神兵駢攻安南城帥西川皆以此破蠻兵古之以是  
取勝者固多矣況夜觀星月晝觀雲物古今占驗之  
書甚詳且備卽老農老圃以諺言較量晴雨十得八  
九士君子明於陰陽燥溼之理區區大風甚雨尙不  
能知而何以行師爲哉莽軍之困於昆陽先數日有  
雲如壞山當營而墮後燕太子寶之敗於參石陂先  
亦有黑雲如堤來壓其軍是人事勝負尙可以占驗  
而爲之備況以天占天耶相州之役其雲物先必有  
異時無知之者故史遂失載耳戰昆陽也大風雨震

電莽軍奔潰虎豹股慄此固光武至誠所感非有意  
於用天然漢軍何以不驚而風雨雷電似專奪莽軍  
之魄又何故也漢楚彭城之戰大風晦冥拔木飛砂  
石楚軍亦未嘗驚節制之師勇怯固有殊矣非誠與  
智不能用天其次莫如節制

彭躬菴曰儒者談兵先人事而後天時後世或有  
不學無術之譏此論天人相爲用處鑿鑿不磨至  
盡人斯可用天用天遂神用人名言妙義識力踞  
頂得未曾有

瑞竹亭台稿卷上 九節

圭

魏勺庭曰好議論惟善用兵者知之

田弘正論

田弘正徙鎮成德自以久與鎮人戰有父兄之仇乃  
以魏兵二千自衛請度支供其糧賜戶部侍郎崔俊  
持不允弘正不得已遣歸王庭湊潛謀作亂憚魏兵  
不敢發及去遂結牙兵殺弘正後世論者咸以弘正  
生死係魏兵之去留歸其獄於崔俊夫人無遠慮惜  
小費致忠良遇害固也吾以爲弘正之死其自取者  
不爲無故士君子處危疑之間所恃以全身遠害者

其大莫如修德其次乃用智術若恃人者尤爲不祥  
隋煬恃驍果爲衛而司馬德戡首建反謀周室私後  
樓兵及其敗也後樓兵先亂弘正誠能信賞罰修舉  
政事使人畏威懷德則鎮冀百萬戶皆爪牙也何取  
於魏人弘正謂與鎮人有父兄之仇必魏人乃可以  
爲衛耶吾之與鎮人戰非爲私也奉天子之命以伐  
叛逆我初無殺之之心又何仇焉泣鎮之後誠以父  
兄自爲則彼亦將以子弟自爲矣吳元濟旣平裴度  
用蔡卒爲牙兵或以爲疑度曰蔡人亦吾人也蔡人

瑞竹亭合稿卷上

田弘

夫

聞之感泣淮西用兵度實主之度惟無仇之之心故  
蔡人亦不以度爲仇弘正留魏兵二千人謂足以防  
其仇我乎是啓之也身爲節度使一方之人將賴其  
保宇乃仇讐之心藏之胸中不能自忘形蹟旣存彼  
安得不疑且懼與百千萬疑且懼之人朝夕聚處而  
惟二千人足是睚眦兵雖留亦不能久安也我信魏人  
則鎮人益疑我親魏人則鎮人益疏微獨二千人不  
當久留卽赴鎮之初亦不宜多挾外兵陝虢軍亂李  
泌單騎之鎮有請屏人白事者泌拒之眾心自安宣

武軍亂董晉獨與僚從數十人赴鎮不用兵衛至則  
盡去牙兵物情遂安蓋天下惟推誠不貳可以消猜  
忌安反側聖賢以誠爲德而豪傑卽用之以爲智術  
渾瑊之袒胸示徐庭光李抱真之解甲臥王武俊帳  
中誠也亦智也田弘正旣不以德撫人又無智術可  
以自全區區二千人力足恃乎適以開嫌隙而已弘  
正舍留魏兵一策外竟無一感恩知己者出爲耳目  
入爲心膂卽旣死後求一人焉如智伯之豫讓荆軻  
之高漸離亦不可得不亦悲夫鎮人之殺弘正非以  
仇也以輦貨供其子弟將士不平王庭湊因而煽之  
財者生人之六命無故妄費未有不取禍者況取之  
於鎮人而耗之於子弟弘正不能訓飭反輦貨以資  
之其誰不怨怒乎史言弘正子弟數十日費約二十  
萬以此二十萬分給魏兵則魏兵可留以此二十萬  
散給鎮兵卽鎮兵亦爲之死矣

瑞竹亭合稿卷上

田弘

夫

唐世藩鎮爲其下所殺者甚多獨田弘正號爲忠  
順首變兩河傳襲故事有唐賢節度也予重惜其  
無術保身反覆備論其事不覺流爲責備之辭責



之備亦悲之愈慟也史憲誠之類死不足論矣

卓方水曰洞曉古今機務又熟於史法方能有此精鑿不磨之論

彭躬菴曰胸有全識筆無點塵子瞻志林中論事尙無此透闢

魏勺庭曰具此識見筆力方可論古

### 張承業論

晉王存勗將稱帝張承業極諫勸存勗復立唐後後

瑞竹亭合稿卷上

張承

全

世無不賢承業者王子曰承業特宦寺中之賢者爾其立言之旨固未盡善始云王遽卽大位非從來征伐之意不如求唐後立之是以聖賢望莊宗也繼又言高祖太宗復生誰敢居王上者讓愈久得愈堅噫是何言耶凡有事於天下者志欲救民則不得不擇一人以輔之力能救民則亦不妨自取劉宋有可以得天下之勢無故擁立德宗安德文帝李唐有可以安天下之才無故擁立楊侑雖高祖太宗心蹟遠過劉裕然旣立而後受禪君子惜其近於篡也承業所

言無亦沿襲禪授之虛名欲莊宗三讓彌高乎湯武之不如堯舜六經具有微詞六朝五代之君敢於假堯舜而不敢學湯武何也征伐揖讓各因其時雖聖人不強而相師曹丕司馬炎輩因己欲爲舜無故強人以堯已欲爲禹強人以舜妄矣今也導人以舜先令之僞立一堯導人以禹先令之僞立一舜妄不已甚乎或曰承業之意本重複立唐後而不善其詞爾子何尤之深也曰是不然凡人進言者先觀其人審其時莊宗身經百戰冒鋒鏑觸寒暑而不辭者有所

瑞竹亭合稿卷上

承業

全

利而爲之也其移檄討梁絕元天祐姑以是爲名爾運當遷革雖以微子之賢武王之聖必不能舉殷宗社還之況莊宗乎八百諸侯歸心周武而願其爲王河東諸將士歸心莊宗而願其爲帝其公私不同其勢一也令莊宗滅梁之後求李氏遺胤立之安必其賢如微子卽賢矣以素不相洽之人臨乎功高震主者之上無論諸將士未能心服莊宗能終身俯首乎且莊宗驚悍獷戾之性其所由來非一日承業處河東數十年容有不知強其立一人而臣之何以能久

大者弑小者囚廢不奪之不止吾勸人以忠義而其禍乃極於篡弑愛人以德不若是也且夫天下公器非一家一姓之私取之於朱梁較取之於李唐其稱名孰正爲之臣者誠能推賢進士陳善格非令莊宗無自驕縱內不惑於劉后外不蔽於伶官取吳取蜀創業垂統亡必不速其得天下之正過於曹丕司馬炎劉裕朱溫遠甚豈復有以篡奪議之者哉雖然唐三百年宗社亡於宦寺既亡之後其中乃有人焉如張承業猶欲復立唐後以不可必得之事望之不必

瑞竹亭合稿卷上 承業

全

能聽從之人智雖不逮忠誠可嘉此豈有唐諸君厚待宦寺之報歟抑不得以宦寺概論之矣  
彭躬菴曰張釋之諫誅犯蹕者云方其時上使人誅之則已張承業勸晉王立唐後云讓之愈久則得之愈堅語俱有疵然釋之不以以此害其正承業不以此損其忠也賢臣隨事納牖矢口出之非如學士把筆擇而後言語意容有不圓論世者但當觀其大旨而已況史氏載筆未必盡出其人之口遽以此斷承業九京有知竊恐未必心服篇中言

與其爲假堯舜不如學真湯武自是天壤大議論作者特借題發揮非實欲雌黃承業也

魏勺庭曰英雄審時度世之言非可以語承業然千古興廢機要揣摩論斷已無餘義

### 書王彥章傳後

王彥章之稱鐵鎗也以勇聞德勝之戰三日而克之又以智聞逮妻子爲晉所獲棄不顧以身殉國被執不屈卒以忠聞夫忠且智且勇焉其傳後世有天下名宜也然吾觀張彥之亂彥章以五百人入魏懼而

瑞竹亭合稿卷上 彥章

全

南走安在其勇胡柳陂之戰彥章將騎兵先走不知衝晉輜重與賀瓌夾攻晉軍鄆州既敗不守兗州而守中都安在其智然五代完人卒稱彥章者以其忠也夫勇出於筋骨志出於心皆生而有之者忠則可以學而能然吾歷觀古今名將勇者十七八智者五六忠者不二三豈生而有之者固若是易得歟勇而智者可以濟事忠者或不能濟事而徒以其身殉焉吾未見忠之難也爲將者不能濟事區區恃其忠謂可以告無罪國家亦安賴有是臣哉然將將者不於



忠是擇而徒用其勇與智亦未必遂濟其幸而濟者君之靈也其或勇不以禦敵而以犯上智不以制勝而以要君吾於是又思忠之難焉忠而智且勇上也即不然捐軀不顧妻子忠而殉國若王彥章者其亦庶乎其可也

盧文子曰精悍之至無懈可擊

彭躬菴曰數重跌宕數重關鎖只智勇忠三字一

意反覆絕似荆公文字

魏勺庭曰用筆層折

瑞竹亭合稿卷上

給諫

金

祭給諫潘起代老師文

擴之得請益於夫子蓋自丙午季秋始當戊戌己亥間擴嘗經患難關三木飲泣鳴號望活不可得竊自歎此生何能復見天日有所爲於時至是乃獲從夫子後雋於鄉而夫子亦出自患難中同病相憐交引互說淚淫淫下不能止旁觀訝之予兩人則交相勵謂此患難餘生當益自振拔以無負上天所以困苦鞭策之意而夫子更以強幹踔厲相勉謂天下通病中於六極之弱其不能者一意持祿保位頽靡無生

氣其能者外剛而中怯每以工趨避先意逢迎爲得計其不可不戒丁未至都門擴以點畫之譌不獲卒試春官夫子手持酒一瓶童子執肴核造擴獻酬爲別且曰余第矣心知如吾兩人不得稱鄉會同年數也因泣下此二月十九日事也行至淮揚果聞夫子成進士旋以庶常入諫垣慷慨數言事不避仇怨擴心益喜又三年庚戌夫子分校禮闈擴竟出門下噫向之不爲同年者今反北面稱弟子則又交相喜嗣是載進載見抵掌談天下事累日夕所以勉擴者有

瑞竹亭合稿卷上

給諫

金

加擴再拜識不忘私念釋褐即歸仍不獲與聞天下事需次縮墨綬所樹立有限庶幾吾夫子數歷卿貳躋公孤致君澤民以自成其志擴也不才得決起尋常尺寸之間亦獲從諸子後稱夫子某科所拔士榮矣不二年擴從邸鈔見夫子乞假疏心竊疑之豈其道未可大行耶胡稱疾引去也又不數月得訃音而夫子遽舍我而逝矣嗚呼痛哉擴少夫子七歲計今銓法數年方得仕已過夫子今者之年矣得百里地爲之長期會簿書隨例束縛動止不得自由夫子未

竟之志擴將何以稱塞譬如豫章之木已圍百尺而  
榦千尋千雲蔭日將用以爲明堂爲清廟惟匠石之  
所使乃一旦摧折以棟樑之任屬諸方萌蘖之梗楠  
拱杞何時圍抱何時牛羊與斧斤日虞及之而爲之  
場師者又未必灌溉壅培能盡其才之性幸而成材  
大匠之用以爲末爲桷俱不可知嗚呼擴之成立與  
否詎非夫子所深慮也夫子爲真吉士爲真直臣海  
內人共信之往常爲監司所周內困夫子攫其金而  
擠之陷穽今皆震恐謝罪雖夫子不以復怨爲念而

瑞竹亭合稿卷上

給諫

全

下澤賢豪之氣於此發抒咸欣欣有以自見古稱鄉  
先生歿可祭於社者非夫子其誰當之擴撫念今昔  
低徊於哲人之夢求所爲耳提面命冀一言之幾乎  
道其可再得耶不徒以哭一人感恩知己之私也

彭躬菴曰諸先達嘗爲予言榜下時同年生畢集  
中有一二人意思全別不汲汲趨時鳴得意及後  
居官腳跟立定到底不差蓋以正傳正不正蔑由  
至也今觀王子祭令師潘公文臭味襟期逼真古  
處而其文之真摯渾灝大似昌黎誌柳子厚墓東

坡祭歐陽文忠公文生氣淋漓起人肅嚮

張族祭封公畢卿文

代作

嗚呼十家之宗亡一人焉則舉族而號如盆盂中水  
挹勺合卽懼其竭也若夫冠蓋望族齒數浩繁生者  
日聞死者月有忽焉無加悲喜豈情之薄哉其勢然  
也某等今日舉族而號翁若無所告愬者何故亦以  
梁木之壞非與榱折榱頽等耳嗚呼自宋迄明家之  
鵷鷺於朝者綬相錯旣而中落不分大官之鼎養殆  
十許年翁每對族人語及輒動色相誠無何幼者多

瑞竹亭合稿卷上

畢卿

全

荒於嬉或奔走於衣食長年倜儻之士又多煙霞癩  
疾翁鬱怒彌甚退而以其教族人者教子蟲未飛督  
之與宵則秉燭共對不倦侍講君竟以第一人張吾  
族羣幼觀之始躍且奮咸有志長安道上翁見侍講  
君有成族人有造今而後喜可知矣歲時伏臘與吾  
輩作數十年歡對亦天時人事所兩相宜者孰意珠  
出而淵隨暗砂呈而水卽損耶侍講君初通籍之後  
族之愚者至懷嚴憚不敢以其戚戚翁翁密察其意  
禮逾周色逾溫顧復煦嫗以至於沒也沒之日無少



長皆嘆息泣下人有以福享未久爲翁惜者是豈知  
言哉侍講君以王事賢勞不及定省亟請翁命駕燕  
邸翁堅不脂車夫以帝里之豪華堪承歡者去間開  
十百翁且不以彼易此豈人世之樂足以攫翁情乎  
宜其徹蹠塵壤速生天上也翁方以死爲生而世人  
反以生爲死哭翁祭翁翁在碧雲頭上笑破口矣然  
士非太上自難忘情觀此旒飛江干悼怛寧獨吾儕  
耶白馬素車號哭而來者執友也懷德音之未遠傷  
典型之不復者鄉之大夫士也以吾翁若翁之痛脫

瑞竹亭合稿卷上

畢卿

六

貂擲魚而擗踊者侍講君僚友也推心喪之誼等而  
上之者兩浙諸君子及太學三舍生也哭翁皆有淚  
祭翁皆有言而以吾儕揆之其接翁之嘖笑不素則  
其悲不深沐翁之親愛不久則其痛不至吾儕之接  
翁沐翁已素矣久矣其悲痛之深至與否某等初不  
自知也諸父誰爲頤養諸兄誰爲慰勞諸子諸孫誰  
爲耳提而面命某壑某邱猶然翁與某等嬉遊處也  
某軒某室猶然翁與某等燕飲處也曾幾何時翁帥  
吾輩魚魚雅雅於祖廟執豆奉遵翁奈何遽甘此遵

豆耶今人逆旅邂逅歡然執手臨歧猶怏怏不忍別  
矧某等與翁自竹馬鳩車之戲至於曳杖逍遙數十  
年晨夕一朝別去能不交相戀而交相悲耶如翁以  
吾輩塵世人不堪久居則已矣或怒昔日之不聽翁  
誠以繼鵷鷺於先人則已矣或鶴背鯉頭別有仙家  
族屬多於某等則亦已矣否則以此之相悲忖彼之  
相戀翁安能遽忘情於某等乎吾族齒數浩繁生者  
日有皆從翁所來死者月聞皆向翁所去去者見翁  
諒能道某等相悲之態生者哇哇不成聲何從詢翁

瑞竹亭合稿卷上

畢卿

六

相戀之情耶酒魯殺薄雖不足以辱翁嘗然人亦有  
言眾不肖可以當賢眾慢可以當敬眾腆可以當豐  
翁其毋唾之

彭躬菴曰先敘生前顧愛之殷次敘死後繫戀之  
切反復曲折悲痛深至

宜園種樹對

子園中雜植樹不過取其花實已爾非將用以爲棟  
樑榱桷也然猶勤吾之力而不置方其初移植於此  
也厚其故土審其向背擇細土以實其根抵填淤泥

爲之滋挹注灌溉之罔敢過不及焉其既活也又爲之時其寒暑量其燥溼翦薙其繁枝惡草去其蟲蠹蓋鋤刀鉞斧鋸之屬以鐵治者無或缺焉盆盎蛩缶以陶冶者無或缺焉護載而檣柱以木攻者又無或缺焉其勤若此然後樂其美蔭擷其英華食其喜實樹之效用於我者不違其材朝而夕焉吾亦忘於吾之所以爲樹也一日新移數樹客有過吾圃者爪其膚以驗生死予訝而詰之客曰此非郭橐駝之所戒耶犯其一何足以病若樹今之樹藝者其置若棄

瑞竹亭合稿卷上

種樹

九

亦可謂得其一爾樹豈有繫焉者哉予聞之卻立良久退而歎曰嗟乎客之言通於治士學古入官舉其全不徇其偏斯可以爲治理矣以嚴治者猛以寬治者弱樂清淨者怠喜操切者紛舉其半而遺其半未見其有能治者也明日客又至以其言謝之客曰子亦知夫樹猶民耶吾將終言之今夫設吏以養民猶之爲天子灌圃也民之出粟米麻絲以供賦稅猶之樹之花與實也撫字之不至率作之不力教訓之行亦可謂置之若棄矣何以保此民又其上者將用

以爲公卿將相百執事亦從田間來者也猶之樹之爲棟樑榱桷也樹將何以應彼柳子所言官命促爾耕勗爾植督爾穫早繰而緒早織而縷字而幼孤遂而雞豚鳴鼓而召之聚眾而誓之猶有勤民之心存也予嘿然無以對會童子移樹至客亦去遂各培之壅之以終吾圃事

彭躬菴曰從置之若棄另發出一段大議論言外感深

魏勺庭曰論旨甚正

瑞竹亭合稿卷上

種樹

空

字母新圖說

太極兩儀之理散見宇宙間者曰聲曰形曰數聖人之教人也政刑禮皆以形治者也數始於河洛其教在易而其委極於九章九乘聲音之教莫大乎樂詩其詞也等切音韻平仄清濁其萌芽也今世學士喜言理考究家又滯於形器而不能通易之數陰陽奇偶是也樂亦有之多寡損益是也理勝而數益晦無復有言之者算博士以數鳴然所用特半乘方爾減加乘除皆其精者始知一乘之平方再乘之立方三乘



以上亦無傳焉聲音之學寄諸伶官亦第九宮十三調而已天地元音固未之聞也等切音韻間有能言之者拘牽膠固失其自然夫自然者說之至奇而理之至平者也今與人處其人之語言抑揚清濁非有意致審也久而悉之不必其父兄子弟也雖秦越人方言之不通久而習其聲并其人之大息咳嗽亦聞而知之此亦其自然者矣青原藥地禪師精於等切從悉嚙章悟見溪疑相次之理作為新法以幫滂明見溪疑曉敷微端透泥精清心知穿審十八母均之

瑞竹亭合稿卷上 字母

叁

每三聲為一列來日為餘并古之三十六者酌取二十橫列發送收三聲直列啞嚙上去入五聲載在通雅可謂約而周矣而予猶以曉夫微三聲發送收頗為窘紐而不叶於自然如魚語韻之胡扶無刪潛反韻之幻飯萬皆缺澀難調覆推求忽悟曉生于疑夫微生於明因以幫滂明敷微為一列見溪疑曉為一列端透泥來為一列精清心為一列知穿審日為一列若啞嚙上去入則一仍藥地之故焉五聲中有粗有細入又有伏備載簡端聽人自得之其母之互相繫屬者或三或四或五多

少不等皆天地之自然予無以易也心下當更有一母而中國無其字有其聲則亦匹也四其四而一其

五奇偶之理也四為陰中五為陽中兩儀之象也歸

於喉中之恩翁切唇舌大極也返之無聲則無極

也蕃變而不可窮則陰陽消息之理也幫滂明敷微

羽也見溪疑曉角也端透泥來微也精清心○商也

知穿審日微商合也其末聲皆合於宮明敷微為羽宮疑曉為角

宮泥來為微宮心○為金木水火非土則無所寄旺商宮審日為微商合宮

於四季之義也唇音為角為木屬春舌音為微為火屬夏唇音為羽為水屬冬齒音為商

瑞竹亭合稿卷上 字母

叁

為金屬秋喉音為徵商重一列音有五而律有六皆

天地之所自然也徵聲見於舌屬心商聲見於齒屬肺知穿審日四母乃齒舌雙聲蓋

人身之氣蕃於肺管而舌為心苗以達之於外故其

聲視角羽有餘重此一系列又徵商屬春秋二分之中

天地陰陽翕闔蕃變之候也五方之言語不同萬國之文字各別

以聲通之則不特重譯之侏僑可以意會即鳥獸之

鳴號亦可寫而出也夫數可陳形可畫聲音不可得

而為之象然角舌徵唇羽齒商喉宮不易人而具

按譜尋聲以此證彼一矢口得之矣以人聲之自然

求之天地之自然考鐘定律吾深有望於神而明之

泥○磨○嫩○業

右列真文韻以中原聲音填入略舉其概以告同人若三十二韻各爲一圖則諸聲備矣異時當有全書剗剗乏資暫不暇詳也余之弋獲者以夫微從明以曉從疑自謂藥地功臣餘則通雅原本無甚異同彼雖主發送收三聲而來附泥後日附審後則初不殊至心後一母不可不加以備萬國之聲則藥地沒後予方悟出恨未與藥地面質心同理同度不以爲河漢也予之所重者欲學士大夫從人聲之自然考正宮商進求律呂作樂以和神



人區區等切計非予之心矣士大夫學通音韻潛心探索當務其大者遠者考究家言某字當音某某書某人當讀作某切彼此排駁紛紛聚訟坐消歲月雖訂正無訛曾何益於身心又況方言不一古今之聲響隨時更改一隅之見何能盡通揚雄多識奇字爲莽大夫蔡邕精晰篆隸爲董卓私人固有胸無十卷而經濟之功在一世者故予嘗謂知其字之點畫而不知其聲不害其文也知其字之詮解而不知作字者轉註諧聲之所由來亦不

瑞竹亭合稿卷上 字母

矣

害其理也蓋吾之精神將有所用則亦有所不屑用爾但不許淺根弱植之徒因此藉口馬牛巾裾昔人責之者備矣。卽以切字言古人不若後人之詳也往往以啞切啞以粗切細甚至以見母切疑母後人拘牽前說作爲法門意以曉人也適使人眩騖回惑望而畏其繁苦倘欲盡刪舊切之不知者改依今法則迂儒是古非今動成詆毀亦知其難也世有解人得予說而通之欲切某字只註某字第幾聲

如切翁字只註宮三聲宮空翁洪第三聲正是翁字如切芳字只註幫四

聲幫滂○芳○第四則不特齊人可通楚語而侏

僑馭舌之音悉可譜而出矣  
彭躬菴曰前幅指示詳明後幅轉出卓論自是學問本領不同

瑞竹亭合稿卷上終

瑞竹亭合稿卷上終

三

瑞竹亭合稿卷之下目錄

上魏勺庭先生書

復彭躬菴先生書

與曠晉伯書

族子又逸畫馬序

趙徵遠印譜序

感應篇序

代作

送龍懿男遊衡嶽序

壽羅願之先生七十序

代作

瑞竹亭合稿卷下目錄

壽元明上人五十序

募修城山石橋序

李香巖先生小影記

邨溪龍見記

子瑤山記

遊石蓮洞記

綠巾傳

馬烈女傳

正論一

正論二

正論三

正論四

宋義論

尉陀論

朱建論

姜維論

卻正論

劉裕滅後秦論

瑞竹亭合稿卷下目錄

竇建德論

唐太宗平內難論

唐肅宗靈武卽位論

李璣論

高崇文論

唐藩鎮論上

唐藩鎮論下

徐溫論

書魏勺庭先生漢中王稱帝論後



書表兄孝光章水行後

募修小南華引

策概引

自題詩跋說

蕭孝橫字說

陳則象字說

羅雲厚字說

鷹詰

物憫

瑞竹亭合稿卷下 目錄

三

與劉野詔手簡

示姪元黃元廣手簡

蘿潭坑歌贈埒公族叔祖

旅中閒居賦

附載

王節母劉孺人傳

翰林

梁機

王節母劉孺人節略序

舉人

劉遜

王節母劉孺人八十壽序

翰林

鄭嶠

王節母劉孺人墓表

拔貢

鄧森

瑞竹亭合稿卷下

泰和王愈融侶薪 著

邑後學蕭敷

政蒲邨

甫校刊

敬敬五

上勺庭先生書

融年二十始知求交當世君子以自益心疾制舉之  
文王子歲與桐城方君素北坐舟中素北道先生之  
賢不容口繼侍躬菴先生遊益知先生文章德行傾  
海內於年少後學竭力成就之不欲使天下有遺才

瑞竹亭合稿卷下 勺庭

一

嗚呼先生用心如此雖千百世後聞其風讀其文章  
猶將觀感奮興況生同時郡邑相比鄰其誰復甘自  
棄者融嘗嘆古今未嘗一日無人才其無人才者顧  
所以成就之者未善耳木生於深山良工器而裁之  
或以爲樑棟或斲而小之爲槃几登於明堂折於樵  
牧之斧斤踐於牛羊則其用與藜藿楚茨等今天下  
卓犖有才之士上焉者無有以求之下亦無人相與  
成就卑者日與庸夫俗子講求章句高者名譽所在  
趨走惟恐後或以名義爲勢利或翦綴古人已成之

經濟以爲文章同類推許高相標榜及一旦授之以事與之決天下之大疑定天下之大變則瞪目駭汗不能措一辭嗚呼此何足怪也先生養晦深山三十年與兄弟朋友相講求者積之已厚融間讀先生所上郭公書曰欲使一立言間功德並具偉哉斯言蓋自古人有三不朽之說而後世功德言遂劃然分爲三好名之士聰明才俊之徒則又惟立言是務有放言高論縱橫無紀顯然背德與功而不顧者又有貌爲道德經濟之言險僞迂疏其實一無所有者故自

瑞竹亭合稿卷下 勾庭

二

天下之立言者盛而德與功之衰也久矣先生之言言其德言其功也其言有功德於人可以使入自進其德而自成其功孟子牽牛一篇所評註亦既見其大凡矣融私淑先生久不能負擔登翠微峯四拜勾庭階下去秋融得親見先生於水雲菴中議論累日夜則皆所謂功與德並具者退而嘆息未嘗不當食而忘寢而不寐也自惟庸鄙無似欲執贄門下逡巡不敢出口既而自思先生于後學如天地之化醞釀亭毒春氣勃發萬物向榮于是激而爲雷霆散而爲

和風時雨桃李蘭芝松柏之屬咸相長養下至藜藿楚茨無名之草以求潤澤于門下先生其肯許之乎先生所造就士多賢其於爐冶足當先生之薪者凡幾輩融亦願藉先生交之融再拜

彭躬菴曰文情幽婉古意回翔

魏勾庭曰言有本末而跌頓馳驟控縱之法無不具備大家體裁卓然可傳

復彭躬菴先生書

融庸劣人也壬子之冬再謁先生於谷村先生不以

瑞竹亭合稿卷下 勾庭

三

融不才以禮見之繼而自道向往之志先生出示所著作更加誘掖融是時既得與大人長者遊而又得長者之勸勉私心慰喜然亦不知先生之於融果容眾而矜不能乎抑以爲可造而欲進之也融少爲舉子業所羈勤勤於章句之間然猶困頓童子中者六七年稍長有志於經國濟世之文又以株守戶內見聞寡陋遷延至於今日遂成天地間一廢人追思先生之言終夜皇恐泣下今年秋先生至泰和先之以手諭娓娓百十餘言融捧讀之際念先生之不忘融



如此豈真以爲可造而欲進之耶擬卽負笈從遊而先生行旌已發惆悵者久之繼數見魏先生于水雲菴中魏先生教融不倦如我先生融既承兩先生之愛而不稍稍厚自期待是木石也倘於奔走衣食之暇得待魏先生久見所未見聞所未聞庶幾少識經世之務乎先生文章動天下所至當無不優禮者融自分庸劣不敢以功名干先生倘念融有志於學爲假一枝之棲使融得藉此以閱歷天下之變則他日苟有所成就皆先生賜也融再拜

瑞竹亭合稿卷下

躬菴

四

魏勺庭曰能婉曲以言其情不襲古人格調亦無時人腔口此于古文已能自成片段矣

### 與曠晉伯書

往與足下定交足下不得志於有司融執足下手曰物極則反今天下極矣人才閉塞已甚天苟無意於斯世如有意斯世足下其堅忍以待別四年而足下果補諸生足下將來取科名如寄然融所以望足下者不在此老子曰不善人者善人之資融雖卑鄙敢布所聞於足下國家當承平日朝廷政令清明百姓

安於野儒生爲用斯世內不過文誥簿書拾遺補闕外則催科訟獄之事其學於家者章句而外旁涉詩古文辭卽有以取大名於天下若夫世方多事干戈橫起率尙戰功士裒衣長袖旣不能揖讓禦寇至令一邑守一郡期會徵發之勞十倍往日事擾變生動出意表非有過人之才與識不可以立功名故非討論往昔參驗時事以自煅煉其識力雖有天資不能達也今夫用兵決勝勢力相角死生分爭此非儒生之所能也然古人成敗之蹟必有其故推其所以成所以敗以比量於今往往有大將所不及料者司馬德操曰儒生俗吏不識時務識時務者乃在俊傑融竊謂春秋戰國秦漢之際所稱俊傑率多儒生特後世所學非所用而儒生遂爲迂疏之號吾爲儒生不迂疏能見功名於天下其爲科名孰大於是豈必舉孝廉稱前進士乃爲榮耶足下名重郡國不入大帥之幕當賓於大有司所以利賴民生安定國家之事卽不必身親行之以其有用之學佐主者所不逮則足下之功名固已大矣融賦形單弱足不及數百里

瑞竹亭合稿卷下

晉伯

五

於天下之故萬不識一近立寧都魏先生門下稍通其概然鈍下不克有成立倘使足下及其門所就必什百於融先生所以教融者亦欲融煉其識力以求爲斯世有用之人融故以聞於足下足下年富力强毋自蹉跎貽後悔去年劉子康萬病死融哭之痛願得足下歸里相與藉草深言發抒胸中之故然足下誠用融言雖千里外如與足下聲氣接也

彭躬菴曰有主腦有發揮一片真誠能勿動聽

魏勺庭曰氣局軒豁而多名言

瑞竹亭合稿卷下

晉伯

木

### 族子又逸畫馬序

予友陳子帶螺幼工畫其所作山水花鳥輒可喜方其誠一而志專也懸紙於壁而行立望之呼與言不應拱揖於其前不暇答也予嘗笑之他日過其寓見陳子畫馬復可喜而陳子似不欲工者予怪而問之則曰昔趙子昂畫馬臥而肖其狀精神所之形體欲化予戒心于是而姑寫其神駿爾予笑謂陳子畫馬而卽馬將畫仙而卽仙畫佛而卽佛乎陳子曰不然吾觀于馬之馳驅知其飽而騰也觀于馬之踞嚙知

其怒也觀于馬之摩掌樹間偃仰沙上知其無鞭策籠絡之苦閒且適也若仙佛則吾不得見之而烏能知之就令得見所謂真仙真佛者亦不過幻作常人未有四目兩口可以摹其精神所在甚或故作瘡贅跛蹙以亂人之耳目而吾烏能知之予曰是則然矣今世所謂王侯將相者予獨不得而見之乎予就其日角龍準虎頭燕頤者而朝夕思之而畫之其遂化而王侯將相耶且子之工於山水亦有年矣何不慮其凝而爲石植而爲木也聞之貞婦化石男女相悅而化爲交頸木鴛鴦樹未聞以其專工木石而化也昔者嬾婦化魚嬾而化者也暴吏化虎暴而化者也宣騫母之化龍蜀帝望化杜鵑鮓化爲黃熊如意化蒼狗君子化爲猿鶴小人化爲沙蟲亦各有所因而化不以畫也陳子無以應癸丑冬予偶過青原族子又逸出其所畫馬求予序予見其神駿溢出紙上知其能誠一而志專者遂書此以告之

蕭虎符曰借陳子口中生出一化字從此辨難層層轉換逼出當誠一而志專本題位置只以數語

瑞竹亭合稿卷下

族子

七



了之故自奇絕若在他手更向馬上生議論便俗  
煞矣

卓方水曰老健無比昌黎不得擅長

彭躬菴曰似莊惠論濠魚之樂引申曲折相與不

窮是古文辨體中之最離奇者以爲序尤異

魏勺庭曰以滑稽寫其理致使人頤解勿作辨論

看

### 趙徵遠印譜序

曠達卓越之士每不欲以功名自見或放情詩文白

瑞竹亭合稿卷下

趙徵

八

寫其不屑不潔之志或託一藝以自名然放情詩文  
者夫人知之託一藝以自名非流俗人能窺其際也

余內戚趙徵遠君爲司李千里先生季子性豪邁少

工舉子業頻遭困頓盡棄去以篆籀學工印記聞嗟

乎使君際順適當用文學升大廷以翰墨名天下否

亦當爲貴客賢公子士之工一技擅一長者咸仰給

於君今君乃以篆籀學自食其力可嘆也君暇日譜

所自爲印記凡若干幀將以問世之好古者或曰古

人訛謬已極藉印記正字學功不在許氏下余以爲

儒生讀書明理道在通其大意以爲立身制行之方  
大意既得即不求甚解可也何況區區點畫之間揚

雄多識奇字爲莽大夫蔡邕精篆隸爲董卓私人往

往有胸中無一字而節行功名在天下者若僅以篆

籀正字學爲有功古人以重君殆所謂淺之爲丈夫

者耶君不慕世榮苟適其志更無所求昌黎氏曰往

時張旭善草書不治他技憂悲愉快酣醉無聊不平

有動于心必于草書焉發之君之好此亦若是則已

矣世無昌黎其誰知君之心也

瑞竹亭合稿卷下

趙徵

九

魏勺庭曰議論緊湊更多不盡之意

### 感應篇序

代作

富貴貧賤智愚賢不肖天下無不可爲善之人晝夜

寒暑行止坐臥終日無不可爲善之時立心行已處

世接物以至出言立教隨在無不可爲善之事若是

乎宜爲善者之眾也而善人卒不一見何哉得無謂

善不可爲乎夫善吾未見其不可爲也而爲善之人

卒不一見然則人何爲而甘自棄于不善也哉此其

心亦未嘗不欲爲善也或則謂爲善而無驗也或謂

卽驗亦或至或不至也或又謂善報者或不必皆爲善之人爲善者或反得不善之報夫如是故不爲也嗚呼夫善之道不過孝悌仁敬慈和忠信而止人之善不過子焉而孝臣焉而忠君焉而仁父焉而慈以至兄弟朋友夫婦國人能悌能信能和敬而止凡此何一非人之所當盡豈曰吾姑藉是以求報耶如必藉是以求報設使其報之或爽則將謂吾可不孝不悌不忠不信不仁敬慈和有是事乎有是理乎而況其報并無或爽者人亦何憚而不爲善而甘自棄

瑞竹亭合稿卷下

感應

十一

于不善也哉劉子某少年純謹雅志好善一日以太上感應篇及文昌帝君勸諭袁了凡功過式訓子諸篇梓行流布而來請序于余曰余小子愧身不能行善將欲以此與人共勉庶幾得一善焉者不啻自我之爲之匪以期報聊以明吾願云爾余曰善乎子之所謂欲與人爲善者也然心梓是數篇者何居曰人心多疑而少信漫告以善惡禍福之說則羣笑其迂故授之以感應篇徒有其書而不知誦無益也故授之以文昌勸諭觀勸諭知所誦持矣恐未知所以行

之故授之以功過式行在是而或作或輟或誠或僞輟且僞而感應不驗遂不免怨其報之或爽而疏于反求故授之以了凡訓子諸篇庶吾之勸人爲善者差無遺憾已余曰勸人爲善無過于孔孟之書何必諄諄於是爲曰正心誠意養性事天之學智者則得之矣如愚夫何況日誦孔孟之書而日不爲善者眾則感應諸篇之梓又何可以已也余曰然有是哉姑述其言而爲之序

彭躬菴曰借感應發揮聖賢理道大家手筆

瑞竹亭合稿卷下

感應

十二

送龍懿男游衡嶽序

龍子懿男年未弱冠時以好客聞往游燕薊三吳之鄉賢豪士多識懿男者余與懿男生同時居同里初會於城頭聆其議論如挹洞庭之波發源甚遠非比於溝渠原潦也丁巳五月余客楚鄧懿男別且一年忽自寓中至相與促膝終夜語余出所作眾社序龍子曰甚矣子言之中於交道也余閱歷至今無論於道德之間不能相與以有成卽勢利功名之際求得免於耳餘之誚不概見大約友道必淡淡則能久故



戴記曰君子之交如水小人之交如醴小人甘言相結輒引性命之說相期許吾知其敗也不終朝余之言曰交人於道德之間雖小不踰閑乃于功名之際不相隕越蓋貧賤有畏友然後富貴有石交懿男既聞而心是之而余又嘗謂擇友必嚴而交游欲廣天下有事磊落奇偉之人未出而圖功名或寄情山水或混蹟屠沽賈街中以待明智者隨所遇而兼收之故上之若田文食客三千人得一馮驩爲齊相數十年無纖芥之禍次若馬援被誣死猶得朱勃上書光

瑞竹亭合稿卷下

懿男

三

武帝且夫文不食客三千人雖雞鳴狗盜之士不可得而何況於驪辟之豪傑經濟天下金粟在所必貯而竹頭木屑猶不敢棄蓋當其需用之際木頭竹屑其功或過於金粟明日龍子爲余言將有衡嶽之游余惟洞庭瀟湘之涯山水甲天下彭蠡具區不足擬其萬一昔司馬遷生長龍門縱游沅湘彭蠡之間以恣其胸臆故不獨東南偉人常集于斯懿男試兼收吾言尋其故交物色非常士必有益吾懿男者余將聽懿男之所之也

彭躬菴曰懿男好結奇士文卽從交游上發出如許議論下筆煞有分寸

壽羅願之先生七十序

代作

詩文之作無如祝壽之詞爲可廢也非可廢也作之者不必皆由衷之言當之者非我所習有之事聯篇累幅無非相率以驅于濫觴之途而真文章不存夫是謂爲可廢也然在今世俗則不可欲以煥堂簾而耀戚友光棗梨而傳子孫人子其有父母壽不能乞一二人言侑觴則人以爲非肖子爲之親者非是以

瑞竹亭合稿卷下

願之

三

侑其觴雖肖子其心不之快由是類撫一二言干之當時達官貴人及夫能詩能文之士事寡者繁之言約者累之引稱失實盜虛貽譏何可勝道其受詞操觚家不得已伸紙吮毫閉目旁搜幾得當于一二語塞主人請不幸才盡惘惘若失倖獲隻詞欣喜過望疾書馳獻唯恐不速嗟嗟習俗移人作者與受者兩相遇于不自知之中滔滔皆是獨不可以是概之超越常情之父若子也吾友羅子曰明尊人願之先生以今午月某日齡躋古稀同學胡子某以書來索余

父與余詩文爲壽曰先生義不欲受人一言故不欲曰明乞一人言曰明不敢違而以言乞人某于曰明有雉壇盟義得以子姪禮稱觴則不能已于言且不能已于兩李君之言得一言焉是余之志也夫余聞之曰嘻有是哉然則余樂得而有言矣何者以曰明奇情橫才抒其筆豈不能綴一詞以布微言爲乃翁壽又況舉孝廉掇高第居然已在縉紳之列于以致人一言也何有重以先生積學隱德文心雪腸名飛譽序者數十年其足以壽于人者且不勝舉則卽衍

瑞竹亭合稿卷下

願之

古

然坐受祝爵非以爲泰乃卒不欲身受人一言且不欲其子有言徵一人言相率而驅于濫觴之途此其可以區區常情之父若子概之也哉然吾不言而人自有不能已于其言且不能已于人之言以壽先生如胡子者彼非實有其不能已于先生而何以切切若此謂余能默于一言耶或曰不輕以言予人固有求而不得者茲且不求而致之何哉余曰是之所謂不可以求而得者也若使一言以求則余且有望望去之曰奈何驅人于濫觴之途而坐失其真文章是

亦不可廢矣乎故曰先生余之所樂得而有言者也老父旣爲之詩余因復爲此言加觴後一觴并謝胡子

周鹿峯曰左國之筆沛以八家之氣

彭躬菴曰純以行之令人坐臥其下不能釋手人患無真文章何必以諛爲工

壽元明上人五十序

元明上人少祝髮於郡城先王父嘗撫之曰此子樸直而慧使以聖人之道導之必有所成就惜其入於

瑞竹亭合稿卷下

明上

五

浮屠也辛亥余之谷邨留芙蓉菴信宿上人相見甚歡夜煮茗而談時上人年方四十餘齒盡落余驚問之曰往者郡城之變免死出鋒鏑隱窮山中三年旣思人生天地間貴有以自異坐而待老雖壽及期頤與旦夕同於是獨身涉險阻侍雪醖老人於安遠日夜攻苦心血就枯不覺其齒之去盡也余聞而嘆曰此吾道之所以衰而浮屠之學之所以盛與歐陽公作本論欲人修其本以勝之夫修本莫要於志道志道莫要於從師今人于舉子業苟有所成或成登仕



籍則於聖賢之學無復講求家累萬金者未聞於千里外一求師以自益亦未聞單寒之士重於謀道輕於謀食負笈而就師千里之外身比傭保以爲師資曲禮曰禮聞來學不聞往教然則士雖有守先王之道足爲後世取法無望風而來學者則亦獨善其身已矣如是而欲本之修也不亦難哉上人知浮屠學不可無師不遠千里又苦心勞形以專於其學固可使天下儒生聞其風者覲於面而勤於其心已當上人之走安遠也年纔二十許人二十血氣志慮未定

瑞竹亭合稿卷下

明上

末

聞見易淆亂內必有父兄之督責外誘於功名紛華之境或乃勞苦堅忍以從事于學今上人則何所責備而何所誘爲於是又二年余讀書是菴上人之徒曰自光請曰吾師歲五十初度願君一言以爲榮余惟上人證道鳳日久矣耕耘自食未嘗少有干求於人此皆異於世之爲僧於是乎追述余曩所見聞貽自光以爲上人五十序

魏勺庭曰就從師上感嘆論最有旨而文亦雅暢彭躬菴曰贊浮屠之從師攻苦因以激引吾黨後

學命意最高而文之開闔變化頓挫起伏不失尺寸

### 募修城山石橋序

苟有志於利人者出一人力勞且費猶將爲之至一人有其心而力有贍有不贍於是謀之人以及人人使各力其力共利其利一勞可以永逸雖甚費爲之者必眾矣況又有功德及人哉余嘗考古王政所謂九月除道十月成梁心竊疑之道路間馬之所蹏車之所轆水之所射嚙以及山谷間草木之所蒙茸其

瑞竹亭合稿卷下

城山

七

歲一除也宜也旣橋焉遠可數百載近亦數十載不撤而毀之何須復成彼徒杠輿梁申命於歲歲者何耶及余隨伯兄往返燕朔過齊魯趙魏之間見所謂橋者率植柱水中入土丈許然後疊木其上藉草培土勞費不貲來春水漲撤去冬則復成蓋其地夏泛秋潦水溢不可里計又平原千里無所覓石自非然者彼安肯勤勞如是今吾吉之山類多有石採取爲易除章貢大流浩渺獷悍不可橋其餘支流派分若吾里城山河雖山間怒濤消長莫測然兩岸之土堅

好可恃中流沙激亦不甚柔脆非若汶泗漳衛滹沱諸水平沙彌望人力無所恃也夫既有石可採岸又堅好可藉以橋其中流少柔沙築基尤固何其宜橋而久不橋也況城山一渡爲吾吉汀虔陸路之衝往歲以木爲橋易毀又山潦奔悍橋不時置其褻裳而涉者屢矣其怯者水漲則止宿人家待水落乃濟或三兩日率多廢事其勇者以身試波濤中幸乃得濟否則死焉橋之又安可緩癸丑夏有某某等捐貲倡修石橋索余書序余觀諸君殆所謂有志于利人者

瑞竹亭合稿卷下 城山

六

與凡夾此河而居及上下百十里內有事道此者朝渡而去暮涉而歸豈無有動於中若諸君者乎但向時恨無以倡之爾今數人謀始萬眾樂成他日行者遊者負販者有安驅之適無問津之苦或倦極而休看魚遊空中泉行石上相與歎作者之功則凡有事茲橋者當與橋而并垂矣是爲序

彭躬菴曰尋常應酬亦不蹈人蹊徑逸才也

李香嚴先生小影記

畫像不知始何時太史公謂見留侯狀貌類婦人女

子亦不言何衣冠惟杜詩言良相頭上進賢冠古之君子傳其容貌使人望之而生敬者意以垂紳佩玉爲正三十年來士大夫畫像箕踞科頭者何多也香嚴李先生故北平戚畹辭世祿舉進士爲時名人晚棄人事僑居金陵余隨伯兄過訪得交其仲子用冲一日出先生畫像一軸命余記先生坐磐石上蒼松蔭之左足見朱履袖手瞪目若有所思右列素書十餘卷左側用冲侍立甚恭而容貌甚和以怡用冲云傳神者臨汀劉祥開也補寫衣履水草秣陵樊圻也寫松與石石城高岑也蓋集數家之長於此劉生嘗遊香嚴先生故鄉其所寫皆王公貴人貂冠蟒服其侍立者多塞北佳麗鴉鬢盤雲錦衣繡勒者割鮮進酪漿其圖出獵亦必有羶帷綺幕天吳紫鳳之服臂鷹牽犬者在其左右彼獨非丈夫耶當其炙黃羊醉酒吹蘆笳撈阮琴連袂蹋歌不特見者推爲豪雄卽繪之絹素亦咄咄逼人以視李先生父子索居圖史蕭然真令人足感矣吾兄嫺家蕭伯升先生年家子也山陰徐緘題其三十年前小影有秦時衣冠漁郎

瑞竹亭合稿卷下 小影

五



識只少桃花種兩邊之句使見高生此圖當必求爲補作然昔人言食桃花令人顏色光悅食松花能令人仙先生獨取松意別有在耶固宜爾也

彭躬菴曰侶薪之文每多清古此獨華豔照人乃知文人無所不有賢者固不可測耳

兄若先曰此文似韓公送李愿序大丈夫遇知當世一段盡力形容口幾不可闔始見盤谷之不可以不歸歸而樂也

### 邨溪龍見記

瑞竹亭合稿卷下 小影

三

歲乙卯余避地邨溪七月一日與友人抽架上書共讀時方午讀未盡十行黑雲四合烈風撼牆屋漸不能辨句字余釋書立庭下有童子倉皇走入大呼曰龍出平田矣余趨視之則身已漸隱頃之復露其半頭項並雲中腰與尾斜見空際脊上骨儼然可辨然無屈伸蜿蜒之狀若世人所圖畫者煙雲繚繞如磯頭之水洄洑弗定初微雨既沒大雨如注余與友人皆溼衣履歸昌黎子曰龍弗得雲無以神其靈信歟當其既隱而復見也前邨婦大噪屋瓦椽墻甃之屬

飛騰如敗葉遠近疑其屋火稍定訊之蓋卽龍尾所指處屋數間基址僅存土人至今猶指爲龍過地也近地數里山溪陂塘之水皆湧波濤高二尺許路有兩大樹拔起旋空中行人聞大聲斛斛仰首視樹適在其上驚仆於地不能起幾斃樹下余嘗讀勺庭先生所贈西陵林山木敘比豪傑於蛟龍余謂豪傑養晦窮山時未至道未成雖悲天憫人之懷鬱積於胸中寧老死不肯小就其功名及拔起塵埃中未嘗無傷人害物之蹟然終不以區區不忍沮其大功蓋志在利濟將以一勞永逸靖天下之變雖不得已而出於傷人害物卒皆歸於至仁故龍亦有時拔木發屋如余所見者而與雲雨潤澤萬物草木人民皆賴生養則惟龍之功大也

魏勺庭曰敘致皆有古法句亦老健末幅議論大而暢

王宗範曰波瀾蕩漾有雲龍之氣末幅出如許妙議尤足徵豪傑本色

子瑤山記

瑞竹亭合稿卷下 龍見

三

吾郡西南百里有山突起可千仞曰子瑤山初名  
義山羅洞晦曾於其麓建義山書院又有崇元觀金  
文寺咸在此山之陽觀卽爲王子瑤及匡智匡大郎  
三仙學道處今廢久矣而土人名此山者猶曰匡山  
曰王山曰子瑤山云山頂有壇祀三仙里人所賽及  
黃冠往來此山者歲不絕而窮極幽隱者未見其人  
太史張瑤山先生深愛之取以自號而瑤山之名始  
聞於天下然先生亦未暇居也辛亥冬建言罷歸始  
於定巖之旁別得一巖穿石竇而入其中有石如几

三

可讀書因構屋於其間居之巖上下相乘凡三處因名之曰讀書巖最上讀書巖最上讀書巖取舊誌觀之其名適合非偶然也定巖最奇因僧築室蔽之巖中窟穴皆墜土爲壁殊恨事其上兩羅漢石遠望如人立石梁半規跨山名通仙橋又一巖名慈巖自先生至始知之山東西兩澗匯於洞口折數十里爲仁善江余先世仁善里人也遙望此山紫翠千雲疑其有異問里人則僅能以仙壇及定巖對今年夏余來謁先生先繞東澗行歷洞口仙鞍石過黃土潭談文丞相

軼事小憩於木琴澗入東石門望釣巖至簷山小隱  
時臨深草堂初成塗墍未畢致已足樂行龍頭石石  
突兀如龍潛忽見嶄然見頭角水環其趾濺怒澎湃  
人杖履如在空中土人舊名送龍洞非是洞在西谷  
最高處此特以龍頭名爾石嵯岈詭恠不一狀然其  
最佳處輒可坐可立先生名之曰獨醒曰自然亭曰  
獨知皆踞其勝晚宿讀書巖巖上泉涓滴散注屋瓦  
淙淙聲不斷先是與先生約詰朝觀瀑於石門已心  
動疑雨亟起披衣視戶外星河皎然雨聲乃在巖上

三

復喜翼日肩輿過仙鵝峯至石門此所謂西澗石門也兩石門並峭石壁立清泉流其中人遵澗行至此若入室焉少頃至水簾洞洞上水迸起噴薄佈成珠簾如數十鮫人並泣也簾泉之上巨石高起如樓欲一登苦無梯級徘徊顧望先生言泉來甚遠其最高處有鷗歌潭水深黑蛟龍宅焉遊人至此聲稍大則龍必怒片雲上騰雨俄頃滂沱下今道塞不可至也余心益慕之返坐石上談巖棲逸事而先生賜環之旨至矣私念此山雖以匡王三仙人名里中而其泉



石之勝不聞於天下今賴先生開復以未得畢工爲憾既而先生以疾辭不就日督諸僮僕壘石修逕路誅茅伐樹作亭館俾遊人有所憩而宿焉而東西澗諸勝遂畢現其奇以獻於先生先生亦若將終身焉者歲十月余復入山勸駕先生因止余遊從簣山下龍頭石望山上有石如牆者曰仙城澗中有石可跌坐曰維摩座可供燒煉者曰丹竈一昂首溯流一張吻一作翻身頓跌形曰三龜石復有曰遯坐曰他山之石曰無心出岫之雲曰極閒亭曰巖心館曰率亭

瑞竹亭合稿卷下

子瑤

五

皆亭也或取諸自然或索綯架樹以成之而東澗之勝盡此矣是夜宿唾居晨起入西石門則已有門前亭矣由水簾洞壘石而登亭其上曰水館石樓石固自爲樓而先生以階升之屢轉則境愈幽石愈奇水愈怒較東石門尤勝水之態不一其旋而紋者曰螺絲水渚而停者曰瑤池泓而深者曰鷗歌潭瀑凡十二處其最勝者曰劍水雌雄其名或仍舊或自先生始其亭之名曰危石之門曰相看曰熟亭曰一鋤曰儼然曰獨歌曰箇石曰獨味曰冰館曰獨嘯則自先

生始也而無有不肖稱者焉曰鷗歌潭劍水雙瀑之所歸也其上復有雙溪溪各有瀑因其石如臺而可聘望者名曰雙瀑歸一之臺考邑乘舊載送龍洞宮在此處先生構草屋於其間命曰天上茅屋余戲謂天上人率以黃金白玉爲宮闕瓊琚爲欄楯乃亦有茅屋耶先生止余宿焉心不能已從因亭至途窮處梯而上數武得問渠亭折而西東過牧牛欄遶象王峯由芥子石東徑循駕鶴峯之麓遂造金頂金頂者山之最高處也祀三仙鄉之人祈賽於此夜坐立風

瑞竹亭合稿卷下

子瑤

五

雪不爲苦先生作茅屋於其下曰雲霧座是日觀金頂至雲霧座宿焉山多在雲霧中盛夏居之衣裳霑溼是時入冬差爽望山南諸峯蟻垤縱橫其北則郡城塔影如在足下孔子登東山見吳門白馬如練亦若是而已次日至芥子石石孤立谷中不與山相附麗有俯視羣峯之意其中窟穴有小竹數竿生焉近石有草屋曰寄瓢蓋先生儼然以隱者自居矣先生命童子作糜飽食已復往觀石不忍去石畔復有石簾石沼及自芳亭俱佳然無有加於此者不暇詳也

是夜重宿於讀書巖巖上泉入冬漸涸而西澗水聲終夜在枕上山月起照人如晝而夢中依然驚雨也余留山中者三日已束裝行猶尋先生所闢徑穿石竇數處造羅漢石摩挲之而後行先生言自闢此山篤嗜之如子之遊者不少概見況望其捐世榮枯入山澤久於其中也哉余觀先生布衣芒屨筇笠杖竹行如御風山靈之於先生若相扶助意猶未止尙欲從雲霧座別開一徑下金頂東南遶七星峯觀圓光石而至於龍頭余族子又逸爲先生備寫山圖命余

瑞竹亭合稿卷下

子鑑

美

記記成或告之曰此山原名陽山昔匡智學道匡廬遇異人謂匡廬陰山也曷往陽山或又曰陽山里名也非山名也姑聽之亦姑存之

羅素圖曰瑤山景目甚多因序次中步伍整齊復隔雜議論作遊兵點綴遂令觀者不覺其繁冗瑤山擅絕此記亦擅絕

彭躬菴曰侶薪他記尙作文字此則縱筆直寫前伏後接自然宛轉關生不假綴飾而瑤山全體俱見要是天機清妙胸無塵俗故耳

### 遊石蓮洞記

石蓮洞距吉水城西六十里羅念菴先生讀書處也余嘗欲過其處瞻古賢人遺蹟方六七年不果癸丑授徒谷邨客有告余曰羅先生解綬歸嘗攜二童子遊山盡忽見虎矢禽獸骨蹤蹟及之得石山拔立平田間色蒼翠藤蘿穿石四面生石如怒濤起伏不止西開大洞循洞入有小洞二甚潔石壁微見血蹟蓋虎豹偃息地也先生異之令僕丁翦荆棘開小徑爲讀書處題小洞石上曰虎豹關云越二年余之高邨

瑞竹亭合稿卷下

石蓮

毛

高邨適與洞近招友同遊時雪初霽積雪敝山谷洞與遠近峯並如玉山照耀日光下未至半里小樹夾道與友人穿樹行則有僧揖余以入既至洞口石瓣倒垂地下勢欲壓人遊人仰首視有怖色旣而雪漸消水轉滴石上余尋水聲所滴處則小洞口在焉緣石攀藤以入視大洞尤勝尋所謂虎豹關字已湮沒僅得讀施少參題詩而小洞各可設席四石罅上開斜見天日日光瑩然徹洞內然風雨則莫至焉余初意是洞爲羅先生讀書處必多先生遺蹟使後之遊



覽者肅然仰止又必有高人奇士棲息誦讀其中乃先生沒纔百年而洞遂以浮屠見稱也豈今高人奇士盡逃於禪抑吾道中衰學浮屠之徒得竊據其勝耶山僧曰羅先生時洞頂四面懸絕人莫能至其後主僧輦他山石作磴以登頗足遊賞余乃與友人出洞登其頂頂有佛閣閣環石率縱橫參差獨有小石峯竦拔閣前余箕踞其上則中道所望文江諸峯並在指顧少焉雲氣合寒風侵肌骨若欲復雪者遂自洞後路以歸余又嘆海內奇山水藉名賢以傳而非

瑞竹亭合稿卷下

石蓮

天

浮屠氏不能盡其勝則浮屠之爲功於山水往往然也於是記之

魏勺庭曰敘次有法感慨處跌宕淋漓文品最尊

綠巾傳

癸卯秋季弟病危篤延張稽郎治之稽郎好武事談次爲伯兄述綠巾事稽郎死十年矣余追憶之作綠巾傳

綠巾者張氏稽郎相遭於江南者也不以姓名告人

人以其冠綠巾呼爲綠巾云稽郎挾醫術遊三吳鄒

魯之鄉陰識天下賢豪某歲舟南下至蕪湖有綠巾客疾走呼求附舟舟人拒之時風急河水沸騰頃刻數十里綠巾大步追及之立岸上曰天涯孤客諸公何疑而拒我耶舟人乃收帆就岸綠巾一躍而上兩脇夾大月斧二腰弓矢與舟人揖而坐坐定釋弓矢斧起居飲食如文士舟人稍稍安之行二日綠巾獨坐船頭仰首若有所思適鴉自東飛來立竿上綠巾引滿射之鴉應手下或請於綠巾公武藝令某等得盡觀乎綠巾笑諾暮泊舟野岸綠巾持兩斧刺地上

瑞竹亭合稿卷下

綠巾

天

退百餘步立連發二矢貫其耳同舟三十餘人譁聲動地綠巾曰未也復就地拔斧左右舞盤旋飛動人與斧了不能辨晃晃若銀甕轉於空際將至某府界上綠巾忽不見然斧弓矢尙懸寢處也稽郎提其斧並重二十餘斤久之綠巾挾豚酒至與舟人飲盡歡綠巾大聲謂舟人曰吾父爲某官所害今其人陞副使當過某地我必報之諸公能相助乎眾股栗不敢應又曰吾不煩諸公力惟大呼一聲耳眾唯唯先是綠巾與稽郎舟中談及漢初事曰吾嘗謂留侯得

滄海君力士椎秦皇帝博浪沙中此不足異天下大索十日不得是可異耳明日舟至某地有官舟從五小舟自江上緣巾遙望喜曰此其是矣舟人大恐緣巾命舟泊官舟處夜半月色微明江上舟皆寂然緣巾山潛解其從舟纜放他處跳身入官舟殺數人官舟大噪從舟人驚起登岸不知所爲緣巾大呼吾兄弟安在同舟人皆大聲應曰諾於是盡殺官舟人徙其資囊於舟令舟人搖櫓乘中流疾下平明追兵至緣巾挽弓立船尾遙呼曰不欲生命者來發四矢連

瑞竹亭合稿卷下

緣巾

三

仆四人餘遁去又二日緣巾導舟從小溪行三十里兩岸林木蓊蔚緣巾散其綺帛人一匹稽耶與焉舟人恐不敢受緣巾笑曰若輩真懦士強使留之緣巾獨取其金珠夾斧腰弓矢穿林而去

彭躬菴曰奇人不得寫生手則其奇不出此文敘致情景真筆中有畫

魏勺庭曰颯爽多生氣

馬烈女傳

烈女姓馬氏父玉山楚黃人僑居廬陵生烈女而鄰

有曹大德亦僑居與馬相善稱兄弟兩家婦宛然娣姒往來無間烈女生二歲時曹夫婦卽呼之爲女與馬益相得歡大德故詭猾外桀驁羣市中無賴子飲博以爲常醉則與其徒睥睨市中人或以資與人權子母倍息取責出入佩刀劍騎乘頤指矜橫廬陵人患苦之然以其雄於財又方依倚有力者咸側目無敢抗歲時烈女繼母羅氏常令乳媼隨烈女往拜曹夫婦曹婦輒留宿或旬日歸無何大德以曖昧棄婦獨居會玉山商於外復值節日繼母令烈女偕乳媼

瑞竹亭合稿卷下

烈女

三

往如常時而烈女是時年十五色麗甚大德見之心動則以眩藥食乳媼并食烈女昏卧強亂之烈女覺而大詬不欲生震動鄰左鄰人素畏大德勿敢言大德復以金厚遺其繼母及乳媼百方解譬強昇之歸歸則日夜哭求死繼母守之不得聞大德聞之始懼往謂繼母吾不自意污若女使其父歸聞之必訟吾與若且俱得罪不如直壻我事可中隱繼母心然之大德遂以媒妁往初不許大德乃入爲酒食集諸無賴子使爲書遊說玉山諸無賴或不肯曰爾與若父



女也奈何妻女因大笑以書往玉山固與諸無賴亦稱兄弟遂持兩端云俟歸謀之婦婦遂呼媒妁報允且促其娶娶之先數日繼母慮其強不可犯輒餓烈女烈女固欲其餓之也與至烈女已委頓眩冒昇而行及門見大德則奮起搏擊如健飯勇男子大德令諸女使交持之閉諸室烈女遂不食然亦不死居二日玉山歸聞之頻大詬婦婦忸怩無以應自縊死玉山見女既已適曹無奈何反勸烈女食以吾故慎勿死也烈女乃誓曹氏非父衣不衣非父食不食往來

瑞竹亭合稿卷下

烈女

三

曹氏近三歲雖異室不解帶未嘗與大德交一言大德懼其死亦不敢近凡栳捲几席爲大德所御卽呼其父使別市至是大德將還其鄉烈女始呼之與語曰吾所以隱忍旦夕者吾父故也今永與父別何生爲且吾嘗祖爾父奈何更呼之爲翁嘗伯叔爾兄弟奈何更呼之爲兄爲弟吾一日未死猶人也何面目效爾曹爲禽獸大德益賄諸老嫗遊說萬端烈女不爲動復自爲諸戲備極醜態誘慰烈女烈女愈怒大德計窮則令人守之時已登舟守者怠烈女遂抱石

自沉於白鷺洲之江死之日遠近知與不知皆流涕玉山終畏大德不能訟諸無賴爲大德作書求婚者則又咤於人曰固知此女性剛烈不可奪且萬無稱父而妻女者幸其書爲大德詭作不然且得罪鬼神矣聞者笑而恨之

王子曰婦人女子未嘗通古今明禮義當其志定重廉恥抗節誓死不同如馬烈女所爲蓋其天性然也然以彼皦然之志卒不能保其身之不污亦足悲矣烈女不卽引決以有父在去父則死卽其孝亦孰有

瑞竹亭合稿卷下

烈女

三

能過之者大德淫暴連隕二命尙逋天罰何哉或曰其繼母死時方身蓋三命云

先是余聞烈女事頗得其概尙未敢載筆後于慧男明府爲余道烈女本末甚詳且屬余傳其事余謂于明府樂善好德雖匹夫匹婦一節之隱亦極口闡揚藹然惻怛誠如是誰不樂告公以善虞仲翔謂有一人知己死且不恨馬烈女可以死矣或曰烈女已失身於人安得冠以未字之稱余應之曰狄仁傑身爲周臣心存唐室綱目特起義例書

之爲唐余之傳烈女亦猶是也春秋謂討賊年不論遠近人不論親疎請存余言以埃天道

附記

于慧男曰余於馬烈女事私竊嘆惋得侶薪傳其事表揚隱德爲之作數日喜然曹大德一日未誅終是余輩之責也密言於上得請置之死法烈女九京庶或一慰乎

兄若先曰初曹大德見烈女既死懼罪輒逃去已漏網矣每瞋卽見烈女立其旁畏之中夜與其徒飲博徹宵白晝使人環立始就枕然纔一交睫烈

瑞竹亭合稿卷下

烈女

語

女已至矣大德知無可奈何則向空禱曰若不欲吾離廬陵耶吾今返矣烈女自是不復見大德方還舟一二日過所由於道執付獄卒死於法嗚呼誰謂弱女子不能爲厲鬼以殺賊乎吾弟所云俟天道者固不遠也

彭躬菴曰寫得濃簇詳核更自活潑圓轉於閒冷處點睛設色如見其人如聞其聲令人勃然悲憤悽然嗚咽

魏勺庭曰真寫得奕奕如生

### 正論一

政者正也將以正人之不正也詔吾之公卿曰正乎則胥應之曰然詔吾之監司守令曰正乎其心或以爲否也則莫敢不應之曰然詔士庶人曰正乎則公然議於市曰何爲其然也豈天子之令能行於公卿大夫而不能行於士庶人哉政之施下者至士庶人而後實也故曰問善御者莫如馬問善治者莫如民先王之政不以用之士庶而用以爲詔令嗚呼末矣

彭躬菴曰如帷燈匣劍聲光不露而意在隱隱躍躍之間

瑞竹亭合稿卷下

正論

語

魏勺庭曰正論以此爲第一恰是開手文字

### 正論二

今使令人以正而不正者因緣可以得賞也其出於正者將以求賞而罰或隨之夫明明罰正而賞不正賢者有辭矣而獨冒不正之罰罰非賢者之所懼也懼其罰之之名也是故亂世之政賢者常愚而不肖者常巧夫至率天下之人胥爲巧則其至拙者必有所在矣



彭躬菴曰似昌黎雜說中一則

正論三

日以常明者爲正乎然有時而食月以常滿者爲正乎有時而絃而晦星以宿離不忒者爲正乎有時而孛而逆而伏而隕雖然百正而一不正則其不正者視之矣百不正而一正則其正者視之矣木之曲也或揉之筋之縱也或舒之人之有不正也或輔之楚之人有病視者其瞳子無恙也然而視物之豎者斜直者曲百藥雜投而卒不治越人過之以爲其病不在乎目而在乎肝一葉加於肺上故善治者不求之乎目而求之肝則庶乎其正矣

瑞竹亭合稿卷下 正論

三

彭躬菴曰造格從昌黎原人原鬼中來末一喻更透

正論四

魯人有耕於野者獲公輸子之繩與尺遂號於人曰吾爲梓人得公輸子之秘天下之工師莫吾若也主人將爲室則延之上坐若執鋸者鉋斲者斤而斲者刀而削者皆環立以待叩之以株橈橧不能名一

材眾皆笑而去此人大慙毀繩與尺呼公輸班之名而罵之公輸子不自意以繩與尺之故受罵於人然則先王之法相沿而不廢者是亦公輸子之繩與尺也

彭躬菴曰滑稽近戰國策而持論甚正  
魏勺庭曰意亦猶人而文筆超曠絕俗

宋義論

鉅鹿之役非獨有關於趙也趙破則秦之威益張而天下之兵必散當時諸侯兵咸集莫敢偪秦皆從壁

瑞竹亭合稿卷下 宋義

三

上觀此豈宋義所能勝乎義帝拔之稠人中授以上將此義帝之失計蘇氏顧以爲賢過矣或曰義識武信君於未敗不可謂非智義帝豈料其明於始而闇於終歟吾聞君子不以言舉人不以人廢言古今智於爲人謀而闇於自謀者多何曾侍宴武帝退謂諸子曰主上開創大業吾每宴見未聞經國遠猷惟說平生常事非貽厥孫謀之道也於今頌其言意必有勤儉之德足以保子孫而式後世豈知其立身驕奢至於如此古帝王於用人之際詢於羣臣咨於岳牧

尤必試於百姓然後使之任職而必稱爲而有功夫  
非愛惜名器也知天下事之難爲人才不可以遽定  
億逆而中一事於天下之大計未必終有所成漢高  
帝驟加韓信於三軍之上可謂速矣然淮陰亦非驟  
進者淮陰去楚歸漢蕭何卽見而奇之時何豈不能  
薦諸高帝必俟其逃而後追哉蓋何以爲淮陰之才  
不重任不可與立大功然大將出師動關社稷之安  
危非如部將失機不過失一城敗一陣而已吾未熟  
識其才而遽拔之於稠人中萬一毀敗過將誰歸其  
瑞竹亭合稿卷下 宋義 三

後擢拜大將雖一軍皆驚而何不以爲嫌者審量已  
久故也嗚呼人第知撥亂濟世收覽英雄於卒伍屠  
沽之中不可以常格論不知非有特達之見必至如  
義帝之於卿子冠軍自敗其事而後止然則籍矯殺  
卿子冠軍是歟曰羽之殺義無君之心甚明義帝不  
知項羽之強梁使一書生加乎其上有功鉅鹿羽  
能終安之乎況乎下令以激怒羽而高會不進以失  
士心是豈智者之所爲羽之殺義卽謂義帝自殺之  
可也

魏勺庭曰論宋義甚平允韓信一段尤有見  
彭躬菴曰閱此知國君進賢如不得已誠古今之  
通論也不禁爲之三嘆

### 尉佗論

尉佗席任氏之業開拓封土阻險自守至文帝時韓  
信黥布彭越之流皆誅死無噍類佗猶保其土地與  
中國通王子曰吾於是而知佗之達天命而明於自  
知也古今分崩之際豪傑非常之才皆思奮力中原  
以僥倖萬一至於力屈勢窮百姓糜爛已極而已不  
得尺寸之士以傳子孫身死人手爲天下笑惟深識  
天命者不然自度其才力可以有爲天下無有出吾  
上者則不得不與羣雄角逐以爲斯民請命天下有  
出乎吾上者吾之才力卽可有爲而神器已有所屬  
徒死千萬人之性命而已於王侯之外亦不能有所  
加彼則斷然而不肯爲往者羸秦肆虐勝廣斬竿而  
起一時若張耳陳餘若項氏輩爭帝制自爲初非有  
遠大之模救民之志也不過乘時遽變逞其雄心耳  
佗於此時依附義聲北向而爭中原其功名卽不敢



望項氏亦豈遽出張耳田儋諸人下哉佗知一旦之  
功名不可恃已定之天命不可與爭也則謹守我之  
封疆以息民待時而已矣其後項氏滅天下既歸於  
漢陸賈以一儒生說之蹶然而起稱臣奉貢不必有  
喪師百戰之勞而得剖符錫命之典視勝廣諸人爲  
何如也且夫南粵崎嶇山海間於天下一大郡耳使  
佗構難中原則必困苦其民嚴刑重賦以與羣雄從  
事及下一城收一郡而國中之膏血已盡故尉佗之  
志決矣佗之語陸生也曰我孰與蕭何曹參韓信賢

瑞竹亭合稿卷下

尉佗

早

是佗之所以自量者本審也至陸生有王似賢之對  
乃始漫自泰大以爲何遽不若漢此亦稱帝自娛之  
意非佗本心故陸生得以一言下之匹夫糾合鄉人  
全其鄰里天必佑之當秦亡漢興之際中國黎庶幾  
無孑遺而南粵數千里之地賴佗以安天寧不使之  
長享宗廟永保社稷乎然佗當高后五年自稱武帝  
發兵敗長沙數縣而去則又何居蓋高后時諸呂某  
危漢室自削其籍使命不通佗之叛漢也叛  
諸呂也至今讀其謝書懇懇以不得事漢爲憂是豈

同於反覆變詐之徒者嗚呼項籍抗秦卒二十萬終  
爲人禽尉佗保數千里之地以王爵終老孟氏曰順  
天者存逆天者亡其是之謂歟

魏勺庭曰以識時息民立說最是救時之論而行

文亦甚曲暢

彭躬菴曰灼見佗之心坎寫來光明洞達高文老

筆史才也

朱建論

人知小人之於君子必排擠而後已不知小人之於

瑞竹亭合稿卷下

朱建

早

君子實欲招致之使爲己用用之不得而施其排擠  
之術者小人之術之窮也君子之性至剛而其中無  
欲小人日伺於其旁幸其一旦之急以施其籠絡之  
術而致其殷勤及其感激圖報之心內迫於中而不  
能自己彼小人者反若無所事於我而我自不得不  
爲之用往往至於殺身如漢之平原君朱建可哀也  
已史稱建刻廉剛直辟陽侯欲知建建不肯見及建母  
死辟陽侯乃奉百金稅後辟陽侯遇事建爲畫策以  
免文帝立追錄辟陽侯黨友建懼自殺惜乎朱建以

貧故爲辟陽侯所取也大凡小人乘機鉤致君子者有三或引之以進取或拯救其急難或濟其貧乏雖彼之爲術至巧亦我之情動於中而不能自固小人始得以相取蔡邕之於董卓陸機之於成都王穎柳宗元劉禹錫之於王叔文或以急赴功名或以免於患難皆冒惡名終其身此數人者所冀猶大若建何爲者窮困人之所常有也固窮然後見君子況執親之喪而使人得以爲惠焉吾猶人子也歟哉啜菽飲水盡歡斂手足形還葬而無槨稱其財記言之矣閔

瑞竹亭合稿卷下 朱建

望

仲叔不以口腹累安邑梁鴻滅竈更然始嘗笑其過矯由建事思之始知二人之所以爲此者懼人之有情於我也尤懼我之不能無情於人夫仲叔所欲與梁鴻所辭其爲物亦已微矣二人斷然不受惟恐彼我之情由此而生況親喪大事也百金厚惠也其可以無故受乎夫所貴乎君子者以其多情爾彼儼然有恩於我而利害當前惘然不一動其心人將不食吾餘復何以自立於世雖事難兩全古人亦有以義掩恩之說然亦無可如何之時不得已借此自解若

我之進退綽綽有裕奈何受人之恩而豫思以義掩哉惟君子小人之界辨之至明使彼不得有恩於我而又善處之毋櫻其怒斯藏身之善者矣

倪閻公曰立身持己之言韋絃佩之

魏勺庭曰立論真確卓然不朽

### 姜維論

君子於天下事未有知其不可爲而爲之者知其必不可爲猶斷然爲之之死而不倦吾見於諸葛武侯之伐魏武侯草廬之中規畫天下事瞭如指掌固未

瑞竹亭合稿卷下 姜維

望

嘗以一統許昭烈也厥後宿將老死嗣主庸懦時事之不可爲萬倍曩日武侯出祁山出五丈原敗衄而彌奮至於星隕營中萬世而下咸嘆武侯報漢之切以未及成功爲憾不知武侯之心固未嘗有憾也吾嘗曰蜀漢之時知其不可爲而爲之者武侯是也不知其不可爲而爲之者姜維是也武侯惟知其不可爲故其用兵每遲回鄭重求爲不可敗而已而魏延之奇計有時而不用蓋武侯所欲伐者不獨一時之魏已也以爲吾不伐魏後世復有如魏者得免於伐



則吾之智適足以害義夫智非以害義者也因吾之知其不可爲遂安於不爲彼怠於討賊者皆藉口於不可爲其謂之何春秋時魯之於齊強弱不敵明矣況於哀公乃田恆弑君孔子必沐浴請討孔子之討賊以意武侯之討賊以兵不必賊遂受誅於吾也而朝服一告出師一表萬世之爲亂臣賊子者均難逃於誅矣故以鞠躬盡瘁死而後已者伸大義於天下以不厭險乘危者明吾之智其心固已無憾矣操不父子弑后篡君天豈不惡之乃廢興相嬗天僅能付

瑞竹亭合稿卷下

姜維

蜀

諸司馬氏以甚其毒而必不能還之劉以承其傳天且無如之何而況於人乎然而人定勝天以劉禪庸主享國四十餘年未必非武侯之一念留之也姜維不知其然徒以漢賊不兩立爲丞相未竟之志今日出隴西明日出狄道又明日出駱谷彼固以求勝也至不難撤諸圍退守漢樂二城欲誘敵入關以希斬獲之利嗚呼武侯之伐魏不得已殺人者也維乃欲殺人以爲功乎然議者遂以蜀漢之亡爲維黷武之罪譙周作仇國論譏之鄧艾鍾會等入蜀周又勸降

若周者可謂知其不可爲而不爲者矣然終不得謂之智譬親病當死其一子禱之鬼神延醫視藥百計以求活其一子但具含斂市棺槨哀祿以待及親既死詔詔然自命爲智而以禱神延醫者爲費財豈其然哉禪既降維猶設計欲令會盡殺艾等已復殺會盡坑魏兵復立漢室事雖不就志則武侯之志也其言曰臣欲使社稷危而復安日月幽而復明嗚呼豈不壯哉

周亮公曰固矣哉孫盛之爲腐儒也謂維策名魏

瑞竹亭合稿卷下

姜維

蜀

室而外奔蜀朝不可謂忠捐親苟免不可謂孝害加舊邦不可謂義敗不死難不可謂節又謂鄧艾由油江而入蜀士眾鮮少維進不能奮節縣竹之下退不能總帥五將擁衛蜀主爲後圖之計而又反覆於逆順之間希情於難冀之會不知當時鍾會大眾已造劍閣鄧艾詭道傍入出於其後諸葛瞻既敗成都已潰維若回軍救內則會乘其背當此之時而責維不能奮節縣竹擁衛蜀主非其理矣會果盡坑諸將授維重權維之殺會夫復何難

事之不成天也但維志雖忠而不能度德量力動出萬全此維罪之無能自解者也斯文云知其不可爲而爲之者武侯也不知其不可爲而爲之者姜維也又云志則武侯之志姜維可以瞋目於千古矣

彭躬菴曰姜維但知洮西之勝爲可喜而不知葭谷之敗爲可憂況鄧艾之勇非王經之比乎故綱目不書遁還而書不克特以尊漢非恕維也至於守漢樂又守劍閣漢中不可保矣旣失於輕戰又

瑞竹亭合稿卷下

卻正

果

### 卻正論

三代以後降王獲壽終者自劉禪始誠如尊命一語至今爲人所笑嗚呼禪誠愚矣而所以彰之者卻正也卻正之教禪也曰宗室墳墓遠在巴蜀乃心西悲無日不思因閉其目正之意將使晉武信其言而哀之耶禪之所求於晉者不賜灰丁而奏伎樂而已雖甚哀之於安樂之外不能有所加也若復使禪歸埽

先主之陵留居蜀中聚族而處雖庸妄人知其難覲而況於正乎否則欲禪之孝思見於悽愴不以保國家死社稷爲孝而以園陵之悲感爲孝益知其不然矣然則正之意何居曰將以著禪之爲真愚也夫亡國之君遺黎之所屬望也芋氏旣滅而勝廣猶稱楚以亡秦趙氏旣滅而韓林兒猶稱宋以亡元況漢室屢敗屢興民心之繫屬尤切乎稍一疑忌鳩酒立至蓋自禪以前若六王之見殺於秦子嬰之見殺於羽亡其國而戮其君非創舉也是故蜀一日未亡正惟恐其君之不神聖蜀旣亡矣正惟恐其君之庸愚惟庸愚然後足以絕新主之疑忌而保其命禪之愚固矣而不能必晉王之信之也庸愚人之殺身有時謬學爲智而英雄濟事有時始託於愚昭烈之種菜失箸近事之較著者也萬一以乃父之故智疑及其子則禪危矣惟正告之而昭果詰之昭詰之而禪卽實吐之昭方且自矜其料事之奇中而禪之愚益見其可笑豈復有從而疑之者耶嗟乎正之心抑何其苦也司馬懿旣殺許允召其二子其母戒之曰汝但率

瑞竹亭合稿卷下

卻正

果



意而對可無患也。懿果以其庸材不之殺，後世莫不多其母之智能，使其子以愚自全，而正以亡國之臣爲世之所忽。千百年間，卒無自知其用心者。夫正在當時，無國士之遇，蜀既亡，依戀故主，不忍去，委曲以全其君，可謂忠臣智士。而後世乃以亡國之臣同類而概視之，悲哉。

周鹿峯曰：卻正苦衷久爲雲霧所蔽，得此論一洗其障。至於行文奇矯如游龍之不可方物。

倪闇公曰：一意滌洞，千反萬折，纏綿不斷，具此手

瑞竹亭台稿卷下

卻正

吳大

眼真是古文之雄

魏勺庭曰：如此快論，真是史才。

### 劉裕滅後秦論

劉裕乘姚秦內亂，席卷關中，晉室百年故業，一旦收復，以視廣固之役，其功尤大。不二年，赫連氏取之，如寄。是何得之易而守之難乎？司馬溫公曰：裕既委鎮惡關中，復與田子有後言，是使之鬪亂，故千里之地復輸寇手。夫溫公之言是也，愚以爲其說猶未盡也。蓋裕既滅秦，大計有三，而裕俱失之。王猛謂苻堅曰：

江南正朔相承，願勿以晉爲念。夫猛所事者何人也？而裕舍可攻之國，顧急急以謀篡晉，此王猛之罪人也。裕既仗名義得關中，關中四塞之地，秦用之并六國，項羽去之而亡。裕誠負不韙之志，欲自立於天下，據長安爲根本，自建名號，并兼西北，絕窺伺晉室之心。後世誰得以亂臣賊子加裕者？如是則進不得罪於名教，退足成霸業，是謂上計。又或徇三秦父老之請，留鎮關中，北和勃勃，西結魏漸，次以清中原，此張承業所謂高祖、太宗復生，誰敢居王上者。讓愈久，得愈堅，計之次也。是皆不能則不得，使王鎮惡沈田子聚處一方，語曰：解關不可以不離，救焚不可以不速。誠使鎮惡、田子道濟王修諸良將，分屯青泥、上洛、潼關要害地，遣腹心重臣輔長子居中，以鎮撫之。雖東還勃勃，必不能長驅而進。是謂計之又次者。裕不知出此特慮，鎮惡爲內患，使田子十餘輩防之，狼狽而歸。天府百二之地，一旦陷於童穉，夫裕豈不知赫連氏之強，梁徒恃結爲兄弟，遂可無虞哉？唐高祖陽推李密，密囿於術中而不悟，非勃勃比。裕以高祖

瑞竹亭台稿卷下

劉裕

吳大

之致李密者致勃勃是以國與敵也雖然裕必於篡  
晉其失關中何足惜吾未見亂臣賊子果乃賢於夷  
狄也耶

魏勺庭曰吾最愛子由六代論以爲雄篇此論又  
足互爲發明而文之體力甚健

彭躬菴曰思致精密論辨詳明非粗疎於古者所  
能辦

### 竇建德論

三代以上有聖賢而無豪傑凡定亂者皆聖賢也三

瑞竹亭合稿卷下 劉裕

平

代以下聖賢少而豪傑多凡定亂者皆豪傑也聖賢  
之定亂以道故其勢常合有湯武而伊呂必從之其  
下於伊呂者亦莫不從之矣豪傑之定亂以才智故  
其勢常分漢高祖唐太宗其時之大豪傑也項羽田  
橫李密竇建德蕭銑李軌之徒亦不可不謂之豪傑  
聖賢之定亂其心純其於仁義無適而不合豪傑則  
有純有駁有合有不合其出於至誠一也建德以匹  
夫崛起擒宇文化及保護蕭后其稱名正大直欲駕  
唐而上之至其赦李蓋錄張玄素斬王軌奴賞王宗

麴稜之忠而不誅食不重肉後宮無羅綺婢妾不過  
十餘人幾於聖賢所爲豈特豪傑哉一敗而亡身殲  
國滅論者求其說而不得遂以爲英王天授非建德  
所敵吾反覆思之而有以知其不誠凡行事出於至  
誠者雖時有過誤人咸諒焉彼假仁義以爲名致飾  
於外每事覺其盡善而其微意所存匹夫匹婦嘗得  
而窺之李世勣欲附建德結李商胡爲兄弟商胡母  
泣謂之曰竇氏無道如何事之吾益以信建德之不  
誠也方宇文化及弑煬帝王世充殺越王侗罪相等  
也而一誅之一救之誅化及利其名以服人也救王  
世充乃藉之以犯唐師直爲壯雖用凌敬之策無能  
爲矣吾固知其不誠也雖然建德不遇太宗使與蕭  
銑薛舉李軌劉武周李子通林士弘之屬並驅中原  
詎不謂之豪傑哉

瑞竹亭合稿卷下 建德

平

彭躬菴曰借建德發出誠字又爲不嗜殺人進一  
解

魏勺庭曰此文似屬事後吹毛之求然議論自好

### 唐太宗平內難論



唐建成元吉之死司馬光謂使高祖有文王之明隱太子有泰伯之讓太宗有子臧之節則亂何自而生王子曰噫以太宗處兄弟之間而欲繩以子臧之節過矣隋之亂也高祖初未嘗有伐暴救民之志而太宗首建大謀功高天下當時即能守子臧之節其下若房杜尉遲輩獨肯甘心乎建成既立未嘗一日釋然於太宗即秦府諸臣惴惴焉有喪身之禍非兄弟殺太宗即太宗殺兄弟是六月四日之事太宗誠爲必不得已之舉而吾則以爲太宗之忍固成於其僞

瑞竹亭合稿卷下

建德

三

者也君子於橫逆之兄弟無事則修身以感動之至關社稷之安危則嫌疑之蹟有所不當避當隱太子之立也高祖屢屬意於太宗太宗頓首固辭及其兄弟不相容欲使之出守封土則又涕泣辭夫建成元吉之驕淫太宗知之二人之不能容我而顧襲辭讓之虛名以釀成其禍且夫遵父命受之而不讓者順也父有成命而爭之者逆也爭之而至於骨肉相殘逆之逆也太宗立爲太子則上有以安父子下有以全兄弟太宗顧不出此而謂無忌等曰吾誠知禍在

且少欲俟其先發而後制之嗚呼是欲甚建成元吉之惡以至於死亡也鄭莊公封叔段於京祭仲諫莊公曰多行不義必自斃子姑待之既而太叔命西鄙北鄙貳於己公子呂又諫公曰無庸將自及建成元吉之惡似叔段而太宗之養成其罪者類於鄭莊嗚呼以京封叔段而卒使不得寸土以自立讓建成爲太子而使不得保其身是可悲也太宗之言曰六月四日事太史其直書之豈不以大義在我後世無從而議乎建成元吉死立誅其子十人又納元吉婦於宮中其何以自解於天下然非浮慕讓兄之名則皆不至此此吾所以謂太宗之忍固成於其僞也與魏勺庭曰忍成於僞論旨甚長

唐肅宗靈武卽位論

自古未有君父在而自立者宋康王構明鄭王祈鈺皆以父兄身陷虜廷中原無主歷數攸屬然亦必奉太后之命而後立唐肅宗爲父老所留居於靈武斯時立宗在蜀天命未去論者咸謂以元帥號召天下可也寧必徇裴杜之請哉而吾以爲非也國家安聽

瑞竹亭合稿卷下

內難

三

於君命國家危聽於民心若其事無傷忠孝雖變易  
千古之義冒天下之大不韙而有所不必顧況其未  
嘗悖義以犯公論者乎肅宗之北上也兵不過數百  
卽位旬日歸附漸眾顏真卿頒詔於河南北由是諸  
道徇國之心益堅夫知上卽位諸道乃堅徇國之心  
則不卽位而人心渙散可知此太子之能權也夫遠  
居巴蜀不足以制中原明矣而立宗亦必不能以圖  
恢復書曰殷甲於內亂易曰君子以儉德辟難立宗  
溺於內寵窮耳目之好致生民塗炭兩京失守踉蹌

瑞竹亭合稿卷下

內難

香

至於馬嵬將士飢疲憤怒過宿扶風人懷去就往往  
流言不遜則身之得免倖矣當其遮道請留父老特  
憐之而非有德以繫屬人心也處蜀二載當土地豐  
稔甲兵全盛之處曾不能有尺寸之功於中原藉非  
太子整旅靈武以新主收郭李諸豪傑之心烏能卒  
復兩京哉且立宗之去馬嵬驛也父老固留太子立  
宗已宣傳位之旨諸臣勸進賤凡四五上而後卽位  
豈得謂無父命乎及祿山平上皇返故宮索黃袍自  
爲肅宗著之伏地頓首固辭越十餘日上皇親授傳

國璽於殿上肅宗涕泣拜受授受之際較然明白而  
范祖禹之言曰肅宗以太子討賊遂自稱帝此乃以  
子叛父嗚呼是未可與權也明英宗北狩還景皇帝  
銅之南宮以弟叛兄君子猶譏其不義肅宗遷上皇  
於西內貶高力士天性幾於滅絕其叛父孰甚焉審  
春秋無將之義此雖斷以弑逆之罪在肅宗所不得  
辭儒者奈何獨於其卽位而責之深也

魏勺庭曰辨證明確筆無枝葉可與論古矣

彭躬菴曰卓識宏議繹絡奔赴最近韓公集中文

瑞竹亭合稿卷下

靈武

香

字

李璿論

古忠臣孝子所遇最苦其志最烈蓋莫有過於唐李  
璿者吾獨怪其處石演芬一事人子當人倫之變逆  
亂之謀在其親涕泣而道至於再三固也不幸不見  
聽猶望有同志者更端言之雖其人踈遠爲吾親所  
不信猶必引而近之使在左右以希其一言之合若  
夫骨肉之誼爲吾親所耳目而心膂之人幸而與吾  
同志則於其閑邪陳善當必有所大助嗚呼此固人



子所禱祀求之而不可得者而願可陷之以至於死耶懷光爲逆璠諫而不從不得已告諸天子可謂賢矣卽不可謂演芬之非賢者也演芬與璠其言雖有先後而其志本同吾意璠喜可知矣歸當與之深相結以委曲左右於懷光奈何密告其父致演芬死地也逆臣之犯上自非秉性奸回未嘗不以人言轉移當其一往橫決肆意非望有一人委曲開陳則其心戚然動矣不然再一人言之動矣至三人四人相繼言之則未有不動者矣況懷光謀逆本非素志不過

瑞竹亭合稿卷下 李璠

五

爲盧杞等沮抑不忍忿忿之心遂倡狂以至此觀高郢勸之歸款卽請束身還朝孔巢父至河東又素服待罪彼豈終不可動者歟特巢父宣慰不善以致殺身向使演芬尙在與高郢更互規勸則懷光必身自入朝孔巢父可以不往卽往可以不死而德宗亦當以璠故曲爲容隱李納王承宗之流尙蒙包荒況懷光有大功於國又以璠爲之子也哉蓋石演芬死而懷光始死懷光死而璠亦不得不死矣雖然璠死善矣先刃其二弟於義何居李氏之後斬焉無傳此固

德宗之所爲哀憐不釋者也卽令德宗欲行門誅璠亦宜以此上請奈何先自殺之趙朔託孤於韓厥陳宮求嗣於曹瞞仁人志士不畏身死而畏先人之隕祀如此其至也老母之養墟墓之祀付諸異姓之燕八八璠固有遺痛矣要之保全一演芬卽不至此嗟乎父子君臣之義庸庸者既不足以語之賢者又嘗患不學徒以一念之不欺徑情直行使弔古者咨嗟歎息又不忍以事後刻論重傷其心如李璠者何以云耶

瑞竹亭合稿卷下 李璠

五

倪開公曰憑弔嗚咽歐陽公得意之文  
魏勺庭曰始終扼定石演芬立論最有見

### 高崇文論

劉闢反杜黃裳建議征蜀用高崇文爲將卒誅闢史言崇文素憚劉潼黃裳使謂之曰若無功當以劉潼相代故能得其死力余謂定蜀之功在專任崇文不置監軍爾史說誣也王者命將結之以誠御之以賞罰而已自漢高有顛倒英雄之說蘇子有才大先賞才小不先賞之說後世御將遂爭言權術權術之巧

忠信之薄也人主之所以奔走天下使之出入死地而不辭者恃君臣之義足以感動其心爾義不足以相使而術焉是恃又何怪其臨難反覆倒戈授人也哉且夫使人也而以術是將以愚之也均此人也用之於敵愾則欲其智用之於奉命又欲其愚何其左也下之所報上之所施也御將者倘有術乎將亦有之或挾寇以爲重或養寇以爲市彭樂之不殺宇文泰慕容紹宗之不殺侯景僕固懷恩之不易置河北降將劉巨容曹全最之不追黃巢抑一術也而況有甚此者乎黃裳身爲大臣乃以權術籠人其何以訓後使崇文可用則不至於無功果不可用則不當言之天子既俾之專閫復以私情迫挾之非其道矣謂以此得崇文死力者誤也鋒刃相交死亡在俄頃之間進則賞退則誅猶有恆撓償北者謂彼懼相代之劉澶遂致死於敵乎甚矣史之誣也吾觀崇文平蜀禁擄掠禮賢士不私珍寶不表獻闕二妾誠賢者也賢者欲自樹立以報知己甚於君相之望其報豈以相代之人爲吾所憚然後出其死力幸而崇文賢者

瑞竹亭合稿卷下

崇文

美

爾使崇文致怨於是言姑勝賊以爲功而不遽滅賊以致其憾又何以處之甚矣黃裳之誣也崇文果無功國有常刑誅之而已遑計相代者爲所憚與否黃裳一言之失史可削則削之不削則存之以俟尙論不當云黃裳能得其死力者以此之故啟後人權詐之端失將士心故不可以不論也

彭躬菴曰詞嚴義正筆挾風霜而行覺後世使貪使詐之說無所用之然至今日求一能使貪使詐顛倒英雄者又不可得矣

瑞竹亭合稿卷下

崇文

美

唐藩鎮論上

天下之勢分久必合合久亦必分若有天意存焉而有天下之責者一斷之於人事善合者必分商周革命眾建諸侯是也善分者必合唐太宗命停襲封刺史是也善治分者亦不必合三代之盛時以禮樂征伐朝聘燕享聯合整齊天下之諸侯是也善治合者亦不必分漢唐宋以郡縣理天下刺史守令各舉其職是也不善合者必至於分晉能并吳蜀而不能禁十二國之割據是也不善分者必至於合漢初大封



庶孽吳楚更亂始盡舉而削弱之是也合之矣而無以善其後反不若分山東豪傑並起而亡秦是也分之矣而無以善其後又不若合周末七國分爭而天子不敢問是也合之久而至於亂求其分而不可得宋末文信國欲割置四鎮以禦元人是也分之久而至於亂求其合而不可得唐末諸節度使各私其土宇瞋目詰難是也是故聖人之治天下不必於合亦不必於分當其分也吾能綱維之使其勢常合當其合也吾能櫛比之使其勢常分若必曰唐亡於藩鎮

瑞竹亭合稿卷下 藩鎮

空

則西漢之亡於王莽宋之亡於金元又豈藩鎮爲之乎蓋天下之勢分久則必合合久亦必分歷觀唐虞以來至於近代可指而數也若有天意存焉聖人不能違天亦不諉之於天舉賢治政持其所以分之合之者而已

彭躬菴曰古今事勢洞若觀火其舉而列之几上不啻數家珍然

卓方水曰天矯變幻鹿門所謂騎龍手也

唐藩鎮論下

者皆謂唐之亡也患在藩鎮之太强余謂唐之亡也患在藩鎮之太弱唐自肅代以至德宗河朔三鎮號爲最强繼以朱滔朱泚李希烈李懷光叛逆瓦解之勢成矣然德宗一振作旋以滅亡憲宗處置得宜跋扈者斂手戢翼武宣而後強藩雖稍稍尾大然較之周天子徒守祭器固爲勝之藩鎮之立非盛時事也然至於衰世則天子亦藉之得以延引歲月周之衰強侯爲之周之不遽亡亦強侯爲之也大牙相錯力敵勢均足以爲亂而不足以易姓其賢者固不欲廢置天下之共主其黠者亦欲假朝廷之虛聲以服其眾其獷悍者不敢犯天下之不韙使侵伐者得以爲辭是故唐室之亡唐之藩鎮之弱也天子能自立然後可以無藩鎮天子不能自立則藩鎮亦屏翰之資譬如家有悍僕數十人則主威不伸然其中有一人欲據其資長其羣則亦不可得唐之病藩鎮其初如大瘡繼如跖盤困憊極矣然其氣息纔屬未至死亡幸遇扁鵲倉公未嘗不可復活賊溫崛起仙李無根誰實爲之耶溫以碭山匹夫舍黃巢歸唐當其在

瑞竹亭合稿卷下 藩鎮

空

汴懾於黃巢困於秦宗權是渺然者豈敢有窺伺神器之念山東之藩鎮不能自立假手於溫以肆其吞噬幸而有一李克用足以相抗又徘徊於燕晉之間而不能進溫始得以爲計今日取洛孟明日取淮蔡又明日取徐泗兗鄆大河南北盡入溫版圖而其不臣之念從此興矣從來外重之勢患在尾大內重之勢患在權移固未有勢成外重而斬木揭竿之盜猶得竊發者王仙芝黃巢盜發曹濮轉戰千里無有能拒之者尙得謂唐之藩鎮強耶向使黃巢不亂則朱溫無階而起卽授之節矣而諸鎮之中有桀驁如田悅王武俊劉從諫者張目扣絃環列棋布彼亦無從兼并不必忠順如李抱真田弘正之徒然後足以制其死命唐之末季南牙北司互相仇殺而以不若赧獻者土偶臨之雖欲不亡烏可得哉但歸咎於藩鎮之太強何也夫尺寸之土皆天子之所有也天子不敢詰可謂極天下之大亂矣然至於國命旣移宗社爲墟弔古者哀其淪亡猶謂不若強藩割據之時尙足以苟全亦可悲也夫

瑞竹亭合稿卷下

藩鎮

奎

彭躬菴曰見得透說得出指陳唐事瞭如指掌  
魏勺庭曰文氣健舉

### 徐溫論

奸雄之圖人國也必以其漸威未布於國恩未洽於臣民必陽效其忠順不使君子得窺其篡奪之蹟及恩威旣立猶可以爲而不爲以貽其子孫而已若無所與曹魏司馬晉皆以是道取天下然終不若吳徐溫所爲足以欺君子之心楊行密之死也溫與嚴可求詣周隱取牒召渥渥之立皆徐溫爲謀主及渥見弑溫又身與其間乃使張顥獨任其罪而自處局外以聽顥之進退其後誅顥秉國政吳以再易主而不見有窺伺社稷之心或希溫旨有勸進者溫正色拒之楊氏之祚幾移他姓溫有再造吳室之功豈不能如莽操所爲顧終始守臣節以死雖知詰代吳後世誰得以咎溫者王子曰吾知徐溫欲自取而有所不能也傳曰惟無瑕者可以戮人身負弑君之罪反不若推戴舊君以號令藩鎮積漸旣久子孫或可幾幸而有溫起自牙將劉威陶雅李遇李簡皆心輕之廬

瑞竹亭合稿卷下

徐溫

奎



江公濠憤悒被黜溫雖斬遇以立威未有以服諸人之心也溫遠自取廬江公執大義以討賊劉威陶雅李簡皆據地以應溫不能禁也吳所有者不過淮南二十一州而威等皆外叛其何以爲國乎蓋挾王命以令國中刑賞征伐可以無所不行一旦自取無有以大服其心則環起仗名而相攻者眾矣嚴可求智略之士五代所希有爲溫私人豈不樂身佐命哉蓋知其有所不可也劉威陶雅曾入覲帥府廬江近在肘腋溫除之固亦甚易然溫利於得國尤利於得名

瑞竹亭合稿卷下

徐溫

齒

溫方欲掩其弑君之蹟豈復以無名誅藩鎮剪除宗室哉觀翟虔無禮於宮中溫卽欲斬之以謝吳主其作用蓋可見矣曹操杖殺伏后逼遷天子卒受萬世亂臣賊子之名其又徐溫之罪人也夫

魏勺庭曰筆力緊健○後世權臣若徐溫者吾最惜之此其才略與曹操劉裕相伯仲而人品遠過之

彭躬菴曰語云三代以上惟恐其好名三代以下惟恐其不好名溫品過操裕以好名之念成之也

信夫

書魏勺庭先生漢中王稱帝論後

人臣進諫於君其言有衷於理而不中事機者後世相緣其說而不知其非其君聽之則害天下之大計不聽則戮辱其身故君子必深辨其是非而不使疑似之說得以誤後之人晉史載愍帝凶問至建康羣臣爭勸進周嵩上疏曰古王者義全而後取讓成而後得今梓宮未返舊京未清宜先雪社稷大恥副四海之望則神器安適由是忤旨出爲新安太守又坐怨望抵罪夫嵩之求利國家豈後紀瞻諸人然而以爲不可者則費詩之說誤之也嵩身被譴責必且堅持其說之有本以致於怨望嗚呼不有先生之論天下後世其何以決大疑斷大事融故嘗以爲漢中王靈武諸論君子尤不可不讀者此也嵩之論與詩同而晉王於嵩視漢中王則又甚夫漢中王未嘗屢懷退讓也晉王之讓至呼私奴命駕歸瑯琊又使殿中將軍韓續徹去御座而嵩以一言得罪如此亦何爲哉

瑞竹亭合稿卷下

帝論

齒

彭躬菴曰識議精確

書表兄孝光章水行後

余聞之師曰識不高於庸眾事理不足關係天下國家之故雖有奇文可以無作竊謂詩歌亦然然後世貞夫烈婦孝子忠臣不能悉登之傳記要自不可泯滅則必歸之於詩蓋詩者史之祖得史之意乃可以讀三百篇稱詩人余表兄趙子孝光憂切時事以詩爲史讀其章水行感慨悲涼建昌兩婦其可謂之幸與前年伯兄自燕薊歸出示所作難婦竹枝詞兼述

瑞竹亭合稿卷下 帝論

矣

撫建等郡載所掠婦南下緣江抱石斷脰以死者不可數計余聞之淚盈盈下恨孝光未得一一見之並入於詩與章水行共傳則建昌二婦可謂有獨幸矣傳曰人之好善誰不如我世苟不乏孝光其人將有迫於中而不容己者雖爲冶鐵沉諸井豈終不得表見於天下也夫

彭躬菴曰悲憤淋漓引述難婦竹枝詞恰合主客相形之法

募修小南華引

今宇內太平煙火萬里非有兵革之警橫暴之征而方內墊隘貧蹙猝然不能自言其故余游覽所至見有學宮頽圯委先聖祀事於野者矣見有鬻祖廟於人而瘞主於墳者矣見有圭竇不完妄稱戶外不開者矣問之曰嘻不暇也噫何爲其不暇也當此時而尙勤浮屠之說土木資動以千百計丹漆雕牖之而且范金以像之得無有笑其誕不切於時務者乎而小南華允作上人適以修葺之說來告余舉前說應之上人曰否否凡人非有一旦之急則其受之者不感而施之者不足以爲功今使有一人焉金穀委積以其棄而無所用也執途之人而與之彼途之人方自以其所積之金穀尙爲有餘而與之者爲無名吾小南華之當修葺者久矣其口施者亦繁有徒使吾必待粟紅貫朽時而圖之則施者易爲力其真能信從與否無以別也而其大賢者或反不肯以爲不足爲有無之財爲無足輕重之施若彼之真能吝者雖粟紅貫朽猶之爲不足云爾況我小南華泉水靈異六祖之慧力在是而演宗禪師之肉身久爲人所歎

瑞竹亭合稿卷下 小南

矣



慕敬禮今以時繼而出募烏知其應之者不更有進於是者乎捨宅捐貲本奇男子度外事而安得以尋常意計較量有無也余笑曰有是哉遂書其言以爲引

彭躬菴曰前半塞斷總路後半別導旁徑卻要看主賓輕重之意方見良工心苦

### 策概引

甲辰仲冬伯兄選古今經世之文加以已所自作爲策概四卷是時功令方以論策取士未久輒罷今十

瑞竹亭合稿卷下 策概

宋

有三年矣余猶手是編不置客曰今非其時焉用此余笑不答范文正公爲秀才輒以天下爲已任諸葛公抱膝隆中天下大勢算無遺策然則君子之器量固不可不豫籌其大也今天下大治大亂之故不係於學士書生而反係於卒伍屠沽之流學士旣無武功又識略卑庸所營不出尋常尺寸之間彼卒伍屠沽安得不傲然自居我上哉且夫諸葛武侯淡泊寧靜不求聞達未意遽有三顧之主帷幄之寄託孤寄命之責也藉使昭烈卽不我用以匹夫終老南陽亦

必不弛其經綸天下之志蓋其心嘗立乎千古之上與伊尹太公較經濟而不肯區區與一世論用舍今人甫通一經封己自足天下古今之務茫乎不知輒欲出而理民治物嗚呼是猶中夜有求於幽室之中而自滅其燭也匹夫苟主家政米鹽凌雜鄙褻之事尙皆周悉而強記之而何況於天下乎天下之變日出而不窮所以處變之道古人無不身歷而親行之吾守其成謀尙常有變通之術奈何并成謀棄之束諸高閣而不觀耶是編也天官地理禮樂農工明刑治兵之數畢具日取覽之其亦幽室之燭乎世運日變人才亦日興必有不世出之才學古制事以經綸天下者則有通鑑綱目二十一史在請進是編而求之

瑞竹亭合稿卷下 策概

宋

彭躬菴曰侶薪年少嗜學才略過人觀此可知其概

魏勺庭曰篇中名論足見本領

### 自題詩賸說

自世人之重詩也於詞則餘之而已以爲是餘也而

餘之是自立於無餘之地而烏以詞爲王子曰此非詩之餘也而媵也今夫金屋椒房之中端坐而嚴厲望見容貌顏色心肅肅起敬是非嫡焉不至此然必有人焉眉語而解手示而悟便辟而巧笑而主人之意始悅是亦將問之嫡耶則媵而已矣亦卽詞而已矣是詩之後而有詞非以奪嫡之位正以暢詩之緒也而烏乎餘若第以其餘也而餘之其於詩復不端莊而嚴厲反便辟而巧笑此餘之餘者也婢學夫人得免於媵之笑者幾何矣余非能爲詞者也亦母敢

瑞竹亭合稿卷下 詩媵

三

失媵之意而已

魏勺庭曰以媵字易餘字立說有見觀此不特工於詞更工於詩

彭躬菴曰奇論亦確論

蕭孝橫字說

蕭子從溥請字於余余按戴記論孝溥之而橫乎四海因字之以孝橫而爲之說曰天下之理皆直其所以致之者則橫直情徑行之不可也記戒之矣雖一室之內家人父子之間具有經權況由此而往將責

蕭子以成人物類揉雜人情蕃變本吾之性情深之以學問體驗而推求之橫之義至大蕭子勉乎哉古今直也然聖賢之名理推之宙必推之宇東西爲廣南北爲運皆橫也天行健直也五緯日月行乎黃道者橫也經星之三垣二十八舍莫非橫也沉鐵於水可以達重淵而不可以轉方丈利錐刺物可以入無間而不可以貫左右能直而不能橫也夫孝蕭子之所優也人性直也又有家教焉欲進而不匱者其惟橫乎宗族稱孝誠不易事也而吾夫子僅以爲士之

瑞竹亭合稿卷下 字說

三

次則其當橫也可知蕭子勉乎哉

盧文子曰發古人所未發卻是古人所必然故爲奇確文字

彭躬菴曰奇而正

魏勺庭曰酷似昌黎送董邵南序

陳則象字說

樂以象德儒者無作樂之權而不可不有其象禮云趣以采齊行以肆夏皆象其德以自治也而善不善分焉彈琴者觀螳螂捕蟬而知其有殺心黃幡綽聽



明皇羯鼓而知其怒其不善者如此善者可知矣陳  
子善治壻於蕭而其字犯蕭氏廟諱於禮爲不當請  
改字於余余幼習大戴禮按樂記有云先王之爲樂  
也以法治也善則行象德矣因易之以則象云抑陳  
氏虞盾也孔子考六代之宮懸獨以舜樂爲盡善陳  
子不忘先德余又何足以知之

彭躬菴曰簡勁似荆公短篇

羅雲厚字說

司馬長卿自比蘭相如而以爲名員半千慕伍員之

瑞竹亭合稿卷下 字說

三

爲人而以爲姓其終合與否別有定論然企羨所存  
不害其爲尙友也羅子起霖年少好學一日人呼其  
字爲山濤余聞而歎之羅子誠有志乎古人不當僅  
慕巨源既慕之亦未有字其名者字其名則其人似  
不足慕乃名而字之吾不知起霖視巨源爲何如也  
羅子瞿然謝不敏請余易之余按羅子名起霖小雨  
日零大雨三日曰霖雲之積不厚則雨必不大不能  
布濩萬物旱而望雲則從其厚者生我百穀既霑  
既足而濤於山何取乎或曰是不然泰山之雲膚寸

而雨天下余謂膚寸之雲可以雨天下則其厚可知  
此泰山所以繫天下望也敬前賢之名亦厚德也因  
以雲厚字之

彭躬菴曰是昌黎小諱辨體泰山膚寸一轉尤爲  
卓論雲厚字可作數解

鷹詰

記稱仲春之月鷹化爲鳩吾觀世之畜鷹者累千百  
無有或化者豈天地之和氣與世運爲消長耶鷹以  
其搏擊之能佐人之好殺兩相入而殺機愈熾雖和

瑞竹亭合稿卷下 鷹詰

三

氣甄陶無如之何於此歎天地之窮也鷹生於野當  
其飽而嬉乘風翱翔未嘗物物而殺之也飢而後肆  
其毒爾一入於網羅爲貴人所驅使指免則搏指雉  
則擊凡蹶而走翼而飛者遂無有逃乎鷹者矣斜陽  
日暮主人臂鷹牽犬從者肩負雉兔血肉淋漓歡呼  
踴躍穿林而歸鷹之羅網如故明日集客割鮮誇遊  
獵之快無所加榮辱於鷹飼肉數片日以爲常亦未  
嘗計功加祿罰不能而節損其食也或曰鷹不能主  
人必棄之中野鷹得脫其韝索未可知是鷹之盡心

李搏以媚主人適所以繫其身也悲夫

彭躬菴曰直是痛惜之至不可認作笑罵鷹如有知當以侶薪爲知己

### 物憫

海上產鹿及野豕獵者以供餽飭然或觸其機而死或反爲所搏噬又或冒名而見殺鶴仙禽也產海上者腳綠善舞然其飛冲天網羅無所施惟伏雛蘆葦中不及戒雛輒爲人所得以市於人作耳目近玩或有爲余言者是可憫也何獨於物

### 作物憫

瑞竹亭合稿卷下

物憫

書

海上多鹿視山中產者更大善奔逸獵不能得海水苦鹹鹿不飲近海有窪地雨水注其中若陂澤味特甘夏月環澤生蘆陰翳掩蔽老鹿率其羣數數來飲叮嚀成路獵者知之以繩暗繫蘆上而縛重柴繩端復畫兩葦席作人欲執縛狀植置澤旁鹿渴一意赴水不顧也飲畢左右視則大驚起跳躍角自胥繩急不可脫曳柴狂奔柴觸蘆蔌蔌響鹿疑人追逐奔益疾響益甚驚竄益不止其柴既重不數里力竭而臥

獵者徐徐尋得紾之以練牽歸若牛羊然獵者非能得鹿也鹿自送死爾向使鹿初來見畫人則亦不飲既見能審視真偽亦不至驚跳彼固惟恐爲人所得思以一跳而脫熟知躁妄之性反以觸禍是故君子無事則詳審有事則鎮靜

豕家畜也當其仰食於人蹴之踏之不敢抗或逐之少頃復來東海上有販豕者偶遺數豕無所歸齧茅根以活久之自爲牝牡生益繁其形亦漸變長喙而牙赤睛睽睽生光見人則逸追之急則噬人有至死

瑞竹亭合稿卷下

物憫

書

者嗟乎豕家畜之至蠢者也久放逸則返之欄豈不可得形狀皆變且能傷人不知其形先變而性隨之耶抑其性先變而形隨之耶

鶴與鹿皆野物也豢之久則依人犬豕家畜也棄之中野則能搏能噬所居之地然矣然野犬豕數傳則形皆變鶴與鹿雖人家之卵而孕者羽毛角足一仍其故故知逸而出則易與亂強使歸則難爲力君子於是識馭物之微權

雲臺山在海畔當事厲海禁畫置界外一時居者跟



踏轉徙所畜犬多不暇呼使去遂爲海上野物海固有狗也然皆水居此雖野狗仍窟穴於山入藥固殊效會有索海狗者土人無以應焚林掘穴殺無算狗至死不知所坐嗚呼世之見殺者寧必有其故也哉林和靖得鶴以爲子每遊湖上有客至則鶴報之歸近世閩人郭聖僕得鹿以爲僮出門則鹿負一囊隨其後主人留客坐鹿侍立階下終日不動是故教之有法養之有素雖異類可使如人然鹿爲人得其見活者十不二三至鶴則無有不活者矣吾聞術者祀

瑞竹亭合稿卷下

物類

去

丁甲神以鹿脯而異紀載神仙事輒稱騎鶴何神仙於二物亦有厚薄也鶴清唳可聽無可觀雖無焚琴之謂肉固不堪饗餐不似鹿肉甘香載在本草以養陽見稱噫鶴之生也何幸而臘鹿也何不幸而腴

彭躬菴曰筆法謹嚴似柳子三戒

與劉野詔手簡

僕生平以朋友爲性命閱歷十餘年擇之愈難其人僅得晉伯康萬兩君人或病其過嚴然聲氣知遇別有一段默相投合處僕誠不自覺其嚴也昨見足下

於意外如見我晉伯晚來讀似有所得語彼此同然想亦不能自解子瞻寄子由詩曰與君今世爲兄弟重結來生未了因朋友相遭未始無因何可草草放過也僕賦性樸拙吟風弄月毫無所長足下僅取其質或能繼晉伯一席耳

示姪元黃元廣手簡

昨見爾輩作文輒旁置講章一冊此甚不可我幼年曾聞先輩臨場時但日涵泳四書白文百數十過及稍知執筆爲文真覺朱註猶嫌其多昔人佐天下大平只用半部論語可見聖賢開口便有許多大經濟大道學聽人發揮人識得此意自不暇尋章摘句也魏勺庭曰區區手簡亦有卓見過人處

蘿潭坑歌贈埒公族叔祖

何人哆口朱丹穀世事於今祇龜縮長安道上擁高牙巨首盡是窮途哭羨君三緘話封侯萬仞峯頭看逐鹿茅簷數椽揮塵成未假木經圖版築柴門虛掩一溪風寒泉遙挂百尺玉白雲朝暮態萬千奇幻不管驚人目有時雲開翠峯懸月滿四壁恥然燭梔子

瑞竹亭合稿卷下

手簡

去

花外春雨狂鯉魚磧邊漲新綠好夢百舌聲中同呼  
童經始播百穀猿鶴喜將山買鄰攜伴隔磴道衷曲  
長嘯一聲捫蘿行鼓吹數部振林木山山樵子盡耳  
傾競返都邑傳幽獨公子歎息耕田苦豪客爲歌山  
中樂曰苦曰樂君自知安步代車晚食肉埽地焚香  
生事忙拜石品泉日晷速青松充爨瓦竈香白水淨  
茗石鼎澳實筯筍蕨嫌過肥市逕蘭芷恨太馥兩袖  
攬得煙霞歸攜琴重過齋頭宿附耳有言細屬君勤  
禮菩提懺清福

瑞竹亭合稿卷下

蘿潭

七

彭躬菴曰埒公可謂人以文傳矣

旅中閒居賦

王子去吳山被楚雨幾遶樹而靡棲空彈鋏而罔就  
盡日閒居頓憶壯志三年有待集成司戶之文一級  
未虛久作監門之繪何意四方反側三族凋零東山  
西山豈皆蜘蛛之隱南衙北衙盡是麒麟之植嘆彼  
賤買畫龍顧我羞見井蛙讀書窗下莫解景略之心  
涉身行閒旋悟右侯之志爾乃飄輕裾曳長袖煮字  
療飢嚼文充飽雖下待穉之榻恥不欲登間乘訪戴

之舟興來忘返登韋詩於庭陰舉觴而嬉灑范書於  
午際捧腹而笑豈曰遺世相對聊垂白眼非敢絕人  
獨處不費青燈乃烹綠雪乃燒白水時對賓而列古  
說倦武信之舌或取友而論今笑破曼倩之口嗚呼  
昆吾不稔空聞雞而起舞侯景未熟且指駝而生悲  
悠悠安適棲棲奚從望彼睡鄉兮聊入希夷之室憶  
彼盤谷兮願學昌黎之友

彭躬菴曰遭遇世變牢騷不平觀此益知其抱負  
非常也

瑞竹亭合稿卷下

旅中

七

瑞竹亭合稿卷下終



跋

坤始祖諱休文籍湖廣仕南唐端明殿大學士子諱徽任吉州法曹留居泰和梅岡代列科名者俱博學好古其文集詩稿各後裔收藏頗多惟坤親支祖諱幼裕公之蘭亭集諱伯壽公之綠野堂詩稿明進士太高祖諱育仁公之瑞鵲亭文集明進士高祖諱爾康公之青原山房遺稿明舉人曾祖諱錫立公之信芳集明兵備道祖諱培喬公之宜園集山堂肆考補清舉人叔祖諱培青公之雪松亭文集暨清進士伯

瑞竹亭合稿

跋

全

父諱愈擴公先君邑庠諱愈融公之瑞竹亭合稿其板俱貯坤家後遭寅卯藩變舉家逃竄隻字無存誠恨事也至康熙五十七年間建昌布衣梁諱份先生以古文見重於本省各上憲有臬憲陳原籍泰和央請梁先生來泰查尋陳姓梁先生於寅卯之前曾與先君同遊彭魏兩先生門下以故吉郡泰邑素所熟悉到日卽訪坤家住址信宿盤桓詳述從前世好舊交見坤近況荒落淚盈盈下解囊厚贈旋出先伯先君遺稿云當日聚首時親見二人古文各數百篇所

抄錄者止此耳囑坤珍藏不可遺失坤悼傷祖上著作並無隻字茲幸得先伯先君手筆悲喜交集因思貸費付梓雖不成帙抑亦先人之精神所寄可想見其學問經濟之大概非碌碌尋常者比也乾隆元年歲次丙辰春三月上浣元坤謹跋

瑞竹亭合稿

跋

全

王節母劉孺人傳

梁 機

王節母姓劉氏廬陵之澄田人曾祖諱曰升明兵部侍郎祖諱學成明舉人父諱尊聞明兵部職方司主事節母生令門性端嚴習嫺閨儀年十八歸邑梅岡王兵備之次子文學愈融勤婦職無貴家習態能得翁姑歡心娣姒伯姊咸稱其賢甲寅藩變至丁巳亂未靖揭竿起者充斥所在恣剽掠翁挈家避石壁山中無何姑亡文學痛母之逝哀毀逾禮旣而同懷兄愈擴庚戌進士也客死滇中訃至益悲悼不自勝日

瑞竹亭合稿附錄

全

鬱鬱致成疾節母憂悸曉夕侍湯藥爲好語慰解終不釋疾益劇竟卒母大慟絕復蘇遂不食七日垂絕翁懼且憐之遣乳媼傳語曰避竄來余婦子死喪略盡傷已余老且病趨走不利無能爲所冀得養與延一綫惟恃若與若二孤耳然長元坦才數齡次元坤未免於懷今若欲以烈殉良善奈堂上膝下何節母泣拜承命乃復食當是時寇愈熾搽刮遍山谷官軍藉勦捕益爲剽石壁不可居乃走安成槎溪槎溪者故少司寇朱公世守所居節母其孫甥也居有間聞

思返故里阻干戈不達流離道路食不繼則令童

僕採苦菜佐粥食奉翁外以飼二雛并從者已或忍

飢終日又嘗倉皇與家眾相失在後遇賊至將逼之

忽猛虎起於前賊驚走虎亦隨去卒免而無恙久之

亂定返梅岡家已破黨族皆彫殘無與計者或累日

不舉火則日爲搗柱織作無晝夜以是翁甘旨不缺

而元坦嘗得就學未幾翁卒元坦亦早世節母以癸

亥孤嫠殮葬翁如禮而哭翁哭子孝慈感發浹歲猶

不絕聲聞者哀之元坤長而賢悲母劬勞親師學甚

瑞竹亭合稿附錄

全

力遂爲名諸生子若姪皆能世其業人以爲節母應

有賢裔焉會 朝廷加恩節義郡縣以其名上得邀

恩建坊如例蓋節孝之聞於通國久矣初翁止節

母之無以死殉也夙知其賢而可恃而始終孝養果

不殊文學存日嘗除夕翁寢不戒於火翁驚足疾不

能興呼家人無醒者母覺驚奔至火已然撲救煙燄

中髮爲焦而翁免節母享年已八十矣其稱未亡人

時年才二十六云

論曰甲乙之間藩亂連數歲南方寇禍烈矣以節烈



見者所在多有顧死易立孤難古人嘗重之崎嶇艱辛以養親而撫孤幼數十年無變志如節母者又何其難也乃頻危獲免一若有默相而呵護之者卒能使孤兒成立家聲載振嗟夫天於孝節固深眷哉先安人與節母同祖爲姊妹行當時欲攜幼稚亦身歷避竄之苦常爲道母賢行節概余傳其行事不勝嘆息又不禁感憶而泣然也

王母劉孺人節略序

舉人劉遜

邑梅岡王氏其南州一門節義五世甲科稱最盛矣

瑞竹亭合稿附錄

金

近以節孝邀 褒典則有劉孺人焉孺人出廬陵澧田宦族爲前工部侍郎諱曰升公曾孫女舉人諱學成公孫女兵部職方司諱尊聞公女又安城槎溪前刑部侍郎世守朱公之重甥女也以故婉婉習聞古今孝節事年十八嬪邑庠諱愈融王君恪稟內則事翁姑至敬順姑甚愛之翁兵備道諱培喬先生暨伯兄庚戌進士諱愈擴先生咸稱其賢丁巳寇起翁舉家避石壁山中姑偕伯兄亡嫂亦亡夫君亦接踵亡時孺人年纔二十有六孤元坦元坤皆幼形影堪弔

肝腸寸裂屢不欲生求相從於地下翁倩鄰婦諭以翁老子幼匪汝奚望始拭淚飲泣勉力事翁撫孤誓死靡他第孺人棲居迭被兵燹流離瑣尾靡有寧日由石壁走槎溪轉澧田凡歷若干歲始得返梅岡旣苦行囊蕭條門庭荒落復遭家眾各鳥獸散或且席捲而叛孺人悉安之惟勤紡績以一老二幼無失養且育爲慮孺人爲婦一如爲子而事舅一如事姑翁厄火捨身以援翁患病嘗藥以進承翁歡而供甘脆率十指拮据所備迨翁賓天則慟哭幾絕貸金殯殮喪葬如禮未嘗以顛沛窘迫偶衰孝念其以母道兼父道也始值倥傯莫支恆命僮僕採苦菜蕨根以佐粥食元坦稍長輒竭力經營令出就學惜不幸早世培增悲慟厥後言旋桑梓借棲祠宇室無宿春不舉火者累日歲遣元坦受業名師亦藉織紉以備館貲蓋孺人清操苦節一至斯極孺人享年八十矣子若孫同襲孝友成風不替家聲坤以縣試冠軍噪名官牘廩食二十人中坦長子鋒讀書有成次子錦克家象賢坤子鐸尤善屬文詞鋒再傳得曾孫男二鐸再

瑞竹亭合稿附錄

金

傳亦得曾孫男二行見後先濟美繼五世以中科顯  
茲逢 特恩 旌表邑士夫舉孺人行實申大吏題  
請榮邀建坊盛典於三姓諸先生均有光焉殆庶幾  
無玷節義之門也已初孺人山居聞寇倉忙奔竄幾  
爲賊執忽有虎躍而前賊見虎驚潰得脫抑復勿啖  
虎口是豈非孝義所感而然哉余兼世好戚誼耳熟  
已久特次其顛末而爲之序

王節母劉孺人八十壽序

翰林院鄭 禧吉安太守

今上御極之六年制詔天下州縣節孝建坊獎異光

瑞竹亭合稿附錄

全

表宅里以美教化以厚風俗孔優且渥余奉命蒞吉  
吉屬以節孝遞者後先繼至未易一二數泰邑王生  
元坤手其母劉孺人貞節事循例來請余披閱文牒  
見邑士耆呈詞彰潛摘芳爲詫慕者久之王生泰邑  
士夫中珍重人也孝德聿昭文行稱最司鐸者屢以  
其名優薦督學申諸大當事錄用且有日余心儀其  
沐浴世澤者深乃今知其得力母教爲尤篤王姓科  
名丕承登仕藉者迭起於前生父愈融茂學爲邑名  
諸生庚戌進士愈擴翁其世父也先澤蘊隆蔚乎遠

哉孺人出閭閻家歸於王丁年方穉遽隕所天自矢  
從一崎嶇艱難會不易念慨然代式穀箕裘令其子  
無過佚前人光慰夫志於在天可不謂賢者昔吉州  
六一先生三歲而孤太夫人鄭氏守節不渝荻教維  
勤育成大儒其文章德業炳耀宗室光垂青史卓然  
不朽者太夫人力也今觀王生落落自異將來事業  
必愜人隱母氏德教從此焉顯若孺人者殆與修母  
埒太史採風不遺里閭實行由證端昉於鄉孺人勤  
儉孝敬愛人有禮詳之同邑鄉先生傳敘美不溢也

瑞竹亭合稿附錄

全

余無容復贅節與忠合筠操弗改婦道也卽臣道也  
慈與嚴俱闡訓有成母道也卽父道也經曰立身行  
道揚名後世以顯父母爲孝之終幸際曠典邀恩表  
發親德又王生之子道也孺人婦道與臣謀母道與  
父謀自其子可徵今春秋且八十康强者身逢吉者  
子孫純嘏申錫宜未有旣邑士耆呈請旌矣更爲侑  
觴乞言於余余也解組卸事待 命吉次仰體  
聖天子優獎感心不忘表勵且嘉孺人之節王生之  
孝足美教化而厚風俗也欣然爲之敘以贈之



王節母劉孺人墓表

拔貢 鄧 森

梅岡王節母劉氏葬城南龍洲仙鵝挽水祖塋首辛  
履乙之兆於今五年矣乾隆四年己未其子遠峰以  
是秋膺歲薦欲刻石於墓言於森曰元坤早孤賴先  
妣劉孺人勞心苦志育之訓之以底成立仰荷 朝  
廷 覃恩 錫內帑鈔建坊旌節王氏所被寵榮威  
矣惟坤之所以旦夕寢食弗寧者先妣苦節孝行歷  
歷如昨不表以文恐漸即湮滅無以昭示子孫也敢  
以表請余辭弗獲按狀孺人出澧田劉氏年十八歸

瑞竹亭合稿附錄

全

兵備道培喬公之仲子文學諱愈融孝舅姑親家政  
內外稱其賢曰貴家女如是舉子二長元坦次元坤  
坤甫生而遭逆藩之變翁挈家避廬陵石壁山中居  
無幾姑嬰病死遂藁葬焉文學痛母之逝遭際喪亂  
盡傷不已已而聞同產兄庚戌進士愈擴客死古滇  
道阻干戈不得歸其骸益增忉怛慟哭悲慘遂致疾  
孺人烹粉藥石無間晝夜文學病入膏肓卒不可起  
孺人絕粒七日矢死相從卒以媼致翁命二孤靡依  
乃不果殉無如山寇漁劫漸遍山谷居石壁者咸岌

岌孺人曰吾家自竄徙以來姑死於先而嫂繼之伯  
死於滇而夫又繼之災沴於內寇逼於外嗟乎殆哉  
此地不可久留爰走安城之槎溪依舅氏朱公世守  
家焉當其僦奔走時嘗倉皇與家人相失踽踽獨  
行適遇賊將執之自度不免計惟有死不受污也忽  
而猛虎突至咆哮跳躍賊駭走且僵孺人獲免於難  
虎亦不啗人而去其不死於必死之地不可謂非天  
幸也而沿途乏食舉火維艱間得苦菜蕨根以奉翁  
飼孤而已腹常後時枵焉迨亂平歸里室廬已蕪田

瑞竹亭合稿附錄

全

園荒蕪僅奴紛紛若鳥獸散孺人借庇祠宇日勤紡  
績以供甘旨翁養賴以不缺然翁亦垂老矣某歲除  
夕阿翁寢室偶不戒於火翁病足躄不能興家人斂  
睡無寤者孺人覺奔撲烈燄黔手焦髮而翁乃免迨  
翁以天年終孺人拮据禮葬之俄而長子元坦又死  
煢煢孤嫠窮極無告幸元坤若訓力學飭行克世文  
學業郡邑屢薦其優督學大當事皆稔其賢人咸謂  
節母有後云雍正七年坤條氏節操叩當道以名上  
獲邀 賜坊 褒旌孺人之節孝上達 宸聰永垂

奕禩矣劉氏廬陵宦族科第仕宦數百年明萬曆朝  
舉進士位工部侍郎諱日升公者孺人曾王父也舉  
萬曆丙午江西鄉試仕兵部主事諱學成公者孺人  
王父也崇禎恩貢授兵部職方司主事諱尊聞公者  
孺人父也生令門嫺姆儀孺人之所自者遠矣哉子  
元坦娶朱氏坦先孺人三十四年卒朱氏年二十七  
守節茹苦元坤乾隆四年歲貢生娶南坑蕭氏孫男  
三鋒錦坦出鐸坤出鐸補邑庠生甫二十八歲後孺  
人二年卒孫婦袁氏亦以二十六守節繼祖姑之志

瑞竹亭合稿附錄

李

女二長坦出適下村吳立坊次坤出適古坪太學生  
朱璋曾孫男四清渭鋒出溥濟鐸出曾孫女一鋒出  
未字孺人卒於雍正十三年乙卯八月九日享年八  
十餘四嗚呼孺人之德不待表而見然非此無以盡  
爲子者之願故特著其事以揭於其墓之原

王竹亭先生遺詩

泰和王愈擴若先著

邑後學上田蕭敷

政蒲邨  
敬教五甫校刊

登就亭

遊觀存簡易就地立孤亭野色城頭合江聲座上聽  
清樽遲夜月遠火帶春星日日疏煙裏芳洲橘柚青  
每下蕭江棹深懷接坐歡風聲常在竹草色半侵闌  
官冷詩篇富民閒樂事寬江雲無定影醉裏幾回看  
濯樓和藥地老人韻

瑞竹亭合稿

詩

一

繞徑疑行澤觀空尙在原湖環知地僻山遠讓樓尊  
竹韻朝含笑梅香歲返魂冠纓新濯罷不負滄浪恩  
上岸亦牽舟乾坤萬里浮筆能航弱水魚豈厭清流  
襪襪尋荷補彫胡共鳥收長歌漁父去面壁幾千秋  
寄懷中公

幾度談經罷天花不著身充糧多野果入座半詩人  
一衲眠雲冷三門照月貧何方能療俗待汝轉金輪  
白社談心處相依歲暮時香殘燒柏子供缺折梅枝  
芳訊三春隔風懷五夜思萍吹何日合竹屋共吟詩



以性海公青原遺稿呈藥地師

性海爲吾祖蓮池曾折衷青原遺稿在夢白與流通

宦況浮雲影禪關明月中心天無內外笑入藥師籠

青原稿爲先生祖爾康所著夢白卽梓青原稿者姓字諱長庚有懷大行詩云看破世間無事矣前生禪習卻依然幸憐米價無酬者老飲青原石澗泉想亦耽禪悅之友大行法名廣榆母夢比邱投懷而生故有夙根而鶴林先生亦爲廣才和尚後身其父因合廣才二字以之命名後亦耽內典綽有祖風蓋嘗聞諸其族人云

過亦菴訪中公

碧水青林白社開遠公有約自能來篋中留客詩千

瑞竹亭合稿

詩

二

首花下妨僂酒一杯夢裏尋書貪佛火顛餘弄石繞

經臺狂心獨異龐家老蹴動紅塵汝莫哀

亦菴坐雨

飯擲街頭鳥不來漏痕點點上莓苔頻年作客分禪

榻一度尋芳負隴梅旅伴長因爐火密歸心怕見厯

書催風柳幾樹搖清晝戶外雲頭未埽開

首山泛湖

疏鑿當年興不孤蓮塘幾曲便成湖鳴榔歌與幽篁

轉繞岸燈穿古木疏未必浮槎能貫月無因入海且

乘桴驚心水驛旌旗滿縱我遊開別一區

人間把酒問天時似醉如狂不自知笑指三山防客

到回旋四面任風吹偕依古樹來牽纜筏得枯薪起

拾枝待乞湖歸身已老良辰好泛習家池

行行不出綠陰圍展轉難分是與非水裏欣聞魚自

老林間悔教鳥驚飛茶香清峭欺紅友夜色朦朧辨

翠微旋采菱荷堪衛體休辭玉露溼人衣

蘆花淺水問方舟笑是輕萍結伴遊路出深林星聚

散波翻短棹月沈浮如雲遠岫還疑夏叫露寒蛩已

瑞竹亭合稿

詩

三

半秋操筏雙童知興永湖干欲到且遲留

登大悲閣

遙從隔水望祇林繞遍湖隄始覺深地擬蓬瀛人學

佛天爲渲染畫稱心桃花列岸春能笑柏子盈階曉

共尋孰向輞川營別墅好同裴迪幾回吟

澄湖夜夜水明樓此樂憑誰問爽鳩客到孤亭曾放

鶴垣藏古塚不眠牛松杉厯落能千歲島嶼縱橫見

十洲我向欄邊閒指點蟬聲一派接春浮

龍頭石 在王山木琴澗

神仙只在此山中一日消閒意已同嶺學龍形行宛  
轉石扶人影立虛空峯腰結屋貪觀瀑谷口披襟恍  
馭風幾曲清溪遊未盡桃源待看落花紅

芥子石

寶山年伯讀書匡山辭 召未赴新關諸勝得此

突起恍如片雲漫成一律

閒中學道侶匡君徑闢名山日有聞嶺外齊瞻泉作  
雨峯頭忽報石如雲書藏古洞探尋慣瀑瀉懸巖挹  
注勤莫謂神仙忘世者年年控鶴入人羣

瑞竹亭合稿

詩

四

快閣次施愚山少參韻

滄波送盡古今秋倚檻看山霽色收帆影參差來斷  
岸漁歌款乃起孤洲平臨百里遙天闊長嘯一聲野  
水流捧得驪珠光滿袖虞卿頓覺失窮愁

春日遊天馬山

鳥道盤旋信步遲山腰次第弄花枝馳仙絕巘傳天  
馬漲雨怒濤吼雪獅石顯神人三尺劍松圍客子一  
枰棋前賢舊隱荒溪外植杖微吟有所思

峭壁嶙峋倚天碧頻頻屐齒擾僧眠郵傳鳥語通仙

界鉅釘山香佐客筵蟻蛭縱橫觀遠嶼龍文耀燦俯  
晴川松間坐斷浮雲起疑是丹廬九轉煙

陪躬菴先生遊西陽山途次牢固塢口占

劫後青山牢且固山僧道是陽山戶遊人倦立最高  
峯遮斷來時白雲路

右詩二十一首除春日遊天馬山二首采之廬陵  
詩存外餘悉從泰和詩徵中錄附文後成一家言  
不填卷尾者冀續有所得備載云

瑞竹亭合稿

詩

五



書後

吾邑以古文鳴者莫盛於元明間及入國朝雖代不乏人要當以梅岡王竹亭先生首屈一指考先生先世南宋時科名極盛有約齋進士致堯與文信國公講易於道體堂公嘗書履恆謙益四字以遺之其曾孫秋澗建萬丈樓貯焉明初有起予者嘗遺其子穎從先侍御子啟公學及穎卒劉槎翁尙書銘其墓而約齋五世孫道濟博學工詞賦其子伯熊復建好古樓儲經史以課子姓梁泊菴侍讀爲之記楊文貞

瑞竹亭合稿書後

一

公則記其樵雪齋其從弟子朋與訥菴尹宮允尤稱莫逆俱詳諸先達集中郡邑志因之以立傳迨嘉靖間陽岡大參鳴臣復以進士起家其從子延化刺史卽竹亭先生兄弟之高祖也據侶薪先生之子遠峯明經跋稱刺史而下五世七人人各有集不僅三進士而孝廉足爲世俗耀而其學術之所自亦於此可概見矣其後侶薪復游躬菴勺庭兩先生之門而竹亭亦以學行與易堂程山諸子互相磨礱使天假以年精進不已安知其兄弟之文不卓然與彭魏二家

並駕齊驅也獨是其集藏版經三藩之變悉爲灰燼而是編爲南豐梁質人先生所手鈔梁卽程山高足弟子授明經時距二先生之卒已四十年餘以故竹亭所作之游陶湖記載邑志中者竟未收錄其遊子瑤山記邑志暨王山遺響俱署竹亭名而是編靡入侶薪稿中至簡端魏序本爲竹亭集而作三魏集及國朝二十四家文鈔可覆按也是編乃增減其詞一若爲兄弟合稿而作者疑明經作僞欲藉以增重乃尊耳獨不思三篇俱載邑志而王山遺響爲賈山

瑞竹亭合稿書後

二

先生之子世坤所手輯得之目睹決不致悞況遺響有竹亭詩而侶薪又非不解吟詠者若果躬遊勝境諒亦忍俊不禁何竟無隻字留遺耶予嘗以是質之蕭蒲邨中翰中翰固喜表彰鄉先達凡鄉先達遺集有堪垂後而其裔力難規復者掇羅殆徧如劉恭介公之槎翁詩文正續各集蕭正固先生暨其子坦行長史孫雪厓大宗伯三世合集以及蕭宮師之尙約集曾學士之松蘿集業已次第開雕所費不貲茲聞予有是編復捐金付梓而以警校見屬且取泰和詩

徵所錄竹亭先生詩凡十九首與遊陶湖記並附卷末而魏序亦復更正俾還舊觀惟子瑤山記以手民亟欲蕝事艱於移置故辯證於茲而姑仍舊貫其他有疑難者悉檢徵引各書補遺訂譌期無遺憾務使是編與鄉先達諸集並流佈遠邇庶吾邑之聞風興起或因是而有志古文者庸詎知其不若元明間之盛耶光緒三十年歲次甲辰仲秋月邑後學龍灣王琨識

補遺

陶湖記

陶湖蕭氏別業也以其園遶陶菴故曰陶湖藥公謂此曲而瀦者以幽勝非若湖之以曠蕩稱也改曰曲許向者時際昇平得肆意於山水登臨春浮既營復於其東百步外疏鑿池沼聯而合之矣中干上人既拓亦菴復於陶菴故址創大悲閣請藥公大師卓錫焉藥公題詩閣上有更促主人編竹筏南山隨我板橋流之句中干於是編竹泛月王子以他事不果往瑞竹亭合稿卷 補遺 一  
藥公率諸公遊焉阻於雨蔽於雲遊三夕不暢而王子始暇與施君偉長晡食罷偕藥公中干五六人待月於東閣之梅墩荷香吹風榆影罩霧少焉樹間夜雲如霞皎月如箕已昇西塔之頂矣登筏鼓柁縈迴於竹柏影中月時就時避筏亦時縱時橫操筏兩童故未嘗入湖者行不尋丈輒問路得路則每轉益奇湖外諸山與筏周旋若無定向其紫翠特濃者玉華山也忽水聲出高樹上聒聒如泉鳴顧見老農踏桔槔得毋疲甚復自天吾之樂在逸彼之樂在勞亦各



適其適耳燈竿隱現處知爲長者園園中人望見筏  
來燃數炬湖干待客客迴棹至香界而登焉香界距  
亦菴咫尺逕渚則數里而遙平遠上人出茗餉客相  
與述興亡之舊事歎遊觀之不偶而譙樓漏聲已三  
響矣反自香界停橈於湖光最闊處明月正午水玉  
際天無瑕謂此湖幽而不曠終非定評微風撼樹夜  
氣欲秋中公以衣蒙頭急命回橈兩童故操筏至島  
嶼中遲遲不得返焉此湖舊爲亦菴放生池魚老不  
飛而岸上鳥鵲聞人語驚起遶樹飛鳴未免有情誰

瑞竹亭舍稿卷

補遺

二

云興盡耶湖去城闌里許聽柝聲甚厲因嘆何地無  
水何水不藏明月思攜斗酒蕩舟其間而沿岸鐵衣  
士輒以稽察非常故恫喝遊人反不若此湖之僻處  
林中猶許我輩數人縱意笑傲也耶擴生也晚不及  
追隨蕭太常於桂檝蘭漿之中猶幸得入此湖溯洄  
蒹葭見昔時手植垂楊皆已數十圍矣庸詎知清風  
水上明月松間今不猶昔耶請以質之藥公

瑞竹亭舍稿四卷

江西巡撫  
採進本

國朝王愈擴及其弟王愈融撰愈擴字若先泰和人  
康熙庚戌進士愈融字侶新終於諸生兄弟俱從  
魏禧遊愈擴文長於論古頗能曲折如志蓋其師  
授如是也愈融筆力稍弱風骨尚未老成較亞於  
其兄是集初刻燬於兵後愈融子元坤得舊本於  
建昌布衣梁份所又手錄而重刊之